



BIBL. NAZ.  
Vitt. Emanuele III.

RACCOLTA  
VILLAROSA

A

686

NAPOLI

1













Rac. v. 11. 13 686  
T. L I V I I  
HISTORIARUM ①

Libri , qui extant ,

A J. B. L. C R E V I E R ,

In Collegio Dormano - Bellovaco , Universitatis  
Parisiensis Emerito Rhetoricæ Professore  
illustrati ,

A D D I T I S I N H A C P O S T R E M A  
E D I T I O N E

Chronologiis , Rhetoricis Exercitationibus , Universæ  
Romanæ Historiæ Epitomis , XVII. Capitibus  
Livio adscriptis , nec non Variozum ,  
præsertim

J O A N N I S C L E R I C I ,

A D N O T A T I O N I B U S .

T O M U S P R I M U S



V E N E T I I S ,

C I O . I O . C C . L I .

T Y P I S . R E M O N D I N I A N I S .  
S U P E R I O R U M P E R M I S S U , A C P R I V I L E G I O .



# LECTORI BENEVOLO.



Mnes fere, qui Scriptorem aliquem in lucem omittunt, initio solent ad legentium animos alliciendos de operis pulcritudine ac praestantia multa praefari. Sed nos quid de T. Livio dicamus? quem

praterquamquod omnes probe sciunt & vivum a quibusdam ex ultima Hispania Galliaeque illustribus viris ob ejus celebritatem Roma unum conventum; & mortuum propter dicendi gravitatem majestatemque omnium doctorum hominum sermonibus celebratum; laudatum insuper habes ab J. B. L. Crevier, cujus cum recensione edimus, paulo post in ejus Praefatione, si non pro dignitate, ita certe, ut, quanti apud te esse debeant, facile intelligas. Quorsum igitur Praefatio hac? in quies. Horsum dumtaxat, ut pauca quaedam de hac nostra Editione te moneamus. Primum est, quoties in Adnotationibus Capita appellantur, Sectionem nos secutos esse Transalpinam margini adjectam, & veterem librorum numerum: alterum, quia Capita XVII. Editio postrema Patavina tam cupide Livio adscripsit, ea a nobis tamquam vicia & a Liviano scribendi genere prorsus aliena notata fuisse. Nam quis est tam indoctus, quis Latina lingua tam imperitus & Liviani stili tam inscius, qui illis in Capitibus Livium in Livio non desideret? Praclare G. J. Vossius de Historicis Latinis lib. I. cap. 19. At qui nuper tamquam Livii ge-

nuinam lib. 43. partem majorem e veteri ,  
 ut ait , Bibliotheca primus juris publici fe-  
 cit , nã ille fucum fecit auritis Midis , non  
 illis , quibus corculis esse datum est , &  
 qui norunt , quid æra lupinis distent . Ter-  
 tium , de quo te monitum volebamus , erat di-  
 ligentia & cura a nobis adhibita , ut Livius  
 non solum prodiret quam emendatissimus ,  
 collatus idcirco ubique cum plurimis optima  
 nota Editionibus , sed etiam ut quam jucun-  
 dissimus prodiret & expeditissimus . Hinc præ-  
 ter compendiarium ponderum , mensurarum ,  
 nummorumque expositionem , de quibus men-  
 tio apud Livium occurrit , non modo Capi-  
 tum Summas & locorum difficiliorum inter-  
 pretationes laudati Crevier offerimus , sed &  
 ad Decadis cujusque calcem Joannis Clerici  
 aureas animadversiones , & ad ultimum To-  
 mum , quo Rhetorica in Livium Exercitatio-  
 nes continentur , Variorum etiam Adnotatio-  
 nes adiecit ; imo ut temporum seriem &  
 annorum numerum , ad quos Livii Historia  
 conscripta est , haberes uno veluti sub adspe-  
 ctu , & nullo negotio reperire posses siquid me-  
 moria excidat , duplicem Chronologiam addi-  
 dimus cum indice locupletissimo eodemque vel  
 rebus vel ordine vel numeris absolutissimo .  
 Unum restat , ut tu contra nostros hosce la-  
 bores æquibonique facias ; facies autem haud  
 dubie , si tecum ipse etiam atque etiam repu-  
 taveris , ut tu gratissimo animo hac exceperis ,  
 ita nos diligentissime annisuros , ut aliis de-  
 inceps ita adornatis Latinis scriptoribus eden-  
 dis quam plurimum tibi totique Rei Littera-  
 riæ consulamus . Vale .



# P R Æ F A T I O IN LIVIUM

J. B. L. CREVIER.



E Livii vita juvaret aliquam multa differere, si Arr. I.  
de Vita  
Livii. sua via ad eam accuratius cognoscendam inquirentes ferret. Natura enim omnes cupimus illos celeberrimi nominis viros, quorum scripta manibus terimus, penitus pernoscere; &, quibuscum scribentibus

amice familiariterque colloquimur, iis quoque adesse domesticas res civilesve, privatas publicasve gerentibus. Sed plerisque scriptorum hoc contigit, ut dum ceterorum dicta factaque magna cura colligunt & immortalitati commendant, ipsorum, præter nomen, reliqua fere omnia interire sinerentur: malo sane exemplo, nec satis grata posteritate adversus eos quibus tantum deberet.

Hoc & Livii fatum fuit, ut fama ejus scriptaque toto Orbe notissima, vita in obscuro esset. Ex qua hæc paucula ad notitiam nostram pervenerunt: illum Patavii ortum, Pisone & Gabinio Cons. anno a. C. 58. Romæ magnam egisse ætatis partem, sed in patria denique supremum diem obiisse, anno principatus Tiberii quarto, ætatis suæ sexto & septuagesimo; filium ei fuisse, cui quadam in epistola hanc legendi brevissimam eandem sapientissimamque legem scripserat, *legendos Demosthenem atque Ciceronem: tum ita ut quisque esset Demostheni & Ciceroni simillimus*; filiam ei itidem fuisse, nuptam L. Magio rhetori, quem declamantem homines aliquandiu, non in ipsius honorem laudaveint, sed in focii tulerint; scripsisse eum, præter historias, etiam dialogos, quos non magis

philosophiæ annumerare possis, quam historiæ, & ex professo philosophiam continentes libros; eo auctore, Claudium, qui postea imperavit, ad historiam scribendam animum appulisse; denique ipsi datum esse, ut vivus gloria sua perfrueretur, Gaditanumque quemdam, ejus nomine famaue commorum, ad visendum eum ab ultimo terrarum Orbe venisse, statimque ut viderat abiisse.

Art. II. Quo tempore historias suas scripserit Livius, ex ipso opere apparet. Testatur ipse lib. I. cap. 19. bis omnino post Numæ regnum, Jani templum clausum fuisse: *semel*, inquit, *T. Manlio consule, post Punicum primum perfectum bellum: iterum, quod nostra ætati dii dederunt ut videremus, post bellum*

*Actiacum, ab Imperatore Cesare Augusto, pace terrarumque parta.* At constat ex Dione, quinto post anno iterum ab Augusto clausum esse Jani templum devictis Cantabris. Hic recte colligetur, medio tempore inter bellum Actiacum perfectum, & Jani ædem iterum ab Augusto clausam, primos Livianæ historiæ libros in lucem prodixisse.

Dubitari non potest, quin multos annos in absolvendo tantæ molis opere consumserit. Et vero cum ex epitome ultimi libri appareat memoratam fuisse eo libro Drusi mortem, quæ uno & vicesimo post Actiacum triumphum anno contigit, sequitur Livium ante id tempus ultimam suis historiis manum non imposuisse.

De numero Quot libros dederit Livius, inter doctos ambigitur. Epitomas librorum CXL. habemus: sed duas, nempe librorum CXXXVI. & CXXXVII. deperditas fuisse contendit Sigonius. Fuerint ergo vel CXL. vel CXLII. libri. Ut ut sit, magno litterarum damno, soli nunc quinque & triginta supersunt: ceteri omnes interiere, aut certe ignoti adhuc in nocte ac tenebris jacent.

Qui su- Quin etiam non universæ simul Orbi literato innotuere illæ pulcherrimi operis reliquæ. Primæ Livii editiones exeunte XV. sæculo

persunt, diversis temporibus detectæ.

ſæculo & ineunte XVI. excuſæ, exhibent tantummodo primam, tertiam, & quartam decades; quartam quidem non integram, ſed hiulcam & mutilam, quum abeſſet totus trigefimus tertius liber, & magna pars quadra-geſimi, qui finiebatur in his verbis cap. 37. *per omnia fora conciliabulaque edixerunt*. Anno MDXVIII. Magontiæ ex membranis bibliothecæ in æde ibidem maxima & Metro- politana, D. Martini appellata, addita eſt pars libri tertii & trigefimi ab his verbis cap. 17. *arctis faucibus coharens Acarnania*, & quod deerat libro quadrageſimo uſque ad finem. Annus ejuſdem ſæculi primus & tri- geſimus novo ruruſum nos proventu beavit. Tum in Helvetiis Simon Grynæus ultimos quinque libros reſertos in membranis ad mo- naſterium Lauriſſenſium, vulgo Loriſſenſe, e regione Borbetomagi trans Rhenum, per Jo- annem Frobenium publici juris fecit. Deni- que anno MDCXV. J. Horrion, ſocietatis Jeſu ſacerdos, Bambergæ dum ſingulos bi- bliothecæ publicæ codices excutit, incidit in membranas, quæ complures T. Livii libros, in his partem priorem tertii & trigefimi ad- huc deſideratam ſervabant, quem duobus poſt annis Paderbornæ vulgavit.

Hæc ad nos ex Liviana hiſtoria pervene- runt, vix quarta pars totius operis: quæ animos quidem & fructu honeſtiſſimæ vo- luptatis perfundit, & utiliſſimorum docu- mentorum bona fruge paſcit; ſed ita ut de- ſiderium quoque & luctum incendat tot amiſ- ſorum voluminum, quæ tempus edax abſum- ſit & præcedentium ætatum incuria. Nam quod aut Livium totum, aut certe magnam eorum quæ deſideramus partem, alii Con- ſtantinopoli, alii apud extremos hominum in Hiona, ſive Iona inſula ſupra Scotiam delite- ſcere jactitarunt, hæc, falſi utinam vates ſi- mus! ſomnia eſſe exiſtimamus optantium. Nec meliore nos ſpe ſolatur id quod Colo- meſius ab homine candidioris pectoris, quam feliciſſimis ingenii Capellano ſibi dictum in

*Centras  
reſcribi  
poſſe ſen-  
ſa ſpe-  
ratum.*

litteras retulit: quemdam Capellani amicum virum non illitteratum, quum pila luderet animadvertisse in ea palmula quæ sibi esset ad manum, fragmenta quorundam Livii librorum qui hodie non existent; quumque rem sibi ulterius inquirendam putasset, comperisse eas esse reliquias aliquot similium membranarum, quæ a monialibus domus Fontebaldensis pharmacopolæ cuidam donatæ, ab hoc ignaro qualis sibi thesaurus obvenisset venditæ forent operario ignobili, qui iis abusus esset ad tegendas illas palmulas quibus pila luditur. Vanis huiusmodi sine certo auctore rumoribus fidem habeat, cui placuerit scse inani spe lactare.

*De partitione operis in decades.*

Partitio operis in decades utrum a Livio sit, dubitavit Petrarcha, qui eam potius ortam esse putat a fastidiosa legentium ignavia. Idem adstruit Sigonius ex perpetuo veterum Grammaticorum, Prisciani, Diomedis, Censorini, denique auctoris epitomarum silentio, qui omnes librorum semper, numquam decadam mentionem faciunt. Frustra quidam, ut contrariam opinionem tueantur, obijciunt Livium ei ipsum videri quodammodo suffragari, dum suas vigesimo primo & trigesimo primo libris præfationes præmittit. Etenim recte observat Dujatius Livium non absimilibus velut procemiis extra decadam quoque principia identidem usum esse ad renovandam lectoris longo in opere attentionem, vel si quando scribenti major rerum ordo nasceretur, ut pater ex libri sexti ingressu, & cap. 29. lib. VII. Contendit ergo Sigonius germanam operis Liviani inscriptionem hanc fuisse: T. LIVII PATAVINI HISTORIARUM AB URBE CONDITA LIBRI CXLII. Quæ nobis opinio etsi probabilior videretur, tamen non semper abhorruimus ab decadam appellatione, quæ & usu recepta est, nec sine circuitu verborum vitari interdum poterat.

*De epitomis.*

Epitomarum, quæ in totum quartum conjectæ sunt, auctor ignoratur. Eas enim aut

Livio ipsi, aut L. illi Floro, cuius existant rerum romanarum libri quatuor, adscribi non patitur dispar ab utroque stili color. Quisquis ille fuerit, quem nosse haud sane multum interest, ejus certe breviaria, tamquam exsanguia quædam & leviter adumbrata pulcherrimi corporis simulacra, non omni prorsus cura indigna sunt; eo quidem magis, quod eorum aliqua est ad historiam, ubi Livius deficit, illustrandam utilitas.

Atque hæc sunt, quæ sive ad Livii vitam, sive ad ejus operis formam, descriptionem, casusque pertinentia, non ignorare operæ pretium sit.

Jam de ipso opere agamus, & ejus virtutes, quæ sunt eximiæ, ita subjicere conemur juvenum oculis, ut & sentiant quæ sit in eo vis boni, & totum illud, quantumcumque est, in sese ipsi assidua tractatione transfundere ament.

Art. III.  
De opere  
ris Li-  
viani  
virtuti-  
bus.

Ac primo quidem eloquentiam tanti viri laudare supervacuæ operæ sit. Quem enim non statim legentem allicit inassectata illa narrandi jucunditas, & limpidus nitor, qui & perspicuitati serviat, nec careat, ubi opus est, nervis; non inepto tumidæ orationis fastu inflatus, sed simul simplicitatis, simul munditiarum memor; qui æquabili velut filo deductus, res gestas ita naturali quodam ordine explicet paulatim & aperiat, ita exhibeat omnia locis temporibusque distincta, ita suos allinat rebus & personis colores, ut coram agi cernique, non describi res auri- busque accipi videantur? Quid dicere opus est de incredibili illa concionum ejus & orationum eloquentia, in quibus eximius scriptor nullam non expressit dicendi laudem? In iis sententiæ, tum gravitate, tum acumine commendatæ, egregio vestiuntur opimorum lectissimorumque splendore verborum. Jam pro argumentorum varietate, modo exultat audacius oratio, & grande aliquid ac sublime sonat, modo summissiore quodam & modestiore cursu, semper tamen

§. I. Li-  
vii elo-  
quentia.

cum quadam dignitate, fertur. Nihil vero mirabilius, quam quomodo versatile pariter ad omnia scriptoris ingenium, eorum omnium quos loquentes facit, senum ac juvenum, privatorum magistratumve, Romanorum & hostium, sensus, animos, habitus ita induit, ut illi ipsi non melius modo aut venustius, sed ne aptius quidem decentiusque dicere potuerint. Itaque jamdiu docti omnes magno consensu iere in Quintiliani sententiam, qui Livium esse judicat, *cum in narrando mira jucunditatis clarissimique candoris, tum in concionibus supra quam enarrari potest eloquentem.*

*Livio  
crimini  
data ora-  
tiones &  
conciones.*

Ex illis tamen orationibus crimen in cum oritur, tamquam in iis & fidem historiæ neglexerit, & excesserit modum. Nec levibus sane auctoribus hæc criminatio nititur, a Pompeio Trogo olim conjecta in Livium, & hodie quoque a doctissimis ingeniosissimisque viris renovata, & quod majus est, unanimi fere historicorum hujus ævi consensu comprobata, qui omnes ab ejusmodi concionibus, præsertim quas vocant directas, inferendis in narrationem suam abstinere.

Neque ego receptum hodie morem reprehendere ausim, quem fortasse etiam historiæ gravitati convenientiorem esse non frustra jactatur. Attamen si auctores in utramque partem, si rationum momenta diligenter perpendantur, erit sane cur Livium præpropere damnare vereamur.

*Defenditur  
Livius  
exemplis*

Si gravitate auctorum exemplorumque res judicetur, tot se patronis tuebitur Livius, quot fere apud Græcos Latinosque in historia maxime claruere scriptores, Herodoto, Thucydide, Xenophonte, Polybio, Sallustio, Tacito, Curtio. Dionysium Halicarnasenseum omitto, apud quem non immerito fortasse reprehendi possint nimis protractæ in longum orationes, quæ & fatigant lectorem, & ingratam interdum narrationi inoram injiciunt. Sed ceterorum quos modo

nominavi eadem quæ Livii causa est, Apud omnes & crebræ orationes reperiuntur, & si quando opus fuerit, longiusculæ, & omnibus dicendi virtutibus, omni cultu expositæ, si tamen Polybianas excipias, quæ tinctæ sensu comtiorum ornatum neglexere. Omnibus igitur aut laus tribuenda est, aut venia deneganda. Durum sane in tot tam illustres reos gravem fere sententiam; & in magna illa nomina, quæ omnis per tot retro secula mirata est vetustas, quæ qui carpere ausit, facilius sibi quam illis noceat, censorium stylum exercere.

Et quidem, si res ipsa inspiciatur, quid tandem deliquere summi scriptores, dum præter eam quæ debebatur, narrandarum jucunde, graviter, distincte, dilucideque rerum voluptatem, etiam alteram indebitam nobis ex luculentissimis orationibus, paravere? Fides, inquit, historiæ violatur, dum ea nobis tamquam dicta obtruduntur, quæ tamen numquam revera dicta sunt. Quasi vero cuiquam innocens ille dolus imponat, aut periculum sit, ne quis illas Livii tam diligenter elaboratas, tam severe castigatas, tantis verborum sententiarumque munditiis exultas orationes ab horridis illis primorum urbis Romæ temporum aratoribus esse existimet.

Unum excipio. Si scriptori licuit eorum quos dicentes facit referre verba, & orationes ipsas, quales pronuntiatae sunt, alicunde nancisci, nihil dubium esse potest, quin illæ totidem verbis lectori reddendæ sint, neque in earum locum ludentis ingenii fetus supponendi. Itaque non negabimus peccasse Tacitum, qui in l. XI. Ann. c. 24. Claudio Imperatori alienam & fictitiam tribuerit orationem, cum vera exstaret, cujus etiamnum fragmenta habemus. Sed si verarum copia non sit, non video sane, cur vetetur is qui historiam scribit, suas & ad excolendum animum, & ad acuendum ingenium sæpe profuturas orationes offerre lectori, cum

*Fidem  
historiæ  
non læ-  
dunt Li-  
vii ora-  
tiones.*

præsertim & in eas conjici commodè possint sapientissima quædam monita ac præcepta ex ipsis factorum visceribus nascentia, quæ tamen inter narrandum attrèxere minime decuerat; & ingenia, mores, animi ducum ac populorum propius ad naturæ veritatem exprimi; & verò causæ illæ quibus bellorum origo, & celeberrimi quique eventus continentur, atque etiam consilia ex quibus facta fluxere, liberius copiosiusque tractari. Ad hæc tot commoda illud quoque accedit, quod in iisdem, velut in amœnis quibusdam diviticulis, perpetua narratione defatigatus interdum lectoris animus suavissime conquiescit.

Id tantum cavendum est lectori, ne ex orationibus facta se sincera & incorrupta haurire possè existimet, quæ in iis majus aucta, vel extenuata verbis, ad invidiam gratiamve decurtata, depravata plerumque reperiuntur. Orationes non tamquam ex scriptoris persona accipi debent, sed ex ejus, quisquis ille est, quem scriptor loquentem facit. Ipse narrationi fidem, orationibus præstare debet eloquentiam. Si quando tamen hac libertate abuti visus est Livius, id observare in notis non negleximus.

*Historia  
modum  
non inegit  
directas  
orationes  
egrediantur,  
quam  
obliquas.*

At enim qui directas conciones operi suo inserunt, *historia modum*, id enim secundum erat, *excedunt*: id est, si rectè assequimur accusatoris mentem, ultra terminos legibus præfinitos evagantur, nec jam historicos se esse volunt, sed oratores. Id quam convenienter in Sallustio & Livio reprehendat Trogus Pompejus, ipse viderit, qui obliquas orationes historiæ suæ non dubitaverat intexere, quarum unam nobis servavit Justinus, plerisque Livianis prolixiorē, Quis enim non videat eandem plane & obliquarum, & directarum concionum esse rationem? Præclarum vero commentum! mirum artificem! qui pro *indicativis modis infinita* subjecerit, & loco *prima persona tertiam*. Eos qui nihil omnino, ac ne orationes

Justin. l.  
xxxviii.  
c. 4. &  
seq.

nes



nes quidem ipsas in historiam inferi debere contendunt, nisi ex vetustorum monimentorum fide, etsi paulo severiores sunt, aliquid tamen secutos esse video. Verum ii nos profecto ludibrio habent, qui cum directas conciones reproberent, ius sibi esse existimant obliquas, quantumlibet prolixas, in opus suum includendi. Nihil ergo videtur asserri, cur Livio suas orationes vitio ac culpæ dari debere pronuntiemus.

At circa formam loquendi elegantiamque sermonis litem ei dudum movit vir ingenio & eloquentia clarissimus, Asinius Pollio, qui in eo putabat inesse quamdam *Patavininitatem*, sive locutiones quasdam quæ Patavinum, ut ita dicam, solum saperent, nec essent quadam urbanitate coloratæ. Hoc crimen hodie, nec dilui, nec comprobari omnino posse facile crediderimus. Fieri sane potuit, ut homo Patavinus patriam plane dediscere non quiverit, & levia quædam retinuerit loquendi vitia, quæ principis inter Romanos viri teretes & religiosas aures offenderent. At nos, quibus Latina lingua peregrina est, qui eam ex libris tantummodo cognoscere possumus, quomodo tantum nobis arrogaremus, ut illos naves, qui plerorumque Romanorum oculos fortasse fallabant, deprehendere & assignare auderemus? Id sane tentaverit Dujatius, homo non ita a Latinitate instructus, ut Livianæ orationis censuram ageret. Nobis consultissimum videtur ea de re filere. Bene profecto nobiscum ageretur, qui Latinam linguam balbutire conamur, si Livii orationem cum sua quoque *Patavinitate* daretur effingere.

Nec vero eloquentia tantum claruit Livii, sed laudatur & fides, quæ prima virtus ab historiarum scriptore requiritur. Ausum esse eum vera etiam cum offensionis periculo dicere, veritatisque studiosiorem fuisse, quam gratiæ imperantis, ex eo patet quod, referente Tacito, IV. Ann. 34. ita Cn. Pompejum laudibus extulerat, ut Pompejanum eum

*De Patavinitate Livii.*

6. 2. Li-  
vii Ff-  
des.  
Graslam  
aspetan-  
ta.

Augustus appelleret. Sæpe Brutum, Cassium, Scipionem, Afranium, ut insignes viros nominaverat. Neque id, eodem teste Tacito, amicitiae ipsius cum Augusto officit: quod quidem dubito utrum patientissimis Principis auribus, an scribentis libertati fuerit honorificentius.

Sed & in iis quæ hodie supersunt, nulla apparet assentationis erga eum qui rerum potiretur suspicio. Semel aut iterum in totis quinque & triginta libris Augustum appellat: sed ipsa re poscente, sed breviter & cursum, modicis cum laudibus & veris. Libro primo, cap. 19. templum Jani, occasione data, memorat ab eo clausum fuisse: quo cum Augustus magnopere gloriareretur, ipse tamen rem uno verbo tangit, gratulatus tantum ætati suæ raram felicitatem. Rursus, ubi de spoliis opimis. Cossi dislerit, l. IV. c. 20. testem allegat *Augustum Casarem*, *templorum omnium*, inquit, *conditorem*, *aut restitutorem*: quod quam vere, quam non ambiziose dictum sit, testimonio est illa ipsius Augusti notissima vox: *marmoream se relinquere urbem, quam lateritiam accepisset*. Jam vero in narranda insigni illa de Asdrubale victoria quam Livius & Nero. reportavere, quam bella sese scriptori nostro materies offerebat demerendæ Livie Augusti uxoris, quæ ad alterum e victoribus originem referebat, in alterius domum fuerat adoptata! quam facile ibi sese jactare poterat adulatio! Livius rem quidem ipsam ornatè, ut par erat, magnificeq; describit: in victores ipsos plena manu laudes cumulat: de eorum posteris, de Livia, Tiberio, Druso, ne verbum quidem.

*Amor in  
patriam  
labefacta*

Ceterum fateri cogimur Livii fidem, quæ adversus gratiam potentiorum inconcussa stetit, amore patriæ aliquoties fuisse labefactam. Cujus quidem culpæ, ab honestissima sane causa profectæ, sed culpæ tamen, non auderemus tantum virum insimulare, nisi res clara omnino foret, & plurimis manifestisque argumentis teneretur. Liccat nobis remitt-

mittere Lectorem ad ea quæ in Præfatione ad majorem nostram Livii editionem super hoc negotio disputavimus.

Quod si in iis etiam quæ peccat identidem Livius, amor tamen virtutis eminet, ita ut ab æquis iudicibus laus ei cum reprehensione conjuncta debeat; quantus illius gloriæ splendor est, ubi sincerus nitet, nec ulla erroris macula deformatus! Ubique spirat apud eum curæ commendandæ honestatis: suam ille ubique virtuti laudem, suam vitio reddit ignominiam; neque nudam ac jejunam dictorum factorumque proponit seriem legentibus, sed iis instructam judiciis ac præceptis, quæ ad omnem vitæ officique rationem egregia possint esse documenta?

S. J. Lia-  
vus re-  
sti hone-  
stique  
amans.

Ac primo quidem pietatem in numina quæ apud suos colebantur, & quamdam religionis patriæ reverentiam ubique proficitur: infelix, qui temporum vitio & communis exempli imperiosa lege abreptus futilem religionis umbram pro re amplecteretur; laudandus, qui umbram retineret tamen, seseque multum ab infanientis sapientiæ audacia & temeritate sejungeret, quæ bellum falsis indictum diis cum vero gerebat, & dum impios vulgi circa divina profigaret errores, ipsam tollebat divinam vim, eademque opera maximum justitiæ & societatis humanæ vinculum dissolvebat. Sacrilegam hanc, quæ suo ævo Romæ vigeat, opinionum licentiam, non semel increpat, & cum intimi doloris sensu deflet Livius. Quam gravis, quantæ severitatis & sanctimonix plena est hæc quæ lib. III. cap. 20. occurrit novæ illius impietatis castigatio! *Nondum hac, quæ nunc tenet seculum, negligentia deum venerat: nec interpretando sibi quisque jusjurandum & leges aptas faciebat, sed suos potius mores ad ea accommodabat.* Et alibi, (X. 40.) de juvene eo qui consulem monendum sibi esse existimabat pullarium auspicia e mentitum esse, juvenis, inquit, ante doctrinam deos spernentem natus. Sed quid plura opus est? Qui sedulo per-

Pietas  
res in  
numina.

perpenderit, quonam modo Livius, si quid pie in deos factum est, id commemoret & prædicet; contra, si in aliquo contemptor religionis animus appareat, quam is invidiose describebatur, & in odium vocetur, facile animadverteret prioribus illis exemplis nostrum maximopere delectatum esse, hæc vere & ex animo detestatum. Sufficiat hic indicare lectori capp. 40. & 46. lib. V. ubi de Albinio, & Fabio Dorfone agit, & initio lib. XXII. ubi de consule Flaminio.

*Immerito  
ei obijci-  
tur super-  
stitio.*

Neque vero crediderimus, id quod multi Livio objecere, illam quam in eo laudamus cælestis numinis reverentiam, in anilem superstitionem degenerasse. Huic criminationi maxime ansam præbuere prodigia illa, quæ plurima in singulos fere annos colligit, partim incredibilia & omnino vana, partim ab imperitis hominibus falso habita pro mon-

*Livii de  
prodigiis  
judicia.*

stris, cum tamen nihil in iis esset, quod non ex vi ipsa rerum & naturæ legibus fluere. Sed non recte judicant de Livio, qui hæc omnia ab eo aut pro veris memorata, aut in religionem versa esse existimant. Ipse se multis locis defendit: ut cum lib. XXI. cap. 62. prodigiorum enarrationem sic orditur: *Roma, aut circa urbem multa ea hieme prodigia facta, aut (quod evenire solet motis semel in religionem animis) multa nuntiata & temere credita sunt.* Rursus lib. XXVII. c. 23. *Cum is (adeo minimis etiam rebus prava religio inserit deos) mures in ade Jovis aurum rosisse nuntiatum est.* Ubi etsi rei prorsus incredibili fidem potius derogare debuerat, absurdæ certe superstitionis crimen a se repellit. Sed nusquam suum de his rebus iudicium aut apertius, aut fufius explicat, quam lib. XLIII. c. 13. *Non sum nescius, inquit, ab eadem negligentia qua nihil deos portendere vulgo nunc credant, neque nuntiari admodum ulla prodigia in publicum, neque in annales referri. Ceterum & mihi vetustas res scribenti nescio quo pacto antiquus sit animus: & quadam religio est, qua illi prudentissimi viri publi-*

publice suscipienda censuerint, ea pro indignis habere quæ in meos annales referam. Ex his profecto patet plura eum, quod Curtius de se testatur, transcribere, quam credere, & sola antiquitatis veneratione adductum ea in annales suos retulisse, quæ etsi futilia esse intelligeret, illis tamen prudentissimis viris gravissima visa esse, &, tamquam missa a diis, publice suscepta meminerat.

Quin etiam illud affirmare non dubitabimus, pertinuisse ad historiæ fidem, ut prodigia illa, quemadmodum in publicis monumentis tradita reperiebat, ita ad nos scripto transmitteret. Quis negaverit historiæ cuiuslibet populi non pœnitendam esse partem eam quæ ad ejus sacra ritusque religiosos & cultum numinis spectet? Quem nostrum non juvat nosse, quantopere mentes priscorum illorum Romanorum occæcaret stolidi, & multum, irridendane dicam, an desenda, circa divina superstitio & credulitas? Quæ cognitio tantum abest ut veræ religioni officiat, ut contra hoc quoque nomine gratias Deo immortales & habere, & agere debeamus, quod nos veteribus illis neque prudentiores neque ingeniosiores, a tam supinis tamque exitiâlibus erroribus, per divinam Evangelii lucem liberaverit. Non continuo igitur, si Livius perabsurda prodigia memoriæ mandavit, id ei in crimine ponendum, aut nota superstitionis injungenda est: ac proinde nihil jam obstat quominus eum multum amemus de sua in eos quos solos colere didicerat deos pietate. Multum ergo ab eo absumus, ut Gregorio Magno, acris ingenii, & eruditi in Religionem Christianam studii Pontifici, tam lævam fuisse mentem putemus, ut, quod legitur in Antonini Summa, ob illam prodigiorum commemorationem infensus Livio, quoscumque nancisci potuisset ejus libros igni traderet. Id nec libet credere, & licet, ubi rei tam absurdæ tanto posterior ætate testis unus citari potest.

Sed & ceterarum virtutum, justitiæ, abstinen-

*Livius  
ex histo-  
riæ fide  
prodigia  
narrare  
debet.*

*Livius  
virtutum*

omnium  
præro &  
hortator.

nentiae, comitatis, munificentiae, castimoniae, amoris in patriam, summa ubique apud eum elucet admittatio, quæ in earum æmulationem ipsum quoque lectorem rapit. In re manifestissima non operæ est diutius immorari. Sed tamen quis non ardore quodam caritatis in patriam succendi se sentiat? sive audit (IX. 4.) Lentulum consules ad Caudium hortantem, ut communem salutem non morte tantum, sed & ignominia sua beneficentiam putent; sive hanc (XXVI. 36.) velut ex oraculo missam vocem excipit: *Res publica incolumis & privatae res facile salvas praestat. Publica prodendo tua nequiquam serves*. Quem non ad temperantiam contentumque voluptatum incitet & inflammet Scipio ille, qui dum Massaniis intempestivum & præcipitem in Sophonisbam amorem castigat, (XXX. 14.) non dubitat, & juvenis, & victor, omnibus triumphis anteferre frenatarum libidinum decus?

Quod si a vitiis quoque dehortantur aliena opprobria, Tarquinii superbiam & crudelitatem, Appii decemviri libidinem & impotentiam, Manlii Capitolini spes ambitiosas & seditiosa consilia, Flamini Varronisque temeritatem iis coloribus depingit Livius, ut tantam scditatem nemo non laudis cupidus exhorrescat. Sic ergo ex ejus opere hic colligitur fructus, quem ipse ex historia aberrimum utilissimumque capi posse existimavit. Sic *omnis exempli documenta in illustri posita monumento intueri datur. Inde tibi tuaque reipublica quod imitere capias; inde scdum incæptu, scdum exitu, quod vites*.

Livii bi. Fremant philosophi licet: audacter profitebimur animi nostri sententiam. Omnes illorum disputationes una nobis videtur Livii historia, si quis & honesti amore sibi pectus imbuere velit, & salubri quodam antidoto adversus vitiorum contagia muniri, sive auctoritatis pondere, sive utilitatis ubertate superare. Quicquid apud illos præceptis adstrui-

storia ad  
mores in  
forman-  
dos uti-  
lior, quam  
omnes phi-  
losopho-  
rum dispu-  
tationes.

struitur, hic firmatum videmus exemplis. Illi callam sæpe & vacuam fingunt animo virtutis imaginem: hic ipsa sese virtus præsentem sistit ob oculos, & vivam quodammodo ac spirantem exhibet. Illorum suspecta interdum est oriosa loquacitas: hic nos frangit auctoritas ineluctabilis onustorum triumphis ducum, & maximi post hominum memoriam imperii conditorum. Denique illorum præceptiones non modo aridae ac jejunæ nihil habent lenocinii, nihil voluptatis, sed etiam ipsa præcipiendi professione absterrent ac fugant indociles plerumque hominum animos: Livius & omni eloquentiæ cultu salutaria monita vestit & exornat, & ita præcipit ut prorsus lateat præcipiendi voluntas. Nullum in eo magisterii supercilium; nulla doctoris persona: fallique disciplina virtutis ante insinuata mentibus, quam ipsi qui discunt doceri sese intelligant.

Hoc artificium callide deprehendit vir excellenti multa humanitate ingenii Corbinellus, qui sententias e Livio collectas contulit in libellum, editum Parisiis anno 1694. In monito quod huic libello præfixum est, observat editor, mirum quibusdam fortasse videri posse, quod qui tam non sententiose scripserit Livius, tam multas ex suo opere excerpendas sententias præbuerit. Sed nempe egregius dicendi artifex, non, Polybiana simplicitate, tamquam purpureos pannos, narrationi sententias assuit. Longe illi major est venustatis & æquabilitatis in scribendo cura. Dat itaque operam, ne, quod postea Petronius monuit, *sententia emaneant extra corpus orationis expressa, sed intexto vestibus colore mteant.*

Jam igitur æquam de Livio videmur ferre posse sententiam. Tres præcipuæ sunt historiæ dotes, ut vera, ut jucunda, ut utilis sit. Atque adeo tria sunt historici officia, ut res gestas cum fide repræsentet, ut iis tractandis eloquentiam adhibeat, ut hausta ex iisdem morum informandorum monita & præcepta

*Judicium  
de Livio  
historia.*

narrationi inspergat. Duo ita præstitit Livius, ut si minus ceteris omnibus dicendus est præripuisse palmam, certe nulli secundus haberi possit: ac si historiarum scriptori sufficeret utile dulci miscere, frustra quicquam perfectius quæreretur. In fide paulum claudicavit, & humani aliquid passus est, sed ita ut culpam causa culpæ elevare plerumque videatur.

De Livii  
meritis  
conjectu-  
ra.

Jam si ab opere ad mores ejus judicium transferamus, & eos ex scriptis æstimemus, ut fere solent ii qui scribunt aliquid, animi sui effigiem etiam aliud agendo in libris suis exprimere, dubitare non possumus, quin candidissimum ei pectus fuerit amantissimumque virtutis. Eam ille ubique tantis laudibus, tam ab omni fuco & mendacii larva alienis extollit, ut intra otiosam ejus admirationem minime stetisse videatur. Scias eum qui virtutem in ceteris eximie laudet, in se quoque amare.





## COMPENDIARIA EXPOSITIO

*Ponderum, pecuniarum, mensurarum, de quibus mentio apud LIVIUM occurrit.*

**L**ibra Romana erat duodecim unciarum, quas in libra Parisiensi numeramus se-  
decim. De Ponderibus.  
Libra.

Sed uncia Romana aliquantum superabat pondere unciam nostratam, & potest cenferi granis 600. qualia 576. uncia Parisiensis continet. Uncia.

Itaque uncia Romana 12. æquabant pondere uncias Parisienses 12.

Ac proinde libra Romana se habet ad libram Parisiensem, ut 12.  $\frac{1}{2}$  ad 16.

As est ipsa libra Romana. As.

Partes assis sunt,

Deunx, undecim uncia.

Dextans, decem.

Dodrans, novem.

Bes, octo.

Septunx, septem.

Semis, sex.

Quincunx, quinque.

Triens, quatuor.

Quadrans, tres.

Sextans, duo.

Uncia.

Denarii centum in libram argenti imparta-  
ri solebant. Denarii.

Distingui debent sestertius & sestertium.

Sestertius nummus fuit argenteus, quarta  
pars denarii. Libra ergo argenti Romana  
censenda est quadringentis sestertiis nummis. Sestertius.

Sestertium nummus non fuit, sed summa  
quædam ad conficiendas commodius rationes  
excogitata; quæ quidem summa par erat mil-  
le sestertiis nummis, sive ducentis quinquaginta  
denariis; sive denique duabus libris Ro-  
manis argenti cum dimidia. Sestertium.

Por-

# XXIV DE PONDERIBUS;

*Pondera Græca* Pondera Græca usitatissima, sunt drachmæ, mina, talentum. Drachma Attica ubique in veterum monumentis censetur par denario Romano. Sed centum drachmæ erant in mina Attica. Itaque minam Atticam parem facere debemus libræ Romanæ. Talentum Atticum sexaginta minarum erat, ac proinde par sexaginta libris Romanis.

*De Pecunia.* Jam ad pecuniam transeamus, eamq; , qualis stante republica fuit, perpendamus. Inferiora tempora nihil ad præsentem disputationem pertinent.

Pecunia triplicis generis apud Romanos fuit, ærea, argentea, aurea.

*Æs rude.* Primus Romæ signavit æs Servius Tullius. Antea rudi ære, id est, massis quibusdam æreis, non signatis, non unius formæ, non certæ figuræ, utebantur. Assēs a Servio signati fuere librales, & hoc initio fuit illud æs grave, de quo toties apud veteres scriptores mentio occurrit, quod appendi, non annumerari solebat. Signatum est nota *pecuniam*, bove, vel ove, vel sue, unde *pecunia* appellata. Percussi quoque sunt semissēs, & trientes, & quadrantes, ejus ponderis quod nomine ipso indicatur. Hac sola pecunia usi sunt Romani ad Q. sive C. Fabium, Q. Ogulnium consules; quinque annis ante primum Punicum bellum.

*Argentum signatum Romæ.* Tum devicto Pyrrho & Tarentinis, quum Romani totam jam Italiam imperio amplecterentur, auctis successu rerum opibus, argentum signari cœptum, denarii, quinarii, sestertii; & placuit denarium pro decem libris æris, sive assibus libralibus, ambulare; quinarium, qui postea & Victoriatus dictus est, pro quinque; sestertium pro dupondio, sive duobus assibus, & semisse: quod & ipsa nomina testantur. Hinc apparet quanta primis illis temporibus argenti raritas Romæ, & quam immane pretium fuerit. Quum enim centum denarii, ut supra diximus, in libram argenti imputarentur, denarius autem decem libris æris æquipararetur, sequitur singulas argens

argenti libras millenis æris libris primo æstimatas fuisse.

*Una libræ argenti par mille libris æris.*

Sed non ita multo post mutata res est, & pretium æris auctum, non tam affluentibus divitiis, quam urgente inopia. Bello enim Punico primo, quum impensis respublica non sufficeret, institutum ut asses sextantario pondere ferirentur, manente levioribus his assibus eodem pretio, quod liberalibus fuerat. Mutato æræ monetæ pondere, mutata nota est. Nota æris tum fuit ex altera parte Janus geminus, ex altera rostrum navis: in triente vero & quadrante, ratis, unde & rati interdum dicti sunt.

*Asses sextantarii.*

Postea Annibale urgente, Q. Fabio Maximo dictatore, asses unciales facti: sed mutata est eorum ad argentum proportio; placuitque denarium sedecim assibus permutari, quinarium octonis, sestertium quaternis. Postremo asses semunciales facti, quo tempore, quo ferente legem, incertum: sed hoc constat, servatam esse tunc eandem quæ a bello Punico secundo invaluerat horum ad argentum rationem.

*Asses unciales.*

*Asses semunciales.*

Nota argenti fuere bigæ atque quadrigæ; & inde bigati quadrigatique dicti.

Aureus nummus post annum secundum & sexagesimum Romæ percussus est, quam argenteus, id est, bello Punico secundo, C. Claudio Nerone, M. Livio II. consulibus: tumque auri proportionem ad argentum quindecuplam fuisse ex Plinio colligitur: sed brevi decupla effecta est ex imitatione Græcorum.

*Aureus nummus secundo bello Punico signatus.*

*Auri ad argentum proportio quindecupla primo, brevi postea decupla.*

Aureus nummus unius generis, unius formæ apud Romanos fuisse videtur. Quadraginta nummi signabantur ex auri libris: unde sequitur aureum nummum duum denariorum & quinarium pondus æquasse. Atque hoc quidem perbene convenit cum perpetua auri Romani æstimatione, quem veteres magno consensu viginti quinque denariis argenteis valuisse testantur. Si enim servetur decupla auri ad argentum proportio, duo denarii & semis

*Aureus Romanus valuit 25 denarii.*

XXVI DE PONDERIBUS;

semis ex auro pares sunt viginti. quinque denariis ex argento. Talis ergo fuit aureus Romanus.

*Aureus  
Atticus  
duarum  
drachma-  
rum.*

Aureus Atticus minor Romano fuit, & duarum tantum drachmarum pondus æquabat. Hic vocabatur simpliciter χρυσός. Fuere & drachmales aurei, qui ἡμίχρυτοι nomina-

*Compara-  
tio anti-  
quorum  
nummo-  
rum cum  
nostris.*

Cognito antiquorum nummorum pondere, & eorum inter se ratione, eos cum nostris comparare nihil negotii est, si quis illos libellis ac solidis Turonensibus, siue ponderibus nostratibus æstimare velit. Nobis placuit magis ponderum ratio, quæ & omnem ambiguitatem effugit, nec umquam apud nos

*Antum  
argentum  
que ad  
ponderum  
Parisien-  
sum ra-  
tionem  
exigimus.  
Æt non  
debet æ-  
stimari  
ex ponde-  
re.*

variat. Igitur, quæcumque auri argente, siue facti aut infecti, siue signati summa in Livio occurrit, eam marcis seu selibris unciis, &c. Parisiensibus æstimavimus.

*Sed in ære alia nobis in-  
eunda ratio erat,  
ne in eundem errorem incurreremus, qui  
Dujatio fraudi fuit. Quum enim æs apud  
Romanos longe vilius esset quam apud nos,  
ut pater ex eo quod, ubi primum moneta  
ex argento cudi cœpta est, singulæ argenti  
libræ millenas æris libras pretio æquarent,  
asses Romanorum librales in libras æris no-  
strates redacti, quod a Dujatio factum est,  
fallaci nobis specie divitiarum imponerent,  
& haberentur a nobis pro longe majore sum-  
ma, quam quanti a Romanis illi taxaban-  
tur. Itaque faciendum visum est, ut æs non  
in se, sed habita argenti ratione æstimare-  
mus; &, quod ei ad argentum collato pre-  
tium Romani statuerant, id in marcis, un-  
ciis, &c. argenti Parisiensibus redderemus.*

Sed in ære alia nobis ineunda ratio erat, ne in eundem errorem incurreremus, qui Dujatio fraudi fuit. Quum enim æs apud Romanos longe vilius esset quam apud nos, ut pater ex eo quod, ubi primum moneta ex argento cudi cœpta est, singulæ argenti libræ millenas æris libras pretio æquarent, asses Romanorum librales in libras æris nostrates redacti, quod a Dujatio factum est, fallaci nobis specie divitiarum imponerent, & haberentur a nobis pro longe majore summa, quam quanti a Romanis illi taxabantur. Itaque faciendum visum est, ut æs non in se, sed habita argenti ratione æstimaremus; &, quod ei ad argentum collato pretium Romani statuerant, id in marcis, unciis, &c. argenti Parisiensibus redderemus.

*Sed habi-  
ta argen-  
ti ratione.*

Hic operæ pretium esse ducimus tabulam exhibere indicem ponderum nummorumque maxime usitatorum apud veteres cum ponderibus nostratibus collatorum. Fuere ergo nobis

*Indiculus  
ponderum  
nummo-  
rumque  
veterum  
ex nostris  
ponderi-  
bus æsti-  
matorum.*

Libra Romana & mina Attica, unciarum Parisiensium 12.  $\frac{1}{2}$ .

Un-

Uncia Romana, granorum 600.

Denarius, granorum 72.

Drachma par censetur denario.

Quinarus, granorum 36.

Sestertius, granorum 18.

Sestertium, sive mille nummum, marcarum argenti 3. unciarum 7. granorum 144.

Talentum Atticum, marcarum argenti 93. unciarum 6.

As, quamdiu deni denarium, bini cum semisse sestertium conficiebant, æstimatus a nobis est gravis argenti  $7 \frac{1}{2}$  : posteaquam fenideni in denarium, quaterni in sestertium coniecti sunt, gravis argenti 4.  $\frac{1}{2}$ .

Æs grave ad asses referri constat. Sed quoniam pretio illud finiendum sit, hoc vero ad liquidum perducere haud facilis aut perfectoris operæ est. Rem non indiligenter expendimus in Appendice de Ære gravi, ex qua hæc paucula excerptimus.

1. Æris gravis appellatio tum nata est, quum asses imminuti sunt, ut nempe grave æs opponeretur huic recenti leviori. Antea enim quum unius generis æs esset, nempe asses librales, minime necesse erat illud aliquo velut cognomine insigniri.

2. Assibus sextantariis factis, quum maneret eadem horum assium, quæ liberalium fuerat ad argentum ratio, decem asses, sive decem æris, & decem æris gravis, eodem pretio censebantur, & pariter denarium designabant: & appellatio æris gravis, recens inventa, tunc tantum usurpabatur, si quando sermo esset de veteribus assibus liberalibus.

3. Assibus uncialibus factis, & mutata assium ad denarium ratione, Romani, retentissima patriorum institutorum civitas, servasse videntur antiquam pecuniarum æstimationem rationem, in iis certe, quæ publice fierent, ut in æstimando civium censu, in muneribus donisque senatusconsulto decretis in colligenda ratione pecuniæ quæ in

trium.

# XXVIII DE PONDERIBUS;

triumphis ferretur, &c. Igitur, quum tunc in usu communi sedecim æris in denarium imputarentur, in publicis rationibus obtinuit decem æris semper pro denario haberi, sed addito, vitandæ ambiguitatis causa, cognomento *gravis*. Tumque æs grave non fuit nummus, non pondus quoddam verum æris, sed merum nomen, mera appellatio; quemadmodum apud nos *denier*, *pistole*, *livre Toirnois*, quibus nominibus utimur in concipiendis pecuniarum rationibus, licet nullus eis examussum æreus, argenteus, aureusve nummus respondeat.

**De Mensuris.** Superest ut aliquid de mensuris longis & cavis breviter differamus. Initium hic a pede, quemadmodum in ponderibus a libra, faciendum videtur.

*Pes Romanus unum decem fere pollicum Paris.* Pes Romanus Capitolinus ab diligentissimis talium rerum indagatoribus, sed & Mathematicarum disciplinarum peritissimis viris, Picardo & Auzutio, magna cum cura observatus, inventus est partes habere 653. vel

653.  $\frac{1}{2}$  quales pes noster Parisiensis habet 720: ac proinde non totos habere undecim pollices Parisienses, quamvis ab iis parum absit, nempe paulo plus una decima pollicis parte. Hoc discrimen inter Romanum nostratensemque pedes haud sane parvum est. Tamen pedem Romanum, & ejus partes, & omnino mensuras longas, præter stadium & milliære, ad nostri pedis regii modum revocare in notis negleximus, propterea quod nec tanti esse visum est, & res facillima.

Sed operæ pretium est nosse quam rationem haberent ad pedem ceteræ antiquorum mensuræ.

*Pedis Romanus par-* Pes Romanus dividitur in quatuor palmos, duodecim pollices, digitos sedecim.

*ms.* Cubitus, in duas spithamas, sex palmos, decem & octo pollices, quatuor & viginti digitos. Itaque cubitus par erat sesquipedi.

*par ses-* Jugerum actus duos quadratos continebat, quorum quilibet centum & viginti pedes qua-

qua-

quaverfum habebat. Itaque jugerum patebat ducentos quadraginta in longum pedes, in latum centum & viginti.

Stadium, mensura Græca, erat centum viginti quinque passuum, quorum quilibet quinque pedibus censebatur.

Milliare Romanum par erat octo stadiis. *Milliare.*

Hinc facile est stadia & milliaria ad leucarum nostrarum communium rationem exigere. Leuca, quales viginti quinque graduum unum meridiani terrestres explent, habet hexapedas 2282. Stadia igitur duo ferme & viginti, duo milliaria & septingenti quinquaginta passus, leucam conficerent, si pes Romanus pedi nostro par esset. Sed si discriminis quod inter utrumque interest, ratio habeatur, stadia fere quatuor & viginti, tria milliaria in leucam imputanda erunt.

Quod spectat ad mensuras cavas, eas omnes quæ in Livio identidem appellantur, ad nostrarum rationem exigere necessarium duximus.

Amphora, sive quadrantal, erat ipse pes cubicus Romanus. Sed quum in pede Romano undecim fere sint pollices Parisienses, (decimam pollicis partem, quæ abest pedi Romano, negligimus) pes cubicus Romanus solos habebat pollices cubicos mille trecentos triginta unum, quales habet mille septingentos viginti octo pes noster cubicus. Itaque pes cubicus Romanus est ad pedem cubicum nostratem, ut  $3 \frac{1}{12}$  ad 4. five ut 37. ad 48.

Urnæ duæ amphoram complent.

Modius apud Romanos pedis sui cubici tertia pars erat, quemadmodum apud nos, nostri. Itaque eadem est inter modios Romanum & nostratem, quæ inter pedes cubicos Romanum & Parisiensem ratio.

Congius est semipes Romanus cubicus, octava pars amphoræ. Sed quum congrus ad metienda liquida adhiberetur, æstimabimus eum, ut ceteras infra ipsum mensuras, in iis mensuris quas vocamus pintas, & earum par-

*Amphora per cubi. int. Romanus.*

*Urnæ di-  
midia  
pars am-  
phoræ.  
Modius  
tercia  
pars.*

*Congius  
semipes  
cubicus.*

# XXX DE PONDERIBUS;

partibus. Itaque congius centum uncias Romanas pondo vini capiebat, quibus pares sunt  $104 \frac{1}{6}$  uncia Parisienses, sive librae sex, unciae octo, cum una sexta unciae parte. At vini vel aquae *pinta* (sic enim loqui necesse est, si verborum circuitus, & ambages vitare volumus) æquat duas libras pondere. Itaque congius capiebat tres vini vel aquae *pintas*, & paulo amplius quartam *pinta* partem.

*Sextarius.* Sextarius, sexta pars congi, sexdecim uncias Romanas vini pondo cum quinque drachmis & una tertia drachmæ parte capiebat, libram Parisiensem cum uncia & semisse, ac proinde major erat ea mensura quam vocamus *chopine*.

*Hemina.* Hemina, pars dimidia erat sextarii, ac proinde superabat eam mensuram quæ apud nos dicitur *demi-septier*.

*Quartarius.* Quartarius, quarta pars sextarii, non multum excedebat eum modulum, quem dicimus *poisson*.

*Medimnum.* E mensuris cavis apud Græcos usitatis, solius medimni apud Livium fit mentio, quod duabus amphoris sive sex modis par erat.

Addemus hic & tres alias mensuras cavae Græcas, quarum, etsi non in Livio, at in Historia certe Romana interdum nomina occurrunt.

*Cadus.* Cadus est Græca amphora, continens urnas tres, ac proinde tertia parte superans amphoram Romanam.

*Cotyla.* Cotyla par Heminae.

*Chœnix.* Chœnix quater cotylam continet, ac proinde æquat tertiam congi partem, octavam modii Romani.



# FRAGMENTA DUO LIVII de Cicerone.

*Ex Seneca patre, Suasoria sexta.*

**M**. Cicero, sub adventum Triumvirorum  
cesserat urbe, pro certo habens id  
quod erat, non magis Antonio eripi se,  
quam Cæsari Cassium & Brutum, posse.  
Primo in Tusculanum fugit, inde transver-  
sis itineribus in Formianum, ut ab Caieta  
navim conscensurus, proficiscitur. Unde ali-  
quoties in altum provectum, quum modo  
venti adversi retulissent, modo ipse jactatio-  
nem navis, cæco volvente fluctu, pati non  
posset, tandem eum & fugæ & vi-  
ræ cepit: regressusque ad superiorem villam,  
quæ paulo plus mille passibus a mari abest,  
*Moriar, inquit, in patria sæpe servata.* Sa-  
tis constat servos fortiter fideliterque para-  
tos fuisse ad dimicandum: ipsum deponi le-  
cticam, & quietos pati, quod fors iniqua  
cogeret, jussisse. Prominenti ex lectica, præ-  
bentique immotam cervicem, caput præcisum  
est. Nec satis stolidæ crudelitati militum  
fuit: manus quoque, scripsisse in Antonium  
aliquid exprobrantes, præciderunt. Ita re-  
latum caput ad Antonium, jussuque ejus in-  
ter duas manus in Rostris positum, ubi ille  
consul, ubi sæpe consularis, ubi eo ipso an-  
no adversus Antonium, quanta nulla um-  
quam humana vox cum admiratione eloquen-  
tiæ, auditus fuerat. Vix attollentes \* lacri-  
mis oculos homines, intueri trucidata mem-  
bra ejus poterant.

\* Gro-  
nov. le-  
git præ  
lacrimis.

**V**ixit tres & sexaginta annos: ut, si vis abfuisset, ne immatura quidem mors videri possit. Ingenium & operibus, & præmiis operum felix. Ipse fortunæ diu prosperæ, & in longo tenore felicitatis, magnis interim ictus vulneribus, exilio, ruina partium pro quibus steterat, filix morte, exitu tam tristi atque acerbo, omnium adversorum nihil, ut viro dignum erat, tulit, præter mortem: quæ, vere æstimanti, minus indigna videri potuit, quod a victore inimico nihil crudelius passurus erat, quam quod ejusdem fortunæ compos ipse fecisset. Si quis tamen virtutibus vitia pensarit, vir magnus, acer, memorabilis fuit, & in cujus laudes persequendas Cicerone laudatore opus fuerit.

FRAGMENTUM LIVII  
de Catone.

*Ex Hieron. Præl. l. II. in Oseam.*

Cujus (Catonis) gloriæ neque profuit quisquam laudando, nec vituperando quisquam nocuit; quum utrumque summis præditi fecerint ingeniis.



# T. LIVII PATAVINI HISTORIARUM

Ab Urbe Condita

DECADIS PRIMÆ

LIBER PRIMUS.



## PROOEMIUM.

*Praefatur auctor, quæ ad universam Historiam pertinent: cur gesta populi Rom. ipse perscribat, licet id alii multi, & nobiles scriptores fecerint: quam difficilis res sit operis tum ob vetera, quæ alte repetenda, tum ob nova: quæ magna: de fabulosis quale debeat esse iudicium: quæ profuerint legentibus attente observata: quanti in utramque partem exempli sit Rom. Resp.*



ACTURUS ne i operæ pretium sim, si a primordio urbis res populi Romani perscripserim, nec satis scio; nec, si sciam, dicere ausim: quippe qui cum veterem, tum 2 vulgatam esse rem videam, dum novi semper scriptores, aut in rebus certius aliquid allatu-  
ros se, aut scribendi arte rudem vetustatem superatu-  
ros credunt.

Tom. I.

A

Ur-

1 *Operæ pretium* ) Rem utilem.  
2 *Vulgatam esse rem* ) Rem vulgo a scriptoribus historia-  
rum facilitatam.

Utrumque erit, juvabit tamen rerum gestarum memoria principis terrarum populi pro virili parte & me ipsum consuluisse. Et si in tanta scriptorum turba mea fama in obscuro sit: nobilitate, ac magnitudine eorum, qui nomini officient meo, me consolet. Res est præterea, & immensi operis, ut quæ supra septingentesimum annum repetatur, & quæ ab exiguis profecta initiis eo creverit, ut jam magnitudine laboraret sua: & legentium plerisque haud dubito, quin primæ origines, proximaque originibus minus præbitura voluptatis sint, festinantibus ad hæc nova, quibus jam pridem prævalentis populi vires se ipsæ conficiunt. Ego contra hoc quoque laboris præmium petam, ut me a conspectu malorum, quæ nostra tot per annos vidit ætas, tantisper certe, dum prisca illa tota mente repeto, avertam, 2 omnis expers curæ, quæ scribentis animum etsi non flectere a vero, sollicitum tamen efficere possit. Quæ 3 ante conditam, condendamve urbem, poeticis magis 4 decora fabulis, quam incorruptis rerum gestarum monumentis traduntur, ea nec affirmare, nec refellere in animo est. Datur hæc venia antiquitati, ut miscendo humana divinis, primordia urbium angustiora faciat. Et si cui populo licere oportet consecrare origines suas, & ad deos referre auctores: ea belli gloria est populo Romano, ut, cum suum conditorisque sui parentem Martem potissimum ferat: tam & hoc gentes humanæ patiantur æquo animo, quam imperium patiuntur. Sed hæc, & his similia, 5 utcumque animadversa, aut æstimata erunt, haud equidem in magno ponam

1 *Et immensi*) Vel delenda est vocula & ante *immensi*: vel dicendum est ei respondere & *legentium plerisque*, ut infra cap. 25. *Feroces & suavis ingenio, & pleni auctoritate, sive vocibus.*

2 *Omnis expers curæ*) Omni offendendi alicujus timore vacuus.

3 *Ante ... condendam ... urbem*) His verbis designatur tempus remotius: puta, tempus ante Romulum natum.

4 *Decora*) Magis convenientia.

5 *Utrumque*) *Utrumque animadversa*, i. e. quomodo speculata, sive acriter, sive negligentius. *Utrumque æstimata*, i. e. quomodo habita, sive vera, sive falsa.

nam discrimine. Ad illa mihi pro se quisque acriter intendat animum; quæ vita, qui mores fuerint; per quos viros, quibusque artibus, domi, militiæque, & partum, & auctum imperium sit: labente deinde paulatim disciplina, velut i desidentes primo mores sequatur animo; deinde ut magis, magisque lapsi sint; tum ire ceperint præcipientes, donec ad hæc tempora, quibus nec vitia nostra, nec remedia pati possumus, perventum est. Hoc illud est præcipue in cognitione rerum salubre, ac frugiferum, omnis te exempli documenta in illustri posita monumento intueri, unde tibi, tuæque Reipublicæ quod imitare capias: unde scdum inceptu, scdum exitu, quod vites. Ceterum aut me amor negotii suscepti fallit, aut nulla umquam respublica nec major, nec sanctior, nec bonis exemplis dirior fuit: nec in quam tam fero avaritia, luxuriaque immigraverint: nec ubi tantus, ac tam diu paupertati, ac parsimoniae honos fuerit: adeo quanto rerum minus, tanto minus cupiditatis erat. 2. Nuper divitiarum avaritiam, & abundantes voluptates desiderium per luxum atque libidinem pereundi, perdendique omnia invexere. Sed querelæ ne tum quidem gratæ futuræ, cum forsitan necessariæ erunt, ab initio certe tantæ ordiendæ rei absint: cum bonis potius omnibus, votisque, ac precationibus deorum, dearumque, si, ut poetis, nobis quoque mos esset, libentius inciperemus, ut 3 orsis tanti operis successus prosperos darent.

A 2

CA-

1 *Desidentes*) Paulatim labi incipientes. Translatio ducta ab iis, quæ leni motu in semet deprimuntur. *Desidentes* hic a *desido*.

2 *Nuper*) *Divitiarum invadere avaritiam*, i. e. scdm divitiarum; & *abundantes voluptates desiderium* ipsarum voluptatum.

3 *Orsis tanti operis*) Tanto instituto operis.

## CAPUT I.

*Æneas, Troja capta, in Italiam classe defer-  
tur. Pace primum Latino Regi jungitur, de-  
inde etiam affinitate, accepta in matrimonium  
Lavinia, ab ejus nomine conditum oppidum  
Lavinium appellat. Turnus, cui pacta ante  
Lavinia fuerat, Ænea, Latinoque bellum  
infert.*

4. **J**Am primum omnium fatis constat, Troja  
capta, in ceteros sævitum esse Trojanos:  
duobus Ænea, Antenoreque & vetusti ju-  
re hospitii, & quia pacis, reddendæque He-  
lenæ semper auctores fuerant, omne jus belli  
Achivos abstinuisse. Casibus deinde variis An-  
tenorem cum multitudine Henetum, qui sedi-  
tione ex Paphlagonia pulsi & sedes & ducem,  
rego Pylæmene ad Trojam amisso, quærebant,  
venisse in intimum maris Adriatici sinum: Eu-  
ganeisque, qui inter mare Alpesque incolebant,  
pulsis, Henetos, Trojanosque eas tenuisse ter-  
ras: & in quem primum egressi sunt locum,  
Troja vocatur; i pagoque inde Trojano nomen  
est; gens universa Veneti appellati. Æneam  
ab simili clade domo profugum, sed ad majo-  
ra rerum initia ducentibus fatis, primo in Ma-  
cedoniam venisse: inde in Siciliam, quærentem  
sedes, delatum: ab Sicilia classe Laurentem a-  
grum tenuisse: Troja & huic loco nomen est.  
Ibi egressi Trojani, ut quibus ab immenso pro-  
pe errore nihil præter arma, & naves superes-  
set, cum prædam ex agris agerent, Latinus rex,  
Aborigineisque, qui tum ea tenebant loca, ad  
arcendam vim advenarum armati ex urbe atque  
agris concurrunt. Duplex exinde fama est: a-  
lii prælio victum Latinum pacem cum Ænea,  
deinde affinitatem junxisse, tradunt: alii, cum  
instructæ acies constitissent, priusquam signa  
canerent, processisse Latinum inter primores,  
du-

1 Pagoque inde Trojano nomen est ) Pagus constat ex plu-  
ribus vicis, gens autem ex pluribus pagis. Huic bene di-  
stinguitur pagus Trojanus a vico Troja, & a gente univer-  
sa Veneti.

ducemque advenarum evocasse ad colloquium ;  
 percunctatum deinde , qui mortales essent ;  
 unde aut quo casu profecti domo , quidve  
 quærentes in agrum Laurentem exissent : post-  
 quam audierit multitudinem Trojanos esse ;  
 ducem Æneam , filium Anchisæ , & Veneris ;  
 cremata patria & domo profugos sedem , con-  
 dendæque urbi locum quærere ; & nobilita-  
 tem admiratum gentis virique , & animum  
 vel bello , vel paci paratum , dextera data ,  
 fidem futuræ amicitiae sanxisse . Inde fœ-  
 dus iustum inter duces , inter exercitus salutatio-  
 nem factam ; Æneam apud Latinum fuisse in  
 hospitio ; ibi Latinum apud penates deos dome-  
 sticum publico adjunxisse fœdus , filia Æneæ  
 in matrimonium data : ea res utique Trojanis  
 spem affirmat tandem stabili certaue sede fi-  
 niendi erroris . Oppidum condunt . Æneas ab  
 nomine uxoris Lavinium appellat : brevi stirps  
 quoque virilis ex novo matrimonio fuit , cui  
 Ascanium parentes dixere nomen . Bello dein-  
 de Aborigines , Trojanique simul petiti . Tur-  
 nus rex Rutulorum , cui pacta Lavinia ante  
 adventum Æneæ fuerat . prælatum sibi adve-  
 nam ægre patiens , simul Æneæ , Latinoque  
 bellum intulerat . Neutra acies læta ex eo cer-  
 tamine abiit : victi Rutuli : victores Aborigi-  
 nes , Trojanique ducem Latinum amisere .

## CAPUT II.

*Turnus victus ad Mezentium confugiens novum  
 excitat bellum . Hoc quoque prospere peracto ,  
 moritur Æneas ; cujus filius Ascanius , relicto  
 Lavinio , Albam condit . In ea post bis septi-  
 mam Regum sobolem regnat Amulius , pulso  
 Numitore fratre , cujus filiam Rheam Silviam ,  
 ut partus spem adimat , Vesta sacrat .*

**I**Nde Turnus Rutulique diffisi rebus , ad flo-  
 rentes Etruscorum opes , Mezentiumque eo-  
 rum regem confugiunt , qui Cære opulento  
 tum oppido imperitans , jam inde ab initio mi-  
 nime lætus novæ origine urbis , & tum nimio  
 A 3 plus

plus, quam satis tutum esset accolis, rem Trojanam crescere ratus, haud gravatim socia arma Rutulis junxit. 1. *Æneas* adversus tanti belli terrorem ut animos Aboriginum sibi conciliaret, 1 ne sub eodem jure solum, sed etiam nomine omnes essent, Latinos utramque gentem appellavit: nec deinde Aborigines Trojanis studio, ac fide erga regem *Æneam* cessere: fretusque his animis coalescentium in dies magis duorum populorum *Æneas*, quamquam tanta opibus Erruria erat, ut jam non terras solum, sed mare etiam per totam Italiæ longitudinem ab Alpibus ad fretum Siculum fama nominis sui implestet: tamen, cum mœnibus bellum propulsare posset, in aciem copias eduxit. 2. Secundum inde prælium Latinis, *Æneæ* etiam ultimum operum mortalium fuit. 3. Situs est, 4. quemcumque eum dici jus fasque est, super Numicium flumen. Jovem 5. *Indigetem* appellant. Nondum maturus imperio *Ascanius* *Æneæ* filius erat; tamen id imperium ei ad puberem ætatem incolume mansit: 6. tantisper tutela muliebri (tanta indoles in Lavinia erat) res Latina & regnum avitum, paternumque puero stetit. 7. Haud nihil ambigam (quis enim rem tam veterem pro certo affirmet?) hiccine fuerit *Ascanius*, an major quam hic, Crensa matre filio incolumi natus, comesque inde paternæ fuxæ, quem Julum eundem Julia gens auctorem nominis sui nuncupat. Is *Ascanius*, ubicumque, & quacumque matre genitus (certe natum *Ænea* constat) abundante Lavinii multitudine, florentem jam (ut tum res erant) atque opulentam urbem matri, seu novercæ reliquit: novam ipse aliam sub Albano monte condidit, quæ ab situ porrectæ in dorso urbis,

Lon-

1 *Ne sub eodem jure*) Ut non solum iisdem legibus regerentur, sed etiam eodem omnes nomine essent.

2 *Secundum*) Ordine.

3 *Situs est*) Sepultus.

4 *Quemcumque*) Quocumque eum nomine appellari humana divinaque jura volunt.

5 *Indigetem*) Quem merita in cælum vocaverunt, quasi inde i. e. in terra genitum.

6 *Tantisper*) Interea dum *Ascanius* adolescit.

7 *Haud nihil ambigam*) Dubito.



Longa Alba appellata. Inter Lavinium, & Albam Longam coloniam deductam triginta ferme interfuere anni: tantum tamen opes creverant, maxime fufis Etruscis, ut ne morte quidem Æneæ, nec deinde inter muliebrem tutelam, rudimentumque primum puerilis regni movere arma aut Mezentius, Etruscique, aut ulli alii accolæ ausi sint. Pax ita convenerat, ut Etruscis, Latinisque fluvius Albula, quem nunc Tiberim vocant, finis esset. Silvius deinde regnat Ascanii filius, casu quodam in silvis natus: is Æneam Silvium creat: is deinde Latinum Silvium: ab eo coloniam aliquot deductæ, Prisci Latini appellati: mansit \* Silvius postea omnibus cognomen, qui Albæ re-  
 gnarunt. Latino Alba ortus, Alba Artis, Ati Capis, Capi Capetus, Capeto Tiberius, qui in trajectu Albulæ amnis submersus, celebre ad posterum nomen flumini dedit. Agrippa inde Tiberii filius, post Agrippam Romulus Silvius a patre accepto imperio regnat. Aventino fulmine ipse ictus regnum per manus tradidit: is sepultus in eo colle, qui nunc est pars Romane urbis, cognomen colli fecit. Proca deinde regnat: is Numitorem, atque Amulium precreat: Numitori, qui stirpis maximus erat, regnum vetustum Silviam gentis legat: plus tamen vis potuit, quam voluntas patris aut verecundia ætatis: pulso fratre, Amulius regnat: addit sceleri scelus: stirpem fratris virilem interimit; fratris filiam Rheam Silviam per speciem honoris, cum i Vestalem eam legisset., perpetua virginitate spem partus adimit.

\* al.  
Sil-  
vius

CAPUT III.

*Rhea Silvia a Marte compressa Romulum, & Remum edit. In profluentem Amulii imperio abjecti non extinguuntur. Inveni a regis pastore educantur. Statim adulta etate, Amulio obruncato, Avum in regno reponunt. Ipsi novam Urbem condunt. Mox, dubium an iussu fratris, Remus interficitur.*

4. **S**ed debebatur ( ut opinor ) fati tantæ origo urbs, maximique, secundum deorum opes imperii principium. Vi compressa Vestalis, cum geminum partum edidisset, ( seu ita rata, seu quia deus auctor culpæ honestior erat ) Martem incertæ stirpis patrem nuncupat. Sed nec dii, nec homines aut ipsam, aut stirpem a crudelitate regia vindicant: sacerdos vincita in custodiam datur: pueros in profluentem aquam mitti jubet. Sorte quadam divinitus super ripas Tiberis effusus lenibus stagnis nec adiri usquam, ad justum cursum poterat amnis, & posse quamvis languida mergi aqua infantes ipem ferentibus dabat. Ita velut defuncti regis imperio, in proxima alluvie, 3 ubi nunc ficus Ruminalis est ( Romularem vocatam ferunt ) pueros exponunt. Vastæ tum in iis locis solitudines erant. Tenet fama, cum fluitantem alveum, quo expositi erant pueri, tenuis in sicco aqua destituisset, lupam sitientem ex montibus, qui circa sunt, ad puerilem vagitum cursum flexisse: eam summissas infantibus adeo mitem præbuisse mammas, ut lingua lambentem pueros magister regii pecoris invenerit ( Faustus fuisse nomen ferunt ) ab eo ad stabula Larentiæ uxori educandos datos. Sunt qui Larentiam vulgato corpore lupam inter pastores vocatam putent: inde locum fabulæ, ac miraculo datum. Ita geniti, ita educati, cum primum ado-

1 *Secundum deorum opes* ) Post ipsorum deorum imperium.

2 *Ad justum cursum... amnis* ) Ad eum locum, ubi amni pleno alveo fluere solebat. *Iustum* enim est, quod suam quandam plenitudinem habet.

3 *Ubi nunc ficus Ruminalis est* ) In media urbe Roma.

adolevit ætas, nec in stabulis, nec ad pecora  
 fegnes, venando peragrarē saltus: hinc, robore  
 corporibus animisque sumto, jam non feras  
 tantum subsistere, sed in latrones præda onu-  
 stos impetum facere, pastoribusque rapta divi-  
 dere: & cum his crescente in dies grege juve-  
 num 2 seria, ac jocos celebrare. Jam tum in  
 Palatino monte 3 Lupercal 4 hoc fuisse ludicrum  
 ferunt, & a Pallanteo urbe Arcadica Pallan-  
 tium, deinde Palatinum montem appellatum:  
 ibi Evandrum, qui ex eo genere Arcadum mul-  
 tis ante tempestatibus ea tenuerat loca, solemne  
 allatum ex Arcadia instituisse, ut nudi juve-  
 nes 5 Lycæum Pana venerantes, per luxum  
 atque lasciviam currerent: quem Romani dein-  
 de vocarunt Inuum: huic deditis ludicro, cum  
 solemne votum esset, insidiosos ob iram prædæ  
 amissæ latrones, cum Romulus vi se defendis-  
 set, Remum cepisse: captum regi Amulio tra-  
 didisse, ultro accusantes: crimini maxime da-  
 bant, in Numitoris agros ab his impetum fie-  
 ri: inde eos, collecta juvenum manu, hostilem  
 in modum prædas agere. Sic Numitori ad sup-  
 plicium Remus deditur. Jam inde ab initio  
 Faustulo spes fuerat regiam stirpem apud se edu-  
 cari: nam & expositos jussu regis infantes scie-  
 bat, & tempus, quo ipse eos sustulisset, ad id  
 ipsum congruere: sed rem immaturam, nisi aut  
 per occasionem, aut per necessitatem aperiri no-  
 luerat. Necessitas prior venit. Ita metu sub-  
 actus, Romulo rem aperit. Forte & Numito-  
 ri, cum in custodia Remum haberet, audisset-  
 que geminos esse fratres, comparando eorum  
 ætatem, & ipsam minime servilem indolem,  
 tetigerat animum memoria nepotum: sciscitan-  
 doque 6 eodem pervenit, ut haud procul esset,  
 quin Remum agnosceret. Ita 7 undique regi do-  
 lus

A 5

lus

1 Saltus) Saltus qui circa erant.

2 Seria ac jocos celebrare) Seria, pugnas adversus latro-  
 nes, jocos, ludicra certamina:

3 Lupercal) Lupercal pro Lupercale hoc ludicrum.

4 Hoc) Quod Livii temporibus celebrabatur.

5 Lycæum Pana) Pan dictus est Lycæus teste Servio &  
 Apollon, lupus, quod lupos non finas in ovis ferire.

6 Eodem) Quo Faustulus.

7 Undique) Et ab Romulo, & ab Numitore.

lus nectitur. Romulus non cum globo juvenum (nec enim erat ad vim apertam par) sed aliis alio itinere iussis certo tempore ad regiam venire pastoribus, ad regem imperum facit: & a domo Numitoris alia comparata manu, adjuvat Remus. ita regem obtruncant. Numitor inter primum tumultum hostes invasisse urbem, atque adortos regiam dictitans, cum pubem Albanam in arcem præsidio, armisque obtinendam advocasset: posteaquam juvenes perpetrata cæde, pergere ad se gratulantes vidit: extemplo advocato concilio, scelera in se fratris, originem nepotum, ut geniti, ut educati, ut cogniti essent, cædem deinceps tyranni, seque ejus auctorem ostendit. Juvenes per mediam concionem agmine ingressi, cum avum regem salutassent, secuta ex omni multitudine consentiens vox ratum nomen, imperiumque regi effecit.

U C. Ita Numitori Albana permilla re, Romulum, An- Remumque cupidō cepit, in iis locis, ubi ex- nol. positi, ubique educati erant, urbis condendæ: Ro. & 1 supererat multitudo Albanorum, Latino- mulo rumque: ad id pastores quoque accesserant: qui L Re omnes facile spem facerent, parvam Albam, E. parvum Lavinium, præ ea urbe, quæ condere- tur, fore. Intervēnit deinde his cogitationibus. avitum malum, regni cupidō, atque inde fœ- dum certamen coortum a satis miti 2 principio: quoniam gemini essent, nec ætatis verecundiæ discrimen facere posset, ut dii, in quorum tu- tela ea loca essent, auguriis legerent, qui no- men novæ urbi daret, qui conditam imperio regeret. Palatium Romulus, Remus Aventi- num ad inaugurandum 3 templa capiunt. Priori Remo augurium venisse fertur, sex vultures: jamque nuntiato augurio, cum duplex numerus. Romulo se ostendisset, utrumque regem sua mul- titudo consalutaverat: 4 tempore illi præcepto, at hi.

1. *Supererat multitudo* ) Abundabat.

2. *Principio* ) Quoniam essent gemini ... dii auguriis lege- rent....

3. *Templa* ) I. e. vel spatium in aere, intra quod auspi- cia captaient, vel locus, ubi sedem ceperant ad captanda auspicia.

4. *Tempore illi præcepto* ) Remo regnum addicebant ob au- gurium ei prius oblatum tempore.

Rom. R. LIB. I. CAP. IV. 11  
at hi numero avium regnum trahebant. Inde  
cum altercatione congressi, certamine irarum ad  
eædem vertuntur: ibi in turba ictus Remus ce-  
cidit. Vulgatio fama est, ludibrio fratris Re-  
mum novos transfuisse muros: inde ab irato  
Romulo (cum verbis quoque increpitans adje-  
cisset, sic deinde, quicumque alius transiliet mo-  
nia mea) interfectum.

#### CAPUT IV.

*Mortuo Remo, solus Romulus regnat. Facit res  
divinas, & jam olim institutum Herculi sa-  
crum renovat. Hujus origo, & causa narra-  
tur. Aucta per asylum multitudine, Senatum  
legit. Quia connubia desunt, a finitimis pe-  
tuntur: non impetrata capiuntur.*

**I**Ta solus potitus imperio Romulus: condita  
urbs conditoris nomine appellata. Palatium  
primum, in quo ipse erat educatus, muniit:  
sacra diis aliis Albano ritu, Græco Herculi,  
ut ab Evandro instituta erant, facit. Herculem  
in ea loca, Geryone interemto, boves mira  
specie abegisse memorant, ac prope Tiberim flu-  
vium, qua præ se armentum agens nando tra-  
jecerat, loco herbido, ut quiete, & pabulo læ-  
to reficeret boves, & ipsum fessum via procu-  
buisset: ibi, cum cum cibo vinoque gravatum  
sopor oppressisset, pastor accola ejus loci no-  
mine Cacus, ferox viribus, captus pulchritudi-  
ne boum, cum avertere eam prædam vellet;  
quia, si agendo armentum in speluncam compu-  
lisset, ipsa vestigia quærentem dominum eo de-  
ductura erant: aversos boves eximium quemque  
pulchritudine caudis in speluncam traxit. Her-  
cules ad primam auroram somno excitus cum  
gregem perlustrasset oculis, & partem abesse  
numero sensisset, pergit ad proximam spelun-  
cam, si forte eo vestigia ferrent: quæ ubi o-  
mnia foras versa vidit, nec in partem aliam  
ferre: confusus, atque incertus animi, ex loco  
infesto agere porro armentum coepit. Inde  
cum actæ boves quædam ad desiderium (ut fit)  
relictarum mugissent, reddita inclusarum ex

spelunca boum vox Herculem convertit: quem cum vadentem ad speluncam Cacus vi prohibere conatus esset, ictus clava, fidem pastorum nequiequam invocans, morte occubuit. Evander tum ea, profugus ex Peloponneso, 1 auctoritate magis, quam imperio regebat loca venerabilis vir miraculo 2 litterarum, rei novæ inter rudes artium homines; venerabilior divinitate credita Carmentæ matris, quam fatiloquam ante Sibyllæ in Italiam adventum miratæ hæ gentes fuerant. Is tum Evander concursu pastorum trepidantium circa advenam manifestæ reum cædis excitus, postquam facinus, facinorisque causam audivit, habitum, formamque viri aliquantum ampliorem, augustioremque humana intuens, rogitat, qui vir esset. ubi nomen, patremque, ac patriam accepit, *Jovenate Hercules, salve, inquit: te mihi mater, veridica interpretes deum, aucturum caelestium numerum cecinit: tibi que aram hic dicatum iri, quam opulentissima olim in terris gens Maximam vocet, tuoque ritu colat.* Dextra Hercules data, accipere se omen, impleturumque fata, aram condita, atque dicata, ait. Ibi tum primum bove 3 eximia capta de grege, sacrum, adhibitis ad ministerium dapemque Potitiis, ac Pinaris, quæ tum familiæ maxime inclytæ ea loca ancolebant, factum. Forte ita evenit, ut Potitii ad tempus præsto essent, iisque extra apponerentur: Pinaris extis adesis ad ceteram venirent dapem: inde institutum mansit, donec Pinarium genus fuit, ne extis solemnibus vescerentur. Potirii ab Evandro edocti antistites sacri ejus per multas ætates fuerunt, donec tradito servis publicis solemnī familiæ ministerio genus omne Potiriorum interiit. Hæc tum sacra Romulus una ex omnibus peregrina suscepit, jam tum immortalitatis virtute partæ, ad quam

1 Auctoritate magis quam imperium } Auctoritas ejus est, cui ætas, merita, genus venerationem conciliant. Imperium ejus, cui parere ceteros necesse est.

2 Litterarum } Hic intellige ipsas litterarum notas, seu formas.

3 Eximia } I. e. teste Macrobio quæ ad sacrificium destinata erantur e grege.

quam cum sua fata ducebant, fautor. Rebus divinis rite perpetratis, vocataque ad concilium multitudo, quæ coalescere in populi unius corpus nulla re, præterquam legibus, poterat, jura dedit; quæ ita sancta generi hominum agresti fore ratus, si se ipse venerabilem insignibus imperii fecisset, cum cetero habitu se augustiorem, tum maxime i lictoribus duodecim sumtis fecit. Alii ab numero avium quæ augurio regnum portenderant, eum secutum numerum putant. Me haud pœnitet eorum sententiæ esse, quibus & apparitores, & hoc genus ab Etruscis finitimis, unde 2 sella curulis, unde 3 toga prætexta sumta est, numerum quoque ipsam ductum placet: & ita habuisse Etruscos, quod ex XII. populis communiter creato rege, singulos singuli populi lictores dederint. Crescebat interim urbs munitionibus, cum alia atque alia appetendo loca, in spem magis futuræ multitudinis, quam ad id, quod tum hominum erat, munirent: deinde, ne vana urbis magnitudo esset, adjiciendæ multitudinis causa, vetere consilio condentium urbes, qui obscuram, atque humilem conciendo ad se multitudinem, natam e terra sibi prolem mentiebantur; locum, qui nunc septus densis sentibus inter duos lucos est, 4 Asylum aperit: eo ex finitimis populis turba omnis, sine discrimine liber, an servus esset, avida novarum rerum per fugit: idque primum ad cœptam magnitudinem roboris fuit. Cum jam virium haud pœniteret, 5 consilium deinde viribus parat. centum creat Senatores: sive quia is numerus satis erat, sive quia soli centum erant, qui creari patres possent. Patres certe ab honore, patriciique progenies

1 Lictoribus) Lictores dicebantur, teste Festo, quod sacres virgarum ligatos præferebant regibus, ac deinde magistratibus.

2 Sella curulis) Ex ebore, dicta a curru: quia eam currui imponere solebant.

3 Toga prætexta) Prætexta a prætexendo, quia purpura ei prætexta erat.

4 Asylum) I. e. locum in quo neminem violare liceret ab æ quæ privandi vim habet, & verbo συλῆν, spolio, ludo.

5 Consilium viribus parat) Consilium agendis viribus adtia-

gentes eorum appellati. Jam res Romana adeo erat valida, ut cuilibet finitimarum civitatum bello par esset: sed i penuria mulierum hominis ætatem duratura magnitudo erat, quippe quibus nec domi spes prolis, nec cum finitimis connubia essent. Tum ex consilio Parrum Romulus legatos circa vicinas gentes misit, qui societatem, connubiumque novo populo peterent. Urbes quoque, ut cetera, ex infimo nasci: deinde quas sua virtus, ac dii juvent, magnas opes, magnumque nomen sibi facere: satis scire, origini Romana & deos affuisse, & non de futuram virtutem: proinde ne gravarentur homines cum hominibus sanguinem, & genus miscere. Nusquam benigne legatio audita est: adeo simul omnes spernebant, simul tantam in medio crescentem molem sibi, ac posteris suis meruebant: a plerisque rogitantibus dimissi, ecquid non feminis quoque aylum aperuissent? id enim demum compar connubium fore. Ægre id Romana pubes passa: & haud dubie ad vim spectare res coepit: cui tempus locumque aptum ut daret Romulus, ægritudinem animi dissimulans, ludos ex industria parat Neptuno equestri solemnes: Consualia vocat. Indici deinde finitimis spectaculum jubet: quantoque apparatu tum sciebant, aut poterant, & concelebrant; ut rem claram, expectaramque facerent. Multi mortales convenere studio etiam videndæ novæ urbis: maxime proximi quique Cæninenses, Crustumini, Antemnates. Jam Sabinorum omnis multitudo cum liberis, ac conjugibus venit: invitari hospitaliter per domos, cum situm, moeniaque, & frequentem tectis urbem vidissent, mirantur tam brevi rem Romanam crevisse. Ubi spectaculi tempus venit, deitæque eo mentes cum oculis erant, tum ex composito orta vis: signoque dato, juventus Romana ad capiendas virgines discurrit. Magna pars,

1 Penuria mulierum). Ob. paucitatem mulierum, non omnimodam inopiam.

2 Concelebrant) Ita instruunt, ut eorum late fama spargatur.

3 Multi mortales. Mortales, i. e. ingens hominum cujusvis ordinis, ætatis & sexus multitudo.



pars, forte ut in quem quæq; inciderat, raptæ: quasdam forma excellentes primoribus patrum destinatas, ex plebe homines, quibus datum negotium erat, domos deterebant. Unam longe ante alias specie, ac pulchritudine insignem a globo Talassii cujusdam raptam ferunt: multisque sciscitantibus cuinam eam ferrent, identidem, nequis violaret, Talassio ferri clamitatum: inde nuptialem hanc vocem factam. Turbato per metum ludicro, mœsti parentes virginum profugiunt, incusantes violati hospitii fœdus, deumque invocantes, cujus ad solemne, ludosque & per fas, ac fidem decepti venissent. Nec raptis aut spes de se melior, aut indignatio est minor: sed ipse Romulus circumibat, docebatque, patrum id superbia factum, qui connubium finitimis negassent: illas tamen in matrimonio, in societate fortunarum omnium civitatisque, & quo nihil charius humano generi, liberum fore: mollirent modo iras, & quibus fors corpora dedisset, darent animos: sæpe ex injuria postmodum gratiam ortam: eoque melioribus, usuras viris, quod annixurus pro se quisq; sit, ut, cum \* s. a. vice functus officio sit, parentum etiam patria-<sup>sum</sup> que expleat desiderium. <sup>vices</sup> Accedebant blanditiæ virorum factum purgantium cupiditate atque amore: quæ maxime ad muliebre ingenium efficaces, preces sunt.

## CAPUT V.

*Quæ iram raptarum mulierum primi in Romanos impetum faciunt Caninenses. Relata ex horum Rege opima spolia Jovi Feretrio Romulus dicat. Crustumino inde superat. Postremo cum Sabinis commissum prælium raptarum interventu dirimitur. Fœdere cum Tatius duce facto, Sabinos in societatem Civitatis, & Regni Romulus accipit.*

**I**Am admodum mitigati animi raptis erant. At raptarum parentes tum maxime sordida veste, lacrimisque, & querelis civitates concitæ.

*Per. fas) Per. speciem religionis.*

citabant: nec domi tantum indignationes continebant, sed congregabantur undique ad Titum Tatium regem Sabinorum: & legationes eo, quod maximum Tatii nomen in his regionibus erat, conveniebant. Cæninenses, Crustumini-que, & Antemnates erant, ad quos ejus injuriæ pars pertinebat. Lente agere iis Tati-  
 us, Sabinique visi sunt. Ipsi inter se tres populi communiter bellum parant: nec Crustumini quidem, atque Antemnates pro ardore, iraque Cæninensium satis se impigre movent. ita per se ipsum: nomen Cæninum in agrum Romanum impetum facit: sed effuse vastantibus fit obvi-  
 us cum exercitu Romulus, levique certamine docet, vanam sine viribus iram esse: exercitum fundit, fugatque, fuscum persequitur: regem in prælio obtruncat, & spoliatur: duce hostium occiso, urbem primo impetu capit. Inde exercitu victore reducto, ipse cum factis vir magnificus, tum factorum ostentator haud minor, spolia ducis hostium cæsi suspensa, fabricato ad id apte ferculo, gerens in Capitolium ascendit: ibique ea cum ad quercum pastoribus sacram deposuisset, simul cum dono designavit templo Jovis fines, cognomenque addidit Deo: 2 *Jupiter Fere-  
 tri*, inquit, *hæc tibi victor Romulus rex regia arma fero; templumque iis regionibus, quas modo animo metatus sum, dedico, sedem 3 opimis spoliis, quæ, regibus, ducibusque hostium cæsis, me auctorem sequentes posteri ferent.* Hæc templi est origo, quod primum omnium Romæ sacratum est. Ita deinde diis visum, nec irritam conditoris templi vocem esse, qua laturos eo spolia posteros nuncupavit; nec multitudine compotum ejus doni vulgari laudem. 4 Bina postea inter tot annos, tot bella, opima par-  
 ta sunt spolia: adeo rara ejus fortuna decoris fuit. Dum ea ibi Romani gerunt, Antemna-  
 tium

1 *Nomen Cæninum*) Populus Cæninus.

2 *Jupiter Fere tri*) *Feretrius* a *feretro*, sive ferculo spolio-  
 rum supra indicato.

3 *Opimis spoliis*) *Opima spolia* dicta, quæ duci hostium detracta erant.

4 *Bina*) Secunda tulit A. Cornelius Cossus, Larte Tol-  
 luminio rege Veientium occiso. Tertia M. Claudius Marcellus ex Britomaro Gallorum rege.

rius exercitus per occasionem, ac solitudinem  
 hostiliter in fines Romanos incursionem facit.  
 Raptim & ad hos Romana i legio ducta, palan-  
 tes in agris oppressit. Fusi sunt igitur primo  
 impetu, & clamore hostes, oppidum captum,  
 duplicique victoria ovantem Romulum Hersilia  
 conjux, precibus raptarum fatigata, orat, ut pa-  
 rentibus eorum ~~des~~ veniam, & in civitatem ac-  
 cipiat: ita rem coalescere concordia posse. Fa-  
 cile impetratum. Inde contra Crustuminos pro-  
 fectus bellum inferentes. ibi minus etiam;  
 quod jam alienis cladibus ceciderant animi,  
 certaminis fuit. Utroque colonæ missæ. plu-  
 res inventi, qui propter ubertatem terræ in  
 Crustuminum nomina darent: & Romam inde  
 frequenter migratum est a parentibus maxime,  
 ac propinquis raptarum. Novissimum ab Sabi-  
 nis bellum ortum, multoque id maximum fuit;  
 nihil enim per iram, aut cupiditatem actum est;  
 nec ostenderunt bellum prius, quam intule-  
 runt: consilio etiam additus dolus. Sp. Tarpe-  
 jus Romanæ præerat arci: hujus filiam virgi-  
 nem auro corrumpit Tatiush, ut armatos in ar-  
 cem accipiat. Aquam forte ea tum sacris extra  
 moenia peritum ierat: accepti obrutam armis  
 necavere; seu ut vi capta potius arx videretur,  
 seu prodendi exempli causa, ne quid usquam fi-  
 dum proditori esset. Additur fabula, quod vul-  
 go Sabini aureas armillas magni ponderis bra-  
 chio lævo, gemmatosque magna specie annulos  
 habuerint; pepigisse eam, quod in sinistris ma-  
 nibus haberent: eo scuta illi pro aureis donis  
 congesta. Sunt, qui eam ex pacto tradendi,  
 quod in sinistris manibus esset, \* decreto ar-  
 ma petisse dicant; & fraude visam agere, sua <sup>dire-</sup>  
 ipsam peremptam mercede. Tenuere tamen ar- <sup>cto.</sup>  
 cem Sabini: atque inde postera die, cum Ro-  
 manus exercitus instructus, quod inter Palati-  
 num, Capitolinumque collem campi est, com-  
 plesset; non prius descenderunt in æquum,  
 quam ira, & cupiditate recuperandæ arcis sti-  
 mulante animos, in adversum Romani subiere.

Prin-

i Legio ( A legendo dicta, teste Varr. Is IV. de lingua  
 Lat. quod legionis milites viritum legi solerent.

Principes utrinque pugnam ciebant : ab Sabinis Metius Curtius, ab Romanis Hostus Hostilius : hic rem Romanam iniquo loco ad prima signa animo, atque audacia sustinebat. Ut Hostus cecidit, confestim Romana inclinatur acies; fusaque est ad veterem portam Palatii. Romulus & ipse turba fugientium actus, arma ad cælum tollens, *Jupiter tuis*, inquit, *jussus avibus hic in Palatio prima urbi fundamenta jeci : arcem jam scelere emtam Sabini habent : inde huc armati, superata media valle, tendunt. at tu, pater Deum, hominumque, hinc saltem arce hostes: deme terrorem Romanis, fugamque sædam siste. hic ego tibi templum i Statori Jovi, quod monumentum sit posteris, tua presenti ope servatam urbem esse, voveo.* Hæc precatus, veluti sensisset auditas preces, *Hinc*, inquit, *Romani, Jupiter optimus maximus resistere, atque iterare pugnam jubet.* Resistere Romani, tamquam cælesti voce jussi: ipse ad primores Romulus provocat. Metius Curtius ab Sabinis princeps ab arce decurrerat, & effusos egerat Romanos, toto quantum foro spatium est: nec procul jam a porta Palatii erat, clamitans: *Vicinus perfidos hospites, imbelles hostes: jam sciunt, longe aliud esse virgines rapere, aliud pugnare cum viris.* In eum hæc gloriantem cum globo ferocissimorum juvenum Romulus impetum facit. Ex equo forte Metius pugnabat: 2 eo pelli facilius fuit: pulsum Romani persequuntur: & alia Romana acies audacia regis accensa, fundit Sabinos. Metius in paludem sese, strepitu sequentium trepidante equo, conjecit: 3 averteratque ea res etiam Sabinos tanti periculo viri. Et ille quidem, annuentibus, ac vocantibus suis, favore multorum addito animo, evadit. Romani, Sabinique in media convalle duorum montium redintegrant prælium: sed res Romana erat superior. Tum Sabinæ mulieres, quarum ex injuria bellum ortum erat, crinibus passis, scissaque veste, victo malis muliebri pavore,

ausæ

1 Statori.) A sistendo, ut modo fugamque sædam siste.

2 Eo pelli facilius fuit.) Ideo pelli Metium facilius fuit.

3 Averteratque ea res etiam Sabinos.) Ea res oculos non Romanorum modo, sed etiam Sabinorum, illuc converterat.

ausæ se inter tela volantia inferre, ex transverso impetu facto, dirimere infestas acies, dirimere iras: hinc patres, hinc viros orantes, ne se sanguine nefando soceri, generique respergerent; ne parricidio macularent partus suos: et nepotum illi, liberum hi progeniem. Si affinitatis inter vos, si connubii piget, in nos vertite iras: nos causa belli, nos vulnere, ac cadum viris, ac parentibus sumus: melius peribimus, quam sine alteris vestrum vidua, aut orba vivemus. Movet res tum multitudinem, tum duces, silentium, & repentina fit quies: inde ad fœdus faciendum duces prodeunt: nec pacem modo, sed civitatem unam ex duabus faciunt: regnum confociant, imperium omne conferunt Romam. Ita geminata urbe, ut Sabinis tamen aliquid daretur, Quirites a Curibus appellati. Monumentum ejus pugnae, ubi primum ex profunda emerfus palude \* equum Curtius in vado destituit, Curtium Lacum appellarunt.

\* al.  
equus  
Curtium

## CAPUT VI.

*Receptis in civitatem Sabinis, populum in triginta curias dividit Romulus: centurias tres equitum conscribit: Tatii cadem a Laurentibus interfecti non ulciscitur. Fidenates, & Veientes vincit. Mortuus consecratur. Regnat annos XXXVII.*

**E**X bello tam tristi læta repente pax chariores Sabinas viris, ac parentibus, & ante omnes Romulo ipsi fecit. Itaque cum populum in curias triginta divideret, nomina earum curiis imposuit. Id non traditur (cum haud dubie aliquanto numerus major hoc mulierum fuerit) ætate, an dignitatibus suis, virorumve, an sorte lectæ sint, quæ nomina curiis darent. Eodem tempore & centuriæ tres equitum conscriptæ sunt: Ramnenses ab Romulo, ab

Tito.

1 Nepotum & liberum progeniem. ) I. e. nepotes & liberos.

2 Sine alteris vestrum vidua, aut orba. ) Vidua, si Romanos maritos nostros amiserimus bello; orba, si Sabinos, parentes nostros.

3 Curias. ) Curia hic accipitur pro decima parte tribus.

Tito Tatius Tatienſes appellati : Lucerum nominis, & originis cauſa incerta eſt. Inde non modo commune, ſed concors etiam regnum duobus regibus fuit. Poſt aliquot annos propinqui regis Tatiſ legatos Laurentium pulſant : cumque Laurentes jure gentium agerent, apud Tatium gratia ſuorum, & preces plus poterant. Igitur illorum pœnam in ſe vertit : nam Lavinii, cum ad ſolemne ſacrificium eo veniſſet, concurſu factò interficitur. Eam rem minus ægre, quam dignum erat, tuliffè Romulum ferunt, ſeu 1 ob infidam ſocietatem regni, ſeu quia haud injuria cæſum credebat. Itaque bello quidem abſtinuit : ut tamen 2 expiarentur legatorum injuriæ, regiſque cædes, foedus inter Romanos, Laviniumque urbes renovatum eſt. Et cum his quidem inſperata pax erat : aliud multo propius, atque in iſſis prope portis bellum ortum. Fidenates nimis vicinas prope ſe convaleſcere opes rati, prius quam tantum roboris eſſet, quantum futurum apparebat, 3 occupant bellum facere : juventute armata immiſſa, vaſtatur agri quod inter urbem ac Fidenas eſt. Inde ad lævam verſi, quia dextra Tiberis arcebat, cum magna trepidatione agreſtium populantur : tumultusque repens ex agris in urbem illatus, pro nuntio fuit. Excitus Romulus ( neque enim dilationem pati tam vicinum bellum poterat ) exercitum educit : caſtra a Fidenis 4 mille paſſuum locat. Ibi modico præſidio relicto, egreſſus omnibus copiis, partem militum locis circa denſa obſita virgulta obſcuris ſubſidere in inſidiis juſſit : cum parte majore, atque omni equitatu profectus, id quod quærebat, tumultuoſo, & minaci genere pugne obequitando iſſis prope portis hoſtem excivit. Fugæ quoque, quæ ſimulanda erat, eadem equeſtris pugna cauſam minus mirabilem dedit : &  
cum

1 *Ob infidam ſocietatem regni* ) Quia Tatius Infidus regni socius fuerat.

2 *Expiarentur* ) Expiatione civili, i. e. ut ſatiſfieret & Laurentibus, & Romanis.

3 *Occupant* Priores bellum faciunt.

4 *Mille paſſuum* ) Intellige ad, & 700 paſſuum regitur a nomine mille.

cum, velut inter pugnae, fugaeque consilium  
trepidante equitatu, pedes quoque referret gra-  
dum, plenis repente portis effusi hostes, im-  
pulsæ Romana acie, studio instandi sequendi-  
que trahuntur ad locum insidiarum: inde sub-  
ito exorti Romani transversam invadunt ho-  
stium aciem: addunt pavorem mota e castris  
signa eorum, qui in praesidio relictæ fuerant.  
Ita multiplici terrore perculsi Fidenates, prius  
pene, quam Romulus, quique cum eo equites  
erant, circumagerent frenis equos, terga ver-  
tunt: multoque effusius (quippe vera fuga)  
qui simulantes paulo ante secuti erant, oppi-  
dum repetebant; non tamen eripuerunt se hosti.  
Hærens in terga Romanus; prius quam fores  
portarum objicerentur, velut agmine uno ir-  
rumpit. Belli Fidenatis contagione irritati Ve-  
jentium animi, & confanguinitate (nam Fide-  
nates quoque Etrusci fuerunt) & quod ipsa pro-  
pinquitas loci, si Romana arma omnibus infe-  
sta finitimis essent, stimulabat; in fines Ro-  
manos excurrerunt, populabundi magis, quam  
justi mere belli. Itaque non castris positæ,  
non expectato hostium exercitu, raptam ex  
agris prædam portantes, Vejos redire. Ro-  
manus contra, postquam hostem in agris non  
invenit, dimicationi ultimæ instructus, inten-  
tusque Tiberim transit. Quem postquam castra  
ponere, & ad urbem accessurum Vejentes audi-  
vere, obviam egressi: ut potius acie decernerent,  
quam inclusi de tectis, mœnibusque dimica-  
rent. Ibi viribus nulla parte adjutis, tantum  
veterani robore exercitus rex Romanus vicit:  
persecutusque fufos ad mœnia hostes, urbe  
valida muris, ac situ ipso munita abstinuit:  
agros rediens vastat, ulciscendi magis, quam  
prædæ studio: eaque clade haud minus quam  
adversa pugna subacti Vejentes, pacem petunt.  
oratores Romam mittunt: agri parte mulctatis  
in centum annos induciæ datæ. Hæc ferme,  
Romulo regnante, domi, militiæque gesta:  
quorum nihil absontum fidei divinæ originis,  
divinitatisque post mortem creditæ fuit: non  
animus in regno avito recuperando, non con-  
dendæ urbis consilium, non bello, ac pace fir-  
man-

mandæ : ab illo enim profectu viribus datis tantum valuit , ut in quadraginta deinde annos tutam pacem haberet : multitudini tamen gravior fuit , quam Patribus : longe ante alios acceptissimus militum animis : trecentosque armatos ad custodiam corporis , quos <sup>1</sup> Celeres appellavit , non in bello solum , sed etiam in pace habuit . His immortalibus editis operibus , cum  
 16. ad exercitum recensendum concionem in campo ad Capræ paludem haberet , subito coorta tempestas cum magno fragore , tonitribusque , tam denso regem operuit nimbo , ut conspectum ejus concioni abstulerit : nec deinde in terris Romulus fuit . Romana pubes , sedato tandem pavore , postquam ex tam turbido die serena , & tranquilla lux rediit , ubi vacuum sedem regiam vidit , etsi satis credebat Patribus , qui proximi steterant , sublimem raptum protella : tamen <sup>2</sup> velut orbitatis metu icta , mœstum aliquandiu silentium obtinuit : deinde , a paucis initio facto , Deum Deo natum , regem parentemque urbis Romanæ salvere universi Romulum jubent : pacem precibus exposcunt , uti volens propitius suam semper sospitet progeniem . Fuisse credo tum quoque aliquos , qui discerptum regem Patrum manibus taciti arguerent : manavit enim hæc quoque , sed perobscura fama . illam alteram admiratio viri , & pavor præsens nobilitavit . Consilio etiam unius hominis addita rei dicitur fides : namque Proculus Julius , sollicita civitate desiderio regis , & infensa Patribus , gravis , ut traditur , quamvis magnæ rei auctor , in concionem prodit . Romulus , inquit , Quirites , parens urbis hujus , prima hodierna luce calo repente delapsus se mihi obvium dedit : cum perfusus horrore , venerabundusque astitissem , petens precibus , ut contra intueri fas esset : Abi , nuntia , inquit , Romanis , caelestes ita velle , ut mea Roma caput orbis terrarum sit . Proinde rem militarem colant , sciantque , & ita posteris tradant , nullas opes

<sup>1</sup> Celeres ) Vel a celeritate , vel a duce eorum Celere , vel a Græca voce Κέλεις eques .

<sup>2</sup> Velut orbitatis metu ) Metu non absimili ejus qui orbatos parente occupat .



Rom. R. LIB. I. CAP. VII. 23  
*opes humanas armis Romanis resistere posse :  
hac , inquit , locutus sublimis abiit . Mirum  
quantum illi viro nuntianti hæc fidei fuerit ;  
quamque desiderium Romuli apud plebem ,  
exercitumque , facta fide immortalitatis , leni-  
tum sit .*

## CAPUT VII.

*Mortuo Romulo , contendunt Patres de alio Rege  
creando , ut sit aliquod interim caput , novam  
excogitant Imperii formam : populo deinde re-  
gem creandi potestatem permittunt . Regnum  
Numa Pompilio absenti ultro defertur .*

**P**ATRUM interim animos certamen regni , ac  
cupido versabat : nec dum a singulis , quia  
nemo magnopere eminebat in novo populo ,  
pervenerant factiones : inter ordines certabatur .  
Oriundi ab Sabinis , ne quia post Tatii mor-  
tem ab sua parte non erat regnatum in societa-  
te æqua , possessionem imperii amitterent , sui  
corporis creari regem volebant . Romani vete-  
res peregrinum regem aspernabantur . In variis  
voluntatibus , regem tamen omnes volebant .  
libertatis dulcedine nondum experta . Timor  
deinde Patres incessit , ne civitatem sine impe-  
rio , exercitum sine duce , multarum circa civi-  
tatum irritatis animis , vis aliqua externa ado-  
raretur : & esse igitur aliquod caput placebat ,  
& nemo alteri concedere , in animum induce-  
bat . Itaque rem inter se centum Patres , decem  
decuriis factis , singulisque in singulas decurias  
creatis , qui summæ rerum præessent , conso-  
ciant : decem imperitabant : unus cum insigni-  
bus imperii , & lictoribus erat : quinque dierum  
spatio finiebatur imperium , ac per omnes in  
orbem ibat : annumque intervallum regni fuit .  
id ab re , quod nunc quoque tenet nomen , in-  
terregnum appellatum . Fremere deinde plebs , In-  
multiplicatam servitutem , centum pro uno do-  
minos factos . nec ultra , nisi regem , & ab ipsis  
creatum , videbantur passuri . Cum sensissent ea  
moveri patres , offerendum ultro rati quod amif-  
furi

furi erant, ita gratiam ineunt, summa potestate populo permilla, ut non plus darent juris, quam retinerent. decreverunt enim, ut, cum populus regem jussisset, id sic ratum esset, <sup>1</sup> si patres auctores fierent. hodieque in legibus, magistratibusque rogandis usurpatur idem jus, vi adempta: prius, quam populus suffragium ineat, in incertum comitiorum eventum patres auctores fiunt. Tum interrex, concione advocata, *Quod bonum, faustum, felixque sit*, inquit, *Quirites, regem create. ita patribus visum est. patres deinde, si dignum, qui secundus ab Romulo numeretur, creaveritis, auctores fient.* Adeo id gratum plebi fuit, ut, ne victi beneficio viderentur, id modo sciscerent, juberentque, ut senatus decerneret, qui Romæ regnaret. 18. Inclyta justitia, religioque ea tempestate Numæ Pompilii erat. Curibus Sabinis habitabat, consultissimus vir, ut in illa quisquam ætate esse poterat, omnis divini, atque humani juris. auctorem doctrinæ ejus, quia non extat alius, falso Samium Pythagoram edunt: quem, Servio Tullio regnante Romæ, centum amplius post annos, in ultima Italiæ ora circa Metapontum, Heracleamque, & Crotonem juvenum æmulantium studia cœtus habuisse constat. ex quibus locis, etsi ejusdem ætatis fuisset, <sup>2</sup> qua fama in Sabinos, aut quo linguæ commercio quemquam ad cupiditatem discendi excivisset? quove præsidio unus per tot gentes dissonas sermone, moribusque pervenisset? <sup>3</sup> Supte igitur ingenio temperatum animum virtutibus fuisse opinor magis, instructumque non tam peregrinis artibus, quam disciplina tetrica, ac tristi veterum Sabinorum; quo genere nullum quondam incorruptius fuit. Audito nomine Numæ, patres Romani, quamquam inclinari opes ad Sabinos, rege inde sumto, videbantur; tamen neque se quisquam, nec factionis suæ alium, nec denique patrum, aut civium quemquam præferre illi viro ausi, ad unum omnes

<sup>1</sup> Si Patres auctores fierent ) Si Patres auctoritate sua rem comprobarent.

<sup>2</sup> Qua fama ) Qua in Sabinos usque perlata.

<sup>3</sup> Supte . . ingenio ) Per semetipsum. Ingenium est id quod ingentum est, & opponitur doctrinæ, arti.

*Inter.* LIB. I. CAP. VIII. 25  
omnes Numæ Pompilio regnum deferendum de-  
cernunt.

## C A P U T VIII.

*Numa Pompilius Rex inauguratur : regno po-  
titus Jano templum constituit , cujus portam  
primus claudit : sacra , ritusque divinos docet :  
annum in duodecim menses , fastosque , nefa-  
stosque dies describit : sacerdotes cuique deorum  
præficit : ferocem populum religionibus tempe-  
rat : Regnat annos XLIII.*

**A**ccitus , sicut Romulus augurato \* in urbe \* al.  
condenda regnum adeptus est , de se quo-urbe.  
que deos consuli iussit . Inde ab augure , cui  
deinde honoris gratia publicum id , perpetuum-  
que sacerdotium fuit , deductus in arcem , in la-  
pide ad meridiem versus confedit : augur ad læ-  
vam , ejus capite velato , sedem cepit , dextra  
manu baculum sine nodo aduncum tenens , quem  
lituum appellaverunt . inde ubi , prospectu in  
urbem , agrumque capto , deos precatus , 1 regio-  
nes ab oriente ad occasum determinavit , 2 dex-  
tras ad meridiem partes , lævasque ad Septem-  
trionem esse dixit ; 3 signum , contra quod lon-  
gissime conspectum oculi ferebant , animo fini-  
vit . tum , lituo in lævam manum translato ,  
dextra in capite Numæ imposita , precatus est  
ita : *Jupiter pater , si est fas hunc Numam Pom-  
piliū , cujus ego caput teneo , regem Roma esse ,  
ut i tua signa nobis certa , \* ac clara sint inter* U.C.  
*eos fines , quos feci . Tum* 4 *peregit verbis auspi-* Na.  
*cia , quæ mitti vellet . quibus missis , declaratus* Pom.  
*rex Numa de templo descendit . Qui regno ita* II.R.  
*potitus , urbem novam , conditam vi , & armis* \* al.  
*jure eam , legibusque , ac moribus de integro* accla-  
*condere parat . quibus cum inter bella assuesce-* 19.  
*Tom. I. B re*

1 *Regiones* ) Cæli regiones certis terminis definit , inter  
quos sibi auspicia mitti postularet .

2 *Dexteras ad meridiem* ) Augur fuit versa in orientem fa-  
cie , ut auguribus solitum .

3 *Signum contra* ) Ex adverso observavit aliquid insigne ,  
voluitque hanc esse quasi metam qua auspicia terminaren-  
tur .

4 *Peregit verbis* ) Singula enuntiavit .

pertinent. sed quia in civitate bellicosa plures Romuli, quam Numæ similes reges putabat fore, iturosque ipsos ad bella; ne sacra regiæ vicis desererentur, flaminem Jovi assiduum sacerdotem creavit; insignique eum veste, & curuli regia sella adornavit. huic duos flamines adjecit, Marti unum, alterum, Quirino: 2 virginesque Vestæ legit, Alba oriundum sacerdotium, & genti conditoris haud alienum. his, ut assidue templi antistites essent, stipendium de publico statuit: virginitate, aliisque cærimoniis venerabiles, ac sanctas fecit. 3 Salios item duodecim Marti 4 Gradivo legit: tunicæque pictæ insigne dedit, & super tunicam æneum pectori regumen: cælestiaque arma, quæ 5 Ancilia appellantur, ferre, ac per urbem ire canentes carmina cum tripudiis, solennique saltatu jussit. 6 Pontificem deinde Numam Marcium Marci filium ex patribus legit: eique sacra omnia exscripta, 7 exsignataque attribuit: quibus hostiis, quibus diebus, ad quæ templa sacra fierent, atque unde in eos sumtus pecunia erogaretur. cetera quoque omnia publica, privataque sacra pontificis scitis subjecit: ut esset, quo consultum plebs veniret; ne quid divini juris negligendo patrios ritus, peregrinosque asciscendo turbaretur. Nec cælestes modo cærimonias, sed iusta quoque funebria, placandosque manes ut idem pontifex edoceret; quæque prodigia fulminibus, aliove quo viso missa 8 susciperentur, atque 9 curarentur; ad ea ejicienda ex mentibus divinis

B 2

Jovi

1 *Quirino*) Romulo, qui a *Curis* apud Sabinos hasta, tamquam Martius quidam deus ac pugnax, *Quirinus* dictus est.

2 *Virgines Vestæ*) Æterni ignis custodes.

3 *Salios*) Dictos a saliendo, sive saltando.

4 *Gradivo*) *Gradivus* dictus est a *gradiendo* in bella, sive a vibratione hastæ, quod Græce *ὑπὸ δαίμονι*. Festus.

5 *Ancilia*) *Ancile* scutum breve ex utroque latere rectum, e caelo delapsum regnante Numa.

6 *Pontificem*) *Pontifices* dictos volunt a *ponte* faciundo. Nam ab iis, inquit Varro, *pont* subicius est *factus* primum, & *resistens* saepe.

7 *Exsignata*) Eodem signo impressa, quo & exemplar unde exscripta fuerant.

8 *Susciperentur*) Judicarentur esse ejusmodi, ut eorum ratio habenda esset. Quædam enim saepe negligebantur.

9 *Curarentur*) *Procurare* prodigia, expiare est.

Jovi Elicio aram in Aventino dicavit; deumque consuluit auguriis, quæ suscipienda essent.

21. Ad hæc consultanda, procurandaque, multitudi-  
dine omni a vi, & armis conversa, & animi,  
aliquid agendo, occupati erant; & deorum as-  
sidua insidens cura, cum interesset rebus huma-  
nis cæleste numen videretur, ea pietate omnium  
pectora imbuerat, ut fides ac jusjurandum, pro-  
pulso, legum ac poenarum metu, civitatem re-  
gerent. & cum ipsi se homines in regis, velut  
unici exempli, mores formarent: tum finitimi  
etiam populi, qui ante \* castra urbem, positam  
in medio ad sollicitandam omnium pacem credi-  
derant, in eam verecundiam adducti sunt, ut  
civitatem, totam in cultum versam deorum,  
violari dicerent nefas. Lucus erat, quem me-  
dium ex opaco specu fons perenni rigabat aqua:  
quo quia se persæpe Numa sine arbitris, velut  
ad congressum deæ, inferebat, Camenis eum  
lucum sacravit; quod earum sibi concilia cum  
conjuges sua Egeria essent; & soli Fidei solenne  
instituit. Ad id sacrarium flamines bigis i currum  
arcuato vehi jussit, manuque ad digitos usque  
involuta rem divinam facere; significantes fi-  
dem tutandam, sedemque ejus etiam in dextris  
sacratam esse. Multa alia sacrificia, locaque sa-  
cris faciendis, quæ 2 Argeos pontifices vocant,  
dedicavit. Omnium tamen maximum ejus ope-  
rum fuit tutela per omne regni tempus, haud  
minor pacis, quam regni. Ita duo deinceps re-  
ges, alius alia via, ille bello, hic pace civita-  
tem auxerunt. Romulus septem & triginta re-  
gnavit annos, Numa tres, & quadraginta. Tum  
valida, tum temperata & belli, & pacis arti-  
bus erat civitas.

\* al.  
ante  
castra  
non  
ur-  
bem  
posi-  
ti m.

## CA-

1 Currum arcuato vehi jussit ) Currum camera in modum  
tello.

2 Argeos ) Argeos, teste Varrone, distos putant a prin-  
cipibus qui dux Hercule Argivo venerunt, & in Saturnia  
subsederunt.

## CAPUT IX.

*Post Numam tertius Rex creatus Hostilius ad rem militarem adjicit animum: bello provocat Albanos: hi, Clælio rege mortuo, Metium Fufetium dictatorem dicunt: qui per colloquium agit cum Tullo de mittendo in compendium bello: inter utrumque populum sancitur interrim foedus, cujus ritus describitur.*

**N**Umæ morte ad interregnum res rediit. Inde Tullum Hostilium nepotem Hosti- 22.  
lii, cujus in infima arce clara pugna adversus Sabinos fuerat, regem populus jussit: Patres auctores facti. Hic non solum proximo regi dissimilis, sed ferocior etiam Romulo fuit: tum ætas, viresque, tum avita quoque gloria animum stimularat. Senescere igitur civitatem otio ratus, undique materiam excitandi bellî quærebat. Forte evenit, ut agrestes Romani ex Albano agro, Albani ex Romano prædas invicem agerent. Imperitabat tum C. Clælius Albæ, utrinque legati fere sub idem tempus ad res repetendas missi. Tullus præceperat suis, ne quid prius, quam mandata agerent. satis sciebat, negaturum Albanum: ita pie bellum indici posse. ab Albanis facordius res acta. excepti hospitio ab Tullo blande, ac benigne, comiter regis convivium celebrant: tantisper Romani & res repeterant priores, & neganti Albano bellum in trigessimum diem indixerant. Hæc renuntiant Tullo. Tum legatis Tullus dicendi potestatem, quid petentes venerint, facit. Illi omnium ignari, primum purgando terunt tempus: *Se invitos quicquam, quod minus placeat Tullo, dicturos, sed imperio subigi: res repetitum se venisse: ni reddantur, bellum indicere jussos.* Ad hæc Tullus: Nuntiate, inquit, regi vestro, regem Romanum deos facere testes: uter prius populus res repeteret legatos aspernatus dimiserit, i ut in eum omnes expetant hujusce

B 3

cla-

1 Ut in eum ) Ut in eum recidant omnes &c. Sic Plaur. Amphitr. Act. II. sc. 1. v. 42. Cujus ego hodie in tergo foæta ista expetant mendacia.

30 DECADIS PRIMÆ Tul. H. R.  
 23. *clades belli.* Hæc nuntiant domum Albani. Et bellum utrinque summa ope parabatur, civili simillimum bello, prope inter parentes, natosque, Trojanani utramque prolem, cum Lavinium ab Troja, ab Lavinio Alba, ab Albanorum stirpe regum oriundi Romani essent. Eventus tamen belli minus miserabilem dimicationem fecit; quod nec acie certatum est, & testis modo dirutis alterius urbis, duo populi in unum confusi sunt. Albani priores ingenti exercitu in agrum Romanum impetum fecere: castra ab urbe haud plus quinque millia passuum locant, fossa circumdant. Fossa Clœlia ab nomine ducis per aliquot sæcula appellata est, donec cum re nomen quoque vetustate abolevit. In his castris Clœlius Albanus rex moritur. Dictatorem Albani Metium Fufetium creant. Interim Tullius ferox præcipue morte regis, magnum deorum numen ab ipso capite orsum, in omne nomen Albanum expetiturum pœnas ob bellum impium dictitans, nocte præteritis hostium castris, infesto exercitu in agrum Albanum pergit. Ea res ab stativis excivit Metium: is ducit exercitum quam proxime ad hostem potest: inde legatum præmissum nuntiare Tullo jubet, priusquam dimicent, opus esse colloquio: si secum congressus sit, satis scire ea se allaturum, quæ nihilo minus ad rem Romanam, quam ad Albanam pertineant. Haud aspernatus Tullius, tametsi vana asseriebantur, suos in aciem educit. Exeunt contra & Albani. Postquam instructi utrinque stabant, cum paucis procerum in medium duces procedunt: ibi infit Albanus: *Injurias, & non redditas res ex fœdere, quæ repetita sunt, & ego regem nostrum i. Clœlium causam hujusce esse belli audisse videor: nec te dubito, Tulle, eadem præ te ferre. Sed si vera potius, quam dictu speciosa dicenda sunt, cupido imperii duos cognatos, vicinosque populos ad arma stimulat: neque recte, an perperam, interpretor: fuerit ista ejus delibcratio, qui bellum suscepit: me Albani gerendo bello ducem creaveret.*

i. Clœlium... audisse videor ) Ordo verborum: Et ego regem nostrum Clœlium audisse videor, quum diceret injurias & non redditas res ex fœdere causam hujusce esse belli.

re. Illud te, Tulle, monitum velim: Etrusca  
 res, quanta circa nos, teque maxime sit, quo  
 propiores vos, hoc magis scis. multum illi ter-  
 ra, plurimum mari pollent. Memor esto, iam  
 cum signum pugna dabis, has duas acies spe-  
 ctaculo fore, ut fessos, confectosque, simul victo-  
 rem, ac victum aggrediantur. itaque si nos dii  
 amant, quoniam non contenti libertate certa, in  
 dubiam imperii, servitiiue aleam imus, inea-  
 mus aliquam viam, qua, utri utris imperent,  
 sine magna clade, sine multo sanguine utriusque  
 populi decerni possit. Haud displicet res Tullo;  
 quamquam tum indole animi, tum spe victoriæ  
 ferocior erat. Quærentibus utrinque ratio ini-  
 tur, cui & fortuna ipsa præbuit materiam. Forte in duobus tum exercitibus erant i trigemi- 24.  
 ni fratres, nec ætate nec viribus dispares. Ho-  
 ratios, Curatiosque fuisse satis constat, nec fer-  
 me res antiqua alia est nobilior; tamen in re  
 tam clara nominum error manet, utrius popu-  
 li Horatii, utrius Curatii fuerint. auctores  
 utroque trahunt: plures tamen invenio, qui  
 Romanos Horatios vocent: hos ut sequar, in-  
 clinat animus. Cum trigeminis agunt reges,  
 ut pro sua quisque patria dimicent ferro: ibi  
 imperium fore, unde victoria fuerit. Nihil re-  
 culatur: tempus & locus convenit. Priusquam  
 dimicarent, foedus ictum inter Romanos, &  
 Albanos est his legibus: Ut cuius populi cives  
 eo certamine vicissent, is alteri populo cum  
 bona pace imperitaret. Foedera alia aliis legi-  
 bus, ceterum eodem modo omnia fiunt. Tum  
 ita factum accepimus: nec ullius vetustior fœ-  
 deris memoria est. Fetialis regem Tullum ita  
 rogavit: *Jubes ne me, rex, cum patrepatrato*  
*populi Albani fœdus ferire?* jubente rege; 2 *Sag-*  
*mina*, inquit, *te, rex, posco.* Rex ait: 3 *\* Pu-* \* al.  
*ram tollito.* Fetialis ex arce graminis herbam pu-  
 ram attulit: postea regem ita rogavit: *Rex,*  
*facis ne me tu regium nuntium populi Romani*

1 Trigemini ) Terni eodem partu editi.

2 Sagmina ) Sagmina, inquit Festus, vocantur verbenæ,  
 hoc est, herbe puræ, quia ex loco sancto secabantur.

3 Puram ) Supple herbam.



*Quiritium?* 1 *vasa*, comitesque meos? Rex respondit: 2 *Quod sine fraude mea*, populique Romani *Quiritium fiat*, facio. Fetialis erat M. Valerius. is patrempatratum Sp. Fufium fecit, verbena caput, capillosque tangens: ( 3 *paterpatratus* ad iusjurandum patrandum, id est sanc-  
 \* al. *siendum* fit ) *foedus* multisque id verbis, quæ longo effata carmine non operæ est referre, peragit. Legibus deinde recitatis, *Audi*, inquit, *Jupiter*, audi, *paterpatrate* populi *Albani*, audi tu *populus Albanus*: ut illa palam prima postrema ex illis 4 *tabulis cerave* recitata sunt sine dolo malo, utique ea hic hodie rectissime intel-  
 \* al. *lecta* sunt: illis legibus *populus Romanus* prior non deficiet. si prior defexit publico consilio, dolo malo, \* *tum me Diespiter* *populum Romanum* sic ferito, ut ego hunc \* *porcum* hodie feriam: tantoque magis ferito, quanto magis potes, pol-  
 \* al. *lesque*. Id ubi dixit, *porcum* & saxo silice per-  
 \* al. *cussit*. Sua item carmina *Albani*, suumque ius-  
 \* al. *jurandum* per suum dictatorem, suosque sacer-  
 \* al. *dotes* peregerunt.

## CAPUT X.

*Populi utriusque fortuna trigeminis hinc, atque inde fratribus Horatiis, Curatiisque committitur. Edita memorabili pugna, unus Horatius superstes, dum spoliis onustus redit, sororem circa se sponsi mortem deflentem interficit: in ius raptus, patre deprecante, ob recens meritum absolvitur.*

15. **F**OEdere isto, trigemini, sicut convenerat; arma capiunt. Cum sui utrosque adhortarentur; deos patrios, patriam ac parentes, quicquid civium domi, quicquid in exerci-  
 tu

1 *Vasa* ) Supellestem.

2 *Quod sine fraude mea ... fiat* ) Ita ut id fiat sine damno meo.

3 *Paterpatratus* ) Paterpatratus fit ad iusjurandum patrandum, unde illi nomen est. iusjurandum patrare hic idem est ac foedus sancire.

4 *Cerave* ) In ceratis tabulis vulgo scribere solebant antiqui; at foedera. & alia in nudo ligno, aut ære insculpere.

5 *Saxo silice* ) Saxum, generis nomen est: silice speciem lapidis indicat.

tu sit, illorum tunc arma, illorum intueri manus; feroces & suopte ingenio, & pleni adhortantium vocibus in medium inter duas acies procedunt. Confederant utrinque pro castris duo exercitus, periculi magis præsentis quam curæ expertes. Quippe imperium agebatur, in tam paucorum virtute, atque fortuna positum. Itaque ergo erecti, suspensique in minime gratum spectaculum animo intenduntur. Datur signum: infestisque armis, velut acies, terni juvenes, magnorum exercituum animos gerentes, concurrunt: nec his, nec illis periculum suum, sed publicum imperium, servitiumque obversatur animo, futuraque ea deinde patriæ fortuna, quam ipsi fecissent. Ut primo statim concursu increpuere arma, micantesque fulsere gladii, horror ingens spectantes perstringit, &, neutro inclinata spe, torpebat vox, spiritusque. Confertis deinde manibus, cum jam non motus tantum corporum, agitatioque anceps, telorum armorumque, sed vulnera quoque, & sanguis spectaculo essent; duo Romani, super alium alius, vulneratis tribus Albanis, expirantes corruerunt. Ad quorum casum cum conclamasset gaudio Albanus exercitus, Romanas legiones jam spes tota, nondum tamen cura deseruerat, exanimes vice unius, quem tres Curatii circumsteterant. Forte is integer fuit, ut universis solus nequaquam par, sic adversus singulos ferox: ergo, ut segregaret pugnam eorum, capessit fugam; ita ratus secuturos, ut quemque vulnere affectum corpus sineret. Jam aliquantum spatii ex loco, ubi pugnatum est, aufugerat, cum respiciens videt magnis intervallis sequentes; unum haud procul ab sese abesse: in eum magno impetu rediit. Et dum Albanus exercitus inclamat Curatiis, uti opem ferant fratri, jam Horatius, cæso hoste, victor secundam pugnam petebat. Tunc clamore, qualis ex insperato paventium solet, Romani adjuvant militem suum: & ille defungi prælio festinat. Prius itaque quam alter, qui nec procul aberat,

B 5

con-

1 Telorum armorumque ) Arma commune vocabulum est, quo continentur & ea quibus feritur hostis, & ea quibus corpus protegitur.

consequi posset, & alterum Curatium conficit. Jamque æquato Marte singuli supererant, sed nec spe, nec viribus pares. alterum intactum ferro corpus, & geminata victoria ferocem in certamen tertium dabant: alter fessum vulnere, fessum cursu trahens corpus, victusque fratrum ante se strage, victori objicitur hosti: nec illud prælium fuit. Romanus exultans, *Duos*, inquit, *fratrum manibus dedi: tertium, causam belli hujusce, ut Romanus Albano imperet, dabo*. Male sustinenti arma gladium superne jugulo defigit: jacentem spoliat. Romani ovantes, ac gratulantes Horatium accipiunt, eo majore cum gaudio, quo propius metum res fuerat. Ad sepulturam inde suorum nequaquam paribus animis vertuntur: quippe imperio alteri aucti, alteri ditionis alienæ facti. Sepulcra extant, quo quisque loco cecidit: dno Romana uno loco propius Albam, tria Albana Romam versus, 26. sed distantia locis, ut & pugnatum est. Prinsquam inde digrederentur, roganti Metio ex fœdere ic̃to quid imperaret, imperat Tullus, uti juventutem in armis habeat: usurum se eorum opera, si bellum cum Vejentibus foret. Ita exercitus inde domos abducti. Princeps Horatius ibat, trigemina spolia præ se gerens: cui soror virgo, quæ desponsa uni ex Curatiis fuerat, obvia ante portam Capenam fuit: cognitoque super humeros fratris i paludamento sponsi, quod ipsa confecerat, solvit crines, & flebiliter nomine sponsum mortuum appellat. Mover feroci juveni animum comploratio sororis in victoria sua, tantoque gaudio publico. Stricto itaque gladio, simul verbis increpans, transfigit puellam. *Abi hinc cum, 2. immaturo amore ad sponsum*, inquit, *oblita fratrum mortuorum vivique, oblita patria. Sic eat quacumque* \* *Romanum lugebit hostem*. Atrox visum id facinus patribus, plebique: sed recens meritum facto obstabat: tamen raptus in jus ad regem. rex, ne ipse tam tristis, ingratiq̃ue ad vulgus judicii, ac secundum judicium supplicii auctor esset,

\* al.  
Ro-  
mana

1 Paludamento } Paludamentum est chlamys imperatoria.  
2 Immaturo } Intempestivo.

fer, concilio populi advocato, Duumviros, inquit, i qui Horatio perduellionem judicent secundum legem, facio. Lex horrendi carminis erat: Duumviri perduellionem judicent; si a Duumviris provocarit, provocatione certato: si vincent, caput obnubito: infelici arbori recte suspendito: verberato vel intra 2 pomerium, vel extra pomerium. Hac lege Duumviri creati, qui se absolvere non rebantur ea lege ne innoxium quidem posse, cum condemnassent: tum alter ex his, P. Horati, tibi perduellionem judico, inquit. I, licitor, colliga manus. Accellerat licitor, injiciebatque laqueum: tum Horatius, auctore Tullo, clemente legis interprete, Provoco, inquit. Ita de provocatione certatum ad populum est. Moti homines sunt in eo iudicio, maxime P. Horatio patre proclamante, se filiam jure cæsam judicare: ni ita esset, 3 patrio jure in filium animadversurum fuisse. Orabat deinde, ne se, quem paulo ante cum egregia stirpe conspexissent, orbum liberis facerent. Inter hæc senex juvenem amplexus, spolia Curatorum fixa eo loco, qui nunc Pila Horatia appellatur, ostentans, Hunc cene, ajebat, quem modo decoratum, ovantemque victoria incendentes vidistis, Quirites, eum 4 sub furca victum inter verbera, & cruciatus videre potestis? quod vix Albanorum oculi tam deforme spectaculum ferre possent. I, licitor, colliga manus, quæ paulo ante armata imperium populo Rom. pepererunt. I, caput obnube liberatoris urbis hujus: arbori infelici suspende: verbera vel intra pomerium, modo inter illa pila, & spolia hostium: vel extra pomerium, modo intra sepulcra Curatorum. quo enim ducere hunc juvenem potestis, ubi non sua decora eum à tanta fœditate suppli-

B 6 cui

1 Qui Horatio perduellionem judicent) Perduellio proprie crimen ejus, qui hostile aliquid in rempublicam gessit. Sed rum. videtur quodvis facinus capitali poena dignum perduellionis lege comprehensum fuisse. Qui Horatio perduellionem judicent, 1. e. qui sententiam ferant in Horatium, tamquam perduellionis manifestum.

2 Pomerium) Vid. infra c. 44.

3 Patrio jure) Ex lege Romuli jus vitæ necisque patri in liberos erat.

4 Sub furca) Vid. cap. 30. l. II.

36 DECADIS PRIMÆ Tul. H. R.  
*cui vindicent?* Non tulit populus nec patris lacrymas, nec ipsius parem in omni periculo animum: absolveruntque admiratione magis virtutis, quam jure causæ. Itaque ut cædes manifesta aliquo tamen piaculo lueretur, imperatum patri, ut filium expiaret i pecunia publica. Is, quibusdam piacularibus sacrificiis factis, quæ deinde genti Horatiæ tradita sunt, transmissio per viam tigillo, capite adoperto, velut 2 sub jugum misit juvenem. id hodie publice quoque semper refectum manet: Sororium tigillum vocant. Horatiæ sepulcrum, quo loco corruerat icta, constructum est saxo quadrato.

## C A P U T XI.

*Albani a fide desciscunt: Fidenates, ac Veientes in Romanos concitant: a Tullo ex fœdere in auxilium vocati, medii inter duos exercitus expectant fortunam. Proditionis cognitam fraudem callido consilio irritam Tullus reddit: Vitis hostibus, proditorem ducem Metium fœdo afficit supplicio.*

27. **N** Ec diu pax Albana mansit: invidia vulgi, quod tribus militibus fortuna publica commissa fuerit, vanum ingenium dictatoris corripuit: & quoniam recta consilia haud bene evenerant, pravis reconciliare popularium animos cœpit. Igitur ut prius in bello pacem, sic in pace bellum quærens, quia suæ civitati animorum plus quam virium cernebat esse, ad bellum palam, atque ex edicto gerendum alios concitat populos, suis per speciem societatis proditionem reservat. Fidenates, colonia Romana, Veientibus sociis consilii assumtis, pacto transitionis Albanorum, ad bellum atque arma incitantur. Cum Fidenæ aperte descissent, Tullus, Metio, exercituque ejus ab Alba accito, contra hostes ducit; ubi Anienem transiit, ad confluentes collocat castra. Inter eum locum & Fi-

1 *Pecunia publica* ) Pecunia publice præbita in piacularia sacra.

2 *Sub jugum misit* ) Quid sit jugum, vid. infra III. 28.

& Fidenas Vejentium exercitus Tiberim transierat. Hi & in acie prope flumen tenere dextrum cornu, in sinistro Fidenates propius montes consistunt. Tullus adversus Vejentem hostem dirigit suos, Albanos contra legionem Fidenatium collocat. Albano non plus animi erat, quam fidei: nec manere ergo, nec transire aperte ausus, sensim ad montes succedit. Inde ubi satis fuisse sese ratus est, <sup>1</sup> erigit totam aciem, fluctuantisque animo, ut tereret tempus, ordines explicat. Consilium erat, qua fortuna rem daret, ea inclinare vires. Miraculo primo esse Romanis, qui proximi steterant, ut nudari latera sua sociorum digressu senserunt. Inde eques citato equo nuntiat regi, abire Albanos. Tullus in re trepida duodecim vovit Salios, fanaque Pallori, ac Pavori: equitem clara increpans voce, ut hostes exaudirent, redire in prælium jubet: *Nihil trepidatione opus esse; suo jussu circumduci Albanorum exercitum, ut Fidenatium nuda terga invadat.* Idem imperat, ut hastas equites erigere jubeat. Id factum magnæ parti peditum Romanorum conspectum abeuntis Albani exercitus interfecit. qui viderant, id quod ab rege auditum erat, rati, coacrius pugnant. Terror ad hostes transit: & audiverant clara voce dictum; & magna pars Fidenatium, ut qui coloni additi Romanis essent, Latine sciebant. Itaque, ne subito ex colibus decursu Albanorum intercluderentur ab oppido, terga vertunt. Instat Tullus, fusoque Fidenatium cornu, in Vejentem, alieno pavore perculsum, ferocior redit. Nec illi tulere impetum, sed ab effusa fuga flumen obiectum a tergo arcebat. Quo postquam fuga inclinavit, alii arma foede jactantes in aquam cæci ruebant: alii, dum cunctantur in ripis, inter fugæ, pugnæque consilium oppressi. Non alia ante Romana pugna atrocior fuit. Tum Albanus exercitus, spectator certaminis, deductus in campos. Metius Tullo devictos hostes gratulatur: contra Tullus Metium benigne alloquitur: 228. quod bene vertat, castra Albanos. Romanis castris

<sup>1</sup> *Erigit* ) Stare jubet, ab erigenda hasta.

<sup>2</sup> *Quod bene vertat* ) Solemnis bene precandi formula.

stris jungere jubet: sacrificium lustrale in diem posterum parat. Ubi illuxit, paratis omnibus, ut assoler, vocari ad concionem utrumque exercitum jubet. Præcones ab extremo orsi, primos excivere Albanos: hi novitate etiam rei moti, ut regem Romanum concionantem audirent, proximi constitere: ex composito arma circumdatur: Romana legio: centurionibus datum negotium erat, ut sine mora imperia exequerentur. Tum ita Tullus infir: *Romani, si unquam ante alias ullo in bello fuit, quod primum diis immortalibus gratias ageretis, deinde vestra ipsorum virtuti, hesternum id pralium fuit: dimicatum est enim non magis cum hostibus, quam (qua dimicatio major, ac periculosior est) cum pradtione ac perfidia sociorum; nam, ne vos falsa opinio teneat, injussu meo Albani subiere ad montes: nec imperium illud meum, sed consilium, & imperii simulatio fuit, ut nec, vobis ignorantibus, deserere vos, averteretur a certamine animus: & hostibus, circumveniri se ab tergo ratis, terror, ac fuga injiceretur. Nec ea culpa, quam arguo, omnium Albanorum est: ducem secuti sunt, ut & vos, si quo ego inde agmen declinare voluissem, fecissetis. Metius ille est ductor itineris hujus, Metius idem hujus machinator belli, Metius fœderis Romani, Albanique ruptor. audeat deinde talia alius, nisi in hunc insigne jam documentum mortalibus dederò. Centuriones armati Metium circumstant. rex cetera, ut orsus erat, peragit. Quod bonum, faustum, felixque sit populo Romano, ac mihi, vobisque, Albani, populum omnem Albanum Romam traducere in animo est: civitatem dare plebi, primores in patres legere: unam urbem, unam rempub. facere; ut ex una quondam in duos populos divisa Albana res est, sic nunc in unum redeat. Ad hæc Albana pibes inermis ab armatis septa in variis voluntatibus, communi tamen metu cogente, silentium tenet. Tum Tullus, Meti Fuseti, inquit, si ipse discere posses fidem, ac fœdera servare, vivo tibi ea disciplina a me adhibita esset:*

1 Romana legio ) Romanus exercitus.

Tul. H. R. LIB. I. CAP. XII. 39  
esset: nunc, quoniam tuum insanabile ingenium  
est, tu tuo supplicio doce humanum genus ea  
sancta credere, quæ a te violata sunt, ut igitur  
paulo ante animum inter Fidenatem, Romanam-  
que rem ancipitem gessisti, ita jam corpus pas-  
sim distrahendum dabis. Exinde duabus admo-  
tis quadrigis, in currus earum distentum illigat  
Metium: deinde in diversum iter equi concita-  
ti, lacerum in utroque curru corpus, quæ inhæ-  
ferant vinculis membra, portantes. avertere  
omnes a tanta fœditate spectaculi oculos. Pri-  
mum, ultimumque illud supplicium apud Ro-  
manos exempli parum memoris legum humana-  
rum fuit: in aliis gloriari licet, nulli gentium  
mitiores placuisse pœnas.

## CAPUT XII.

*Æmula Imperii Alba diruitur, Romam tradu-  
cta multitudine, cujus discedentis habitus de-  
scribitur. Tullus ob veteres inimicitias Sabi-  
nos bello petens, vincit. Prodigia nuntiatis,  
Novendiale sacrum suscipitur: paulo post, or-  
ta pestilentia propter prave procuratas religio-  
nes, fulmine Tullus absumitur. Regnat annos  
XXXII.*

**I**Nter hæc jam præmissi Albam erant equites, 29  
qui multitudinem traducerent Romam: le-  
giones deinde ductæ ad diruendam urbem. Quæ  
ubi intravere portas, non quidem fuit tumultus  
ille, nec pavor, qualis captarum esse urbium  
solet, cum, extractis portis, stratificariete mu-  
ris, aut arce vi capta, clamor hostilis, & cur-  
sus per urbem armatorum omnia ferro flamma-  
que miscet: sed silentium triste, ac tacita mœ-  
stitia ita defixit omnium animos, ut præ me-  
tu obliti quid relinquerent, quid secum ferrent,  
deficiente consilio, rogantesque alii alios,  
nunc in liminibus starent, nunc errabundi do-  
mos suas, ultimum illud visuri pervagarentur.  
Ut vero jam equitum clamor exire iubentium  
instabat; jam fragor rectorum, quæ dirue-  
bantur, ultimis urbis partibus audiebatur:  
pulvisque ex distantibus locis ortus, velut nu-  
be.



be inducta omnia impleverat: raptim i quibus quisque poterat elatis, cum Larem, ac Penates testaque, in quibus natus quique, educatusque esset, relinquentes exirent, jam continens agmen migrantium impleverat vias: & conspectus aliorum mutua miseratione integrabat lacrimas; vocesque etiam miserabiles exaudiebantur, mulierum præcipue, cum obsessa ab armatis templa angusta præterirent, ac velut captos relinquerent deos. Egressis urbem Albanis, Romanus passim publica, privataque omnia testæ adæquat solo: unaque hora quadringentorum annorum opus, quibus Alba steterat, excidio, ac ruinis dedit: templis tamen deum (ita enim edictum ab rege fuerat) temperatum est. Roma interim crescit Albæ ruinis, duplicatur civium numerus: Cælius additur urbi mons: & quo frequentius habitaretur, eam sedem Tullus regiæ capit, ibique deinde habitavit. Principes Albanorum 2 in patres, ut ea quoque pars reipublicæ cresceret, legit, Julios, Servilios, Quinctios, Geganios, Curatios, Clælios: 3 templumque ordini ab se aucto curiam fecit, quæ Hostilia usque ad patrum nostrorum ætatem appellata est. Et ut omnium ordinum viribus aliquid ex novo populo adjiceretur, equitum decem 4 turmas ex Albanis legit: legiones & veteres eodem supplemento explevit, & novas scripsit. Hac fiducia virium Tullus Sabini bellum indicit, genti ea tempestate secundum Etruscos opulentissimæ viris, armisque; utrinque injuriæ factæ, ac res nequicquam erant repetitæ. Tullus ad 5 Feroniæ sanum mercatu frequenti negotiatores Romanos comprehensos querebatur; Sabini suos prius in 6 lucum confugisse, ac Romæ retentos. Hæ causæ bel-

li fe-

1 Quibus quisque poterat ) Hellenismus, pro iis quæ quisque poterat.

2 In Patres . . . ) Patriciorum ordini adscripsit.

3 Templumque ) Senus haberi non poterat, nisi in loco ab auguribus consecrato, quod templum appellabatur.

4 Turmas ) Turma quasi turma dicta est, quod terdenis equitibus constaret: Festus.

5 Feroniæ ) Feronia dea vel nympha fuit.

6 Lucum ) Asylum a Romulo apertum, nec adhuc septum.

li ferebantur. Sabini haud parum memores, & suarum virium partem Romæ ab Tatio locatam, & Romanam rem nuper etiam adjectione populi Albani auctam, circumspicere & ipsi externa auxilia. Etruria erat vicina, proximi Etruscorum Veientes: inde ob residuas bellorum iras maxime sollicitatis ad defectionem animis, voluntarios traxere, & apud vagos quosdam ex inopi plebe etiam merces valuit: publico auxilio nullo adjuti sunt: valuitque apud Veientes (nam de ceteris minus mirum est) pacta cum Romulo induciarum fides. Cum bellum utrinque summa ope pararetur, vertique in eo res videretur, utri prius arma inferrent, occupat Tullus in agrum Sabinum transire. Pugna atrox ad silvam Malitiosam fuit: ubi & peditum quidem robore, ceterum equitatu aucto nuper, plurimum Romana acies valuit. Ab equitibus repente investitis turbati ordines sunt Sabinorum; nec pugna deinde illis constare, nec fuga explicari sine magna cæde potuit. Devictis Sabinis, cum in magna gloria, magnisque opibus regnum Tulli, ac tota res Romana esset; nuntiatum regi, patribusque est, in monte Albano lapidibus pluisse: quod cum credi vix posset, missis ad id visendum prodigium, in conspectu, haud aliter, quam cum grandinem venti glomeratam in terras agunt, crebri cecidere cælo lapides. Visi etiam audire vocem ingentem ex summi cacuminis loco, ut patrio ritu sacra Albani facerent, quæ, velut diis quoque simul cum patria relictis, oblationi dederant: & aut Romana sacra susceperant; aut fortunæ (ut fit) obirati cultum reliquerant deum. Romanis quoque ab eodem prodigio Novemdiale sacrum publice susceptum est, seu voce cælesti ex Albano monte missa (nam id quoque traditur) seu aruspicum monitu: mansit certe solenne, ut quandocumque idem prodigium nuntiaretur, feriæ per novem dies agerentur. Haud ita multo post pestilentia laboratum est: unde cum pigritia militandi oriretur, nulla tamen ab armis quies dabatur a bellicoso rege, salubriora etiam credente militiæ, quam domi juvenum corpora esse, donec ipse

ipse quoque longinquo morbo est implicitus. Tunc adeo fracti simul cum corpore sunt spiritus illi feroces, ut qui nihil ante ratus esset minus regium, quam sacris dedere animum, repente omnibus, magnis, parvisque superstitionibus obnoxius degeret, religionibusque etiam populum impleret. Vulgo jam homines cum statum rerum, qui sub Numa rege fuerat, requirentes, unam opem ægris corporibus relinquant, si pax veniaque ab diis impetrata esset, credebant. Ipsum regem tradunt volventem commentarios Numæ, cum ibi quædam occulta solennia sacrificia Jovi Elicio facta invenisset, et operatum his sacris se addidisse: sed non rite initum, aut curatum id sacrum esse: nec solum nullam ei oblatam cælestium speciem, sed, ira Jovis sollicitati prava religione, fulmine ictum cum domo conflagrasse. Tullus magna gloria belli regnavit annos duos, & triginta.

## C A P U T XIII.

*Creatus quartus Rex Ancus Marcius sacra a Numa instituta renovat. Proditis carimoniis res per Fetialem repetendi, bellum Latinis indicit. Horum urbem Politorium bello repetitam diruit. Profligatis Latinis, eorum multa millia in civitatem accipit: Urbem augeat: Tiberim jungit: fines imperii profert: Ostiam condit.*

32. **M**Ortuo Tullo, res, ut institutum jam inde ab initio erat, ad patres redierat, v. c. bique interregem nominaverant: quo comitia habente, Ancum Marcium regem populus creavit, patres fuere auctores. Numæ Pompilii regis nepos filia ortus Ancus Marcius erat: qui ut regnare cœpit, & avitæ gloriæ memor, & quia proximum regnum cetera egregium ab una parte haud satis prosperum fuerat aut neglectis religionibus, aut prave cultis, et longeque anti-

<sup>114</sup>  
Anc.  
Mar.  
4. R.

1 Operatum 1 Sacrorum verbum.

2 Longe antiquissima 1 Rem sibi ante alias omnes curandam, providendam.

antiquissimum ratus sacra publica, ut ab Numa instituta erant, facere, omnia ea ex Commentariis regis Pontificem maximum in album relata proponere in publico jubet. inde & civibus otii cupidis, & finitimis civitatibus facta spes, in avi mores, atque instituta regem abiturum. Igitur Latini, cum quibus Tullo regnante istum fœdus erat, sustulerant animos: & cum incursionem in agrum Romanum fecissent, repetentibus res Romanis, superbe responsum reddiderunt, desidem Romanum regem inter facella, & aras acturum esse regnum rati. 2 Medium erat in Anco ingenium, & Numæ, & Romuli memor; & præterquam quod avi regno magis necessariam fuisse pacem credebat, cum in novo, tum feroci populo, etiam quod illi contigisset otium sine injuria, id se haud facile habiturum: tentari patientiam, & tentatam contemni; temporaque esse Tullo regi aptiora quam Numæ. Ut tamen, quoniam Numa in pace religiones instituisset, a se bellicæ cærimonix proderentur, nec gererentur solum, sed etiam indicerentur bella aliquo ritu; jus ab antiqua gente Æquicolis, quod nunc Fetiales habent, descripsit, quo res repetuntur. Legatus ubi ad fines eorum venit, unde res repetuntur, capite velato (\* filum lanæ vela- \* al. men est) *Audi, Jupiter*; inquit, *audite, fines* (cujuscumque gentis sunt, nominat) 3 *audiat fas. Ego sum publicus nuntius populi Romani: juste pieque legatus venio, verbisque meis fides sit.* Peragit deinde postulata: inde Jovem testem facit. *Si ego injuste, impieque illos homines, illasque res dedier nuntio populi Romani mihi exposco, tum patriæ compotem me numquam sinas esse.* Hæc, cum fines supra scandit, hæc, quicumque ei primus vir obvius fuerit, hæc portam ingrediens, hæc forum ingressus, paucis verbis carminis, concipiendique jurisjurandi mutatis, peragit; si non deduntur, quos exposcit,

1 *Album*) Tabulam gypso fortasse obductam.

2 *Medium erat in Anco ingenium*). In Anco ingenium erat pacis simul & belli artibus temperatum.

3 *Audiat Fas*) *Fas, lex divina est*, inquit Isidor. l. V. Orig. c. 2. *jus, lex humana.*

scit, diebus tribus & triginta (tot enim solennes sunt) peractis, bellum ita indicit: *Audi Jupiter, & tu Juno, Quirine, diique omnes caelestes, vosque terrestres, vosque inferni audite. Ego vos testor, populum illum (quicumque est, nominat) injustum esse, neque jus persolvere: sed de istis rebus in patria majores natu consulemus, quo pacto jus nostrum adipiscamur. Cum is nuntius Romam ad consulendum redit, confestim rex ex his ferme verbis patres consulebat: 1 *Quarum rerum, litium, causarum condixit paterpatratus populi Rom. Quiritium patripatrato priscorum Latinorum, hominibusque priscis Latinis, quas res nec dederunt, nec solverunt, nec fecerunt, quas res dari, fieri, solvi oportuit, dic*, inquit ei, quem primum sententiam rogabat, *quid censēs?* Tum ille: *Puro pioque duello quarendas censeo; itaque 2 consentio, consciscoque. Inde ordine alii rogabantur: quandoque pars major eorum, qui aderant, in eandem sententiam ibat, bellum erat consensu fieri solitum: ut fetialis, hastam feratam, aut sanguineam præustam ad fines eorum ferret, & non minus tribus puberibus presentibus diceret: Quod populi priscorum Latinorum, hominesque prisci Latini adversus populum Rom. Quiritium fecerunt, deliquerunt, quod populus Rom. Quiritium bellum cum priscis Latinis iussit esse, senatusque populi Rom. Quiritium censuit, consensit, conscivit, ut bellum cum priscis Latinis fieret: ob eam rem ego, populusque Rom. populis priscorum Latinorum, hominibusque priscis Latinis bellum indico, facioque. Id ubi dixisset, hastam in fines eorum emittebat. Hoc tum modo ab Latinis repetita res, ac*  
33. *bellum indictum: moremque eum posteri acceperunt. Ancus demandata cura sacrorum flaminibus, sacerdotibusque aliis, exercitu novo conscripto, profectus Politorium urbem Latinorum vi cepit: secutusque morem regum priorum,*  
*qui**

1 *Quarum rerum*) Supple *gratia; causa;*  
 2 *Consensio*) I. e. mea sententia bellum indici & fieri decerno.  
 3 *Hastam... sanguineam*) Vel e sanguineo frutice, de quo Plinius l. XVI. c. 18. vel sanguine cruentatam.

qui rem Romanam auxerant hostibus in civitatem accipiendis, multitudinem omnem Romam traduxit. Et cum circa palatium sedem veteres Romani, Sabini Capitolium atque arcem, Caelium montem Albani impleverant, Aventinum novæ multitudini datum. addiri \* eidem haud \* al. ita multo post, Tellenis, Ficanaque captis, eo-dem. novi cives. Politorium inde rursus bello repetitum, quod vacuum occupaverant prisca Latini: eaque causa diruendæ urbis ejus fuit Romanis, ne hostium semper receptaculum esset. Postremo, omni bello Latino Medulliam compulso, aliquamdiu ibi Marte incerto, varia victoria pugnatum est. nam & urbs tuta munitionibus, præsidioque firmata valido erat: & castris in aperto positis, aliquoties exercitus Latinus cominus cum Romanis signa contulerat. Ad ultimum omnibus copiis connixus Ancus, acie primum vincit, inde ingenti præda potitus Romam redit, tum quoque multis milibus Latinorum in civitatem acceptis: quibus, ut jungeretur Palatio Aventinum, 1 ad Murciae datæ sedes. 2 Janiculum quoque adjectum, non inopia loci, sed nequando ea arx hostium esset. id non muro solum, sed etiam ob commoditatem itineris, ponte sublicio tum primum in Tiberim facto, conjungi urbi placuit. Quiritium quoque fossa, haud parvum munimentum a planioribus aditu locis, Anci regis opus est. Ingenti incremento rebus auctis, cum in tanta multitudine hominum, discrimine recte an peperam facti confuso, facinora clandestina fierent, carcer ad terrorem incrementis audaciæ media urbe imminens foro ædificatur. Nec urbs tantum hoc rege crevit, sed etiam ager, finesque: silva Mæsia Veientibus adempta; usque ad mare imperium prolatum: & in ore Tiberis Ostia urbs condita: salinae circa factæ; egregieque rebus bello gestis, ædes Jovis Feretrii amplificata.

C A-

1 *Ad Murcia* ) Circa ædem Veneris Murciae.

2 *Janiculum* ) Sic dictum, sive a Jano, qui ibi vel sit sepultus, vel habitaverit; sive, auctore Festo, quod per eum, tamquam per *januam*, populus Romanus transierit in agrum Etruscum.

## CAPUT XIV.

*Ancoregnante, Lucumo vir transmarina originis, qui postea Tarquinius nomen tulit, hortante uxore, nobili ac prudenti femina, in speem regni Romam Tarquiniis commigrat. Ob industria, atque elegantia famam in amicitiam Anci receptus, fit omnium consiliorum particeps: eo mortuo, cum regnasset annos XXIV., regnum ipse ad se trahere conatur.*

34. **A** Nco regnante, Lucumo, vir impiger, ac divitiis potens, Romam commigravit, cupidine maxime, ac spe magni honoris, cujus adipiscendi Tarquiniis (nam ibi quoque peregrina stirpe oriundus erat) facultas non fuerat. Demarati Corinthii filius erat: qui ob seditiones domo profugus, cum Tarquiniis forte confedisset, uxore ibi ducta duos filios genuit: nomina his Lucumo, atque Aruns fuerunt. Lucumo superfuit patri, bonorum omnium heres: Aruns prior, quam pater moritur, uxore gravida relicta. nec diu manet superstes filio pater. qui cum, ignorans nulum ventrem ferre, immemor in testando nepotis decessisset, puero post avi mortem in nullam sortem bonorum nato ab inopia Egerio inditum nomen. Lucumoni contra, omnium heredi bonorum, cum divitiæ jam animos facerent, auxit ducta in matrimonium Tanaquil, summo loco nata, & quæ haud facile iis, in quibus nata erat, humiliora sineret. Ea cum innupsisset, spernentibus Etruscis Lucumonem exule advena ortum, ferre indignitatem non potuit: oblitaque ingenitæ erga patriam caritatis, dummodo virum honoratum videret, consilium migrandi ab Tarquiniis cepit. Roma est ad id potissimum visa. In novo populo, ubi omnis repentina, atque ex virtute nobilitas sit, futurum locum forti ac strenuo viro. Regnasse Tatium Sabinum: arcessitum in regnum Numam a Curibus: & Ancum Sabina matre ortum, i nobilemque una

. 1. Nobilem . . . una imagine ) Ex solo avo Numia charitudinem ac nobilitatem trahere.

una imagine Numæ esse . facile persuadet , ut  
 cupido honorum , & cui Tarquiniî materna tan-  
 rum patria esset . Sublatis itaque rebus , commi-  
 grant Romam . Ad Janiculum forte ventum e-  
 rat ; ibi ei carpento sedenti cum uxore , aquia  
 suspensis demissa leniter alis pileum aufert : su-  
 perque carpentum cum magno clangore volitans,  
 rursus velut ministerio divinitus missa , capiti  
 apte reponit : inde sublimis abiit . Accepisse id  
 augurium læta dicitur Tanaquil , perita , ut vul-  
 go Etrusci , cælestium prodigiorum mulier : ex-  
 celsa , & alta sperare complexa virum jubet .  
*Eam alitem ea regione cali , & ejus Dei nun-*  
*tiam venisse : circa summum culmen hominis au-*  
*spicium fecisse : levasse humano superpositum ca-*  
*piti decus , ut divinitus eidem redderet .* Has  
 ipes , cogitationesque secum portantes urbem  
 ingressi sunt : domicilioque ibi comparato , L.  
 Tarquinius edidit nomen . Jam & Romanis  
 conspicuum cum novitas , divitiæque faciebant :  
 & ipse quoque fortunam benigno alloquio , co-  
 mitate <sup>1</sup> invitandi , beneficisque , quos poterat ,  
 sibi conciliando , adjuvabat : donec in regiam  
 quoque de eo fama perlata est : notitiamque  
 eam brevi apud regem , <sup>2</sup> liberaliter dextereque  
 obeundo officia , in familiaris amicitiae addu-  
 xerat jura ; ut publicis pariter , ac privatis con-  
 siliis bello , domique interesset : & per omnia  
 expertus , postremo tutor etiam liberis regis  
 testamento institueretur . Regnavit Ancus an-  
 nos quatuor & viginti , cuilibet superiorum <sup>35.</sup>  
 regum belli , pacisque & artibus , & gloria par.  
 Jam filii prope puberem ætatem crant : eo ma-  
 gis Tarquinius instare , ut quamprimum comi-  
 tia regi creando fierent : quibus indictis , sub  
 tempus pueros venatum ablegavit : isque primus  
 & petisse ambitiose regnum , & orationem di-  
 citur habuisse ad conciliandos plebis animos  
 compositam : Cum , se non rem novam petere ;  
 quippe qui non primus , quod quisquam mirari ,  
 indignarive posset , sed tertius Romæ peregrinus  
 re-

<sup>1</sup> *Invitandi* ) Nempe ad crenam , ad epulas .

<sup>2</sup> *Liberaliter dextereque* ) *Liberaliter* est id quod homine li-  
 bero dignum est . *dexterum* , quod ingenioso .



48. DECADIS PRIMÆ *Anc. R.*  
*regnum affectet: & Tatium non ex peregrino so-*  
*lum, sed etiam ex hoste rege factum: & Nu-*  
*nam ignarum urbis, non petentem in regnum*  
*ultra accitum: se ex quo sui potens fuerit, Ro-*  
*manam cum conjuge, ac fortunis omnibus commi-*  
*grasse: majorem partem ætatis ejus, qua civili-*  
*bus officiis fungantur homines, Roma se, quam*  
*in vetere patria, vixisse: domi, militiaque, sub*  
*haud pœnitendo magistro, ipso Anco rege, Ro-*  
*mana se jura, Romanos ritus didicisse: obsequio,*  
*& observantia in regem cum omnibus, benigni-*  
*tate erga alios cum rege ipso certasse.*

## C A P U T XV.

*Tarquinius Priscus quintus Rex creatus Pa-*  
*trum numerum auget. Victis Latinis, ludos*  
*quam opulentissimos facit, Circo tum primum*  
*designato. A Sabinis bello petitus equitum cen-*  
*turias auget, quamvis quidquam mutari, ac*  
*novum constitui posse, neget Attius Nevius,*  
*cujus scientia tentatur mirabili experimento.*  
*De Sabinis triumphat; eorum oppida omnia*  
*armis subigit.*

**H**Æc cum haud falsa memorantem ingen-  
 ti consensu populus Romanus regnare ius-  
 sit. Ergo virum cetera egregium secuta, quam  
 in petendo habuerat, etiam regnantem ambitio  
 est: nec minus regni sui firmandi, quam au-  
 gendæ reip. memor, centum in Patres legit: qui  
 deinde 2 minorum gentium sunt appellati: factio  
 haud dubia regis, cujus beneficio in curiam ve-  
 nerant. Bellum primum cum Latinis gessit, &  
 oppidum ibi Appiolas vi cepit: prædaque in-  
 de majore, quam quanta belli fama fuerat, re-  
 vecta, ludos opulentiùs instructiusque, quam  
 priores reges, fecit. Tum primum Circo, qui  
 nunc maximus dicitur, designatus locus est:  
 loca

1 *Sub haud pœnitendo magistro*) Sub magistro, cujus disci-  
 pulum fuisse sibi honori esse intelligat.

2 *Minorum gentium*) Minus insignium familiarum. Nempe  
 majorum gentium Patres dicti sunt ii qui originem duce-  
 bant ex primis Romanis, ex Sabinis, & iis quos Tullus  
 ex Albanis in Patres legerat.

loca divisa patribus, equitibusque, ubi spectacula sibi quisque facerent, fori appellati. Spectavere, furcis duodenos ab terra i spectacula alta sustinentibus pedes. ludicrum fuit, equi, pugilesque ex Etruria maxime acciti. solennes deinde annui mansere ludi, Romani Magnique varie appellati. Ab eodem rege & circa forum privatis ædificanda divisa sunt loca: porticus, tabernæque factæ. Muro quoque lapideo circumdare urbem parabat, cum Sabinum bellum cæptis intervenit. adeoque ea subita res fuit, ut prius Anienem transissent hostes, quam obviam ire, ac prohibere exercitus Romanus posset. Ita trepidatum Romæ est, & primo dubia victoria, magna utrinque cæde pugnatum est: reductis deinde in castra hostium copiis, datoque spatio Romanis ad comparandum de integro bellum, Tarquinius equitem maxime suis deesse viribus ratus, ad Ramnenses, Tatienses, Luceres, quas centurias Romulus scripserat, addere alias constituit, suoque insignes relinquere nomine. Id quia inaugurato Romulus fecerat, negare Attius Nevius, inclytus ea tempestate augur, neque mutari, neque novum constitui, nisi aves addixissent, posse. Ex eo ira regi mota, eludensque artem (ut ferunt) *Agendum*, inquit, *divine tu, inaugura, fieri ne possit, quod nunc ego mente concipio*. cum ille in augurio rem expertus, profecto futuram dixisset: *Atqui hoc animo agitavi*, inquit, *te novacula cotem scissurum: cape hac, & perage, quod aves tue fieri posse portendunt*. tum illum haud cunctanter discidisse cotem ferunt. Statua Attii posita, capite velato, quo in loco res acta est, & in comitio in gradibus ipsis ad lævam curiæ fuit: cotem quoque eodem loco sitam fuisse memorant, ut esset ad posteros miraculi ejus monumentum. Auguriis certe, sacerdotioque augurum, tantus honos accessit, ut nihil belli, domique postea, nisi auspicato gereretur; concilia populi, exercitus vocati, summa rerum,

Tom. I.

C

rum,

1 *Spectacula* ) Sedilia e quibus spectarent.

2 *In Comitio* ) Comitium fuit pars fori quod illic primum populus Romanus coire ad Comitia solet.

- rum, ubi aves non admisissent, dirimerentur. Neque tum Tarquinius de equitum centuriis quicquam mutavit; numero tantum alterum adjecit, ut mille DCCC. equites in tribus centuriis essent. posteriores modo sub iisdem nominibus, qui additi erant, appellati sunt: quas nunc, quia geminatae sunt, lex vocant centurias. Hac parte copiarum aucta, iterum cum
37. Sabinis configitur: sed præterquam quod viribus creverat Romanus exercitus, ex occulto etiam additur dolus, missis qui magnam vim lignorum in Anienis ripa jacentem, ardentem in flumen conjicerent: ventoque juvante accensa ligna, & pleraque in ratibus impacta, sublevis cum haerent, i pontem succendunt. ea quoque res in pugna terrorem attulit Sabinis, effusus eadem fugam impedit: multique mortales, cum hostem effugissent, in flumine ipso perire. quorum fluitantia arma ad urbem cognita in Tiberi, prius pene, quam nuntiari posset, insignem victoriam fecere. Eo prælio præcipua equitum gloria fuit: utrinque ab cornibus positos, cum jam pelleretur media peditum suorum acies, ita incurrisse ab lateribus ferunt, ut non sisterent modo Sabinas legiones, ferociter instantes cedentibus, sed subito in fugam averterent. montes effuso cursu Sabini petebant, & pauci tenuere; maxima pars, ut ante dictum est, ab equitibus in flumen acti sunt. Tarquinius instandum perterritis ratus, præda, captivisque Romam missis, spoliis hostium (votum id Vulcano erat) ingenti cumulo accensis, pergit porro in agrum Sabinum exercitum inducere. & quamquam male gesta res erat, nec gesturos melius sperare poterant: tamen, quia consulendi res non dabat spatium, iere obviam Sabini tumultuario milite: iterumque ibi fusi,
38. perditis jam prope rebus, pacem petiere. Collatia, & quidquid citra Collatiam agri erat, Sabinis ademptum. Egerius (fratris hic filius erat regis) Collatiæ in præsidio relictus: deditosque Collatinos ita accipio, eamque dedicationis formulam esse. Rex interrogavit: *Estis ne*

i Pontem) Quem Sabini fecerant ad confluentes Tiberis & Anienis.

Tarq. P. R. LIB. I. CAP. XV. 51  
*ne vos legati, oratoresque missi a populo Collatino, ut vos, populumque Collatinum dederitis? Sumus. Est ne populus Collatinus in sua potestate? Est? Deditis ne vos, populum Collatinum, urbem, agros, aquam, terminos, delubra, utensilia, divina, humanaque omnia in meam, populique Romani ditionem? Dedimus. At ego recipio.* Bello Sabino perfecto, i Tarquinius triumphans Romam rediit: inde priscis Latinis bellum fecit: ubi nusquam ad universæ rei dimicationem ventum est: ad singula oppida circumferendo arma, nomen omne Latinum domuit. Corniculum, Ficulnea vetus, Cameria, Crustomerium, Ameriola, Medullia, Nomentum, hæc de priscis Latinis, aut qui ad Latinos defecerant, capta oppida. Pax deinde facta.

## C A P U T XVI.

*Positis bellis, opera pacis inchoat Tarquinius: In ejus regia prodigium apparet, flamma circa caput dormientis pueri Servii Tullii, qui matre serva natus, coepit inde in magna fortunæ spem educari: idem, Tarquinio ab Anci filiis occiso, cum regnasset annos XXXVIII. dum tantisper ejus celatur mors, se parat ad regnum occupandum.*

**M**Ajore inde animo pacis opera inchoata, quam quanta mole gesserat bella: ut non quietior populus domi esset; quam militiæ fuisset. nam & muro lapideo, cujus exordium operis Sabino bello turbatum erat, urbem, quæ nondum munierat, cingere parat; & infima urbis loca circa forum, aliasque interjectas collibus convalles, quia ex planis locis haud facile evehebant aquas, cloacis e fastigio in Tiberim ductis, siccat; & arcam ad ædem in Capitolio Jovis, quam voverat bello Sabino, jam præfagiente animo, futuram olim amplitudinem loci, occupat fundamentis. Eo tem- 39

C 2

pore

( Tarquinius triumphans ) Hæc prima apud Livium triumphus mentio occurrit.

pore in regia prodigium visum, eventumque mirabile fuit. Puero dormienti, cui Servio Tullio nomen fuit, caput arsisse ferunt multorum in conspectu: plurimo igitur clamore inde ad tantæ rei miraculum orto excitum 1 regem; & cum quidam 2 familiarium aqua ad restinguendum ferret, ab regina retentum; sedatoque jam tumultu, moveri vetuisse puerum, donec sua sponte experrectus esset; mox cum somno & flammam abiisse. Tum adducto in secretum viro Tanaquil; *Videsne tu puerum hunc*, inquit, *quem tam humili cultu educamus? Scire licet, hunc lumen quondam rebus nostris dubius futurum, præsidiumque regia afflictæ. proinde materiem ingentis publice privatimque decoris omni indulgentia nostra nutriamus.* Inde puerum liberum loco coeptum haberi, erudiri que artibus, quibus ingenia ad magnæ fortunæ cultum excitantur. Evenit facile, quod diis cordi esset. juvenis evasit vere indolis regię. nec, cum quæreretur gener Tarquinio, quisquam Romanæ juventutis ulla arte conferri potuit: filiamque ei suam rex despondit. Hic quacumque de causa tantus illi honos habitus, credere prohibet serva natum eum, parvumque ipsum servisse. eorum magis sententiæ sum, qui, Corniculo capto, Servii Tullii, qui princeps in illa urbe fuerat, gravidam viro occiso uxorem, cum inter reliquas captivas cognita esset, ob 3 unicam nobilitatem ab regina Romana prohibitam ferunt servitio, partum Romæ edidisse in Prisci Tarquinii domo: inde tanto beneficio & inter mulieres familiaritatem auctam, & puerum, ut in domo a parvo educatum, in caritate, atque honore fuisse: fortunam matris, quod, capta patria, in hostium manus venerit, ut serva natus crederetur, fecisse. Duodequadagesimo ferme anno, ex quo regnare coeperat Tarquinius, non apud regem modo, sed apud patres, plebemque longe maximo honore

1 *Reges* ) Regem ac reginam.

2 *Familiarium* ) Antiquè pro *servorum*.

3 *Unicam* ) Eximiam, præcellentem.

re Servius Tullius erat. Tum Anci filii duo ;  
 etsi antea semper pro indignissimo habuerant ,  
 se patrio regno tutoris fraude pulsos , regnare  
 Romæ advenam , 1 non modo \* vicinæ , sed ne \* al.  
 Italicæ quidem stirpis ; tum impensius 2 his in-  
 dignitas crescere , si ne ab Tarquinio quidem civ-  
 ad se rediret regnum , sed præceps inde porro ca.  
 ad servitia caderet : ut in eadem civitate post  
 centesimum fere annum , quam Romulus , deo  
 prognatus , deus ipse tenuerit regnum , donec  
 in terris fuerit , id Servius serva natus possi-  
 deat ; tum commune Romani nominis , tum  
 præcipue id domus suæ dedecus fore , si , An-  
 ci regis virili stirpe salva , non modo advenis ,  
 sed servis etiam regnum Romæ pateret . ferro  
 igitur eam arcere contumeliam statuunt . Sed &  
 injuriæ dolor in Tarquinium ipsum magis ,  
 quam in Servium eos stimulabat ; & quia gra-  
 vior ultor cædis , si superesset , rex futurus e-  
 rat , quam privatus ; & quia , Servio occiso ,  
 quemcumque alium generum delegisset , eundem  
 regni heredem facturus videbatur : ob hæc  
 ipsi regi insidiæ parantur . Ex pastoribus duo  
 ferocissimi delecti ad facinus , quibus con-  
 sueti erant uterque agrestibus ferramentis ,  
 in vestibulo regiæ quam potnere tumultuo-  
 sissime , specie rixæ in se omnes apparitores  
 regios convertunt : inde cum ambo regem ap-  
 pellarent , clamorque eorum penitus in regiam  
 pervenisset , vocati ad regem pergunt . Primo  
 uterque vociferari , & certatim alter alteri ob-  
 strepere : coerciti ab lictore , & iussi invicem  
 dicere , tandem obloqui desistunt : unus rem ex  
 composito orditur : dum intentus in eum se rex  
 totus averteret , alter elatam securim in caput  
 dejecit : relictoque in vulnere telo , ambo se  
 foras ejiciunt . Tarquinium moribundum cum  
 qui circa erant , exceperant , illos fugientes li-  
 ctors comprehendunt ; clamor inde , concur-  
 susque

C 3

1 Non modo civitate ) Non modo non .

2 His indignitas crescit ) His , filiis Anci . Indignitas ,  
 indignatio .

3 Invicem ) Alternatim .

54. *DECADIS PRIMÆ Tarq. P. R.*  
 fusque populi, mirantium quid rei esset. Tanaquil inter tumultum claudi regiam jubet, arbitros ejecit: simul quæ curando vulnere opus sunt, tamquam spes lubesset, sedulo comparat: simul, si destituat spes, alia præsidia molitur. Servio propere accito cum pene exanguem vivum ostendisset, dextram tenens, orat, ne inultam mortem foci, ne focrum inimicis ludibrio esse sinat. *Tuum est*, inquit, *Servi*, *si vir es*, regnum, non eorum, qui alienis manibus pessimum facinus fecerunt: erige te, deosque duces sequere, qui clarum hoc fore caput, divino quondam circumfuso igni portenderunt. nunc te illa celestis excitet flamma: nunc expergiscere vere: & nos peregrini regnavimus: qui sis, non unde natus sis, reputa. si tua, re subita, consilia torpent, at tu mea consilia sequere. Cum clamor impetusque multitudinis vix sustineri posset, ex superiore parte ædium per fenestras in novam viam versas. (habitabat enim rex i ad Jovis Statoris) populum Tanaquil alloquitur. Juberet bono animo esse: 2. sopitum fuisse regem subito ictu, ferrum haud alte in corpus descendisse: jam ad se redisse, inspectum vulnus abstereso cruore, omnia salubria esse. confidere propediem ipsum eos visuros. Interim Servio Tullio jubere populum dicto audientem esse: eum jura redditurum, obiturumque alia regis munia. Servius cum 3 trabea, & licторibus prodiit: ac sede regia sedens alia decernit, de aliis consulturum se regem esse simulat.

CA-

1 Ad Jovis Statoris. ) Supple. Ædem.

2 Sopitum ) Ufu sensuum mentisque privatum.

3 Trabea ) Trabea est togæ purpureæ genus. Ea usi reges, consules, certis occasionibus, triumphantes, augures, equites, in transvectione equorum, Idibus Quintilibus.

## CAPUT XVII.

*Servius Tullius sextus Rex, privatis munitis opibus, publicas quoque firmat: Veientes, & Etruscos vincit, populum in censum refert; in classes, atque centurias digerit; lustrum condit; Urbem propter multitudinem amplificat. Pomœrium profert: Diana templum cum Latinis Romæ facit: memorabile Rovis sacrificium.*

**I**Taque per aliquot dies, cum jam expirasset U. C. Tarquinius, celata morte, per speciem alienæ fungendæ vicis, suas opes firmavit: tum demum palam \* facta ex comploratione in regia orta, Servius præsidio firmo munitus, primus injussu populi voluntate patrum regnavit. Anci liberi, jam tum comprehensis sceleris ministris, ut vivere regem, & tantas esse opes Servii nuntiatum est, Sueffam Pometiam exulatum ierant. Nec jam publicis magis auxiliis Servius, quam privatis munire opes: & ne, qualis Anci liberum animus adversus Tarquinium fuerat, talis adversus se Tarquini liberum esset, duas filias juvenibus regiis, Lucio, atque Arunti Tarquiniis, jungit. Nec rupit tamen fati necessitatem humanis consiliis, quin invidia regni etiam inter domesticos infida omnia, atque infesta faceret. Peroportune ad præsentis quietem status bellum cum Veientibus ( jam enim induciæ exierant ) aliisque Etruscis fuit. In eo bello & virtus, & fortuna enituit Tullii: fusoque ingenti hostium exercitu, haud dubius rex, seu patrum, seu plebis animus periclitaretur, Romam rediit: aggrediturque inde pacis longe maximum opus; ut quemadmodum Numa divini auctor juris fuisset, ita Servium conditorem omnis in civitate dicriminis, ordinumque, quibus inter gradus dignitatis, fortunæque aliquid interlucet,

C 4

po-

\* Nec rupit tamen ) Nec potuit Servius impedire, quin...



posteri fama ferrent. 1 Censum enim instituit, rem saluberrimam tanto futuro imperio: ex quo belli, pacisque munia non viritim, ut ante, sed pro habitu pecuniarum fierent. tum classes, centuriasque, & hunc ordinem ex censu descripsit, vel paci decorum, vel bello. Ex  
 43. iis, qui centum millium æris, aut majorem censum haberent, LXXX. confecit centurias, quadragenas 2 seniorum, ac juniorum. Prima classis omnes appellati seniores, ad urbis custodiam ut præsto essent: juvenes, ut foris bella gererent. arma his imperata, galea, clypeus, ocreæ, lorica, omnia ex ære; hæc ut tegumenta corporis essent. tela in hostem, hastaque, & gladius. additæ huic classi duæ fabrum centuriæ, quæ sine armis stipendia facerent. datum munus, ut machinas in bello ferrent. Secunda classis intra centum usque ad quinque & septuaginta millium censum instituta. & ex his senioribus, junioribusque viginti conscriptæ centuriæ: arma imperata, 3 scutum pro clypeo, & præter lorica omnia eadem. Tertiæ classis quinquaginta millium censum esse voluit. totidem centuriæ & hæc, eodemque discrimine ætatum factæ: nec de armis quicquam mutatum, ocreæ tantum ademptæ. In quarta classe census quinque & viginti millium, totidem centuriæ factæ: arma mutata, nihil præter hastam, & verutum datum. Quinta classis aucta, centuriæ triginta factæ. Fundas, lapidesque missiles hi secum gerebant. 4 In his 5 accensi, cornicines, tubicinesque in tres centurias distributi. undecim millibus hæc classis censebatur. hoc minor census reliquam multitudinem habuit. inde una cen-

1 *Censum .. instituit* ) Jussit cives omnes dare nomina, & possessiones suas pecunia æstimare.

2 *Seniorum* ) Qui sextum & quadragesimum ætatis annum attigissent. *Juniorum*, a decimo septimo ætatis anno ad quadragesimum sextum.

3 *Scutum pro clypeo* ) *Clypeus* rotundus & brevior. *Scutum* & formæ oblongæ, & ita latum longumque, ut totum corpus protegeret.

4 *In his* ) In harum triginta centuriarum numero inclusi.

5 *Accensi* ) *Accensi* fuere & in militia, qui legionibus accenseri solebant, & in magistratuum apparitoribus, ducto & domine, & ipsa re ab *accensis* illis militaribus.

centuria facta est immunis militia. Ita pedestri exercitu ornato, distributoque, equitum ex primoribus civitatis XII. scripsit centurias. sex item alias centurias, tribus ab Romulo institutis, sub iisdem, quibus inauguratae erant, nominibus fecit. ad equos emendos dena millia æris ex publico data: 1 &, quibus equos alerent, viduæ attributæ, quæ bina millia æris in annos singulos penderent. Hæc omnia in dites a pauperibus inclinata onera. Deinde est honos additus. non enim, ut ab Romulo traditum ceteri servaverant reges, viritim suffragium eadem vi, eodemque jure promiscue omnibus datum est; sed gradus facti, ut neque exclusus quisquam suffragio videretur, & vis omnis penes primores civitatis esset. equites enim vocabantur primi; LXXX. inde primæ classis centuriæ primum peditum vocabantur. ibi 2 si variaret, quod raro incidebat, ut secundæ classis vocarentur: nec fere unquam infra ita descenderent, ut ad infimos pervenirent. Nec mirari oportet, hunc ordinem, qui nunc est, post expletas quinque & XXX. tribus, duplicato earum numero, centuriis juniorum, seniorumque ad institutam ab Servio Tullio summam non convenire. quadrifariam enim urbe divisa regionibus, collibusque, quæ habitabantur partes, Tribus eas appellavit, ut ego arbitror, ab tributo. nam ejus quoque æqualiter ex censu conferendi ab eodem inita ratio est. neque hæc tribus ad centuriarum distributionem, numerumque quicquam pertinere. Censu perfecto, quem maturaverat metu legis de 3 incensis latæ, cum vinculorum minis, mortisque edixit, ut omnes cives Romani, equites, peditesque, in suis quisque centuriis, in campo Martio prima luce adessent. ibi instructum exercitum omnem 4 suoyetaurilibus lustravit. idque conditum lustrum

C 5

1 Et quibus equos alerent, viduæ attributæ ) Ordo. Et viduæ attributæ, quæ bina millia æris... penderent, quibus equos alerent.

2 Si variaret ) Si in diversas partes irent prima illa suffragia.

3 Incensis ) Iis qui censi non fuissent.

4 Suoyetaurilibus ) Circumductis ter circum exercitum verre, ariete, tauro; deinde Marti impolatis.

strum appellatum, quia in censendo finis factus est. Millia LXXX. eo lustro civium censa dicuntur. adjicit 1 scriptorum antiquissimus Fabius Pictor, eorum, qui ferre arma possent, cum numerum fuisse. Ad eam multitudinem urbs quoque amplificanda visa est. addit duos colles, Quirinalem, Viminalemque. Inde 2 deinceps 3 augeat Esquilias: ibique ipse, ut loco dignitas fieret, habitat. aggere, & fossis, & muro urbem circumdat: ita pomærium profert. Pomærium, verbi vim solam intuentes, postmærium interpretantur esse. est autem magis circa murum locus, quem in condendis urbibus quondam Etrusci, qua murum ducturi erant, certis circa terminis inaugurato consecrabant: ait neque interiore parte ædificia 4 mœnibus continuarentur, quæ nunc vulgo etiam 5 conjungunt; & extrinsecus puri aliquid ab humano cultu pateret soli. Hoc spatium, quod neque habitari, neque arari fas erat, non magis quod post murum esset, quam quod murus post id, pomærium Romani appellarent: & in urbis incremento semper, quantum

45. mœnia processura erant, tantum termini hi consecrati proferebantur. Aucta civitate magnitudine urbis, formatis omnibus domi & ad belli, & ad pacis usus, ne semper armis opes acquirerentur, consilio augere imperium conatus est, simul & aliquod addere urbi decus. Jam tum erat inclytum Dianæ Ephesiæ tanum: id communiter a civitatibus Asiæ factum fama ferebat. Cum consensum, deosque conlociatis laudaret mire Servius inter procures Latinorum, cum quibus publice, privatimque hospitia, amicitiasque de industria junxerat; sæpe iterando.

1 Scriptorum antiquissimus Fabius Pictor. Eorum, qui historiam apud Romanos scripsere, antiquissimus.

2 Deinceps. Continuo ordine. Etenim mons Esquilinus Viminali proximus est.

3 Augere Esquilias. Additis ædificiis & incolis. Esquilias autem fortasse appellationem acceperant ab Esquilis, quomodo mons Viminalis, idemque Fogetalis, a viminibus & fugis; itemque mons Quercetulanus, qui postea Cælius, a quercetis.

4 Mœnibus continuarentur. Prope muros extruerentur.

5 Conjungunt. Ita jungunt, ut mœnia urbis sint privatarum ædium partes: ut Augusti æra haud facile esset ea distinguere, teste Dion. l. IV.

do eadem, perpulit tandem, ut Romæ fanum Dianæ populi Latini cum populo Rom. facerent. ea erat confessio, caput rerum Romam esse; de quo toties armis certatum fuerat. id quamquam omisium jam ex omnium cura Latinorum, ob rem toties infelicitè tentatam armis, videbatur; uni se ex Sabinis fors dare visa est privato consilio imperii recuperandi. Bos in Sabinis nata cuidam patrifamilias dicitur miranda magnitudine, ac specie: fixa per multas ætates cornua in vestibulo templi Dianæ monumentum ei fuere miraculo: habita, ut erat, res prodigii loco est: & cecinere vates, cujus civitatis eam civis Dianæ immolasset, ibi fore imperium: idque carmen pervenerat ad antistitem fanî Dianæ. Sabinusque, ut primum apta dies sacrificio visa est, bovem Romam actam deducit ad fanum Dianæ, & ante aram statuit. Ibi antistes Romanus, cum eum magnitudo victimæ celebrata fama movisset, memor responsi, Sabinum ita alloquitur: *Quidnam tu hospes paras, inquit, i inceste sacrificium Diana facere? quin tu ante vivo perfunderis flumine? infima valle præfluit Tiberis.* Religione tactus hospes, qui omnia, ut prodigio responderet eventus, cuperet rite facta, extemplo descendit ad Tiberim: interea Romanus immolat Dianæ bovem: id mirè gratum regi, atque civitati fuit.

## CAPUT XVIII.

*L. Tarquinius, instigante uxore temeraria femina, regnum affectat: tandem per scelus occupato, Servium Tullium, immixtis percussoribus, de medio tollit: hujus per extincti cadaver Tullia filia, quæ maritum ad nefas incitavit, carpentum agit. Regnavit Servius Tullius annos XLIV.*

**S**ervius, quamquam jam usu haud dubie regnum possederat; tamen, quia interdum jactari voces a juvene Tarquinio audiebat, se  
C 6 in-

injusti populi regnare, conciliata prius voluntate plebis, agro capto ex hostibus viritim diviso, ausus est ferre ad populum, vellent, juberentne se regnare: tantoque consensu, quanto haud quisquam alius ante, rex est declaratus. neque ea res Tarquinio spem 1 affectandi regni minuit: imo eo impensius, quia 2 de agro plebis adversum patrum voluntatem senserat agi, criminandi Servii apud patres, crescendique in curia sibi occasionem datam ratus est, & ipse juvenis ardentis animi, & domi uxore Tullia inquietum animum stimulante. Tullit enim & Romana regia sceleris tragici exemplum; ut tædio regum maturior veniret libertas, ultimumque regnum esset, quod scelere parum foret. Hic L. Tarquinius, Prisci Tarquinii regis filius, neposne fuerit, parum liquet: pluribus tamen auctoribus filium crediderim. fratrem habuerat Aruntem Tarquinium, mitis ingenii juvenem. his duobus, ut ante dictum est, duæ Tulliæ regis filiæ nupserant, & ipsæ longe dispares moribus. Forte ita inciderat, ne duo violenta ingenia matrimonio jungerentur, fortuna, credo, populi Romani, quo diuturnius Servii regnum esset, constituique civitatis mores possent.angebatur ferox Tullia 3 nihil materiæ in viro neque ad cupiditatem, neque ad audaciam esse. tota in alterum versa Tarquinium, cum mirari, cum virum dicere, ac regio sanguine ortum: spernere sororem, quod virum nacta, 4 muliebri cessaret audacia. Contrahit celeriter similitudo eos, ut fere fit, malum malo aptissimum. sed initium turbandi omnia a femina ortum est: ea secretis viri alieni alluefacta sermonibus, nullis verborum

con-

1 *Affectandi*) Non, *concupiscendi*: quid enim est spes concupiscendi regni? sed, *occupandi*.

2 *De agro plebis adversum Patrum voluntatem... agi*) Offensæ erant animi Patrum, cum ageret apud eos Servius de dividendo plebi agro.

3 *Nihil materiæ*) Nihil in viro ingenii reperiri ex illo habitu mentis, qui ad cupiditatem, ad audaciam excitari & incendi facile potest.

4 *Muliebri cessaret audacia*) Vel adde, vel intellige præpositionem *ab*; i. e. cessaret ab audacia.

Ser. T. R. LIB. I. CAP. XVIII 61  
 contumeliis parcere 1 de viro ad fratrem, de  
 sorore ad virum: & se rectius 2 viduam, &  
 illum cœlibem futurum fuisse contendere, quam  
 cum impari jungi, ut elanguescendum aliena  
 ignavia esset: si sibi eum, quo digna esset, dii  
 dedissent virum, domi se propediem visuram  
 regnum fuisse, quod apud patrem videat. ce-  
 leriter adolescentem suæ temeritatis implet.  
 Aruns Tarquinius, & Tullia minor prope con-  
 tinuatis funeribus cum domos vacuas novo ma-  
 trimonio fecissent, 3 junguntur nuptiis, ma-  
 gis non prohibente Servio, quam approbante.  
 Tum vero in dies 4 infestior Tullii senectus, 47.  
 infestius cepit regnum esse. jam enim ab sce-  
 lere ad aliud spectare mulier scelus; nec nocte,  
 nec interdiu virum conquiescere pati, ne gra-  
 tuita præterita parricidia essent: non sibi defuisse,  
 5 cui nupta diceretur, nec cum quo taci-  
 ta serviret: defuisse, qui se regno dignum pu-  
 taret; qui meminisset se esse Prisci Tarquini filium;  
 qui habere, quam sperare regnum maberet.  
 Si tu is es, cui nuptam esse me arbitror,  
 & virum, & regem appello: sin minus, eo  
 nunc pejus mutata est res, quod 6 istuc cum i-  
 gnavia est scelus. quin accingeris? non tibi ab  
 Corintho, nec ab Tarquiniis, ut patri tuo, 7 pere-  
 grina regna moliri necesse est. dii te penates,  
 patrique, & patris imago, & domus regia,  
 & in domo regale solium, & nomen Tarqui-  
 nium creat, vocatque regem. aut si ad hæc pa-  
 rum est animi, quid frustraris civitatem? quid  
 te ut regium juvenem conspici sinis? facesse hinc  
 Tarquinius, aut Corinthum: 8 devolvere retro  
 ad

1 De viro ad fratrem ) Supple viri. De sorore ad virum  
 supple sororis.

2 Viduam ) Vidua, non ea solum dicitur, quæ viro or-  
 bata est, sed & ea, quæ numquam nupsit.

3 Junguntur ) L. Tarquinius & Tullia altera.

4 Infestior ) Audacius impugnata. Præsentius jam ei cœ-  
 pit periculum impendere.

5 Cui nupta diceretur ) Observa verbum diceretur, cujus  
 hæc vis est, ut Tullia se cum impari junctam, nomine  
 tenuis, non re nuptam fuisse existimet.

6 Istuc ) In te.

7 Peregrina regna moliri ) Magno molimine eniti ad re-  
 gnum, ad quod nullum, utpote peregrinus, jus habeas.

8 Devolvere retro ad stirpem ) Redi ad ea loca unde origo  
 ducitur.

ad stirpem, fratri similior, quam patri. His aliisque increpando juvenem instigat: nec con-  
 quiescere ipsa potest: si, cum Tanaquil, pere-  
 grina mulier, tantum moliri potuisset animo,  
 ut duo continua regna viro, ac deinceps  
 genero dedisset, ipsa, regio semine orta, i nul-  
 lum momentum in dando, adimendoque regno  
 faceret. His muliebribus instinctus furiis Tar-  
 quinius, circumire & prehensare minorum ma-  
 xime gentium Patres, admonere paterni benefi-  
 cii, ac pro eo gratiam repetere: allicere donis  
 juvenes: tum de se ingentia pollicendo, tum  
 regis criminibus omnibus locis crescere. postre-  
 mo ut jam agendæ rei tempus visum est, sti-  
 patus agmine armatorum in forum irrupit. in-  
 de omnibus percussis pavore, in regia sede pro-  
 curia sedens, patres in curiam per præconem ad  
 regem Tarquinium citari jussit. Convenere ex-  
 templo, alii jam ante ad hoc præparati, alii  
 metu, 2. ne, non venisse fraudi esset; novita-  
 te, ac miraculo attoniti, & jam de Servio  
 actum rati. Ibi Tarquinius maledicta 3 ab stir-  
 pe ultima orsus: *Servum, servaque natum post  
 mortem indignam parentis sui, non interregno,  
 ut antea, inito, non comitis habitis, non per  
 suffragium populi, non auctoribus patribus, mu-  
 liebri dolo regnum occupasse. Ita natum, ita  
 creatum regem fautorem infimi generis hominum,  
 ex quo ipse sit, odio alienæ honestatis ereptum  
 primoribus agrum sordidissimo cuique divisisse:  
 omnia onera, quæ communia quondam fuerint,  
 inclinasse in primores civitatis; instituisse cen-  
 sum, ut 4 insignis ad invidiam locupletiorum  
 fortuna esset, & parata, ubi vellet, egentissimis*  
 48. largiretur. Huic orationi Servius, cum interve-  
 nisset, trepido nuntio excitatus, extemplo a  
 vestibulo curiæ magna voce, *Quid hoc*, inquit,

Tar-

2 Nullum, momentum .. faceret } Nihil efficeret, ut in hanc  
 illamve partem res inclinaretur.

2 Ne, non venisse fraudi esset } Ne crimini sibi daretur,  
 si non venissent.

3 Ab stirpe ultima } Ab stirpe usque, a qua orsus, ut  
 ab ultimo principio, reliquam omnem Servii vitam exa-  
 gitavit.

4 Insignis ad invidiam } Proposita ad excitandam invi-  
 diam.

Tarquini, rei est? quæ tu audacia, me vivo vocare ausus es patres? aut in sede considerare mea? Cum ille ferociter ad hæc; se patris sui tenere sedem, multo, quam servum, potiorum filium regis regni heredem: satis illum diu perlicentiam eludentem insultasse dominis. clamor ab utriusque fautoribus oritur, & concursus populi fiebat in curiam: apparebatque regnaturum, qui vicisset. Tum Tarquinius, necessitate jam etiam ipsa cogente ultima audere, multo & ætate, & viribus validior medium arripit Servium: elatumque e curia in inferiorem partem per gradus dejicit: inde ad cogendum senatum in curiam redit. fit fuga regis apparitorum, atque comitum: ipse prope exanguis cum semianimi i regio comitatu domum se reciperet, pervenissetque ad summum Cyprium vicum, ab iis, qui missi ab Tarquinio fugientem consecuti erant, interficitur. Creditur, quia non abhorret a cetero scelere, admonitu Tulliae id factum, carpento certe, id quod satis constat, in forum inuenta, nec reverita cœtum virorum, evocavit virum e curia, regemque prima appellavit: a quo facessere iussa ex tanto tumultu, cum se domum reciperet, pervenissetque ad summum Cyprium vicum, ubi 2 Dianium nuper fuit, flectente carpentum dextra in Virbium clivum, ut in collem Esquiliarium veheretur, restitit pavidus, atque inhibuit frenos: is, qui jumenta agebat, jacentemque dominæ Servium trucidatum ostendit. Fœdum, inhumanumque inde traditur scelus: monumentoque locus est: Sceleratum vicum vocant, quo amens, 3 agitantibus furiis sororis, ac viri, Tullia per patris corpus carpentum egisse fertur, partemque sanguinis ac cædis paternæ cruento vehiculo, contaminata ipsa, resperfaq: tulisse ad penates suos, virique sui: quibus iratis malo regni principio similes propediem exitus sequerentur. Servius Tullius regnavit annos quatuor, & quadra-

1 Regio comitatu ) Diffugerant primo regis apparitores & comites; at postea, lenito pavore, ad eum redierunt.

2 Dianium ) Locus Dianæ sacratus.

3 Agitantibus furiis sororis ac viri ) Effertantibus mentem furis ulcricibus sororis & viri, quos necaverat.



draginta, ita, ut bono etiam, moderatoque succedenti regi difficilis æmulatio esset. ceterum id quoque ad gloriam accessit, quod cum illo simul iusta, ac legitima regna occiderunt. Idipsum tam mite, ac tam moderatum imperium, tamen quia unius esset, deponere eum in animo habuisse quidam auctores sunt; ni scelus inrestitutum liberandæ patriæ consilia agitati intervenisset.

## C A P U T XIX.

*Septimus, & ultimus Tarquinius Superbus regnat. Conscius scelere parti regni timorem ex crudelitate civibus incutit: Patrum numerum imminuit; ut peregrinis opibus se muniat, Latinos affinitatibus, ac fœdere sibi conciliat: Turnum Herdonium, quod sibi adversaretur, infontem opprimit falso crimine.*

49. **I**Nde L. Tarquinius regnare coepit, i cui Su-  
 U.C. perbo cognomen facta indiderunt: quia so-  
 220. cerum gener sepultura prohibuit, *Romulum quo-*  
 Tar. *que insepultum perisse*, dictitans: primoresque  
 Sup. patrum, quos Servii rebus favisse credebat, in-  
 VII. terfecit. conscius deinde male quærendi regni ab  
 R. seipso adversus se exemplum capi posse, arma-  
 ris corpus circumsepsit. neque enim ad jus re-  
 gni quicquam præter vim habebat; ut qui ne-  
 que populi iussu, neque auctoribus patribus re-  
 gnaret. Eo accedebat, ut in caritate civium ni-  
 hil spei reponenti, metu regnum tutandum  
 esset. quem ut pluribus incuteret, cognitiones  
 capitalium rerum sine consiliis per se solus ex-  
 ercebat: perque eam causam occidere, in exilium  
 agere, bonis multare poterat non suspectos  
 modo, aut invisos, sed unde nihil aliud,  
 quam prædam \* sperare posset. Ita patrum præ-  
 cipue numero imminuto, statuit nullos in pa-  
 \* al. spe-  
 221. rare. tres legere, quo contentior paucitate ipsa or-  
 do esset, minusque per se nihil agi indignaren-  
 tur. Hic enim regum primus traditum a prio-  
 ribus

\* Cui Superbo cognomen facta indiderunt ) Superbus, idem  
 rursus atque ab humanitate abhorrens.

ribus morem de omnibus senatum consulendi solvit : domesticis consiliis rempublicam administravit : bellum , pacem , foedera , societates per se ipse , cum quibus voluit , injussu populi , ac senatus fecit , diremitque . Latinorum sibi maxime gentem conciliabat , ut peregrinis quoque opibus tutior inter cives esset . neque hospitia modo cum primoribus eorum , sed affinitates quoque jungebat . Octavio Mamilio Tusculano ( is longe princeps Latini nominis erat , si famæ credimus , ab Ulyssæ , deaque Circe oriundus ) ei Mamilio filiam nuptam dat : perque eas nuptias multos sibi cognatos , amicosque ejus conciliat . Jam magna Tarquiniis auctoritas inter Latinorum proceres erat , cum in diem certam , ut ad <sup>50.</sup> lucum Ferentinæ conveniant , indicit : esse , quæ agere de rebus communibus velit . Conveniunt frequentes prima luce . ipse Tarquinius diem quidem servavit , sed paulo ante , quam sol occideret , venit . multa ibi toto die in concilio variis jactata sermonibus erant . Turnus Herdonius ab Aricia ferociter in absentem Tarquinium erat inventus . Haud mirum esse , Superbo ei inditum Romæ cognomen ( jam enim ita clam quidam musitantes , vulgo tamen eum appellabant ) antiquam superbius esse , quam ludificari sic omne nomen Latinum ? principibus longe ab domo ex-  
citis , ipsum , qui concilium indixerit , non adesse . tentari profecto patientiam ; ut si jugum acceperint , obnoxios premat . cui enim non apparere , affectare cum imperium in Latinos ? Quod si sui bene crediderint cives , aut si creditum illud , & non raptum parricidio sit , & credere Latinos : quamquam ne sic quidem alienigena deberent : sin suos ejus pœniteat , quippe qui alii super alios trucidentur , exulatum eant , bona amittant , quid spei melioris Latinis portendi ? si se audiant , domum suam quemque inde abituros ; neque magis observaturos diem concilii , quam ipse , qui indixerit , observet . Hæc atque alia

1 Lucum Ferentinæ ) Lucus ille fuit ad caput aque Ferentinæ , de quo mentio fit infra , c. 51.

alia eodem pertinentia seditiosus, 1 facinorofusque homo, hisque artibus opes domi nactus, cum maxime differeret, intervenit Tarquinius. Is finis orationi fuit. Aversi omnes ad Tarquinium salutandum. Qui, silentio facto, monitus a proximis ut purgaret se, quod id temporis venisset, disceptatorem ait se sumtum inter patrem & filium, cura reconciliandi eos in gratiam moratum esse. & quia ea res exemisset illum diem, postero die acturum, quæ consti-

\* al. ruiſſet. Ne id quidem \* Turnum tuiſſe tacitum  
ab  
Tur- ferunt. dixiſſe enim: 2 Nullam breviorẽ eſſe co-  
no. gnitionem, quam inter patrem & filium, pau-  
ciſque transigi verbis poſſe: ni pareat patri,  
habiturum infortunium eſſe. Hæc Aricinus in

§1. regem Romanum increpans ex concilio abiit. Quam rem Tarquinius aliquanto, quam videbatur, ægrius ferens, confestim Turno necem machinatur; ut eundem terrorem, quo civium animos domi oppreſſerat, Latinis injiceret. & quia 3 pro imperio palam interfici non poterat, oblato falso crimine infontem oppreſſit. per adverſæ factionis quosdam Aricinos ſervum Turni auro corrupit, in diverſorium ejus vim magnam gladiatorum inferri clam ſinceret. ea cum una nocte perfecta eſſent, Tarquinius paulo ante lucem accitis ad ſe principibus Latinorum, quaſi re nova perturbatus, moram ſuam heſternam velut deorum quadam providentia illatam, ait, ſaluti ſibi, atque illis fuiſſe. ab Turno dici ſibi, & primoribus populorum parari necem, ut Latinorum ſolus imperium teneat. aggreſſurum fuiſſe heſterno die in concilio: dilatam rem eſſe, quod auctor concilii abſuerit, quem maxime peteret. inde illam abſentis inſectationem eſſe na-  
\* al. tam, quod morando \* ſpes deſtituerit. non du-  
ſpem bitare, ſi vera deferantur, quin prima luce, ubi ventum in concilium ſit, inſtructus cum conjuratorum manu, armatusque venturus ſit. dici, gladiatorum ingentem numerum eſſe ad eum con-  
veſtum.

1 Facinorofus ) Audax, temerarius; nam facinus ſemper vim & audaciam, non ſemper ſcelus adjunctum habet.

2 Nullam breviorẽ eſſe cognitionem ) I. e. diſceptationem, ſicem.

3 Pro imperio ) Aperta juſſa.

vectum. id vanum necne sit, extemplo sciri posse. rogare eos, ut inde secum ad Turnum veniant. Suspectam fecit rem & ingenium Turni ferox, & oratio hesternæ, & mora Tarquini, quod videbatur ob eam differri cædes potuisse. Eunt inclinatis quidem ad credendum animis, tamen, nisi gladiis deprehensis, cetera vana existimaturi. ubi est eo ventum, Turnum ex somno excitatum circumstant custodes: comprehensisque servis, qui caritate domini vim parabant, cum gladii abditi ex omnibus locis diverticuli protraherentur; enimvero manifesta res visa, injectæque Turno catenæ: & confestim Latinorum concilium magno cum tumultu advocatur. ibi tam atrox invidia orta est, gladiis in medio positis, ut, indicta causa, novo genere lethi, dejectus ad caput aquæ Ferentinæ, crate superne injecta, saxisque congestis, mergeretur. Revocatis deinde ad concilium Latinis Tarquinius, collaudatisque, qui Turnum, 1 novantem res, pro manifesto parricidio merita pœna affecissent, ita verba fecit. *Posse quidem se vetusto jure agere, quod, cum omnes Latini ab Alba oriundi sint, in eo fœdere teneantur, quo ab Tullo res omnis Albana cum colonis suis in Romanum cesserit imperium: ceterum se utilitatis id magis omnium causa censere, ut renovetur id fœdus: secundaque potius fortuna populi Romani ut participes Latini fruantur, quam urbium excidia, vastationesque agrorum, quas Anco prius, patre deinde suo regnante, perpeffi sint, semper aut expectent, aut patiantur. Haud difficulter persuasum Latinis; quamquam in eo fœdere superior Romana res erat. ceterum & capita nominis Latini stare, ac sentire cum rege videbant: & Turnus sui cuique periculi, si adversatus esset, recens erat documentum. Ita renovatum fœdus: indictumque junioribus Latinorum, ut ex fœdere die certa ad lucum Ferentinæ armati frequentes adessent. Qui ubi ad edictum Romani regis ex omnibus populis convenere, ne ducem suum, ne-*  

vg

1 Novantem res ) Aut molientem seditiones, aut aliter reipublicæ statum perturbare aggredientem.

68 DECADIS PRIMÆ Targ. S. R.  
ve 1 secretum imperium, propriave signa haberent, miscuit 2 manipulos ex Latinis, Romanisque: ut ex binis singulos faceret, binosque ex singulis: ita geminatis manipulis, centuriones imposuit.

## C A P U T XX.

*In hostes convertitur Tarquinius: Volscos vincit: Gabios in potestatem redigit fraude Sexti filii, qui eo transfugam simulans, accepto nuntio a patre, quid fieri vellet, principes interfecit.*

53. **N**Ec ut injustus in pace rex, ita dux belli pravius fuit: quin ea arte æquasset superiores reges, ni 3 degeneratum in aliis, huic quoque decori officisset. Is primus Volscis bellum in ducentos amplius post suam ætatem annos movit; Sueffamque Pomeriam ex his vi cepit. ubi cum, divendita præda, XL. talenta argenti, aurique 4 recepisset, concepit animo eam amplitudinem Jovis templi, quæ digna deum, hominumque rege, quæ Romano imperio, quæ ipsius etiam loci majestate esset. captivam pecuniam in ædificationem ejus templi seposuit. Excepit deinde eum lentius spe bellum: quo Gabios propinquam urbem nequicquam vi adortus, cum obsidendi quoque urbem spes pulso a mœnibus adempta esset; postremo, minime arte Romana, fraude, ac dolo aggressus est. nam cum, velut posito bello, fundamentis templi jaciendis, aliisque urbanis operibus intentum se esse simularet, Sextus filius ejus, qui minimus ex tribus erat, transfugit ex composito Gabios, patris in se sævitiam intolerabilem conquerens. Jam ab alienis in suos vertisse superbiam, & liberorum quoque eum frequentia tadere, ut quam in curia solitudinem fecerit, domi quoque faciat; ne quam stirpem,

ne

1 Secretum ) Distinctum.

2 Manipuli ) Inde dicti, quod ii, qui Romulam primo secuti sunt, pro signis militaribus habuerint perticas manipulos scæni in summo gestantes.

3 Degeneratum ) Degeneratum refertur ad officisset,

4 Recepisset ) Seposuisse.

ne quem heredem regni relinquat: se quidem inter tela, & gladios patris elapsum, nihil usquam sibi tutum, nisi apud hostes L. Tarquinii credidisse. nam, ne errarent, \* imminere his bellum, quod positum simuletur, & per occasionem cum incautos invasurum. Quod si apud eos supplicibus locus non sit, pererraturum se omne Latium: pulsumque se inde, Volscos, & Æquos, & Hernicos petiturum, donec ad cos perveniat, qui a patrum crudelibus atque impiis suppliciis regere liberos sciant: forsitan etiam ardoris aliquid ad bellum, armaque se adversus superbissimum regem, ac ferocissimum populum inventurum. Cum, si nihil \* moverentur, insensius ira porro inde abiturus videretur, benigne ab Gabinis excipitur. Vetant mirari, si qualis in cives, qualis in socios, talis ad ultimum in liberos esset. in seipsum postremo sæviturum, si alia desint: sibi vero gratum adventum ejus esse: futurumque credere brevi, ut, illo adjuvante, ab portis Gabinis sub Romana mœnia bellum transferatur. Inde in consilia publica adhiberi: ubi cum de aliis rebus assentire se veteribus Gabinis diceret, quibus hæ notiores essent, ipse identidem belli auctor esse, in eo sibi præcipuam prudentiam assumere: quod utriusque populi vires nosset, sciretque invisam profecto superbiam regiam civibus esse, quam ferre ne liberi quidem potuissent. Ita cum sensim ad rebellandum primores Gabinorum incitaret, ipse cum promptissimis juvenum prædatum, atque in expeditiones iret, & dictis, factisque omnibus ad fallendum instructis vana accresceret fides, dux ad ultimum belli legitur: ibi tum, incerta multitudine, quid ageretur, prælia parva inter Romam, Gabiosque fierent, quibus plerumque Gabina res superior esset; tum certatim summi, infimique Gabinorum Sext. Tarquinium dono deum sibi missum ducem credere. apud milites vero obeundo periculo ac labores, pariter prædam munifice largiendo, tanta caritate esse, ut non pater Tarquinius potentior Romæ, quam filius Gabiis esset. Itaque postquam satis virium collectum ad omnes conatus videbat: tum e suis unum scisci-

\* al.  
ma-  
nere.\* al.  
mora-  
ren-  
tur.

54

sciscitatum Romam ad patrem mittit, quidnam se facere veller; quandoquidem, ut omnia unus ipse Gabiis posset, ei dii dedissent. Huic nuntio, quia credo dubiæ fidei videbatur, nihil voce responsum est. rex, velut deliberabundus in hortum ædium transit, sequente nuntio filii. ibi inambulans tacitus summa papaverum capita dicitur baculo decussisse. Interrogando expectandoque responsum nuntius fessus, ut re imperfecta, redit Gabios, quæ dixerit ipse, quæque viderit, refert: seu ira, seu odio, seu superbia insita ingentio, nullam cum vocem emisisse. Sexto ubi quid vellet parens, quidve præciperet tacitis ambagibus patuit; primores civitatis, criminando alios apud populum, alios sua ipsos invidia opportunos interfecit. multi palam, quidam, in quibus minus speciosa criminatio erat futura, clam interfecti. patuit quibusdam volentibus fuga, aut in exilium acti sunt: absentiumque bona juxta atque interemptorum divisa fuere. Largitionis inde prædæque & privati dulcedine commodi, sensus malorum publicorum adimi, donec orba consilio, auxilioque Gabina res regi Romano sine ulla dimicatione in manum traditur. 2 Gabiis receptis, Tarquinius pacem cum Æquorum gente fecit. fœdus cum Tuscis renovavit.

## C A P U T XXI.

*Ex captiva pecunia templum Jovi erigitur: hoc dum inauguratur, cedentibus ceteris diis, Terminus resistit; quod in perpetuitatis auspiciis accipitur. Oblatum fundamenta aperientibus caput humanum, ibi sedem terrarum fore pollicetur. Ob aliud portentum Regi visum, Delphicum oraculum consulitur: cujus responsum de futuro Rege aliter ac alii interpretatus Brutus, matrem terram osculatur.*

**I**Nde ad negotia urbana animum convertit: quorum erat primum ut Jovis templum in mon-

1 *Sua ipsos invidia opportunos* ) Qui facilius opprimi poterant, propter odium pridem in ipsos conceptum.

2 *Gabiis receptis* ) Receptis, quia fœdere cum Tullo, & Tarquinio isto, in Romanum cesserant imperium.

monte Tarpejo , monumentum regni sui , nominisque relinqueret . Tarquinius reges ambos , patrem vocasse , filium perfecisse . Et ut libera a ceteris religionibus area esset tota Jovis , templique ejus , quod inædificaretur , exaugurare fana , sacellaque statuit ; quæ aliquot ibi a Tatio rege primum in ipso discrimine adversus Romulum pugne vota , consecrata , inaugurataque postea fuerant . Inter principia condendi hujus operis , movisse numen ad indicandam tanti imperii molem traditur deos . nam , cum omnium sacellorum exaugurationes admitterent aves , in Termini fano non addixere . idque omen auguriumque ita acceptum est , non moram Termini sedem , unumque eum deorum non evocatum sacris sibi finibus , firma stabiliisque cuncta portendere . Hoc perpetuitatis auspicio accepto , secutum aliud magnitudinem imperii portendens prodigium est . caput humanum integra facie aperientibus fundamenta templi dicitur apparuisse . quæ visa species haud per ambages arcem eam imperii , caputque rerum fore portendebat . Idque ita cecinere vates , quique in urbe erant , quosque ad eam rem consultandam ex Etruria acciverant . Augebatur ad impensas regis animus . itaque Pometinæ manubiae , quæ perducendo ad culmen operi destinatae erant , vix in fundamenta suppeditavere . Eo magis Fabio , præterquam quod antiquior est , crediderim , XL. ea sola valenta fuisse , quam Pisoni , qui XL. millia pondo argenti seposita in eam rem scribit : \* quia summa pecuniam & nullius , ne 2 horum quidem magnificentiae , operum , fundamenta non exsuperatura . Intensus perficiendo templo , fabris undique ex Etruria accitis , non pecunia solum ad id publica est usus , sed operis etiam ex plebe . qui cum haud parvus & ipsi militæ adderetur labor , minus tamen plebs gravabatur , se templum deum exædificare manibus suis . quæ posthac & ad

1 *Integra facit* ) Vivo & spiranti simile.

2 *Horum* ) Ne si forent quidem ejus magnificentiae , quæ in Livianorum temporum ædificiis conspiciebatur .



ad alia ut specie minora , sic laboris aliquanto majoris , traducebatur opera ; 1 foros in circo faciendos , cloacamque maximam , receptaculum omnium purgamentorum urbis , sub terram agendam . quibus duobus operibus vix novæ hæc magnificentia quicquam adæquare potuit . His laboribus exercita plebe , quia & urbi multitudinem , ubi usus non esset , oneri rebus esse , & colonis mittendis occupari latius imperii fines volebat ; Signiam Circejosque colonos misit , præsidia urbi futura terra marique . Hæc agenti portentum terribile visum . anguis ex columna lignæ elapsus cum terrorem fugamque in regiam fecisset , ipsius regis non tam subito pavore perculit pectus , quam anxiiis implevit curis . Itaque cum ad publica prodigia Etrusci tantum vates adhiberentur , hoc velut domestico exterritus visu , Delphos ad maxime inclytum in terris oraculum mittere statuit . neque responsa fortium ulli alii committere ausus , duos filios per ignotas ea tempestate terras , ignotiora maria in Græciam misit . Titus , & Aruns profecti . comes his additus L. Junius Brutus , Tarquinia sorore regis natus , juvenis longe alius ingenio , quam cuius simulationem induerat . Is , cum primores civitatis , in quibus fratrem suum ab avunculo interfectum audisset , neque in animo suo quicquam regi timendum , neque in fortuna concupiscendum relinquere statuit ; contemptu tutus esse , ubi in jure parum præsidii esset . Ergo ex industria factus ad imitationem stultitiæ , cum se suæque prædæ esse regi sineret , Bruti quoque haud abnuvit cognomen , ut sub ejus obtentu cognominis liberator ille populi Romani animus latens \* aperiretur tempore suo . Is tum ab Tarquiniis ductus Delphos , ludibrium verius quam comes , aureum baculum inclusum 2 corneo cavato ad id baculo tulisse donum Apollini dicitur , per ambages effigiem ingenii sui . Quo postquam ventum est , perfectis patris

man-

\* al.  
ope-  
rire-  
tur  
tem-  
pora  
sua .

1 Foros ) Sedilia , e quibus ludi spectarentur .

2 Corneo ) E corno arbore .

mandatis, cupido i incessit animos juvenum sci-  
 scitandi, ad quem eorum regnum Romanum es-  
 set venturum. Ex infimo specu vocem redditam  
 ferunt: *Imperium summum Romæ habebit, qui*  
*veserum primus, o juvenes, osculum matri tu-*  
*lerit.* Tarquinii, ut Sextus, qui Romæ relictus  
 fuerat, ignarus responsi expertusque imperii esset,  
 rem summa ope taceri jubent: ipsi inter se,  
 inter prior, cum Romam redisset, matri oscu-  
 lum daret, sorti permittunt. Brutus alio ratus  
 spectare Pythicam vocem, velut si prolapsus  
 cecidisset, terram osculo contigit: scilicet quod  
 ea communis mater omnium mortalium esset.  
 Reditum inde Romam, ubi adversus Rutulos  
 bellum summa vi parabatur.

## CAPUT XXII.

*Oritur certamen inter regios juvenes de uxorum*  
*præstantia: præsentis invisunt: laus est penes*  
*uxorem Collatini, Lucretiam: quam postmo-*  
*dum Sex. Tarquinius clam accedens stuprat:*  
*illa dedecus ferro expiat: ob injuriam se re-*  
*ges exacturos pater, ac vir jurant: dux ope-*  
*ris Brutus.*

**A**Rdeam Rutuli habebant, gens, ut in ea regione atque in ea ætate, divitiis præ-  
 pollens: eaque ipsa causa belli fuit, quod Rex  
 Romanus tum ipse ditari, exhaustus magnifi-  
 centia publicorum operum, tum præda delinire  
 popularium animos studebat, præter aliam su-  
 perbiam regno infestos etiam, quod se in-  
 fa-  
 brorum ministerio, ac fervili tandiu habitos  
 opere ab rege indignabantur. Tentata res est,  
 si primo impetu capi Ardea posset. ubi id pa-  
 rum processit, obsidione munitionibusque cœpti  
 premi hostes. In iis stativis, ut fit, longo ma-  
 gis, quam acri bello satis liberi commeatus  
 erant; primoribus tamen magis quam militi-  
 bus. regii quidem juvenes interdum otium con-  
 viviiis comestationibusque inter se terebant.

Tom. I.

D

For-

*1 Incessit animos* ) Intravit. *Incessis* hic dūctum ab *incesso*,  
 is, non ab *incede*.

Fortē, potantibus his apud Sex. Tarquinium, ubi & Collatinus cœnabat Tarquinius Egerii filius, incidit de uxoribus mentio. suam quisque laudare miris modis. Inde certamine accenso, Collatinus negat, *verbis opus esse. paucis id quidem horis posse sciri, quantum ceteris præstet Lucretia sua. quoniam si vigor juventa inest, conscendimus equos? inuisimusque præsentis nostrarum ingenia? 1 id cuique spectatissimum sit, quod nec opinato viri adventu occurrerit oculis.* Incaluerant vino. 2 age sane, omnes citatis equis advolant Romam. Quo cum primis se intendentibus tenebris pervenissent, pergunt inde Collatiam: ubi Lucretiam haudquaquam ut regias nurus, quas in convivio luxuque cum æqualibus viderant tempus terentes, sed nocte sera deditam lanæ inter lucubrantes ancillas in medio ædium sedentem inveniunt. Muliebris certaminis laus penes Lucretiam fuit. adveniēns vir, Tarquiniique excepti benigne. Victor maritus comiter invitat regios juvenes. Ibi Sex. Tarquinium mala libido Lucretiæ per vim stuprandæ capit: tum forma, tum spectata castitas incitat. & tum quidem ab nocturno

58. juvenili ludo in castra redeunt. Paucis interjectis diebus, Sext. Tarquinius, inscio Collatino, cum comite uno Collatiam venit. ubi exceptus benigne ab ignaris consilii, cum post cœnam in hospitale cubiculum deductus esset, amore ardens, postquam satis omnia tuta circa, sopitque omnes videbantur, stricto gladio ad dormientem Lucretiam venit; sinistraque manu mulieris pectore oppresso, *Tace, Lucretia, inquit, Sex. Tarquinius sum: ferrum in manu est: moriere, si emiseris vocem.* Cum pavida e somno mulier; nullam opem prope, mortem imminentem videret, tum Tarquinius fateri amorem, orare, miscere precibus minas, versare in omnes partes muliebre animus. ubi obstinam videbat, & ne mortis quidem metu inclinari, addit ad metum dedecus. cum mortua jugula-

1 *Id cuique spectatissimum* ) Certissimum documentum.

2 *Age sane* ) Verba assentientium Collatino.

3 *Nullam opem prope* ) Nullum auxilium in propinquo.

gulum servum nudum positurum ait, ut in  
 sordido adulterio necata dicatur. Quo terro-  
 re cum vicisset obstinatum pudicitiam velut victrix  
 libido, profectusque inde Tarquinius ferox op-  
 pugnato decore muliebri esset; Lucretia mœsta  
 tanto malo nuntium Romam eundem ad pa-  
 trem, Ardeamque ad virum mittit, ut cum sin-  
 gulis fidelibus amicis veniant: ita facto matu-  
 ratoque opus esse; rem atrocem incidisse. Sp.  
 Lucretius cum P. Valerio Volusi filio, Colla-  
 tinus cum L. Junio Bruto venit: cum quo for-  
 te Romam rediens, ab nuntio uxoris erat con-  
 ventus. Lucretium sedentem mœstam in cubicu-  
 lo inveniunt. adventu suorum lacrimæ obortæ:  
 quærentique viro, *1* *satin' salve? minime*, in-  
 quit: *quid enim salvi est mulieri amissa pudici-  
 tia? vestigia viri alieni, Collatine, in lecto sunt*  
*tuo. ceterum corpus est tantum violatum, ani-*  
*mus insons: mors testis erit. sed dates dexteram*  
*fidemque haud impune adultero fore. Sextus est*  
*Tarquinius, qui hostis pro hospite priore nocte*  
*vi armatus mihi sibi que, si vos viri estis, pesti-*  
*ferum hinc abstulit gaudium. Dant ordine om-*  
*nes fidem: consolantur ægram animi, aver-*  
*tendo noxam ab coacta in auctorem delicti.*  
*mentem peccare, non corpus; & unde consilium*  
*abfuerit, culpam abesse. Vos, inquit, videritis,*  
*quid illi debeatur. ergo me etsi peccato absolvo,*  
*supplicio non libero. nec ulla deinde impudica*  
*Lucretia exemplo vivet. Cultrum, quem sub*  
*veste abditum habebat, eum in corde defigit:*  
*prolapsaque in vulnus moribunda cecidit.*  
 Conclamant vir paterque. Brutus, illis luctu  
 occupatis, cultrum ex vulnere Lucretiæ extra-  
 ctum manantem cruore præ se tenens, *Per hunc*,  
 inquit, *castissimum ante regiam injuriam san-*  
*guinem iuro, vosque, dii, testes facio, me L.*  
*Tarquiniū Superbum cum scelerata conjuge,*  
*& omni liberorum stirpe, ferro, igni, quacum-*  
*que dehinc vi possim, exacturum: nec illos, nec*  
*alium quemquam regnare Romæ passurum. Cul-*  
*trum deinde Collatino tradit. inde Lucretio*  
 ac Valerio stupentibus miraculo rei, unde no-  
 vum in Bruti pectore ingenium, ut præceptum

D. 2

erat,

*1* *Satin' salve* ) Supple. res essent. Formula salutandi.

76      *DECADIS PRIMÆ Tarq. S. R.*  
 erat , jurant . totique ab hūctu versi in iram ,  
 Brutum jam inde ad expugnandum regnum vo-  
 cantem sequuntur ducem .

## CAPUT XXIII.

*Concitati Collatia hominibus , Brutus [Romam  
 pergit : ibi quoque , memoratis Tarquiniorum  
 injuriis , multitudinem accendit & Regi , ad  
 motus comprimendos accurrenti Romam , por-  
 ta clauduntur , indictoque exilio , imperium  
 abrogatur , cum regnasset annos XXV. Inde  
 primi Consules creati L. Junius Brutus , &  
 L. Tarquinius Collatinus .*

**E** Latum domo Lucretiæ corpus , in forum  
 deferunt , concientque miraculo ( ut sit )  
 rei novæ , atque indignitate homines . pro se  
 quisque scelus regum ac vim queruntur . mo-  
 vet tum patris incestitia , tum Brutus castiga-  
 tor lacrimarum atque inertium querelarum ,  
 auctorque , quod viros , quod Romanos dete-  
 ret , arma capiendæ adversus hostilia ausos . Se-  
 vocissimas quisque juvenum cum armis volun-  
 tarius adest : sequitur & cetera juvenus . Inde  
 pari præsidio relicto Collatiæ ad portas , cu-  
 stodibusque datis , nequis cum morum i regibus  
 nuntiaret ; ceteri armati , duce Bruto , Ro-  
 mam profecti . Ubi eo ventum est , quacumque  
 incedit armata multitudo , pavorem ac tumultu-  
 um facit : rursus , ubi anteire primores civita-  
 tis vident , quicquid sit , haud temere esse ren-  
 tur . nec minorem motum animorum Romæ  
 eam atrox res facit , quam Collatiæ fecerat .  
 Ergo ex omnibus locis urbis in forum eurritur .  
 quo simul ventum est , præco ad Tribunal  
 Celerum , in quo tum magistratu forte Brutus  
 erat , populum advocavit . Ibi oratio habita ne-  
 quaquam ejus pectoris ingeniique , quod simula-  
 tum ad eam diem fuerat : de vi ac libidine Sexti  
 Tarquini , de stupro infando Lucretiæ & misere-  
 abili cæde , de orbitate Tricipitini , cui mor-

1 *Regibus nuntians* ) Regi , & regis juvenibus .

2 *Tribunum Celerum* ) Præfectum equitum .

re filiae causa mortis indignior ac miserabilior  
 esset. addita superbia ipsius regis, miseriaeque  
 & labores plebis, in fossas cloacasque exhau-  
 riendas demersæ. Romanos homines victores  
 omnium circa populorum, opifices ac lapidas  
 pro bellatoribus factos. indigna Servii Tullii  
 regis memorata cædes: & investa corpori pa-  
 tris nefando vehiculo filia, invocatique ulto-  
 res parentum dii. His, atrocioribusque, credo,  
 aliis, quæ præsens rerum indignitas haudqua-  
 quam relatu scriptoribus facilia subicit, me-  
 moratis, incensam multitudinem perpulit, ut  
 imperium regi abrogaret, exulesque esse jube-  
 ret L. Tarquinius cum conjuge ac liberis.  
 ipse junioribus, qui ultro nomina dabant, le-  
 ttis armatisque, ad concitandum inde adversus  
 regem exercitum Ardeam in castra est profe-  
 ctus. imperium in urbe Lucretio, præfecto  
 urbis jam anteab rege instituto, reliquit. In-  
 ter hunc tumultum Tullia domo profugit, ex-  
 cecrantibus, quacumque incedebat, invocanti-  
 busque parentum furias viris mulieribusque.  
 Harum rerum nuntiis in castra perlatis, cum 60.  
 re nova trepidus rex pergeret Romam ad com-  
 primendos motus, flexit viam Brutus (sen-  
 erat enim adventum) ne obvius fieret. eodem-  
 que fere tempore diversis itineribus Brutus  
 Ardeam, Tarquinius Romam venerunt. Tar-  
 quinio clausæ portæ, exiliumque indictum:  
 liberatorem urbis læta castra accepere. exacti-  
 que inde liberi regis, duo patrem secuti sunt,  
 qui exulatum Cære in Etruscos ierunt: Sext.  
 Tarquinius, Gabios tamquam in suum regnum  
 profectus, ab ultoribus veterum simultatum,  
 quas sibi ipse cædibus rapinisque conciverat,  
 est interfectus. L. Tarquinius Superbus regna-  
 vit annos V. & XX. Regnatum Romæ ab  
 condita urbe ad liberatam annos CCXLIV.  
 Duo consules inde comitiis centuriatis a præ-  
 fecto urbis ex commentariis Servii Tullii crea-  
 ti sunt, L. Junius Brutus, & L. Tarquinius  
 Collatinus.

1 Gabios, tamquam in suum) Et vero regem cum Gabio-  
 rum constituisse pater dicitur a Dion. l. IV.

libertatis maturis jam viribus ferre possent : Libertatis autem originem inde magis , quia annum imperium consulare factum est , quam quod diminutum quicquam sit ex regia potestate , numeres . Omnia jura , 1 omnia insignia primi consules tenuere . id modo cautum est , ne , si ambo fasces haberent , duplicatus terror videretur . Brutus prior , concedente collega , fasces habuit : qui non acrior vindex libertatis fuerat , quam deinde custos fuit . Omnium primum , avidum novæ libertatis populum , ne postmodum flecti precibus aut donis regiis posset , jurejurando adexit , neminem Romæ passuros regnare . deinde , quo plus virium in senatu frequentia etiam ordinis faceret , cædibus regis diminutum patrum numerum , primoribus equestris gradus lectis ; ad trecentorum summam 2 explevit : traditumque inde fertur , ut in senatum vocarentur , qui patres , quique conscripti essent . 3 conscriptos videlicet , in novum senatum appellabant lectos . Id mirum quantum profuit ad concordiam civitatis , jungendosque patribus plebis animos . Rerum deinde divinarum habita cura : & , quia quædam publica sacra per ipsos reges factitata erant , 4 necubi regum desiderium esset , regem sacrificulum creant . id sacerdotium pontifici subjecere ; ne additus nomini honos aliquid libertati , cujus tunc prima erat cura , officeret . Ac nescio , an nimis undique eam minimis quoque rebus muniendo , modum excesserint . consulis enim alterius , cum nihil aliud offenderit , nomen invisum civitati fuit . Nimum Tarquinius regno assuesse : initium a Prisco factum : regnasse deinde Servium Tullium : ne intervallo quidem facto , oblitum tamquam alieni regni Superbum Tarquinium , velut hereditatem gentis , scelere ac vi repetisse : pulso Superbo , penes Collatinum imperium esse : nescire Tarquinos priva-

D 4

tos

1 Omnia insignia ) Præter coronam , sceptrum , & purpuream auro intertextam trabeam .

2 Explevit ) Quam superbus ad 136. per crudelitatem redegerat .

3 Conscriptos . . . appellabant ) Postea senatores omnes promiscue Patres conscripti appellati sunt .

4 Necubi ) Ne ulla in re .

tos vivere: non placere nomen, periculosum libertati esse. Hic primo sensim tentantium animos sermo per totam civitatem est datus; sollicitamque suspitione plebem Brutus ad concionem vocat. Ibi omnium primum iusjurandum populi recitat: Neminem regnare passuros, nec esse Romæ, unde periculum libertati foret: id summa ope tuendum esse; neque ullam rem, quæ eo pertineat, contemnendam: invitum se dicere, hominis causâ; nec dicturum fuisse, nisi caritas reipublicæ vinceret: non credere populum Romanum, solidam libertatem recuperatam esse: regium genus, regium nomen non solum in civitate, sed etiam in imperio esse: id officere, id obstare libertati. Hunc tu, inquit, tua voluntate, L. Tarquini, remove metum; meminimus, fatemur; ejecisti reges. absolvo beneficium tuum; aufer hinc regium nomen. res tuas tibi non solum reddent cives tui, auctore me, sed, si quid deest, munifice augebunt. amicus abi; exonera civitatem vano forsitan metu. ita persuasum est animis, cum gente Tarquinia regnum hinc abiturum. Consuli primo tam novæ rei ac subitæ admiratio incluserat vocem. dicere deinde incipientem primores civitatis circumstant, eadem multis precibus orant. & ceteri quidem movebant minus: postquam Sp. Lucretius, i major ætate ac dignitate, focer præterea ipsius, agere varie rogando alternis suadendoque cœpit, ut vinci se consensu civitatis pateretur; timens consul, ne postmodum privato sibi eadem illa, cum bonorum amissione, additaque alia insuper ignominia, acciderent, abdicavit se consulatu; rebusque suis omnibus Lavinium translatis, civitate cessit. Brutus ex senatusconsulto ad populum tulit, ut omnes Tarquinia gentis exules essent: collegam sibi comitiis centuriatis creavit P. Valerium; quo adiutore reges eiecerat.

## CA-

1 Major... dignitate) Dignitas differt a Magistratu, in quo erat Collatinus, & coalescit a genere, rebus gestis, ætis honoribus, ætate, virtute, &c.



## CAPUT II.

*Aliquot nobiles adolescentes clam ineunt consilium de accipiendis in Urbem regibus. detecta conjuratione, bona regum diripiuntur, eorumque ager Marti sacratur. Proditores, inter quos Bruti consulis, & ejus sororis filii erant, securi feriuntur.*

CUM haud cuiquam in dubio esset, bellum 3.  
ab Tarquiniis imminere; id quidem spe omnium serius fuit; ceterum, id quod non timebant, per dolum ac prodicionem prope libertas amissa est. Erant in Romana juventute adolescentes aliquot, nec ii tenui loco orti, quorum regno? libido solutior fuerat; æquales sodalesque adolescentium Tarquiniorum, assueti more regio vivere. Eam tum æquato jure omnium licentiam quærentes, libertatem aliorum in suam vertisse servitutem, inter se conquerebantur: Regem hominem esse, a quo impetres, ubi jus, ubi injuria opus sit: esse gratia locum, esse beneficio; & irasci, & ignoscere posse; inter amicum, atque inimicum discrimen nosse; leges rem surdam, inexorabilem esse, salubriorem, melioremque inopi, quam potenti; nihil laxamenti, nec veniæ habere, si modum excesseris; periculosum esse, in tot humanis erroribus, & sola innocentia vivere. Ita jam sua sponte ægris animis, legati ab regibus superveniunt, sine mentione redditus, bona tantum repetentes. Eorum verba postquam in senatu audita sunt, per aliquot dies ea consultatio tenuit, ne non reddita, belli causa, reddita, belli materia & adjumentum essent. Interim legati cum aliis alia moliri, aperte bona repetentes, clam recuperandi regni consilia intrare: & tamquam ad id, quod agi videbatur, ambientes, nobilium adolescentium animos percontant, a quibus placide oratio accepta est,

D 5

His

1 *Sola innocentia vivere* ) Solius innocentie præsidio tutos esse.

2 *Et, tamquam ad id.* ) Per speciem ejus negotii quod curare credebantur.

4. His litteras ab Tarquiniis reddunt; & de accipiendis clam nocte in urbem regibus colloquuntur. Vitelliis Aquiliisque fratribus primo commissa res est. Vitelliorum soror consuli nupta Bruto erat. jamque ex eo matrimonio adolescententes erant liberi, Titus, Tiberiusque: eos quoque in societatem consilii avunculi assumunt. præterea & nobiles aliquot adolescentes consilii assumpti; quorum vetustate memoria abiit. Interim, cum in senatu vicisset sententia, quæ censebat reddenda bona, eamque ipsam causam moræ in urbe haberent legati, quod spatium ad vehicula comparanda a consulibus sumissent, quibus regum asportarent res; omne ad tempus cum conjuratis consultando absumunt, evincuntque instando, ut litteræ sibi ad Tarquinius darentur: nam aliter qui credituros eos, non vana ab legatis super rebus tantis asserri? Datæ litteræ, ut pignus fidei essent, manifestum facinus fecerunt. nam cum pridie quam legati ad Tarquinius proficiscerentur, & cœnatum forte apud Vitellios esset; conjuratique ibi, remotis arbitris, multa inter se de novo (ut sit) consilio egissent; sermonem eorum ex servis unus excepit, qui jam antea id senserat agi: sed eam occasionem, ut litteræ legatis darentur, quæ deprehensæ rem coarguere possent, expectabat. postquam datas sensit, rem ad consules detulit. Consules ad deprehendendos legatos, conjuratosque profecti domo, sine tumultu rem omnem oppræssere. litterarum in primis habita cura, ne interciderent. proditoribus extemplo in vincla conjectis, de legatis paululum addubitatum est; & quamquam visi sunt commississe, ut hostium loco essent, jus tamen gentium valuit. De bonis regis, quæ \* reddenda ante censuerant, & res integra refertur ad patres: illi victi ira vetuere reddi, vetuere in publicum redigi: diripienda plebi sunt data, ut contacta regia prædā spem in perpetuum cum his pacis amitteret ager Tarquiniorum, qui inter urbem ac Tiberim

\* al.  
redd.

( Res integra ) Jubentur deliberare Patres, tamquam si nihil unquam de eo statutum esset.

rim fuit, consecratus Marti, Martius deinde campus fuit. Forte ibi tum seges farris dicitur fuisse, matura messi; quem campi fructum quia religiosum erat consumere, delectam cum stramento segetum magna vis hominum simul immissa corbis fudere in Tiberim tenui fluentem aqua, ut mediis caloribus solet; ita in vadis hæsitantis frumenti acervos sedisse illitos limo; insulam inde paulatim, & alii, quæ fert temere flumen, eodem investis, factam. postea credo additas moles, manuque adjutum, ut tam eminens area, firmæque templis quoque ac porticibus sustinendis esset. Direptis bonis regum, damnati proditores, sumtumque supplicium, conspectus eo, quod pænæ capiendæ ministerium patri de liberis consulatus imposuit; & qui spectator erat amovendus, eum ipsum fortuna exactorem supplicii dedit. Stabant deligati ad palum nobilissimi juvenes, sed a ceteris, velut ab ignotis capitibus, consulis liberi omnium in se averterant oculos; miserebaturque non pænæ magis homines, quam sceleris, quo pœnam meriti essent: illos eo potissimum anno patriam liberatam, patrem liberatorem, consulatum ortum ex domo Junia, patres, plebem, quicquid deorum hominumque Romanorum esset, induxisse in animum, ut Superbo quondam regi, tum infesto exuli proderent. Consules in sedem processere suam; missique lictores ad sumendum supplicium, nudatos virgis cædunt, securique feriunt, cum inter omne tempus pater vultusque & os ejus spectaculo esset, eminente animo patrio inter publicæ pænæ ministerium. Secundum pœnam nocentium, ut in utramque partem arcendis sceleribus exemplum nobile esset, præmium indici, pecunia ex ærario, libertas, & civitas data. Ille primum dicitur vindicta liberatus. quidam vindictæ quoque nomen tractum ab illo putant: Vindici ipsi nomen fuisse post illum observatum, ut, qui ita liberati essent, in civitatem accepti viderentur.

D. 6

CA-

1 Religiosum erat ) Nefas, quia ager modo consecratus fuerat.

2 Vindicta liberatus ) Hic maxime solennis mos fuit servos manumittendi.

## CAPUT III.

*Tarquinius aperto bello regnum repetit: Obviam  
Coss. eunt: Brutus cum Arunte Tarquinii filio  
congressus, cum ipso commoritur; ejus mors  
publica maxstitia decoratur.*

6. **H**Is, sicut acta erant, nuntiatis, incensus Tarquinius non dolore solum tantæ ad irritum cadentis spei, sed etiam odio iraque, postquam dolo viam obseptam vidit, bellum aperte moliendum ratus, circumire supplex Etruriæ urbes, orare maxime Vejentes Tarquinienfisque; ne i se ortum, ejusdem sanguinis, extorrem, egentem, ex tanto modo regno, cum liberis adolescentibus ante oculos suos perire sine-  
rent; alios peregre in regnum Roman accitos; se regem, augmentem bello Romanum imperium, a proximis scelerata conjuratione pulsum, eos in-  
ter se, quia nemo unus satis dignus regno visus fit, partes regni rapuisse; bona sua diripienda populo dedisse, nequis expers sceleris esset: patriam se regnumque suum repctere, & persequi ingratos cives velle. ferrent opem, adjuvarent; suas quoque veteres injurias ultum irent: toties easas legiones, agrum ademptum. Hæc move-  
runt Vejentes: ac pro se quisque, Romano sal-tem duce, ignominias demendas, belloque amif-  
sa repetenda, minaciter fremunt. Tarquinien-  
ses nomen ac cognatio movet. pulchrum vide-  
batur, suos Romæ regnare. Ita duo duarum civitatum exercitus ad repetendum regnum, bel-  
loque persequendos Romanos secuti Tarqui-  
nium. Postquam in agrum Romanum ventum est, obviam hosti consules eunt. Valerius qua-  
drato agmine peditem ducit: Brutus ad explo-  
randum cum equitatu antecessit. Eodem modo primus & eques hostium agminis fuit: præerat Aruns Tarquinius, filius regis: rex ipse cum legionibus sequebatur. Aruns, ubi ex lictori-  
bus,

1 *Se ortum* ) Ex se, ex Etruscis ortum.

2 *Eques* ) Equitatus in hostium agmine primum locum tenuit.

bus, procul consulem esse, deinde jam propius, ac certius facie quoque Brutum cognovit; inflammatus ira, *Ille est vir*, inquit, *qui nos extorres expulit patria. ipse en ille nostris decoratus insignibus magnifice incedit: du regum ultores adeste*. Concitat calcaribus equum, atque in ipsum infestus consulem dirigit. Sensit in se iri Brutus. decorum erat tum ipsis capeßcere pugnam ducibus. avide itaque se certamini offert: adeoque infestis animis concurrerunt, neuter, dum hostem vulneraret, sui protegendæ corporis memor, ut contrario ictu per parmam uterque transfixus, duabus hærentes hastis, moribundi ex equis lapsi sint. simul & cetera equestris pugna cæpit: neque ita multo post & pedites superveniunt. Ibi varia victoria, & velut æquo Marte pugnatum est: dextra utrinque cornua vicere, læva superata. Videntes vinci ab Romano milite assueti, fusi fugatique sunt. Tarquiniensis, novus hostis, non stetit solum, sed etiam ab sua parte Romanum pepulit. Ita, cum pugnatum esset, tantus terror Tarquinium atque Etruscos incessit, ut, omiſſa irrita re, nocte ambo exercitus, *Vejens Tarquiniensisque suas quisque abirent domos*. Adjiciunt miracula huic pugne, silentio proximæ noctis ex silva Arſia ingentem editam vocem: i Silvani vocem eam creditam: hæc dicta, *Uno plus Etruscorum cecidisse in acie, vincere bello Romanum*. Ita certe inde abiire Romani, ut victores, Etrusci pro victis. nam postquam illuxit, nec quisquam hostium in conspectu erat, P. Valerius COS. spolia legit, triumphansque inde Romam rediit. collegæ finis, quanto tum potuit apparatu, fecit: sed multo majus morti decus publica fuit moestitia. & ante omnia insignis, quia matronæ annum, ut parentem, cum luxerant, quod tam acer ultor violatæ pudicitia fuisset.

## CAPUT IV.

*P. Valerius Cos., fascibus populo submissis, suspicionem affectati regni diluit: eminentes ades suas in planum desert; latis popularibus legibus, sibi Poplicola cognomen facit. Jovis templum in Capitolio dedicat M. Horatius Collega: hujus in ipsa dedicatione constantia specimen.*

**C**onsuli deinde, qui superfuerat, ut sunt mutabiles vulgi animi, 1 ex favore non invidia modo, sed suspicio etiam cum atroci crimine orta. regnum cum affectare, fama ferebat: quia nec collegam subrogaverat in locum Bruti, & ædificabat in summa Velia: ibi alto atque munito loco arcem inexpugnabilem fore. Hæc dicta vulgo, creditaque cum indignitate angerent consulis animum, vocato ad concilium populo, summissis fascibus in concionem ascendit. Gratum id multitudini spectaculum fuit; summissa sibi esse imperii insignia, confessionemque factam, populi, quam consulis, maiestatem vimque maiorem esse. Ibi audire iussi, consul laudare fortunam collegæ, quod, liberata patria, in summo honore, pro Republica dimicans, matura gloria, necdum se vertente in invidiam, mortem occubuisse; se superstitem gloria sua, ad crimen atque invidiam superesse; ex liberatore patriæ 2 ad Aquillios Vitelliosque recidisse. Numquamne ergo, inquit, ulla adeo a vobis spectata virtus erit, ut suspicione violari nequeat? ego me illum acerrimum regum hostem, ipsum cupiditatis regni crimen subituum timerem? ego, si 3 in ipsa arce Capitolioque habitarem, metui me crederem posse a civibus meis? tam levi momento mea apud vos fama pendet? adeone est fundata leviter fides, ut  
ubi

1 Ex favore ) Pro favore, quo populus Valerium prosequeretur.

2 Ad Aquillios Vitelliosque recidisse ) Eo recidisse, ut cum Aquillis Vitelliisque compararetur.

3 In ipsa arce Capitolioque ) Arx & Capitolium, duæ divarsæ erant ejusdem montis partes.

ubi sim, quam qui sim, magis referat? Non  
 obstabunt P. Valerii ades libertati vestra. Qui-  
 rites; tuta erit vobis Velia. deseram non in pla-  
 num modo ades, sed colli etiam subijciam; ut  
 vos supra suspectum me civem habitetis. in Ve-  
 lia adificent, quibus melius, quam P. Valerio,  
 creditur libertas. Delata confestim materia o-  
 mnis infra Veliam, & ubi nunc vicus publi-  
 cus est, domus in infimo clivo ædificata. Laræ  
 deinde leges non solum quæ regni suspitione  
 consulem absolverent, sed quæ adeo in contra-  
 rium verterent, ut 1 popularem etiam facerent:  
 inde cognomen factum Poplicolæ est: ante o-  
 mnes de provocatione adversus magistratus ad  
 populum, 2 sacrandoque cum bonis capite ejus,  
 qui regni occupandi consilia inisset. Grata in  
 vulgus leges fuere. quas cum solus pertulisset,  
 ut sua unius in his gratia esset; tum deinde  
 comitia collegæ subrogando habuit. creatus Sp.  
 Lucretius COS. qui magno natu, non suffi-  
 cientibus jam viribus ad consularia munia ob-  
 eunda, intra paucos dies moritur. Suffectus in  
 Lucretii locum M. Horatius Pulvillus. Apud  
 quosdam veteres auctores non invenio Lucre-  
 tium consulem. Bruto statim Horatium sugge-  
 runt. credo, quia nulla gesta res insignem fece-  
 rit consulatum, memoria intercidisse. Nondum  
 dedicata erat in Capitolio Jovis ædes. Vale-  
 rius Horatiusque COSS. fortiti, uter dedica-  
 ret: Horatio forte evenit: Poplicola ad Ve-  
 jentium bellam profectus. Ægrius, quam di-  
 gnus erat, tulere Valerii necessarii, dedicatio-  
 nem tam inclyti templi Horatio dari: id omni-  
 bus modis impedire conati, postquam alia  
 frustra tentata erant, 3 postem jam tenenti  
 consuli fœdum inter pretationem Deum nun-  
 tium incutiunt; mortuum ejus filium esse, 4 fu-  
 nestaque familia dedicare eum templum non  
 posse. Non crediderit factum, an tantum ani-  
 mo.

1 Popularem ) Populo acceptum.

2 Sacrando ) Divis devovendo.

3 Postem jam tenenti consuli ) Templi, quod dedicabatur,  
 postem, & id ex ritu, teste Cic. pro domo, n. 221.

4 Funesta... familia. ) Funesta familia dicebatur, dum con-  
 daver humatum non esset, neque justa perfoluta.

mo roboris fuerit , nec traditur certum , nec interpretatio est facilis . nihil aliud ad eum nuntium a proposito aversus , quam ut cadaver efferrī juberet , tenens postem , precationem peragit ; & dedicat templum .

## CAPUT V.

*Rex Etruscorum Porsena Tarquinius reducens , ingentibus copiis ad Urbem accedit : jam undique urgens repellitur virtute Horatii Coclitis , qui in primo aditu pontis Sublicii , dum rescinditur , hostium impetum unus sustinet ; rescisso , in Tiberim desiliens , tranat ad suos .*

9. **H**Æc post exactos reges domi militiæque gesta primo anno . Inde P. Valerius iterum , T. Lucretius COSS. facti . Jam Tarquinius ad Lartem Porsenam , Clusinum regem , perfugerant . Ibi miscendo consilium precesque , nunc orabant , ne se oriundos ex Etruscis , ejusdem sanguinis nominisque , egentes exulare patēretur : nunc monebant etiam , *ne orientem morē pellendi reges inultum sineret . satis libertatem ipsam habere dulcedinis ; nisi quanta vi civitates tam expetant , tanta regna reges descendant , equari summa infimis , nihil excelsum , nihil , quod supra cetera emineat , in civitatibus fore ; adesse finem regnis , rei inter deos hominesque pulcherrima .* Porsena tum regem esse Romæ , tum Etruscæ gentis regem amplum Tuscis ratus , Romam infesto exercitu venit . Non unquam alias ante tantus terror senatum invasit : adeo valida res tum Clusina erat , magnumque Porsenæ nomen . nec hostes modo timebant , sed suosmet ipsi cives ; ne Romana plebs metu perculsa , receptis in urbem regibus , vel cum servitute pacem acciperet . Multa igitur blandimenta plebi per id tempus ab senatu data . annonæ in primis habita cura ; & ad frumentum comparandum missi , alii in Volcos , alii Cumas . salis quoque vendendi arbitrium , quia impenso pretio venibat in publicum , omni sumtu adem-  
to



tō concessum privatis ; i portoriis quoque & tributo plebe liberata , ut divites conferrent , qui oneri ferendo essent : pauperes satis stipendii pendere , si liberos educarent . Itaque hæc indulgentia patrum , asperis postmodum rebus in obsidione ac fame , adeo concordem civitatem tenuit , ut regium nomen non summi magis quam infimi horrerent ; nec quisquam unus malis artibus postea tam popularis esset , quam tunc bene imperando universus senatus fuit . Cum hostes adessent , pro se quisque in urbem ex agris demigrant : urbem ipsam sepiunt præsidiiis , alia muris , alia Tiberi objecto videbantur tuta . pons Sublicius iter pene hostibus dedit , ni unus vir fuisset , Horatius Coclès , ( id munimentum illo die fortuna urbis Romanæ habuit ) qui positus forte in statione pontis , cum captum repentino impetu Janiculum , atque inde citatos decurrere hostes vidisset , trepidamque turbam suorum arma ordinisque relinquere , reprehensans singulos , obfistens , obtestansque Deum , & hominum fidem , testabatur , nequicquam<sup>2</sup> deserto præsidio eos fugere . 3 si transitum pontem a tergo reliquissent , jam plus hostium in Palatio Capitolioque , quam in Janiculo fore ; itaque monere , præcipere , ut pontem ferro , igni , & quacumque vi possent , interrumpant ; se impetum hostium , quantum corpore uno posset obfisti , excepturum . Vadit inde in primum aditum pontis ; insignisque inter conspecta cedentium pugnae terga , obversis cominus ad ineundum prælium armis , ipso miraculo audaciæ obstupescit hostes . duos tamen cum eo pudor tenuit , Sp. Lartium ac T. Herminium , ambos claros genere factisque . Cum his primam periculi procellam ; & , quod tumultuosissimum pugnae erat , parumper sustinuit : deinde eos quoque ipsos , exigua parte pontis relicta , revocantibus qui rescindebant , cedere in tutum coegit . Circumferens inde minaciter truces

1 Portoriis ) Vestigialibus , quæ pro importatione & exportatione mercium solvebantur .

2 Deserto præsidio ) Deserto loco in quo præsidii causa constituti fuerant .

3 Si transitum pontem ) Si pontem , postquam eum ipsi transissent , relinquere .

truncos oculos ad proceres Etruscorum, nunc singulos provocare, nunc increpare omnes: *servitia regum superborum, sua libertatis immemores, alienam oppugnatum venire*. Cunctati aliquamdiu sunt, dum alius alium, ut prælium incipiant, circumspectant. pudor deinde commovit aciem; & clamore sublato, undique in unum hostem tela conjiciunt. quæ cum in objecto cuncta scuto hæssissent, neque ille minus obstinatus ingenti pontem obtineret gradu; jam impetu detrudere conabantur virum, cum simul fragor rupti pontis, simul clamor Romanorum, alacritate perfecti operis sublatus, pavore subito impetum sustinuit. Tum Cocles, *Tiberine pater*, inquit, *te sancte precor, hæc arma; & hunc militem propitio flumine accipias*. Inde sic armatus in Tiberim desiluit; multisque superincidentibus telis, incolumis ad suos tranavit: rem ausus plus famæ habituram ad posteros, quam fidei. Grata erga tantam virtutem civitas fuit. statua in Comitio posita, agri quantum uno die circumaravit, datum. privata quoque inter publicos honores studia eminebant. nam in magna inopia pro domesticis copiis unusquisque ei aliquid, fraudans se ipse victu suo, contulit.

## CAPUT VI.

*Porfena ab oppugnatione repulsus, obsidionem parat. Agrum Romanum incursionibus infestat; prædatores improvise adortus Valerius Cof. cedit.*

11. **P**orfena; primo conatu repulsus, consiliis ab oppugnanda urbe ad obsidendam versis, præsidio in Janiculo locato, ipse in plano ripisque Tiberis castra posuit, navibus undique acciris & ad custodiam, ne quid Romam frumenti subvehi sineret, & ut prædatum milites trans flumen per occasiones aliis atque aliis locis trajicerent: brevique adeo infestum omnem Romanum agrum reddidit, ut non cetera solum ex agris, sed pecus quoque omne in urbem compelleretur, neque quisquam ex-

tra

tra portas propellere auderet . Hoc tantum  
 licentiæ Etruscis non metu magis , quam con-  
 silio concessum . namque Valerius consul inten-  
 tus in occasionem multos simul & effusos im-  
 proviso adoriundi , in parvis rebus negligens  
 ultor , gravem se ad majora vindicem servabat .  
 itaque ut eliceret prædatores , edicit suis , po-  
 stero die frequentes porta Esquilina , quæ aver-  
 sissima ab hoste erat , expellerent pecus : scitu-  
 ros id hostes ratus , quod in obsidione & fame  
 servitia infida transfugerent . Et sciare perfugæ  
 indicio : multoque plures , ut in spem univer-  
 sæ prædæ , flumen trajiciunt . P. Valerius in-  
 de T. Herminium cum modicis copiis 1 ad se-  
 cundum lapidem Gabina via occultum confidere  
 jubet : Sp. Lartium cum expedita juventute ad  
 portam Collinam stare , donec hostis prætereat :  
 deinde se objicere , ne sit ad flumen reditus .  
 Consul alter T. Lucretius porta Nævica cum  
 aliquot manipulis militum egressus : ipse Va-  
 lerius Cælio monte cohortes delectas educit ,  
 hique primi apparuere hosti . Herminius ubi  
 tumultum sensit , concurrit ex insidiis ; versif-  
 que in Valerium Etruscis , terga cedit . dextra  
 lævaque , hinc a porta Collina , illinc ab Næ-  
 via , redditus clamor . ita cæsi in medio præda-  
 tores neque ad pugnam viribus pares , & ad  
 fugam septis omnibus viis , finisque illæ tam ef-  
 fulse vagandi Etruscis fuit .

## CAPUT VII.

*Mutius Scævola , patribus approbantibus ; profe-  
 ctus in Farsena castra , purpuratum pro rege  
 per errorem obtruncat ; comprehensus , & ad  
 regem pertractus ardentibus focis injicit ma-  
 num . periculo territus Rex , & quod idem  
 audit sibi ab aliis trecentis imminere , ultro de  
 pace agit .*

**O**bsidio erat nihilo minus , & frumenti cum 12.  
 summa caritate inopia : sedendoque expu-  
 gna-

1 Ad secundum lapidem ) L. e. ad secundum ab urbe millia-  
 rium ; nam singula milliaria lapidibus signabantur .

gnaturum se urbem, spem Porsena habebat: cum C. Mutius adolescens nobilis, cui indignum videbatur, populum Romanum servientem, cum sub regibus esset, nullo bello, nec ab hostibus ullis obsessum esse: liberum eundem populum ab iisdem Etruscis obsideri, quorum sæpe exercitus fuderit: itaque magno audacique aliquo facinore eam indignitatem vindicandam ratus, primo sua sponte penetrare in hostium castra constituit: dein metuens, ne si consulum injussu, & ignavis omnibus iret, forte deprehensus a custodibus Romanis retraheretur ut transfuga, fortuna tum urbis crimen asfirmante, senarium adiit. *Transire Tiberim, inquit, patres, & intrare, si possim, castra hostium volo, non prado, nec populationum invicem ultor. majus, si dii juvant, in animo est facinus.* Approbant patres. abdito intra vestem ferro, proficiscitur. ubi eo venit, in confertissima turba prope regium tribunal constitit. ibi cum stipendium forte militibus daretur; & scriba cum rege sedens pari fere ornatu multa ageret; eumque milites vulgo adirent; timens sciscitari, uter Porsena esset, ne, ignorando regem, semet ipse aperiret quis esset: quo temere traxit fortuna facinus, scribam pro rege obtruncat. vadentem inde qua per trepidam turbam cruento mucrone sibi ipse fecerat viam, cum concursu ad clamorem facto comprehensum regii satellites retraxissent ante tribunal regis; destitutis tum quoque inter tantas fortunæ minas, metuendus magis, quam metuens, *Romanus sum, inquit, civis. C. Mutium vocant. hostis hostem occidere volui, nec ad mortem minus animi est, quam ad cadem fuit. & facere, & pati fortia, Romanum est. nec unus in te ego horum animos gessi. longus post me ordo est idem petentium decus. proinde in hoc discrimen, si juvat, accingere, ut in singulas horas 2 capite dimices tuo: ferrum hostemque in vestibulo habeas regia. hoc tibi juvenus Romana indicimus bellum. nullam aciem, nullum præ-*  
lium

Itaque ) Et idcirco.

Capite dimices tuo ) In vitæ periculum venias.

linum rimneris . uni tibi , & cum singulis res  
 erit . Cum rex simul ira infensus , periculoque  
 conterritus , circumdari ignes minitabundus ju-  
 beret , nisi expromeret propere , quas insidia-  
 rum sibi minas per ambages jaceret , En tibi ,  
 inquit , ut sentias , quam vile corpus sit iis ,  
 qui magnam gloriam petunt : dextramque accen-  
 so ad sacrificium foculo injicit . quam cum ve-  
 lut alienato ab sensu torreret animo , i prope  
 atronitus miraculo rex , cum ab sede sua prosi-  
 lisset , amoverique ab altaribus juvenem jussis-  
 set , Tu vero abi , inquit , in te magis , quam  
 in me hostilia ausus . juberem macie virtute es-  
 se , si pro mea patria ista virtus staret . nunc  
 & jure belli liberum te , intactum , inviolatum-  
 que hinc dimitto . Tum Mutius quasi remunc-  
 rans meritum , Quandoquidem , inquit , est apud  
 te virtuti honos ; ut beneficio tuleris a me , quod  
 minis nequisti : trecenti conjuravimus principes  
 juventutis Romanae , ut in te hac via grassare-  
 mur . mea prima sors fuit . ceteri , ut cuique ce-  
 ciderit primo , quoad te opportunum fortuna de-  
 derit , suo quisque tempore aderunt . Mutium di-  
 missum , cui postea 3 Scævolæ , a clade dextræ  
 manus , cognomen inditum , legati a Porsena  
 Romam secuti sunt . adeo moverat eum & pri-  
 mi periculi casus , quo nihil se , præter erro-  
 rem insidiatoris , rexisset ; & subeunda dimica-  
 tio toties , quot conjurati superessent ; ut pacis  
 conditiones ultro ferret Romanis . jactatum in  
 conditionibus nequicquam de Tarquiniis in re-  
 gnum restituendis , magis quia id negare ipse  
 nequiverat Tarquiniis , quam quod negatum iri  
 sibi ab Romanis ignoraret . de agro Vejentibus  
 restituendo impetratum : expressaque necessitas  
 obsides dandi Romanis , si laniculo præsidium  
 deduci vellent .

137

CA-

2 Propter attonitus ) Attonitus proprie est is qui fulmine  
 afflatus est .

2 Jure belli liberum ) Immunem ab iis quæ in & mihi jure  
 belli licerent .

3 Scævola ) Scæva enim , seu scævola est , qui sinistra  
 manu pro dextra utitur , a Græco Σκνίε , sinister .

*Cloelia una ex obsidibus Porſena data, caſtris-  
egreſſa, Tiberi tranſaſſo, ad ſuos redit. Ab  
rege repetita, redditur: cujus virtutem ille  
admiratus, cum alia parte obſidum liberam  
eſſe jubet.*

**H**is conditionibus compoſita pace, exerci-  
tum ab Janiculo deduxit Porſena, & a-  
gro Romano exceſſit. Patres C. Mutio virtu-  
tis cauſa trans Tiberim agrum dono dedere:  
quæ poſtea ſunt Mutia prata appellata. Ergo,  
ita honorata virtute, feminæ quoque ad publi-  
ca decori excitatæ. Cloelia virgo, una ex ob-  
ſidibus, cum caſtra Etruſcorum forte haud  
procul ripa Tiberis locata eſſent, fruſtrata cu-  
ſtodes, dux agminis virginum inter tela ho-  
ſtium Tiberim tranavit, ſoſpiresque omnes Ro-  
mam ad propinquos reſtituit. Quod ubi regi  
nuntiatum eſt, primo incenſus ira, oratores  
Romam miſit ad Clœliam obſidem depoſcen-  
dam, alias haud magni facere. deinde in ad-  
mirationem verſus, *ſupra Coelites, Mutiosque  
dicere id facinus eſſe; & præ ſe ferre, quemad-  
modum, ſi non dedatur obſes, pro rupto ſe fœdus  
habiturum, ſic deditam, intactam inviolatam-  
que ad ſuos remiſſurum.* Utrinque conſtitit  
fides; & Romani pignus pacis ex fœdere re-  
ſtituerunt, & apud regem Etruſcum non tuta  
ſolum, ſed honorata etiam virtus fuit, lauda-  
tamque virginem parte obſidum ſe donare di-  
xit: ipſa quos vellent, legeret. productis omni-  
bus, elegiſſe impubes dicitur: quod & virgini-  
tati decorum, & conſenſu obſidum ipſorum pro-  
babile erat, eam ætatem poſſimum liberari  
ab hoſte, quæ maxime opportuna injuriæ ef-  
ſet. Pace redintegrata, Romani novam in femi-  
na virtutem novo genere honoris, ſtatua éque-  
ſtri, donavere. in ſumma Sacra via fuit poſita  
14. virgo infidens equo. Huic tam pacatæ profectio-  
ni ab urbe regis Etruſci abhorrens mos traditus  
ab antiquis, uſque ad noſtram ætatem inrer ce-  
tera ſolemnia manet, bona Porſenæ regis ven-  
dendi:

dendi : cuius originem moris necesse est aut inter bellum natam esse, neque omissam in pace; aut a mitiore crevisse principio, quam hic præ se ferat titulus, bona hostiliter vendendi. proximum vero est ex his, quæ traduntur, Porfenam discedentem ab Janiculo castra opulenta, convector ex propinquis ac fertilibus Etruriæ arvis commeatu, Romanis dono dedisse, inopitum urbe ab longinqua obsidione; ea deinde, ne populo immisso, diriperentur hostiliter, venisse bona : quæ Porfenæ appellata, gratiam muneris magis significante titulo, quam ausicionem fortunæ regiæ, quæ ne in potestate quidem populi Romani esset.

## CAPUT IX.

*Porfena per Aruntem filium Ariciam oppugnat : idem, frustra missis Romam legatis de reduendis in regnum Tarquiniis, hujus rei mentionem in perpetuum omittit. Triumphatur de Sabinis; inter quos, dum bellum reparant, orta seditione, Appius Claudius inde Romam transfugit.*

**O** Missio Romano bello, Porfena, ne frustra in ea loca exercitus adductus videretur, cum parte copiarum filium Aruntem Ariciam oppugnatum mittit. Primo Aricinos res nec opinata perculerat. arcessita deinde auxilia & a Latinis populis, & a Cumis tantum spei fecere, ut acie decernere auderent. Prælio inito, adeo concitato impetu se intulerant Etrusci, ut funderent ipso incurso Aricinos. Cumanæ cohortes, arte adversus vim usæ, declinare paululum; effusæque prælatos hostes conversis signis ab tergo adortæ sunt. Ita in medio prope jam victores cæsi Etrusci : pars per exigua, duce amisso, quia nullum propius per fugium erat, Romam inermes & fortuna & specie supplicum, delati sunt. ibi benigne excepti, divisique in hospitia. Curatis vulneribus alii profecti domos, nuntii hospitalium beneficiorum : multos Romæ hospitium urbisque caritas tenuit. his locus ad habitandum datus, quem deinde Tuscanum vicum appellarunt. P.

Lu-

15. *U. C.* Lucretius inde & P. Valerius Poplicola tertium  
 247. consules facti. Eo anno postremum legati a  
 Porfena de reducendo in regnum Tarquinio ve-  
 nerunt: quibus cum responsum esset, missurum  
 ad regem senatum legatos; missi confestim ho-  
 noratissimus quisque ex patribus: non quin bre-  
 viter reddi responsum potuerit non recipi reges,  
 ideo potius delectos patrum ad eum missos,  
 quam legatis ejus Roma daretur responsum: sed  
 ut in perpetuum mentio ejus rei finiretur, non  
 in tantis mutuis beneficiis invicem animi solli-  
 citarentur: cum ille peteret, quod contra liber-  
 tatem pop. Rom. esset, & Romani, nisi in per-  
 niciem suam faciles esse vellent, negarent, ezi  
 nihil negatum vellent. non in regno populum  
 Rom. sed in libertate esse: ita induxisse in ani-  
 mum, hostibus potius, quam regibus, portas  
 patefacere: eam esse voluntatem omnium, ut,  
 qui libertati erit in illa urbe finis, idem urbi sit.  
 proinde, si salvam esse vellet Romam, ut patia-  
 tur liberam esse, orare. Rex verecundia victus,  
 Quandoque id certum atque obstinatum est, in-  
 quit, neque ego obtundam, sapius eadem ne-  
 quicquam agendo; nec Tarquinius spe auxilii,  
 quod nullum in me est, frustrabor: alium hinc,  
 seu bello opus est, seu quiete, exilio querant  
 locum; ne quid mecum vobiscum pacem distineat.  
 Dictis facta amicia adjecit: obsidum quod  
 reliquum erat, reddidit: agrum Vejentem, for-  
 248. dere ad Janiculum icto ademptum, restituit.  
 249. Tarquinius, spe omni reditus incisa, exulatum  
 ad generum Mamilium Octavium Tusculum a-  
 biit. Romanis pax fida ita cum Porfena  
 16. fuit. Consules deinde M. Valerius, P. Postu-  
 250. *U. C.* mius. Eo anno bene pugnatum cum Sabinis:  
 consules triumpharunt. majore inde mole Sa-  
 bini bellum parabant adversus eos, & ne quid  
 simul ab Tusculo, unde etsi non apertum, su-  
 spectum tamen bellum erat, repentini periculi  
 oriretur, P. Valerius quartum, T. Lucretius  
 iterum consules facti. Seditio inter belli pa-  
 cisque auctores orta in Sabinis, aliquantum in-  
 de virium transtulit ad Romanos. namque A-  
 etius Clausus, cui postea Ap. Claudio fuit  
 Romæ nomen, cum pacis ipse auctor a



1 turbatoribus belli premeretur, nec par factioni esset, ab Regillo magna clientium commitatus manu, Romam transfugit. His civitas data, agerque trans Anienem. vetus Claudia<sup>U. C.</sup> tribus, additis postea novis tribulibus, qui ex<sup>251</sup> eo venirent agro, appellata. Appius inter patres lectus, haud ita multo post in principum dignationem pervenit. Consules infesto exercitu in agrum Sabinum profecti, cum ita vastatione, deinde praelio afflixissent opes hostium, ut diu nihil inde rebellionis timere possent, triumphantes Romani redierunt.

## CAPUT X.

*P. Valerius moritur: cum ut Brutum matronæ lugent. Bello superantur Aurunci; a quibus deinde Romanis illata clade, urbs eorum Pometia ad deditionem compulsæ diruitur. Propter acceptam a Sabinis injuriam, & instantium bellorum metum, Dictator Romæ primum creatur. Legati de pace ab Sabinis veniunt.*

**P** Valerius, omnium consensu princeps bellum pacisque artibus, anno post, Agrippa Menenio, P. Postumio COSS. moritur, gloriæ ingenti, copiis familiaribus adeo exiguis, ut funeri sumtus deesset. de publico est elatus. luxere matronæ, ut Brutum. Eodem anno duæ coloniæ Latinæ, Pometia & Cora, ad Auruncos deficiunt. cum Auruncis bellum initum: fusoque ingenti exercitu, qui se ingredientibus fines consulibus ferociter obtulerat, omne Auruncum bellum Pometiam compulsum est. Nec magis post prælium, quam in praelio, cædibus temperatum est. & cæsi aliquanto plures erant, quam capti; & captos passim trucidave-<sup>U. C.</sup> runt. ne ab oblidibus quidem, qui CCC. ac-<sup>252</sup> cepti numero erant, ira belli 2 abstinuit. Et 17. hoc anno Romæ triumphatum. Securi consules Opiter Virginiius, & Sp. Cassius, Pometiam

*Tom. I. E primo*

1 *Turbatoribus belli* ) I. e. iis qui per violentas actiones bellum concitant.

2 *Belli abstinuit* ) I. e. populus Romanus bellans cum Auruncis.

primo vi, deinde i vineis aliisque operibus oppugnauerunt. in quos Aurunci magis jam in-  
expiabili odio, quam spe aliqua, aut occasione  
coorti, cum plures igni, quam ferro armati  
excurrissent, cæde incendioque cuncta complent:  
vineis incensis, multis hostium vulneratis &  
occisis, consulum quoque alterum (sed verum  
nomen auctores non adjiciunt) gravi vulnere  
ex equo dejectum, prope interfecerunt. Ro-  
mam inde, male gesta re, reditum. Inter mul-  
tos faucios consul, spe incerta vitæ, 2 relictus,  
interjecto deinde haud magno spatio, quod vul-  
neribus curandis, supplendoque exercitui satis  
esset, tum ira majore belli, tum viribus etiam  
auctis Pometiæ arma illata: & cum, vineis re-  
fectis, aliaque mole belli, jam in eo res esset,  
ut in muros evaderet miles, deditio est facta.  
ceterum nihilo minus fœde dedita urbe, quam  
si capta foret, Aurunci passim principes secu-  
ri percussi; 3 sub corona venierunt colonialii;  
U.C. oppidum dirutum; 451 ager venit. Consules ma-  
gis ob iras graviter ultas, quam ob magnitudi-  
nem perfecti belli, triumpharunt. Insequens  
annus Postumum Cominium, & T. Lartium  
18. COSS. habuit. Eo anno Romæ, cum per lu-  
dos ab Sabinorum juventute per lasciviam scor-  
ta raperentur, concursu hominum rixa ac pro-  
pe prælium fuit: parvaque ex re ad rebellio-  
nem spectare res videbatur. Supra belli Latini  
metum, id quoque accesserat, quod triginta jam  
conjurasse populos, concitante Octavio Ma-  
milio, satis constabat. In hac tantarum ex-  
pectatione rerum sollicita civitate, dictato-  
ris primum creandi mentio orta, sed nec  
quo anno, nec quibus consulibus, quia ex fa-  
ctione Tarquinia essent (id quoque enim tra-  
ditur) parum creditum sit; nec, quis primum  
dictator creatus sit, satis constat. apud veter-  
rimos tamen auctores T. Lartium dictatorem  
primum, Sp. Cassium magistrum equitum, crea-  
tos

1 Vineis ) Vineæ erant machinæ lignis & cratibus contex-  
tæ, ac terra adopertæ, quæ subjectis rotis impellebantur.  
2 Relictus ) In castris ad Pometiam.  
3 Sub corona ) Captivi coronati vendebantur.

tos invenio. 1 consulares legere. Ita lex jubebat, de dictatore creando lata. eo magis adducor, ut credam, Lartium, qui consularis erat, potius, quam M. Valerium, Marci filium, Volusi nepotem, qui nondum consul fuerat, moderatorem & magistrum consulibus appositum. 2 qui si maxime ex ea familia legi dictatorem vellent, patrem multo potius M. Valerium, spectatæ virtutis, & consularem virum, legissent. Creato dictatore primum Romæ, postquam præferri secures viderunt, magnus plebem metus incessit; ut intentiores essent ad dicto parendum. neque enim, ut in consulibus, qui pari potestate essent, alterius auxilium, neque provocatio erat; neque ullum usquam, nisi in cura parendi, auxilium. Sabinis etiam creatus Romæ dictator, eo magis, quod propter se creatum crediderant, metum incussit. Itaque legatos de pacē mittunt, quibus orantibus dictatorem senatumque, ut veniam erroris hominibus adolescentibus darent, responsum, ignosci adolescentibus posse, senibus non posse, qui bella ex bellis sererent. actum tamen est de pace, impetrataque foret, si, quod impensæ factum in bellum erat, præstare Sabini, (id enim postulatum erat) in animum induxissent. bellum indictum, datæ induciæ quietum annum tenere.

## CAPUT XI.

*Ad lacum Regillum cum Latinis, & Tarquiniiis pugnatur. Moriuntur M. Valerius Poplicola frater, & T. Herminius legatus. Fusis hostibus, Dictator Postumius triumphans in urbem redit. Ædes Saturni dedicatur.*

**C**onsules Servius Sulpitius, Manius Tullius: 19. nihil dignum memoria actum. T. Æburius deinde, & C. Vetustius. His consulibus U. C. Fidenæ obsessæ, Crustomeria capta, Prænestæ <sup>254</sup> U. C. ab Latinis ad Romanos descivit, nec ultra <sup>255</sup>

E 2 bellum

1 *Consulares legere* ) Legere in dictatorem ac magistrum equitum viros consulares.

2 *Qui* ) Refert *τὸ* qui ad Patres eligentes dictatorem.

bellum Latinum, i gliscens jam per aliquot annos, dilatum. A. Postumius dictator, T. Æbutius magister equitum, magnis copiis peditem equitumque profecti, ad lacum Regillum in agro Tusculano agmini hostium occurrerunt: & quia, Tarquinius esse in exercitu Latinorum auditum est, sustineri ira non potuit, quin extemplo configerent. ergo etiam prælium aliquanto, quam cetera, gravius atque atrocius fuit. non enim duces ad regendam modo consilio rem affluere, sed suismetipsis corporibus procerum ferme hac, aut illa ex acie sine vulnere, præter dictatorem Romanum, excessit. In Postumium prima in acie suos adhortantem instruenteque Tarquinius Superbus, quamquam jam ætate & viribus erat gravior, equum infestus admisit, ictusque ab latere, concursu suorum receptus in tutum est. Et ad alterum cornu Æbutius magister equitum in Octavium Mamilium impetum dederat. nec fefellit veniens Tusculanum ducem: 2 contra quem & ille concitat equum. tantaque vis infestis venientium hastis fuit, ut brachium Æbutio trajectum sit, Mamilio pectus percussum. hunc quidem in secundam aciem Latini receperunt: Æbutius cum sancio brachio tenere telum non posset, pugna excessit. Latinus dux, nihil deterritus vulnere, prælium ciet: & quia suos percussos videbat, arcessit cohortem exulum Romanorum, cui L. Tarquinius filius præerat. ea quo maiore pugnabat ira ob erepta bona, patriamque ademptam, pugnam parumper restituit. Referentibus jam pedem ab ea parte Romanis, M. Valerius Poplicolæ frater, conspicatus ferocem juvenem Tarquinium ostentantem se in prima exulum acie, domestica etiam gloria accensus, ut, cuius familiæ decus eiectionis reges erant, ejusdem interfecti forent; subdit calcaria æquo, & Tarquinium infesto spiculo petit: Tarquinius retro in agmen suorum infenso cecidit hosti. Valerium teme-

1 *Gliscens* ) Quod occulte pararetur.

2 *Contra quem* ) Contra Æbutium.

temere inVectum in exulum aciem, ex tranver-  
fo quidam adortus transfigit: nec quicquam e-  
quitis vulnere equo retardato, moribundus Ro-  
manus labentibus super corpus armis, ad ter-  
ram defluxit. Dictator Postumius postquam  
cecidisse talem virum, exules ferociter citato  
agmine invehit, suos perculsos cedere animad-  
vertit; cohorti suæ, quam delecta manu præ-  
sidii causa circa se habebat, dat signum, ut  
quem suorum fugientem viderint, pro hoste  
habeant. ita metu ancipiti versi a fuga Roma-  
ni in hostem, & restituta acies. Cohors dicta-  
toris tum primum prælium iniit. integris cor-  
poribus animisque fessos adorti exules cædunt.  
Ibi alia inter procures coorta pugna. impera-  
tor Latinus ubi cohortem exulum a dictatore  
Romano prope circumventam vidit, ex sub-  
sidiariis manipulos aliquot in primam aciem  
secum rapit. hos agmine venientes T. Hermi-  
nius legatus conspicatus, interque eos insignem  
veste armisque Mamiliam noscens, tanto vi  
majore, quam paulo ante magister equitum,  
cum hostium duce prælium iniit, ut & uno  
ictu transfixum per latus occiderit Mamiliam,  
& ipse inter spoliandum corpus hostis verito  
perculsus, cum victor in castra esset relatus,  
inter primam curationem expiraverit. Tum ad  
equites dictator advolat, obtestans, ut, fesso  
jam pedite, descendant ex equis, & pugnam  
capessant. dicto parvire: desilunt ex equis,  
provolant in primum, & pro 1 antesignanis  
parmas obiciunt. Recipit extemplo animum  
pedestris acies, postquam juventutis procures;  
æquato genere pugne, secum partem periculi  
sustinentes vidit, tum demum impulsæ Latini,  
perculsaque inclinavit acies. equitibus admoti  
equi, ut persequi hostem possent. secuta &  
pedestris acies. Ibi nihil nec divinæ, nec hu-  
manæ opis dictator prætermittens, ædem Cas-  
tori vovisse fertur; ac pronuntiasse militi  
præmia, qui primus, qui secundus castra ho-  
stium intrasset. tantusque ardor fuit, ut eod-  
em

E 3

1 Antesignanis } Antesignani sunt qui ante signa in acie lo-  
cantur.

- U. C. dem impetu, quo fuderant hostem, Romani  
<sup>250</sup> castra caperent. Hoc modo ad lacum Regillum  
 pugnatum est. Dictator, & magister equi-  
 tura triumphantes in urbem rediere. Triennio  
 deinde nec certa pax, nec bellum fuit. Consu-  
<sup>21.</sup> les Q. Clælius, & T. Lartius. Inde A. Sem-  
 pronius, & M. Minutius. his consulibus  
 U. C. ædes Saturno dedicata. Saturnalia institutus  
<sup>257</sup> festus dies. A. deinde Postumius & T. Virgi-  
 U. C. <sup>258</sup> nius COSS. facti. Hoc demum anno ad Re-  
 gillum lacum pugnatum apud quosdam invenio;  
 A. Postumium, quia collega dubiæ fidei fuerit,  
 se consulatu abdicasse, dictatorem inde factum.  
 Tanti errores implicant temporum, aliter apud  
 alios ordinatis magistratibus, ut nec qui con-  
 sules secundum quosdam, nec, quid quoque an-  
 no actum sit, in tanta vetustate non rerum  
 modo, sed etiam auctorum digerere possis.

## CAPUT XII.

*Nuntius de morte Tarquinii Urbem erigit: Tri-  
 bus una & XX. describuntur. Latini Volsco-  
 rum legatis, a quibus ad arma sollicitaban-  
 tur, comprehensis, ac Romam missis, gratiam  
 cum Romanis ineunt.*

- U. C. <sup>259</sup> A. P. Claudius deinde, & P. Servilius con-  
 sules facti. insignis hic annus est nun-  
 tio Tarquinii mortis. Mortuus est Cumis; quo  
 se, post fractas opes Latinorum, ad Aristode-  
 mum tyrannum contulerat. Eo nuntio erecti  
 patres, erecta plebs. sed patribus, & nimis lu-  
 xuriosa ea fuit lætitia. plebi, cui ad eam diem  
 summa ope inservitum erat, injuriæ a primo-  
 ribus fieri cœpere. Eodem anno Signia colo-  
 nia, quam rex Tarquinius deduxerat, supple-  
 to numero colonorum, iterum deducta est.  
 Romæ tribus una & XX. factæ. Ædes Mer-  
<sup>22.</sup> curii dedicata est idibus Majis. Cum Volsco-  
 rum gente Latino bello neque pax, neque bel-  
 lum fuerat. nam & Volsci comparaverant au-  
 xilia,

*a Nimis luxuriosa ) Non satis moderata.*

xilia, quæ mitterent Latinis, ni maturatum ab dictatore Romano esset: & maturavit Romanus, ne prælio uno cum Latino Volscoque contenderet. Hac ira consules in Volscum agrum legiones duxere. Volscos consilii poenam non metuentes nec opinata res perculit. armorum immentiores obsides dant CCC. principum a Cora atque Pometia liberos. ita sine certamine inde abductæ legiones. Nec ita multo post Volscis, levatis metu, suum rediit ingenium. rursus occultum parant bellum, Hernicis in societatem armorum assuntis. legatos quoque ad sollicitandum Latium passim dimittunt. sed recens ad Regillum lacum accepta clades: Latinos, ira odioque ejus, quicumque arma suaderet, ne ab legatis quidem violandis abstinuit. comprehensos Volscos Romam duxere. ibi traditi consulibus, indicatumque est, Volscos Hernicosque parare bellum Romanis. Relata re ad senatum, adeo fuit gratum patribus, ut & captivorum sex millia Latinis remitterent, & de fœdere, quod prope in perpetuum negatum fuerat, rem ad novos magistratus rejicerent. Enimvero tum Latini gaudere facto; pacis auctores in ingenti gloria esse. coronam auream Jovi donum in Capitolium mittunt. cum legatis, donoque, qui captivorum remissi ad suos fuerant, magna circumfusa multitudo venit. pergunt domos eorum, apud quem quisque servierant. gratias agunt liberaliter haberi, cultique in calamitate sua: inde hospitia jungunt. Numquam alias ante publice privatimque Latinum nomen Romano imperio conjunctius fuit.

<sup>1</sup> Latinos . . . abstinent ) Fecit ut Latini ne ab legatis quidem violandis se abstinerent.

## CAPUT XIII.

*Propter aris alieni magnitudinem gravis inter plebem, & Patres seditio oritur. Ingruente Volscorum bello, cum nollet plebs arma capere, per Servilium Cos. lenita, nomina proficitur.*

23. **S**ed & bellum Volscum imminabat; & civitas secum ipsa discors, intestino inter patres plebemque flagrabat odio, maxime propter i nexos ob æs alienum. Fremebant, se foris pro libertate & imperio dimicantes, domi a civibus captos & oppressos esse: tutioremque in bello, quam in pace, inter hostes, quam inter cives, libertatem plebis esse. invidiamque eam sua sponte gliscentem, insignis unius calamitas accendit. Magno natu quidam cum omnium majorum suorum insignibus se in forum projecit. obsita erat squalore vestis, foedior corporis habitus pallore ac macie perempti. ad hoc, promissa barba & capilli effraverant speciem oris. noscitur tamen in tanta deformitate, & 2 ordines duxisse aiebant; aliaque militiæ decora, vulgo miserantes eum, jactabant. ipse testes honestarum aliquot locis pugnarum cicatrices adverso pectore ostentabat. Sciscitantibus, unde ille habitus, unde deformitas, cum circumfusa turba esset prope in concionis modum, Sabino bello, ait, se militantem, quia propter populationes agris non fructu modo caruerit, sed villa incensa fuerit, direpta omnia, pecora abacta, tributum iniquissimo suo tempore imperatum, æs alienum fecisse. id cumulatam usuris, primo se agro paterno avitumque exuisse, deinde fortunis aliis, postremo velut tabem pervenisse ad corpus. ductum se ab creditore non in servitium, sed in ergastulum & carnicinam esse. inde ostentare tergum, foedum recentibus vestigiis verberum. Ad hæc visa audita.

1 Nexos ) Nexi erant qui cum solvendo non essent, addicebantur creditoribus, & in vinculis habebantur.

2 Ordines duxisse ) Centurionem fuisse.



auditaque clamor ingens oritur. non jam foro se tumultus continet, sed passim totam urbem pervadit. nexi vincti, solitrique, se undique in publicum proripiunt; implorant Quiritium fidem. nullo loco deest seditionis voluntarius comes. multis passim agminibus per omnes vias cum clamore in forum curritur. Magno cum periculo suo, qui forte patrum in foro erant, in eam turbam inciderunt. nec temperatum manibus foret, ni propere consules P. Servilius, & Ap. Claudius ad comprimendam seditionem intervenissent. At in eos multitudo versa, ostentare vincula sua, deformitatemque aliam. hæc se meritos dicere, exprobrantes suam quisque, alius alibi, militiam. postulare minaciter magis, quam suppliciter, ut senatum vocarent: curiamque ipsi futuri arbitri, moderatoresque publici consilii, circumstiterent. Pauci admodum patrum, quos casus obrulerat, contracti ad consules; ceteros metus non curia modo, sed etiam foro arcebat: nec agi quicquam per infrequentiam poterat senatus. Tum vero eludi atque extrahi se multitudo putare: & Patrum qui abessent, non casu, non metu, sed impediendæ rei causa abesse, & consules ipsos tergiversari: nec dubie ludibrio esse misérias suas. Jam prope erat, ut ne consulum quidem majestas coerceret iras hominum, cum incerti morando, an veniendo plus periculi contraherent, tandem in senatum veniunt. frequentique tandem turba, non modo inter patres, sed ne inter consules quidem ipsos satis conveniebat. Appius, vehementis ingenii vir, imperio consulari rem agendam censebat: uno, aut altero arrepto, quieturos alios. Servilius, lenibus remediis aptior, concitatos animos flecti, quam frangi, putabat cum tutius, tum facilius esse. Inter hæc major alius terror. Latini equites cum tumultuo- 24. so advolant nuntio; Vollicos infesto exercitu ad urbem oppugnandam venire. quæ audita (adeo duas ex una civitate discordia fecerat) longe aliter patres, ac plebem affecere. exultare gaudio plebes; ultores superbæ patrum adesse dicere deos; alius alium confirmare, ne

nomina darent : cum omnibus potius , quam solos perituros : patres militarent , patres arma caperent , ut penes eosdem pericula belli , penes quos præmia , essent . At vero curia mœsta ac trepida ancipiti metu , & ab cive , & ab hoste , Servilium consulem , cui ingenium magis populare erat , orare , ut tantis circumventam terroribus expediret rempublicam . Tum consul , misso senatu , in concionem prodit . Ibī curæ esse patribus ostendit , ut consulatur plebi . ceterum deliberationi de maxima quidem illa , sed tamen parte civitatis , metum pro universa republica intervenisse . nec posse , cum hostes prope ad portas essent , bello præverxisse quicquam : nec , 1 si sit laxamenti aliquid , aut plebi honestum esse , nisi mercede prius accepta , arma pro patria non cepisse ; neque patribus satis decorum , per metum potius , quam postmodum voluntate , afflictis civium suorum fortunis consuluisse . 2 Concioni deinde edicto addidit fidem , quo edixit , *ne quis civem Romanum vinctum aut clausum teneret , quominus ei nominis edendi apud consules potestas fieret : ne quis militis , donec in castris esset , bona possideret , aut venderet ; 3 liberos , nepotesve ejus moraretur* . Hoc proposito edicto , & qui aderant nexi , profiteri extemplo nomina : & undique ex tota urbe proripientium se ex privato , cum retinendi jus creditori non esset , concursus in forum , 4 ut sacramento dicerent , fieri . magna ea manus fuit : neque aliorum magis in Volscis bello virtus , atque opera enituit .

## CA-

1 Si sit laxamenti ) Ab hoste .

2 Concioni deinde ) Ea quæ in concione dixerat comprobavit edicto .

3 Liberos , nepotesve ) Liberi nepotesque erant tamquam res patris , avique ; ideoque ab horum creditoribus retineri poterant .

4 Ut sacramento dicerent ) Ut sacramento militari se obligarent .

## C A P U T XIV.

*Victoria de Volscis primum, deinde de Sabinis, postremo de Auruncis: certantibus consulibus de ade Mercurii dedicanda, M. Lutorio, primipili centurioni, dedicationem populus mandat. Nova ex odio consulum plebis discordia.*

**C**onsul copias contra hostem educit, parvo 25.  
dirimente intervallo castra ponit. Proxima inde nocte Volsci, discordia Romana freti, si qua nocturna transitio proditiove fieri possit, tentant castra. sensere vigiles: excitatus exercitus: signo dato, concursus est ad arma. ita frustra id inceptum Volscis fuit: reliquum noctis utrinque quieti datum. postero die prima luce Volsci, fossis repletis, vallum invadunt. Jamque ab omni parte munimenta vellebantur, cum consul, quamquam cuncti undique, & nexi ante omnes, ut signum daret, clamabant, experiendi animos militum causa parumper moratus, postquam satis apparebat ingens ardor, dato tandem ad erumpendum signo, militem avidum certaminis emittit. primo statim incursum pulsi hostes. fugientibus, quoad insequi pedes potuit, terga cæsa, eques usque ad castra pavidos egit. mox ipsa castra, legionibus circumdatis, cum Volscos inde etiam pavor expulisset, capta, direptaque. Postero die ad Sueciam Pometiam, quo confugerant hostes, legionibus ductis, intra paucos dies oppidum capitur: captum prædæ datum. inde paulum recreatus egens miles. Consul cum maxima gloria sua victorem exercitum Romanum reducit. decedentem Romam, Ecetranorum Volscorum legati, rebus suis timentes post Pometiam captam, adeunt. His ex senatus consulto data pax, ager ademptus. Confestim & Sabini Romanos territavere. tumultus enim fuit verius, quam bellum. Nocte in urbem nuntiatum est, exercitum Sabinum prædandum ad Anienem amnem pervenisse: ibi passim diripi, atque incendi villas. Missus ex-

H 6

templo

templo eo cum omnibus copiis equitum A. Postumius, qui dictator bello Latino fuerat. secutus consul Servilius cum delecta peditum manu. plerosque palantes eques circumvenit. nec venienti peditum agmini restitit Sabina legio. fessi tum itinere, tum populatione nocturna, magna pars in villis repleti cibo vinoque, vix fugæ quod satis esset virium habuere. Nocte una audito, perfectoquo bello Sabino, postero die in magna jam ipse undique partæ pacis legati Aurunci senatum adeunt, ni decedatur Volscis agro, bellum indicentes. cum legatis simul exercitus Auruncorum domo profectus erat. cuius fama haud procul jam ab Aricia visi tanto tumultu concivit Romanos, ut nec consuli ordine patres, nec pacatum responsum arma inferentibus arma ipsi capientes dare possent. Ariciam infesto agmine itur: nec procul inde cum Auruncis signa collata: prælioque uno debellatum est. Fuis Auruncis, victor tot intra paucos dies bellis Romanus promissa consulis, fidemque senatus expectabat: cum Appius & insita superbia animo, & ut collegæ vanam faceret fidem, quam asperrime poterat, ius de creditis pecuniis dicere, deinceps & qui ante nexi fuerant, creditoribus tradebantur, & neccebantur alii. Quod ubi cui militi inciderat, collegam appellabat, concursu ad Servilium fiebat: illius promissa iactabant, illi exprobrabant sua quisque belli merita, cicatricesque acceptas: postulabant, ut aut referret ad senatum, aut ut auxilio esset consul civibus suis, imperator militibus. Movebant consulem hæc; sed tergiversari res cogebat. adeo in alteram causam non collega solum præceps erat, sed omnis factio nobilium. ita medium se gerendo nec plebis vitavit odium, nec apud patres gratiam iniit. Patres mollem consulem & ambitiosum rati, plebs fallacem; brevique apparuit, æquasse cum Appii odium. Certamen consulibus inciderat, uter dedicaret Mercurii ædem. senatus a se rem ad populum rejecit. utri eorum dedicatio iustitiae populi data esset, cum præstare annonæ, mercatorum collegium instituire, solemnia pro-

pontifice iussit suscipere. populus dedicatio-  
nem ædis dar M. Litorio i Primipili centurio-  
ni: quod facile apparet non tam ad honorem  
eius, cui curatio altior fastigio suo data esset,  
factum, quam ad consulum ignominiam. Sæ-  
vire inde utique consul alter, patresque, sed  
plebi creverant animi; & longe alia, quam  
primo instituerant, via grassabantur. despera-  
to enim consulum, senatusque auxilio, cum  
in ius duci debitorem vidissent, undique con-  
volabant: neque decretum exaudiri consulis  
præ strepitu & clamore poterat: neque, cum  
decrevisset, quisquam obtemperabat. vi ageba-  
tur, metusque omnis & periculum libertatis,  
cum in conspectu consulis singuli a pluribus  
violarentur, in creditores a debitoribus verte-  
rat. Super hæc timor incessit Sabini belli. de-  
lectuque decreto, nemo nomen dedit, furente  
Appio, & insectante ambitionem collegæ, qui  
populari silentio rempublicam proderet, & ad  
id, quod de credita pecunia ius non dixisset,  
adjiceret, ut ne delectum quidem ex senatus  
consulto haberet: *non esse tamen desertam omni-  
no rempublicam, neque projectum consulare im-  
perium: se unum & sua, & patrum majestatis  
vindictam fore*. Cum circumstaret quotidiana  
multitudo licentia accensa, arripi unum insi-  
gnem ducem seditionum iussit. ille, cum a  
lictoribus jam traheretur, provocavit. nec ces-  
sisset provocationi consul, quia non dubium  
erat populi iudicium, nisi ægre victa pertina-  
cia foret consilio magis & auctoritate princi-  
pium, quam populi clamore. 2 adeo supererant  
animi ad sustinendam invidiam. Crescere inde  
malum in dies, non clamoribus modo apertis,  
sed, quod multo perniciosius erat, secessione,  
occultisque colloquiis. Tandem invisi plebi con-  
sules magistratu abeunt; Servilius neutris, Ap-  
pius patribus mire gratus.

CA-

1 Primipili centurioni ) Cujus erat magna dignatio.

2 Adeo supererant animi ) Adeo plus etiam, quam satis ef-  
fet, animorum erat ad resistendum.

*Gliscente magis plebis ira, oritur atrox rixa cum patribus: variis in Senatu agitatae sententiae, tandem ad sedandos tumultus dicitur Dictator.*

28. **A** Virginius inde, & T. Vetulus consula-  
 U.C. tum incunt. Tum vero plebs, incerta  
 262. quales habitura consules esset, coetus nocturnos pars in Esquilis, pars in Aventino facere; ne in foro subitis trepidaret consiliis, & omnia temere, ac fortuito ageret. Eam rem consules rati, ut erat, perniciosam, ad patres referunt: sed delatum consulere ordine non licuit. adeo tumultuose excepta est clamoribus undique, & indignatione patrum, si, quod imperio consulari i exequendum esset, invidiam ejus consules ad senatum rejicerent. Profecto, si essent in repub. magistratus, nullum futurum fuisse Roma nisi publicum concilium: nunc in mille curias, concionesque, cum alia in Esquilis, alia in Aventino fiant concilia, dispersam & dissipatam esse rempub. unum hercule virum (id enim plus esse, quam consulem) qualis Ap. Cladius fuerit, momento temporis discussurum illos coetus fuisse. Correpti consules, cum, quid ergo se facere vellent (nihil enim segnius molliusve, quam patribus placeat, acturos) percontarentur; decernunt, ut delectum quam acerrimum habeant. otio lascivire plebem. Dimisso senatu, consules in tribunal \* ascendunt, citant nominatim juniores. cum ad nomen nemo responderet, circumfusa multitudo in concionis modum, negare, ultra decipi plebem posse: numquam unum militem habituros, ni praestaretur fides publica: libertatem unicuique prius reddendam esse, quam arma danda; ut pro patria civibusque, non pro dominis pugnent. Consules, quid mandatum esset a senatu, videbant: sed eorum, qui intra parietes curiae ferociter loquerentur, neminem adesse invidiae suae participem, & apparebat atrox cum plebe  
 certa-

\* *Exequendum*) Vindicandum.

certamen. prius itaque, quam ultima experirentur, senatum iterum consulere placuit. tum vero ad sellas consulum propere convolare minimus quisque natu patrum, abdicare consulatū jubentes, & deponere imperium, ad quod tuendum animus deesset. 1 Utraque re satis experta, tum demum consules: Ne praedictum negetis, Patres Conscripti, adest ingens seditio. postulamus, ut ii, qui maxime ignaviam increpant, adsint nobis habentibus delectum, acerrimi cujusque arbitrio, quando ita placet, rem agemus. Redeunt in tribunal: citari nominatim unum ex iis, qui in conspectu erant, dedita opera jubent. cum staret tacitus, & circa eum aliquot hominum, ne forte violaretur, constitisset globus, lictorem ad eum consules mittunt. quo repulso, tum vero indignum facinus esse clamitantes, qui patrum consulibus aderant, devolant de tribunali, ut lictori auxilio essent. sed ab lictore, nihil aliud, quamprehendere prohibito, cum conversus in patres impetus esset; consulum \* intercurfu rixa \* al. sedata est, in qua tamen sine lapide, sine te-Interlo, plus clamoris atque irarum, quam inju-cessu. rixae fuerat. Senatus tumultuose vocatus, tumultuosius consulitur, quaestionem postulanti- bus iis, qui pulsati fuerant, decernente ferocissimo quoque non sententiis magis, quam clamore & strepitu. tandem, cum irae resedissent, exprobrantibus consulibus nihilo plus san- nitatis in curia, quam in foro esse, ordine consuli coepit. Tres fuere sententiae. P. Vir- giniius 2 rem non vulgabat: de iis tantum, qui fidem secuti P. Servilii Consulis, Voljco, Au- runco, Sabinoque militassent bello, agendum cen- sebat. T. Lartius, non id tempus esse, ut me- rita tantummodo exolverentur: totam plebem are alieno demersam esse: 3 nec sisti posse, ni- omnibus consulatur: quin si alia aliorum sit conditio, accendi magis discordiam, quam se- dari. Ap. Claudius & natura immitis, & esse- ratus.

1 Utraque re ) Et senatus & plebis pertinacia.

2 Rem non vulgabat ) Nolebat omnibus indulgeri.

3 Nec sisti posse ) Nec posse rem sustineri; quominus ad- perniciem feratur. Familiaris Livio locutio.

ratus hinc plebis odio, illinc patrum laudibus, non miseriis, ait, sed licentia tantum concitum turbarum: & lascivire magis plebem, quam scivire: id adeo malum ex provocatione natum: quippe minas esse consulum, non imperium, ubi ad eos, qui una peccaverint, provocare liceat. Agedum, inquit, dictatorem, a quo provocationis non est, creemus. jam hic, quo nunc omnia ardent, conticescet furor. pulset tum mihi dictatorem, qui sciet jus de tergo vitæque suæ pænes unum illum esse, cujus majestatem violavit. Multis, ut erat, horrida & atrox videbatur Appii sententia: rursus Virginii Vetustique exemplo perniciofa: haud salubrem utique Lartii putabant sententiam, quæ totam fidem rolleret. medium maxime, & moderatum utroque consilium Virginii habebatur, sed factione, respectuque rerum privatarum, quæ semper officere, officientque publicis consiliis, Appius vicit: ac prope fuit, ut dictator ille idem crearetur. quæ res utique alienasset plebem periculofissimo tempore, cum Volsci Equique & Sabini forte una omnes in armis essent. sed curæ fuit consulibus, & senioribus patrum, ut imperium, a suo vehemens, mansueto permitteretur ingenio. M. Valerium dictatorem Volusi filium creant. Plebs etsi adversus se creatum dictatorem videbat, tamen, cum provocationem fratris lege haberet, nihil ex ea familia triste, nec superbum timebat. edictum deinde a dictatore propositum confirmavit animos, Servilius fere consulis edicto conveniens. sed & homini, & potestati melius rati credi, omisso certamine nomina dedere. quantus numquam ante exercitus, legiones decem effectæ. ternæ inde datæ consulibus; quatuor dictator usus.

CA-

2 Moderatum utroque ) Appii nempe & Lartii consilio temperatum.

2 Sui... mansueti ) Sui ingenio, i. e. natura sua; mansueti, i. e. viro mansueti ingenii.



## CAPUT XVI.

*Cum Aequis, Volscis, ac Sabinis res bene geritur. M. Valerius Dictator, frustra locutus in curia de levandis aere alieno oppressis, magistratu abit.*

**N**Ec poterat jam bellum differri. Æqui Latinum agrum invaserant. oratores Latinorum a senatu petebant, ut aut mitterent subsidium, aut seiplos tuendorum finium causa capere arma finerent. Tutius visum est, defendi inermes Latinos, quam pati retractare arma. Verusius consul missus est. is finis populationibus fuit. Cessere Æqui campis, locoque magis, quam armis freti, summis se jugis montium tutabantur. Alter consul in Volscos profectus, ne & ipse tereret tempus, vastandis maxime agris hostem ad conferenda propius castra, dimicandumque acie excivit. medio inter castra campo ante suum quisque vallum infestis signis constitere. multitudine aliquantum Volsci superabant: itaque effusi, & contemtim pugnam iniere. Consul Romanus nec promovit aciem, nec clamorem reddi passus defixis pilis stare suos iussit; ubi ad manum venisset hostis, tum coortos tota vi gladiis rem gerere. Volsci, cursu & clamore fessi, cum se velut stupentibus metu intulissent Romanis; postquam impressionem sensere ex adverso factam, & ante oculos micare gladios, haud secus, quam si in insidias incidissent, turbati, vertunt terga. & ne ad fugam quidem satis virium fuit; quia cursu in prælium ierant. Romani contra, quia principio pugnae quieti steterant, vigentes corporibus facile adepti fessos, & castra impetu ceperunt, & castris exutum hostem Velitras persecuti, uno agmine victores cum victis in urbem irrupere. plusque ibi sanguinis promiscua omnium generum cæde, quam in ipsa dimicatione, factum, paucis data venia, qui inermes in deditionem venerunt. Dum hæc in Volscis geruntur, dictator Sabinos, ubi longe plurimum belli fuerat,

fuit.

fundit fugatque, exiitque castris. Equitatu immisso, mediam turbaverat hostium aciem, qua, dum se cornua latius pandunt, parum apte introrsum ordinibus aciem firmaverant. turbatos pedes invasit, eodem impetu castra capta, debellatumque est. Post pugnam ad Regillum lacum, non alia illis annis pugna clarior fuit. dictator triumphans urbem invehitur. super solitos honores locus in circo ipsi, posterisque ad spectaculum datus, sella in eo loco curulis posita. Volscis devictis Veliternus ager ademptus: Velitras coloni ab urbe missi, & colonia deducta. Cum Æquis post aliquanto pugnatum est, invito quidem consule, quia loco iniquo subeundum erat ad hostes; sed milites, extrahi rem criminantes, ut dictator, priusquam ipsi redirent in urbem, magistratu abiret, irritaque, sicut ante consulis, promissa ejus caderent; perpulere, ut forte temere in adversos montes agmen erigeret. id male commissum, ignavia hostium in bonum vertit. qui, priusquam ad conjectum teli veniretur, obstupefacti audacia Romanorum, relictis castris, quæ munitissimis tenuerant locis, in adversas valles desiluere: ubi satis prædæ, & victoria incruenta fuit. Ita, trifariam re bello bene gesta, de domesticarum rerum eventu nec patribus, nec plebi cura decesserat. tanta cum gratia, tum arte præparaverant foeneratores, quæ non modo plebem, sed ipsum etiam dictatorem frustrarentur. Namque Valerius, post Vetulii consulis reditum, omnium actionum in senatu primam habuit pro victore populo, retulitque, quid de nexis fieri placeret. quæ cum rejecta relatio esset, *Non placeo, inquit, concordia auctor: optabitis mediufidius propediem, ut mei similes Romana plebs patronos habeat. quod ad me attinet, neque frustrabor ultra cives meos, neque ipse frustra dictator ero. discordia intestina bellum externum fecere, ut hoc magistratu egeret respub. pax foris parta est, domi impeditur. privatus potius, quam dictator, seditioni intererem.* Ita curia egressus, dicta-

*Actio* ) Hoc nomine designatur quicquid agit magistratus.

dictatura se abdicavit. apparuit causa plebi suam vicem indignantem magistratu abisse. Itaque, velut persoluta fide, quoniam per eum non sterisset, quin præstaretur, decedentem domum cum favore ac laudibus profecuti sunt.

## CAPUT XVII.

*Plebs denuo irritata, in Sacrum montem secedit: Menenii Agrippa facundia, & auctoritate flectitur: impetratis Tribunis, revertitur.*

**T**Imor inde patres incessit, ne, si dimissus exercitus foret, rursus cœtus occulti conjunctionesque fierent. itaque, quamquam per dictatorem delectus habitus esset; tamen, quia in consulum verba jurassent, sacramento teneri militem rati, per causam renovati ab Æquis belli, educi ex urbe legiones iussere. quo facto, maturata est seditio. & primo agitatum dicitur de consulum cæde, ut solverentur sacramento: doctos deinde nullam scelere religionem exolvi, Sicinio quodam auctore, injussu consulum in Sacrum montem secessisse. trans Anienem amnem est tria ab urbe millia passuum. ea frequentior fama est, quam, cujus Piso auctor est, in Aventinum secessionem factam esse. Ibi sine ullo duce, vallo fossaque communis castris, quieti, rem nullam, nisi necessariam ad victum, sumendo, per aliquot dies neque lassiti, neque lacescentes, sese tenuere. pavor ingens in urbe, metuque mutuo suspensa erant omnia. timere relicta ab suis plebes violentiam patrum: timere patres, residem in urbe plebem, incerti manere eam, an abire malent: quamdiu autem tranquillam, quæ secesserit, multitudinem fore? quid futurum deinde, si quod externum interim bellum existat? nullam profecto, nisi in concordia civium, spem reliquam ducere: eam per æqua, per iniqua reconciliandam civitati esse. Sic placuit igitur, oratorem ad plebem mitti Menenium Agrippam, facundum virum, &, quod 2 inde oriun-

1 Residem ) Quæ remanserat.  
2 Iude ) I. e. ex plebe.

oriundus erat, plebi carum. is intromissus in castra, prisco illo dicendi & horrido modo nihil aliud, quam hoc, narrasse fertur. Tempore, quo in homine non, ut nunc, omnia in unum consentirent, sed singulis membris suum cuique consilium, suus sermo fuerit, indignatas reliquas partes, sua cura, suo labore, ac ministerio ventri omnia quare, ventrem in medio quietum nihil aliud, quam datis voluptatibus frui: conspirasse inde, ne manus ad os cibum ferrent; nec os acciperet datum; nec dentes conficerent: hac ira, dum ventrem fame domare vellent, ipsa una membra, totumque corpus ad extremam tabem venisse: inde apparuisse, ventris quoque haud segne ministerium esse; nec magis ali, quam alere eum, reddentem in omnes corporis partes hunc, quo vivimus vigemusque, divisum pariter in venas, maturum confecto cibo sanguinem. Comparando hinc quam intestina corporis seditio similis esset iræ plebis in patres, flexisse mentes

33. hominum. Agi deinde de concordia cœptum: concessumque in conditiones, ut plebi sui magistratus essent sacrosancti, quibus auxilii latio adversus consules esset, neve cui patrum capere eum magistratum liceret. ita tribuni plebei creati duo, C. Licinius, & L. Albinus. Hi tres collegas sibi creaverunt. in his Sicinium fuisse seditionis auctorem. de duobus qui fuerint, minus convenit. Sunt qui duos tantum in sacro monte creatos tribunos esse dicant, ibique sacratam legem latam.

## C A P U T XVIII.

*Fœdus cum Latinis. Fusis Volscis, eorum oppidum, Corioli, C. Marci virtute capitur, Agrippa Menenius mortuus publico sumtu effertur.*

U. C. 261. **P**ER secessionem plebis Sp. Cassius, & Postumus Cominius consulatum inierunt. his consulibus cum Latinis populis ictum fœdus. ad id feriendum consul alter Romæ mansit: alter ad Volscum bellum missus. Antiates Volscos fundit fugatque: compulsos in oppidum Lon-

Longulam persecutus, mœnibus positur. inde Poluscam, item Volscorum, capit. tum magna vi adortus est Coriolos. Erat tum in castris inter primores juvenum C. Marcius, adolescens & consilio & manu promptus, cui cognomen postea Coriolano fuit. Cum subito exercitum Romanum Coriolos obsidentem, atque in oppidanos, quos intus clausos habebat, intentum, sine ullo metu extrinsecus imminens belli, Volscæ legiones profectæ ab Antio invasissent, eodemque tempore ex oppido erupissent hostes; forte in statione Marcius fuit. is cum delecta militum manu non modo impetum erumpentium retudit, sed per patentem portam ferox irrupit: cædeque in proximo urbis facta, ignem temere arreptum imminentibus muro ædificiis iniecit. clamor inde oppidanorum, mistus muliebri puerilique ploratu, ad terrorem, ut solet, primo ortu, & Romanis auxit animum, & turbavit Volscos; utpote capta urbe, cui ad ferendam opem venerant. Ita fusi Volsci Antiates, Corioli oppidum captum. tantumque sua laude obstitit famæ Consulis Marcius, ut, nisi fœdus cum Latinis columna ænea insculptum monumento esset, ab Sp. Cassio uno, quia collega abfuerat, ictum; Postumum Cominium bellum gessisse cum Volscis, memoria cessisset. Eodem anno Agrippa Menenius moritur, vir omni vita pariter patribus ac plebi carus, post secessionem carior plebi factus. Huic interpreti arbitroque concordie civium, legato patrum ad plebem, reductori plebis Romanæ in urbem, sumtus funeri defuit. extulit eum plebs i sextantibus collatis in capita.

CA-

i Sextantibus ) Sextans est sexta pars assis Romani.

## CAPUT XIX.

*Caritas annona Urbem opprimit . Hinc nactus occasionem Coriolanus tribunitiam potestatem criminandi , damnatus abijt exulatum in Volscos , a quibus propter vetus in Romanos odium benigne excipitur .*

**C**onsules deinde T. Geganius , P. Minucius facti . Eo anno , cum & foris quæta omnia bello essent , & domi sanata discordia , aliud multo gravius malum civitatem invasit , caritas primum annonæ , ex incultis per secessionem plebis agris , fames deinde , qualis clausis solet : ventumque ad interitum servitiorum utique & plebis esset , ni consules providissent , dimissis passim ad frumentum coemendum non in Etruriam modo dextris ab Ostia litoribus , lævoque per Volscos mari usque ad Cumas , sed quæsitum in Sicilia quoque . adeo finitimorum odia longinquis coegerant indigere auxiliis . Frumentum Cumis cum coemtum esset , naves pro bonis Tarquiniorum ab Aristodemo tyranno , qui heres erat , retentæ sunt . in Volscis , Pomprinoque ne emi quidem potuit . periculum quoque ab impetu hominum ipsis frumentatoriis fuit . Ex Etruscis frumentum Tiberi venit . eo sustentata est plebs . Incommodo bello in tam arctis com meatibus vexati forent , ni Volscos jam moventes arma pestilentia ingens invasisset . ea clade contreritis hostium animis , ut etiam , ubi ea remisisset , terrore aliquo tenerentur , & Velitris auxere numerum colonorum Romani ; & Norbæ in montes novam coloniam , quæ arx in Pomptino esset , miserunt .

11. C  
351. M. Minucio deinde , & A. Sempronio consulibus , magna vis frumenti ex Sicilia advecta : agitatumque in senatu , quanti plebi daretur . Multi venisse tempus premendæ plebis putabant , recuperandique jura , quæ extorta secessione ac vi patribus essent . In primis Marcius Coriolanus hostis tribunitiæ potestatis , *Si annonam , inquit , veterem volunt , ius pristinum reddant patribus . cur ego plebejos magistratus , cur Sici-*  
*nium*

nium potentem video sub jugum missus, tamquam a latronibus redemptus? ego ne has indignitates diutius patiar, quam necesse est? Tarquinium regem qui non 1 tulerim, Sicinium feram? secedat nunc, avocet plebem: patet via in Sacrum montem, aliosque colles: rapiant frumenta ex agris nostris, quemadmodum 2 tertio anno rapuere: fruantur, utantur annonæ, quam furore suo fecere. audeo dicere, hoc malo domitos ipsos potius cultores agrorum fore, quam ut armati per secessionem coli prohibeant. Haud tam facile dictu est, faciendum ne fuerit, quam potuisse arbitror fieri, ut 3 conditionibus laxandi annonam, & tribunitiam potestatem, & omnia invitis jura imposita patres demerent sibi. Et senatui nimis atrox visa sententia est, & ira plebem prope armavit. Fame jam se sicut 35. hostes peti, cibo victuque fraudari: peregrinum frumentum, quæ sola alimenta ex insperato fortuna dederit, ab ore rapi, nisi Cn. Martio vineti dedantur tribuni, nisi de tergo plebis Romanæ satisfiat: eum sibi carnificem novum exortum, qui aut mori, aut servire jubeat. In exeuntem e curia impetus factus esset, ni peropportune tribuni diem dixissent. Ubi ira est suppressa, se judicem quisque, se dominum vitæ, necisque inimici factum videbat. Contentum primo Marcius audiebat minas tribunitias; auxilii, non pænæ, jus datum illi potestati; plebisque, non patrum, tribunos esse. sed adeo infensa erat coorta plebs, ut 4 unius pænâ defungendum esset patribus. restiterunt tamen adversa invidia, usque sunt qua suis quisque, qua totius ordinis viribus. ac primo tentata res est, si, dispositis clientibus, absterrendo singulos a coitionibus, conciliisque, disjicere rem possent: universi deinde processere (quidquid erat patrum, reos diceres) precibus plebem exposcentes; unum sibi civem, unum senatorem, si in-

1 Tulerim ) Hæc dicit ex universi Senatus persona.

2 Tertio anno ) Tertio ante anno.

3 Conditionibus laxandi... ) Laxando annonam tribunitia se potestate, & aliis se oneribus Patres fortasse liberassent.

4 Unius pænâ defungendum ) Uno ad pœnam tradito, totus ordo periculo imminenti eximendus.

si innocentem absolvere nollent, pro nocente donarent. ipse cum die dicta non adesset, perseveratum in ira est. damnatus absens, in Volscos exulatum abiit, minitans patriæ, hostileque jam tum spiritus gerens. Venientem Volsci benigne excepere: benigniusque in dies colebant, quo major ira in suos eminebat, crebræque nunc querelæ, nunc minæ percipiebantur. Hospitio utebatur Attii Tulli. longe istum princeps Volsci nominis erat, Romanisque semper infestus. ita cum alterum vetus odium, alterum ira recens stimularet, consilia conferunt de Romano bello. haud facile credebant plebem suam impelli posse, ut toties infeliciter tentata arma caperent: multis sæpe bellis, pestilentia postremo amissa juventute, fractos spiritus esse: arte agendum in exoletis jam vetustate odio; ut recenti aliqua ira exacerbarentur animi.

## CAPUT XX.

*Ab Attio Tullo, Volsci nominis principe, quaesita per celebres ludos occasione recentis iræ in Romanos, declaratus Volscorum dux Coriolanus fert arma contra patriam.*

36. **L**udi forte ex instauratione magni Romæ parabantur. instaurandis hæc causa fuerat ludis. Mane servum quidam pater familiæ, 1 nondum commisso spectaculo, 2 sub furca cæsum medio egerat circo. cæpti inde ludi, velut ea res nihil ad religionem pertinuisset. haud ita multo post T. Latinio de plebe homini somnium fuit. Visus Jupiter dicere, sibi ludis præsulatorem displicuisse: nisi magnifice instaurarentur hi ludi, periculum urbi fore: iret, ea consulibus nuntiaret. Quamquam haud sane liber erat religione animus, verecundia tamen majestatis

1 Nondum commisso spectaculo ) Nondum cæpto spectaculo. Commisi proprium in hac re.

2 Sub furca ) Furca duplex fuit: alia, quam gestare jubebantur servi nequam ignominie causa; atque hinc furciferæ appellata improba mancipia, Alia instrumentum fuit supplicii, aliquando capitalis.



statis magistratuum i timorem \* vicit, ne in ora hominum pro ludibrio abiret. magno illi ea cunctatio stetit. filium namque intra paucos dies amisit. cuius repentinæ cladis ne causa dubia esset, ægro animi eadem illa in somnis obversata species, visa est rogitare, *satin' magnam spreti numinis haberet mercedem? majorem instare, ni eat propere, ac nuntiet consulibus*. Jam præsentior res erat; cunctantem tamen, ac prolatantem ingens vis morbi adorta est 2 debilitate subita. tum enimvero deorum ira admonuit. fessus igitur malis præteritis instantibusque, consilio propinquorum adhibito, cum visa atque audita, & obversatum tories somno Jovem, minas irasque cælestes 3 repræsentatas casibus suis exposuisset, consensu inde haud dubio omnium, qui aderant, in forum ad consules lætica defertur: inde in curiam jussu consulum delatus, eadem illa cum patribus, ingenti omnium admiratione, enarrasset, ecce aliud miraculum; qui captus omnibus membris delatus in curiam esset, eum, functum officio, pedibus suis domum redisse, traditum memoriæ est. Ludi quam amplissimi ut fierent, senatus 37 decernit. Ad eos ludos, auctore Attio Tullo, vis magna Volscorum venit. priusquam committerentur ludi, Tullus, ut domi compositum cum Marcio fuerat, ad consules venit. dicit esse quæ secreto agere de republica velit. arbitris semotis, *Invitus*, inquit, 4 *quod sequius sit, de meis civibus loquor. non tamen admissum quicquam ab iis criminatum venio, sed cautum, ne admittant. Nimio plus, quam velim, nostrorum ingenia sunt mobilia. multis id cladibus sensimus, quippe qui non nostro merito, sed vestra patientia incolumes simus. magna hic nunc Volscorum multitudo est; ludi sunt, spectaculo intenta civitas erit. memini, quid per eandem occasionem ab Sabinorum juventute in*

Tom. I.

F

hac

1 Timorem vicit, ne ) Vicit timorem irarum cælestium. Pro ludibrio, i. e. ne in sermones hominum incideret, ac ludibrio haberetur.

2 Debilitate ) Paralyti.

3 Repræsentatas ) Statim & in præsentem ad effectum perductas.

4 Quod sequius sit ) Quod civibus meis labem aliquam aspergat.

hac urbe commissum sit . horret animus , ne quid inconsulte , ac temere fiat . hac nostra , vestraque causa prius dicenda vobis , consules , ratus sum . Quod ad me attinet , extemplo hinc domum abire in animo est , ne cuius facti , dictive contagione præsens violer . Hæc locutus abiit . Consules cum ad patres rem dubiam sub auctore certo detulissent , auctor magis ( ut fit ) quam res ad præcavendum vel ex supervacuo movit . factoque senatusconsulto ut urbe excederent Volsci , præcones dimittuntur , qui omnes eos proficisci ante noctem juberent . Ingens pavor primo discurrentes ad suas res tollendas in hospitia perculit : proficiscentibus deinde indignatio oborta , se , ut consceleratos contaminatosque ab ludis , festis diebus , cœtu quodammodo hominum deorinque abactos esse . Cum prope continuato agmine irent , prægressus Tullus ad caput Ferentinum , ut quisque veniret , primores eorum excipiens , querendo , indignandoque , & eos ipsos sedulo audientes i secunda iræ verba , & per eos multitudinem aliam in subiectum viæ campum deduxit . ibi in concionis modum orationem exorsus : *Veteres populi Rom. injurias , cladesque gentis Volscorum , ut omnia , inquit , obliviscamini alia , hodiernam hanc contumeliam quo tandem animo fertis , qui per nostram ignominiam ludos commiseret ? an non sensistis triumphatum hodie de vobis esse ? vos omnibus civibus , peregrinis , tot finitimis populis spectaculo abeuntes fuisse ? vestras conjuges , vestros liberos traductos per ora hominum ? quid eos , qui audire vocem præconis ? quid , qui vos videre abeuntes ? quid eos , qui huic ignominioso agmini fuere obvi , existimasse putatis ? nisi aliquod profecto nefas esse , quo , si intersimus spectaculo , violatari simus ludos , & piaculumque merituri ; ideo nos ab sede proam , cœtu , concilioque abigi . quid deinde illud non succurrit ? vivere nos , quod maturavimus proficisci ? si hac profectio , & non fuga est . & hanc urbem vos non hostium ducitis , ubi si unum diem morati essetis , moriendum omnibus*

1 *Secunda iræ verba* ) Verba quæ obsecundarent iræ quæ incensi erant .

2 *Piaculum ... merituri* ) Id commissuri , quod sit piaculo dignum .

*bis fuit? Bellum vobis indictum est magno eorum malo, qui indixere, si viri estis. Ita & sua sponte irarum pleni, & incitati, domos inde digressi sunt. Instigandoque suos quisque populos, effecere, ut omne Volscum nomen deficeret. Imperatores ad id bellum de omnium populorum sententia lecti Attius Tullus, & Cn. Marcius exul Romanus, in quo aliquanto plus spei repositum. quæ spes nequaquam scellit, ut facile appareret, ducibus validiorem, quam exercitum rem Romanam esse. Circejos profectus, primum colonos, inde Romanos expulit: liberamque eam urbem Volscis tradidit; inde in Latinam viam transversis tramitibus transgressus, Satricum, Longulam, Poluscam, Coriolos, 1 novella hæc Romanis oppida ademir; inde Lanuvium recepit. tunc deinceps Corbionem, Vitelliam, Trebiam, Labicos, Pedum cepit. postremum ad urbem a Peto ducit, &, ad fossas Cluilias quinque ab urbe millia passuum castris positis, populatur inde agrum Romanum, custodibus inter populatores missis, qui patritiorum agros intactos fervarent: sive intensus plebi magis; sive ut discordia inde inter patres plebemque oriretur. quæ profecto orta esset; adeo tribuni jam ferocem per se plebem, criminando, in primores civitatis instigabant: sed externus timor, maximum concordiae vinculum, quamvis suspectos, inensosque inter se iungebat animos. Id modo, sicut alias, non conveniebat; quod senatus, consulesque nusquam alibi spem, quam in armis, ponebant: plebes omnia, quam bellum, malebat.*

## CAPUT XXI.

*Coriolanus, repudiatis prius oratoribus, atque etiam sacerdotibus, pacem precantibus, matris Veturia, ac uxoris Volumnia lacrimis tandem motus, retro castra vertit.*

**S**P. Nautius jam, & Sex. Furius Consules erant. Eos recensentes legiones, præsidia  
F 2 per

1 *Novella* ) Nuper ab Romanis acquisita.

per muros, aliaque, in quibus stationes vigiliaeque esse placuerat, loca distribuentes, multitudo ingens pacem poscentium primum seditionis clamore conterruit: deinde vocare senatum, referre de legatis ad Cn. Marcium mittendis coegit. Acceperunt relationem patres, postquam apparuit labare plebis animos: missique de pace ad Marcium oratores atrox responsum retulerunt. *Si Volscis ager redderetur, posse agi de pace; si praeda belli per otium frui velint, memorem se & civium injuria, & hospitum beneficii, adniscurum, ut appareat exilio sibi irritatos, non fractos animos esse.* Iterum deinde iidem missi non recipiuntur in castra. sacerdotes quoque suis insignibus velatos ille supplices ad castra hostium, traditum est: nihiloque magis, quam legatos, flexisse animum. Tum matronæ ad Veturiam matrem Coriolani, Volumniamque uxorem frequentes coeunt. id publicum consilium, an muliebris timor fuerit, parum invenio. pervicere certe, ut & Veturia magno natu mulier, & Volumnia, duos parvos ex Marcio ferens filios secum, in castra hostium irent: &, quam armis viri defendere urbem non possent, mulieres precibus lacrimisque defenderent. Ubi ad castra ventum est, nuntiatumque Coriolano, *\* al. adeffe ingens mulierum agmen: primo, ut qui nec publica majestate in legatis, nec in sacerdotibus tanta offusa oculis animoque religione motus esset, multo obstinatio adversus lacrimas muliebres erat. dein familiarium quidam, qui insignem mœstitia inter ceteras cognoverat Veturiam, inter nulum nepotesque stantem: Nisi me frustrantur, inquit, oculi, mater tibi, conjuxque, & liberi adsunt.* Coriolanus, prope ut amens, i consternatus ab sede sua cum ferret matri obviam complexum; mulier in iram ex precibus versa, *Sine, priusquam complexum accipio, sciam, inquit, ad hostem, an ad filium venerim: captiva, materne in castris tuis sim. in hoc me longa vita, & infelix senectâ traxit, ut exulem te, deinde hostem viderem? potuisti populari hanc* ter-

terram, qua te genuit, atque aluit? non tibi, quamvis infesto animo & minaci perveneras, ingrediendi fines ira cecidit? non, cum in conspectu Roma fuit, succurrit, intra illa mœnia domus ac penates mei sunt? mater, conjux, liberique? Ergo, ego nisi peperissem, Roma non oppugnaretur? nisi filium haberem, libera in libera patria mortua essem? Sed ego nihil jam pati nec tibi turpius, quam mihi miseriùs possum: nec, ut sim miserrima, diu futura sum. de his videris, quos, si pergis, aut immatura mors, aut longa servitus manet. Uxor deinde ac liberi amplexi, fletusque ab omni turba mulierum ortus, & comploratio sui patriæque fregere tandem virum. complexus inde suos, dimittit: ipse retro ab urbe castra movit. Abductis deinde legionibus ex agro Romano, invidia rei oppressum perisse tradunt, alii alio leto. apud Fabium longe antiquissimum auctorem, usque ad senectutem vixisse eundem, invenio. refert certe hanc sæpe eum exacta ætate usurpasse vocem, *Multò miseriùs seni exilium esse.* Non inviderunt laudes suas mulieribus viri Romani. adeo sine obrectatione gloriæ aliene vivebatur. monumento quoque quod esset, templum Fortunæ muliebri ædificatum dedicatumque est. Rediere deinde Volsci, adjunctis Æquis, in agrum Romanum. sed Æqui Attium Tullum haud ultra tulere ducem. Hinc ex certamine, Volsci, Æquine imperatorem conjuncto exercitui darent, seditio, deinde atrox prælium ortum. Ibi fortuna populi Romani duos hostium exercitus haud minus pernicioso, quam pertinaci certamine confecit.

U. C.  
105

## CAPUT XXII.

*Pugnatur cum Volscis, ac Hernicis. Lex agraria primum promulgatur per ambitionem Cassii consulis, qui demum, propter suspicionem regni damnatus, necatur.*

**C**onsules T. Sicinius, & C. Aquilius. Sicinio Volsci, Aquilio Hernici (nam ii quoque in armis erant) provincia evenit. eo anno

U. C.  
106

Hernici devicti: cum Volscis æquo Marte dis-  
 41. cessum est. Sp. Cassius deinde & Proculus  
 Virginii consules facti. cum Hernicis fœdus  
 ictum, agri partes duæ ademptæ. Inde dimidium  
 Latinis, dimidium plebi divisurus consul Cassius  
 erat. adiciebat huic muneri agri aliquantum, quem  
 publicum possideri a privatis criminabatur. Id  
 multos quidem patrum, ipsos possessores, peri-  
 culo rerum suarum terrebant. sed & i publica pa-  
 tribus sollicitudo inerat, largitione consulem  
 periculosas libertati opes struere. Tum primum  
 2 lex agraria promulgata est, nunquam deinde  
 usque ad hanc memoriam sine maximis moti-  
 bus rerum agitata. Consul alter largitioni re-  
 sistebat, auctoribus patribus, nec omni plebe  
 adversante: quæ primo cœperat fastidire, 3 mu-  
 nus vulgatum a civibus ille in socios. sæpe de-  
 inde & Virginium consulem in concionibus ve-  
 lut vaticinantem audiebat: *pestilens collega mu-  
 nus esse: agros illos servitutem iis, qui accepe-  
 rint, laturos: regno viam fieri. quid ita enim  
 assumi socios, & nomen Latinum? quid atti-  
 nuisse, Hernicis, paulo ante hostibus, capti agri  
 tertiam partem reddi? nisi ut hæ gentes, pro Co-  
 riolano duce, Cassium habeant?* Popularis jam  
 esse dissuasor, & intercessor legis agrariæ cœpe-  
 rat. uterque deinde consul certatim plebi in-  
 dulgere. Virginii dicere, passurum se assigna-  
 ri agros, dum ne cui, nisi civi Romano, as-  
 signentur. Cassius, quia in agraria largitio-  
 ne 3 ambitiosus in socios, eoque civibus vilior  
 erat, ut alio munere sibi reconciliaret civium  
 animos, jubere pro Siculo frumento pecuniam  
 acceptam retribui populo. Id vero haud secus,  
 quam præsentem mercedem regni, aspernata  
 plebs: adeo propter suspicionem insitam regni,  
 velut abundarent omnia, munera ejus in ani-  
 mis hominum respuebantur. quem, ut ubi pri-  
 mum magistratu abiit, damnatum, necatumque

con-

1 *Publica... sollicitudo*) Metus & cura pro republica.

2 *Lex Agraria*) De agro, qui ex hostibus captus ac  
 proinde publicus erat, aut adimendo privatis qui eum oc-  
 cupaverant, aut inopibus dividendo.

3 *Munus vulgatum a civibus in socios*) I. e. quod non pro-  
 prium esset civium, sed communicatum sociis quoque, jam  
 vile & vulgare videretur.

4 *Ambitiosus in socios*) Ambiendæ sociorum gratiæ studens.

constat. Sunt, qui patrem auctorem ejus supplicii ferant: eum, cognita domi causa, verberasse, ac necasse: i peculiumque filii Cereri consecravisse: signum inde factum esse, & inscriptum, Ex Cassia familia datum. Invenio apud quosdam, idque propius fidem est, a quaestoribus Cæsone Fabio, & L. Valerio diem dictam perduellionis; damnatumque populi judicio; dirutas publice ædes, ea est area ante Telluris ædem. Ceterum, sive illud domesti-<sup>U.C.</sup> cum, sive publicum fuit judicium, damnatur <sup>107</sup> Ser. Cornelio, Q. Fabio consulibus.

## C A P U T XXIII.

*Victis Volscis, & Æquis, fraudatisque præda militibus, rursus agraria lex expetitur. Castoris Ædes dedicatur. Prodigia ex non rite factis sacris. Oppia Vestalis ob incestum damnatur.*

**H** Aud diuturna ira populi in Cassium fuit. <sup>42.</sup> dulcedo agrariæ legis ipsa per se, demto auctore, subibat animos: accensaque ea cupiditas est malignitate patrum, qui devictis eo anno Volscis, Æquisque, militem prædæ frangere. quicquid caprum ex hostibus est, vendidit Fabius consul, ac redegit in publicum. Invisum erat Fabium nomen plebi propter novissimum consulem: tenuere tamen patres, ut <sup>103</sup> cum L. Aemilio Cæso Fabius consul crearetur. eo infestior facta plebes: seditio domestica bellum externum excitavit: bello deinde civiles discordiæ intermissæ. uno animo patres ac plebs rebellantes Volscos, & Acquos, dace Aemilio, prospera pugna vicere. plus tamen hostium fuga, quam prælium absumsit. adeo pertinaciter fufos insecuti sunt equites. Castoris Ædes, eodem anno, Idibus Quintilibus dedicata est. vota erat Latino bello Postumio dictatore. filius ejus duumvir ad id ipsum creatus dedicavit. Solicitati & eo anno sunt dulcedine agrariæ

F 4.

riæ

1 Peculium ... filii ) Peculium est & id quod servus concedente domino possidet, & quod filius possidet concessu patris.

riæ legis animi plebis. tribuni plebis i popularem potestatem lege populari celebrabant. patres, fatis superque gratuiti furoris in multitudine credentes esse, largitiones, temeritatique invitamenta horrebant. acerrimi patribus duces ad resistendum consules fuere. ea igitur pars reipublicæ vicit. nec in præsens modo, sed in venientem etiam annum M. Fabium, <sup>249</sup> **U.C.** Cæsonis fratrem, & magis invisum alterum plebi, accusatione Sp. Cassii, L. Valerium consules dedit. Certatum eo quoque anno cum tribunis plebis est. vana lex, vanique legis auctores, jactando irritum munus, facti. Fabium inde nomen ingens, post tres continuos consulatus, unoque velut tenore omnes expertos tribunitiis certaminibus, habitum. itaque ut bene locatus mansit in ea familia aliquamdiu honos. Bellum inde Vejens initum. & Volsci rebellarunt. sed ad bella externa prope supererant vires, abutebanturque iis inter semetipsos certando. Accessere ad ægras jam omnium mentes prodigia celestia, prope quotidianas in urbe agrisque ostentantia minas. motique ira numinis causam nullam aliam vates canebant publice privatimque nunc extis, nunc per aves consulti, quam haud rite sacra fieri. qui terrores tamen eo evasero, ut Oppia virgo Vestalis, damnata incesti poenas dederit. Q. Fabius inde, & C. Julius consules facti.

## CAPUT XXIV.

*Æquis, & Vejentibus contra arma ferentibus; primum plebs militiam detrectat; deinde habito delectu, propter Fabii consulis odium, in ipsa pugna signa injussu referunt milites.*

<sup>270</sup> **U.C.** <sup>43.</sup> **E**O anno non segnior discordia domi, & bellum foris atrocius fuit. Ab Æquis arma sumpta. Vejentes agrum quoque Romanorum populantes inierant. quorum bellorum crescente cura, Cæso Fabius, & Sp. Furius consules fiunt. <sup>\* al.</sup> <sup>Oeto.</sup> <sup>nam.</sup> \* Artonam, Latinam urbem, Æqui oppugnabant.

2 Popularem ) I.e. quæ per se grata populo erat.



bant. Veientes, pleni jam populationum, Romam ipsam se oppugnatorios, minitabantur. <sup>U. C.</sup> qui terrores, cum compescere deberent, auxere <sup>271</sup> insuper animos plebis: redibatque non sua sponte plebi mos detrectandi militiam. Sed Sp. Icilus, tribunus plebis, venisse tempus ratus per ultimam necessitatem legis agrariæ patribus injungendæ, suscepit rem militarem impediendam. ceterum tota invidia tribunitiæ potestatis versa in auctorem est: nec in eum consules acrius, quam ipsius ejus collegæ, coorti sunt: auxilioque eorum delectum consules habent. Ad duo simul bella exercitus scribitur: ducendus Fabio in Æquos, in Veientes Furio datur. & in Veientibus quidem nihil dignum memoria gestum est. Fabio aliquanto plus negotii cum civibus, quam cum hostibus fuit. unus ille vir ipse consul rempublicam sustinuit; quam exercitus odio consulis, quantum in se fuit, prodebat. nam cum consul præter ceteras imperatorias artes, quas parando gerendoque bello edidit plurimas, ita instruxisset aciem, ut, solo equitatu emissio, exercitum hostium funderet; insequi fusos pedes noluit. nec illos etsi non adhortatio inviti ducis, suum saltem flagitium, & publicum in præsentia dedecus, postmodo periculum, si animus hosti redisset, cogere potuit gradum accelerare; aut, si aliud nihil, instare instructos. injussu signa referunt: mæstique (crederes victos) execrantes nunc imperatorem, nunc navatam ab equite operam, redeunt in castra. Nec huic tam pestilenti exemplo remedia ulla ab imperatore quaesita sunt. adeo excellentibus ingeniis citius defuerit ars, qua civem regant, quam qua hostem superent. Consul Romam rediit, non tam belli gloria aucta, quam irritato exacerbatoque in se militum odio. Obtinuere tamen patres, ut in Fabia gente consulatus maneret.

si innocentem absolvere nollent, pro nocente donarent. ipse cum die dicta non adesset, perseveratum in ira est. damnatus absens, in Volscos exulatum abiit, minitans patriæ, hostilesque jam tum spiritus gerens. Venientem Volsci benigne excepere: benigniusque in dies colebant, quo major ira in suos eminebat, crebraque nunc querelæ, nunc minæ percipiebantur. Hospitio utebatur Attii Tulli. longe istum princeps Volsci nominis erat, Romanisque semper infestus. ita cum alterum vetus odium, alterum ira recens stimularet, consilia conferunt de Romano bello. haud facile credebant plebem suam impelli posse, ut toties infeliciter tentata arma caperent: multis sæpe bellis, pestilentia postremo amissa juventute, fractos spiritus esse: arte agendum in exoletis jam vetustate odio; ut recenti aliqua ira exacerberentur animi.

## C A P U T XX.

*Ab Attio Tullo, Volsci nominis principe, quaesita per celebres ludos occasione recentis ira in Romanos, declaratus Volscorum dux Coriolanus fert arma contra patriam.*

36. **L**udi forte ex instauratione magni Romæ parabantur. instaurandis hæc causa fuerat Indis. Mane servum quidam pater familiæ, 1 nondum commisso spectaculo, 2 sub furca cæsum medio egerat circo. cœpti inde ludi, velut ea res nihil ad religionem pertinuisset. haud ita multo post T. Latinio de plebe homini somnium fuit. Visus Jupiter dicere, sibi ludis presultatorem displicuisse: nisi magnifice instaurarentur hi ludi, periculum urbi fore: iret, ea consulibus nuntiaret. Quamquam haud sane liber erat religione animus, verecundia tamen majestatis

1 *Nondum commisso spectaculo* ) Nondum cœpto spectaculo. *Commissi* proprium in hac re.

2 *Sub furca* ) Furca duplex fuit: alia, quam gestare jubebantur servi nequam ignominie causa; atque hinc *fureis* appellata improba mancipia. Alia instrumentum fuit supplicii, aliquando capitalis.

statis magistratum i timorem \* vicit, ne in ora hominum pro ludibrio abiret. magno illi ea cunctatio stetit. filium namque intra paucos dies amisit. cuius repentinæ cladis ne causa dubia esset, ægro animi eadem illa in somnis obversata species, visa est rogitare, *satin' magnam sprete numinis haberet mercedem? majorem instare, ni eat propere, ac nuntiet consulibus*. Jam præsentior res erat; cunctantem tamen, ac prolatantem ingens vis morbi adorta est & debilitate subita. tum enimvero deorum ira admonuit. festus igitur malis præteritis instantibusque, consilio propinquorum adhibito, cum visa atque audita, & obversatum toties somno Jovem, minas irasque cælestes; repræsentatas casibus suis exposuisset, consensu inde hand dubio omnium, qui aderant, in forum ad consules lectica deferitur: inde in curiam iussu consulum delatus, eadem illa cum patribus, ingenti omnium admiratione, enarrasset, ecce aliud miraculum; qui captus omnibus membris delatus in curiam esset, cum, functum officio, pedibus suis domum redisset, traditum memoriæ est. Ludi quam amplissimi ut fierent, senatus 37 decernit. Ad eos ludos, auctore Artio Tullo, vis magna Volscorum venit. priusquam committerentur ludi, Tullus, ut domi compositum cum Marcio fuerat, ad consules venit. dicit esse quæ secreto agere de republica velit, arbitrari semotis, *Invitus*, inquit, & quod sequens sit, de meis civibus loquor. non tamen admissum quicquam ab iis criminatum venio, sed cautum, ne admittant. Nimio plus, quam velim, nostrorum ingenia sunt mobilia. multis id cladibus sensimus, quippe qui non nostro merito, sed vestra patientia incolumes simus. magna hic nunc Volscorum multitudo est; ludi sunt, spectaculo intenta civitas erit. memini, quid per eandem occasionem ab Sabinorum juventute in

Tom. I.

F

hac

1 Timorem vicit, ne ) Vicit timorem irarum cælestium. Pro ludibrio, i. e. ne in sermones hominum incideret, ac ludibrio haberetur.

2 Debilitate ) Paralyti.

3 Repræsentatas ) Statim & in præsentem ad effectum perductas.

4 Quod sequens sit ) Quod civibus meis labem aliquam aspergat.

hac rebe commissum sit . horret animus , ne  
 quid inconsulte , ac temere fiat . hac nostra , ve-  
 straque causa prius dicenda vobis , consules , ra-  
 tus sum . Quod ad me attinet , exemplo hinc do-  
 mum abire in animo est , ne cuius facti , dictive  
 contagione præsens violer . Hæc locutus abiit .  
 Consules cum ad patres rem dubiam sub aucto-  
 re certo detulissent , auctor magis ( ut fit )  
 quam res ad præcavendum vel ex supervacuo mo-  
 vit . factoque senatusconsulto ut urbe excederent  
 Volsci , præcones dimittuntur , qui omnes eos  
 proficisci ante noctem juberent . Ingens pavor  
 primo discurrentes ad suas res tollendas in ho-  
 spitia perculit : proficiscentibus deinde indigna-  
 tio oborta , se , ut consceleratos contaminatosque  
 38. ab ludis , festis diebus , cœtu quodammodo ho-  
 minum deorumque abactos esse . Cum prope con-  
 tinuato agmine irent , prægressus Tullus ad caput  
 Ferentinum , ut quisque veniret , primores eo-  
 rum excipiens , querendo , indignandoque , &  
 eos ipsos sedulo audientes , secunda iræ verba ,  
 & per eos multitudinem aliam in subjectum viæ  
 campum deduxit . ibi in concionis modum ora-  
 tionem exorsus : *Veteres populi Rom. injurias ,  
 cladesque gentis Volscorum , ut omnia , inquit ,  
 obliviscamini alia , hodiernam hanc contumeliam  
 quo tandem animo fertis , qui per nostram ignomi-  
 niam ludos commisere ? an non sensistis triumph-  
 tum hodie de vobis esse ? vos omnibus civibus ,  
 peregrinis , tot finitimis populis spectaculo abeun-  
 tes fuisse ? vestras conjuges , vestros liberos tradu-  
 ctos per ora hominum ? quid eos , qui audire  
 vocem præconis ? quid , qui vos videre abeuntes ?  
 quid eos , qui huic ignominioso agmini fuere ob-  
 vii , existimasse putatis ? nisi aliquod profecto ne-  
 fas esse , quo , si intersimus spectaculo , violatari  
 simus ludos , & piaculumque merituri , ideo nos ab  
 sede proram , cœtu , concilioque abigi . quid de-  
 inde illud non succurrit ? vivere nos , quod ma-  
 turavimus proficisci ? si hæc profectio , & non su-  
 ga est . & hanc urbem vos non hostium ducitis ,  
 ubi si unum diem morati essetis , moriendum omni-  
 bus .*

1 Secunda iræ verba ) Verba quæ obsecundarent iræ qua  
 incensæ erant .

2 Piaculum . . . meritari ) Id commissuri , quod sit piaculo  
 dignum .

*bis fuit? Bellum vobis indictum est magno eorum malo, qui indixere, si viri estis. Ita & sua sponte irarum pleni, & incitati, domos inde digressi sunt. Instigandoque suos quisque populos, efficere, ut omne Volscum nomen deficeret. Imperatores ad id bellum de omnium populorum sententia lecti Attius Tullus, & Cn. Marcius exul Romanus, in quo aliquanto plus spei repositum. quæ spes nequaquam fefellit, ut facile appareret, ducibus validiorem, quam exercitum Romanam esse. Circejos profectus, primum colonos, inde Romanos expulit: liberamque eam urbem Volscis tradidit; inde in Latinam viam transversis tramitibus transgressus, Satricum, Longulam, Poluscam, Coriolos, <sup>1</sup> novella hæc Romanis oppida ademit; inde Lanuvium recepit. tunc deinceps Corbionem, Vitelliam, Trebiam, Labicos, Pedum cepit. postremum ad urbem a Peto ducit, &, ad fossas Cluiliæ quinque ab urbe millia passuum castris positis, populatur inde agrum Romanum, custodibus inter populatores missis, qui patritiorum agros intactos servarent: sive inensus plebi magis; sive ut discordia inde inter patres plebemque oriretur. quæ profecto orta esset; adeo tribuni jam ferocem per se plebem, criminando, in primores civitatis instigabant: sed externus timor, maximum concordie vinculum, quamvis suspectos, inensosque inter se jungebat animos. Id modo, sicut alias, non conveniebat; quod senatus, consulesque nusquam alibi spem, quam in armis, ponebant: plebes omnia, quam bellum, malebat.*

## CAPUT XXI.

*Coriolanus, repudiatis prius oratoribus, atque etiam sacerdotibus, pacem precantibus, matris Veturie, ac uxoris Volumnie lacrimis tandem motus, retro castra vertit.*

**S**P. Nautius jam, & Sex. Furius Consules erant. Eos recensentes legiones, præsidia  
F 2 per

<sup>1</sup> Novella ) Nuper ab Romanis acquisita.

per muros, aliaque, in quibus stationes vigi-  
 liaeque esse placuerat, loca distribuentes, mul-  
 tudo ingens pacem poscentium primum sedi-  
 tioso clamore contreruit: deinde vocare sena-  
 tum, referre de legatis ad Cn. Marcium mit-  
 tendis coegit. Acceperunt relationem patres,  
 postquam apparuit labare plebis animos: missi-  
 que de pace ad Marcium oratores atrox respon-  
 sum retulerunt. *Si Volscis ager redderetur, pos-  
 se agi de pace; si prada belli per otium frui  
 velint, memorem se & civium injuria, & ho-  
 spitum beneficii, adniscurum, ut appareat exi-  
 lio sibi irritatos, non fractos animos esse.* Ite-  
 rum deinde iidem missi non recipiuntur in ca-  
 stra. sacerdotes quoque suis insignibus velatos  
 isse supplices ad castra hostium, traditum est:  
 nihiloque magis, quam legatos, flexisse ani-  
 mum. Tum matronæ ad Veturiam matrem Co-  
 riolani, Volumniamque uxorem frequentes  
 coeunt. id publicum consilium, an muliebris  
 timor fuerit, parum invenio. pervicere certe,  
 ut & Veturia magno natu mulier, & Volu-  
 mnia, duos parvos ex Marcio ferens filios, se-  
 cum, in castra hostium irent: &, quam armis  
 viri defendere urbem non possent, mulieres  
 precibus lacrimisque defenderent. Ubi ad ca-  
 stra ventum est, nuntiatumque Coriolano,  
 \* al. adeste ingens mulierum agmen: \* primo, ut  
 patri qui nec publica majestate in legatis, nec in sa-  
 cerdotibus tanta offusa oculis animoque reli-  
 gione motus esset, multo obstinatioꝝ adversus  
 lacrimas muliebres erat. dein familiarium qui-  
 dam, qui insignem mœstitia inter ceteras co-  
 gnoverat Veturiam, inter nura nepotesque  
 itantem: *Nisi me frustrantur, inquit, oculi,  
 mater tibi, conjuxque, & liberi adsunt.* Co-  
 riolanus, prope ut amens, i consternatus ab  
 sede sua cum ferret matris obviam complexum;  
 mulier in iram ex precibus versa, *Sine, prius-  
 quam complexum accipio, sciam, inquit, ad  
 hostem, an ad filium venerim: captiva, ma-  
 terne in castris tuis sum. in hoc me longa vi-  
 ta, & infelix senectâ traxit, ut exulem te,  
 deinde hostem viderem? potuisti populari hanc*  
 ter-

terram, qua te genuit, atque aluit? non tibi, quamvis infesto animo & minaci perveneras, ingredienti fines ira cecidit? non, cum in conspectu Roma fuit, succurrit, intra illa mœnia domus ac penates mei sunt? mater, conjux, liberique? Ergo, ego nisi peperissem, Roma non oppugnaretur? nisi filium haberem, libera in libera patria mortua essem? Sed ego nihil jam pati nec tibi turpius, quam mihi miserius possum: nec, ut sim miserrima, diu futura sum. de his videris, quos, si pergis, aut immatura mors, aut longa servitus manet. Uxor deinde ac liberi amplexi, fletusque ab omni turba mulierum ortus, & comploratio sui patriæque fregere tandem virum. complexus inde suos, dimittit: ipse retro ab urbe castra movit. Abductis deinde legionibus ex agro Romano, invidia rei oppressum perisse tradunt, alii alio leto. apud Fabium longe antiquissimum auctorem, usque ad senectutem vixisse eundem, invenio. refert certe hanc sæpe cum exacta ætate usurpasse vocem, *Multo mulierius seni exilium esse*. Non inviderunt laudes suas mulieribus viri Romani. adeo sine obrectatione gloriæ aliene vivebatur. monumento quoque quod esset, templum Fortunæ muliebri ædificatum dedicatumque est. Rediere deinde Volsci, adjunctis Æquis, in agrum Romanum. sed Æqui Attium Tullum haud ultra tulere ducem. Hinc ex certamine, Volsci, Æquine imperatorem conjuncto exercitui darent, seditio, deinde atrox prælium ortum. Ibi fortuna populi Romani duos hostium exercitus haud minus pernicioso, quam pertinaci certamine confecit.

U. C.  
265

## CAPUT XXII.

*Pugnatur cum Volscis, ac Hernicis. Lex agraria primum promulgatur per ambitionem Cassii consulis, qui demum, propter suspicionem regni damnatus, necatur.*

Consules T. Sicinius, & C. Aquilius. Si-  
cinio Volsci, Aquilio Hernici (nam ii quoque in armis erant) provincia evenit. eo anno

U. C.  
266

41. Hernici devicti: cum Volscis æquo Marte dis-  
 cessum est. Sp. Cassius deinde & Proculus  
 Virginius consules facti. cum Hernicis fœdus  
 ictum, agri partes duæ ademtæ. Inde dimidium  
 Latinis, dimidium plebi divisurus consul Cassius  
 erat. adjiciebat huic muneri agri aliquantum, quem  
 publicum possideri a privatis criminabatur. Id  
 multos quidem patrum, ipsos possessores, peri-  
 culo rerum suarum terrebat. sed & publica pa-  
 tribus sollicitudo inerat, largitione consulem  
 periculosas libertati opes struere. Tum primum  
 2 lex agraria promulgata est, nunquam deinde  
 usque ad hanc memoriam sine maximis moti-  
 bus rerum agitata. Consul alter largitioni re-  
 sistebat, auctoribus patribus, nec omni plebe  
 adversante: quæ primo coeperat fastidire, 3 mu-  
 nus vulgatum a civibus isse in socios. sæpe de-  
 inde & Virginium consulem in concionibus ve-  
 lut vaticinantem audiebat: *pestilens collega mu-  
 nus esse: agros illos servitutem ius, qui accepe-  
 rint, laturos: regno viam fieri. quid ita enim  
 assumi socios, & nomen Latinum? quid atti-  
 nuisse, Hernicis, paulo ante hostibus, capti agri  
 tertiam partem reddi? nisi ut hæ gentes, pro Co-  
 riolano duce, Cassium habeant?* Popularis jam  
 esse dissuasor, & intercessor legis agrariæ coepe-  
 rat. uterque deinde consul certatim plebi in-  
 dulgere. Virginius dicere, passurum se assigna-  
 ri agros, dum ne cui, nisi civi Romano, as-  
 signentur. Cassius, quia in agraria largitio-  
 ne 3 ambitiosus in socios, eoque civibus vilior  
 erat, ut alio munere sibi reconciliaret civium  
 animos, jubere pro Siculo frumento pecuniam  
 acceptam retribui populo. Id vero hand secus,  
 quam præsentem mercedem regni, aspernata  
 plebs: adeo propter suspicionem inositam regni,  
 velut abundarent omnia, munera ejus in ani-  
 mis hominum respuebantur. quem, ut ubi pri-  
 mum magistratu abiit, damnatum, necatumque.

con-

1 Publica... (sollicitudo) Metus & cura pro republica.

2 Lex Agraria.) De agro, qui ex hostibus captus ac  
 proinde publicus erat, aut adimendo privatis qui eum oc-  
 cupaverant, aut inopibus dividendo.

3 Munus vulgatum a civibus in socios) I. e. quod non pro-  
 prium esset civium, sed communicatum sociis quoque, jam  
 vile & vulgare videretur.

4 Ambitiosus in socios.) Ambienda sociorum gratia studens.



constat. Sunt, qui patrem auctorem ejus supplicii ferant: eum, cognita domi causa, verberasse, ac necasse: i peculiumque filii Cereri consecravisse: signum inde factum esse, & inscriptum, Ex Cassia familia datum. Invenio apud quosdam, idque propius fidem est, a quaestoribus Cæsone Fabio, & L. Valerio diem dictam perduellionis; damnatumque populi iudicio; dirutas publice ædes. ea est area ante Telluris ædem. Ceterum, si illud domesticum, si publicum fuit iudicium, damnatur <sup>U.C.</sup> 207 Ser. Cornelio, Q. Fabio consulibus.

## CAPUT XXIII.

*Victis Volscis, & Æquis, fraudatisque præda militibus, rursus agraria lex expetitur. Castoris Ædes dedicatur. Prodigia ex non rite factis sacris. Oppia Vestalis ob incestum damnatur.*

**H**Aud diuturna ira populi in Cassium fuit. <sup>42.</sup> dulcedo agrariæ legis ipsa per se, demto auctore, subibat animos: accensaque ea cupiditas est malignitate patrum, qui devictis eo anno Volscis, Æquisque, militem prædæ fraudare. quicquid captum ex hostibus est, vendidit Fabius consul, ac redegit in publicum. Invisum erat Fabium nomen plebi propter novissimum consulem: tenere tamen patres, ut <sup>U.C.</sup> 203 cum L. Aemilio Cæso Fabius consul crearetur. eo infestior facta plebes: seditio domestica bellum externum excivit: bello deinde civiles discordiæ intermissæ. uno animo patres ac plebs rebellantes Volscos, & Aequos, dace Aemilio, prospera pugna vicere. plus tamen hostium fuga, quam prælium absumsit. adeo pertinaciter fusos insecuti sunt equites. Castoris Ædes, eodem anno, Idibus Quintilibus dedicata est. vota erat Latino bello Postumio dictatore. filius ejus duumvir ad id ipsum creatus dedicavit. Solicitati & eo anno sunt dulcedine agrariæ

F 4

riæ

i Peculium... filii) Peculium est & id quod servus concedente domino possidet, & quod filius possidet concessu patris.

bant. Veientes, pleni jam populationum, Romam ipsam se oppugnaturus, minitabantur. <sup>U. C.</sup> qui terrores, cum compescere deberent, auxere <sup>271</sup> insuper animos plebis: redibatque non sua sponte plebi mos detrectandi militiam. Sed Sp. Icilus, tribunus plebis, venisse tempus ratus per ultimam necessitatem legis agrariæ patribus iungendæ, susceperat rem militarem impediendam. ceterum tota invidia tribunitiæ potestatis versa in auctorem est: nec in eum consules acrius, quam ipsius ejus collegæ, coorti sunt: auxilioque eorum delectum consules habent. Ad duo simul bella exercitus scribitur: ducendus Fabio in Æquos, in Veientes Furio datur. & in Veientibus quidem nihil dignum memoria gestum est. Fabio aliquanto plus negotii cum civibus, quam cum hostibus fuit: unus ille vir ipse consul rempublicam sustinuit; quam exercitus odio consulis, quantum in se fuit, prodebat. nam cum consul præter ceteras imperatorias artes, quas parando gerendoque bello edidit plurimas, ita instruxisset aciem, ut, solo equitatu emissio, exercitum hostium funderet; insequi fusos pedes noluit. nec illos etsi non adhortatio inviti ducis, suum saltem flagitium, & publicum in præsentia dedecus, postmodo periculum, si animus hosti redisset, cogere potuit gradum accelerare; aut, si aliud nihil, instare instructos. injussu signa referunt: mœstique (crederes victos) execrantes nunc imperatorem, nunc navatam ab equite operam, redeunt in castra. Nec huic tam pestilenti exemplo remedia ulla ab imperatore quaesita sunt. adeo excellentibus ingeniis citius defuerit ars, qua civem regant, quam qua hostem superent. Consul Romam rediit, non tam belli gloria aucta, quam irritato exacerbatoque in se militum odio. Obtinuere tamen patres, ut in Fabia gente consulatus maneret.

*Patres, conciliando sibi Tribunos plebis, quarunt opes contra legem agrariam. Delectus habentur in Veientes, qui, dum superbe provocant Romanos, iis ardorem pugnandi injiciunt.*

U. C. 272  
44. **M**. Fabium consulem creant: Fabio collega Cn. Manlius datur. Et hic annus tribunum auctorem legis agrariæ habuit. Ti. Pontificius fuit: is eandem viam, velut processisset Sp. Icilio, ingressus, delectum paulisper impediit. Perturbatis iterum patribus, App. Claudius victam tribunitiam potestatem dicere priore anno, in præsentia re ipsa, exemplo in perpetuum: quando inventum sit, suis ipsam viribus dissolvi: neque enim umquam defuturum, qui ex collega victoriam sibi, & gratiam melioris partis bono publico velit quasitam. & plures, si pluribus opus sit, tribunos ad auxilium consulum paratos fore, & unum vel adversus omnes satis esse. darent modo & consules, & primores patrum operam, ut, si minus omnes, aliquos tamen ex tribunis reip. ac senatui conciliarent. Præceptis Appii moniti patres & universi comiter ac benigne tribunos appellare, & consulares, ut cuique eorum privatim, aliquid juris adversus singulos erat, partim gratia, partim auctoritate obtinere, ut tribunitiæ potestatis vires salubres vellent reip. esse. quatuorque tribunorum adversus unum moratorem publici commodi auxilio, delectum consules habent. Inde ad Veiens bellum profecti, quo undique ex Etruria auxilia convenerant, non tam Veientium gratia concitata, quam quod in spem ventum erat, discordiæ intestina dissolvi rem Romanam posse. Principesque in omnium Etruriæ populorum conciliis fremebant, æternas opes esse Romanas, nisi inter semetipsos seditio-nibus sevant. id unum venenum, eam labem civitatibus opulentis repertam, ut magna imperia mor-

*1 Aliqua iura adversus singulos } Aliqua necessitudo cum singulis,*

mortalia essent. diu sustentatum id malum, partim patrum consiliis, partim patientia plebis, jam ad extrema venisse: duas civitates ex una factas: suos cuique parti magistratus, suas leges esse. primum in delectibus vivere solitos, eosdem in bello tamen paruisse ducibus. qualicumque urbis statu, manente disciplina militari, sisti potuisse. i jam non parendi magistratibus morem, in castra quoque Romanum militem sequi. proximo bello, in ipsa acie, in ipso certamine, consensu exercitus, traditam ultro victoriam victis Aëuis. signa deserta; imperatorem in acie relictum, injussu in castra reditum. profecto si instetur, suo milite vinci Romam posse. nihil aliud opus esse, quam indici ostendique bellum: cetera sua sponte fata & deos gesturos. Hæc spes Etruscos armaverant, multis invicem casibus victos, victoresque. Coss. quoque Ro- 45. muni nihil præterea aliud, quam suas vires, sua arma horrebant: memoriaque pessimi proximo bello exempli terrebantur, ne rem committerent eo, ubi duæ simul acies timendæ essent. itaque castris se tenebant, tam ancipiti periculo aversi, diem, tempusque forsitan ipsum lenituum iras, sanitateque animis allaturum. Vejens hostis, Etruscique eo magis præpropere agere: lacessere ad pugnam, primo obequitando castris, provocandoque, postremo, ut nihil movebant, qua consules ipsos, qua exercitum increpando; *simulationem intestina discordia remedium timoris inventum*; & consules magis non confidere, quam non credere suis militibus; novum seditionis genus, silentium, otiumque inter armatos. ad hæc in novitatem generis, originisque qua falsa, qua vera jacere. Hæc cum sub ipso vallo portisque streperent, haud ægre consules pati: at imperitæ multitudini nunc indignatio, nunc pudor pectora vertare, & ab intestinis avertere malis. nolle inultos hostes, nolle successum, non patribus, non consulibus. externa, & domestica odia certare in animis. tandem superant externa, adeo

F. 6.

fu-

i Jam non parendi magistratibus morem ) I. e. jam non parendi magistratibus.

2 Ab intestinis avertere malis. ) Sensum avocare a civilibus odiis.

superbe insolenterque hostis eludebat. frequentes in prætorium conveniunt, poscunt pugnam, postulant, ut signum detur. Consules, velut deliberabundi, capita conferunt, diu colloquuntur. pugnare cupiebant: sed retro revocanda, & addenda cupiditas erat, ut, adversando rememorandoque, incitato semel militi adderent impetum. Redditur responsum, immaturam rem agi, nondum tempus pugnae esse; castris se tenerent. edicunt inde, ut abstineant pugna; si quis injussu pugnaverit, ut in hostem animadversuros. ita dimissis, quo minus consules vellem credunt, crescit ardor pugnandi. accendunt ansuper hostes ferocius multo, ut, statuisse non pugnare consules, cognitum est: quippe impune se insultaturos. non credi militi arma. rem ad ultimum seditionis erupturam, finemque venisse Romano imperio. His freti concursant portis, ingerunt probra, ægre abstinere, quin castra oppugnent. Enimvero non ultra contumeliam pati Romanus posse. totis castris undique ad consules curritur. non jam sensim, ut ante, per centurionum principes postulant, sed passim omnes clamoribus agunt.

## CAPUT XXVI.

*Milites Romani emissio jurejurando, se non nisi victores redituros, in hostem procurrunt: in ipso ardore pugna cedentes, ducum virtute accenduntur: praelio redintegrato, victoriam referunt, tristem tamen morte Q. Fabii consularis, & Cn. Manlii Consulis.*

**M**atura res erat, tergiversantur tamen. Fabius deinde, ad crescentem tumultum, jam metu seditionis, collega concedente, cum silentium classico fecisset: Ego istos, Cn. Manli, posse vincere scio; velle ne scirem, ipsi fecerunt. itaque certum atque decretum est, non dare signum, nisi, victores se redituros ex hac pugna, jurent. consulem Romanum miles semel in acie fefellit, deos numquam fallit. Centurio erat M. Flavolejus, inter primores pugnae flagitator. Victor, inquit, M. Fabi, revertar ex acie. si fal-

si fallat, Jovem patrem, Gradivumque Martem, aliosque juratos invocat deos. Idem deinceps omnis exercitus in se quisque jurat. Juratis datur signum, arma capiunt, eunt in pugnam irarum speique pleni. nunc jubent Etruscos probra jacere, nunc armatis sibi quisque lingua promptum hostem offerri. Omnium illo die, qua plebis, qua patrum, eximia virtus fuit: Fabium nomen, Fabia gens maxime enituit; multis civilibus certaminibus infensos plebis animos illa pugna sibi reconciliare statuunt. instruitur acies. Nec Veiens hostis, Etruscæque legiones detrectant. Prope certa  
 spes erat, non magis secum pugnatu-<sup>46.</sup>ros, quam pugnaverint cum Æquis. majus quoque aliquod in tam irritatis animis, & occasione ancipiti, haud desperandum esse facinus. res aliter longe evenit. nam non alio ante bello infestior Romanus (adeo hinc contumeliis hostes, hinc consules mora exacerbaverant) prælium iniit. Vix explicandi ordinis spatium Etruscis fuit, cum, pilis inter primam trepidationem abjectis temere magis, quam emissis, pugna jam ad manus, jam ad gladios, ubi Mars est atrocissimus, venerat. Inter primores genus Fabium insigne spectaculo exemploque civibus erat. ex his Q. Fabium (tertio hic anno ante consul fuerat) principem in confertos Veientes euntem, scrox viribus & armorum arte Tuscus, incautum inter multas versantem hostium manus, gladio per pectus transfigit. telo extracto, præceps Fabius in vulnus abiit. Sensit utraque acies unius viri casum: cedebatque inde Romanus, cum M. Fabius consul transfilit jacentis corpus, objectaque parma, *Hoc jurastis, inquit, milites? fugientes vos in castra redituros? adeo ignavissimos hostes magis timetis, quam Jovem, Martemque, per quos jurastis? at ego injuratus aut victor revertar, aut prope te hic, Q. Fabi, dimicans cadam.* Consuli tum Cælo Fabius prioris anni consul, *Verbis ne istis, frater, ut pugnent, te impetraturum credis? dii impetrabunt, per quos juravere. & nos, ut decet procures, ut Fabio nomine est dignum, pugnando potius, quam adhortando ac-*  
 con-

*cedamus militum animos.* Sic in primum infestis hastis provolant duo Fabii, totamque mo-  
 47. verunt secum aciem. Prælio ex parte una restituto, nihilo segnius in altero cornu Cn. Manlius consul pugnam ciebat: ubi prope similis fortuna est versata. nam ut altero in cornu Q. Fabium, sic in hoc ipsum consulem Manlium, jam velut fusos agentem hostes, & impigre milites secuti sunt; &, ut ille gravi vulnere ictus ex acie cecidit, interfectum rati, gradum retulere: cecidissentque loco, ni consul alter, cum aliquot turmis equitum in eam partem citato equo advectus, vivere clamitans collegam, se victorem fuso altero cornu adesse, rem inclinatam sustinisset. Manlius quoque ad restituendam aciem se ipse coram offert. duorum consulum cognita ora accendant militum animos. simul & i vanior jam erat hostium acies, dum, abundante multitudine freti, substracta subsidia mittunt ad castra oppugnanda. in quæ haud magno certamine impetu facto, dum præde magis, quam pugnae memores tererent tempus triarii Romani, qui primam irruptionem sustinere non potuerant, missis ad consules nuntiis, quo loco res essent, conglobati ad prætorium redeunt, & sua sponte prælium ipsi renovant: & Manlius consul reiectus in castra, ad omnes portas milite opposito, hostibus viam clauserat. ea desperatio Tuscis rabiem magis, quam audaciam accendit. nam cum incurstantes quacumque exitum ostenderet spes, vano aliquoties impetu essent; globus juvenum unus in ipsum consulem insignem armis invadit. prima excepta a circumstantibus tela: sustineri deinde vis nequit. demum consul mortifero vulnere ictus cadit, fusique circa omnes. Tuscis crescit audacia. Romanos terror per tota castra trepidos agit. & ad extrema ventum foret, ni legati, rapto consulis corpore, patefecissent una porta hostibus viam. ea erumpunt, consternatoque agmine abeuntes, in victorem alterum incidunt consulem. ibi iterum cæsi, fusique passim. Victoria \* egregie.

\* a  
 egre-  
 gia.

parta, tristis tamen duobus tam claris funcribus.

bus. Itaque consul, decernente senatu triumphum, si exercitus sine imperatore triumphare possit, pro eximia eo bello opera facile passurum respondit: se familia funesta. Q. Fabii fratris morte, repub. ex parte orba, consule altero amisso, publico privatoque deformem luctu lauream non accepturum. Omni acto triumpho depositus triumphus clarior fuit. adeo spreta in tempore gloria, interdum cumulatior redit. Funera deinde duo deinceps, collegæ fratrisque, ducit. idem in utroque laudator, cum, concedendo illis suas laudes, ipse maximam partem earum ferret. neque immemor ejus, quod initio consulatus imbiberat, reconciliandi animos plebis, faucios milites curandos dividit patribus. Fabiis plurimi dati: nec alibi majore cura habiti. inde populares jam esse Fabii: nec hoc ulla, nisi salubri reipublicæ arte.

## CAPUT XXVII.

*Cæso Fabius Cos. nititur plebem cum patribus reconciliare. Vexantibus inde assidue Vejentibus, Fabiorum familia hoc privato sumtu gerendum bellum sibi deposcit. Profecti in hostem trecenti Fabii ad Cremeram perveniunt.*

**I**Gitur non patrum magis, quam plebis studiis Cæso Fabius cum T. Virginio consul factus, U.C. neque bella, neque delectus, neque ullam aliam <sup>271.</sup> priorem curam agere, quam ut, jam aliqua <sup>48.</sup> ex parte inchoata concordie spe, primo quoque tempore cum patribus coalescerent animi plebis. Itaque principio anni censuit, priusquam quisquam agrariæ legis auctor tribunus existeret, occuparent patres ipsi suum munus facere; captivum agrum plebi quam maxime æqualiter darent. 1 æquum esse habere eos, quorum sanguine ac sudore partus sit. aspernati patres sunt: questi quoque quidam, nimia gloria 2 luxuriare & evanescere. vividum quondam illud Cæsonis ingenium. nullæ deinde urbanæ factiones fuere. Vexabantur incursionibus Æquo-

2 Luxuriare } In vana confilia incidere, a nimia frumentorum in herbis copia, quæ sæpe in tenuia & inania grana evanescit.



Æquorum Latini. eo cum exercitu Cæſo miſſus; in ipſorum Æquorum agrum depopulabundus tranſit. Æqui ſe in oppida receperunt, murifque ſe tenebant. eo nulla pugna memorabilis fuit. At a Vejente hoſte clades accepta temeritate alterius conſulis, actumque de exercitu foret, ni Cæſo Fabius in tempore ſubſidio veniſſet. Ex eo tempore neque pax, neque bellum cum Vejentibus fuit. rex ꝑ proxime in formam latrocinii venerat. legionibus Romanis cedebant: in urbem ubi abductas ſenſerat legiones, agros incurſabant, bellum quiete, quietem bello invicem eludentes. ita neque omitti tota res, neque perfici poterat. & alia bella aut præſentia inſtabant, ut ab Æquis Volſciſque, non diutius, quam recens dolor proximæ cladis tranſiſſet, quieſcentibus: aut mox moturos ſe apparebat Sabinos ſemper infeſtos, Etruriamque omnem. ſed Vejens hoſtis aſſiduus magis, quam gravis, contumeliis ſæpius, quam periculo animos agitabat: quod nullo tempore negligi poterat, aut averti alio ſinebat. Tum Fabia gens ſenatum adit: conſul pro gente loquitur: *Aſſiduo magis, quam magno præſidio, ut ſcitis, patres conſcripti, bellum Vejens eget. vos alia bella curate. Fabios hoſtes Vejentibus date. auctores ſumus, tutam ibi majeſtatem Romani nominis fore. noſtrum id nobis velut familiare bellum privato ſumtu gerere in animo eſt. reſpub. & milite illic, & pecunia vacet. Gratix ingentes actæ. Conſule curia egreſſus, comitante Fabio- rum agmine, qui in veſtibuſo curiæ ſenatusconſultum expectantes ſteterant, domum rediit. juſſi armati poſtero die ad limen conſulis adef-*

49. ſe, domos inde diſcedunt. Manat tota urbe rumor: Fabios ad cælum laudibus ferunt: familiam unam ſubiſſe civitatis onus: Vejens bellum in privatam curam, in privata arma verſum. ſi ſint duæ roboris ejusdem in urbe gentes, depoſcant, hæc Volſcos ſibi, illa Æquos; populo Romano tranſquillam pacem agente, omnes finitimos ſubigi populos poſſe. Fabii poſtera die arma capiunt: quo juſſi erant,

con-

ꝑ Proxime in formam latrocinii venerat) Prope ſimilis erat latrocinio.

conveniunt. Consul paludatus egrediens, in vestibulo gentem omnem suam instructo agmine videt: acceptus in medium, signa ferri jubet. numquam exercitus neque minor numero, neque clarior fama & admiratione hominum per urbem incessit. Sex & CCC. milites, omnes patricii, omnes unius gentis, quorum neminem ducem sperneret egregius quibuslibet temporibus senatus, ibant, unius familiæ viribus Veienti populo pestem minitantes. sequebatur turba, propria alia cognatorum sodaliumque, nihil medium, nec spem nec curam, sed immensa omnia volventium animo; alia i publica sollicitudine excitata, favore & admiratione stupens. *ire fortes, ire felices jubent; incæptis eventus pares reddere: consulatus inde ac triumphos, omnia præmia ab se, omnes honores sperare.* Prætereuntibus Capitolium, arcemque & alia templa, quicquid deorum oculis, quicquid animo occurrit, precantur, ut illud agmen faustum atque felix mittant, fospites brevi in patriam ad parentes restituant. Incaßum missæ preces. infelici via e dextro Jano portæ Carmentalis profecti, ad Cremeram flumen perveniunt. is opportunus visus locus communiendo præsidio.

## C A P U T XXVIII.

*Fabii primo contra Veientes prospere rem gerunt; deinde ex improvviso circumventi, omnes ad unum occiduntur.*

**L**Æmilius inde & C. Servilius COSS. facti. u.e. L. &, donec nil aliud quam in populationibus res fuit, non ad præsidium modo tutandum Fabii satis erant, sed tota regione, qua Tusculi ager Romano adjacet, sua tuta omnia, infesta hostium, vagantes per utrumque finem fecere. Intervallum deinde haud magnum populationibus fuit: dum & Veientes accito ex Etruria exercitu, præsidium Cremeræ oppugnant: & Romanæ legiones, ab L. Æmilio COS.

1 *Publica sollicitudine excitata* ) Ad prosequendos Fabios excitati sollicitudine ad rempublicam spectante.

Fabii

COS. adductæ, cominus cum Etruscis dimicantæ acie. quamquam vix dirigendi aciem spatium Vejentibus fuit. adeo inter primam trepidationem, dum post signa ordines introeunt, subsidiaque locant, inuenta subito ab latere Romana equitum ala, non pugnæ modo incipiendæ, sed consistendi ademit locum. Ita fusi retro ad saxa Rubra ( ibi castra habebant ) pacem supplices petunt. cujus impetratæ, ab insita animis levitate, ante deductum Cremera Romanum præsidium pœnituit. Rursus cum Fabiis erat Vejenti populo, sine ullo majoris belli apparatu, certamen. nec erant incursiones modo in agros, aut subiti imperus incursantium, sed aliquoties æquo campo, collatisque signis certatum: gensque una populi Rom. sæpe ex opulentissima, ut tum res erant, Etrusca civitate victoriam tulit. Id primo acerbum indignumque Vejentibus visum. inde consilium ex re natum, insidiis ferocem hostem captandi, gaudere etiam, multo successu Fabiis audaciam crescere. itaque & pecora prædantibus aliquoties, velut casu incidissent, obviam acta: & agrestium fuga vasti relictæ agri: & subsidia armatorum ad arcendas populationes missa, sæpius simulato, quam vero pavore refugerunt. Jamque Fabii adeo contemserant hostem, ut sua invicta arma neque loco, neque tempore ullo crederent sustineri posse. hæc ipse adeo provexit, ut ad conspecta procul a Cremera, magno campi intervallo, pecora, quamquam rara hostium apparebant arma, decurrerent: & cum improvidi effuso cursu insidias circa ipsum iter locatas superassent, palatique passim vaga, ( ut fit ) pavore injecto, raperent pecora, subito ex insidiis confurgitur. & adversi, & undique hostes erant. primo clamor circumlatus exterruit, dein tela ab omni parte accidebant, cocuntibusque Etruscis, jam continenti agmine armatorum septi, quo magis se hostis inferebat, cogeantur breviori spatio & ipsi orbem colligere. quæ res & paucitatem eorum insignem, & multitudinem Etruscorum, multiplicatis in arcto ordinibus, faciebat. tum ommissa pugna, quam in omnes partes parem intenderant, in

in unum locum se omnes inclinant . 1 eo nisi corporibus armisque 2 rupere cuneo viam . duxit via in editum leniter collem , inde primo restitit : mox ut respirandi superior locus spatium dedit , recipiendique a pavore tanto animum , pepulere etiam subeuntes : vincebatque auxilio loci paucitas , ni jugo circummissus Veiens in verticem collis evalisset . ita superior rursus hostis factus , Fabii cæsi ad unum omnes , præsidiumque expugnatum . CCCVI. perisse satis convenit : unum prope puberem ætate relictum , 3 stirpem genti Fabiæ , dubisque rebus populi Rom. sæpe domi bellicque vel maximum futurum auxilium .

## CAPUT XXIX.

*Cum Tuscis pugnatur . Veientes , qua ipsi Fabios ceperant , arte capiuntur , & duabus cladibus obteruntur . Pace foris parta , domi discordia quaritur ex lege agraria , cujus auctores tribuni diem dicunt T. Menenio , & Sp. Servilio .*

CUM hæc accepta clades esset , jam C. Horatius & T. Menenius COSS. erant . Menenius adversus Tuscos victoria elatos confestim 1 missus . tum quoque male pugnatum est . & Janiculum hostes occupavere : obsessaque urbs foret , super bellum annona premente , ( transierant enim Etrusci Tiberim ) ni Horatius COS. ex Volscis esset revocatus . adeoque id bellum ipsis institit mœnibus , ut primo pugnatum 4 ad Spei sit æquo Marte , iterum ad portam Collinam . ibi quamquam 5 parvo momento superior Romana res fuit : meliorem tamen militem , recepto pristino animo , in futura prælia id certamen fecit . A. Virginius & Sp. Servilius COSS. fiunt . post acceptam proximam pugnam .

1 *Eo nisi* ) In eam partem nitentes .

2 *Rupere cuneo viam* ) In cuneum formata acie viam sibi per vim aperuerunt .

3 *Stirpem genti Fabiæ* ) Propagaturum gentem Fabiam .

4 *Ad Spei* ) Ad Ædem Spei .

5 *Parvo momento superior* ) Paulo superior .

pugnæ cladem Vejentes abstinuere acie . popu-  
lationes erant , & i velut ab arce Janiculi pas-  
sim in Romanum agrum impetus dabant . non  
usquam pecora tuta , non agrestes erant . capti  
deinde eadem arte sunt , qua ceperant Fabios .  
Secuti dedita opera passim ad illecebras propu-  
sa pecora , præcipitavere in insidias . quo plu-  
res erant , major cædes fuit . ex hac clade atrox  
ira majoris cladis causa atque initium fuit . tra-  
jecto enim nocte Tiberi , castra Servilii COSS  
adorti sunt oppugnare . inde fusi magna cæde  
in Janiculum se ægre receperunt . Confestim  
consul & ipse transiit Tiberim , castra sub Jani-  
culo communit . postero die luce orta nonnihil  
& hesternæ felicitate pugnæ ferox , magis ta-  
men , quod inopia frumenti , quamvis præcipi-  
tia , dum celeriora essent , agebat consilia : te-  
mere adverso Janiculo ad castra hostium aciem  
erexit . foediisque inde pulsus , quam pridie pe-  
pulerat , interventu collegæ ipse exercitusque  
est servatus . inter duas acies Etrusci , cum in-  
vicem his atque illis terga darent , occisione  
52. occisi . Ita oppressum temeritate felici Vejens  
bellum . Urbi cum pace laxior etiam an-  
nona rediit & advecto ex Campania frumen-  
to , & , postquam timor sibi cuique futuræ ino-  
piæ abiit , eo , quod abditum fuerat , prolato .  
Ex copia deinde otioque lascivire rursus animi :  
& pristina mala , postquam foris deerant , do-  
mi quærere . tribuni plebem agitare suo vene-  
no , agraria lege : in resistentes incitare patres ,  
nec in universos modo , sed in singulos . Q.  
Confidius & T. Genutius auctores agrariæ le-  
gis , T. Menenio diem dicunt . invidiæ era-  
missum Cremere præsidium , cum haud pro-  
cul inde stativa consul habuisset . cum oppres-  
ferunt : cum & patres haud minus quam pro  
Coriolano ante annexi essent , & patris  
Agrippæ favor haud dum exolevisset . In mul-  
cta temperarunt tribuni : cum capitis anqui-  
sissent , duo millia æris damnato multam edi-  
xerunt . 2 ca in caput vertit . negant tulisse  
ignominiam , ægritudinemque ; inde morbo  
ab-

1 Velut ab arce Janiculi ) E Janiculo tamquam ex arce .  
2 Ea in caput vertit ) Ea multa mortis causa illi fuit .

absumentum esse. Alius deinde reus Sp. Servilius, ut consulatu abiit, C. Nautio & P. Valerio COSS. initio statim anni ab L. Ceditio, & T. Statio trib. die dicta, non, ut Menenius, precibus suis aut patrum, sed cum multa fiducia innocentiae gratiaeque tribunitios impetus tulit. & huic praelium cum Tuscis ad Janiculum erat crimini. sed fervidi animi vir, ut in publico periculo ante, sic tum in suo, non tribunos modo, sed plebem oratione feroci refutando, exprobrandoque T. Menenii damnationem mortemque (cujus patris munere restituta quondam plebs eos ipsos, quibus tum saeviret, magistratus, eas leges haberet) periculum audacia discussit. juvit & Virginius collega testis productus, participando laudes; magis tamen Menenianum (adco mutaverant animum) profuit iudicium.

## CAPUT XXX.

*Vejentes, & Sabini, simul conjuncta ferentes arma, superantur. Volsi, & Aequi a Latinis sociis castris exuuntur: cum Vejentibus inducia.*

Certamine domi finito, Vejens bellum exortum, quibus Sabini arma conjunxerant. P. Valerius COS., accitis Latinorum Hernicorumque auxiliis, cum exercitu Vejos missus, castra Sabina, quae pro moenibus sociorum locata erant, confestim aggreditur; tantamque trepidationem injecit, ut, dum dispersi alii alia manipulatim excurrunt ad arcendam hostium vim, ea porta, cui signa primum intulerat, caperetur. intra vallum deinde caedes magis, quam praelium esse. tumultus e castris & in urbem penetrat. tamquam Vejis captis, ita pavidi Vejentes ad arma currunt. pars Sabinis eunt subsidio, pars Romanos, toto impetu intentos, in castra adoriuntur. paulisper aversi turbatique sunt. deinde & ipsi utroque versis signis resistunt, & eques ab consule immixtus Tuscos fundit ingatque. eademque hora duo exercitus, duaeque potentissima & maxima finiti-

finitimæ gentes superatæ sunt. Dum hæc ad Vejos geruntur, Volsci Æquique in Latino agro posuerant castra, populatque fines erant. eos per se ipsi Latini, assumtis Hernicis, sine Romano aut duce, aut auxilio castris exuerunt. ingenti præda, præter suas recuperatas res, potiri sunt. missus tamen ab Roma consul in Volscos C. Nautius. mos, credo, non placebat, sine Romano duce exercituque socios propriis viribus consiliisque bella gerere. nullum genus calamitatis contumeliæque non editum in Volscos est; nec tamen percelli potueret, ut acie dimicarent. L. Furius inde & A. Manlius COSS. Manlio Veientes provincia evenit. non tamen bellatum: induciæ in annos XL. petentibus datæ, frumento stipendioque imperato.

## CAPUT XXXI.

*Furius, & Manlius, quia legi agraria resistebant, rei facti a Genutio tribuno, Patres in tribunitiam potestatem accendunt. Morte improvisa Genutii plebs in Patres exasperatur. Dum delectus habetur, insignis cujusdam Voleronis audacia; qui paulo post creatus Tribunus, fert rogationem de creandis plebeiis magistratibus tributis comitiis.*

**P**Acı externæ confestim continuatur discordia domi. agrariæ legis tribunitiis stimulis plebs furebat. consules nihil Menenii damnatione, nihil periculo deterriti Servilii, summa vi resistunt. abeuntes magistratu consules Genutius Tr. pl. arripuit. L. Aemilius & Opiter Virginius consulatum ineunt. Vopiscum Julium pro Virginio in quibusdam annalibus consulem invenio. Hoc anno, quoscumque consules habuit, rei ad populum Furius & Manlius circumeunt sordidati non plebem magis, quam juniores patrum. suadent, monentque, honoribus & administratione reip. abstineant. consulares vero fasces, prætextam, curulemque sellam nihil aliud, quam pompam superis putent: clavis insignibus velut infulis, vcla-

velatos ad mortem destinari. quod si consulatus tanta dulcedo sit, jam nunc ita animum inducant, consulatum captum & oppressum ab tribunitia potestate esse. consuli, velut apparitori tribunicio, omnia ad nutum imperiumque tribuni agenda esse. si se commoverit, si respexerit patres, si aliud, quam plebem esse in repub. crediderit, exilium C. Martii, Menenii damnationem & mortem sibi proponat ante oculos.

His accensi vocibus patres, consilia inde non publica, sed in privato, i seducta a plurium conscientia, habuere. ubi cum id modo constaret, jure an injuria cripiendos esse reos, atrocissima quæque maxime placebat sententia: nec auctor quamvis audaci facinori deeat. Igitur judicii die cum plebs in foro erecta expectatione staret, mirari primo, quid non descenderet tribunus: deinde, cum jam mora suspectior fieret, deterritum a primoribus credere, & desertam ac proditam causam publicam queri: tandem, qui obversati vestibulo tribuni fuerant, nuntiant, domi mortuum esse inventum. quod ubi in totam concionem pertulit rumor, sicut acies funditur duce occiso, ita dilapsi passim alii alio. præcipuus pavor tribunos invaserat, quam nihil auxilii sacratæ leges haberent, morte collegæ monitos. Nec patres fatis moderate ferre lætitiā. adeoque neminem noxæ pœnitebat, ut etiam infantes scisse videri vellent, palamque ferrent, malo domandam tribunitiā potestatem. i Sub hac pessimi exempli victoria delectus edicitur; parentibusque tribunis sine intercessione ulla consules rem peragunt. Tum vero irasci plebs tribunorum magis silentio, quam consulum imperio; & dicere, actum esse de libertate sua; rursus ad antiqua reditum; cum Genutio una mortuam ac sepultam tribunitiā potestatem: aliud agendum, ac cogitandum, quo modo resistatur patribus: id autem unum consilium esse, ut se ipsa plebs, quando aliud nihil auxilii habeat, defendat: quatuor & viginti lictores i appare-

1 Seducta a plurium conscientia ) Quorum multos consocios esse non sinnerent.

2 Sub hac ... victoria ) Post hanc victoriam

3 Appagere consules ) Ministros esse.



parcere consulibus, & eos ipsos plebis homines: nihil contemptius neque infirmius, si sint qui contemnant. sibi quemque ea magna atque horrenda facere. His vocibus alii alios cum incitassent, ad Voleronem Publicum, de plebe hominem, quia, quod ordines duxisset, negaret se militem fieri debere, lictor missus est a consulibus. Volero appellat tribunos. cum auxilio nemo esset, consules spoliari hominem, & virgas expediri jubent. Provoco, inquit, ad populum, Volero; quoniam tribuni civem Romanum in conspectu suo virgis cadi malunt, quam ipsi in lecto suo a vobis trucidari. quo ferocius clamitabat, eo infestius circumscindere & spoliare lictor. Tum Volero & prævalens ipse, & adjuvantibus 1 advocatis, repulso lictore, ubi indignantium pro se acerrimus erat clamor, eo se in turbam confertissimam recipit clamitans, Provoco, & fidem plebis imploro. adeste cives, adeste commilitones; nihil est, quod expectetis tribunos: quibus ipsis vestro auxilio opus est. Concitati homines, veluti ad prælium se expediunt: apparebatque omne discrimen adesse; nihil cuiquam sanctum non publici fore, non privati juris. Huic tantæ tempestati cum se consules obtulissent, facile experti sunt, parum turam majestatem sine viribus esse. violatis lictoribus, fascibus fractis, e foro in curiam compelluntur, incerti, quatenus Volero exerceret victoriam. Conticescente deinde tumultu, cum senatum vocari jussissent; queruntur injurias suas, vim plebis, Voleronis audaciam. Multis ferociter dictis sententiis, vicere seniores, quibus ira patrum adversus temeritatem plebis certari non placuit. Voleronem amplexa favore plebs, 56. proximis comitiis tribunum plebis creat in eum annum, qui L. Pinarium, P. Furium COSS. habuit. contraque omnium opinionem, qui eum vexandis prioris anni consulibus \* 2 administraturum tribunatum credebant, post publicam causam privato dolore habito, ne verbo

U. C.  
280  
\* al.  
per-  
mis-  
su-  
sum.

1 Advocatis) Iis qui causa ejus favebant.

2 Administraturum tribunatum) I. e. potestate impotenter usurum ad vexandos consules.

bo quidem violatis consulibus, rogationem tulit ad populum, ut plebei magistratus tributis comitiis fierent. Haud parva res sub titulo prima specie minime atroci ferebatur, sed quæ patriciis omnem potestatem per clientum suffragia creandi quos vellent tribunos auferret. Huic actioni gratissimæ plebi cum summa vi resisterent patres; nec, quæ una vis ad resistendum erat, ut intercederet aliquis ex collegio auctoritate aut consulum, aut principum adduci posset: res tamen, suo ipsa molimine gravis, magnis certaminibus in annum extrahitur. Plebs Voletonem Trib. reficit. patres ad ultimum dimicationis rati rem venturam, App. Claudium, Appii filium, jam inde a paternis certaminibus invisum infestumque plebi, consulem faciunt. collega ei T. Quintius datur.

## CAPUT XXXII.

*Inter Appium Cos. & Letorium tribunum certamen ob inventam a Voletone legem, quæ tandem perfertur.*

**P** Rincipio statim anni nihil prius, quam de i. l. C. lege agebatur. sed, ut inventor legis Voleto, sic collega ejus Letorius, auctor cum recentior, tum acrior erat. ferocem faciebat belli gloria ingens, quod ætatis ejus haud quicquam manu promptior erat. is, cum Voleto nihil præterquam de lege loqueretur, infestatione abstinens COSS. ipse in accusatione Appii, familiarique superbissimæ, ac crudelissimæ in plebem Rom. exorsus, cum a patribus non COS., sed carnificem ad vexandam & lacerandam plebem creatum esse contenderet, rudis in militari homine lingua non suppetebat libertati animoque. itaque deficiente oratione, *Quandoquidem non tam facile loquor, inquit, Quirites, quam, quod locutus sum, præsto, crastino die adeste. ego hic aut in conspectu vestro moriar, aut perferam legem.* Occupant tributum templum postero die: consules nobilitasque ad impediendam legem in concione consistunt.

Tom. I.

A. A. A. Approbator.

sistunt. summoveri Letorius jubet, præterquam qui suffragium ineant. adolescentes nobiles stabant, nihil cedentes viatori. tum ex his prehendi quosdam Letorius jubet. Consul Appius negare, jus esse tribuno in quemquam, nisi in plebeium: 1 non enim populi, sed plebis eum magistratum esse; nec illum ipsum summovere pro imperio posse more majorum, quia ita dicitur: *si vobis videtur, discedite, Quirites*. Facile, & contentim de jure disserendo, perturbare Letorium poterat. ardens igitur ira tribunus viatorem mittit ad consulem, consul litorem ad tribunum, privatum esse clamitans, sine imperio, sine magistratu: violatusque esset tribunus, ni & concio omnis atrox coorta pro tribuno in consulem esset, & concursus hominum in forum ex tota urbe concitatus multitudinis fieret. sustinebat tamen Appius pertinacia tantam tempestatem: certatumque haud incruento prælio foret, ni Quintius COS. alter, consularibus negotio dato, ut collegam vi, si aliter non possent, de foro abducerent, ipse nunc plebem sævientem precibus lenisset, nunc orasset tribunos, ut concilium dimitterent; darent iræ spatium; non vim suam illis tempus ademturum, sed consilium viribus additurum; & patres in populi, & consulem in patrum fore potestate. Ægre sedata a Quintio plebs; multo ægrius consul alter a patribus. Dimissio tandem concilio plebis, senatum consules habent. ubi cum timor atque ira invicem sententias variassent, quo magis, spatium interposito, ab impetu ad consultandum advocabantur, eo plus abhorrebant a certatione animi: adeo ut Quintio gratias agerent, quod ejus opera mitigata discordia esset. ab Appio petitur, ut tantam consularem majestatem esse vellet, quanta in concordia civitate esse posset. dum tribuni consulesque ad se quisque omnia trahant, nihil relictum esse virum in medio. distractam laceratamque rempub. per magistratus, magis, quorum in manu sit, quam ut incolumis sit, queri. Appius contra, testari deos

1 Non... populi, sed plebis) Populus Patres plebemque com-  
plectitur; Plebs est pars populi, extra quam Patricii erant.

deos atque homines; rempub. prodi per metum  
ac deseri: non consulem senatui, sed senatum  
consuli deesse: graviores accipi leges, quam in  
Sacro monte accepta sint. victus tamen patrum  
consensu quievit. lex silentio perfertur. Tum 58.  
primum tributis comitiis creati tribuni sunt.  
numero etiam additos tres, perinde ac duo an-  
te fuerint, Piso auctor est. nominat quoque  
tribunos, Cn. Siccium, L. Numitorium, M.  
Duillium, Sp. Icilium, L. Mecilium.

## CAPUT XXXIII.

*Appius Claudius Cos. propter sævitiam ab ex-  
ercitu proditus rem cum Volscis infelicitè  
gerit: ob id decimum quemque militem secu-  
ri percutit. Romæ illi die dicta, quod adver-  
saretur legi agraria, morbo moritur. Res cum  
Æquis, & Sabinis.*

**V**olsi tum Æquique, inter seditionem  
Romanam & bellum coortum, vastave-  
rant agros; ut si qua secessio plebis fieret, ad  
se receptum haberet. compositis deinde rebus  
castra retro movere. Ap. Claudius in Volscos  
missus: Quintio Æqui provincia evenit. Ea-  
dem in militia sævitia Appii, quæ domi, ef-  
se, eo liberior, quod sine tribunitiis vin-  
culis erat. odisse plebem plus quam paterno  
odio, quod se victum videbar ab ea: & se u-  
nico consule objecto adversus tribunitiam po-  
tatem, perlatam legem esse, quam minore  
conatu, nequaquam tanta patrum spe, priores  
impedierant consules. Hæc ira indignatioque  
ferocem animum ad vexandum sævo imperio  
exercitum stimulabat; nec ulla vi domari por-  
erat: tantum certamen animis imbiberant. se-  
gniter, otiose, negligenter, contumaciter omnia  
agere. nec pudor, nec metus coercerat. si citius  
agi veller agmen, tardius sedulo incedere; si  
adhortator operis adesset, omnes sua sponte mo-  
ram remittere industriam; præsentis vultus de-  
mittere, tacite prætereuntem execrari, ut invictus  
ille odio plebeio animus interdum moveretur,  
omni nequicquam acerbitate prompta: nihil jam  
cum militibus agere, a centurionibus corruptum

exercitum dicere; tribunos plebeios cavillans  
 59. interdum & Volerones vocare. Nihil eorum  
 Volsci nesciebant; instabantque eo magis, spe-  
 rantes idem certamen animorum adversus Ap-  
 pium habiturum exercitum Romanum quod ad-  
 versus Fabium COS. habuisset. ceterum multo  
 Appio, quam Fabio, violentior fuit. non e-  
 nim vincere tantum noluit, ut Fabianus exer-  
 citus, sed vinci voluit. productus in aciem,  
 turpi fuga petit castra: nec ante restitit, quam  
 signa inferentem Volscum munimentis vidit,  
 fixamque extremi agminis cædem. Tum ex-  
 pressa vis ad pugnandum, ut victor jam a val-  
 lo summoeretur hostis, satis tamen apparere,  
 capi tantum castra militem Romanum noluisse.  
 alii gaudere sua clade atque ignominia. Quibus  
 nihil infractus ferox Appii animus, cum insu-  
 per favire vellet, concionemque advocaret,  
 concurrunt ad eum legati tribunique monentes,  
 ne utique experiri vellet imperium, cuius vis  
 omnis in consensu obedientium esset. negare  
 vulgo milites se ad concionem ituros: passim-  
 que exaudiri voces postulantium, ut castra ex  
 Volco agro moveantur, hostem victorem paulo  
 ante prope in portis ac vallo fuisse, ingenti-  
 sique mali non suspicionem modo, sed aper-  
 tam speciem obversari ante oculos. Victus tan-  
 dem (quandoquidem nihil præter tempus & ri-  
 xæ lucrarentur) remissa concione, iter in se-  
 quentem diem pronuntiari cum iussisset, prima  
 luce classico signum processionis dedit. Cum  
 maxime agmen e castris explicaretur, Volsci,  
 ut eodem signo excitati, novissimos adoriuntur.  
 a quibus perlatus ad primos tumultus, eo pa-  
 vore signaque & ordines turbavit, ut neque  
 imperia exaudiri, neque instrui acies possent.  
 nemo ullius nisi fugæ memor, ita effuso agmi-  
 ne per stragem corporum armorumque evadere,  
 ut prius hostis desisteret sequi, quam Roma-  
 nus fugere. Tandem, collectis ex dissipato cur-  
 su militibus, consul cum revocando nequicquam  
 suos persecutus esset, in pacato agro castra po-  
 suit.

1 Tum expressa vis ad pugnandum ) Tum milites coacti  
 vires exercere.

2 Rixe ) Alii Noxe, i. e. milites qui in noxa erant. No-  
 xa est id omne quod nocet.

fuit, advocataque concione, inuestus haud falso in proditorem exercitum militaris disciplinae, desertorem signorum, ubi signa, ubi arma essent, singulos rogitans, inerme militem, signo amisso signiferos, ad hoc centuriones duplicariosque, qui reliquerant ordines, virgis caesos securi percussit. cetera multitudo, forte decimus quisque, ad supplicium lecti. Contra ea in Aequis inter consulem ac militem comitate ac beneficiis certatum est. & natura Quintius erat lenior; & saevitia infelix collega, quo is magis gauderet ingenio suo, effecerat. Huic tantae concordiae ducis exercitusque non ausi offerre se Aequi, vagari populabundum hostem per agros passi. nec ullo ante bello latius inde actae praeda. ea omnis militi data est. addebantur & laudes; quibus haud minus, quam praemio, gaudent militum animi. Cum duci, tum propter ducem patribus quoque placatior exercitus rediit, sibi parentem, alteri exercitui dominum datum ab senatu memorans. Varia fortuna belli, atroci discordia domi forisque annum exactum, insignem maxime comitia tributa efficiunt: res major victoria suscepti certaminis, quam usu. plus enim dignitatis comitiis ipsis detractum est, patribus ex concilio summovendis, quam virium aut plebi additum, aut dentum patribus. Turbulentior inde annus excepit, L. Valerio, T. Aemilio COSS. tum propter certamina ordinum de lege agraria, tum propter iudicium Ap. Claudii, cui acerrimo adversario legis, causamque possessorum publici agri tamquam tertio consuli sustinenti, M. Duillius, & Cn. Sicinius diem dixerunt. Numquam ante tam invisus plebi reus ad iudicium vocatus populi est, & plenus suarum, plenus paternarum irarum. patres quoque non temere pro ullo aequae annexi sunt; propugnatorem senatus, maiestatisque vindicem suae, ad omnes tribunitios, plebeiosque oppositum tumultus, modum dumtaxat in certamine egressum.

G 3

- 1 Duplicarios) Qui duplicia cibaria ob virtutem acciperent.  
 2 Plenus suarum . . . irarum) I. e. cui & per se, & ob memoriam patris supra modum irata plebs erat.  
 3 Non temere) Raro.

sum, objici iratæ plebi. Unus e patribus ipse Ap. Claudius & tribunos, & plebem, & suum judicium pro nihilo habebat. illum non minæ plebis, non senatus preces percellere umquam potuere, non modo ut i vestem mutaret, aut supplex prehensaret homines, sed ne ut ex consueta quidem asperitate orationis, cum ad populum agenda causa esset, aliquid leniret, atque summitteret. idem habitus oris, eadem contumacia in vultu, idem in oratione spiritus erat: adeo ut magna pars plebis Appium non minus reum timeret, quam consulem timuerat. semel causam dixit, quo semper agere omnia solitus erat: accusatorio spiritu: adeoque constantia sua & tribunos obstupescit, & plebem, ut diem ipsi sua voluntate producerent: & trahi deinde rem sinerent. haud ita multum interim temporis fuit: ante tamen, quam producta dies veniret, morbo moritur. cujus laudationem cum tribuni plebis impedire conarentur, plebs fraudari solenni honore supremum diem tanti viri noluit; & laudationem tam æquis auribus mortui audivit, quam vivi accusationem audierat, & exequias frequens

62. celebravit. Eodem anno Valerius COS. cum exercitu in Æquos profectus, cum hostem ad prælium elicere non posset, castra oppugnare est adortus. prohibuit fœda tempestas, cum grandine ac tonitribus cælo dejecta. admirationem deinde auxit, signo receptui dato, adeo tranquilla serenitas reddita, ut velut numine aliquo defensa castra oppugnare iterum religio fuerit. omnis ira belli ad populationem agri vertit. Alter consul Æmilius in Sabinis bellum gessit. & ibi, quia hostis mœnibus se tenebat, vastati agri sunt. Incendiis deinde non villarum modo, sed etiam vicorum, quibus frequenter habitabatur, Sabini exciti cum prædatoribus occurrissent, ancipiri prælio digressi, postero die retulere castra in tutiora loca. id satis consuli visum, cur pro victo relinqueret hostem, integro inde decedens bello.

CA-

<sup>1</sup> *Vestem mutaret*) Reis mos erat sordidam togam induere.

<sup>2</sup> *Trahi*) I. e. languescere.

## CAPUT XXXIV.

*Prospera cum Volscis, Æquis, ac Sabinis pugna.*

**I**NTER hæc bella manente discordia domi, T. 63.  
 Numitius Priscus, A. Virginius COSS. fa-  
 cti. Non ultra videbatur latura plebs dilatio-  
 nem agrariæ legis, ultimaque vis parabatur,  
 cum, Volscos adesse, fumò ex incendiis villa-  
 rum, fugaque agrestium cognitum est. ea res  
 maturam jam seditionem, ac prope erumpen-  
 tem repressit. Consules coacti extemplo ab se-  
 natu ad bellum, educta ex urbe juventute,  
 tranquilliorē ceteram plebem fecerunt. Et ho-  
 stes quidem, nihil aliud, quam perfusis vano  
 timore Romanis, citato agmine abeunt. Numi-  
 tius Antium adversus Volscos, Virginius con-  
 tra Æquos profectus. ibi ex insidiis prope  
 magna accepta clade, virtus militum rem pro-  
 lapsam negligentia consulis restituit. Melius  
 in Volscis imperatum est. fusi primo prælio  
 hostes, fugaque in urbem Antium, ut tum res  
 erant, opulentissimam, acti: quam consul op-  
 pugnare non ausus, Cenonem aliud oppidum  
 nequaquam tam opulentum ab Antiatibus ce-  
 pit. Dum Æqui Volscique Romanos exerci-  
 tus tenent, Sabini usque ad portas urbis popu-  
 lantes incessere. deinde ipsi, paucis post die-  
 bus, & duobus exercitibus, utroque per iram  
 consule ingressio in fines, plus cladum, quam  
 intulerat, acceperunt. Extremo anno pacis ali-  
 quid fuit, sed, ut semper alias, sollicitæ certa-  
 mine patrum & plebis. Irata plebs interesse con-  
 sularibus comitiis noluit; per patres clientelæ  
 que patrum consules creati, T. Quintius, &  
 Q. Servilius. similem annum priori consules  
 habent, seditiosa initia, bello deinde externo  
 tranquilla. Sabini Crustuminoſ campos citato  
 agmine transgressi, cum cedes & incendium cir-  
 cum Anienem flumen fecissent, a porta prope  
 Collina mœnibusque pulsi, ingentes tamen præ-  
 das hominum pecorumque egere. quos Servi-  
 lius COS. infesto exercitu infecutus, ipsum  
 quidem agmen adipisci æquis locis non pot-  
 uit;



uit; populationem adeo effulse fecit, ut nihil bello intactum relinqueret, multiplicique capta præda rediret. Et in Volscis res egregie gesta, tum ducis, tum militum opera. Primum æquo campo signis collatis pugnatum ingenti cæde utrinque, plurimo sanguine. Et Romani, quia paucitas damno sentiendo propior erat, gradum retulissent, ni salubri mendacio consul, fugere hostes ab cornu altero clamitans, concitasset aciem. impetu facto, dum se putant vincere, vicere. Consul metuens, ne nimis instando renovaret certamen, signum receptui dedit. Intercessere pauci dies, velut tacitis induciis utrinque quiete sumpta: per quos ingens vis hominum ex omnibus Volscis AEquisque in castra venit, haud dubitans, si senserint, Romanos nocte abituros. itaque tertia fere vigilia ad castra oppugnanda veniunt. Quintius, sedato tumultu, quem terror subitus exciverat, cum manere in tentoriis quietum militem jussisset, Hernicorum cohortem in stationem educit; cornicines tubicinesque in equos impositos canere ante vallum jubet, sollicitumque hostem ad huc tenere. reliquum noctis adeo tranquilla omnia in castris fuere, ut somni quoque Romanis copia esset. Volscos species armatorum peditum, quos & plures esse & Romanos putabant; fremitus hinnitusque equorum, qui & insueto sedente equite, & insuper aures agitante sonitu sæviebant, intentos velut ad impetum hostium tenuit. Ubi illuxit, Romanus integer satiatique somno, productus in aciem, festum stando & vigiliis Volscum primo impetu percussit. quamquam cessere magis, quam pulsi hostes sunt, quia ab tergo erant clivi, in quos i post principia integris ordinibus tutus receptus fuit. Consul, ubi ad iniquum locum ventum est, sistit aciem. milles ægre teneri, clamare, & poscere, ut percussis instare liceat. ferocius agunt equites, circumfusi duceb: vociferantur, se ante signa ituros. Dum cunctatur consul virtute militum fretus, loco parum fidens, conclamant se ituros: clamoremque res est secuta. fixis

in terram pilis, quo leviores in ardua evaderent, cursu subeunt. Volsus, effusis ad primum impetum missilibus telis, saxa objacentia pedibus ingerit in subeuntes: turbatosque ictibus crebris urget ex superiore loco. Sic prope oneratum est sinistrum Romanis cornu, ni, referentibus jam gradum, consul increpando simul temeritatem, simul ignaviam pudore metum excussisset. restitere primo obstinatis animis: deinde ut in obtinentes locum vires ferebant, audent ultro gradum inferre, & clamore renovato commovent aciem. tum rursus impetu capto enituntur, atque exuperant iniquitatem loci. jam prope erat, ut in summum clivi jugum evaderent, cum terga hostes dedere: effusoque cursu, pene agmine uno, fugientes sequentesque castris incidere. in eo pavore castra capiuntur. qui Volsorum effugere potuerunt, Antium petunt. Antium & Romanus exercitus ductus. paucos circumfessum dies deditur, nulla oppugnantium nova vi, sed quod jam inde ab infelici pugna, castrisque amissis, ceciderant animi.

## DECADIS PRIMÆ

### LIBER TERTIUS.

#### CAPUT I.

*Imminente gravi certamine propter legem agrariam, Antium colonia deducitur. Cum Æquis bis prospere pugnatur. Lustrum conditur.*



NTIO capto, T. Æmilius & Q. Fabius COSS. fiunt. hic erat Fabius, qui unus extinctæ ad Cremæram genti supersuerat. Jam priore consularu Æmilius dandi agri plebi fuerat auctor. itaque secundo quoque consularu ejus & agrarii se in spem legis exexerant, & tribuni rem contra consules  
G s sepe

1.  
U.C.  
285

sæpe tentaram, adjuvatore utique consule obtine-  
 ri posse rati, suscipiunt: & consul manebat in  
 sententia sua. possessores, & magna pars pa-  
 trum tribunitiis se jactare actionibus, princi-  
 pem civitatis, & largiendo de alieno, popula-  
 rem fieri querentes, totius invidiam rei a tri-  
 bunis in consulem averterant. atrox certamen  
 aderat, ni Fabius consilio neutri parti acerbo  
 rem expedisset. T. Quintii ductu & auspicio  
 agri capti priore anno aliquantum a Volskis es-  
 se, Antium, propinquam, opportunam & ma-  
 ritimam urbem, coloniam deduci posse: ita si-  
 ne querelis possessorum plebem in agros itur-  
 ram, civitatem in concordia fore. Hæc senten-  
 tia accepta est. Triumviros agro dando, creat  
 T. Quintium, A. Virginium, P. Furium. ius-  
 si nomina dare, qui agrum accipere vellent.  
 Fecit statim (ut fit) fastidium copia: adeo-  
 que pauci nomina dedere, ut ad explendum  
 numerum coloni Volski adderentur: cetera  
 multitudo pascere Romæ agrum malle, quam  
 alibi accipere. *Æqui* a Q. Fabio (is eo cum  
 exercitu venerat) pacem petiere, irritamque  
 eam ipsi subita incurfione in agrum Latinum  
 fecere. Q. Servilius insequenti anno (is enim  
 cum Sp. Postumio COS. fuit) in *Æquos* mis-  
 sus, in Latino agro stativa habuit. intra ca-  
 stra quies necessaria morbo implicitum exerci-  
 tum tenuit. Extractum in tertium annum bel-  
 lum est, Q. Fabio & T. Quintio COSS. Fabio  
 extra ordinem, quia is victor pacem *Æquis*  
 dederat, ea provincia data. qui haud dubia spe  
 profectus, famam nominis sui pacaturam *Æ-*  
*quos*, legatos in concilium gentis misso-nuntia-  
 re iussit: Q. Fabium COS. dicere, se ex *Æquis*  
 pacem Roman tulisse, ab Roma *Æquis* bellum  
 asferre, eadem dextera armata, quam pacatam  
 illis antea dederat. quorum id perfidia & perju-  
 rio fiat, deos nunc testes esse, mox fore ulcores.  
 se tamen, utcumque sit, etiam nunc, poenitere  
 sua sponte *Æquos*, quam pati hostilia, malle. si  
 poeniteat, tutum receptum ad expertam clemen-  
 tiam fore: sin perjurio gaudeant, diis magis ira-  
 tis, quam hostibus gesturos bellum. Hæc dicta  
 adeo:

1 C-iat ) Creandos curat consul.

adco nihil moverunt quemquam, ut legati prope violati sint. exercitusque in Algidum adversus Romanos missus. Quæ ubi Romam sunt nuntiata, indignitas rei magis, quam periculum; consulem alterum ab urbe excivit. Ita duo consulares exercitus ad hostem accedere, acie instructa, ut confestim dimicarent. Sed cum forte haud multum dici superesset, unus ab statione hostium exclamat, *Ossentare hoc est, Romani, non gerere bellum. in noctem imminentem aciem instruitis. longiore luce ad id certamen, quod instat, nobis opus est. crastino die, oriente sole, redite in aciem: erit copia pugnandi, ne timeate.* His vocibus irritatus miles in diem posterum in castra reducitur, i longam venire noctem ratus, quæ moram certamini faceret. tum quidem corpora cibo somnoque curant. ubi illuxit postero die, prior aliquantò constitit Romana acies, tandem & Æqui processere. prælium fuit utrinque vehemens; quod & Romanus miles ira odioque pugnabat, & Æquos conscientia contracti culpa periculi, & desperatio futuræ sibi postea fidei, ultimæ audere & experiri cogebar. Non tamen sustinuerunt aciem Romanam Æqui. pulsique cum in fines suos se recepissent, nihilo inclinationibus ad pacem animis, ferox multitudo increpare duces, quod in aciem, quæ pugnandi arte Romanus excellat, commissa res sit. Æquos populationibus incursionibusque meliores esse: & multas passim manus, quam magnam molem unius exercitus, rectius bella gerere. Relicto itaque castris præsidio, egressi tanto cum tumultu invasere fines Romanos, ut ad urbem quoque terrorem pertulerint. nec opinata etiam res plus trepidationis fecit; quod nihil minus, quam ne victus, ac prope in castris obsessus hostis memor populationis esset, timeri poterat. agrestes pavidi incidentes portis, non populationem, nec prædonum parvas manus, sed omnia vapo augentes timore, exercitus & legiones adesse hostium, & infesto agmine ruere ad urbem clamabant. Ab his proximi

rima audita incerta, eoque vaniora ferre ad alios: cursus clamorque vocantium ad arma, haud multum a pavore captæ urbis abesse. Forte ab Alcido Quintius COS. redierat Romam; id remedium timori fuit: tumultuque sedato, victos timeri increpans hostes, prælia portis imposuit. vocato deinde senatu, cum ex auctoritate patrum, et iustitio indicto, profectus ad tutandos fines esset, Q. Servilio præfecto urbis relicto, hostem in agro non invenit. Ab altero consule res gesta egregie est: qui, quæ venturum hostem sciebat, gravem præda eoque impeditiore agmine incedentem aggressus, funestam ei populationem fecit. pauci hostium evasere ex insidiis, præda omnis recepta est. Sic finem iustitio, quod quadriduum fuit, reditus Quintii COS. in urbem fecit. Censui deinde actus, & conditum a Quintio lustrum. Censu civium capita centum quatuor & XX. millia, CCXIV. dicuntur, præter orbos orbasque. In Æquis nihil deinde memorabile actum. in oppida sua se recipere, uri sua popularique passi. Consul, cum aliquoties per omnem hostium agrum infesto agmine populabundus isset, cum ingenti laude prædaque Romam rediit.

## CAPUT II.

*Æqui se denuo in Romanos concitant: clades inferunt, & accipiunt. Visus portentis, seria indicuntur.*

U. C. 288.  
4. **C**onsules inde A. Postumius Albus, Sp. Furius Fusus. Furius Fusus scripsere quidam. id admoneo, ne quis immutationem virorum ipsorum esse, quæ nominum est, putet. Haud dubium erat, quin cum Æquis alter consul bellum gereret. itaque Æqui ab Ecetranis Volscis præsidium petiere. quo cupide oblato (adeo civitates hæ perpetuo in Romanos odio certavere) bellum summa vi parabatur. Sentiant Hernici & prædicunt Romanis, Ecetranum ad Æquos descisse. suspecta & colonia

*u. Iustitio indicto) Iustitium ex eo dictum quod ius sistere. u. Ave iurisdicatio intermisceretur.*

lonia Antium fuit, quod magna vis hominum inde, cum oppidum captum esset, confugisset ad Æquos. ilque miles per bellum Æquicum vel acerrimus fuit. Compulsis deinde in oppida Æquis, ea multitudo dilapsa cum Antium redisset, sua sponte jam infidos colonos Romanis abalienavit. Necdum matura re, cum defectionem parari delatum ad senatum esset, datum negotium est consulibus, ut, principibus coloniarum Romanam excitis, quærent quidnam rei esset. qui cum haud gravate venissent, introducti a consulibus ad senatum, ita responderunt ad interrogata, ut magis suspecti, quam venerant, dimitterentur. Bellum inde haud dubium haberi. Sp. Furius consulum alter, cui ea provincia evenerat, profectus in Æquos, Hernicorum in agro populabundum hostem invenit: ignarusque multitudinis, quia nusquam universa conspecta fuerat, imparem copiis exercitum temere pugnae commisit. primo concursu pulsus, se in castra recepit. neque is finis periculi fuit. namque & proxima nocte, & postero die tanta vi castra sunt circumfessa atque oppugnata, ut ne nuntius quidem inde mitti Romam posset. Hernici & male pugnatum & consulem exercitumque obsideri nuntiaverunt: tantumque terrorem incussere patribus, ut (quæ forma senatusconsulti ultimæ semper necessitatis habita est) Postumio alteri consulum negotium daretur, videret ne quid republica detrimenti caperet. Ipsum consulem Romæ manere ad conscribendos omnes, qui arma ferre possent, optimum visum est; proconsulem T. Quintium subsidio castris cum sociali exercitu mitti. ad eum explendum Latini; Hernicique, & colonia Antium dare Quintio subitarios milites (ita tum repentina auxilia appellabant) iussi. Multi per eos dies motus, multique impetus hinc atque illinc facti; quia, superante multitudine, hostes carpere multifariam vires Romanas, ut non suffecturas ad omnia, aggressi sunt. simul castra oppugnabantur; simul pars exercitus ad populandum agrum Romanum missa, urbemque ipsam, si qua fortuna daret, tentandam. L. Valerius ad presidium urbis

exercitum dicere; tribunos plebeios cavillans  
 59. interdum & Volerones vocare. Nihil eorum  
 Volsci nesciebant; instabantque eo magis, spe-  
 rantes idem certamen animorum adversus Ap-  
 pium habiturum exercitum Romanum quod ad-  
 versus Fabium COS. habuisset. ceterum multo  
 Appio, quam Fabio, violentior fuit. non e-  
 nim vincere tantum noluit, ut Fabianus exer-  
 citus, sed vinci voluit. productus in aciem,  
 turpi fuga petit castra: nec ante restitit, quam  
 signa inferentem Volseum munimentis vidit,  
 fœdamque extremi agminis cædem. Tum ex-  
 pressa vis ad pugnandum, ut victor jam a val-  
 lo summo veretur hostis, satis tamen apparere,  
 capi tantum castra militem Romanum noluisse.  
 alii gaudere sua clade atque ignominia. Quibus  
 nihil infractus ferox Appii animus, cum insu-  
 per sævire vellet, concionemque advocaret,  
 concurrunt ad eum legati tribunique monentes,  
 ne utique experiri vellet imperium, cuius vis  
 omnis in consensu obedientium esset. negare  
 vulgo milites se ad concionem ituros: passim-  
 que exaudiri voces postulantium, ut castra ex  
 Volseo agro moveantur, hostem victorem pau-  
 lo ante prope in portis ac vallo fuisse, ingenti-  
 que mali non suspicionem modo, sed aper-  
 tam speciem obversari ante oculos. Victus tan-  
 dem (quândoquidem nihil præter tempus & ri-  
 xæ lucrarentur) remissa concione, iter in se-  
 quentem diem pronuntiari cum jussisset, prima  
 luce classico signum profectionis dedit. Cum  
 maxime agmen e castris explicaretur, Volsci,  
 ut eodem signo excitati, novissimos adoriuntur.  
 a quibus perlatus ad primos tumultus, eo pa-  
 vore signaque & ordines turbavit, ut neque  
 imperia exaudiri, neque instrui acies possent.  
 nemo ullius nisi fugæ memor, ita effuso agmi-  
 ne per stragem corporum armorumque evasere,  
 ut prius hostis desisteret sequi, quam Roma-  
 nus fugere. Tandem, collectis ex dissipato cur-  
 su militibus, consul cum revocando nequicquam  
 suos persecutus esset, in pacato agro castra po-  
 suit.

<sup>1</sup> Tum expressa vis ad pugnandum. Tum milites coacti  
 vine exerere.

<sup>2</sup> Rixe) Alii Noxe, i. e. milites qui in noxa erant. No-  
 xa est id omne quod nocet.

fuit, advocataque concione, investus haud falso in proditorem exercitum militaris disciplinae, desertorem signorum, ubi signa, ubi arma essent, singulos rogitans, inermes milites, signo amisso signiferos, ad hoc centuriones duplicariosque, qui reliquerant ordines, virgis caesos securi percussit. cetera multitudo, forte decimus quisque, ad supplicium lecti. Contra ea in Aequis inter consulem ac militem comitate ac beneficiis certatum est. & natura Quintius erat lenior, & saevitia infelix collegae, quo is magis gauderet ingenio suo, effecerat. Huic tantae concordiae ducis exercitusque non ausi offerre se Aequi, vagari populabundum hostem per agros passi. nec ullo ante bello latius inde actae praedae. ea omnis militi data est. addebantur & laudes; quibus haud minus, quam praemio, gaudent militum animi. Cum duci, tum propter ducem patribus quoque placatior exercitus rediit, sibi parentem, alteri exercitui dominum datum ab senatu memorans. Varia fortuna belli, atroci discordia domi forisque annum exactum, insignem maxime comitia tributa efficiunt: res major victoria suscepti certaminis, quam usu. plus enim dignitatis comitiis ipsis detractum est, patribus ex concilio summovendis, quam virium aut plebi additum, aut dentum patribus. Turbulentior inde annus excepit, L. Valerio, T. Aemilio COSS. tum propter certamina ordinum de lege agraria, tum propter iudicium Ap. Claudii, cui acerrimo adversario legis, causamque possessorum publici agri tamquam tertio consuli sustinenti, M. Duillius, & Cn. Sicinius diem dixere. Numquam ante tam invisus plebi reus ad iudicium vocatus populi est, & plenus suarum, plenus paternarum irarum. patres quoque non temere pro ullo aequae annexi sunt; propugnatorem senatus, maiestatisque vindicem suae, ad omnes tribunitios, plebeiosque oppositum tumultus, modum dumtaxat in certamine egressum,

G 3

1 *Duplicarios*) Qui duplicia cibaria ob virtutem acciperent.

2 *Plenus suarum, . . . irarum*) I. e. cui & per se, & ob memoriam patris supra modum irata plebs erat.

3 *Nun temere*) Raro.



sum, obijci iratæ plebi. Unus e patribus ipse Ap. Claudius & tribunos, & plebem, & suum iudicium pro nihilo habebat. illum non minæ plebis, non senatus preces percellere umquam potuere, non modo ut 1 vestem mutaret, aut supplex prehensaret homines, sed ne ut ex consueta quidem asperitate orationis, cum ad populum agenda causa esset, aliquid leniret, atque summitteret. idem habitus oris, eadem contumacia in vultu, idem in oratione spiritus erat: adeo ut magna pars plebis Appium non minus reum timeret, quam consulem timerat. semel causam dixit, quo semper agere omnia solitus erat, accusatorio spiritu: adcoque constantia sua & tribunos obstupescit, & plebem, ut diem ipsi sua voluntate producerent: 2 trahi deinde rem sinerent. haud ita multum interim temporis fuit: ante tamen, quam producta dies veniret, morbo moritur. cuius laudationem cum tribuni plebis impedire conarentur, plebs fraudari solenni honore supremum diem tanti viri noluit; & laudationem tam æquis auribus mortui andivir, quam vivi accusationem audierat, & exequias frequens 62. celebravit. Eodem anno Valerius COS. cum exercitu in Æquos profectus, cum hostem ad prælium elicere non posset, castra oppugnare est adortus. prohibuit fœda tempestas, cum grandine ac tonitribus cælo dejecta: admirationem deinde auxit, signo receptui dato, adeo tranquilla serenitas reddita, ut velut numine aliquo defensa castra oppugnare iterum religio fuerit. omnis ira belli ad populationem agri vertit. Alter consul Æmilius in Sabinis bellum gessit. & ibi, quia hostis moenibus se tenebat, vastati agri sunt. Incendiis deinde non villarum modo, sed etiam vicorum, quibus frequenter habitabatur, Sabini exciti cum prædatoribus occurrissent, ancipiti prælio digressi, postero die retulere castra in tutiora loca. id satis consuli visum, cur pro victo relinqueret hostem, integro inde decedens bello.

CA.

1 Vestem mutaret) Reis mos erat sordidam togam induere.  
 2 Trahi) I. e. languescere.

## CAPUT XXXIV.

*Prospera cum Volscis, Æquis, ac Sabinis pugna.*

**I**Nter hæc bella manente discordia domi, T. 63.  
 Numitius Priscus, A. Virginius COSS. fa-  
 cti. Non ultra videbatur latura plebs dilatio-  
 nem agrariæ legis, ultimaque vis parabatur,  
 cum, Volscos adesse, fumò ex incendiis villa-  
 rum, fugaque agrestium cognitum est. ea res  
 maturam jam seditionem, ac prope erumpen-  
 tem repressit. Consules coacti extemplo ab se-  
 natu ad bellum, educta ex urbe juventute,  
 tranquillio-rem ceteram plebem fecerunt. Et ho-  
 stes quidem, nihil aliud, quam perfusis vano  
 timore Romanis, citato agmine abeunt. Numi-  
 tium Antium adversus Volscos, Virginius con-  
 tra Æquos profectus. ibi ex insidiis prope  
 magna accepta clade, virtus militum rem pro-  
 lapsam negligentia consulis restituit. Melius  
 in Volscis imperatum est. fusi primo prælio  
 hostes, fugaque in urbem Antium, ut tum res  
 erant, opulentissimam, acti: quam consul op-  
 pugnare non ausus, Cenonem aliud oppidum  
 nequaquam tam opulentum ab Antiatribus ce-  
 pit. Dum Æqui Volscique Romanos exerci-  
 tus tenent, Sabini usque ad portas urbis popu-  
 lantes incessere. deinde ipsi, paucis post die-  
 bus, a duobus exercitibus, utroque per iram  
 consule ingressio in fines, plus cladum, quam  
 intulerat, acceperunt. Extremo anno pacis ali-  
 quid fuit, sed, ut semper alias, sollicitæ certa-  
 mine patrum & plebis. Irata plebs interesse con-  
 sularibus comitiis noluit; per patres clientel-  
 que patrum consules creati, T. Quintius, &  
 Q. Servilius. similem annum priori consules  
 habent, seditiosa initia, bello deinde externo  
 tranquilla. Sabini Crustumino-  
 rum campos citato agmine transgressi, cum cedes & incendium cir-  
 cum Anienem flumen fecissent, a porta prope  
 Collina mœnibusque pulsi, ingentes tamen præ-  
 das hominum pecorumque egere. quos Servi-  
 lius COS. infesto exercitu insecutus, ipsum  
 quidem agmen adipisci æquis locis non pot-  
 uir;

uit; populationem adeo effuse fecit, ut nihil bello intactum relinqueret, multiplicique capta præda rediret. Et in Volscis res egregie gesta, tum ducis, tum militum opera. Primum æquo campo signis collatis pugnatum ingenti cæde utrinque, plurimo sanguine. Et Romani, quia paucitas damno sentiendo propior erat, gradum retulissent, ni salubri mendacio consul, fugere hostes ab cornu altero clamitans, concitasset aciem. imperu facto, dum se putant vincere, vicere. Consul metuens, ne nimis instando renovaret certamen, signum receptui dedit. Intercessere pauci dies, velut tacitis induciis utrinque quiete sumta: per quos ingens vis hominum ex omnibus Volscis AEquisque in castra venit, haud dubitans, si senserint, Romanos nocte abituros. itaque tertia fere vigilia ad castra oppugnanda veniunt. Quintius, sedato tumultu, quem terror subitus exciverat, cum manere in tentoriis quietum militem jussisset, Hernicorum cohortem in stationem educit; cornicines tubicinesque in equos impositos canere ante vallum jubet, sollicitumque hostem ad lucem tenere. reliquum noctis adeo tranquilla omnia in castris fuere, ut somni quoque Romanis copia esset. Volscos species armatorum peditum, quos & plures esse & Romanos putabant; fremitus hinnitusque equorum, qui & insueto sedente equite, & insuper aures agitante sonitu sæviebant, intentos velut ad impetum hostium tenuit. Ubi illuxit, Romanus integer satiatumque somno, productus in aciem, festum stando & vigiliis Volscum primo impetu perculit. quamquam cessere magis, quam pulsi hostes sunt, quia ab tergo erant clivi, in quos post principia integris ordinibus tutus receptus fuit. Consul, ubi ad iniquum locum ventum est, sistit aciem. miles ægre teneri, clamare, & poscere, ut percussis instare liceat. ferocius agunt equites, circumfusi ducibus: vociferantur, se ante signa ituros. Dum cunctatur consul virtute militum fretus, loco parum fidens, conclamant se ituros: clamoremque res est secuta. fixis

in terram pilis, quo leviores in ardua evaderent, cursu subeunt. Volscus, effusus ad primum impetum missilibus telis, saxa objacentia pedibus ingerit in subeuntes: turbatosque ictibus crebris urget ex superiore loco. Sic prope oneratum est sinistrum Romanis cornu, ni, referentibus jam gradum, consul increpando simul temeritatem, simul ignaviam pudore metum excussisset. restitere primo obstinatis animis: deinde ut in obtinentes locum vires ferebant, audent ultro gradum inferre, & clamore renovato commovent aciem. tum rursus impetu capto enituntur, atque exuperant iniquitatem loci. jam prope erat, ut in summum clivi jugum evaderent, cum terga hostes dedere: effusoque cursu, pene agmine uno, fugientes sequentesque castris incidere. in eo pavore castra capiuntur. qui Volscorum fugere potuerunt, Antium petunt. Antium & Romanus exercitus ductus. paucos circumfessum dies deditur, nulla oppugnantium nova vi, sed quod jam inde ab infelici pugna, castrisque amissis, ceciderant animi.

## DECADIS PRIMÆ

### LIBER TERTIUS.

#### CAPUT I.

*Imminente gravi certamine propter legem agrariam, Antium colonia deducitur. Cum Æquis bis prospere pugnatur. Lustrum conditur.*



NTIO capto, T. Æmilius & Q. Fabius COSS. fiunt. hic erat Fabius, qui unus extinctæ ad Cremæram genti superfuera<sup>U.C. 235</sup>. Jam priore consulatu Æmilius dandi agri plebi fuerat auctor. itaque secundo quoque consulatu ejus & agrarii se in spem legis erexerant, & tribuni rem contra consules

G s tape

sæpe tentatam, adutrore utique consule obtine-  
 ri posse rati, fuscipiunt: & consul manebat in  
 sententia sua. possessores, & magna pars pa-  
 trum tribunitiis se jactare actionibus, princi-  
 pem civitatis, & largiendo de alieno, popula-  
 rem fieri querentes, totius invidiam rei a tri-  
 bunis in consulem averterant. atrox certamen  
 aderat, ni Fabius consilio neutri parti acerb-  
 rem expedisset. T. Quintii ductu & auspicio  
 agri capti priore anno aliquantum a Volscis ef-  
 se, Antium, propinquam, opportunam & ma-  
 ritimam urbem, coloniam deduci posse: ita si-  
 ne querelis possessorum plebem in agros itu-  
 ram, civitatem in concordia fore. Hæc senten-  
 tia accepta est. Triumviros agro dando, creat  
 T. Quintium, A. Virginium, P. Furium. ius-  
 si nomina dare, qui agrum accipere vellent.  
 Fecit statim (ut fit) fastidium copia: adeo-  
 que pauci nomina dedere, ut ad explendum  
 numerum coloni Volsci adderentur: cetera  
 multitudo pascere Romæ agrum malle, quam  
 alibi accipere. *Æqui* a Q. Fabio (is eo cum  
 exercitu venerat) pacem petiere, irritamque  
 eam ipsi subita incursione in agrum Latinum  
 fecere. Q. Servilius insequenti anno (is enim  
 cum Sp. Postumio COS. fuit) in *Æquos* mis-  
 sus, in Latino agro stativa habuit. intra ca-  
 stra quies necessaria morbo implicitum exerci-  
 tum tenuit. Extractum in tertium annum bel-  
 lum est, Q. Fabio & T. Quintio COSS. Fabio  
 extra ordinem, quia is victor pacem *Æquis*  
 dederat, ea provincia data. qui haud dubia spe  
 profectus, tamam nominis sui pacaturam *Æ-*  
*quos*, legatos in concilium gentis missi-nuntia-  
 re iussit: Q. Fabium COS. dicere, se ex *Æquis*  
 pacem Roman tulisse, ab Roma *Æquis* bellum  
 asserre, eadem dextera armata, quam pacatam  
 illis antea dederat. quorum id perfidia & perju-  
 rio fiat, deos nunc testes esse, mox fore ultores.  
 se tamen, utcumque sit, etiam nunc, poenitere  
 sua sponte *Æquos*, quam pati hostilia, malle. si  
 poeniteat, tutum receptum ad expertam clemen-  
 tiam fore: sin perjurio gaudeant, diis magis ira-  
 tis, quam hostibus gesturos bellum. Hæc dicta  
 adco

1 Creat ) Creandos curat consul.

adeo nihil moverunt quemquam, ut legati prope violati sint. exercitusque in Algidum adversus Romanos missus. Quæ ubi Romam sunt nuntiata, indignitas rei magis, quam periculum; consulem alterum ab urbe excivit. Ita duo consulares exercitus ad hostem accessere, acie instructa, ut confestim dimicarent. Sed cum forte haud multum dici superesset, naus ab statione hostium exclamat, *Ostentare hoc est, Romani, non gerere bellum. in noctem imminentem aciem instruitis. longiore luce ad id certamen, quod instat, nobis opus est. crastino die, oriente sole, redite in aciem: erit copia pugnandi, ne timete.* His vocibus irritatus miles in diem posterum in castra reducitur, & longam venire noctem ratus, quæ moram certamini faceret. tum quidem corpora cibo somnoque curant. ubi illuxit postero die, prior aliquantò constitit Romana acies, tandem & Æqui processere. prælium fuit utrinque vehemens; quod & Romanus miles ira odioque pugnabat, & Æquos conscientia contracti culpa periculi, & desperatio futuræ sibi postea fidei, ultimæ audere & experiri cogebat. Non tamen sustinuerunt aciem Romanam Æqui. pulsque cum in fines suos se recepissent, nihilo inclinioribus ad pacem animis, ferox multitudo increpare duces, quod in aciem, qua pugnandi arte Romanus excellat, commissa res sit. Æquos populationibus incursionibusque meliores esse: & multas passim manus, quam magnam molem unius exercitus, rectius bella gerere. Relicto itaque castris præsidio, egressi tanto cum tumultu invasere fines Romanos, ut ad urbem quoque terrorem pertulerint. nec opinata etiam res plus trepidationis fecit; quod nihil minus, quam ne victus, ac prope in castris obsessus hostis memor populationis esset, timeri poterat. agrestes pavidi incidentes portis, non populationem, nec prædonum parvas manus, sed omnia vago augentes timore, exercitus & legiones adesse hostium, & infesto agmine ruere ad urbem clamabant. Ab his pro-

1 Longam venire noctem ratus ) Adeo avidus pugna, ut noctem, quæ adventaret, longam sibi fingeret.

lonia Antium fuit, quod magna vis hominum inde, cum oppidum captum esset, confugisset ad Æquos. ilque miles per bellum Æquicum vel acerrimus fuit. Compulsis deinde in oppida Æquis, ea multitudo dilapsa cum Antium redisset, sua sponte jam infidos colonos Romanis abalienavit. Necdum matura re, cum defectionem parari delatum ad senatum esset, datum negotium est consulibus, ut, principibus coloniarum Romam excitis, quærent quidnam rei esset. qui cum haud gravate venissent, introducti a consulibus ad senatum, ita responderunt ad interrogata, ut magis suspecti, quam venerant, dimitterentur. Bellum inde haud dubium haberi. Sp. Furius consulum alter, cui ea provincia evenerat, profectus in Æquos, Hernicorum in agro populabundum hostem invenit: ignarusque multitudinis, quia nusquam universa conspecta fuerat, imparem copiis exercitum temere pugnae commisit. primo concursu pulsus, se in castra recepit. neque is finis periculi fuit. namque & proxima nocte, & postero die tanta vi castra sunt circumfessa atque oppugnata, ut ne nuntius quidem inde mitti Romam posset. Hernici & male pugnatum & consulem exercitumque obsideri nuntiaverunt: tantumque terrorem incussere patribus, ut (quæ forma senatusconsulti ultimæ semper necessitatis habita est) Postumio alteri consulum negotium daretur, videret ne quid republica detrimenti caperet. Ipsum consulem Romanæ manere ad conscribendos omnes, qui arma ferre possent, optimum visum est; proconsulem T. Quintium subsidio castris cum sociali exercitu mitti. ad eum explendum Latini; Hernicique, & colonia Antium dare Quintio subitarios milites (ita tum repentina auxilia appellabant) iussit. Multi per eos dies motus, multique impetus hinc atque illinc facti; quia, superante multitudine, hostes carpere multifariam vires Romanas, ut non suffecturas ad omnia, aggressi sunt. simul castra oppugnabantur; simul pars exercitus ad populandum agrum Romanum missa, urbemque ipsam, si qua fortuna daret, tentandam. L. Vaternius ad presidium urbis.

urbis relictus; consul Postumius ad arcendas populationes finium missus. Nihil remissum ab ulla parte curæ, aut laboris. vigilæ in urbe, stationes ante portas, præsidiaque in muris disposita: & quod necesse erat in tanto tumultu, iustitium per aliquot dies servatum. Interim in castris Furius COS. cum primo quietus obsidionem passus esset, in incautum hostem decumana porta erupit: & cum persequi posset, metu substitit, ne qua ex parte altera in castra vis fieret. Furium legatum (frater idem consulis erat) longius extulit cursus: nec suos ille redeuntes persequendi studio, neque hostium ab tergo incursum vidit. ita exclusus, multis sæpe frustra conatibus captis, ut viam sibi ad castra faceret, acriter dimicans cecidit. Et consul nuntio circumventi fratris conversus ad pugnam, dum se temere magis, quam satis caute, in mediam dimicationem infert, vulnere accepto, ægre ab circumstantibus ereptus, & suorum animos turbavit, & ferociores hostes fecit: qui cæde legati, & consulis vulnere accensi, nulla deinde vi sustineri potuerunt, cum compulsi in castra Romani rursus obsiderentur, nec spe, nec viribus pares: venissetque in periculum summa rerum, nisi T. Quintius peregrinis copiis cum Latino Hernicoque exercitum subvenisset. is intentos in castra Romana Æquos, legatique caput ferociter ostentantes ab tergo adortus, simul ad signum a se procul editum ex castris eruptione facta, magnam vim hostium circumvenit. Minor cædes, fuga effusior Æquorum in agro fuit Romano. in quos palatos, prædam agentes, Postumius aliquot locis, quibus opportuna imposuerat præsidia, impetum dedit. ii vagi, dissipato agmine fugientes, in Quintium victorem cum faucio consule revertentem incidere. Tum consularis exercitus egregia pugna consulis vulnus, legati & cohortium ultus est cædem. Magnæ clades ultro citroque illis diebus & illatæ & acceptæ. difficile ad fidem est in tam antiqua re, quot pugnaverint ceciderintve, exacto affirmare numero. audet tamen Antias Valerius concipere.



pere summas. Romanos cecidisse in Hernico agro II. mil. ac CCC. ex prædatoribus Æquorum, qui populabundi in finibus Romanis vagabantur, ab A. Postumio COS. duo millia & CCCC. cæfos: ceteram multitudinem prædam agentem, quæ inciderit in Quintium, nequaquam pari defunctam esse cæde: interfecta inde quatuor millia; & exequendo subtiliter numerum, CC. ait, & XXX. Inde Romam reditum est, iustitiam remissum est. Cælum visum est ardere plurimo igni, portentaque alia aut obversata oculis, aut vanas exterritis ostentare species. His avertendis terroribus in triduum feriæ indictæ; per quas omnia delubra pacem deum exposcentium virorum mulierumque turba implebantur. Cohortes inde Latine Hernicæque, ab senatu gratiis ob impigram militiam actis, remissæ domos. Antiates mille milites, quia ferum auxilium post prælium venerant, prope cum ignominia dimissi.

## CAPUT III.

*Gravis pestilentia in Urbe grassatur: auget terrorem facta ab Æquis, & Volscis in agrum Romanum irruptio: morbo sedato, Volsci, bello petiti, ingenti clade obsteruntur,*

Comitia inde habita. creati consules L. Æbutius, P. Servilius, calendis Sextilibus, <sup>U. C.</sup> ut tunc principium 1 anni agebatur, consulum <sup>289.</sup> ineunt. Grave tempus, & forte annus pestilens erat urbi agrisque, nec hominibus magis, quam pecori. & auxere vim morbi terrores populationis, pecoribus agrestibusque in urbem acceptis. ea colluvio mistorum omnis generis animantium; & odore insolito urbanos, & agrestem confertum in arcta tecta æstu ac vigiliis angebat: ministeriaque invicem ac 2 contagio ipsa vulgabant morbos. Vix instantes sustinentibus clades repente legati Hernici nuntiant, in agro suo Æquos Volscosque conjunctis copiis castra posuisse, inde ingenti exercitu fines suos depo-

1 Anni) Consularis, non civilis, cujus initium semper a Januario.

2 Contagio ipsa) Contagium.

depopulari. præterquam quod infrequens sematus indicio erat sociis, afflictam civitatem pestilentia esse: moestum etiam responsum tulere, ut per se ipsi Hernici cum Latinis res suas tutarentur: urbem Romanam subita deum ira morbo populari: si qua ejus mali quies veniat, ut anno ante, ut semper alias, lociis opem laturos. Discessere socii, pro tristi nuntio tristiores domum referentes; quippe quibus per se sustinendum bellum erat, quod vix Romanis fultri viribus sustinuisent. Non diutius se in Hernico hostis continuavit, pergit inde infectus in agros Romanos, etiam sine belli injuria vastatos. Ubi cum obviis nemo ne inermis quidem fieret; perque omnia non præsidii modo deserta, sed etiam cultu agresti transirent; pervenere ad tertium lapidem Gabina via. Mortuus Æbutius erat, Romanus consul: collega ejus Servilius exigua in spe trahebat animam: affecti plerique principum, patrum major pars, militaris fere ætas omnis: ut non modo ad expeditiones, quas in tanto tumultu res poscebat, sed vix ad quietas stationes viribus sufficerent, minus vigiliarum senatores, qui per ætatem ac valetudinem poterant, per se ipsi obibant: 1. circuitio ac cura ædilium plebis erat: ad eos summa rerum, ac majestas consularis imperii venerat. Deserta omnia, sine capite, sine viribus, dii præfides ac fortuna urbis tutata est; quæ Volscis Æquisque prædonum potius mentem, quam hostium dedit. adeo enim nulla spes non potiundi modo, sed ne adeundi quidem Romana moenia animos eorum cepit: rectaque procul visa, atque imminentes tumuli avertere mentes eorum; ut, (totis passim castris 2. fremitu orto, quid in vasto ac deserto agro inter tabem pecorum hominumque desides sine præda tempus tererent, quum integra loca, Tusculanum agrum opimum copiis petere possent) signa repente convellerent, transversisque itineribus per Lavicanos agros in Tusculanos colles transirent. eo vis

1. *Circuitio ac cura* ) Vigiliis recte obeundas curabant ædiles plebei.

2. *Fremitu orto* ) Rogitantium inter se, quid...

vis omnis tempestasque belli conversa est. In-  
 rerim Hernici Latinique pudore etiam, non mi-  
 sericordia solum mori, si nec obstitissent com-  
 munitibus hostibus infesto agmine Romanam ur-  
 bem petentibus, nec opem ullam obsessis fo-  
 ciis ferrent, conjuncto exercitu Romam per-  
 gunt; ubi cum hostes non invenissent, securi  
 famam ac vestigia, obvii sunt descendentibus  
 a Tusculano in Albanam vallem. ibi handqua-  
 quam æquo prælio pugnatum est: fidesque sua  
 fociis parum felix in præsentia fuit. Haud mi-  
 nor Romæ sit morbo strages, quam quanta  
 ferro sociorum facta erat, consul, qui unus su-  
 pererat, moritur. mortui & alii clari viri, M.  
 Valerius, T. Virginus, Rutillus, augures;  
 Ser. Sulpitius, i. curio maximus. & per igno-  
 ra capita late vagata est vis morbi: inopis-  
 que senatus auxilii humani, ad deos populum ac  
 vota verrit. jussi cum conjugibus ac liberis  
 supplicatum ire, pacemque exposcere deum,  
 ad id, quod sua quemque mala cogeant, au-  
 thoritate publica evocati, omnia delubra im-  
 plent. strætæ passim matres crinibus templa ver-  
 rentes, veniam irarum cælestium, finemque pe-  
 sti exposcunt. Inde paulatim, seu pace deum  
 impetrata, seu graviore tempore anni jam cir-  
 cumacta, defuncta morbis corpora salubriora es-  
 se incipere: versisque animis jam ad publicam  
 curam, cum aliquot interregna exissent, P. Va-  
 lerius Poplicola tertio die, quam interregnum  
 inierat, consules creat L. Lucretium Tricipiti-  
 num, & T. Veturium Geminum, sive ille  
 Vetusius fuit. Ante diem III. Idus Sextiles  
 consulatum incunt, jam satis valida civitate,  
 ut non solum arcere bellum, sed ultro etiam  
 inferre posset. Igitur, nuntiantibus Herdiciis,  
 in fines suos transcendisse hostes, impigre pro-  
 missum auxilium. duo consulares exercitus scri-  
 pri. Veturius missus in Volscos ad bellum ul-  
 tro inferendum. Tricipitinus populationibus ar-  
 cendis sociorum agro oppositus, non ultra quam  
 in Hernicos procedit. Veturius primo prælio  
 hostes

1 Curio maximus ) Cuique triginta curiarum suus fuit cu-  
 rio, qui rem divinam faceret: & Curionibus omnibus mo-  
 derator quidam impositus erat, dictus Curio maximus.

hostes fundit fugatque. Lucretium, dum in Her-  
 nicanis sedet, prædonum agmen fefellit. Supra  
 montes Prænestinos ductum, inde dimissum in  
 campos, vastavere agros, Prænestinum Gabi-  
 numque: ex Gabino in Tusculanos flexere col-  
 les. urbi quoque Romæ ingens præbitus terror,  
 & magis in re subita, quam quod ad arcendam  
 vim parum virium esset. Q. Fabius præerat ur-  
 bi. is armata juventute, dispositisque præsidii  
 tuta omnia ac tranquilla fecit. Itaque hostes  
 præda ex proximis locis rapta, appropinquare  
 urbi non ausi, cum circumacto agmine redirent,  
 quanto longius ab urbe hostium abscederent,  
 eo solutiore cura in Lucretium incidunt con-  
 sulem, jam ante exploratis itineribus suis in-  
 structum, & ad certamen intentum. Igitur  
 præparatis animis, repentino pavore perculsos  
 adorti, aliquanto pauciores multitudinem in-  
 gentem fundunt fugantque: & compulsos in ca-  
 vas valles, cum exitus haud \* inde, faciles ef-  
 sent, circumveniunt. ibi Volscum nomen prope  
 deletum est. XIII. millia CCCCLXX. ce-  
 cidisse in acie ac fuga, M. CCL. vivos captos,  
 signa XXVII. militaria relata, in quibusdam an-  
 nalibus invenio. ubi etsi adjectum aliquid nu-  
 mero sit, magna certe cædes fuit. Victor con-  
 sul, ingenti præda potitus, eadem in stativa rediit.  
 tum consules castra conjungunt, & Volsci  
 Æquique afflictas vires suas in unum contule-  
 re. Tertia illa pugna eo anno fuit. eadem for-  
 tuna victoriam dedit. fufis hostibus, etiam ca-  
 stra capta..

\* al.  
 in fa-  
 cili.

#### C A P U T IV.

C. Terentius Arsa trib. plebis, patrum super-  
 bia insensus, absentibus Coss. fert rogationem  
 de imminuenda potestate consulari: per Q. Fa-  
 bium, Urbis præfectum, acriter resistunt Pa-  
 tres: consulum deinde præsentia, ac prodigio-  
 rum religione res impeditur.

Sic res Romana in antiquum statum rediit:  
 secundæque belli res extemplo urbanos mo-  
 tus excitaverunt. C. Terentius Arsa tribunus  
 plebis

1 Magis in re subita ) Magis quia subita res fuit.

plebis eo anno fuit. is, consulibus absentibus  
 ratus locum tribunitiis actionibus datum, per  
 aliquot dies patrum superbiam ad plebem cri-  
 minatus, maxime in consulare imperium tam-  
 quam nimium, nec tolerabile liberæ civitati,  
 invehebatur: nomine enim tantum minus invi-  
 diosum, recipia prope atrocius quam regum es-  
 se. quippe duos pro uno dominos acceptos imma-  
 dorata, infinitaque potestate: qui soluti atque  
 effrenati ipsi, omnes mœtus legum, omniaque  
 supplicia verterent in plebem. qua ne aterna  
 illis licentia sit, legem se promulgaturum, ut  
 quinque viri creentur legibus de imperio consu-  
 lari scribendis. quod populus in se jus dederit,  
 eo consulem usurum: non ipsos libidinem ac li-  
 centiam suam pro lege habitueros. Qua promul-  
 gata lege, cum timerent patres, ne absentibus  
 consulibus jugum acciperent; senatus a præfecto  
 urbis Q. Fabio vocatur. qui adeo atrociter in  
 rogationem latoremque ipsum est invehctus, ut  
 nihil, si ambo consules infesti circumstarent  
 tribunum, relictum minarum atque terroris sit.  
*Insidiatum eum, & tempore capto adortum rem-  
 pub. si quem similem ejus, priore anno, inter  
 morbum bellumque irati dii tribunum dedissent,  
 non potuisse sisti. mortuis duobus consulibus ja-  
 cente agra civitate in colluvione omnium rerum,  
 ad tollendum e rep. consulare imperium, latu-  
 rum leges fuisse: ducem Volscis, Aëniisque ad  
 oppugnandam urbem futurum. Quid tandem il-  
 li non licere? si quid consules superbe in aliquem  
 civium, aut crudeliter fecerint, diem dicere:  
 accusare his ipsis iudicibus, quorum in aliquem  
 scivitum sit: non illum consulare imperium, sed  
 tribunitiam potestatem invisam, intolerandam-  
 que facere: quam pacatam reconciliatamque pa-  
 tribus de integro in antiqua redigi mala. neque  
 illum se deprecari quo minus pergat ut cœperit.  
 Vos, inquit Fabius, ceteri tribuni, oramus, ut  
 primum omnium cogitatis, potestatem istam ad  
 singulorum auxilium, non ad perniciem uni-  
 versorum comparatam esse: tribunos plebis vos  
 creatos, non hostes patribus. nobis miserum, in-  
 vidiosum vobis est, desertam rempublicam inva-  
 di: non jus vestrum, sed invidiam minueritis.*

*agite cum collega, ut rem integram in adventum consultum differat. ne Æqui quidem ac Volsci, morbo absumentis priore anno consulibus, crudeli superboque nobis bello insistere. Agunt cum Terentio tribuni. dilataque in speciem actione, re ipsa*

10. *sublata, consules extemplo arcessiti. Lucretius cum ingenti præda, majore multo gloria rediit. & auget gloriam adveniens, exposita omni in campo Martio præda, ut suum quisque per triduum cognitum abduceret. reliqua vendita, quibus domini non extitere. Debebatur omnium consensu consuli triumphus: sed dilata res est, tribuno de lege agente. id antiquius consuli fuit. Jactata per aliquot dies tum in senatu res, tum ad populum est. cessit ad ultimum majestati consulis tribunus, & destitit. Tum imperatori exercituique honos suus redditus. Triumphavit de Volscis, AEquisque: triumphantem secutæ suæ legiones. Alteri consuli datum, ut i ovans sine militibus urbem iniret. Anno deinde sequenti lex Terentia ab toto relata collegio, novos aggressa consules est. erant consules P. Volumnius, Ser. Sulpitius. Eo anno cælum ardere visum, terra ingenti concussa motu est. bovem locutam, cui rei priore anno fides non fuerat, creditum.*

\* al. *Inter alia prodigia & carne pluit; \* quem car-nem plu-isse. imbre* *imbre ingens numerus avium intervolutando rapuisse fertur: quod intercidit, sparsum ita jacuisse per aliquot dies, ut nihil odor mutaret. 2 Libri per duumviros sacrorum aditi. pericula a conventu alienigenarum prædicta; ne qui in loca summa urbis impetus cædesque inde fierent. inter cetera monitum, ut seditio-nibus abstineretur. Id factum ad impediendam legem tribuni criminabantur, ingensque aderat certamen.*

## C A.

1 *Ovans*) *Triumphus*, minor triumphus. *Ovatio* ex Plut. in Marcello, ab ovis dicta quæ tum madabatur; ex Festo a clamore redeuntium ex pugna victorum militum geminata O littera.

2 *Libri*) *Sibyllini*.

## CAPUT V.

*Dum delectus in Volscos, & Aequos habetur, oritur ob Terentii legem rixa inter patres ac tribunos. Gaioni Quintio acriter plebem, ac tribunos agitantem dies dicitur. iudicii die, indicta causa, arreptus, datisque vadibus dimissus; abijt in exilium.*

**E**Cce ( ut idem in singulos annos orbis volveretur ) Hernici nuntiant, Volscos & Aequos, etiam accisæ res sint, reficere exercitus: Antii summam rei positam, Ecetræ Antiates colonos palam concilia facere: idcaput, eas vires belli esse. Ut hæc dicta in senatu sunt, delectus edicitur. consules belli administrationem inter se dispartiri iussi: alteri ut Volscei, alteri ut AEqui provincia esset. Tribuni coram in foro personare, *fabulam compositam Volscei belli, Hernicos ad partes paratos. jam ne virtute quidem premi libertatem populi Romani, sed arte eludi. quia occisione prope occisos Volscos, & Aequos movere sua sponte arma posse jam fides abierit, novos hostes quari. coloniam fidam, propinquam, infamem fieri. bellum innoxiiis Antiatribus indici, gei cum plebe Romana: quam oneratam armis ex urbe, precipiti agmine, adhuri essent, exilio & relegatione civium ulciscentes tribunos. sic, i ne quid aliud actum putent, victam legem esse: nisi dum* <sup>\* al.</sup> *integra res sit,* <sup>in in-</sup> *dum domi, dum rogati sint, caveant, ne posses-* <sup>negro.</sup> *sione urbis pellantur, ne jugum accipiant: si animus sit, non desore auxilium. consentire omnes tribunos, nullum terrorem externum, nullum periculum esse. cavisse deos priore anno, ut tuto libertas defendi posset. Hæc tribuni. At ex parte altera consules in conspectu eorum, positis sellis, delectum habebant. eo decurrunt tribuni, concionemque secum trahunt. citati pauci, velut rei experiundæ causa, & statim vis coorta. quemcumque lictor jussu consulisprehendisset, tribunus mitti jubebat. neque suum cuique jus modum faciebat: sed virium spe, sed manu*

*i Ne quid aliud actum putent ) Ne quod aliud consilium fuisse Patribus & consulibus putent.*

Eate dum consul aut dictator fiat, quem privatum viribus & audacia regnantem videtis. Af-<sup>12.</sup> sentiebantur multi, pulsatos se querentes, & tribunum ad rem peragendam ultro incitabant. Jam aderat iudicio dies, apparebatque vulgo homines in damnatione Cæsonis libertatem agi credere, tum demum cum multa indignitate prensabat singulos. sequebantur necessarii, principes civitatis. T. Quintius Capitolinus, qui ter consul fuerat, cum multa referret sua familiarique decora, affirmabat, neque in Quintia gente, neque in civitate Romana tantam indolem tam matura virtutis umquam extitisse. suum primum militem fuisse; se sepe vidente pugnasse in hostem. Sp. Furius, missum ab Quintio Capitolino sibi eum in dubiis suis rebus venisse subsidio: neminem unum esse, cuius magis opera putet Rempublicam restitutam. L. Lucretius COS. anni prioris recenti gloria nitens, suas laudes participare cum Cæione, memorare pugnas, referre egregia facinora nunc in expeditionibus, nunc in acie. suadere & monere, juvenem egregium, instructum natura fortuneque omnibus bonis, i maximum momentum rerum ejus civitatis, in quamcumque venisset, suum, quam alienum mallent civem esse. quod offendet in eo, fervorem & audaciam, etatem quotidie auferre. quod desideretur, consilium, id in dies crescere. senescentibus vitius, maturescere virtute, sinerent tantum virum in civitate senescere. Pater inter hos L. Quintius, cui Cincinnato cognomen erat, non iterando laudes, ne cumlaret invidiam, sed veniam errori atque adolescentiæ petendo, sibi, qui non dicto, non facto quemquam offendisset, ut condonarent filium, orabat. Sed alii averfabantur preces aut verecundia, aut metu: alii se suosque multatos querentes, atroci responso iudicium suum præferabant. Premebat reum, præter vulgatam invidiam, crimen unum,<sup>13.</sup> quod M. Volscius Fictor, qui ante aliquot annos tribunus plebis fuerat, testis extiterat, se

haud

1. Maximum momentum ) Qui, in quamcumque civitatem venisset, ejus viribus magnam accessionem esset ad-  
eeturus.



haud multo post, quam pestilentia in urbe fuerat, in juventutem grassantem in Suburra incidisse. Ibi rixam natam esse, fratremque suum, majorem natu, necdum ex morbo satis validum, pugno ictum a Cæsone, cecidisse semianimem: inter manus domum allatum: mortuumque inde arbitrari. nec sibi rem exequi tam atrocem per consules superiorum annorum licuisse. Hæc Volscio clamitante, adeo concitati homines sunt, ut haud multum abfuerit, quin impetu populi Cæso interiret. Virginius arripi jubet hominem, & in vincula duci. patricii vi contra vim resistunt. T. Quintius clamat, cui rei capitalis dies dicta sit, & de quo futurum propediem judicium; eum indemnatum indicta causa non debere violari. Tribunus supplicium negat sumturum se de indemnato, servaturum tamen in vinculis esse ad judicii diem, ut, qui hominem necaverit, de eo supplicii sumendi copia populo Romano fiat. Appellati tribuni medio decreto protinus jus auxilii sui 1 expediunt: in vincla conjici vetant: sisti reum, pecuniamque, nisi sistatur, populo promitti, placere pronuntiant. summam pecuniæ quantam æquum esset promitti, veniebat in dubium, id ad senatum rejicitur. reus, dum confulerentur patres, retentus in publico est. vades dare placuit. unum vadem 111. millibus æris obligarunt. quot darentur, permissum tribunis est. decem finierunt. tot vadibus accusator vadatus est reum. Hic primus 2 vades publicos dedit. Dimissus e foro nocte proxima, in Tuscis consulibus, in Tuscos in exilium abiit. Judicii die cum excusaretur 3 solum vertisse exilii causa, nihilominus Virgino comitia habente, collegæ appellati dimisere concilium: pecunia 4 a patre exacta crudeliter, ut is, divenditis omnibus bonis, aliquamdiu trans Tiberim, veluti relegatus, in \* vili quodam tugurio habitaret.

\* al. devio

CA-

- 1 *Expediunt* ) *Expediunt*, i. e. extricant, eximunt.
- 2 *Vades publicos* ) *Vades* qui pecuniam populo promitterent.
- 3 *Solum vertisse* ) *Solum* vertere dicebantur qui locum ac sedem mutabant.
- 4 *A patre exacta* ) *Exacta* per vades est a patre.

## CAPUT VI.

*Cæsonis exilio irritata juvenus, ut lex Terentii non feratur, perficit: id agre ferentes tribuni plebem in patres concitant.*

**H**Oc judicium, & promulgata lex exercuit civitatem. ab externis armis otium fuit. cum velut victores tribuni, perculsis patribus Cæsonis exilio, prope perlatam esse crederent legem, &, quod ad seniores patrum pertineret, cessissent possessione Reipublicæ: juniores, id maxime quod Cæsonis sodalium fuit, auxere iras in plebem, non minuerunt animos; sed ibi plurimum profectum est, quod modo quodam temperare impetus suos. Cum primo post Cæsonis exilium lex cæpta ferri est, instructi paratique, cum ingenti clientium exercitu sic tribunos, ubi primum summoventes præbuere causam, adorti sunt, ut nemo unus inde præcipuum quicquam gloriæ domum invidiæ ferret, mille pro uno Cæsones extitisse plebes quereretur. Medius diebus, quibus tribuni de lege non agerent, nihil eisdem illis placidius, aut quietius erat. benigne salutare, alloqui plebis homines, domum invitare, adesse in foro, tribunos ipsos cetera pati sine interpellatione concilia habere, numquam ulli neque publice, neque privatim truces esse, nisi cum de lege agi cæptum esset. alibi popularis juvenus erat. Nec cetera modo tribuni tranquille peregere, sed refecti quoque in insequentem annum, ne voce quidem incommoda, nedum ut ulla vis fieret, paulatim permulcendo. tractandoque mansuefecerant plebem. His per totum annum artibus lex elusa est. Accipiunt civitatem placidiorem consules C. Claudius Appii filius, & P. Valerius Poplicola. Nihil novi novus annus attulerat, legis ferendæ, aut accipiendæ cura civitatem renebat. Quantum juniores patrum plebi se magis insinuabant, eo acrius contra tribuni tendebant, ut plebi suspectos eos criminando facerent. *Conjuratorem factam, Cæsonem Romæ esse.*

Tom. I.

H

inter-

(Adesse) iis litigantibus favere, eos juvare.

interficiendorum tribunorum, trucidanda plebis consilia inita, id negotii datum ab senioribus patrum, ut juventus tribunitiam potestatem e Republica tolleret, formaque eadem civitatis esset, qua ante Sacrum montem occupatum fuerat.

## CAPUT VII.

Capitolium ab exulibus, & servis, duce Ap. Herdonio, nocte occupatur. plebs rata, esse vanam imaginem belli, objectam a patribus ad avertendos a cura legis animos, negat opem: periculo tandem comperto, hortatore, ac duce P. Valerio Cos., armis conjunctis cum Tusculanis auxilium ferentibus, Capitolium recuperat.

ET ab Volscis & AEquis statum jam ac prope solenne in singulos annos bellum timebatur, propiusque aliud novum malum nec opinato exortum. Exules, servique ad quatuor millia hominum, & quingenti, duce Ap. Herdonio Sabino, nocte Capitolium atque arcem occupavere. confestim in arce facta cædes eorum, qui conjurare, & simul capere arma noluerant, alii inter tumultum præcipites pavore in forum devolant. alternæ voces, *Ad arma*, & *hostes in urbe sunt*, audiebantur. consules & armare plebem, & inermem pati timebant, incerti quod malum repentinum, externum, an intestinum, ab odio plebis, an ab servili fraude, urbem invasisset. sedabant tumultus; sedando interdum movebant. nec enim poterat pavida & consternata multitudo regi imperio. dant tamen arma, non vulgo, tantum ut, in incerto hoste, præsidium satis fidum ad omnia esset. solliciti reliquum noctis, incertique, qui homines, quantus numerus hostium esset, in stationibus disponendis ad opportuna omnia urbis loca egere. Lux deinde aperuit bellum, ducemque belli. servos ad libertatem Ap. Herdonius ex Capitolio vocabat. *se miserrimi cujusque suscepisse causam, ut exules injuria pulsos in patriam reduceret, & servitutis grave jugum demeret: id male populo Romano auctore fieri. si ibi spes non sit,*

\* al.  
servi-  
tutis

je

se Volscos, Æquos, & omnia extrema tentaturum, & concitaturum. Dilucere res magis patribus atque consulibus. præter ea tamen, quæ denuntiabantur, ne Vejentium, neu Sabinorum id consilium esset, timere: & cum tantum in urbe hostium esset, mox Sabinæ Etruscæque legiones ex composito adessent: tum æterni hostes Volsci & AEqui non ad populandos, ut ante, fines, sed ad urbem ut ex parte captam venirent. Multi, & varii timores. inter ceteros eminebat terror servilis; ne finis cuique domi hostis esset; cui nec credere, nec, non credendo, ne infestior fieret, fidem abrogare, satis erat tutum. <sup>1</sup> vixque concordia fisti videbatur posse. tantum superantibus aliis ac emergentibus malis, nemo tribunos aut plebem timebat: mansuetum id malum, & per aliorum quietem malorum semper exoriens, tum esse peregrino terrore sopitum videbatur. At id prope unum maxime inclinatis rebus incubuit, tantus enim tribunos furor tenuit, ut non bellum, sed vanam imaginem belli, ad avertendos ab legis cura plebis animos, Capitolium insedissee contenderent, patriciorum hospites, clientesque, si perlata lege frustræ tumultuatos esse se sentiant, majore, quam venerint, silentio abituros. Concilium inde legi perferendæ habere, avvocato populo ab armis. Senatui interim consules habent, alio se majore a tribunis metu ostendente. quam quem nocturnus hostis intulerat. Postquam arma poni, & discedere homines ab stationibus nuntiatum est, P. Valerius, collega senatum retinente, se ex curia proripit, inde in <sup>2</sup> templum ad tribunos venit: *Quid hoc rei est, inquit, tribuni? Ap. Herdonii ductu & auspicio Rempublicam everfuri estis? tam felix vobis corruppendis fuit. qui servitia vestra non commovit auctor? cum hostes supra caput sint, discedi ab armis, legesque ferri placet?* Inde ad multitudinem oratione versa, *Si vos urbis,*  
H 2 *Qui-*

<sup>1</sup> Vixque concordia fisti) Vixque etiam concordie manente civitate, videbatur resisti posse huic malo.

<sup>2</sup> Templum) l. e. vel comitium, vel suggestum, ex quo Tribuni ad populum concionabantur.

Quirites, si vestri nulla cura tangit, ac vos  
 veremini deos patrios ab hostibus captos. Iupiter  
 optimus maximus, Juno regina, & Minerva,  
 alii dii, deaque obsidentur; castra servorum  
 publicos vestros penates, tenent. hac vobis  
 forma sanæ civitatis videtur? tantum hostium  
 non solum intra muros est, sed in arce supra  
 forum, curiamque: comitia interim in foro  
 sunt, senatus in curia est: velut cum otium  
 superat, senator sententiam dicit, alii Quirites  
 suffragium ineunt. non, quicquid patrum,  
 plebisque est, consules, tribunos, deos, hominesque,  
 omnes armatos opem ferre, in Capitolium currere,  
 liberare ac pacare augustissimam illam domum  
 Jovis optimi maximi decuit? Romule pater, tu mentem tuam,  
 quamquam arcem ab his iisdem Sabinis auro captam  
 recepisti, da stirpi tuæ. jube hanc ingredi  
 viam, quam tu dux, quam tuus ingressus exercitus  
 est. primus eni ego consul, quantum mortalis  
 Deum possum, te, ac tua vestigia sequar. Ultimum  
 orationis fuit, se arma capere, vocare omnes Quirites ad arma.  
 si quis impediat, jam se consularis imperii, jam  
 tribunicia potestatis, sacratarumque legum oblitum,  
 quisquis ille sit, ubicumque sit, in Capitolio,  
 in foro, pro hoste habiturum. juberent tribuni,  
 quoniam in Ap. Herdonium vetarent, in P. Valerium  
 consulem sumi arma: ausurum se in tribunis,  
 quod i princeps familia sua ausus in regibus  
 esset. Vim ultimam apparebat futuram,  
 spectaculoque seditionem Romanam hostibus fore:  
 nec lex tamen ferri, nec ire in Capitolium consul  
 potuit: nox certamina cœpta oppressit. tribuni  
 cessere nocti timentes consulum arma. Amoris  
 inde seditionis auctoribus, patres circumire  
 plebem, inferentesque se in circulos, sermones  
 tempori aptos scribere: admonere, ut viderent,  
 in quod discrimen Rempublicam adducerent:  
 non inter patres ac plebem certamen esse;  
 sed simul patres, plebemque, arcem urbis,  
 templa deorum, penates publicos privatosque  
 hostibus dedi. Dum hæc in foro sedandæ  
 discordiæ causa aguntur, consules interim,

ne

1. Principi familia sue) Publicola auctor sui cognominis

ne Sabini, ne Vejens hostis moveretur, circa portas, murosque discesserant. Eadem nocte & 18. Tusculum de arce capta, Capitolioque occupato, & alio turbatae urbis statu nuntii veniunt. L. Mamilius Tusculi tum dictator erat. is, confestim convocato senatu, atque introductis nuntiis, magnopere censet, *ne expectent, dum ab Roma legati auxilium petentes veniant: periculum ipsum, discrimenque, ac i sociales deos, fidemque foederum id poscere. demerendi beneficio tam potentem, tam propinquam civitatem nunquam parem occasionem daturus deos.* Placet ferri auxilium, juvenus conscribitur, arma dantur. Romam prima luce venientes, procul speciem hostium praebuere. AEqui, aut Volsci venire visi sunt. deinde, ubi vanus terror abiit, accepti in urbem agmine in forum descendunt. ibi jam P. Valerius, relicto ad portarum praesidia collega, instruebat aciem. auctoritas viri moverat, affirmantis, *Capitolio recuperato, & urbe pacata, si se doceri sivissent, qua fraus ab tribunis occulta in lege ferretur, memorem se majorum suorum, memorem cognominis, quod populi colendi velut hereditaria cura sibi a maioribus tradita esset, concilium plebis non impediturum.* hunc ducem secuti, nequicquam reclamantibus tribunis, in clivum Capitolinum erigunt aciem. adjungitur & Tusculana legio. certare focii, civesque, utri recuperatae arcis suum decus facerent. dux uterque suos adhortatur. Trepidare tum hostes; nec ulli satis rei praeterquam loco fidere. trepidantibus inferunt signa Romani, fociique. Jam in vestibulum perruperant templi, cum P. Valerius inter primores pugnam ciens interficitur. P. Volumnus consularis vidit cadentem. Is dato negotio suis, ut corpus obtegerent, ipse in locum, vicemque consulis provolat. praere ardore impetumque, tantae rei sensus non pervenit ad militem. prius vicit, quam se pugnare sine duce sentiret. Multi exulum caede sua foedavere templum, multi vivi capti, Herdonius interfectus. Ita Capitolium recuperatum. De captivis,

H ; ut

ut quisque liber, aut servus esset, i suâ fortunæ a quoque sumtum supplicium est. Tusculanæ gratiæ actæ: Capitolium purgatum, atque lustratum. In consulis domum plebes 2 quadrantes, ut funere ampliore efferretur, jactasse fertur.

## CAPUT VIII.

*Creatus Cos. L. Quin. Cincinnatus, pater Cæsonis, vehementer invehitur in tribunorum licentiam: minitantes, delectum, atque expeditionem in Volscos, & Æquos se impedituros, deterret, & in patrum potestate esse cogit: continuatum sibi contra Senatusconsultum consulatum recusat.*

19. **P**Acc parta, instare tum tribuni patribus, ut P. Valerii fidem exolverent, instare Claudio, ut collega deos manes fraude liberaret, agi de lege sineret. Consul, antequam collegam sibi subrogasset, negare, passurum agi de lege. hæc tennere contentiones usque ad comitia consulis subrogandi. Decembri mense summo patrum studio L. Quintius Cincinnatus, pater Cæsonis, consul creatur, qui magistratum statim occiperet. Percussa erat plebes, consulem habitura iratum, potentem favore patrum, virtute sua. tribus liberis, quorum nemo Cæsoni cedebat magnitudine animi, consilium, & modum adhibendo, ubi res posceret, priores erant. Is ut magistratum iniit, assiduus concionibus pro tribunali non in plebe coercenda, quam senatu castigando, vehementior fuit, cujus ordinis languore, perpetui jam tribuni plebis non ut in Republ. populi Romani, sed ut in perdita domo, lingua, criminibusque regnarent. Cum Cæsone filio suo virtutem, constantiam, omnia juventutis belli domique decora pulsa ex urbe Romana, & fugata esse: loquaces, seditiosos, semina discordiarum, iterum ac tertium tribunos pessimis artibus regia licentia urvere. Aulus, inquit, ille Virginus, quia in Capitolio non fuit, minus supplicii, quam

1 *Sua fortuna*) Servile supplicium, crux: liberi homines securi percutiebantur.

2 *Quadrantes*) Quadrans est quarta pars assis Romani.

quam Ap. Herdonius, meruit? plus hercule aliquanto, qui vere rem aestimare velit. Herdonius, si nihil aliud, hostem se fatendo, prope denunciavit, ut arma caperetur. hic negando bella esse, arma vobis ademit, nudosque servis vestris & exulibus objecit. & vos (C. Claudii pace, & P. Valerii mortui loquar) prius in clivum Capitolinum signa intulistis, quam hos hostes de foro tolleretur? & pudet decorum, hominumque: cum hostes in arce, in Capitolio essent, exulum, & servorum dux, profanatis omnibus, in cella Jovis optimi maximi habitaret: Tusculi ante, quam Roma, sumta sunt arma. in dubio fuit, utrum L. Mamilius Tusculanus dux, an P. Valerius & C. Claudius consules Romanam arcem liberarent: & qui ante Latinos ne pro se quidem ipsis, cum in finibus hostem haberent, attingere arma passi sumus, nunc, nisi Latini sua sponte arma sumssissent, capti & deleti eramus. Hic est, tribuni, auxilium plebi ferre? inermem eam hosti trucidandam objicere? scilicet, si quis vobis humillimus homo de vestra plebe, quam partem, veluti abruptam a cetero populo, vestram patriam, peculiaremque Remp. fecistis; si quis ex his domum suam obsessam a familia armata nuntiaret, ferendum auxilium putaretis: Jupiter optimus maximus, exulum atque servorum septus armis, nulla humana ope dignus erat? & hi postulant, ut sacrosancti habeantur, quibus ipsi dii & neque sacri, neque sancti sunt? at enim divinis humanisque obruti sceleribus, & legem vos hoc anno perlaturus dictitatis? tum hercule illo die, quo ego consul sum creatus, male gesta Respublica est, pejus multo, quam cum P. Valerius consul periit, si culeritis. Jam primum omnium, inquit, Quirites, in Volscos & Aequos mihi atque collega legiones ducere in animo est. nescio quo fato magis

H 4

bel-

Pudet) cogito deos hominesque tanti flagitii nobis conscios esse.

2 Neque sacri, neque sancti sunt). Sacrum est quod religio consecravit: Sanctum, quod ne violetur sanctione cautum est.

4 Legem vos ... perlaturus ... si culeritis) Ferre legem: eam proponere populo sciscendam; perferre perficere ut illa a populo accipiatur.



bellantes, quam pacati, propitios habemus deos. quantum periculum ab illis populis fuerit, si Capitolium ab exulibus obsessum scissent, suspicari de praterito, quem re ipsa, experiri, est melius. Moverat plebem oratio consulis. crecti patres restitutam credebant Rempublicam. consul alter, comes animosior, quam auctor, suscepisse collegam priorem actionem tam gravis rei facile passus, in peragendis consularis officii partem ad se vendicabat. Tum tribuni eludentes velut vana dicta, persequi, querendo, quonam modo exercitum educturi consules essent, quos delectum habere nemo passurus esset? Nolis vero, inquit Quintius, nihil delectu opus est; cum, quo tempore P. Valerius ad recipiendum Capitolium arma plebi dedit, omnes in verba juraverint, conventuros se jussu consulis, nec irjussu abituros. edicimus itaque, omnes, qui in verba jurastis, crastina die armati ad lacum Regillum adsitis. Cavillari tum tribuni, & populum exsolvere religione velle: privatum eo tempore Quintium fuisse, cum sacramento adacti sint. sed nondum hæc, quæ nunc tenet sæculum, negligentia Deum venerat: nec interpretando sibi quisque jusjurandum, & leges aptas faciebat, sed suos potius mores ad eas accommodabat. Igitur tribuni, ut impediendæ rei nulla spes erat, de proferendo exercitu agere, eo magis, quod & augures jussos adesse ad Regillum lacum fama exierat, locumque inaugurari, ubi auspicato cum populo agi posset: ut, quicquid Roma vi tribunitia rogatum esset, id comitiis ibi abrogaretur: omnes id jussuros, quod consules vellent. neque enim provocationem esse longius ab urbe mille-passuum: & tribunos, si eo veniant, in alia turba Quiritium subjectos fore consulari imperio. Terreabant hæc; sed ille maximus terror animos agitabat, quod sæpius Quintius dictitabat, se consulum comitia non habiturum. non ita civitatem agram esse, ut consuetis remediis sisti possit. dictatore opus esse Reipublica, ut, qui se moverit ad sollicitandum statum civitatis, sentiat sine provocatione dictatum esse. Senatus in Capitolio erat. eo tribu-

buni cum perturbata plebe veniunt . multitudo clamore ingenti nunc consulum , nunc patrum fidem implorant . nec ante moverunt de sententia consulem , quam tribuni , se in auctoritate patrum futuros esse , polliciti sunt . Tunc referente consule de tribunorum , & plebis postulatis , senatusconsultum fit : ut neque tribuni legem eo anno ferrent , neque consules ab urbe exercitum educerent : in reliquum magistratus continuari , & eosdem tribunos resciri , judicare senatum contra Rempublicam esse . consules fuere in patrum potestate . tribuni , reclamantibus consulibus , resciti : patres quoque , ne quid cederent plebi , & ipsi L. Quintium consulem resciciebant . Nulla toto anno vehementior actio consulibus fuit . Mirer , inquit , si vana vestra , patres conscripti , ad plebem auctoritas est ? i vos elevatis eam . quippe , quia plebs senatusconsultum in continuandis magistratibus solvit , ipsi quoque solum vultis , ne temeritati multitudinis cedatis : tamquam id sit plus posse in civitate , plus levitatis , ac licentia habere . levius enim , vaniusque profecto est , sua decreta & consulta tollere , quam aliorum . Imitemini , patres conscripti , turbam inconsultam ; & , qui exemplo aliis esse debetis , aliorum exemplo peccetis potius , quam alii vestro recte faciant : dum ego ne imiter tribunos , nec me contra senatusconsultum consulem renuntiari patiar . Te vero , C. Claudi , adhortor , ut & ipse populum Romanum hac licentia arceas , & de me hoc tibi persuadeas , me ita accepturum , ut non honorem meum a te impeditum , sed gloriam spreti honoris auctam , invdiamque , qua ex continuato co impenderet , levatam putem . Communiter inde edicunt , ne quis L. Quintium consulem faceret . si quis scisset , se id suffragium non observaturos .

## CAPUT IX.

Volsci , & Aequi vincuntur : M. Volscio , qui falsus in Caesonem testis fuerat , dies dicitur : Aequis pax datur : census in urbe habetur .

Consules creati , Q. Fabius Vibulanus tertium , & L. Cornelius Maluginentis . Census . C.

H 5

actus 293.

Vos elevatis eam Vos eam inunivitis, pondus ei detrahitis .

actus eo anno . lustrum , propter Capitolium captum , consulem occisum , condi religiosum fuit . Q. Fabio . & L. Cornelio consulibus , principio anni statim res turbulentæ . instigabant plebem tribuni . bellum ingens a Volscis , & AEquis Latini atque Hernici nuntiabant . Jam Antii Volschorum legiones esse , & ipsam coloniam ingens metus erat defecturam ; ægreque impetratum a tribunis , ut i bellum præverti sinnerent . Consules inde partiti provincias Fabio , ut Antium legiones duceret , datum , Cornelio , ut Romæ præsidio esset , ne qua pars hostium , qui AEquis mos erat , ad populandum veniret . Hernici & Latini iussi milites dare ex fœdere ; duæque partes sociorum in exercitu , tertia civium fuit . Postquam ad diem præstitutum venerunt socii , consul extra portam Capenam castra locat : inde lustrato exercitu , Antium profectus , haud procul oppido stativisque hostium confedit . Ubi cum Volsci , quia nondum ab AEquis venisset exercitus , dimicare non ausi , quemadmodum quieti vallo se tutarentur , pararent : postero die Fabius non permistam unam sociorum civiumque , sed trium populorum tres separatim acies circa vallum hostium instruxit . ipse erat medius cum legionibus Romanis . inde signum observare iussit , ut pariter & socii remincerent , referrentque pedem , si receptui cecinisset . equites item suæ cuique parti 2 post principia collocat . ita trifariam adortus castra circumvenit : & cum undique instaret , non sustinentes impetum Volscos vallo deturbat . transgressus inde munitiones , pavidam turbam , inclinathamque in partem unam castris expellit . inde effuse fugientes eques , cui superare vallum haud facile fuerat , cum ad id spectator pugnae astitisset , libero campo adeptus , parte victoriæ fruitur , territos cædendo . Magna & in castris , & extra munimenta cædes fugientium fuit : sed præda major , quia vix arma secum efferre hostis potuit . deletusque exercitus foret , ni fugientes silvæ texissent .

Dum

1 *Bellum præverti* ) Belli priorem curam geri quam legis.

2 *Post principia* ) Post primam aciem .

Dum ad Antium hæc geruntur, interim *Æ-* 23.  
 qui, robore juventutis præmisso, arcem Tusculanam improvise nocte capiunt: reliquo exercitu haud procul mœnibus Tusculi confidunt; ut distenderent hostium copias. Hæc celeriter Romam, ab Roma in castra Antium perlatæ movent Romanos haud secus, quam si Capitolium captum nuntiaretur. adeo & recens erat Tusculanorum meritum, & similitudo ipsa periculi reposcere datum auxilium videbatur. Fabius, ommissis omnibus, prædæ ex castris raptam Antium conveyit. Ibi modico præsidio relicto, citatum agmen Tusculum rapit. nihil præter arma, & quod costi ad manum fuit cibi, ferre militi licuit. commeatum ab Roma consul Cornelius subvehit. Aliquot menses Tusculi bellatum. parte exercitus consul castra AEquorum oppugnabat, partem Tusculanis dederat ad arcem recuperandam. vi nunquam eo subire potuit. fames postremo inde detraxit hostem, quo postquam ventum ad extremum est, inermes, nudique omnes sub jugum ab Tusculanis missi. hos ignominiosa fuga domum se recipientes Romanus consul in Algidio consecutus, ad unum omnes occidit. Victor ad Columen ( id loco nomen est ) exercitu relicto castra locat. Et alter consul, postquam, mœnibus Romanis jam pulso hoste, periculum esse desierat, & ipse ab Roma profectus; ita biliariam consules ingressi hostium fines, ingenti certamine hinc Volscos, hinc AEquos populantur. Eodem anno descisse Antiates, apud plerosque auctores invento. L. Cornelium consulem id bellum gessisse, oppidumque cepisse, certum a firmare, quia nulla apud vetustiores scriptores ejus rei mentio est; non ausim. Hoc bello perfecto, tribunitium domi bellum patres territat. Clamant, fraude fieri, quod foris te- 24.  
 neatur exercitus, i frustrationem eam legis tollendæ esse. se nihilominus rem susceptam peracturos. Obtinuit tamen P. Lucretius præfectus urbis ut actiones tribunitiæ in adventum consu-  
 lum

\* i Frustrationem eam ) Hæc specie, fraudulenter uti patricios tollendæ legis causa.

lum differrentur. Erat & nova exorta causa motus. A. Cornelius, & Q. Servilius quæstores M. Volscio, quod falsus haud dubie testis in Cæsonem extitisset, diem dixerant. multis enim emanabat indicibus, neque fratrem Volscii, ex quo semel fuerit æger, umquam non modo visum in publico, sed ne assurrexisse quidem ex morbo, multorumque tabe mensium mortuum: nec his temporibus, in quæ testis crimen coniecisset, Cæsonem Romæ visum: affirmantibus, qui una meruerant, secum cum tum frequentem ad signa sine ullo commeatu fuisse. nisi ita esset, multi privatim ferebant Volscio judicem. cum ad iudicium ire non auderet, omnes eæ res in unum congruentes, haud magis dubiam damnationem Volscii, quam Cæsonis, Volscio teste fuerat, faciebant. in mora tribuni erant, qui comitia quæstores habere de reo, nisi prius habita de lege essent, passuros negabant. ita extracta utraque res in consulum adventum est. Qui ubi triumphantes victore cum exercitu urbem inierunt; quia silentium de lege erat, perculos magna pars credebant tribunos. at illi (etenim extremum anni jam erat) quartum affectantes tribunatum, in comitiorum disceptationem ab lege certamen averterant. & cum consules nihilo minus adversus continuationem tribunatus, quam si lex minuendæ suæ majestatis causa promulgata ferretur, retendissent, victoria certaminis penes tribunos fuit. Eodem anno AEquis pax est petentibus data. Censui, res priore anno inchoata, perficitur: idque lustrum ab origine urbis decimum conditum. Fuerunt censi civium capita centum trigintaduo millia, CCCCXIX. Consulum magna domi bellicæ eo anno gloria fuit; quod & foris pacem peperere, & domi, etsi non concors, 2 minus tamen, quam alias, infesta civitas fuit.

C A.

1 Volscio teste. Ob testimonium Volscii.

2 Minus... infesta) Minus vexata discordiis.

## CAPUT X.

*Rebus non adeo infestis domo, Æqui ictum fœdus rumpunt: additur aliusterror, Sabinorum impetus in agrum Romanum. Cum Æquis ab altero Cos. infelicitè negotio gesto, L. Quinctius Cincinnatus absens Dictator dicitur.*

**L** Minutius inde, & C. Nautius consules fa-<sup>25.</sup>  
 ceperunt. Eodem modo consules legem, tribu-<sup>U. C.</sup>  
 ni iudicium de Volsco impediabant: sed in<sup>294.</sup>  
 quæstoribus novis major vis, major auctoritas  
 erat. Cum M. Valerio Valerii filio, Volusi  
 nepote, quæstor erat T. Quintius Capitolinus,  
 qui ter consul fuerat, is quoniam neque Quin-  
 tiæ familiæ Cæso, neque Reipublicæ maximus  
 juvenum restitui posset, falsum testem, qui  
 dicendæ causæ innoxio potestatem ademisset,  
 iusto, ac pio bello persequeretur. Cum Virgi-  
 nius maxime ex tribunis de lege ageret, duum  
 mensium spatium consulibus datum est ad in-  
 spiciendam legem: ut cum edocuisent populum,  
 quid fraudis occultæ ferretur, sinerent deinde  
 suffragium inire. hoc intervalli datum res tran-  
 quillas in urbe fecit. Nec diuturnam quietem  
 Æqui dederunt: qui rupto fœdere, quod ictum  
 erat priore anno cum Romanis, imperium ad  
 Gracchum Clælium deferunt. is tum longe  
 princeps in Æquis erat. Graccho duce in La-  
 nuvinum agrum, inde in Tusculanum hostili  
 populatione veniunt, plenique prædæ in Al-  
 gido castra locant. In ea castra Q. Fabius, P.  
 Volumnius, A. Postumius legati ab Roma  
 venerunt questum injurias, & ex fœdere res  
 repetitum. eos Æquorum imperator, *qua man-*  
*data habeant ab senatu Romano ad quercum*  
*jubet dicere: se alia interim acturum.* quercus  
 ingens arbor prætorio imminebat, cujus umbra  
 opaca sedes erat. Tum ex legatis unus abiens,  
 Et hæc, inquit, sacrata quercus, & quicquid  
 decorum est, audiant fœdus a vobis ruptum: no-  
 strisque & nunc querelis adsint, & mox armis,  
 cum decorum hominumque simul violata jura  
 exequemur. Romam ut redire legati, senatus  
 jussit

jussit alterum consulem contra Gracchum in Algidum exercitum ducere : alteri populationem finium AEquorum provinciam dedit. Tribuni suo more impedire delectum. & forsitan ad ultimum impedissent ; sed novus subito additus  
 26. terror est. Vis Sabinorum ingens prope ad mœnia urbis infesta populatione venit. fœdatis agri, terror injectus urbi est. tum plebs benigne arma cœpit : reclamantibus frustra tribunis ; magni duo exercitus scripti. alterum Nautius contra Sabinos duxit. castrisque ad Eretum positis, per expeditiones parvas, plerumque nocturnis incursionibus, tantam vastitatem in Sabinorum agro reddidit, ut, comparari ad eam, prope intacti bello fines Romani viderentur. Minutio neque fortuna, nec vis animi eadem in gerendo negotio fuit, nam cum haud procul ab hoste castra posuisset, nulla magnopere clade accepta, castris se pavidus tenebat. quod ubi senserunt hostes, crevit ex metu alieno ( ut fit ) audacia. & nocte adorti castra, postquam parum vis aperta profecerat, munitiones postero die circumdant. quæ priusquam undique vallo objectæ clauderent exitus, quinque equites inter stationes hostium emissi, Romam pertulere, consulem, exercitumque obsideri. Nihil tam nec opinatum, nec tam insperatum accidere potuit. itaque tantus pavor ; tanta trepidatio fuit, quanta, si urbem, non castra hostes obsiderent. Nautium consulem accersunt. in quo cum parum præsidii videretur, dictatoremque dici placeret, qui rem perculsam restitueret, L. Quintius Cincinnatus consensu omnium dicitur.

## CAPUT XI.

*Legati operi agresti intentum Quintium inveniunt : Romam deductus delectum edicit : In Æquos profectus, superatos sub iugum mittit : Triumphans redit in Urbem : eo comitia habente, M. Volscius, falsus in Casonem testis, damnatur.*

**O** Peræ pretium est audire, qui omnia præ divitiis humana spernunt, neque honori magno

gno locum, neque virtuti putant esse, nisi ubi effuse affluant opes. Spes unica imperii populi Romani L. Quintius trans Tiberim, contra cum ipsum locum, ubi nunc navalia sunt, quatuor jugerum colebat agrum, quæ prætoria Quintia vocantur. ibi ab legatis seu fossam fodiens bipalo innixus, seu cum araret, operi certe, id quod constat, agresti intentus, salute data invicem, redditaque, rogatus, ut (quod bene verteret ipsi, rei publicæ) rogatus mandata senatus audiret: admiratus, rogantisque, statim salva omnia, togam prope e turgurio proferre uxorem Raciliam jubet. qua simul absterfo pulvere ac sudore velatus processit; dictatorem enim legati gratulantes consalutant, in urbem vocant, qui terror sit in exercitu, exponunt. Navis Quintio publice parata fuit, transvectumque tres obviam egressi filii excipiunt, iude alii propinqui, atque amici, tum patrum major pars: ea frequentia stipatus, antecedentibus lictoribus, deductus est domum. & plebis concursus ingens fuit: sed ea nequaquam tam læta Quintium vidit, & imperii nimium, & virum in ipso imperio vehementiorem rata. Et illa quidem nocte nihil, præterquam vigilatum est in urbe. Postero die dictator, cum ante lucem in forum venisset, magistrum equitum dicit L. Tarquitium patriciæ gentis, sed qui, cum stipendia pedibus propter paupertatem fecisset, bello tamen primus longe Romanæ juventutis habitus esset. Cum magistro equitum in concionem venit, iustitium edicit, claudi tabernas tota urbe jubet, vetat quemquam privatæ quicquam rei agere. Tum, quicumque ætati militari essent, armati, cum cibariis in dies quinque coctis, vallisque duodenis, ante solis occasum, Martio in campo adessent: quibus ætas ad militandum gravior esset, vicino militi, dum is arma pararet, vallumque peteret, cibaria coquere iussit. Sic juvenus discurrit ad vallum petendum; sumere unde cuique proximum fuit: prohibitus nemo est, impigreque omnes

ad

1 Cum stipendia pedibus... fecisset ) Cum in peditum numero militasset.



ad edictum dictatoris præsto fuere. Inde composito agmine non itineri magis apto, quam prælio, si res ita tulisset, legiones ipse dictator, magister equitum suos equites ducit. In utroque agmine, quas tempus ipsum poscebat, adhortationes erant: *adderent gradum; maturato opus esse, ut nocte ad hostem pervenire possent: consulem exercitumque Romanum obsideri, tertium diem jam clausos esse: quid quaque nox aut dies ferat, incertum esse: puncto sæpe temporis maximarum rerum momenta verti. accelera signifer, sequere miles*; inter se quoque, gratificantes ducibus, clamabant: media nocte in Algidum perveniunt: & ut sentire se jam prope hostes esse, signa constituunt.

28. Ibi dictator quantum nocte prospici poterat, equo circumvectus, contemplatusque, qui tractus castrorum, quæque forma esset, tribunis militum imperavit, ut sarcinas in unum conjici jubeant, militem cum armis valloque redire in ordines suos. facta, quæ imperavit. Tum quo fuerant ordine in via, exercitum omnem longo agmine circumdat hostium castris: & ubi signum datum sit, clamorem omnes tollere jubet: clamore sublato, ante se quemque ducere fossam, & jacere vallum. Edito imperio, signum secutum est; jussa miles exequitur, clamor hostes circumsonat; superat inde castra hostium, & in castra consulis venit: alibi pavorem, alibi gaudium ingens facit. Romani, civilem esse clamorem, atque auxilium adesse, inter se gratulantes, ultro ex stationibus ac vigiliis territant hostem. Consul differendum negat. *illo clamore non adventum modo significari, sed rem ab suis coeptam: mirumque esse, ni jam exteriori parte castra hostium oppugnentur. itaque arma suos capere, & se subsequi jubet.* 1 Nocte initum prælium est, legionibus dictatoris clamore significantibus ab ea quoque parte rem in discrimine esse. Jam se ad prohibenda circumdari opera Æqui parabant, cum, ab interiore hoste prælio cæpto, ne per media sua castra fieret eruptio, a mu-

1 Nocte initum prælium est ) A legionibus consulis. Rem in discrimine esse, i. e. pugnari.

munientibus ad pugnautes introrsum versi, vacuam noctem operi dedere. pugnatumque cum consule ad lucem est: luce prima jam circumvallati ab dictatore erant, & vix adversus unum exercitum pugnam sustinebant. tum a Quintiano exercitu, qui confestim a perfecto opere ad arma rediit, invaditur vallum. hic instabat nova pugna, illa nihil remiserat prior. tum ancipiti malo urgente, a praelio ad preces versi, hinc dictatorem, hinc consulem orare, ne in occisione victoriam ponerent, ut inermes se inde abire sinerent. Ab consule ad dictatorem ire iussis ignominiam infensus addidit. Gracchum Clælium ducem, principesque alios victos ad se adduci jubet: oppido Corbione decedi: *sanguinis se Æquorum non egere, licere abire: sed, ut exprimatur tandem confessio, subactam domitamque esse gentem, sub jugum abituros.* Tribus hastis jugum fit, humi fixis duabus, superque eas transversa una deligata. sub hoc iugo dictator Æquos misit. Castris hostium receptis, plenis omnium rerum, (nudos enim emiserat) prædam omnem suo tantum militi dedit, consularem exercitum, ipsumque consulem increpans, Carebis, inquit, præda parte miles ex eo hoste, cui prope præda fuisti: & tu, L. Minuti, donec consularem animam incipias habere, legatus his legionibus præeris. Ita se Minutius abdicat consulatu, iussusque ad exercitum manet. Sed adeo tum imperio meliori animus mansuete obediens erat, ut beneficii magis, quam ignominie hic exercitus memor, & coronam auream dictatori libræ pondere decreverit, & proficiscentem eum patronum salutaverit. Romæ a Q. Fabio præfectourbis senatus habitus, triumphantem Quintium, quo, veniebat agmine, urbem ingredi iussit. ducti ante currum hostium duces, militaria signa prælata, scutus exercitus præda onustus. epulæ instructæ dicuntur fuisse ante omnium domos, epulantesque cum carmine triumphali, & solemnibus jocis comes-

1 Cum carmine triumphali ) Militibus triumphum nomine eientibus.

2 Solemnibus jocis ) Jocis in triumpho usitatis, quos militaris turba fundebat vel in hostes, vel in duces suos, & ipsum imperatorem.

comessantium modo currum secuti sunt. Eo die L. Mamilio Tusculano, approbantibus cunctis, civitas data est. Confestim se dictator magistratu abdicasset, ni comitia M. Volsii falsi restis tenuissent. ea ne impedirent tribuni, dictatoris obstitit metus. Volsius damnatus Lanuvium exulatum abiit. Quintius XVI. die, dictatura in sex menses accepta, se abdicavit. Per eos dies consul Nautius ad Eretum cum Sabinis egregie pugnat. ad vastatos agros ea quoque caldes accessit Sabinis. Minutius Qu. Fabius successor in Algidum missus. Extremo anno agitatum de lege ab tribunis est. sed quia duo exercitus aberant, ne quid ferretur ad populum, patres tenere. plebes vicit, ut quintum eosdem tribunos crearent. Lupos visos in Capitolio ferunt, a canibus fugatos; ob id prodigium lustratum Capitolium esse. Hæc eo anno gesta.

## CAPUT XII.

*Domi fieri cæptas seditiones comprimit illatus ab Æquis terror: delectum tribuni permittunt eo pacto, ut tribunorum numerus augeatur. Missi contra hostes consules, superant. Ob divenditam prædam die dicta a tribunis damnantur.*

U. C. 295.  
30. Sequuntur consules Q. Minutius, C. Horatius Pulvillus. Cujus initio anni cum foris otium esset, domi seditiones iidem tribuni, eadem lex faciebat. ulteriusque ventum foret, adeo exarserant animis, ni, velut dedita opera, nocturno impetu Æquorum Corbione amissum præsidium, nuntiatum esset. Senatum consules vocant. jubentur subitarium scribere exercitum, atque in Algidum ducere. Indeposito legis certamine, nova de delectu contentio exorta. vincebaturque consulare imperium tribunitio auxilio, cum aliis additur terror, Sabinum exercitum prædatum descendisse in agros Romanos, inde ad urbem venire. is metus perculit, ut scribi militem tribuni sicerent, non sine pactione tamen: ut, quoniam ipsi quinquennium elusi essent, parvumque id plebi præsidium foret, decem deinde tribuni cre-

crearentur. Expressit hoc necessitas patribus .  
 id modo exceperere, ne postea eosdem tribunos ju-  
 berent. Tribunitia comitia, ne id quoque post  
 bellum, ut cetera, vanum esset, extemplo ha-  
 bita. Tricesimosexto anno a primis tribunis  
 plebis decem creati sunt, bini ex singulis clas-  
 sibus. <sup>1</sup> itaque cautum est, ut postea crearen-  
 tur. Delectu deinde habito, Minutius contra  
 Sabinos profectus non invenit hostem: Hora-  
 tius, cum jam AEqui, Corbione interfecto præ-  
 sidio, Ortonam etiam cepissent, in Algido pu-  
 gnat. multos mortales occidit, fugat hostem  
 non ex Algido modo, sed a Corbione, Orto-<sup>U. C.</sup>  
 naque. Corbionem etiam diruit propter prodi-<sup>206.</sup>  
 tum præsidium. Deinde M. Valerius, Sp. Vir-<sup>31.</sup>  
 giniius consules facti Domi forisque otium  
 fuit. annona propter aquarum intemperiem la-  
 boratum est. De Aventino publicando lata lex  
 est. Tribuni plebis iidem relecti. Hi sequente  
 anno T. Romilio, & Sp. Veturio consulibus, <sup>U. C.</sup>  
 legem <sup>2</sup> omnibus concionibus suis celebrant. <sup>207.</sup>  
 Pudere se numeri sui nequicquam aucti, si ea res  
 æque suo biennio jaceret, ac toto superiore lu-  
 stro jacuisset. Cum maxime hæc agerent, tre-  
 pidi nuntii ab Tusculo veniunt, AEquos in a-  
 gro Tusculano esse. Fecit pudorem recens ejus  
 populi meritum morandi auxilii. ambo consu-  
 les cum exercitu missi hostem in sua sede in  
 Algido inveniunt. Ibi pugnatum. supra septem  
 millia hostium cæsa: alii fugati: præda parta  
 ingens. eam propter inopiam ærarii consules  
 vendiderunt. invidiæ tamen res ad exercitum  
 fuit. ea denique tribunis materiam criminandi  
 ad plebem consules præbuit. Itaque ergo, ut <sup>U. C.</sup>  
 magistratu abiere, Sp. Tarpejo, A. AEternio <sup>208.</sup>  
 consulibus, dies dicta est Romilio ab C. Clau-  
 dio Cicerone tribuno plebis; Veturio ab Alic-  
 no ædili plebis. uterque magna patrum indi-  
 gnatione damnatus: Romilius decem millibus  
 æris, Veturius XV. millibus.

CA-

<sup>1</sup> Itaque) Et ita.

<sup>2</sup> Omnibus concionibus suis celebrant) Legi assiduam men-  
 tionem faciunt in omnibus suis ad populum orationibus.

## CAPUT XIII.

*Ad constituendam peregrinis institutis in Civitate concordiam, mittuntur Athenas, qui Atticas leges accipiant.*

**N**Ec hæc priorum calamitas consulum senioriores novos fecerat consules. & se daminari posse ajebant: & plebem, & tribunos legem ferre non posse. Tum abjecta lege, quæ promulgata consenuerat, tribuni lenius agere cum patribus. *Finem tandem certaminum facerent: si plebeia leges displicerent; at illi communiter legum latores, & ex plebe, & ex patribus, qui utrisque utilia ferrent, quaque aquanda libertatis essent, sinerent creari.* Rem non aspernabantur patres, daturum leges neminem, nisi ex patribus, ajebant. Cum de legibus conveniret, de latore tantum discreparet; missi legati Athenas Sp. Postumius Albus, A. Manlius, Ser. Sulpitius Camerinus; jussique inclytas leges Solonis describere, & aliarum Græciæ civitatum instituta, mores, juraque noscere. Ab externis bellis quietus annus fuit: <sup>32.</sup> <sup>U.C.</sup> quietior insequens, P. Curiatio, & Sex. Quintilio consulibus; perpetuo silentio tribunorum. quod primo legatorum, qui Athenas ierant, legumque peregrinarum expectatio præbuit: deinde duo simul mala ingentia exorta, fames pestilentiæque fœda homini, fœda pecori. vastitati agri sunt: urbs assiduè exhausta sinneribus: multæ & claræ i. lugubres domus. Flamen Quirinalis Ser. Cornelius mortuus: augur C. Horatius Pulvillus: in cujus locum Sp. Veturium eo cupidius, quia damnatus a plebe erat, augures legere. mortuus consul Quintilius: quatuor tribuni plebis: multiplici clade fœdatus annus. ab hoste otium fuit. Inde consules T. Menenius, P. Sexpius Capitolinus. neque eo anno quicquam belli externi fuit: domi motus orti.

CA-

( *Lugubres* ) In suctu, ob suorum mortes.

## CAPUT XIV.

*Mutata forma civitatis, Decemviri pro Consulibus sine ullis aliis magistratibus creantur: ab his in decem tabulas jus descriptum populo proponitur.*

**J**Am redierant legati cum Atticis legibus. eo intentius instabant tribuni, ut tandem scribendarum legum initium fieret. Placet creari decemviros sine provocatione, & ne quis eo anno alius magistratus esset. admiscerentur ne plebei, controversia aliquandiu fuit. postremo concessum patribus: modo ne lex Acilia de Aventino, aliæque sacratæ leges abrogarentur. Anno trecentesimo altero, quam condita Roma erat, iterum mutatur forma civitatis, ab consulibus ad decemviros, quemadmodum ab regibus ante ad consules venerat, translato imperio. minus insignis, quia non diuturna, mutatio fuit. leta enim principia magistratus ejus nimis luxuriavere. eo citius lapsa res est; repetitumque, duobus uti mandaretur consulum nomen imperiumque. Decemviri creati Ap. Claudius, T. Genutius, P. Sextius, Sp. Veturius, C. Julius, A. Manlius, Ser. Sulpitius, P. Curvati, T. Romilius, Sp. Postumius Albus. Claudio & Genutio, quia designati consules in eum annum fuerant, pro honore honor redlitus; & Sextio alteri consulum prioris anni, quod eam rem collega invito ad patres retulerat. his proximi legati tres habiti, qui Athenas ierant: simul ut pro legatione tam longinqua præmio esset honos: simul peritos legum peregrinarum ad condenda nova jura usui fore reddebant. supplere ceteri numerum. graves quoque ætate electos novissimis suffragiis fecerunt: quo minus ferociter aliorum scitis adverarentur. regimen totius magistratus penes Apium erat, favore plebis. adeoque novum sui ingenium induerat, ut plebicola repente, minisque auræ popularis captator evaderet, ro truci sævoque insectatore plebis. Decimo die

*(Nimis luxuriaverunt)* Verterunt se in illam quæ prospera mitari solet lasciviam, insolentiam, fastum.

impetum aggrediuntur . comitiorum illi habendorum , quando minimus natus sit , munus consensu injungunt . ars hæc erat , ne semetipse creare posset ; quod præter tribunos plebis , & id ipsum pessimo exemplo , nemo unquam fecisset . ille enimvero ; quod bene vertat , habiturum se comitia professus , impedimentum pro occasione arripuit ; dejectisque honore <sup>al</sup> per \* coitionem duobus Quintiis , Capitolino <sup>con-</sup> & Cincinnato , & patruo suo C. Claudio , <sup>cio-</sup> constantissimo viro in optimatum causa , & aliis <sup>nem.</sup> ejusdem fastigii civibus , nequaquam splendore vitæ pares decemviros creat , se in primis . quod U.C. haud secus factum improbabant boni , quam ne-  
302. mo facere ausurum crediderat . Creati cum eo M. Cornelius Maluginensis , M. Sergius , L. Minutius , Q. Fabius Vibulanus , Q. Porcelius , T. Antonius Merenda , Cæso Duillius , Sp. Oppius Cornicen , M. Rabulejus .

## CAPUT XVI.

*Propter regiam Decemvirosum impotentiam , pristinus Reip. status venit in desiderium .*

36. **I**lle finis Appio alienæ personæ ferendæ fuit . suo jam inde vivere ingenio cœpit , novosque collegas ; jam priusquam inirent magistratum , in suos mores formare . quotidie coibant , remotis arbitris . inde impotentibus instructi consiliis , quæ secreto ab aliis coquebant , jam haud dissimulando superbiam , rari aditus , colloquentibus difficiles , ad idus Majas rem perduxere . Idus tum Majæ solennes ineundis magistratibus erant . Initio igitur magistratus primum honoris diem denuntiatione ingentis terroris insignem fecere . nam cum ita priores decemviri servassent , ut unus fasces haberet , & hoc insigne regium in orbem , suam cujusque vicem , per omnes iret , subito omnes cum duodenis fascibus prodire . centum viginti lictores forum impleverant , & cum fascibus secures illigatas præferbant . nec attinuisse do-  
mi

*( Per coitionem )* Coeundo cum ceteris candidatis adversus ingratos sibi competitores .

mī securim, cum sine provocatione creati essent, interpretabantur. decem regum species erat: multiplicatusque terror non infimis solum, sed primoribus patrum, ratis cædis causam ac principium quæri, ut si quis memorem libertatis vocem aut in senatu aut in populo misisset, statim virgæ securesque etiam ad ceterorum metum expedirentur. nam præterquamquod in populo nihil erat præsidii, sub lata provocatione, intercessionem quoque consensu fustulerunt: cum priores decemviri appellatione collegæ corrigi reddita ab se jura tulissent; & quædam, quæ sui judicii videri possent, ad populum rejecissent. Aliquamdiu æquatus inter omnes terror fuit: paulatim totus vertere in plebem cœpit. abstinēbatur a patribus: in humiliores i libidinoſe crudeliterque consulebatur: hominum, non causarum, toti erant: ut apud quos gratia vim æqui haberet. judicia domi constabant: pronuntiabant in foro. si quis collegam appellasset, ab eo, ad quem venerat, ita discedebat, ut pœniteret non prioris decreto stetisse. Opinio etiam sine auctore exierat, non in præsentis modo temporis eos injuriam conspirasse; sed fœdus clandestinum inter ipsos jurejurando ictum, ne comitia haberent, perpetuoque decemviratu possessum semel retinerent imperium. Circumspectare tum patriciorum vultus plebeii; & inde 37. libertatis captare auram, unde servitutem timendo, in eum statum remp. adduxerant. primores patrum odisse decemviros, odisse plebem: nec probare quæ fierent, & credere haud indignis accidere: avide ruendo ad libertatem, in servitutem elapsos. juvare nolle: cumulare quoque injurias, ut, tædio præsentium, consules duo tandem, & status pristinus rerum in desiderium veniant. Jam & processerat pars major anni: & duæ tabulæ legum ad prioris anni decem tabulas erant adjectæ: nec quicquam jam supererat, si hæ quoque leges centuriatis comitiis perlatae essent, cur eo magistratu

Tom. I. I reip.

4 *Libidinoſe*) Pro libidine, nulla juris aut æquitatis habita ratione.



ad edictum dictatoris præsto fuere. Inde composito agmine non itineri magis apto, quam prælio, si res ita tulisset, legiones ipse dictator, magister equitum suos equites ducit. In utroque agmine, quas tempus ipsum poscebat, adhortationes erant: *adderent gradum; maturato opus esse, ut nocte ad hostem pervenire possent: consulem exercitumque Romanum obsideri, tertium diem jam clausos esse: quid quæque nox aut dies ferat, incertum esse: puncto sape temporis maximarum rerum momenti verti. accelera signifer, sequere miles; inter se quoque, gratificantes ducibus, clamabant: media nocte in Algidum perveniunt: &, ut sentire se jam prope hostes esse, signa constituunt.*

28. Ibi dictator quantum nocte prospici poterat, equo circumvectus, contemplatusque, qui tractus castrorum, quæque forma esset, tribunis militum imperavit, ut sarcinas in unum conjici jubeant, militem cum armis valloque redire in ordines suos. facta, quæ imperavit. Tum quo fuerant ordine in via, exercitum omnem longo agmine circumdat hostium castris: & ubi signum datum sit, clamorem omnes tollere jubet: clamore sublato, ante se quemque ducere fossam, & jacere vallum. Edito imperio, signum secutum est: iussa miles exequitur, clamor hostes circumsonat; superat inde castra hostium, & in castra consulis venit: alibi pavorem, alibi gaudium ingens facit. Romani, civilem esse clamorem, atque auxilium adesse, inter se gratulantes, ultro ex stationibus ac vigiliis territant hostem. Consul differendum negat. *illo clamore non adventum modo significari, sed rem ab suis cœptam: mirumque esse, ni jam exteriori parte castra hostium oppugnentur. itaque arma suos capere, & se subsequi jubet.* 1 Nocte initum prælium est, legionibus dictatoris clamore significantibus ab ea quoque parte rem in discrimine esse. Jam se ad prohibenda circumdari opera Æqui parabant, cum, ab interiore hoste prælio cœpto, ne per media sua castra fieret eruptio, a mu-

*1 Nocte initum prælium est*) A legionibus consulis. Rem in discrimine esse, i. e. pugnari.

munientibus ad pugnautes introrsum versi, vacuam noctem operi dedere. pugnatumque cum consule ad lucem est: luce prima jam circumvallati ab dictatore erant, & vix adversus unum exercitum pugnam sustinebant. tum a Quintiano exercitu, qui confestim a perfecto opere ad arma rediit, invaditur vallum. hic instabat nova pugna, illa nihil remiseraat prior. tum ancipiti malo urgente, a prælio ad preces versi, hinc dictatorem, hinc consulem orare, ne in occisione victoriam ponerent, ut inermes se inde abire sinerent. Ab consule ad dictatorem ire iussis ignominiam infensus addidit. Gracchum Clælium ducem, principesque alios victos ad se adduci jubet: oppido Corbione decedi: *sanguinis se Æquorum non egere, licere abire: sed, ut exprimatur tandem confessio, subactam domitamque esse gentem, sub jugum abituros.* Tribus hastis jugum fit, humi fixis duabus, superque eas transversa una deligata. sub hoc jugo dictator Æquos misit. Castris hostium receptis, plenis omnium rerum, ( nudos enim emiseraat ) prædam omnem suo tantum militi dedit, consularem exercitum, ipsumque consulem increpans, *Carebis, inquit, præda parte miles ex eo hoste, cui prope præda fuisti: & tu, L. Minuti, donec consularem animum incipias habere, legatus his legionibus præeris.* Ita se Minutius abdicat consulatu, iussusque ad exercitum manet. Sed adeo tum imperio meliori animus mansuete obediens erat, ut beneficii magis, quam ignominie hic exercitus memor, & coronam auream dictatori libræ pondere decreverit, & proficiscentem cum patronum salutaverit. Romæ a Q. Fabio præfecto urbis senatus habitus, triumphantem Quintium, quo, veniebat agmine, urbem ingredi iussit. ducti ante currum hostium duces, militaria signa prælata, sicutus exercitus præda onustus. epulæ instructæ dicuntur fuisse ante omnium domos, epulantesque

1 cum carmine triumphali, & 2 solemnibus jocis comesc-

1 Cum carmine triumphali ) Militibus triumphum nomine cientibus.

2 Solemnibus jocis ) Jocis in triumpho usuratis, quos militaris turba fundebat vel in hostes, vel in duces suos, & ipsum imperatorem.

comessantium modo currum secuti sunt. Eo die L. Mamilio Tusculano, approbantibus cunctis, civitas data est. Confestim se dictator magistratu abdicasset, ni comitia M. Volscii falsi testis tenuissent. ea ne impedirent tribuni, dictatoris obstitit metus. Volscius damnatus Lanuvium exulatum abiit. Quintius XVI. die, dictatura in sex menses accepta, se abdicavit. Per eos dies consul Nautius ad Eretum cum Sabinis egregie pugnata, ad vastatos agros ea quoque caldes accessit Sabinis. Minutius Q. Fabius successor in Algidum missus. Extremo anno agitatum de lege ab tribunis est. sed quia duo exercitus aberant, ne quid ferretur ad populum, patres tenuere. plebes vicit, ut quintum eosdem tribunos crearent. Lupos visos in Capitolio ferunt, a canibus fugatos; ob id prodigium lustratum Capitolium esse. Hæc eo anno gesta.

## CAPUT XII.

*Domi fieri ceptas seditiones comprimit illatus ab Æquis terror: delectum tribuni permittunt eo pacto, ut tribunorum numerus augeatur. Missi contra hostes consules, superant. Ob divenditam prædam die dicta a tribunis damnantur.*

U. C.  
295.  
30.  
Sequuntur consules Q. Minutius, C. Horatius Pulvillus. Cujus initio anni cum foris otium esset, domi seditiones iidem tribuni, eadem lex faciebat. ulteriusque ventum foret, adeo exarserant animis, ni, velut dedita opera, nocturno impetu Æquorum Corbione amissum præsidium, nuntiatum esset. Senatum consules vocant. jubentur subitarium scribere exercitum, atque in Algidum ducere. Inde posito legis certamine, nova de delectu contentio exorta. vincebaturque consulare imperium tribunitio auxilio, cum alius additur terror, Sabinum exercitum prædatum descendisse in agros Romanos, inde ad urbem venire. is metus perculit, ut scribi militem tribuni sinerent, non sine pactione tamen: ut, quoniam ipsi quinquennium elusi essent, parvumque id plebi præsidium foret, decem deinde tribuni plebis crea-

crearentur. Expresit hoc necessitas patribus .  
 id modo excepere, ne postea eosdem tribunos ju-  
 berent. Tribunitia comitia, ne id quoque post  
 bellum, ut cetera, vanum esset, extemplo ha-  
 bita. Tricesimosexto anno a primis tribunis  
 plebis decem creati sunt, bini ex singulis clas-  
 sibus. <sup>1</sup> itaque cautum est, ut postea crearen-  
 tur. Delectu deinde habito, Minutius contra  
 Sabinos profectus non invenit hostem: Hora-  
 tius, cum jam AEqui, Corbione interfecto præ-  
 sidio, Ortonam etiam cepissent, in Algido pu-  
 gnat. multos mortales occidit, fugat hostem  
 non ex Algido modo, sed a Corbione, Orto-  
 naque. Corbionem etiam diruit propter prodi-  
 tum præsidium. Deinde M. Valerius, Sp. Vir-  
 giniius consules facti Domi forisque otium  
 fuit. annona propter aquarum intemperiem la-  
 boratum est. De Aventino publicando lata lex  
 est. Tribuni plebis iidem relecti. Hi sequente  
 anno T. Romilio, & Sp. Veturio consulibus, <sup>U. C.</sup>  
 legem <sup>2</sup> omnibus concionibus suis celebrant. <sup>296.</sup>  
 Pudere se numeri sui nequicquam aucti, si ea res  
 æque suo biennio jaceret, ac toto superiore lu-  
 stro jacuisset. Cum maxime hæc agerent, tre-  
 pidi nuntii ab Tusculo veniunt, AEquos in a-  
 gro Tusculano esse. Fecit pudorem recens ejus  
 populi meritum morandi auxilii. ambo consu-  
 les cum exercitu missi hostem in sua sede in  
 Algido inveniunt. Ibi pugnatum. supra septem  
 millia hostium cæsa: alii fugati: præda parta  
 ingens. eam propter inopiam ærarii consules  
 vendiderunt. invidiæ tamen res ad exercitum  
 fuit. ea denique tribunis materiam criminandi  
 ad plebem consules præbuit. Itaque ergo, ut <sup>U. C.</sup>  
 magistratu abiere, Sp. Tarpejo, A. AEternio <sup>297.</sup>  
 consulibus, dies dicta est Romilio ab C. Clau-  
 dio Cicerone tribuno plebis; Veturio ab Ali-  
 eno ædili plebis. uterque magna patrum indi-  
 gnatione damnatus: Romilius decem millibus  
 æris, Veturius XV. millibus.

CA-

<sup>1</sup> Itaque) Et ita.

<sup>2</sup> Omnibus concionibus suis celebrant; Leg's assiduum men-  
 tionem faciunt in omnibus suis ad populum orationibus.

## CAPUT XIII.

*Ad constituendam peregrinis institutis in Civitate concordiam, mittuntur Athenas, qui Atticas leges accipiant.*

**N** Ec hæc priorum calamitas consulum senioriores novos fecerat consules. & se daminari posse aiebant: & plebem, & tribunos legem ferre non posse. Tam abjecta lege, quæ promulgata consenuerat, tribuni lenius agere cum patribus. *Finem tandem certaminum facerent: si plebeia leges displicerent; at illi communiter legum latores, & ex plebe, & ex patribus, qui utrisque utilia ferrent, quaque aquanda libertatis essent, sinerent creari.* Rem non aspernabantur patres, daturum leges neminem, nisi ex patribus, aiebant. Cum de legibus conveniret, de latore tantum discreparer; missi legati Athenas Sp. Postumius Albus, A. Manlius, Ser. Sulpitius Camerinus; iustique inclytas leges Solonis describere, & aliarum Græciæ civitatum instituta, mores, iuraque noscere. Ab externis bellis quietus annus fuit: <sup>32.</sup> <sup>U.C.</sup> <sup>299.</sup> quietior insequens, P. Curiatio, & Sex. Quintilio consulibus; perpetuo silentio tribunorum. quod primo legatorum, qui Athenas ierant, legumque peregrinarum expectatio præbuit: deinde duo simul mala ingentia exorta, fames pestilentiaque fœda homini, fœda pecori. vilitati agri sunt: urbs assiduis exhausta funeribus: multæ & claræ i. lugubres domus. Flamen Quirinalis Ser. Cornelius mortuus: augur C. Horatius Pulvillus: in cuius locum Sp. Veturium eo cupidius, quia damnatus a plebe erat, augures legere. mortuus consul Quintilius: quatuor tribuni plebis: multiplici clade fœdatus annus. ab hoste otium fuit. Inde consules T. Menenius, P. Sextius Capitolinus. neque eo anno quicquam belli externi fuit: domi motus orti.

CA-

( Legatus ) In luctu, ob suorum mortes.

## CAPUT XIV.

*Mutata forma civitatis, Decemviri pro Consulibus sine ullis aliis magistratibus creantur: ab his in decem tabulas jus descriptum populo proponitur.*

**J**Am redierant legati cum Atticis legibus. eo intentius instabant tribuni, ut tandem scribendarum legum initium fieret. Placet creari decemviros sine provocatione, & ne quis eo anno alius magistratus esset. admiscerentur ne plebei, controversia aliquamdiu fuit. postremo concessum patribus: modo ne lex Acilia de Aventino, aliæque sacratæ leges abrogarentur. Anno trecentesimo altero, quam condita Roma erat, iterum mutatur forma civitatis, ab consulibus ad decemviros, quemadmodum ab regibus ante ad consules venerat, translatum imperio. minus insignis, quia non diuturna, mutatio fuit. lata enim principia magistratus ejus nimis luxuriare. eo citius lapsa res est; repetitumque, duobus uti mandaretur consulum nomen imperiumque. Decemviri creati Ap. Claudius, T. Genutius, P. Sextius, Sp. Veturius, C. Julius, A. Manlius, Ser. Sulpitius, P. Curvius, T. Romilius, Sp. Postumius Albus. Claudio & Genutio, quia designati consules in eum annum fuerant, pro honore honor reditus; & Sextio alteri consulum prioris anni, quod eam rem collega invito ad patres retulerat. his proximi legati tres habiti, qui Athenas ierant: simul ut pro legatione tam longinqua præmio esset honos: simul peritos legum peregrinarum ad condenda nova jura usui fore reddebant. supplere ceteri numerum. graves quoque ætate electos novissimis suffragis fecunt: quo minus ferociter aliorum scitis adversarentur. regimen totius magistratus penes Appium erat, favore plebis. adeoque novum huius ingenium induerat, ut plebicola repente, omnisque auræ popularis captator evaderet, pro truci sævoque insectatore plebis. Decimo die

(Nimis luxuriare) Venterunt se in illam quæ prospera comitari solet lasciviam, insolentiam, fastum.

die jus populo singuli reddebant. eo die i penes præfectum juris falces duodecim erant, collegis novem singuli accensi apparebant. & unica concordia inter ipsos, qui consensus in conciliis privatis interdum inutilis esset, summa adversus alios æquitas erat. Moderationis eorum argumentum exemplo unius rei notasse satis erit. Cum sine provocatione creati essent: defosso cadavere domi apud P. Sextium patriciæ gentis virum invento, prolatoque in concionem, in re juxta manifesta atque atroci C. Julius decemvir diem Sextio dixit; & accusator ad populum exitit, cujus rei judex legitimus erat; decessitque jure suo, ut dentum de vi magistratus, populi libertati adjiceret. Cum promtum hoc jus velut ex oraculo, incorruptum pariter ab his summi infimique ferrent, tum legibus condendis opera dabatur; ingentique hominum expectatione propositis decem tabulis, populum ad concionem advocaverunt: & quod bonum, faustum, felixque reipublica, ipsis, liberisque eorum esset, ire, & legere leges propositas jussere: se, quantum decem hominum ingenis provideri potuerit, omnibus summis infimisque jura aquasse. plus pollere multorum ingenia, consiliaque. versarent in animis secum unamquamque rem, agitent deinde sermonibus: atque in medium, quid in quaque re plus, minusve esset, conferrent. eas leges habiturum populum Romanum, & quas consensus omnium invenisse, nec jussisse latas magis, quam tulisse videri posset. Cum ad rumores hominum de unoquoque legum capite edito, satis correctæ viderentur, centuriatis comitiis X. tabularum leges perlatæ sunt: qui nunc quoque, in hoc immenso aliarum super alias acervatarum legum cumulo, fons omnis publici, privati que est juris.

## CA-

1 Penes præfectum juris ) Penes eum Decemvirum qui juri dicundo præfectus erat.

2 Quas consensus omnium, non jussisse latas magis, quam tulisse ) Ferre leges, magistratum erat; jubere, populi.

## CAPUT XV.

Ut ad decem tabulas alia dua adicerentur; comitia Decemviris iterum creandis indicuntur. Per summam ambitionem Ap. Claudius Decemvir magistratum sibi continuat.

**V**ulgatur deinde rumor, duas deesse tabulas, quibus adiectis absolvi posse velut corpus omnis Romani juris. Ea expectatio, cum dies comitiorum appropinquaret, desiderium decemviros iterum creandi fecit. Jam plebs, præterquam quod consulum nomen haud secus, quam regum perosa erat, ne tribunitorium quidem auxilium, cedentibus invicem<sup>1</sup> appellatione decemviris, quærebat. Postquam vero comitia decemviris creandis in trinum nundinum indicta sunt,<sup>2</sup> tanta exarsit ambitio, ut primores quoque civitatis (metu credo, ne tanti possessio imperii, vacuo ab se relicto loco, haud satis dignis pateret) prehensarent homines, honorem summa ope ab se impugnatum, ab ea plebe, cum qua contenderent, suppliciter petentes. Dimissa jam in discrimen dignitas, ea ætate, hisque honoribus actis, stimulabat Ap. Claudium, nescires, utrum inter decemviros, an inter candidatos numerares. propior interdum petendo, quam gerendo magistratui erat. criminari optimates, extollere candidatorum levissimum quemque, humilimumque. ipse medius inter tribunitios Duillios, Iciliosque in foro volitare, per illos se plebi venditare. donec collegæ quoque, qui unice illi dediti fuerant ad id tempus, conijecere in eum oculos, mirantes, quid sibi vellent: apparere nihil sinceri esse: *profecto haud gratuitam in tanta superbia comitatem fore: nimium in ordinem se ipsum cogere; & vulgari cum privatis, non tam properantis abire magistratu, quam viam ad continuandum magistratum querentis esse.* Propalam obviam ire cupiditati parum ausi, obsecundando mollire

<sup>1</sup> Appellatione) I. e. si quis civis sese ab aliquo ex iis factum ratus, collegam ejus appellaret.

<sup>2</sup> Tanta exarsit ambitio), Tantus fuit ardor petendi honoris.



impetum aggrediuntur . comitiorum illi habendorum , quando minimus natus sit , munus consensu injungunt . ars hæc erat , ne semetipse creare posset : quod præter tribunos plebis , & id ipsum pessimo exemplo , nemo umquam fecisset . ille enimvero ; quod bene vertat , habiturum se comitia professus , impedimentum pro occasione arripuit ; dejectisque honore <sup>al</sup> per \* coitionem duobus Quintiis , Capirolino <sup>con-</sup> & Cincinnato ; & patruo suo C. Claudio ; <sup>cio-</sup> constantissimo viro in optimatum causa , & aliis <sup>nem.</sup> ejusdem fastigii civibus , nequaquam splendore vitæ pares decemviros creat , se in primis . quod <sup>U.C.</sup> haud secus factum improbabant boni , quam ne <sup>302.</sup> mo facere ausurum crederat . Creati cum eo M. Cornelius Maluginensis , M. Sergius , L. Minutius , Q. Fabius Vibulanus , Q. Pœtelius , T. Antonius Merenda , Cæso Duillius , Sp. Oppius Cornicen , M. Rabulejus .

## C A P U T XVI.

*Propter regiam Decemvirorum impotentiam , pristinus Resp. status venit in desiderium .*

<sup>36.</sup> **I**lle finis Appio alienæ personæ ferendæ fuit . suo jam inde vivere ingenio cœpit , novosque collegas ; jam priusquam inirent magistratum , in suos mores formare . quotidie coibant , remotis arbitris . inde impotentibus instructi consiliis , quæ secreto ab aliis coquebant , jam haud dissimulando superbiam , rari aditus , colloquentibus difficiles , ad idus Majas rem perduxere . Idus tum Majæ solemnes ineundis magistratibus erant . Initio igitur magistratus primum honoris diem denuntiatione ingentis terroris insignem fecere . nam cum ita priores decemviri servassent ; ut unus fasces haberet , & hoc insigne regium in orbem , suam cuiusque vicem , per omnes iret , subito omnes cum duodenis fascibus prodire . centum viginti lictores forum impleverant , & cum fascibus secures illigatas præferbant . nec attinuisse do-  
mi

*( Per coitionem )* Coeundo cum ceteris candidatis adversus ingratos sibi competitores .

mī securim, cum sine provocatione creati essent, interpretabantur. decem regum species erat: multiplicatusque terror non infimis solum, sed primoribus patrum, ratis cædis causam ac principium quæri, ut si quis memorem libertatis vocem aut in senatu aut in populo misisset, statim virgæ secureque etiam ad ceterorum metum expedirentur. nam præterquamquod in populo nihil erat præsidii, sublata provocatione, intercessionem quoque consensu sustulerunt: cum priores decemviri appellatione collegæ corrigi reddita ab se iura tulissent; & quædam, quæ sui iudicii videri possent, ad populum rejecissent. Aliquamdiu æquatus inter omnes terror fuit: paulatim totus vertere in plebem cœpit. abstinēbatur a patribus: in humiliores i libidinosē crudeliterque consulebatur: hominum, non causarum, toti erant: ut apud quos gratia vim æqui haberet. iudicia domi constabant: pronuntiabant in foro. si quis collegam appellasset, ab eo, ad quem venerat, ita discedebat, ut pœniteret non prioris decreto stetit. Opinio etiam sine auctore exierat, non in præsentis modo temporis eos injuriam conspirasse; sed foedus clandestinum inter ipsos iurejurando ictum, ne comitia haberent, perpetuoque decemviratu possessum semel retinerent imperium. Circumspectare tūm patriciorum vultus plebei; & inde 37. libertatis captare auram, unde servitutem timendo, in eum statum remp. adduxerant. primores patrum odisse decemviros; odisse plebem: nec probare quæ fierent, & credere haud indignis accidere: avide ruendo ad libertatem, in servitutem elapsos. juvare nolle: cumulare quoque injurias, ut, tædio præsentium, consules duo tandem, & status pristinus rerum in desiderium veniant. Jam & processerat pars major anni: & duæ tabulæ legum ad prioris anni decem tabulas erant adjectæ: nec quicquam jam supererat, si hæ quoque leges centuriatis comitiis perlatae essent, cur eo magistratu

Tom. I. I reip.

4 *Libidinosē*) Pro libidine, nulla juris aut æquitatis habita ratione.

reip. opus esset. 1 expectabant quam mox consulibus creandis comitia edicerentur. Id modo plebs agitabat, quonam modo tribunitiam potestatem, munimentum libertatis, rem intermissam, repararent: cum interim mentio comitiorum nulla fieri: & decemviri, qui primo tribunitios homines, quia id populare habebatur, circum se ostentaverant plebi, patriciis juvenibus sepeferant latera: eorum catervæ tribunalia obsidebant. Hi 2 ferre, agere plebem plebisque res, cum fortuna, qua quicquam cupitum foret, potentioris esset. & jam ne tergo quidem abstinerebatur; virgis cædi alii, alii securi subijci: & ne gratuita crudelitas esset, bonorum donatio sequi domini supplicium. Hac mercede juvenus nobilis corrupta, non modo non ire obviam injuriæ, sed propalam licentiam suam malle, quam omnium libertatem.

## CAPUT XVII.

*Decemviri & in hunc annum retinent magistratum: Sabinis, & Æquis in agrum Romanum incurrentibus, cum propterea illi senatum indicere, Patres agre parent.*

38. **I**Dus Majæ venere, nullis subrogatis magistratibus. privati pro decemviris neque animis 3 ad imperium inhibendum imminutis, neque 4 ad speciem honoris insignibus produnt. Id vero regnum haud dubie videri: deploratur in perpetuum libertas: nec vindex quisquam existit, aut futurus videtur. Nec ipsi solum desponderant animos, sed contemni cæpti erant a finitimis populis: imperiumque ibi esse, ubi non esset libertas, indignabantur. Sabinum magna manu incursionem in agrum Romanum fecere: latque populati, cum hominum atque pecudum inultri prædas egissent, recepto ad Eretum, quod passim vagatum erat, agmine, castra locant: spem in discordia Romana ponentes, eam impedimentum delectui fore. Non nun-

1 *Expectabant quam mox*) Propeterea futurum credebant ut . . .

2 *Ferre, agere*) Dirigere.

3 *Ad imperium inhibendum*) Exercendum,

4 *Ad speciem*) Ad pompam & ostentationem.

nuntii solum, sed per urbem agrestium fuga  
 trepidationem iniecit. decemviri contulerant,  
 quid opus facto sit. destitutis inter patrum  
 & plebis odia, addit terrorem insuper alium  
 fortuna. Æqui alia ex parte castra in Algido  
 locant: depopulatumque inde excursionibus  
 Tusculanum agrum, legati ab Tusculo præsi-  
 dium orantes, nuntiant. Is pavor perculit de-  
 cemviros, ut senatum, simul duobus circum-  
 stantibus urbem bellis, consulerent. citari ju-  
 bent in curiam patres, haud ignari, quanta in-  
 vidia immineret tempestas: omnes vastari agri,  
 periculorumque imminentium causas in se con-  
 gesturos: tentationemque eam fore abolendi ti-  
 bi magistratus, ni consensu resisterent, impe-  
 rioque inhibendo acriter in paucos præferocis  
 animi, conatus aliorum comprimerent. Post-  
 quam audita vox in foro est præconis, patres  
 in curiam ad decemviros vocantis, velut nova  
 res, quia intermiserant jamdiu morem consu-  
 lendi senatus, mirabundam plebem convertit,  
*quidnam incidisset, cur ex tanto intervallo rem*  
*desuetam usurparent. hostibus belloque gratiam*  
*habendam, quod solum quicquam libera civi-*  
*tatis fieret.* circumspicere omnibus fori parti-  
 bus senatorem, raroque usquam noscitare: cu-  
 riam inde, ac solitudinem circa decemviros in-  
 tueri: cum & ipsi invisum consensu imperium;  
 & plebs, quia privatis jus non esset vocandi  
 senatum, non convenire patres, interpretaren-  
 tur. jam caput fieri libertatem repetentium, si  
 se plebis comitem senatui det, & quemadmodum  
 patres vocati non coeant in senatum, sic plebs  
 abnuat delectum. Hæc fremebat plebs. Patrum  
 haud fere quisquam in foro, in urbe rari e-  
 rant. indignitate rerum cesserant in agros,  
 & suarumque rerum erant, amissa publica: tan-  
 tum ab injuria se abesse rati, quantum a cœ-  
 tu congressuque impotentium dominorum se  
 amovissent. Postquam citati non conveniebant,  
 dimissi circa domos apparitores simul ad pi-  
 gnora capienda, sciscitandumque, num consul-  
 to detrectarent; referunt, senatum in agris es-  
 se.

I 2

1. *Suarum ... re. um. trans. am. Is. pullina*) Amissa, reipubli-  
 ca possessione.

se. Lælius id decemviris accidit, quam si, præ-  
sentes detrectare imperium, referrent. jubent ac-  
ciri omnes, senatumque in diem posterum edi-  
cunt. qui aliquanto spe ipsorum frequentior  
convenit. quo facto proditam a patribus plebs  
libertatem rata, quod iis, qui jam magistratu  
\* al. abiissent, privatisque \* jus abesset, tamquam  
si vis jure cogentibus senatus paruisset.

## C A P U T XVIII.

*M. Horatius Barbatus vehementer oppugnat in  
senatu Decemviros: tuetur acriter contra L.  
Cornelius Maluginensis: res ad certamen venit;  
quo diremto, Decemviri id, quod retulerant,  
tenent: delectus edicitur.*

39. **S**ed magis obedienter ventum in curiam est,  
quam i obnoxie dictas sententias accepimus.  
L. Valerium Potitum proditum memoriæ est,  
post relationem Ap. Claudii, priusquam ordi-  
ne sententiæ rogarentur, postulando, ut de rep.  
liceret dicere, prohibentibus minaciter decem-  
viris, proditurum se ad plebem denuntiantem,  
tumultum excivisse: nec minus ferociter M. Ho-  
ratium barbatum ille in certamen, X. Tarqui-  
nios appellansem, admonentemque, Valeriis,  
& Horatiis ducibus pulsos reges: nec no-  
minis homines tum pertasum esse, quippe quo  
Jovem appellari fas sit, quo Romulum condito-  
rem urbis, deincepsque reges appellatos; quod  
sacris etiam ut solemne retentum sit: superbiam,  
violentiamque tum perosos regis: qua si in re-  
ge tum eodem, aut in filio regis ferenda non fue-  
rint, quem laturum in tot privatis? viderent,  
ne, vetando in curia libere homines loqui, ex-  
tra curiam etiam moverent vocem: neque se vi-  
dere, qui sibi minus privato ad concionem po-  
pulum vocare, quam illis senatum cogere li-  
ceat: ubi vellent, experirentur, quanto fero-  
cior dolor in libertate sua vindicanda, quam  
cupiditas in injusta dominatione esset. De  
bello Sabino eos referre, tamquam majus ul-  
lum populo Romano bellum sit, quam cum iis,  
qui legum ferendarum causa creati, nihil ju-  
ris

i Obnoxie & Timide, tamquam ab humilliter servientibus.

vis in civitate reliquerint : qui comitia , qui annuos magistratus , qui vicissitudinem imperitandi , quod unum exaquanda sit libertatis ; sustulerint : qui privati fasces & regium imperium habeant . Fuisse regibus exactis patricios magistratus ; creatos postea post secessionem plebis plebeios . cujus illi partis essent , rogitare . populares ? quid enim eos per populum egisse ? optimates ? qui anno jam prope senatum non haberint ; tunc ita habeant , ut de repub. loqui prohibeant ? ne nimium in metu alieno spei ponerent : graviora , qua patiantur , videri jam hominibus , quam qua metuant . Hæc vociferante Horatio , cum decemviri nec iræ nec ignoscendi modum reperirent ; nec , quo evasura res esset , cernerent : C. Claudii , qui patruus Appii decemviri erat , oratio fuit precibus , quam jurgio similis , orantis per sui fratris , parentisque ejus manes , ut civilis potius societatis , in qua natus esset , quam fœderis nefarie iſti cum collegis , meminisset : multo id magis se illius causa orare , quam reipublica . quippe rempub. si a volentibus nequeat , ab invitis jus expectituram : sed ex magno certamine magnas excitari ferme iras , earum eventum se horrere . Cum aliud , præterquam de quo retulissent , decemviri dicere prohiberent ; Claudium interpellandi verecundia fuit . sententiam igitur peregit , nullum placere senatus consultum fieri . omnesque ita accipiebant , privatos eos a Claudio judicatos : multique ex consularibus verbo assensu sunt . Alia sententia , asperior in speciem , vim minorem aliquanto habuit , quæ patricios coire ad prodendum interregem jubebat . censebat enim , non eos magistratus esse , qui senatum haberent , quos privatos fecerat auctor nullius senatus consulti faciendi . Ita labante jam causa decemvirorum , L. Cornelius Maluginensis M. Cornelii decemviri frater , cum ex consularibus ad ultimum dicendi locum consulto servatus esset , simulando curam belli , fratrem collegasque ejus ruebatur : *quoniam facto incidisse , mirari se dictitans , ut decemviros , qui*

1 Nec iræ , nec ignoscendi modum ) Nec quatenus exerceant iras , nec quatenus patientia uti deberent .

decemviratum petissent, aut socii, aut hi maxime oppugnarent: aut quid ita, cum per tot menses, vacua civitate, nemo, justine magistratus summa rerum præessent, controversiam fecerit: nunc demum, cum hostes prope ad portas sint, civiles discordias serant: nisi quod in turbido minus perspicuum fore putent, quod agatur: ceterum neminem, majore cura occupatis animis, & verum esse præjudicium rei tanta offerre. sibi placere de eo, quod Valerius, Horatiusque ante idus. Majas. decemviros abisse magistratu insimulent, bellis, qua immineant, perfectis, republica in tranquillum redacta, senatu disceptante agi: & jam nunc ita se parare Ap. Claudium, ut comitorum, qua decemviris creandis decemvir ipse habuerit, sciat, sibi rationem reddendam esse, utrum in unum annum creati sint, an donec leges, qua deessent, perferrentur. in præsentia omnia præter bellum omitti placere. cujus si falso famam vulgatam, vanaque non nuntios. solum, sed Tusculanorum etiam legatos attulisse putent; speculatores mittendos censere, qui certius explorata referant. sin fides & nuntiis & legatis habeatur, delectum primo quoque tempore haberi: decemviros, quo cuique eorum videatur, exercitus ducere: nec rem aliam præverti. 2 In hanc sententiam ut discederentur, juniores patrum evincebant. ferociioresque iterum coorti Valerius Horatiusque vociferari, ut de republica liceret dicere: dicturos ad populum, si in senatu per factionem non liceat. neque enim sibi privatos aut in curia, aut in concione posse abitare: neque se imaginariis fascibus eorum cessuros esse. Tum Appius jam prope esse ratus, ut, ni violentiæ eorum pari resisteretur audacia, victum imperium esset: Ne erit melius, inquit, nisi de quo consuli-mus, vocem misisse. & ad Valerium negan-

rem

1 Verum) Æquum. Præjudicium est quod prius judicatum, aliquod momentum affert ad futurum judicium.

2 In hanc sententiam ut discederentur) Discedere hac in re proprium est, ductum ab illa referentis de re aliqua formula: Qui hoc censeris, illuc transire; qui alia omnia, in hanc partem.

rem i se privato reticere, lictorem accedere iussit. Jam Quiritium fidem implorante Valerio a curiæ limine, L. Cornelius complexus Appium, non cui simulabat consulendo diremit certamen. factaque per Cornelium Valerio dicendi gratia, quæ veller, cum libertas non ultra vocem excessisset, decemviri propositum tenuere. consulares quoque ac seniores ab residuo tribunariæ potestatis odio, cuius desiderium plebi multo acrius, quam consularis imperii, rebantur esse, prope malebant postmodum ipsos decemviros voluntate abire magistratu, quam invidia eorum exurgere rursus plebem: si leniter ducta res sine populari strepitu ad consules redisset, aut bellis interpositis, aut moderatione consulum in imperiis exercendis, posse in oblivionem tribunorum plebem adduci. Silentio patrum edicatur delectus. juniores, cum sine provocatione imperium esset, ad nomina respondent. Legionibus scriptis, & inter se decemviri comparabant, quos ire ad bellum, quos præstare exercitibus oporteret.

## CAPUT XIX.

*Male a Decemviris cum Sabinis, & Æquis res administratur.*

**P**Rincipes inter decemviros erant Q. Fabius, & Ap. Claudius. bellum domi majus, quam foris apparebat. Appii violentiam aptiorem rati ad comprimendos urbanos morus: & in Fabio minus in bono constans, quam gnavum in \* malitia ingenium esse. hunc enim \* al. virum egregium olim domi militiæque decem- in, viratus, collegæque ita mutaverant, ut Appii, mi- quam sui, similis mallet esse. huic bellum in litia. Sabinis, M. Rabulejo, & Q. Perilio additis collegis, mandatum. M. Cornelius in Algidum missus cum L. Minutio, & T. Anronio, &

I 4.

Cæso-

1 *Se privato reticere*) Se reticere ex iussa privati hominis. *Privato* in dandi casu.

2 *Inter se ... comparabant*) Inter se communi consilio decernebant.

3 *In Fabio minus*) I. e. Fabio magis esse ingenium non constans, sive inconstans in bono, quam gnavum. In malitia.



Cæsone Duillio, & M. Sergio. S. Oppium Ap. Claudio adiutorem ad urbem tuendam æquo omnium decemvirorum imperio decernunt. Nihilò militiæ, quam domi, melius respub. administrata est. illa modo in ducibus culpa, quod, ut in odio essent civibus, fecerant; alia omnis penes milites noxia erat. qui ne quid ductu, atque auspicio decemvirorum prospere usquam gereretur, vinci se per suum atque illorum dedecus pariebantur. Fusi & ab Sabinis ad Eretum, & in Algido ab Æquis exercitus erant. ab Ereto per silentium noctis profugi propius urbem inter Fidenas Crustomeriamque loco edito castra communicant. persecutis hostibus nusquam se æquo certamine committentes, natura loci ac vallo, non virtute aut armis, tutabantur. Majus flagitium in Algido: major etiam clades accepta: castra quoque amissa erant: exutusque omnibus utensilibus miles Tusculum se fide, misericordiaque victurus hospitum (qui tum non fefellerunt) contulerat. Romam tanti erant terrores allati, ut, posito jam decemvirali odio, patres vigilias in urbe habendas censerent: omnes, qui per ætatem arma ferre possent, custodire mœnia, ac pro portis stationes agere juberent: arma Tusculum ad supplementum decernerent, decemvirosque ab arce Tusculi digressos in castris militem habere: castra alia a Fidenis in Sabinum agrum transferri, belloque ultro inferendo deterreri hostes a consilio urbis oppugnandæ.

## CAPUT XX.

*Duo nefanda Decemvirorum scelera: L. Siccus eorum jussu interficitur: Appius ingenuam Virginem stupro destinans, mittit qui in servitutem illam asserat; in jus apud se vocatam nititur improbo decreto opprimere.*

43. **A**D clades ab hostibus acceptas duo nefanda facinora decemviri belli domique adjiciunt. L. Siccium in Sabinis per invidiam decemviralem tribunorum creandorum, secessionisque mentiones ad vulgus militum sermonibus occult.

occultis serentem, prospectatum ad locum castris capiendum mittunt. datur negotium militibus, quos miserant expeditionis ejus comites, ut eum opportuno adorti loco interficerent. Haud inultum interfecere. nam circa repugnantem aliquot insidiatores cecidere: cum ipse se prævalidus pari viribus animo circumventus tutaretur. Nuntiant in castra ceteri, præcipitatum in insidias esse Siccium egregie pugnantem, militesque quosdam cum eo amissos. Primo fides nuntiantibus fuit: profecta deinde cohors ad sepeliendos, qui ceciderant, decemvirorum permissu, postquam nullum spoliatum ibi corpus, Sicciumque in medio jacentem, armatumque omnibus in eum versis corporibus videre: hostium neque corpus ullum, nec vestigia abeuntium: profecto ab suis interfectum memorantes retulere corpus. invidiæque plena castra erant, & Romam ferri protinus Siccium placebat, ni decemviri funus militare ei publica impensa facere maturassent. Sepultus ingenti militum mœstitia, pessima decemvirorum in vulgus fama, est. Sequitur aliud in urbe<sup>44.</sup> nefas ab libidine ortum, haud minus fœdo eventu, quam quod per stuprum eademque Lucrætiæ urbe regnoque Tarquinius expulerat: ut non finis solum idem decemviris, qui regibus, sed causa etiam eadem imperii amittendi esset. Ap. Claudium virginis plebeïæ stuprandæ libidō cepit. pater virginis L. Virginii honestum ordinem in Algido ducebat, vir exempli recti domi militiæque: perinde uxor instituta fuerat, liberi quoque instituebantur. desponderat filiam L. Icilio tribunitio, viro acri, & pro causa plebis expertæ virtutis; hanc virginem adultam, forma excellentem Appius amore ardens pretio ac spe pellicere adortus, postquam omnia pudore septa animadverterat, ad crudelem superbamque vini animum convertit. M. Claudio clienti negotium dedit, ut virginem in servitutem assereret: neque cederet secundum libertatem postulantibus, vindicias:

I 5

quod

1 *Vindicias*) *Vindiciæ* sunt momentanea possessio rei controversæ, donec de ipsa rei proprietate decretorio iudicio statuatur.

quod pater puellæ abesset, locum injuriæ esse: ratus. virgini venienti in forum (ibi namque in tabernis litterarum ludi erant) minister. decemviri libidinis manum injecit, serva suam, servamque appellans esse: sequique se jubebat, cunctantem vi abstracturum. Pavidam puella stupente, ad clamorem nutricis fidem Quiritium implorantis fit concursus. Virginii patris sponsique Icili populari nomen celebratur notos gratia eorum, turbam indignitas rei virgini conciliat. Jam a vi tuta erat, cum 1. assertor nihil opus esse multitudine concitata, ait: se jure grassari, non vi: vocat puellam in jus, auctoribus qui aderant, ut sequeretur. ad tribunal Appii perventum est. notam judici fabulam petitor, quippe apud ipsum auctorem argumenti, peragit. puellam domi suæ natam, furtoque inde in domum Virginii. translatam, suppositam ei esse. id se indicio compertum asserre, probaturumque: vel ipso Virginio judice, ad quem major pars injuriæ ejus pertineat. interim dominum sequi ancillam æquum esse. 2. Advocati puellæ, cum Virginium reip. causa dixissent abesse, biduo assuturum, si nuntiatum ei sit; iniquum esse absentem de liberis dimicare: postulant, ut rem integram in patris adventum differat: lege ab ipso lata vindicias det secundum libertatem, ne patiatur, virginem adultam famæ prius, quam libertatis periculum adire. Appius decreto præfatus, *quam libertati faverit, eam ipsam legem declarare, quam Virginis amici postulationi sua pretendant. ceterum ita in ea firmum libertati fore presidium, si nec causis nec personis variet. in his enim, qui asserantur in libertatem, quia quisvis lege agere possit, id juris esse: in ea, quæ in patris manu sit, neminem esse alium, cui dominus possessione cedat. placere itaque patrem arcesse: interea juris sui jacturam assertorem non facere, quin ducat puellam, sistendamque in adventum ejus, qui pater dicatur, promittat.*

CA.

1. *Assertor*). M. Claudius, qui virginem in servitutem asserbat,

2. *Advocati puella*) *Advocatus* est, qui aut jus suggerit, aut præsentiam suam in judicio commodat.

## CAPUT XXI.

*Fædo Appii iudicio virginis avunculus, & sponsus resistunt: illa, dum pater absens accitur, parentibus, datis sponsoribus, vindicatur.*

**A**Dversus injuriam decreti cum multi magis fremerent, quam quisquam unus recusare auderet; P. Numitorius puellæ avunculus, & sponsus Icilius interveniunt: dataque inter turbam via, cum multitudo Iciliï maxime interventu resisti posse Appio crederet, licitor decreesse ait: vociferantemque Icilium summovet. Cum placidum quoque ingenium tam atrox injuria accendisset: *Ferrô hinc tibi summovendus sum, Appi, inquit, 1 ut tacitum feras, quod celari vis. virginem ego hanc sum ducturus, nuptam pudicamque habiturus. proinde omnes collegarum quoque lictores convoca: expediri virgas & secures jube: non manebit extra domum patris sponsa Iciliï: non, si tribunitium auxilium, & provocationem plebi Romana, duas arcas libertatis tuenda ademstis, ideo in liberos quoque nostros conjugesque regnum vestra libidini datum est. savite intergum, & in cervices nostras, pudicitia saltem in tuto sit. Huic si vis asferetur, ego presentium Quiritium pro sponsa, Virginiius militum pro unica filia, omnes deorum hominumque implorabimus fidem: 2 neque tu istud umquam decretum sine cade nostra referes: postulo, Appi, etiam atque etiam consideres, quo progrediare. Virginiius viderit de filia, ubi venerit, quid agat, hoc tantum sciat, sibi, 3 si hujus vindictis cesserit, conditionem filia querendam esse. me vindicantem sponsam in libertatem vita citius deseret, quam fides. Concitata multitudo erat, certamenque instare videbatur. lictores Icilium circumsteterant: nec ultra minas tamen processum est, cum Appius non Virginiam defendi ab Icilio, sed inquietum*

I 6.

homi-

1 *Ut tacitum feras*) Ut per silentium ac nemine fecitante consequare id quod celari vis.

2 *Neque tu istud... decretum... referes*) I. e. neque tu id, assequere quod hoc decreto jubet.

3 *Si hujus vindictis*) Hic vindicta pro actione qua petitur possessio, non pro possessione ipsa.

*hominem & tribunatum etiam nunc spirantem, locum seditionis quarere diceret; non præbiturum se illi eo die materiam; sed ut jam sciret, non id perulantia sua, sed Virginio absenti & patrio nomini, & libertati datum, jus eo die se non dicturum, neque decretum interpositurum: a M. Claudio petiturum, ut decederet jure suo, vindicarique puellam in posterum diem pateretur. quod nisi pater postero die affuisset, denuntiare se Icilio similibusque Iciliis, neque legi sua latorem, neque decemviro constantiam desore: nec se utique collegarum lictores convocaturum ad coercendos seditionis auctores, contentum se suis licitoribus fore. Cum dilatum tempus injuriæ esset, scessissentque advocati puellæ, placuit omnium primum fratrem Iciliis, filiumque Numitorii, impigros juvenes, pergere inde recta ad portam, & quantum accelerari posset; Virginium acciri e castris. in eo veriti puellæ salutem, si postero die vindex injuriæ ad tempus præsto esset. Jussi pergunt, citatisque equis, nuntium ad patrem perferunt. Cum instaret affertor puellæ, ut vindicaret, sponsoresque daret: atque id ipsum agi diceret Iciliis, sedulo tempus terens, dum præciperent iter nuntii missi in castra: manus tollere undique multitudo, & se quisque paratum ad spondendum Icilio ostendere. atque ille lacrimabundus, *Gratum est, inquit, crastina die vestra opera utar, sponso- rum nunc satis est.* Ita vindicatur Virginia, spondentibus propinquis. Appius paulisper moratus, ne ejus rei causa sedisse videretur; postquam omissis rebus aliis præcura unius nemo adibat, domum se recepit: collegisque in castra scribit, *ne Virginio commeatum dent, atque etiam in custodia habeant.**

## CAPUT XXII.

*Virginus frustra conatus filiam ab injuria tueri, raptam ex proxima taberna cultro, manu sua illam transfigit: rei atrocitate concitata multitudo cogit Appium se e foro recipere.*

**I**mprobum consilium serum, ut debuit, fuit: jam enim commeatu summo, profectus Vir-  
gi-

ginius prima vigilia erat, cum postero die mane de retinendo eo nequicquam litteræ redduntur. At in urbe prima luce, cum civitas 47 in foro expectatione erecta staret, Virginius sordidatus filiam secum obsoleta veste, comitantibus aliquot matronis, cum i ingenti advocacione in forum deducit. circumire ibi & prehensare homines cœpit: & non orare solum precariam opem, sed pro debita petere. *se pro liberis eorum ac conjugibus quotidie in acie stare: nec alium virum esse, cujus strenue ac ferociter facta in bello plura memorari possent. quid prodesset, si incolumi urbe, quæ capta ultima timeantur, liberis suis sint patienda?* 2 Hæc prope concionabundus circumibat homines. Similia his ab Icilio jactabantur. comitatus muliebris plus tacito fletu, quam ulla vox, movebat. Adversus quæ omnia obstinato animo Appius (tanta vis amentię verius, quam amoris mentem turbaverat) in tribunal ascendit; & ultro querente pauca petitor, *quod jus sibi pridie 3 per ambitionem dictum non esset*, priusquam aut ille postulatam perageret, aut Virgino respondendi daretur locus, Appius interfatur. Quem decreto sermonem prætenderit, forsan aliquem verum auctores antiqui tradiderunt: quia nusquam ullum in tanta scditate decreti verisimilem invenio, id, quod constat, nudum videtur proponendum, dare se vindicias secundum servitutem. Primo stupor omnes admiratione rei tam atrocis defixit: silentium inde aliquandiu tenuit. deinde cum M. Claudius circumstantibus matronis iret adprehendendam virginem, lamentabilisque cum mulierum comploratio excepisset: Virginius intentans in Appium manus, Icilio, inquit, *Appi, non tibi filiam despondi, & ad nuptias, non ad stuprum educavi. placet pecudum ferarumque ritu promiscue in concubitus ruce? passuri ne hæc isti sint, nescio. non spero esse passuros illos, qui arma habent. Cum repelleretur assertor virginis a globo mulierum*

cir-

1 Ingenti advocacione) Magna advocatorum multitudine.  
2 Hæc prope concionabundus) Hæc prope in concienis modum jactans.

3 Per ambitionem) Captandæ in vulgus gratiæ causa.

circumstantiumque advocatorum, silentium fa-  
 48. ctum per præconem. Decemvir alienato ad li-  
 bidinem animo, negat, ex hesterno tantum  
 convicio Iciliï, violentiaque Virginii, cujus  
 testem P. R. habeat, sed certis quoque indi-  
 cibus compertum se habere: nocte tota cœrus in  
 urbe factos esse ad movendam seditionem: ita-  
 que se haud inscium ejus dimicationis, cum ar-  
 matis descendisse: non ut quemquam quietum  
 violaret, sed ut turbantes civitatis otium pro  
 majestate imperiï coerceret: proinde quiescere erit  
 melius. I, inquit, licetor, summove turbam,  
 & da viam domino ad prehendum mancipium.  
 Cum hæc intonuisset plenius iræ, multitudo ipsa  
 se sua sponte dimovit, desertaque præda inju-  
 riæ puella stabat. Tum Virginiius, ubi nihil  
 usquam auxilii vidit, Quaso, inquit, Ap-  
 pi, primum ignosce patrio dolori, si quid in-  
 clementius in te sum invecus: deinde sinas hic  
 coram virgine nutricem percunctari, quid hoc  
 rei sit: ut, si falso pater dictus sum, aequiore  
 hinc animo discedam. Data venia, seducit fi-  
 liam ac nutricem prope i Clœacinæ ad taber-  
 nas, quibus nunc Novis est nomen: atque ibi  
 ab Ianio cultro arrepto, Hoc te uno, quo pos-  
 sum, ait, modo, filia, in libertatem vindico-  
 pectus deinde puellæ transfigit; respectansque  
 ad tribunal, Te, inquit, Appi, tuumque cap-  
 put sanguine hoc 2 confecro. Clamore ad tam  
 atrox facinus orto excitus Appius comprehen-  
 di Virginium jubet. ille ferro, quacumque ibat,  
 viam facere, donec, multitudine etiam profe-  
 quentium ruente, ad portam perrexit. Icilius  
 Numitoriisque exangue corpus sublatum osten-  
 tant populo: scelus Appii, puellæ infelicem  
 formam, necessitatem patris deplorant. sequen-  
 tes clamitant matronæ, eam ne liberorum pro-  
 creandorum conditionem? ea pudicitia premia ef-  
 se? ceteraque, quæ in tali re muliebris dolor,  
 quo est mœstior imbecillo animo, eo miserabi-  
 lia magis querentibus subjicit. Virorum, &  
 maxime Iciliï vox tota tribunitiæ potestatis,

ac

1 Clœacina y Clœacina: dea dicta ex eo quod effigies ejus.  
 clœaca reperta esset.

2 Confecro ) Divis deoveo.

atque provocationis ad populum ereptæ, publicarumque indignationum erat. Concitatur multitudo partim atrocitate sceleris, partim spe per occasionem repetendæ libertatis. Appius nunc vocari Icilium, nunc retractantem arripit: postremo, cum locus adeundi apparitoribus non daretur, ipse cum agmine patriciorum juvenum per turbam vadens, in vincla duci jubet. Jam circa Icilium non solum multitudo, sed duces quoque multitudinis erant, L. Valerius & M. Horatius. qui repulso lictore, si jure ageret, vindicare se a privato Icilium aiebant: si vim afferre conaretur, ibi quoque haud impares fore. Hinc atrox rixa oritur. Valerium Horatiumque lictor decemviri invadit: franguntur a multitudine fasces. in concionem Appius ascendit. sequuntur Horatius Valeriusque, eos concio audit, decemviro obstrepitur. Jam pro imperio Valerius discedere a privato lictores jubebat: cum fractis animis Appius, vitæ metuens, in domum se propinquam foro, insciis adversariis, capite obvoluto recipit.

## CAPUT XXIII.

*Convocato ad sedandos tumultus in Urbe senatu, Virginii interim profectus ad exercitum, multitudinem accendit in castris; quibus illa relictis, Aventinum occupat.*

SP. Oppius ut auxilio collegæ esset, in forum ex altera parte irrumpit: videt imperium vi victum. Agitatis, deinde consiliis, atque ex omni parte assentiendo, multis auctoribus, trepidus, senatum postremo vocari jussit. ea res, quod magnæ parti patrum displicere aucta decemvirorum videbantur, spe per senatum finiendæ potestatis ejus, multitudinem sedavit. Senatus nec plebem irritandam censuit: & multo magis providendum, ne quid Virginii adventus in exercitu motus faceret. Itaque missi juniores patrum in castra, quæ tum in monte Vecilio erant, nuntiant decemviris, ut omni ope ab seditione milites contineant. ubi Virginius majorem, quam reliquerat in urbe, motum excivit. nam, præterquam quod agmine prope quadringentis



dringentorum hominum veniens, qui ab urbe indignitate rei accensi comites ei se dederant, conspectus est; strictum etiam telum tenens, resperfusque ipse cruore, tota in se castra convertit. & togæ multifariam in castris visæ, majoris aliquanto, quam erat, speciem urbanæ multitudinis fecerant. Quærentibus, quid rei esset, flens diu vocem non misit: tandem ut jam ex trepidatione concurrentium turba constitit, ac silentium fuit; ordine cuncta, ut gesta erant, exposuit. Supinas deinde tendens manus, commilitones appellans orabat: ne, quod scelus Ap. Claudii esset, sibi attribuerent, neu se ut parricidam liberum averfarentur: sibi vitam filia sua chariorem futuram fuisse, si libere ac pudice vivere licitum fuisset: cum velut servam ad stuprum rapi videret, morte amitti melius ratum, quam contumelia liberos vivere, misericordia se in speciem crudelitatis lapsam: nec se superstitem filia futurum fuisse, nisi spem ulciscendæ mortis ejus in auxilio commilitonum habuisset: illis quoque enim filias, sorores, conjugesque esse: nec cum filia sua libidinem Ap. Claudii extinctam esse, sed, quo impunitior sit, eo effrenatiorem fore. aliena calamitate documentum datum illis cavendæ similis injuria; quod ad se attineat, uxorem sibi fato ereptam, filiam, quia non ultra pudica victura fuerit, misera, sed honesta morte occubuisse; non esse jam Apii libidini locum in domo sua: ab alia violentia ejus eodem se animo suum corpus vindicaturum, quo vindicaverit filia: ceteri sibi ac liberis suis consulerent. Hæc Virginio vociferanti succlamabat multitudo, nec illius dolori, nec suæ libertati se defuturos. Et immisti turbæ militum togati, cum, eadem illa querendo docendoque quanto visa, quam audita indigniora potuerint videri, simul profligatam jam rem nuntiando Romæ esse, insectosque qui Appium prope interentum in exilium abisse dicerent, perpulerunt, ut ad arma conelamaretur, vellerentque signa. & Romam profiscerentur. Decemviri simul iis, quæ videbant, iisque, quæ acta Romæ audierant, perturbati, alius

alius in aliam partem castrorum ad sedandos motus discurrunt : & leniter agentibus responsum non redditur . imperio si quis inhiheret , & viros , & armatos se esse responderetur . eunt agmine ad urbem , & Aventinum insidunt , ut quisque occurrerat , plebem ad repetendam libertatem , creandosque tribunos plebis adhortantes . alia vox nulla violenta audita est . senatum Sp. Oppius habet . nihil placet asperè agi , quippe ab ipsis datum locum seditionis esse . mittuntur tres legati consulares , Sp. Tarpejus , C. Julius , Ser. Sulpitius , qui quærerent senatus verbis , cuius iussu castra deseruissent ; aut , quid sibi vellent , qui armati Aventinum obsedissent ; belloque averso ab hostibus patriam suam cepissent . Non defuit quid responderetur ; deerat qui daret responsum , nullo dum certo duce , nec satis audentibus singulis invidiæ se offerre . id modo a multitudine conclamatum est , ut L. Valerium , & M. Horatium ad se mitterent , his se daturos responsum . Dimissis legatis , admonet milites Virginius : *in re non maxima paulo ante trepidatum esse , quia sine capite multitudo fuerit ; responsumque quamquam non inutiliter , fortuito tamen magis consensu , quam communi consilio esse . placere decem creari , qui summa rei praesentent , militarique honore tribunos militum appellari . Cum ad eum ipsum primum is honos deferretur : Melioribus meis vestrisque rebus reservate , inquit , ista de me iudicia . nec mihi filia in vita honorem ullum jucundum esse patitur : nec in perturbata republica eos utile est praesse vobis , qui proximi invidia sint . si quis usus mei est , nihilo minor ex privato capietur . Ita decem numero tribunos militares creant .*

## CAPUT XXIV.

*In altero quoque exercitu , qui erat in Sabinis , tumultus exoritur : facta inde secessione , in Aventinum pergitur : ex Aventino , ab utroque exercitu conjuncto fit per Urbem transitio in Sacrum montem : eo sequitur plebs urbana .*

**N**equè in Sabinis quievit exercitus . ibi quoque , auctore Icilio Numitorioque , secessio ab decem-

decemviris facta est, non minore motu animorum, Sicci cædis memoria renovata, quam quem nova fama de Virginia adeo fœde ad libidinem petita accenderat. Icilius ubi audivit tribunos militum in Aventino creatos, ne comitiorum militarium i prærogativam urbana comitia iisdem tribunis plebis creandis sequerentur; peritus rerum popularium, imminensque ei potestati, & ipse prius, quam iretur ad urbem, pari potestate eundem numerum ab suis creandum curat. Porta Collina urbem intravere sub signis, mediaque urbe agmine in Aventinum pergunt. ibi conjuncti alteri exercitui xx. tribunis militum negotium dederunt, ut ex suo numero duos crearent, qui summæ rerum præeissent. M. Oppium, Sext. Manilius creant. Patres solliciti de summa rerum, cum senatus quotidie esset, jurgiis sæpius terunt tempus, quam consiliis. Sicci cædes decemviris, & Appiana libido, & dedecora militis objiciebantur. placebat, Valerium Horatiumque ire in Aventinum. illi negabant, se aliter ituros, quam si decemviri deponerent insignia magistratus ejus, quo anno jam ante abissent. Decemviri querentes se in ordinem cogi, non ante, quam perlatis legibus, quarum causa creati essent, deposituros imperium se ajebant. Per M. Duillium, qui tribunus plebis fuerat, certior facta plebs, contentionibus assiduis nihil transigi, in Sacrum montem ex Aventino transit: affirmante Duillio, non prius, quam deserere urbem videant, curam in animos patrum descensuram: admonitum Sacrum montem constantia plebis: scituros, quam sine restituta potestate redigi in concordiam res nequeant. Via Nomentana, cui tum Ficulnensi nomen fuit, profecti castra in monte Sacro locavere, modestiam patrum suorum, nihil violando, imitati. Secuta exercitum plebs, nullo, qui per ætatem ire posset, retractante: prosequuntur conjuges liberique, cuius se relinquere in ea urbe, in qua nec pudicitia, nec libertas sancta esset, miserabiliter rogitantes.

CA.

(Prærogativam) Prærogativa ea erat sive tribus, sive censuræ, quæ prima sententia rogabatur.

## CAPUT XXV.

*Plebis secessione moti Patres instant Decemviris , ut magistratum deponant : iis affirmantibus , se futuros in Patrum potestate , plebs per legatos revocatur . rebus compositis , creatisque sibi in Aventino . tribunis , revertitur .*

CUM vasta Romæ omnia insueta solitudo fecisset , in foro præter paucos seniorum nemo esset , vocatis utique in senatum patribus , desertum apparuisset forum : plures jam , quam Horatius & Valerius , vociferabantur . *Quid expectabitis , Pa. conscripti ? si decemviri finem pertinaciæ non faciunt , rueret ac deflagrare omnia passuri estis ? Quod autem istud imperium est , decemviri , quod amplexi tenetis ? rectis ac parietibus jura dicturi estis ? non pudet licitorum vestrorum majorem prope numerum in foro conspici , quam togatorum aliorumque ? Quid , si hostes ad urbem veniant , facturi estis ? quid , si plebs mox , ubi parum secessione moveamur , armata veniat ? occasu ne urbis vultis finire imperium ? atqui aut plebs non est habenda , aut habendi sunt tribuni plebis . Nos citius caruerimus patriciis magistratibus , quam illi plebeiis . novam inexpertamque eam potestatem eripuerit patribus nostris , i nunc , dulcedine semel capti , forant desiderium : cum præsertim nec nos temperemus imperiis , quo minus illi auxilii egeant ? Cum hæc ex omni parte jactarentur , victi consensu decemviri , futuros se , quando ita videatur , in potestate patrum affirmant . id modo simul orant ac monent , ut ipsis ab invidia caveatur , nec suo sanguine ad supplicia patrum plebem assuefaciant . Tum Valerius Horatiusque missi ad plebem conditionibus , quibus videretur , revocandam , componendasque res , decemviris quoque ab ira & imperii multitudinis præcavere jubentur . Profecti , gaudio ingenti plebis in castra accipiuntur : quippe liberatores haud dubie & motus initio , & exitu rei . ob hæc iis advenientibus gratiæ actæ . Icilius promul-*

multitudine verba facit. idem, cum de conditionibus ageretur, quærentibus legatis, postulata plebis essent, composito jam antea ventum legatorum consilio, ea postulavit, appareret, in æquitate rerum plus, quam in mis reponi spei. potestatem enim tribuniti provocationemque reperebant, quæ ante decem viros creatos auxilia plebis fuerant; & ne fraudi esset, concessisse milites, aut plebem ad petendam per secessionem libertatem. de decem virorum modo supplicio atrox postulatum fuisse dedit quippe eos æquum censebant, vivos igni concrematuros minabantur. Legati ad eos

*Qua consilii fuerunt, adeo aqua postulastis, ultro vobis deferenda fuerint. libertati enim præsidia petitis, non licentia ad impugnandos alios. ira vestra magis ignoscendum, quam indulgendum est: quippe qui crudelitatis odio crudelitatem ruitis, & prius pene, quam liberi sitis, dominari jam in adversarios vultis. Numquam ne quiescet civitas nostra a suppliciis aut patrum in plebem Romanam, & plebis in patres? Scuto vobis magis, quam gladio, opus est. satis superque humilis est, qui jure æquo in civitate vivit, nec inferendo injuriam, nec patiendo. etiam si quando nocendos vos præbaturi estis, cum, recuperatis magistratibus legibusque vestris, judicia penes erunt; de capite nostro fortunisque tunc, ut quæque causa erit, statuetis. nunc libertatem repere*

54. *satis est. Facerent, ut vellent, permittentibus cunctis, mox redituros se legati, rebus peractis, affirmant. Profecti cum mandata plebi patribus exposuissent; alii decemviri, quandoquidem, præter spem ipsorum, supplicii nulla mentio fieret, haud quicquam abnuentem Appius truci ingenio, & invidia præcipuum odium in se aliorum suo in eos metiens prodicio: Haud ignaro, inquit, imminet fortuna video, donec arma adversariis tradantur, diffidendum adversus nos certamen. dandus invidia est sanguis. nihil ne ego quidem moror, quominus decemviratu abeam, Factum senatusconsultum*

ut decemviri se primo quoque tempore magistratu abdicarent : M. Papirius pontifex maximus tribunos plebis crearet : & ne cui fraudi esset secessio militum plebisque . His senatusconsultis perfectis, dimisso senatu , decemviri prodeunt in concionem, abdicantque se magistratu , ingenti hominum lætitia . Nuntiantur hæc plebi . legatos , quicquid in urbe hominum supererat , prosequitur . huic multitudini læta alia turba ex castris occurrit . congratulantur libertatem concordiamque civitati restitutam . Legati pro concione : *Quod bonum, faustum, felixque sit vobis, reique publicæ, redite in patriam ad penates, conjuges, liberosque vestros. sed qua hic modestia fuistis, ubi nullius ager in tot usque rerum necessario tanta multitudini est violatus, eam modestiam ferte in urbem . in Aventinum ite, unde profecti estis. ibi felici loco, ubi prima initia inchoastis libertatis vestra, tribunos plebis creabitis . præfio erit pontifex maximus, qui comitia habeat, Ingens assensus, alacritasque cuncta approbantium fuit . convellunt inde signa, profectique Romam certant cum obviis gaudio . armati per urbem silentio in Aventinum perveniunt . ibi extemplo, pontifice maximo comitia habente, tribunos plebis creaverunt, omnium primum L. Virginium, inde L. Icilium, & P. Numitorium, avunculum Virginie, auctores secessionis: tum C. Sicinium, progeniem ejus, quem primum tribunum plebis creatum in Sacro monte, proditum memoriæ est, & M. Duillium, qui tribunatum insignem ante decemviros creatos gesserat, nec in decemviralibus certaminibus plebi defuerat. i spe deinde magis, quam meritis, electi, M. Titinnius, M. Pomponius, C. Apronius, P. Villius, C. Oppius . Tribu-*

U. C.  
104.

natu iniro L. Icilius extemplo plebem rogavit, & plebs scivit, ne cui fraudi esset secessio ab decemviris facta . confestim de consulibus creandis cum provocatione M. Duillius rogationem pertulit . ea omnia in pratis Fla-

i Spe.... magis quam meritis ) Magis quia sperabatur, eos bene meritu-  
 ros de populo, quam in mercedem præcedentium meritorum.

Flaminiis concilio plebis acta, quem nunc circum Flaminium appellant.

## CAPUT XXVI.

*Creatis consulibus, decemvirali potestate jam sublata, libertas novis legibus munitur; sacrosanctos placet esse tribunos,*

55. **P**ER interregem deinde consules creati. L. Valerius, & M. Horatius, qui extemplo magistratum ceperunt: quorum consulatus popularis, sine ulla patrum injuria, nec sine offensione fuit. quicquid enim libertati plebis caveretur, id suis decedere opibus credebant. Omnium primum, cum veluti in controverso jure esset, tenerentur ne patres i plebiscitis, legem centuriatis comitiis tulere, ut, quod tributim plebes jussisset, populum teneret, qua lege tribunitiis rogationibus telum acerrimum datum est. Aliam deinde consularem legem de provocatione, unicum præsidium libertatis, decemvirali potestate everfam, non restituerunt modo, sed etiam in posterum muniunt, sanciendo nova lege, ne quis ullum magistratum sine provocatione crearet: qui creasset, eum jus fasque esset occidi; neve ea cades capitalis noxa haberetur. & cum plebem hinc provocatione, hinc tribunatio auxilio satis firmassent, ipsis quoque tribunis, ut sacrosancti viderentur, cujus rei prope jam memoria aboleverat, relictis quibusdam ex magno intervallo ceremoniis, renovant: & cum religione inviolatos eos, tum lege etiam fecerunt, sanciendo, ut qui tribunis plebis, adilibus, judicibus nocuisset, ejus caput Jovi sacrum esset. 2 familia ad Cereris, Liberi, Liberaque venum irer. Hac lege juris interpretes negant, quicquam sacrosanctum esse, sed caput ejus, qui eorum cuiquam nocuerit, id sacrum sanciri: itaque ædilem prehendi, ducique a majoribus magistratibus: quod etsi non jure fiat, (noceri enim ei, cui hac lege non liceat) tamen argumentum esse, non haberi

1 Plebiscitis ) His legibus, quas plebs scivisset,

2 Familia ) Familia pro bonis: ut in actione familie trahenda, i. e. dividenda hereditatis,

haberi pro sacrosancto ædilem : tribunos veterē jurejurando plebis , cum primum eam potestatem creavit , sacrosanctos esse . Fuere , qui interpretarentur , eadem hac Horatia lege consilibus quoque , & prætoribus , quia eisdem auspiciis , quibus consules , crearentur , cautum esse . judicem enim consulem appellari . Quæ refellitur interpretatio : quod his temporibus nondum consulem judicem , sed prætorem appellari mos fuerit . Hæ consulares leges fuere . Institutum etiam ab iisdem consilibus , ut senatusconsulta in ædem Cereris ad ædiles plebis deferrentur : quæ ante arbitrio consulum supprimebantur , vitiabanturque . M. Duillius deinde tribunus plebis plebem rogavit , plebesque scivit : *qui plebem sine tribunis reliquisset , quique magistratum sine provocatione creasset , tergo , ac capite puniretur* . Hæc omnia , ut invitis , ita non adversantibus patriciis , transacta : quia nondum in quemquam unum sæviebatur .

## CAPUT XXVII.

*Virginus , redintegrata memoria superbia , & crudelitatis , diem Appio dicit , qui tandem nequissimum populi implorans auxilium in carcerem conjicitur .*

**F**Undata deinde & potestate tribunitia , & 56.  
plebis libertate , tum tribuni aggredi singulos tutum maturumque jam rati , accusatorem primum Virginium , & Appium reum deligunt . cum diem Appio Virginus dixisset , & Appius stipatus patriciis juvenibus in forum descendisset ; redintegrata extemplo est omnibus memoria sæditimæ potestatis , cum ipsum satellitesque ejus vidisset . Tum Virginus , Oratio , inquit , *rebus dubiis inventa est . itaque neque ego , accusanda apud vos eum , tempororam , a cujus crudelitate vosmetipsos armis vindicastis nec istum ad cetera scelera impudentiam in defendendo se adjicere patiar* . Omnium igitur tibi , Ap. Claudi , *qua impie nefarieque per biennium alia super alia es ausus , gratiam facio . unius tantum criminis nisi judicem* \* \* al. *dies.*  
*vindices te , ab libertate in servitutem contra le-*



ges vindicias non dedisse, in vincula te duci jubeo. Nec in tribunatio auxilio Appius, nec in iudicio populi ullam spem habebat: attamen & tribunos appellavit, & nullo morante arreptus a viatore, *Provoco*, inquit. Audita vox una vindex libertatis, ex eo missa ore, quo vindicæ nuper ab libertate dictæ erant, silentium fecit. Et dum pro se quisque, *deos tandem esse, & non negligere humana fremunt*: & superbia crudelitatisque etsi seras, non leves tamen venire pœnas: provocare, qui provocationem sustulisset; & implorare presidium populi, qui omnia jura populi obrisset; rapique in vincula egentem jure libertatis, qui liberum corpus in servitutem addixisset: ipsius Appii, inter concionis murmur, fidem populi Romani implorantis vox audiebatur. majorum merita in rempublicam domi militiæque commemorabat. suum infelix erga plebem Romanam studium, quod æquandarum legum causa cum maxima offensione patrum consulatu abisset: suas leges, quibus manentibus lator earum in vincula ducatur: ceterum <sup>1</sup> sua propria bona malaque, cum causa dicenda data facultas sit, tum se experturum; in præsentia se, communi jure civitatis, civem Romanum die dicta postulare, ut dicere liceat, ut iudicium populi Romani experiri: non ita se invidiam pertimuisse, ut nihil in æquitate & misericordia civium suorum spei habeat: quod si indicta causa in vincula ducatur, iterum se tribunos plebis appellare, & monere, ne imitentur quos oderint. quod si tribuni eodem fœdere obligatos se fateantur tollenda appellationis causa, in quam conspirasse decemviros criminati sint: ait, se provocare ad populum; implorare leges de provocatione, & consulares, & tribunicias, eo ipso anno latas. quem enim provocaturum, si huic indemnato indicta causa non liceat? cui plebeio, & humili presidium in legibus fore, si Ap. Claudio non sit? se documento futurum, utrum novis legibus dominatio, an libertas firmata sit: & 2 appellatio provocatione

<sup>1</sup> *Sua propria bona malaque*) Quid sibi proprie in causa aut prodesse, aut nocere posset.

<sup>2</sup> *Appellatio*) Jus appellandi ad tribunos. *Provocatio*, ad populum.

que adversus injuriam magistratum ostentata tantum inanibus litteris, an vere data sit. Contra ea Virginius, unum Ap. Claudium & legum expertem, & civilis & humani fœderis esse, aiebat. respicerent tribunal homines castellum omnium scelerum: ubi decemvir ille perpetuus, bonis, tergo, sanguini civium infestus, virgas securesque omnibus minitans, deorum hominumque contemtor, carnificibus, non licitoribus stipatus, jam ab rapinis & cadibus animo ad libidinem verso, virginem ingenuam in oculis populi Romani, velut bello captam, a complexu patris abreptam, ministro cubiculi sui clientis dono dederit: ubi crudeli decreto, nefandisque vindiciis dexteram patris in filiam armaverit: ubi tollentes corpus semianime virginis, sponsum, avunculumque in carcerem duci jusserit, stupro interpellato magis, quam cade motus: & illi carcerem adificatum esse, quod domicilium plebis Romana vocare sit solitus, proinde ut ille iterum ac sapius provocet, sic se iterum ac sapius judicem illi ferre, vindicias ne ab libertate in servitutem dederit: si ad judicem non eat, pro damnato in vincula duci jubere. Ut haud quoquam improbante, sic magno motu animorum, cum tanti viri supplicio suamet plebi jam nimia libertas videretur, in carcerem est conjectus. tribunus ei diem prodixit.

## CAPUT XXVIII.

Consules in Volscos, & Æquos bellum parantes profecturi, decemvirales leges in as incisas in publico proponunt. C. Claudius sordidatus deprecatur pro Appio, qui, desperata ope, sibi mortem consciscit: de ejus quoque collegis supplicium sumitur.

**I**Nter hæc ab Latinis, & Hernicis legati gratulatum de concordia patrum ac plebis Romanam venerunt: donumque ob eam Jovi optimo maximo coronam auream in Capitolium tulere parvi ponderis. prout res haud opulentæ erant, colebanturque religiones pie magis, quam magnifice. Iisdem auctoribus cognitum est, Æquos Volscosque summa vi bellum

Tom. I.

K

appa-

apparare . Itaque partiri provincias consules iussi . Horatio Sabini , Valerio Æqui Volscique evenere . Cum ad ea bella delectum edixissent , favore plebis non juniores modo , sed emeritis etiam stipendiis pars magna voluntariorum ad nomina danda præsto fuere : coque non copia modo , sed genere etiam militum , veteranis admistis , firmior exercitus fuit . Priusquam urbe egrederentur , leges decemvirales , quibus *tabulis duodecim est nomen* , in æs incisas in  
58. publico proposuerunt . Sunt , qui iussu tribunorum ædiles functos eo ministerio scribant . C. Claudius , qui perosus decemvirorum scelera , & ante omnes fratris filii superbix infestus , Regillum antiquam in patriam se contulerat ; is magno jam natu cum ad pericula ejus deprecanda rediisset , cuius vitia fugerat , fordidatus cum gentilibus , clientibusque in foro prehensabat singulos , orabatque , *ne Claudia genti eam iniustam maculam vellent , ut carcere & vinculis viderentur digni : virum honoratissima imaginis futurum ad posteros , legum latorem , conditoremque Romani juris jacere vincitum inter fures nocturnos , ac latrones . averterent ab ira parumper ad cognitionem cogitationemque animos : & potius unum tot Claudis deprecantibus condonarent , quam , propter unius odium , multorum preces aspernarentur : se quoque id generi ac nomini dare ; nec cum eo in gratiam redisse , cuius adversa fortuna velit succursum : virtute libertatem recuperatam esse , clementia concordiam ordinum stabiliri posse* . Erant , quos moveret sua magis pietate , quam ejus , pro quo agebat , causa ; sed Virginius sui potius ut misererentur orabat , filiaque ; nec gentis Claudia , regnum in plebem sortita , sed necessariorum Virginia , & trium tribunorum preces audirent ; qui ad auxilium plebis creati , ipsi plebis fidem atque auxilium implorarent . Iustiores hæ lacrymæ videbantur . Itaque , ipse incisa , priusquam prædicta dies adesset , Appius sibi mortem conscivit . Subinde arreptus a P. Numitorio Sp. Oppius , invidiæ proximus , quod in urbe fuerat , cum iniustæ vindiciæ a collega dicerentur . plus tamen facta injuria

juria Oppio, quam non prohibita, invidiæ fecit. testis productus, qui, VII. & XX. enumeratis stipendiis, octies extra ordinem donatus, donaque ea gerens in conspectu populi, scissa veste tergum laceratum virgis ostendit, nihilum deprecans, *quin, si quam suam noxam reus dicere posset, privatus in se iterum laviret*. Oppius quoque ductus in vincula est, & ante iudicii diem finem ibi vitæ fecit. Bona Claudii, Oppiique tribuni publicavere. collegæ eorum exilii causa solum verterunt: bona publicata sunt. & M. Claudius assertor Virginie die dicta damnatus, ipso remittente Virginio ultimam pœnam, dimissus Tibur exulatum abiit: manesque Virginie mortuæ, quam vivæ feliciores per tot domos ad petendas pœnas vagati, nullo relicto fonte tandem quieverunt. Ingens metus inceſſerat patres, vultusque jam iidem tribunorum erant, qui decemvirorum fuerant; cum M. Duillius tribunus plebis i inhibito salubriter modo nimie potestati: *Et libertatis, inquit, nostra, & pœnarum ex inimicis satis est. itaque hoc anno nec diem dici cuiquam, nec in vincula duci quemquam sum passurus. nam neque vetera peccata repeti, jam obliterata, placet, cum nova expiata sint decemvirorum supplicii; & nihil admissum iri, quod vim tribunitiam desideret, spondet perpetua consulum amborum in libertate vestra tuenda cura.* Ea primum moderatio tribuni metum patribus demisit; eademque auxit consulum invidiam: quod adeo toti plebis fuissent, ut patrum salutis libertatisque prior plebeio magistratui, quam patricio cura fuisset: & ante inimicos satietas pœnarum suarum cepisset, quam obviam ituros licentiæ eorum consules appareret. multi- que erant, qui mollius consultum dicerent, quod legum ab iis latarum patres auctores fuissent. neque erat dubium, quin, turbato reipub. statu, tempori succubissent.

## CAPUT XXIX.

*Ductu, atque consilio Valerii consulis Æqui ;  
Volscique vincuntur.*

60. **C**onsules, rebus urbanis compositis, fundatoque plebis statu, in provincias diversi abiere. Valerius adversus conjunctos jam in Algidio exercitus Æquorum Volscorumque ; sustinuit consilio bellum. quod si extemplo rem fortunæ commisisset, haud scio, an ( qui tum animi ab decemvirorum infelicibus auspiciis Romanis, hostibusque crant ) magno detrimento certamen statuum fuerit. Castris mille passuum ab hoste positis, copias continebat. hostes medium inter bina castra spatium acie instructa complebant; provocantibusque ad prælium, responsum Romanorum nemo reddebat. tandem fatigati stando, ac nequicquam expectando certamen Æqui Volscique, postquam concessum propemodum de victoria credebant, pars in Hernicos, pars in Latinos prædatum abeunt. relinquitur magis castris præsidium, quam satis virium ad certamen. Quod ubi sensit consul, reddit illatum antea terrorem, instructaque acie ultro hostem lacescit. ubi illi, conscientia quid abesset virium, detrectavere pugnam, crevit extemplo Romanis animus, & pro victis habebant paventes intra vallum. Cum per totam diem steterissent intenti ad certamen, nocti cessere. & Romani quidem pleni spei corpora curabant. haudquaquam pari hostes animo, nuntios passim trepidi ad revocandos prædatores dimittunt. recurritur ex proximis locis, ultiores non inventi. Ubi illuxit, egreditur castris Romanus, vallum invasurus, ni copia pugnae fieret. & postquam multa jam dies erat, neque movebatur quicquam ab hoste, jubet signa inferri consul. motaque acie, indignatio Æquos & Volscos incessit, si victores exercitus vallum potius, quam virtus & arma contegerent. igitur & ipsi efflagitarum ab ducibus signum pugnae accipere.

*Sustinuit, ..., bellum ) Traxit, nec se statim pugnae commisit.*

pere. Jamque pars egressa portis erat, deincepsque alii servabant ordinem, in suum quisque locum descendentes, cum consul Romanus prius, quam totis viribus fulta constaret hostium acies, intulit signa; adortusque nec dum omnes eductos, nec, qui erant, satis explicatis ordinibus, prope fluctuantem turbam trepidantibus huc atque illuc, circumspectantiumque se ac suos, addito turbatis mentibus clamore atque impetu, invadit. retulere primo pedem hostes. deinde cum animos collegissent, & undique duces, victis ne cessuri essent, increparent, restituitur pugna. Consul ex altera parte Romanos munisse jubebat, illo die primum liberos pro libera urbe Romana pugnare; sibi metipsis victuros, non ut decemvirorum victores premium essent: non Appio duce rem geri, sed consule Valerio, a liberatoribus populi Romani orto, liberatore ipso: ostenderent, prioribus praeliis per duces, non per milites stetisse, ne vincerent: turpe esse contra cives plus animi habuisse, quam contra hostes: Et domi, quam foris servitutem magis timuisse. Unam Virginiam fuisse, cujus pudicitia in pace periculum esset; unum Appium civem periculosa libidinis: at si fortuna belli inclinet, omnium liberis ab tot millibus hostium periculum fore. Nolle ominari, quæ nec Jupiter, nec Mars pater passuri sint: iis auspiciis condita urbi accidere. Aventini Sacrique montis admonerat; ut, ubi libertas parva esset paucis ante mensibus, eo imperium illibatum referrent; ostenderentque, eandem indolem militibus Romanis post exactos decem viros esse, quæ ante creatos fuerit; nec æquatis legibus imminutam virtutem populi Romani esse: Hæc ubi inter signa peditum dicta dedit, advolat deinde ad equites. Agite, juvenes, inquit, præstate virtute peditem, ut honore atque ordine præstatis. primo concursu pedes movit hostem, pulsum vos, immissis equis, exigite e campo: non sustinebunt impetum: Et nunc cunctantur magis, quam resistunt. Concitant equos, permittuntque in hostem pedestri jam turbatum pugna: & perruptis ordinibus,

K 3

clati

1. *Is auspiciis*) Tam felicibus.

elati ad novissimam aciem, pars libero spatio circumvesti, jam fugam undique capeffentes, plerosque castris avertunt, præterequantisque absterrent. peditum acies, & consul ipse, visque omnis belli fertur in castra: captilque cum ingenti cæde, majore prædâ potitur.

## C A P U T XXX.

*Ab altero consule Horatio Sabini funduntur.*

**H**Ujus pugnae fama perlata non in urbem modo, sed in Sabinos ad alterum exercitum, in urbe lætitia modo celebrata est; in castris animos militum ad æmulandum decus accendit. Jam Horatius eos, excursionibus sufficiendo, præliisque levibus experiundo, assuefecerat sibi potius fidere, quam meminisse ignominiae decemvirorum ductu acceptæ: parvaque certamina in summam totius profecerant spei. Nec cessabant Sabini, feroces ab re prioris anno bene gesta, laceßere atque instare, rogitant, quid latrocinii modo procurstantes pauci, recurrentesque terebant tempus? & in multapralia parvaque carperent summam unius belli? quin illi congregarentur acie? inclinandamque semel fortuna rem darent? Ad id, quod sua sponte satis collectum animorum erat, indignitate etiam Romani accendebantur. Jam alterum exercitum victorem in urbem rediturum, ubi ultro per contumelias hostem insultare. quando autem se, si tum non sint, pares hostibus fore? Ubi hæc fremere militem in castris consul sensit, concione advocata, *Quemadmodum*, inquit, *in Algido res gesta sit*, arbitror vos milites audisse. *qualem liberi populi exercitum decuit esse, talis fuit. consilio collega, virgute militum victoria parta est. quod ad me atinet, id consilii animique habiturus sum, quod vos milites mihi effeceritis.* & trahi bellum salubriter, & mature perfici potest. si trahendum est, ego, ut in dies spes virtusque vestra crescat, eadem, qua institui, disciplina efficiam. si jam satis animi est, decernique placet, agitedum clamorem, qualem in acie sublaturi estis, tollite hic, indicem voluntatis virtutisque vestrae.

*fra.* Postquam ingenti alacritate clamor est sublatus, quod bene vertat, gesturum se illis morem, posteroque die in aciem deducturum, affirmat: reliquum diei apparandis armis consumtum est. Postero die simul instrui Romanam aciem Sabini videre, & ipsi jam avidi certaminis procedunt. Prælium fuit, quale inter fidentes sibimet ambos exercitus, veteris perpetuæque alterum gloriæ, alterum nuper novæ victoria elatum. Consilio etiam Sabini vires adjuvare, nam cum æquassent aciem, duo extra ordinem millia, quæ in sinistru cornu Romanorum in ipso certamine impressionem facerent, tenere. quæ ubi, illaris ex transverso signis, degravabant prope circumventum cornu, equites duarum legionum sexcenti fere, ex equis desiliunt: cedentibusque jam suis, provolant in primum; simulque & hosti se opponunt, & æquato primum periculo, pudore deinde animos peditum accendunt. verecundiæ erat, equitem suo alienoque Marte pugnare; peditem ne ad pedes quidem digressio equiti parem esse. Vadunt igitur in prælium ab sua 63. parte omissum, & locum, ex quo cesserant, repetunt: momentoque non restituta modo pugna, sed inclinatur etiam Sabinis cornu. eques inter ordines peditum tectus se ad equos recipit: transvolat inde in partem alteram suis victoriæ nuntius: simul & in hostes jam pavidos, quippe fuso suæ partis validiore cornu, impetum facit. non aliorum eo prælio virtus magis enituit. Consul providere omnia, laudare fortes, increpare, sicubi segnior pugna esset. castigati, fortium statim virorum opera edebant: tantumque hos pudor, quantum alios laudes excitabant. Redintegrato clamore, undique omnes connixi hostem avertunt: nec deinde Romana vis sustineri potuit. Sabini fusi passim per agros castra hosti ad prædam relinquunt. ibi non sociorum, sicut in Algido, res, sed suas Romanus populationibus agrorum amissas recipit.



## CAPUT XXXI.

*Consules sine auctoritate Senatus, jussu populi triumphant.*

**G**emina victoria duobus bifariam præliis parta, maligne senatus in unum diem supplicationes consulum nomine decrevit. populus injussu & altero die frequens iit supplicatum. & hæc vaga popularisque supplicatio studiis prope celebratior fuit. consules ex composito eodem biduo ad urbem accessere, senatumque in Manlium campum evocavere. ubi cum de rebus ab se gestis agerent, questi primores patrum, senatum inter milites dedita opera terminationi locus esset, in prata Flaminia, ubi nunc ædes Apollinis est, (circum jam tum Apollinarem appellabant) avocavere senatum. ubi cum ingenti consensu patrum negaretur triumphus, L. Icilius Trib. pl. tulit ad populum de triumpho consulum, multis dissuatum prodeuntibus: maxime C. Claudio vociferante. *de patribus, non de hostibus, consules triumphare velle; gratiamque pro privato merito in tribunum, non pro virtute honorem peti: numquam ante de triumpho per populum actum, semper estimationem arbitriumque ejus honoris penes senatum fuisse: ne rex quidem majestatem summi ordinis imminuisse: ne ita omnia tribuni potestatis sua implerent, ut nullum publicum consilium sinerent esse. ita demum liberam civitatem fore, ita aequas leges, si sua quisque jura ordo, suam majestatem teneat.* in eandem sententiam multa & a ceteris senioribus patrum cum essent dicta, omnes tribus eam rogationem acceperunt. tum primum sine auctoritate senatus populi jussu triumphatum est.

## CAPUT XXXII.

*Nitentibus tribunis eosdem reficere tribunos, auctore M. Duillio, novi cooptantur.*

64. **H**æc victoria tribunorum plebisque prope inhaud salubrem, i luxuriam vertit, conspiratione

*Luxuriam) Latitiam insolentem.*

ratione inter tribunos facta, ut iidem tribuni reficerentur; &, quo sua minus cupiditas emineret, consulibus quoque continuarent magistratum. consensum patrum causabantur, quo per contumeliam consulum jura plebis labefactata essent. *quid futurum, nondum firmatis legibus, si novos tribunos per factiones suas consules adorti essent? non enim semper Valerios Horatiosque COSS. fore, qui libertati plebis suas opes postferrent.* Forte quadam utili ad id tempus, ut comitiis præesset, potissimum M. Duillio forte evenit, viro prudenti, & ex continuatione magistratus invidiam imminentem cernenti. qui cum ex veteribus tribunis negaret ullius se rationem habiturum; pugnarentque collegæ, ut liberas tribus in suffragium mitteret, aut concederet fortem comitiorum collegis, habituris e lege potius comitia, quam ex voluntate patrum; injecta contentione, Duillius consules ad subsellia accitos cum interrogasset, quid de comitiis consularibus in animo haberent, respondissentque, se novos consules creaturos, auctores popularis sententiæ haud populares nactus, in concionem cum iis processit. ubi cum consules producti ad populum, interrogatique, si eos P. R. memor libertatis per illos receptæ domi, memor militiæ rerumque gestarum, consules iterum faceret, quidnam facturi essent; nihilque sententiæ suæ mutassent; collaudatis consulibus, <sup>U. C.</sup> quod perseverarent ad ultimum dissimiles decemvirorum esse, comitia habuit: &, quinque tribunis plebis creatis, cum præ studiis aperte petentium novem tribunorum alii candidari tribus non explerent, concilium dimisit, nec deinde comitiorum causa habuit. satisfactum legi aiebat; quæ, numero nusquam præfinito tribunis, modo ut relinquerentur, sanciret, & ab iis, qui creati essent, cooptari collegas juberet. recitabatque rogationis carmen, in quo: *Si tribunos plebis decem rogabo, Si quos minus hodie decem tribunos plebis fecerint: hētum, quos sibi collegas cooptassint, ita illi legitimi eadem lege tribuni plebei sint, ut*

K 5      illi

( Tribus non explerent ) Non possent legitimum & necessarium suffragiorum numerum ferre.

*illi quos hodie tribunos plebes feceritis. Duillius cum ad ultimum perseverasset, negando xv. tribunos plebis rempub. habere posse, victa collegarum cupiditate, pariter patribus plebique acceptus magistratu abiit. Novi tribuni plebis in cooptandis collegis patrum voluntatem foverunt: U. C. duos etiam patricios consularesque, Sp. Tarpe-  
100. jum, & A. Aterium cooptavere. Consules creati Lar. Herminius, T. Verginius Cœlimontanus, nihil magnopere ad patrum aut plebis causam inclinari, otium domi ac foris habuere. L. Trebonius, trib. pl. infestus patribus, quod se ab iis in cooptandis tribunis fraude captum, proditumque a collegis ajebat, rogationem tulit, ut, qui plebem Romanam tribunos plebis rogaret, is usque eo rogaret, dum & tribunos plebis faceret. infestandisque patribus, unde Aspero etiam indirum est cognomen, tribunatum gessit.*

## C A P U T XXXIII.

*Quiescentem plebem juniores Patrum injuriis vexant.*

U. C. 107. **I**Nde M. Geganius Macerinus, & C. Julius COSS. facti, coitiones tribunorum, adversus nobilium juventutem ortas, sine infectatione potestatis ejus, conservata majestate patrum, sedavere: plebem, decreto ad bellum Volscorum & Æquorum delectu, i sustinendo rem ab seditionibus continuere; urbano quoque otio foris omnia tranquilla esse affirmantes, per discordias civiles externos tollere animos. cura pacis concordiae quoque intellinæ causa fuit. Sed alter semper ordo gravis alterius modestiæ erat. quiescenti plebi ab junioribus patrum injuriæ fieri cœptæ. ubi tribuni auxilio humilioribus essent, in primis parum proderat: deinde ne ipsi quidem inviolati erant, utique postremis mensibus: cum & per coitiones potentiorum injuria fieret; & vis potestatis omnis aliquanto posteriore anni parte languidior ferme esset: jamque plebis ita in tribunatu ponere aliquid spei, si similes Icilio tribunos haberet: nomina

*1 Sustinendo rem ) Trahendo, prosequendo rem, i. e. delectum.*

mina tantum se biennio habuisse. seniores contra patrum ut nimis feroces suos credere juvenes esse, ita malle, si modus excedendus esset, suis, quam adversariis, superesse animos. adeo moderatio tuendæ libertatis, dum, æquari vel le simulando, ita se quisque extollit, ut deprimat alium, in difficili est: cavendoque ne metuant homines, metuendos ultro se efficiunt; & injuriam a nobis repulsam, tamquam aut facere aut pati necesse sit, injungimus aliis.

## CAPUT XXXIV.

*Civilis discordia foris quoque bellum accendit. Æqui & Volsci, sumtis armis, in agrum Roman. incurrunt: terrore ad Urbem perlato, T. Quintius Cos. pro ordinum concordia gravissime loquitur.*

**T** Quintius Capitolinus quartum; & Agrip- 66.  
 . pa Furius consules inde facti nec seditio- u. c.  
 nem domi, nec foris bellum acceperunt: sed 108.  
 imminabat utrumque. Jam non ultra discordia civium reprimi poterat, & tribunis, & plebe incitata in patres, cum dies alicui nobilium dicta novis semper certaminibus conciones turbaret. ad quarum primum strepitum velut signo accepto arma cepere Æqui ac Volsci: simul quod persuaserant iis duces cupidi prædæ, biennio ante delectum indictum haberi non potuisse, abnuente jam plebe imperium, eo adversus se non esse missos exercitus. dissolvi licentia militandi morem, nec pro communi jam patria Romam esse. quicquid irarum simultatumque cum externis fuerit, in ipsos verti. occatos lupos intestina rabie opprimendi occasionem esse. Coniunctis exercitibus Latinum primum agrum populati sunt: deinde, postquam ibi nemo vindex occurrebat, tum vero, exultantibus belli auctoribus, ad mœnia ipsa Romæ, populabundi, regione portæ Esquilinæ accessere, vastationem agrorum urbi per contumeliam ostentantes. unde postquam inulti prædæ præ se agentes retro ad Corbionem agmine iere, Quintius, COSS. ad concionem populum vocavit. ibi in hanc sententiam locutum accipio: 67.

*Esse mihi nullius noxia conscius, Quirites, sum; tamen cum pudore summo in concionem vestram processi. hoc vos scire, hoc posteris memoria traditum iri, Æquos & Volseos vix Herminis modo pares, T. Quintio quartum consule, ad mœnia urbis Roma impune armatos venisse. hanc ego ignominiam (quamquam jamdudum ita vivitur, is status rerum est, ut nihil boni divinet animus) si huic potissimum imminere anno scissem, vel exilio, vel morte, si alia fuga honoris non esset, vitassem. Ergo si viri arma illa habuissent, quæ in portis fuere nostris, capi Roma me consule potuit? satis honorum, superque vita erat: mori consulem tertium oportuit. quem tandem ignavissimi hostium contemserunt? nos consules? an vos, Quirites? si culpa in nobis est, auferte imperium indignis: & si id parum est, insuper pœnas expetite. si in vobis, nemo deorum nec hominum sit, qui vestra puniat peccata, Quirites; vosmet tantum eorum pœniteat. Non illi vestram ignaviam contemserunt, nec sua virtuti confisi sunt: quippe toties fusi fugatique, castris exuti, agro multati, sub jugum missi, & se & vos novere discordia ordinum est venenum urbis hujus, patrum ac plebis certamina. dum nec nobis impeditur, nec vobis libertatis est modus; dum tædet vos patriciorum, nos plebeiorum magistratuum; sustulere illi animos. Proh deum fidem, quid vobis vultis? tribunos plebis concupistis; discordia causa concessimus: decemviros desiderastis; creari passi sumus. decemvirorum vos peritum est; coegimus abire magistratu. manente in eosdem privatos ira vestra, mori atque exulare nobilissimos viros honoratissimosque passi sumus. tribunos plebis creare iterum voluistis; creastis. consules facere vestrarum partium, etsi patribus videbamus iniquum, patricium quoque magistratum plebi donum fieri vidimus. auxilium tribunitium, provocationem ad populum, scita plebis injuncta patribus, sub titulo æquandarum legum nostra jura oppressa tulimus & ferimus. qui finis erit discordiarum? ecquando unam urbem habere, ecquando communem hanc esse patriam licebit? Victi nos æquiore animo quiesci-*

quiescimus, quam vos victores. satis ne est nobis vos metuendos esse? Adversus nos Aventinum capitur: adversus nos Sacer occupatur mons. Esquilias quidem ab hoste prope captas, & scandentem in 1 aggerem Volscum hostem nemo submovit. in nos viri, in nos armati estis. Agitedum: ubi hic curiam circumfuderitis, & 68. forum infestum feceritis, & carcerem impleveritis principibus; iisdem istis ferocibus animis egredimini extra portam Esquilinam: aut si ne hoc quidem audetis, ex muris vísite agros vestros ferro ignique vastatos, pradam abigi, fumare incensa passim teéta. At enim communis res per hac loco est pejore. ager uritur, urbs obsidetur, belli gloria penes hostes est. Quid tandem? privata res vestra quo in statu sunt? jam unicuique ex agris sua damna nuntiabuntur. quid est tandem domi, unde ea expleatis? tribuni vobis amissa reddent ac restituent? vocis verborumque quantum voletis, ingerent, & criminum in principes, & legum aliarum super alias, & concionum. sed ex illis concionibus numquam vestrum quisquam re fortunaeque domum auctior rediit. Ecquis retulit aliquid ad conjugem & liberos, prator odia, offensiones, similitates publicas privatasque? a quibus semper non vestra virtute innocentiaeque, sed auxilio alieno tuti sitis. At Hercules cum stipendia nobis consulibus, non tribunis ducibus, & in castris, non in foro, faciebatis; & in acie vestrum clamorem hostes, non in concione patres Romani horrebant; prada parta, agro ex hoste capto, pleni fortunarum, gloriaeque simul publica, simul privata, triumphantes domum ad penates ridibatis: nunc oneratum vestris fortunis hostem abire sinitis. Haerete affixi concionibus, & in foro vivite: sequitur vos necessitas militandi, quam fugitis. grave erat in Aequos & Volscos proficisci? ante portas est bellum. si inde non pellitur; jam intra moenia erit, & arcem & Capitolium scandet; & in domos vestras vos persequetur. Biennio ante senatus delectum haberi, & educi exercitum in Algidum.

1 Aggerem ) Esquilinus collis illa parte abibat per aggerem Tarquini Superbi.

laré, dignam tot consulatibus anteaſtis, dignam  
vita omni plena honorum ſape geſtorum; ſapius  
meritorum. alios conſules aut per proditiōem  
dignitatis patrum plebi adulatos, aut acerbe  
tuendo iura ordinis, aſperiores domando mul-  
titudinem feciſſe. T. Quintium orationem me-  
morem maiestatis patrum, concordiaque ordinum,  
& temporum in primis habuiſſe. orare eum,  
collegamque, ut capeſſerent temp. orare tribunos,  
ut uno animo cum conſulibus bellum ab urbe ac  
mœnibus propulſare vellent, plebemque obedi-  
tem in re tam trepida patribus praberent. 1 ap-  
pellare tribunos communem patriam, auxilium-  
que eorum implorare, vaſtatis agris, urbe pro-  
pe oppugnata. Conſenſu omnium delectus de-  
cernitur, habeturque. Cum conſules in concio-  
ne pronuntiaſſent, tempus non eſſe 2 cauſas cogno-  
ſcendi, omnes iuniores poſtero die prima luce  
in campo Martio adeſſent, cognoſcendis cauſis  
eorum, qui nomina non dediſſent. bello perfe-  
cto ſe daturus tempus; pro deſertore futurum,  
eius non probaſſent cauſam: omnis iuventus  
aſſuit poſtero die: cohortes ſibi quæque cen-  
turiones legerunt: bini ſenatores ſingulis co-  
hortibus præpoſiti, Hæc omnia adeo matu-  
re perfectæ accepimus, ut ſigna eo ipſo die a  
quæſtoribus ex arario promta, delataque in  
campum, quarta diei horæ mota ex campo  
ſint; exercitusque novus, paucis cohortibus ve-  
terum militum voluntate ſequentibus, man-  
ſerit ad decimum lapidem. inſequens dies ho-  
ſtem in conſpectum dedit, caſtraque ad Cor-  
bionem caſtris ſunt conjuncta. tertio die cum  
ira Romanos, illos, cum toties rebellaſſent,  
conſcientia culpæ, ac deſperatio irritaret, mo-  
ra dimicandi nulla eſt facta. In exercitu Ro-  
mano cum duo conſules eſſent poteſtate pari,  
quod ſaluberrimum in adminiſtratione magnarum  
rerum eſt, ſumma imperii, concedente Agrippa,  
penes collegam erat; & prælatus ille faci-  
litati ſummittentis ſe comiter respondebat,  
communicando conſilia laudesque, & æquando  
imparem ſibi. In acie Quintius dextrum cor-  
nu,

1 Appellare ) Communis patria appellat tribunos.

2 Cauſas cognoſcendi ) Diſceptandi & dijudicandi cauſas.

fendentibus, momentoque fufis, fine certamine in munitiones irrumpunt: 1 prædaque ingenti compotem exercitum, fuis etiam rebus recuperatis, quæ populatione agrorum amiſſæ erant, reducunt. Triumphum nec ipſos poſtulaſſe, nec delatum iis ab ſenatu, accipio: nec traditur cauſa ſpreti, aut non ſperati honoris. ego quantum in tanto intervallo temporum conjicio, cum Valerio, atque Horatio conſulibus, qui præter Volſcos & Æquos, Sabini etiam belli perfecti gloriam pepererant, negatus ab ſenatu triumphus eſſet; verecundiæ fuit pro parte dimidia rerum conſulibus petere triumphum; ne, etiamſi impetraſſent, magis hominum ratio, quam meritorum habita cura videretur.

## CAPUT XXXVI.

*Populus Romanus judex ſumtus inter Ardeates; atque Aricinos de ambigua agro certantes, Scaptio quodam auctore, eundem agrum ſibi fœde adjudicat.*

**V**ictoriam honeſtam, ex hoſtibus partam; turpe domi de finibus ſociorum judicium 71. populi deformavit. Aricini atque Ardeates de ambiguo agro cum ſæpe bello certafſent, multis invicem cladibus feſſi, judicem populum Romanum cepere. Cum ad cauſam orandam veniſſent, concilio populi a magiſtratibus dato, magna conteatione actum. jamque editis teſtibus cum tribus vocari, & populum inire ſuffragium oporteret, conſurgit P. Scaptius, de plebe, magno natu: &, *Si licet*, inquit, *conſules, de repub. dicere, errare ego populum in hac cauſa non patiar.* Cum, ut vanum, cum negarent conſules audiendum eſſe, vociferantemque prodi publicam cauſam ſummoveri juſſiſſent, tribunos appellat. Tribuni, ut fere ſemper reguntur a multitudine magis, quam regunt, dedere cupidæ audiendi plebi, ut, quæ veller, Scaptius diceret. Ibi inſit, *annum ſe tertium & octogefimum agere, & in eo agro, de quo agitur, militaſſe non juvenem, ſed vicesima jam ſtipen-*

1 Præda... ingenti compotem) Salluſtius, neque animo, neque lingua ſua compotem.



stipendia merentem, cum ad Coriolos sit debellatum: eo se rem vetustate oblitteratam, ceterum sue memoria infixam, asferre, agrum, de quo ambigitur, finium Coriolanorum fuisse; captisque Coriolis, jure belli publicum populi Romani factum, mirari se, quoniam more Ardeates, Aricinique, cujus agri jus numquam usurpaverint incolumi Coriolana re, eum se a populo Romano, quem pro domino judicem fecerint, intercepturos sperent: sibi exiguum vita tempus superesse; non potuisse se tamen inducere in animum, quin, quem agrum miles pro parte virili manu cepisset, eum senex quoque voce, qua una posset, vindicaret: magnopere se suadere 72. populo, ne inutili pudore suam ipse causam damnaverit. Consules cum Scaptium non silentio modo, sed cum assensu etiam audiri animadvertissent; deos, hominesque testantes, flagitium ingens fieri, patrum primores arcessiunt. cum his circumire tribunos, orare, ne pessimum facinus pejore exemplo admitterent, judices in suam rem 1 litem vertendo: cum praesertim, etiam si fas sit curam emolumenti sui judici esse, nequaquam tantum agro intercipiendo acquiratur, quantum amittatur alienandis injuria sociorum animis: nam fama quidem ac fidei damna majora esse, quam quae aestimari possent. Hoc legatos referre domum? hoc vulgari? hoc socios audire? hoc hostes? quo cum dolore hos? quo cum gaudio illos? Scaptio ne hoc, 2 concionali seni, assignaturos putarent finitimos populos? clarum hac fore imagine Scaptium nomen: populum Romanum 3 quadruplatoris, & interceptoris litis aliena personam laturum. quem enim hoc privata rei judicem fecisse, ut sibi controversam adjudicaret rem? Scaptium ipsum id quidem, etsi praemortui jam sit pudoris, non facturum. Hæc consules, hæc patres vociferantur. sed plus cupiditas, & auctor cupiditatis Scaptius valet.

1 Litem) Id de quo lis erat.

2 Concionali seni) Forum terere solito, & totos dies in concionibus consumere.

3 Quadruplatoris) Quadruplatores delatores erant criminum publicorum, dicti a quarta parte ex damnatorum bonis, quæ consequabantur. Alii dicunt quadruplatores esse eorum reorum accusatores, qui convicti quadrupli damnari solebant, ut aleæ &c.

valet. vocatæ tribus judicaverunt, agrum publicum populi Rom. esse. nec abnuitor ita fuisse, si ad iudices alios itum foret. nunc haud sane quicquam i bona causa elevatur dedecus iudicii: idque non Aricinis, Ardeatibusque, quam patribus Romanis, foedius atque acerbius visum. Reliquum anni quietum ab urbanis moribus, & ab externis mansit.

# DECADIS PRIMÆ

## LIBER QUARTUS.

### CAPUT I.

*Oritur seditio ob duas tribunorum rogationes, alteram ab Canulejo promulgatam de connubio Patrum & plebis, alteram ab collegiis de creandis promiscue sive ex patribus, sive ex plebe consulibus; utramque consules in Senatu insectantur.*



OS secuti M. Genutius & C. Curatius consules. Fuit annus domi U.C. forisque infestus, anni namque principio & de connubio patrum & plebis C. Canulejus tribunus plebis rogationem promulgavit, qua conta-

minari sanguinem suum patres confundique iura gentium rebantur; & mentio primo sensim illata a tribunis, ut alterum ex plebe consulem liceret fieri, eo processit deinde, ut rogationem novem tribuni promulgarent, ut populo potestas esset, seu de plebe, seu de patribus vellet, consules faciendi. Id vero si fieret, non vulgari modo cum infimis, sed prorsus auferri a primoribus ad plebem summum imperium credebant. Læti ergo audire patres, Ardeatium populum ob injuriam agri abjudicati descisse, & Ve-

1 Bona causa elevatur) Bonitate causæ immittitur.

2 Iura gentium) Gens hic est, quæ e multis familiis conficitur. Gens enim complectitur eos, qui eodem sunt & nomine & cognomine.

& Veientes depopulatos extrema agri Rom. & Volscos Æquosque ad communiam Verruginem fremere. adeo vel infelix bellum ignominiosa paci præferebant. His itaque in majus etiam acceptis, ut inter strepitum tot bellorum conticescerent actiones tribunitiæ, delectus haberi, bellum armaque vi summa apparari jubent, si quo intentius possit, quam T. Quintio consule, apparatus sit. C. Canuleius, pauca in senatu vociferatus, necquicquam territando consules, avertere plebem a cura novarum legum; numquam eos se vivo delectum habituros, antequam ea, quæ promulgata ab se collegisque essent, plebes scivisset; confestim ad concionem advocavit. Eodem tempore & consules senatum in tribunal, & tribunus populum in consules incitabat. Negabant consules, jam ultra ferri posse furores tribunitios; ventum jam ad finem esse; domi plus belli concitari, quam foris: id adeo non plebis, quam patrum, neque tribunorum magis, quam consulum culpa accidere. ~~re~~ <sup>ius</sup> rei primum sit in civitate, eam maximis semper auctibus crescere. sic pace bonos, sic bello fieri. maximum Roma primum seditionum esse: id & singulis universisque semper honori fuisse. Reminiscerentur, quam majestatem senatus ipsi a patribus accepissent, quam liberis tradituri essent: & quemadmodum plebs gloriari posset, auctiorem ampliorumque se. finem ergo non fieri, nec futurum, donec, quam felices seditiones, tam honorati seditionum auctores essent. Quas, quantasque res C. Canuleium aggressum? colluvionem gentium, perturbationem 2 auspiciorum publicorum privatorumque asserre, ne quid sinceri, ne quid incontaminati sit; ut, discrimine omni sublato, nec se quisquam, nec suos noverit. quam enim aliam vim connubia promiscua habere, nisi ut ferarum prope ritu vulgentur concubitus plebis, patrumque? ut qui natus sit, ignoret cujus sanguinis, 3 quorum sacrorum sit: dimidiis patrum sit, di-

4 Præferebant) Volsci & Æqui.

2 Auspiciorum... privatorum) Auspicia privata erant ea, quæ super privatorum negotiis capiebantur.

3 Quorum sacrorum) Sua cuique genti propria fuerant sacra.

dimidius plebis, ne secum quidem ipse concors : Parum id videri, quod omnia divina humanae turbentur : jam ad consulatum vulgi turbatores accingi. & primo, ut alter consul ex plebe fieret, id modo sermonibus tentasse ; nunc rogari, ut seu ex patribus, seu ex plebe velit, populus consules creet : & creaturos haud dubie ex plebe seditiosissimum quemque. Cannulcios igitur, Icilioque consules fore. Ne id Jupiter optimus maximus sineret, 1 regia majestatis imperium eo recidere. & se millies morituros potius, quam ut tantum dedecoris admitti patiantur. certum habere, majores quoque, si divinassent, concedendo omnia non mitiorem in se plebem, sed asperiores, alia ex aliis iniquiora postulando, cum prima impetrasset, futuram ; primo quamlibet dimicationem subituros fuisse potius ; quam eas leges sibi imponi patrentur : quia tum concessum sit de tribunis, iterum concessum esse. Finem ergo non fieri : non posse in eadem civitate tribunos plebis, & patres esse. aut hunc ordinem, aut illum magistratum tollendum esse : potiusque sero, quam numquam, obviam eundem audaciae temeritatisque. 2 illi ne ut impune primo discordias serentes, concitent finitima bella ? deinde adversus ea, quae concitaverint, armari civitatem defendique prohibeant ? & cum hostes 3 tantum non arcesserint, exercitus conscribi adversus hostes non modo non patiantur, sed audeat Canuleius in senatu proloqui, se, nisi suas leges tamquam victoris patres accipi sinant, delectum haberi prohibiturum ? quid esse aliud, quam minari se patriam proditurum, patriam oppugnari atque capi passurum ? quid eam vocem animorum, non plebi Romanae, sed Volscis, & Aequis, & Veientibus allaturam ? nonne, Canuleio duce, se speraturos Capitolium atque arcem scandere posse, si patribus tribuni, cum jure ac majestate adempta, animos etiam eripuerint ? Consules paratos esse duces prius adversus scelus civium, quam adversus hostium arma.

CA-

1 Regio majestatis imperium ) Imperium consulare, in quo inest regia majestas.

2 Illinc ut ) Ellipsis, quam sic exple: Quis hoc illis concedat, ut . . . concitent . . . prohibent . . . non patiantur . . . audeat.

3 Tamum non ) Fere, propemodum.

## CAPUT II.

*Canuleii pro tribunitiis rogationibus oratio .  
Victi Patres ut lex de connubio feratur con-  
sentiunt .*

3. **C**UM maxime hæc in senatu agerentur, Ca-  
nuleius pro legibus suis, & adversus con-  
sules ita disseruit: *Quantopere vos, Quirites,  
contemnerent patres, quam indignos ducerent,  
qui una secum urbe intra eadem mœnia vivere-  
tis: sape equidem & ante videor animadvertif-  
se, nunc tamen maxime, quod adeo atroces in  
has rogationes nostras coorti sunt: quibus quid  
aliud quam admonemus, cives nos eorum esse;  
& si non easdem opes habere, eandem tamen  
patriam incolere? Altera connubium petimus, quod  
finitimis, externisque dari solet. nos quidem ci-  
vitatem, qua plus, quam connubium est, hosti-  
bus etiam victis dedimus, altera nihil novi feri-  
mus, sed id, quod populi est, repetimus, atque  
usurpamus: ut, quibus velit, populus Roma-  
nus honores mandet. Quid tandem est, cur ca-  
lum ac terras misceant? cur in me impetus mo-  
do pene in senatu sit factus? negent, se mani-  
bus temperaturos? violaturosque denuntient sa-  
cro sanctam potestatem? Si populo Romano libe-  
rum suffragium datur, ut quibus velit consula-  
tum mandet, & non praecluditur spes plebeio quoque,  
si dignus summo honore erit, adipiscendi sum-  
mi honoris, stare urbs hæc non poterit? de im-  
perio actum est? Et perinde hoc valet, plebeius  
ne consul fiat, tamquam servum, aut liberti-  
num aliquis consulem futurum dicat? Ecquid  
sentitis, in quanto contemptu vivatis? Lucis vo-  
bis hujus partem, si liceat, adimant, quod spi-  
ratis, quod vocem mittitis, quod formas homi-  
num habetis, indignantur. quin etiam (si diis  
placet) 1 nefas ajunt esse, consulem plebeium fie-  
ri. Obsecro vos, si non ad 2 fastos, non ad 3 com-  
menta-*

1 Nefas ajunt esse) Adversum religiones esse dicunt.

2 Fastos) Fasti duplices fuisse: alii, in quibus tota die-  
rum fastorum nefastorumque, festorum vel profestorum  
&c. ratio continebatur; alii, in quibus nomina magistra-  
tuum, & res gestæ perscribebantur.

3 Commentarias) In quibus pontifices suorum temporum  
jurisdictam summam describebant.

mentarios pontificum admittimur, ne ea quidem scimus, quæ omnes peregrini etiam sciunt, consules in locum regum successisse? nec aut juris, aut majestatis quicquam habere, quod non in regibus ante fuerit? ~~en~~ umquam creditis fando auditum esse, Numam Pompilium non modo non patricium, sed ne civem quidem Romanum, ex Sabino agro accitum, populi jussu, patribus auctoribus, Roma regnasse? L. deinde Tarquinium 1 non modo Romanum, sed ne Italica quidem gentis, Demarati Corinthii filium, 2 incolam ab Tarquiniiis, vivis liberis Anci regem factum? Servium Tullium post hunc, captiva Corniculana natum, patre nullo, matre serva, ingenio & virtute regnum tenuisse? quid enim de T. Tatius Sabino dicam, quem ipse Romulus parens urbis in societatem regni accepit? Ergo, dum nullum fastiditur genus, in quo eniteret virtus, crevit imperium Romanum. poeniteat nunc vos plebei consulis; cum majores nostri advenas reges non fastidierint, & ne regibus quidem exactis clausa urbs fuerit peregrina virtuti. Claudiam certe gentem post reges exactos ex Sabinis non in civitatem modo accepimus, sed etiam in patriciorum numerum. Ex peregrino ne patricius, deinde con'sul fiat? civis Romanus si sit ex plebe, praefixa consulatus spes erit? Utrum tandem non credimus fieri posse, ut fortis ac strenuus, pace belloque bonus ex plebe, sit Numa, L. Tarquinio, Servio Tullio similis? an ne si sit quidem, ad gubernacula reip. accedere eum patiemur? potiusque decemviris teterrimis mortalium, qui tum omnes ex patribus erant, quam optimis regum 1 novi hominibus similes consules sumus habituri? At enim nemo post reges exactos de plebe consul fuit. Quid postea? nulla ne res nova institui debet? & , 4 quod nondum est factum (multa enim nondum sunt facta in novo populo) ea, ne si utilia quidem sint, fieri oportet? Pontifices, augures

Romani-

1 Non modo Romanæ) Non modo non.

2 Incolam ab Tarquiniiis) Incola oppositus civi, est qui in aliquam regionem aliunde immigravit.

3 Novis hominibus) Novi homines apud Romanos oppositi nobilibus, sunt qui nullum ex majoribus insignitum curulibus magistratibus habent.

4 Quod nondum... ea) Nota formam loquendi. Vox malita, ut propior, attraxit ea.

Romulo regnante nulli erant: ab Numa Pompilio creati sunt. census in civitate, & descriptio centuriarum, classiumque non erat; ab Servio Tullio est facta. consules numquam fuerant; regibus exactis creati sunt. dicta foris nec imperium, nec nomen fuerat; & apud patres esse coepit. tribuni plebis, adiles, quaestores nulli erant: institutum est, ut fierent. decemviros legibus scribendis intra decem hos annos & creavimus & e republica sustulimus. Quis dubitat, quin in aeternum urbe condita, & in immensum crescente, nova imperia, sacerdotia, iuramentum, hominumque instituantur? Hoc ipsum ne connubium patribus cum plebe esset, non decemviri tulerunt paucis his annis, pessimo exemplo publico, cum summa injuria plebis? an esse ulla major, aut insignior contumelia potest, quam partem civitatis, velut contaminatam, indignam connubio haberi? quid est aliud, quam & exilium intra eadem moenia, quam relegationem pati? ne affinitatibus, propinquitatibus immisceamur, cavent, ne societur sanguis. quid? hoc si polluit nobilitatem istam vestram, quam plerique oriundi ex Albanis, & Sabinis, non genere, nec sanguine, sed per cooptationem in patres, habetis, aut regibus lecti, aut post reges exactos jussu populi; sinceram servare privatis consiliis non poteratis nec ducendo ex plebe, neque vestras filias sororesque enubere sinendo e patribus? Nemo plebeiis patricia virgini vim afferret; patriciorum ista libido est: nemo invitum pactationem nuptialem quemquam facere coegisset. verum enim vero lege id prohiberi, & connubium tolli patrum ac plebis, id demum contumeliosum plebi est. cur enim non & confertis, ne sit connubium divitibus ac pauperibus? Quod privatorum consiliorum ubique semper fuit, ut in quam cuique femina convenisset domum, nuberet; ex qua pactus esset vir domo, in matrimonium duceret; id vos sub legis superbissima vincula conjicitis, qua dirimatis societatem civilem, duasque ex una civitate faciatis. Cur non sancitis ne vicini

pa-

1 Apud patres) Patrum memoria.

2 Exilium, .. relegationem) Relegatio minor est poena, quam exilium. Exilio civitas amittitur, non relegatione.

3 Confertis) Simul fertis legem.

patricio sit plebeius? ne eodem itinere eat? ne idem convivium ineat? ne in foro eodem consistat? quid enim in re est aliud? si plebeiam patricius duxerit, si patriciam plebeius, quid juris tandem mutatur? nempe i patrem sequuntur liberi. nec, quod nos ex connubio vestro petamus, quicquam est, praterquam ut hominum, ut civium numero simus. nec vos (nisi in contumeliam ignominiamque nostram certare juvat) quod contendatis, quicquam est. Denique, utrum tandem populi Romani, an vestrum summum imperium est? regibus exactis, utrum vobis dominatio, an omnibus aqua libertas parata est? Oportet licere populo Romano, si velit, jubere legem. an, ut quaque rogatio promulgata erit, vos delectum pro poena decernetis? & simul ego tribunus vocare tribus in suffragium cæpero; tum statim consul sacramento juniores adiges, & in castra educes? & minaberis plebi, minaberis tribuno? Quid? si non, 2 quantum ista mina adversus plebis consensum valerent, bis jam experti essetis? scilicet, quia nobis consultum volebatis, certamine abstinuistis? an ideo non est dimicatum, quod, quæ pars firmior, eadem modestior fuit? Nec nunc erit certamen, Quirites. animos vestros illi tentabunt semper, vires non experientur. Itaque ad bella ista, seu falsa, seu vera sunt, consules, parata vobis plebs est, si connubius redditis, unam hanc civitatem tandem facitis, si coalescere, si jungi, miscerique vobis privatis necessitudinibus possunt: si spes, si aditus ad honores viris strenuis, & fortibus datur: si in consortio, si in societate reipublica esse: si, quod aqua libertatis est, invicem annuis magistratibus parere, atque imperitare licet. sin hæc impedit aliquis, ferte sermonibus, & multiplicata fama bella. nemo est nomen daturus, nemo arma capturus, nemo dimicaturus pro superbis dominis, cum quibus nec in re publica honorum, nec in privata connubii societas est. Cum in concionem & consules processissent, & res a perpetuis orationibus in altercationem vertisset, interroganti tribuno, cur plebeium consulens

Tom. I.

L

fieri

1 Patrem sequuntur liberi ) Ex justo matrimonio nati.

2 Quantum ) Quam patrem.



fieri non oporteret? ut fortasse vere, sic parum utiliter in præsens certamen respondit; quod nemo plebeius auspicia haberet; ideoque decemviros connubium diremisſe, ne incerta prole auspicia turbarentur. Plebs ad id maxime indignatione exarsit, quod auspiciari, tamquam invisi diis immortalibus, negarentur posse. Nec ante finis contentionum fuit (cum & tribunum acerrimum auctorem plebs nacta esset, & ipsa cum eo pertinacia certaret) quam victi tandem patres, ut de connubio ferretur, concessere: ita maxime rati contentionem de plebeiis consulibus tribunos aut totam deposituros, aut post bellum dilaturos esse, contentamque interim connubio plebem paratam delectui fore.

## CAPUT III.

*Pugnantis tribunis pro altera lege de plebeis consulibus, permittitur, ut tribuni militum potestate consulari creentur.*

Cum Canuleius victoria de patribus, & plebis favore ingens esset, accensii tribuni ad certamen, pro rogatione sua summa vi pugnant: & crescente in dies fama belli, delectum impediunt. Consules, cum per senatum, intercedentibus tribunis, nihil agi posset, consilia principum domi habebant: apparbat autem, aut hostibus, aut civibus de victoria concedendum esse. soli ex consularibus Valerius atque Horatius non intererant consiliis. C. Claudii sententia consules armabat in tribunos: Quintiorum, Cincinnatique, & Capitolini sententia abhorrebant a cæde, violandisque, quos, fœdere icto cum plebe, sacrosantos accepissent. Per hæc consilia co deducta res est, ut tribunos militum consulari potestate promiscue ex patribus, ac plebe creari sinerent, de consulibus creandis nihil mutaretur. eoque contenti tribuni, contenta plebs fuit. Comitia tribunis consulari potestate tribus creandis indicuntur. quibus indictis extemplo quicumque aliquid feditiose dixerat, aut fecerat, hinc quam maxime tribunitii & prehensare homines, & concurrere

Tare toto foro candidati cœpere : ut patricios desperatio primo, irritata plebe, adipiscendi honoris, deinde indignatio, si cum his gerendus esset honos, deterreret. postremo, coacti tamen a primoribus, petiere, ne cessisse possessione reipublicæ viderentur. Eventus eorum comitiorum docuit alios animos in contentione libertatis dignitatisque, alios secundum deposita certamina incorrupto iudicio esse; tribunos enim omnes patricios creavit populus: contentus eo, quod ratio habita plebeiorum esset. Hanc modestiam, æquitatemque, & altitudinem animi ubi nunc in uno inveneris, quæ tum populi universi fuit? Anno trecentesimo decimo quam urbs Roma condita erat, primum tribuni militum pro consulibus magistratum inierunt; A. Sempronius Atratinus, L. Attilius, T. Clælius: quorum in magistratu concordia domi pacem etiam foris præbuit. Sunt qui, propter adiectum Æquorum Volscorumque bello, & Ardeatium defectioni Vejens bellum, quia duo consules obire tot simul bella nequirent, tribunos militum tres creatos dicant, sine mentione promulgatæ legis de consulibus creandis ex plebe; & imperio, & insignibus consularibus usos. Non tamen pro firmato jam stetit magistratus ejus jus; quia tertio mense, quam inierunt, augurum decreto, perinde ac vitio creati, honore abiire, quod C. Curatius, qui comitiis eorum præfuerat, parum recte tabernaculum cepisset.

## CAPUT, IV.

*Ardeatibus per legatos in senatu querentibus de intercepti agri injuria mite responsum datur: cum is deinde fœdus renovatur. Censura initium.*

**L** Egati ab Ardea Romam venerunt, ita de injuria querentes, ut, si demeretur ea, in fœdere atque amicitia mansuros restituto agro appareret. ab senatu responsum est, iudicium populi rescindi ab senatu non posse, præterquam quod nullo nec exemplo, nec jure fieret,

concordia etiam ordinum causa. si Ardeates 1  
sua tempora expectare velint, arbitriumque so-  
natui levanda injuria sua permittant, fore, ut  
postmodum gaudeant se ira moderatos; sciant-  
que patribus aque cura fuisse, ne qua injuria  
in eos oriretur, ac ne orta diuturna esset. Ita  
legati, cum se rem integram relatu-ros dixissent,  
comiter dimissi. Patricii, cum sine 2 curuli ma-  
gistratu respublica esset, coiere, & interregem  
creare. contentio, consules ne, an tribuni  
militum crearentur, in interregno rem dies  
complures tenuit. Interrex, ac senatus consu-  
lum comitia, tribuni plebis & plebs tribunorum  
militum ut habeantur, tendunt. Vicerunt pa-  
tres; quia & plebs patriciis seu hunc, seu il-  
lum delatura honorem, frustra certare superse-  
dit; & principes plebis ea comitia malebant,  
quibus non haberetur ratio sui, quam quibus  
ut indigni praterirentur. tribuni quoque ple-  
bis certamen sine effectu in beneficio apud pri-  
mores patrum reliquere. T. Quintius Barbatus  
interrex consules creat L. Papirium Mugilanus,  
L. Sempronium Atratinum. His consulibus  
cum Ardeatibus foedus renovatum est. idque  
monumenti est, consules eos illo anno fuisse,  
qui neque in annalibus priscis, neque in libris  
magistratuum inveniuntur. credo, quod tribu-  
ni militum initio anni fuerunt, eo, perinde  
ac si totum annum in imperio fuerint, susse-  
ctis his consulibus, pratermissa nomina consu-  
lum horum. 3 Licinius Macer auctor est, &  
in foedere Ardeatino, & in 4 linteis libris 5  
ad Monetæ inventa. Et foris, cum tot terro-  
res a finitimis ostentati essent, & domi otium  
8. fuit. Hunc annum, seu tribunos modo, seu  
U.C. 111 tribunis suspectos consules quoque habuit, se-  
quitur annus haud dubiis consulibus, M. Gega-  
nio Macerino iterum, T. Quintio Capitolino  
quintum cosl. Idem hic annus censuræ initium  
fuit,

1 *Sua tempora*) Opportuna senatui.

2 *Curuli Magistratus*) Curules magistratus fuere qui sella  
curuli utebantur, dictatores, consules, tribuni militares,  
censores, prætores, ædiles curules.

3 *Licinius Macer*) Scriptor.

4 *Linteis Libris*) In quos magistratuum nomina refere-  
bantur.

5 *Ad Monetæ*) Ad ætem.

fuit, rei a parva origine ortæ. quæ deinde tanto incremento aucta est, ut morum, disciplinæque Romanæ penes eam regimen, senatus, equitumque centuriæ, decoris dedecorisque discrimen sub ditione ejus magistratus, publicorum jus privatorumque locorum, & vestigalia populi Romani sub nutu, atque arbitrio essent. ortum autem initium rei est, quod in populo per multos annos incenso neque differri census poterat, neque consulibus, cum tot populorum bella imminerent, i operæ erat id negotium agere. Mentio illata ab senatu est, rem operosam, ac minime consularem suo proprio magistratu egere: cui scribarum ministerium, custodiæque & tabularum cura, cui 2 arbitrium formulæ censendi subjiceretur. Et patres quamquam rem paryam, tamen quo plures patricii magistratus in republica essent, læti accipere, id, quod evenit, futurum credo etiam rati, ut mox opes eorum, qui præessent, ipsi honori jus majestatemque adjicerent. & tribuni (id quod tunc erat) magis necessariam, quam speciosi ministerii procuracionem intuentes, ne parvis quoque rebus incommode adversarentur, haud sane tetendere. Cum a primoribus civitatis spretus honor esset; Papirium, Semproniumque, quorum de consulatu dubitabatur, ut eo magistratu parum solidum consulum explerent, censui agendo populus suffragiis præfecit. censores ab re appellati sunt.

## CAPUT V.

*Ardea orto certamine inter plebem, & optimates propter Virginis connubium, cum illa Volscos pro se excivisset, hi ab Romanis auxilium ex fœdere petunt. Missus cum exercitu Geganius Cos. Volscos devictos sub jugum mittit, ac de illis triumphat.*

**D**Um hæc Romæ geruntur, legati ab Ardea veniunt, pro veterrima societate renovatoque fœdere recenti auxilium prope everasæ

L 3

urbi

1 *Opera erat* } Operæ pretium erat, vacabat.

2 *Arbitrium formulæ censendi* } Jus statuendi qua ratione quisque censendus esset.

urbi implorantes . frui namque pace optimo consilio cum populo Romano servata per intestina arma non licuit . quorum causa , atque initium traditur ex certamine factionum ortum , quæ fuere , eruntque potentibus populis magis exitio , quam bella externa , quam fames , morbive , quam quæ alia in deum iras velut ultima publicorum malorum vertunt . Virginem plebei generis , maxime forma notam , petiere juvenes ; alter virgini genere par , tutoribus fretus , qui & ipsi ejusdem corporis erant ; nobilis alter , nulla re , præter quam forma captus . adjuvabant eum optimatum studia , per quæ in domum quoque puellæ certamen partium penetravit . nobilis superior judicio matris esse ; quæ quam splendidissimis nuptiis jungi puellam volebat . tutores in ea quoque re partium memores ad suum tendere . Cum res peragi intra parietes nequisset , ventum in jus est . postulatu audito matris tutorumque , magistratus secundum parentis arbitrium dant jus nuptiarum . Sed vis potentior fuit : namque tutores inter suæ partis homines de injuria decreti palatium in foro concionari , manu facta , virginem ex domo matris rapiunt . adversus quos infestior coorta optimatum acies sequitur accensum injuria juvenem . fit prælium atrox . pulsa plebs , nihil Romanæ plebi similis , armata ex urbe profecta , colle quodam capto , in agros optimatum cum ferro ignique excursions facit . urbem quoque omnis etiam expertem ante certaminis , multitudine opificum ad spem prædæ evocata , obsidere parat . nec ulla species , cladesque belli abest , velut contacta civitate rabie duorum juvenum , funestas nuptias ex occasu patriæ petentium . Parum parti utrique domi armorum bellicue est visum . optimates , Romanos ad auxilium urbis obsessæ , plebs ad expugnandam secum Ardeam Volscos excivere . priores Volsci duce Æquo Clælio Ardeam venerunt , & mœnibus hostium vallum objecere . Quod ubi Romam est nuntiatum , extemplo M. Geganius consul cum exercitu profectus , tria millia passuum ab hoste locum castris cepit , præcipitique jam die curare

rare corpora milites jubet. quarta deinde vigilia signa profert; ceptumque opus adeo appropriatum est, ut sole orto Volsci firmiore se munimento ab Romanis circumvallatos, quam a se urbem, viderent. & alia parte consul muro Ardeæ i brachium \* immiserat, qua ex oppido sui commeare possent. Volscus imperator, qui ad eam diem non commeatu preparato, sed ex populatione agrorum rapto in diem frumento aluisset militem; postquam septus vallo repente inops omnium rerum erat, ad colloquium consule evocato, si solvendæ obsidionis causa venerit Romanos, abducturum se inde Volscos ait. Adversus ea consul, victis conditiones accipiendas esse, non ferendas, respondit; neque, ut venerint ad oppugnandos socios populi Romani suo arbitrio, ita abituros Volscos esse. dedi imperatorem, arma poni jubet, fatentes victos se esse, & imperio parere: aliter tam abeuntibus, quam manentibus se hostem infensum, victoriam potius ex Volscis, quam pacem infidam Romam relaturum. 2. Volsci exiguum spem in armis, alia undique abscissa, cum tentassent; præter cetera adversa, loco quoque iniquo ad pugnam congressi, iniquiore ad fugam, cum ab omni parte cederentur, ad preces a certamine versi, dedito imperatore, traditisque armis sub jugum missi cum singulis vestimentis ignominia cladisque pleni dimittuntur. & cum haud procul urbe Tusculo consedisent, veteri Tusculanorum odio inermes oppressi dederunt poenas, vix nuntiis cladis relictis. Romanus Ardeæ turbas seditione res, principibus ejus motus securi percussis, bonisque eorum in publicum Ardeatium redactis, composuit: dentamque injuriam judicii tanto beneficio populi Romani Ardeates credebant; senatui superesse aliquid ad delendum publicæ avaritiæ monumentum videbatur. Consul triumphans in urbem rediit, C. Cælio Volscorum duce ante currum

L. 4.

du-

\* Brachium) Vallum pertingens a castris Romanis ad urbem.

2. Volsci) Volsci exiguum spem quæ sibi reliqua erat in armis, alia spe undique abscissa, quam tentassent.

ducto, prælatisque spoliis, quibus dearmatum exercitum hostium sub jugum miserat.

## CAPUT VI.

*Alterius Cos. Quintii moderatio in civitatis concordia curanda. Ut ad Ardeates infami judicio interceptus ager redeat, Ardeam colonia deducitur.*

**Æ** Quavit, quod haud facile est, Quintius consul togatus armati gloriam collegæ: qui concordia, pacisque domesticam curam, jura infimis summisque moderando, ita tenuit, ut eum & patres severum consulem, & plebs satis comem crediderint: & adversus tribunos auctoritate plura, quam certamine, tenuit. quinque consulatus eodem tenore gesti, vitæque omnis consulariter acta, verendum pene ipsum magis, quam honorem, faciebant. eo tribunorum militarium nulla mentio his C. consulibus fuit. Consules creant M. Fabium<sup>312</sup> Vibulanum, Postumum Æbutium Cornicinem.  
 311. Fabius & Æbutius consules, quo majori gloria rerum domi, forisque gestarum succedere secernebant; maxime autem memorabilem annum apud finitimos socios hostesque esse, quod Ardeatibus in re præcipiti tanta foret cura subventum; eo impensius, ut delerent prorsus ex animis hominum infamiam judicii, senatusconsultum fecerunt, ut, quoniam civitas Ardeatium intestino tumultu redacta ad paucos esset, coloni eo præsidii causa adversus Volscos scriberentur. Hoc palam relatum in tabulas, ut plebem tribunosque falleret judicii rescindendi consilium initum. consenserant autem, ut, multo majore parte Rutulorum colonorum, quam Romanorum scripta, nec ager ullus divideretur, nisi is, qui interceptus judicio infami erat; nec ulli prius Romano ibi, quam omnibus Rutulis divisus esset, gleba ulla agri assignaretur. sic ager ad Ardeates rediit. Triumviri ad coloniam Ardeam deducendam creati, Agrippa Menenius, T. Clælius Siculus, M. Æbutius Helua. Qui, præter minime populare ministerium agro assignando sociis, quem populus

pulus Romanus suum judicasset, cum plebem offendissent, ne primoribus quidem patrum satis accepti, quod nihil gratiæ cujusquam dederant; vexationes, ad populum jam due dicta ab tribunis, coloni adscripti remanendo in colonia, quam testem integritatis justitiæque habebant, vitavere.

## CAPUT VII.

*Urbis tranquillitatem multiplex calamitas excipit: fame præsertim usque ad desperationem laboratur: frumentum privatim largiendo Sp. Malius de regno agit.*

**P**AX domi forisque fuit & hoc & insequen-  
 ti anno, C. Furio Pacilo, & M. Papirio <sup>120</sup>  
 Crassio COSS. Ludi ab decemviris, per seces- <sup>U.C.</sup>  
 sionem plebis, a patribus ex senatusconsulto <sup>113</sup>  
 voti, eo anno facti sunt. Causa seditionum  
 nequicquam a Pœtelio quæsitæ: qui tribunus  
 plebis iterum ea ipsa denuntiando factus ne-  
 que, ut de agris dividendis plebi referrent  
 consules ad senatum, pervincere potuit; &  
 cum magno certamine obtinisset, ut consule-  
 rentur patres, consilium an tribunorum place-  
 ret comitia haberi, consules creati jussi sunt. lu-  
 dibrioque erant minæ tribuni, denuntiantis se  
 delectum impediturum: cum, quietis finitimis,  
 neque belli apparatus opus esset. Sequitur hanc  
 tranquillitatem rerum annus, Proculo Gegano <sup>U.C.</sup>  
 Macerino, L. Menenio Lanato COSS. multipli- <sup>114</sup>  
 ci clade ac periculo insignis, seditionibus, fame,  
 regno prope per largitionis dulcedinem in cer-  
 vices accepto. Unum absuit bellum externum:  
 quo si aggravatæ res essent, vix ope deorum  
 omnium res fisti potuissent. Cœpere a fame  
 mala; sen adversus annus frugibus fuit, seu  
 dulcedine concionum & urbis deserto agro-  
 rum cultu, nam utrumque traditur, & patres  
 plebem desidem, & tribuni plebis nunc frau-  
 dem, nunc negligentiam consulum accusabant.  
 postremo perpulere plebei, haud adversante  
 senatu, ut L. Minutius præfectus annonæ crearetur,  
 felicior in eo magistratu ad custodiam liber-



tatis futurus, quam ad curationem ministerii sui, quamquam postremo annonæ quoque levatæ haud immeritam & gratiam & gloriam tulit. Qui cum, multis circa finitimos populos legationibus terra marique nequicquam missis, (nisi quod ex Etruria haud ita multum frumenti advectum est) & nullum, momentum annonæ fecisset; & revolutus ad dispensationem inopiæ, profiteri cogendo frumentum, & vendere quod usui menstruo superesset, fraudandoque parte diurni cibi servitia, criminando inde, & obijciendo iræ populi frumentarios, acerba inquisitione aperiret magis, quam levaret inopiam; multi ex plebe, spe amissa, potius, quam ut cruciarentur trahendo animam, capitibus obvolutis se in Tiberim præcipitaverunt. Tum Sp. Mælius ex equestri ordine, ut illis temporibus, prædives, rem utilem, pessimo exemplo, pejore consilio est aggressus. frumento namque ex Etruria privata pecunia per hospitum, clientiumque ministeria coempto, (quæ credo ipsa res ad levandam publica cura annonam impedimento fuerat) largitiones frumenti facere instituit: plebemque hoc munere delinitam, quacumque incederet, conspectus, elatusque supra modum hominis privati, secum trahere, haud dubium consulatum ei favore ac spe despondentem. Ipse, ut est humanus animus insatiabilis eo, quod fortuna spondet, ad altiora & non concessa tendere; & quoniam consulatus quoque eripiendus invitis patribus esset, de regno agitare. id unum dignum tanto apparatu consiliorum, & certamine, quod ingens exsudandum esset, præmium fore. Jam comitia consularia instabant: quæ res cum, necdum compositis rebus, maturisve satis consiliis, oppressit.

## CA.

*x Momentum annonæ fecisset*) Cum nihil profecisset ad levandam annonam: & revolutus ad dispensationem inopiæ, & eo redire coactus, ut exiguum illud frumenti quod erat quodam ordine dispensaret, non cuique pro arbitrio distribueret.

## CAPUT VIII.

*Sp. Maelius fit per Minutium aperte suspectus affectati regni : ad eum coercendum dicitur Dictator L. Quintius ; a quo dictus magister equitum Servilius Ahala , Maelium , parere recusantem , obtruncat : tumultuante multitudine , jure casum pronuntiat Dictator : ejus deinde domus diruitur : Minutio indici honor decernitur .*

**C**onsul sextum creatus T. Quintius Capit<sup>o</sup>.  
tolinus , minime opportunus vir novanti<sup>is</sup>  
res : collega additur ei Agrippa Menenius , cui  
Lanato erat cognomen . & L. Minutius præfe-  
ctus annonæ , seu refectus , seu , quoad res po-  
sceret , in incertum creatus . nihil enim con-  
stat , nisi in libros linteos utroque anno rela-  
tum inter magistratus præfecti nomen . Hic  
Minutius eandem Reipub. curationem agens ,  
quam Sp. Maelius privatim agendam susceperat ;  
cum in utraque domo genus idem hominum  
versaretur , rem compertam ad senatum defert :  
tela in domum Maelii conferri , eumque concio-  
nes domi habere : ac non dubia regni consilia  
esse : tempus agendæ rei nondum stare : cetera  
jam convenisse : & tribunos mercede emptos ad  
prodendam libertatem ; & partita ducibus mul-  
titudinis ministeria esse : serius se pene , quam  
tutum fuerit , ne cujus incerti vanique auctor  
esset , ea deferre . Quæ postquam sunt audita :  
& undique primores patrum , & prioris anni  
consules increpant , quod eas largitiones ,  
cœtusque plebis in privata domo passi essent  
fieri ; & novos consules , quod expectassent ,  
donec a præfecto annonæ tanta res ad senatum  
deferretur , quæ consulem non r auctorem so-  
lum desideraret , sed etiam vindicem : tum T.  
Quintius , consules immerito increpari , ait ,  
qui constricti legibus de provocatione ad dis-  
solvendum imperium latis , nequaquam tantum  
virium in magistratu ad eam rem pro atrocitate  
vindicanam , quantum animi , haberent : opus  
esse non forti solum viro , sed etiam libero , exo-

L. 6

luto-

*z Auctorem ) Auctor est hic qui princeps rem capessit .*

luroque legum vinculis: itaque se dictatorem L. Quintium dicturum. ibi animum parem tantæ potestati esse. Approbantibus cunctis, primo Quintius abnuere, &, quid sibi vellent, rogare, qui se ætate exacta tantæ dimicationi objicerent: dein cum undiq; plus in illo senili animo non consilii modo, sed etiam virtutis esse, quam in omnibus aliis dicerent, laudibusque haud immeritis onerarent; & consul nihil remitteret; precatus tandem deos immortales Cincinnatus, ne senectus sua in tam trepidis rebus damno dedecoreve Reipub. esset, dictator a consule dicitur. ipse deinde C. Servilium Ahalam magistrum equitum dicit. Postero die dispositis præsidis, cum in forum descendisset, converſaque in eum plebs novitate rei, ac miraculo esset; & Mæliani, atque ipse dux eorum in se intentam vim tanti imperi cernerent; expertes consiliorum regni, qui tumultus, quod bellum repens aut dictatoriam majestatem, aut Quintium post octogesimum annum rectorem Reipubl. quæſisset, rogarent: missus ab dictatore Servilius magister equitum ad Mælium, *Vocat te, inquit, dictator. Cum pavidus ille, quid veller, quæreret; Serviliusque causam dicendam esse proponeret; crimenque, a Minutio delatum ad senatum, diluendum: tunc Mælius recipere se in catervam suorum: & primum circumſpectans tergiversari, postremo cum apparitor jussu magistri equitum eum duceret, ereptus a circumstantibus, fugiensque fidem plebis Romanæ implorare; & opprimi se consensu patrum dicere, quod plebi benigne fecisset: orare, ut opem sibi ultimo in discrimine ferrent; neve ante oculos suos trucidari sinnerent. Hæc eum vociferantem assecutus Ahala Servilius, obtruncat: resperſusque cruore obtruncati, stipatus caterva patriciorum juvenum dictatori renuntiat, vocatum ad eum Mælium, repulso apparitore concitantem multitudinem, pœnam meritam habere. Tum dictator, *Macte virtute*, inquit, *C. Servili; esto, liberata Rep.* Tumultuantem deinde multitudinem i incerta existima-*

( *Tercia existimatione facti* ) Quum dubitaretur quid de Ahala facto judicandum esset.

istimatione facti, ad concionem vocari iussit;  
 & Malium jure casum pronuntiavit, etiam si re-  
 gni crimine insons fuerit, qui vocatus a magistro  
 equitum ad dictatorem non venisset: se ad cau-  
 sam cognoscendam consedis: qua cognita, ha-  
 biturum fuisse Malium similem causa fortunam.  
 vim parantem, ne judicio se committeret, vi  
 coercitum esse: nec cum eo tamquam cum cive  
 agendum fuisse, qui natus in libero populo, in-  
 ter jura legesque, ex qua urbe reges exactos sci-  
 ret; eodemque anno sororis filios, & liberos con-  
 sulis liberatoris patria, propter pactiorem indica-  
 tam recipiendorum in urbem regum, a patre se-  
 curi esse percussos: ex qua Collatinum Tarqui-  
 nium consulem nominis odio abdicare se magi-  
 stratu, atque exulare jussum; in qua de Sp. Cas-  
 sio post aliquot annos, propter consilia inica de re-  
 gno, supplicium sumtum; in qua nuper decem-  
 viros bonis, exilio, capite mulctatos ob super-  
 biam regiam, in ea Sp. Malius spem regni con-  
 ceperit. & quis homo? quamquam nullam nobi-  
 litatem, nullos honores, nulla merita cuiquam  
 ad dominationem pandere viam: sed tamen Clau-  
 dios, Cassios consulatibus, decemviratibus suis,  
 majorumque honoribus, splendore familiarum sus-  
 tulisse animos, quo nefas fuerit: Sp. Malium,  
 cuius tribunatus plebis magis optandus, quam  
 sperandus fuerit, frumentarium divitem, \* bi- \* a f.  
 libre farinis sperasse, libertatem se civium suorum  
 emisse; ciboque obijciendo ratum victorem fi-  
 nitimorum omnium populum in servitutem per-  
 lici posse; ut, quem senatorem concoquere civi-  
 tas vix posset, regem ferret, Romuli conditoris,  
 ab diis orti, recepti ad deos, insignia atque im-  
 perium habentem; non pro scalere id magis, quam  
 pro monstro habendum: Nec satis esse sanguine  
 ejus expiatum; nisi tecta parietesque, intra  
 qua tantum amentia conceptum esset, dissiparen-  
 tur; bonaque contacta pretiis regni mercandi  
 publicarentur. Jubere itaque quæstores vende-  
 re ea bona, atque in publicum redigere. Do-  
 mum deinde, ut monumento arca esset oppres-  
 sæ nefariæ spei, dirui extemplo iussit: id  
 Æquimalium appellatum est. L. Minutius  
 rbove

1 Æquimalium 1 Id est, solo æquata Malii domus.

1. bove aurato extra portam tergemnam est donatus, ne plebe quidem invita, quia frumentum Mælianum assibus in modios æstimatum plebi divisit. Hunc Minutium apud quosdam auctores transisse a patribus ad plebem, undecimumque tribunum plebis cooptatum, seditionem motam ex Mæliana cæde sedasse invenio. ceterum vix credibile est, numerum tribunorum patres augeri passos, idque potissimum exemplum a patricio homine introductum; nec deinde id plebem concessum semel obrinuisse, aut certe tentasse: sed ante omnia refellit falsum imaginis titulum, paucis ante annis lege cautum, ne tribunis collegam cooptare liceret. Q. Cæcilius, Q. Junius, Sex. Titinnius, soli ex collegio tribunorum neque tulerunt de honoribus Minurii legem; & criminari nunc Minutium, nunc Servilium apud plebem, querique indignam necem Mælii non destiterant. pervicerunt igitur, ut tribunorum militum potius, quam consulum, comiria haberentur: haud dubia spe, quin sex locis (tot enim jam creari licebat) & plebei aliqui, profitendo se ultores fore Mælianæ cædis, crearentur.

## C A P U T IX.

*Denuo tribuni militum consulari potestate creantur. Fidenates deficiunt ad Vejentium regem Tolumnium; cujus jussu missi ab Roma legati necantur. Dictus Dictator Mamercus, in hostes profectus, eos vincit: de rege Tolumnio optima spolia refert Cornelius Cossus.*

U. C. 310. **P**LEBS quamquam agitata multis eo anno & variis moribus erat, nec plures quam tres tribunos consulari potestate creavit, & in iis L. Quintium Cincinnati filium, ex cujus dictaturæ invidia tumultus quærebatur. 2. prælatus suffragiis Quintio Mamercus Æmilius, vir summæ dignitatis. L. Julium tertium creant. In horum magistratu Fidenæ, colonia Romana, ad Lartem Tolumnium, Vejentium regem, ac

Ve-

1. Bove aurato ) Auratis nimirum cornibus.

2. Prælatus suffragiis Quintio ) Prior quam Quintius nominatus est.

Veientes defecere . majus additum defectioni  
 scelus . C. Fulcinium, Clœlium Tullum, Sp.  
 Ancium, L. Roscium, legatos Romanos, cau-  
 sam novi consilii quærentes, jussu Tolumnii  
 interfecerunt . Levant quidam regis facinus .  
 in tessærarum prospero jactu vocem ejus ambi-  
 guam, ut occidi jussisse videretur, a Fidenatibus exceptam, causam mortis legatis fuisse :  
 ( rem incredibilem, interventu Fidenatium,  
 novorum sociorum, consulentiū de cæde ru-  
 ptura jus gentium, non aversum ab intentione  
 lusus animum ) \* ac deinde in horrorem \* a F.  
 versum facinus . Propius est fidem, obstringi nec .  
 Fidenatium populum, ne respicere spem ullam  
 ab Romanis posset, conscientia tantæ sceleris,  
 voluisse . Legatorum, qui Fidenis cæsi erant,  
 statuae publicæ in rostris positæ sunt . Cum Ve-  
 jentibus Fidenatibusque præterquam finitimis  
 populis, ab causa etiam tam nefanda bellum  
 exorsis, atrox dimicatio instabat . itaque ad  
 curam summæ rerum quieta plebe, tribunisque  
 ejus, nihil controversiæ fuit, quin consules  
 crearentur M. Geganius Macerinus tertium, & U. C.  
 L. Sergius, Fidenas, a bello, credo, quod deinde  
 gessit, appellatus . hic enim primus cis Anie-  
 nem cum rege Vejentium secundo prælio con-  
 fluxit; nec incruentam victoriam retulit . Ma-  
 jor itaque ex civibus amissis dolor, quam læ-  
 titia fuis hostibus fuit, & senatus, ut in  
 trepidis rebus, dictatorem dici Mamercum Æ-  
 milium jussit . is magistrum equitum ex col-  
 legio prioris anni, quo simul tribuni mili-  
 tum consulari potestate fuerant, L. Quin-  
 tium Cincinnatum dignum parente juvenem di-  
 xit . Ad delectum a consulibus habitum centu-  
 riones veteres belli periti adjecti; & numerus  
 amissorum proxima pugna expletus . Legatos  
 Quintium Capitolinum, & M. Fabium Vibulanum  
 sequi se dictator jussit . Cum potestas  
 major, tum vir quoque potestati par, hostes  
 ex agro Romano trans Anienem submovere :  
 collesque inter Fidenas, atque Anienem ce-  
 perunt, referentes castra : nec ante in campos  
 digressi

1 Ad curam ) Ob curam de summa rerum ..

- digressi sunt, quam i legiones auxilio Faliscorum venerunt. tum demum castra Etruscorum pro mœnibus Fidenarum posita. Et dictator Romanus haud procul inde ad confluentes confedit, in utriusque ripis amnis, 2 qua sequi munimento poterat, vallo interposito. postero die
18. in aciem eduxit. Inter hostes variæ fuere sententiæ. Faliscus procul ab domo militiam ægre patiens, satisque fidens sibi, poscere pugnam: Vejenti Fidenatique plus spei in trahendo bello esse. Tolumnius, quamquam suorum magis placebant consilia, ne longinquam militiam paterentur Falisci, postero die se pugnaturum edicit. Dictatori ac Romanis, quod detrectasset pugnam hostis, animi accessere. posteroque die jam militibus castra urbemque se oppugnatuuros frementibus, ni copia pugnae fiat, utrinque acies inter bina castra in medium campi procedunt, Vejens multitudine abundans, qui inter dimicationem castra Romana aggredierentur, post montes circummisit. Trium populorum exercitus ita sterit instructus, ut dextrum cornu Vejentes, sinistrum Falisci tenerent, medii Fidenates essent. Dictator dextro cornu adversus Faliscos, sinistro contra Vejentem Capitolinus Quintius intulit signa: ante mediam aciem cum equitatu magister equitum processit. Parumper silentium & quies fuit; nec Etruscis, nisi cogerentur, pugnam inituris, & dictatore arcem Romanam respectante, ut ab auguribus, 3 simul aves rite admisissent, ex composito tolleretur signum, quod ubi conspexit, primos equites clamore sublato in hostem emisit. secuta peditum acies ingenti vi confixit. nulla parte legiones Etruscae sustinere impetum Romanorum. eques maxime resistebat; equitumque longe fortissimus ipse rex ab omni parte effusa sequentibus obequitans Romanis, trahebat certamen. Erat tum inter equites tribunus militum A. Cornelius Cossus, eximia pulchritudine corporis, animo ac viribus
- par,

2 Legiones ) Legiones Faliscorum.

2 Qua sequi ) Vallo interposito in eo loco, ad quem sequi ripas utriusque amnis poterat muniendo.

3 Simul aves rite admisissent ) Simul auspicia secunda contigerant.

par, memorque generis, quod amplissimum acceptum, majus auctiusque reliquit posteris. Is cum ad impetum Tolumnii, quacumque se intendifset, trepidantes Romanas videret turmas, insignemque eum regio habitu volitantem tota acie cognovisset: *Hiccinē est*, inquit, *ruptor fœderis humani, violatorque gentium juris? jam ego hanc mactatam victimam (si modo sancti quicquam in terris esse dii volunt) legatorum manibus dabo.* calcaribus subditis, infesta cuspide in unum fertur hostem. quem cum ictum equo deiecisset, confestim & ipse hasta innixus se in pedes excipit. assurgentem ibi regem umbone resupinat, repetitumque sæpius cuspide ad terram affixit. tum exangui detracta spolia, caputque abscissum victor spiculo gerens, terrore cæsi regis hostes fundit. Ita equitum quoque fusa acies, quæ una fecerat anceps certamen. Dictator fugatis legionibus instat, & ad castra compulso cædit. Fidenatium plurimi locorum notitia effugere in montes. Cossus Tiberim cum equitatu transvectus, ex agro Vejentano ingentem detulit prædam ad urbem. Inter prælium & castra Romana pugnatum est adversus partem copiarum ab Tolumnio, ut ante dictum est, ad castra missam. Fabius Vibulanus corona primum vallum defendit: intentos deinde hostes in vallum, egressus dextra principali cum triariis repente invadit. quo pavore injecto, cædes minor, quia pauciores erant; fuga non minus trepida, quam in acie fuit.

## CAPUT X.

*Dictator triumphat: Cossus secunda opima spolia Jovi Feretrio dedicat; quo tempore fuerit ne ille tribunus militum, an consul, quaeritur.*

**O**Mnibus locis re bene gesta, dictator senatus-  
consulto, jussuque populi triumphans in urbem rediit. Longe maximum triumphî spectaculum fuit Cossus spolia opima regis intercepti gerens. in eum milites carmina incondita,  
æquan-



æquantur cum Romulo, canere. Spolia in æde  
 \*al.in Jovis Feretrii prope Romuli spolia; quæ \* opi-  
 prima ma appellata sola ea tempestate erant, cum so-  
 lemni dedicatione dono fixit, averteratque in  
 se a curru dictatoris civium ora, & celebrata-  
 tis ejus diei fructum prope solus rulerat. Di-  
 ctator coronam auream libræ pondo ex publi-  
 ca pecunia, populi jussu, in Capitolio Jovi  
 donum posuit. Omnes ante me auctores secu-  
 tus, A. Cornelium Cossium, tribunum mili-  
 tum, secunda spolia opima Jovis Feretrii tem-  
 plo intulisse, exposui. ceterum, præterquam  
 quod ea rite opima spolia habentur, quæ dux  
 duci detraxerit, nec ducem novimus, nisi cu-  
 jus auspicio bellum geritur, titulus ipse spo-  
 liis inscriptus i illos, meque arguit, consu-  
 lem ea Cossium cepisse. Hoc ego cum Augustum  
 Cæsarem templorum omnium conditorem aut  
 restitutorem, ingressum ædem Feretrii Jo-  
 vis, quam vetustate dilapsam refecit, seipsum  
 in thorace linteo scriptum legisse audissem,  
 prope sacrilegium ratus sum, Cossium spolio-  
 rum suorum, Cæsarem ipsius templi auctorem  
 subtrahere testem. 2 qui si ea in re sit error,  
 quod tam veteres annales, quodque magistratum  
 libri, quos linteos in æde repositos Monetæ  
 Macer Licinius citat idemdem auctores, nono  
 post demum anno cum Tit. Quintio Penno  
 Aul. Cornelium Cossium consulem habeant, ex-  
 istimatio communis omnibus est. nam etiam  
 illud accedit, ne tam clara pugna in eum an-  
 num transferri posset, quod imbelles triennium  
 ferme pestilentia, inopiaque frugum circa A.  
 Cornelium consulem fuit: adeo ut quidam  
 annales, 4 velut funesti, nihil præter nomi-  
 na consulum suggerant. tertius ab consulatu  
 Cossi annus tribunum eum militum consulari  
 potestate habet: eodem anno magistrum equi-  
 tum, quo in imperio alteram insignem edidit  
 pugnam

1 Illos meque arguit ) Adversus illos meque ipsum probat.  
 2 Qui si ) I e. an ea in re sit hic error, existimatio communis  
 omnibus est: si pro an non raro apud Livium, & alios obser-  
 vabimus ad XXXI. o.

3 Tam veteres ) Valde veteres. Nisi forte magis placebit  
 refecere tam.

4 Velut funesti ) Quasi ob crebra funera mortis præ-  
 sentes.

pugnam equestrem. 1 ea libera conjectura est : sed ( ut ego arbitror ) vana versare in omnes opiniones licet : cum auctor pugnae, recentibus spoliis in sacra sede positis, Jovem prope ipsum, cui vota erant, Romulumque intuens, haud spernendos falsi tituli testes, sese A. Cornelium Cossum consulem scripserit.

## CAPUT XI.

*Sp. Malius, trib. plebis, seditionum materiam quarit; sed frustra. Orta in Urbe pestilentia, Fidenates, ac Veientes in agrum Rom. descendunt. Dictus Dictator A. Servilius, pulsus hostibus, urbem Fidenas, quomam expugnatione non potest, cuniculo capit. Censui primum in campo Martio.*

**M** Cornelio Maluginense, L. Papirio Cras-<sup>21.</sup> so consulibus, exercitus in agrum Ve-<sup>U. C.</sup> rentem, ac Faliscum ducti: praedae abactae homi-<sup>118.</sup> num, pecorumque: hostis in agris nusquam inventus, neque pugnandi copia facta. urbes tamen non oppugnatae: quia pestilentia populum invasit. Et seditiones domi quaesitae sunt, nec motae tamen, ab Sp. Maelio trib. plebis, qui favore nominis moturum se aliquid ratus & Minutio diem dixerat, & rogationem de publicandis bonis Servilii Ahalae tulerat, falsis criminibus a Minutio circumventum Ma-  
lium arguens, Servilio caedem civis indemnati obji-  
ciens. quae vaniora ad populum ipso auctore fuere. Ceterum magis vis morbi ingraves-  
cens curae erat, terroresque ac prodigia, maxi-  
me quod crebris motibus terrae ruere in agris  
nuntiabantur testata. Obsecratio itaque a popu-  
lo, 2 duumviris 3 praeeuntibus, est facta. Pe-  
stilentior inde annus, C. Julio iterum, & L. U. C.  
Virginio consulibus, tantum metum vastitatis<sup>319.</sup>  
in urbe agrisque fecit, ut non modo praedandi  
causa quisquam ex agro Romano non exiret,  
bellive inferendi memoria patribus aut plebi  
esset:

1. *Ea libera conjectura est*) I. e. per me licet hanc conjectu-  
ram, qui voluerit, amplectatur.

2. *Duumviris*) Librorum Sibyllinorum custodibus.

3. *Praeeuntibus*) Certam verborum, in quae obsecratio fie-  
ret, formulam prius recitantibus.

esset : sed ultro Fidenates , qui se primo am-  
 oppido , aut montibus , i aut muris tenuer-  
 rant , populabundi descenderent in agrum Ro-  
 manum . deinde , Vejentium exercitu accito ,  
 ( nam Falisci perpelli ad instaurandum bellum  
 neque clade Romanorum , neque sociorum pre-  
 cibus potuerunt ) duo populi transire Anienem :  
 atque haud procul Collina porta signa habue-  
 re . trepidatum itaque non in agris magis ,  
 quam in urbe est . Julius consul in aggere mu-  
 risque explicat copias . a Virginio senatus in  
 æde Quirini consulitur . dictatorem dici A. Ser-  
 viliū placet ; cui Prisco alii , alii Structo  
 fuisse cognomen tradunt . Virginius , dum  
 collegam consuleret , moratus , permittente eo ,  
 nocte dictatorem dixit . is sibi magistrum  
 equitum Postumium Aebutium Heluam dicit .  
 22. Dictator omnes luce prima extra portam Col-  
 linam adesse jubet . quibuscumque vires suppe-  
 rebant ad arma ferenda , præsto fuere : signa ex  
 ærario prompta feruntur ad dictatorem . quæ  
 cum agerentur , hostes in loca altiora concesser-  
 re . eo dictator agmine infesto subit : nec pro-  
 cul Nomento signis collatis fudit Etruscas le-  
 giones : compulit inde in urbem Fidenas , val-  
 loque circumdedit . sed neque scalis capi pot-  
 erat urbs alta , & munita , neque in obsidione  
 vis ulla erat : quia frumentum non necessitati  
 modo satis , sed copiarum quoque abunde ex ante  
 convecto sufficiebat . ita expugnandi pariter , co-  
 gendique ad deditiōem spe amissa , dictator in  
 locis propter propinquitatem notis , ab aver-  
 sa parte urbis maxime neglecta , quia suapte natu-  
 ra tutissima erat , agere in arcem cuniculum in-  
 stituit . ipse diversissimis locis subeundo ad mœ-  
 nia , quadrifariam diviso exercitu , qui alii aliis  
 succederent ad pugnam , continenti die ac no-  
 cte prælio ab sensu operis hostes avertebat :  
 donec , perfosso a castris monte , erecta in  
 arcem via est . intentisque Etruscis ad vanas  
 certo periculo minas , clamor supra caput ho-  
 stilis captam urbem ostendit . Eo anno C. Fu-  
 rius Pacilus ; & M. Geganius Macerinus censo-  
 res

res 1 villam publicam in campo Martio 2 probaverunt : ibique primum census populi est actus. Eosdem consules insequenti anno resectos, 23. Julium tertium, Virginium iterum, apud Macrum Licinium invenio. Valerius Antias, & Q. Tubero, M. Manlium, & Q. Sulpitium consules in eum annum edunt. ceterum in tam discrepanti editione & Tubero & Macer libros linteos auctores profitentur : neuter tribunos militum eo anno fuisse, traditum a scriptoribus antiquis, dissimulat. Licinio libros haud dubie sequi linteos placet : & Tubero incertus veri est. sed inter cetera vetustate incomperta, hoc quoque in incerto positum.

## CAPUT XII.

*Ad famam imminentiſſimam a Vejentibus, ac Fidenatibus tumultus, dicitur Dictator iterum Mamercus. sublato foris metu, domi, lata ad populum lege, annuum spatium censura imponit, quod antea erat quinquennale : deposito magistratu, ab iratis Censoribus ignominia notatur.*

**T**repidatum in Etruria est post Fidenas captas, non Vejentibus solum exterritis metu similis excidii, sed etiam Faliscis, memoria initi primo cum iis belli : quamquam rebellantibus non affuerant. Igitur cum duæ civitates, legatis circa XII. populos missis, impetrassent, ut ad Voltumnæ fanum indiceretur omni Etruriæ concilium : velut magno inde tumultu imminente, senatus Mamercum Æmilium dictatorem iterum dici iussit. ab eo A. Postumius Tubertus magister equitum est dictus. bellumque tanto maiore ; quam proximo conatu apparatus est, quanto plus erat ab omni Etruria periculi, quam ab duobus populis fuerat. Ea res aliquanto expectatione omnium 24. tranquillior fuit. itaque cum renuntiatum a mercatoribus esset, negata Vejentibus auxilia, iussosque suo consilio bellum initum suis viribus exequi ; nec adversarum rerum quærere socios, cum

1 Villam publicam ) Villam ad publicos usus ædificatam.

2 Probaverunt ) Recte factam esse pronuntiaverunt.

tum quibus 1 spem integram communicari non sint : tum dictator , ne nequicquam creatus esset , materia quærendæ bello gloriæ ademta , in pace aliquid operis edere , quod monumentum esset dictaturæ , cupiens , censuram minuere parat ; seu nimiam potestatem ratus , seu non tam magnitudine honoris , quam diuturnitate offensus . Concione itaque advocata , *Rempubl. foris gerendam* , ait , *tutæque omnia præstanda deos immortales suscepisse . se , quod intra muros agendum esset , libertati populi Roman. consulturum : maximam autem ejus custodiam esse , si magna imperia diuturna non essent ; Et temporis modus imponeretur , quibus juris imponi non posset ; alios magistratus annuos esse : quinquennalem censuram gravem esse : iisdem per tot annos magna parte vitæ obnoxios vivere : se legem laturum , ne plus , quam annua ac semestris , censura esset .* Consensu ingenti populi legem postero die pertulit . Et ut re ipsa , inquit , sciatis , *Quirites , quam mihi diuturna non placeant imperia , dictatura me abdicō .* Deposito suo magistratu , modo aliorum magistratui imposito , sine alteri , congratulatione ac favore ingenti populi domum est reductus . Censores ægre passi , Mamercum , quod magistratum populi Rom. minuisse , 2 tribu moverunt , octuplicatoque censu 3 ærarium fecerunt . quam rem ipsum ingenti animo tulisse ferunt , causam potius ignominie intuentem , quam ignominiam : primores patrum , quamquam diminutum censuræ jus

\* al.  
no-  
luit.  
sent.

\* voluissent , exemplo acerbitatis censoriæ offensos : quippe cum se quisque diutius ac sæpius subjectum censoribus fore cerneret , quam censuram gesturum . Populi certe tanta indignatio coorta dicitur , ut vis a censoribus nullius auctoritate , præterquam ipsius Mamerci , deterreri quiverit .

## CA-

1 *Spem integram* ) Spem belli incipientes nulla adhuc clade imminutam .

2 *Tribu moverunt* ) E tribu honestiore in ignobiliorē , ignominie causa , transulerunt .

3 *Ærarium fecerunt* ) I. e. ad hoc erat civis tantum , ut pro capite suo tributi nomine ara penderet .

## CAPUT XIII.

*Consularia comitia impediētibz tribunis plebis, creantur tribuni militum consulari potestate. Pestilentia laboratur.*

**T**ribuni plebis, assiduīs concionibus prohibendo consularia comitia, cum res prope ad interregnum perducta esset, evicere tandem, ut tribuni militum consulari potestate crearentur. victoriæ præmium, quod petebatur, ut plebeius crearetur, nullum fuit: omnes patricii creati sunt, M. Fabius Vibulanus, M. Fof-<sup>U.C.</sup>lius, L. Sergius Fidenas. Pestilentia eo anno<sup>321.</sup> aliarum rerum otium præbuit. ædes Apollinis pro valetudine populi vota est. multa diuiviri ex libris, placandæ deum iræ avertendæque a populo pestis causa, fecere. magna tamen clades in urbe agrisque, promiscue hominum pecorumque perniciē, accepta. famem cultoribus agrorum timentes, in Etruriam, Pomptinumque agrum, & Cumas, postremo in Siciliam quoque frumenti causa misere. Consularium comitiorum nulla mentio habita est. Tri-<sup>U.C.</sup>buni militum consulari potestate omnes patricii<sup>321.</sup> creati sunt, L. Pinarius Mamercus, L. Furius Medullinus, Sp. Postumius Albus. Eo anno vis morbi levata; neque a penuria frumenti, quia ante provisum erat, periculum fuit. Consilia ad movenda bella in Volscorum Æquorumque conciliis, & in Etruria ad sanum Voltumnæ agitata. ibi prolata in annum res; decretoque cautum, ne quod ante concilium fieret; nequicquam Vejēte populo querente, eandem, qua Fidenæ deletæ sint, imminere Vejis fortunam.

## CAPUT XIV.

*Principes plebis conqueruntur, quod nullus plebeius tribunus militum consulari potestate creetur. ex re parva certamen inter Patres, ac plebem. illato belli terrore ab Æquis, & Volscis, Consules creantur, qui tandem, premente magis metu, coguntur ab tribunis dicere Dictatorem.*

**I**nterim Romæ principes plebis jamdiu nequicquam imminentes spei majoris honoris, dum

dum foris otium esset, cœtus indicere in domos tribunorum plebis: ibi secreta consilia agitare: queri, se a plebe adeo spreto, ut, cum per tot annos tribuni militum consulari potestate creentur, nulli umquam plebeio ad eum honorem aditus fuerit: multum providisse suos majores, qui caverint, ne cui patricio plebei magistratus paterent: 1 aut patricios habendos fuisse tribunos plebis: adeo se suis etiam sordere, nec a plebe minus, quam a fratribus contemni. Alii purgare plebem: culpam in patres vertere: eorum ambitione artibusque fieri, ut obseptum plebi sit ad honorem iter: si plebi respirare ab eorum mistis precibus minisque liceat, memorem eam suorum inituram suffragia esse, & 2 parto auxilio imperium quoque adscituram. Placeret, tollendæ ambitionis causa, tribunos legem promulgare, ne cui; album vestimentum addere petitionis causa liceret. parva nunc res, & vix serio agenda videri possit, quæ tunc ingenti certamine patres ac plebem accendit. Vicere tamen tribuni, ut legem perferrent, apparebatque, irritatis animis, plebem ad sua studia inclinaturam. quæ ne libera essent, senatusconsultum factum est, ut consularia comitia haberentur. Tumultus causa fuit, quem ab Æ-  
 26. U. C. quis & Volscis Latini atque Hernici nuntia-  
 121. rent. T. Quintius Lucii filius Cincinnatus, (eidem & Penno cognomen additur) & C. Julius Mento consules facti. nec ultra terror belli est dilatus. Lege sacrata, quæ maxima apud eos vis cogendæ militiæ erat, delectu habito, utrinque validi exercitus profecti in Algidum convenere, ibique seorsum AEqui, seorsum Volsci castra communivere: intentiorque, quam umquam ante, muniendi, exercendique militem cura ducibus erat. eo plus nuntii terroris Romam attulere. Senatus dictatorem dici placuit: quia etsi sæpe victi populi, majore tamen conatu, quam alias umquam, rebellarant: & aliquantum Romanæ juventutis morbo absum-  
 tum

1 Aut patricios ) Aut, i. e. alioquin.

2 Parto auxilio ) I. e. tribunatio.

3 Album in vestimentum addere ) Tunc qui petebant aliquem magistratum, ii togam creta addita candentem reddebant. Hinc candidati.

tum erat. ante omnia \* privata consulum discordia, quæ inter ipsos erat, & certamina in consiliis omnibus terrebant. Sunt qui male pugnatum ab his consulibus in Algido auctores sint, eamque causam dictatoris creandi fuisse. Illud satis constat, ad alia discordes, in uno adversus patrum voluntatem consensisse, ne dicerent dictatorem: donec, cum alia aliis terribiliora afferrentur, nec in auctoritate senatus consules essent, Q. Servilius Priscus summis honoribus egregie usus, Vos, inquit, tribuni plebis, quoniam ad extrema ventum est, senatus appellat, ut in tanto discrimine Republica dictatorem dicere consules pro potestate vestra cogatis. Qua voce audita, occasionem oblatam rati tribuni augendæ potestatis, secedunt, & proque collegio pronuntiant, placere consules senatui dicto audientes esse: si adversus consensum amplissimi ordinis ultra tendant, in vincula se duci eos jussuros. Consules ab tribunis, quam ab senatu, vinci maluerunt, proditum a patribus summi imperii jus datumque sub jugum tribunitiæ potestati consulatium memorantes, siquidem cogi aliquid pro potestate ab tribuno consules, & (quo quid ulterius privato timendum foret?) in vincula etiam duci possent. Sors, ut dictatorem diceret, (nam ne id quidem inter collegas convenerat) T. Quintio evenit. is A. Postumium Tubertum, socerum suum, severissimi imperii virum, dictatorem dixit. ab eo L. Julius magister equitum est dictus. simul edicitur & iustitium: neque aliud tota urbe agi, quam bellum apparari. cognitio vacantium militiæ munere post bellum differtur. ita dubii quoque inclinant ad nomina danda, & Hernicis, Latinisque milites imperati. utrinque enixe obeditum dictatori est.

\* al.  
pra-  
vitas  
&c.

Tom. I.

M

CA-

\* Pro collegio ) Nomine totius collegii tribunitii.



tum foris otium esset, cœtus indicere in domos tribunorum plebis: ibi secreta consilia agitare: queri, se a plebe adeo spreto, ut, cum per tot annos tribuni militum consulari potestate creentur, nulli umquam plebeio ad eum honorem aditus fuerit: multum providisse suos majores, qui caverint, ne cui patricio plebei magistratus paterent: 1 aut patricios habendos fuisse tribunos plebis: adeo se suis etiam sordere, nec a plebe minus, quam a fratribus contemni. Alii purgare plebem: culpam in patres vertere: eorum ambitione artibusque fieri, ut obseptum plebi sit ad honorem iter: si plebi respirare ab eorum mistis precibus minisque liceat, memorem eam suorum inituram suffragia esse, & 2 parto auxilio imperium quoque adscituram. Placet, tollendæ ambitionis causa, tribunos legem promulgare, ne cui 3 album vestimentum addere petitionis causa liceret. parva nunc res, & vix serio agenda videri possit, quæ tunc ingenti certamine patres ac plebem accendit. Vicere tamen tribuni, ut legem perferrent, apparebatque, irritatis animis, plebem ad sua studia inclinaturam: quæ ne libera essent, senatusconsultum factum est, ut consularia comitia haberentur. Tumultus causa fuit, quem ab Æ-  
 26. D. C. quis & Volscis Latini atque Hernici nuntia-  
 123) rent. T. Quintius Lucii filius Cincinnatus, (eisdem & Penno cognomen additur) & C. Julius Mento consules facti. nec ultra terror belli est dilatus. Lege sacrata, quæ maxima apud eos vis cogendæ militiæ erat, delectu habito, utrinque validi exercitus profecti in Algidum convenere, ibique seorsum AEqui, seorsum Volsci castra communivere: intentiorque, quam umquam ante, muniendi, exercendique militem cura ducibus erat. eo plus nuntii terroris Romanam attulere. Senatus dictatorem dici placuit: quia etsi sæpe victi populi, majore tamen conatu, quam alias umquam, rebellarant: & aliquantum Romanæ juventutis morbo absum-  
 tum

1 Aut patricios ) Aut, i. e. alioquin.

2 Parto auxilio ) I. e. tribunitio.

3 Album in vestimentum addere ) Tunc qui petebant illum quem magistratum, ii togam creta addita candentem reddebant. Hinc candidati.

tum erat. ante omnia \* privata consulum discordia, quæ inter ipsos erat, & certamina in consiliis omnibus terrebant. Sunt qui male pugnatum ab his consulibus in Algide auctores sint, eamque causam dictatoris creandi fuisse. Illud satis constat, ad alia discordes, in uno adversus patrum voluntatem consensisse, ne dicerent dictatorem: donec, cum alia aliis terribiliora afferrentur, nec in auctoritate senatus consules essent, Q. Servilius Priscus summis honoribus egregie usus, Vos, inquit, tribuni plebis, quoniam ad extrema ventum est, senatus appellat, ut in tanto discrimine Respublica dictatorem dicere consules pro potestate vestra cogatis. Qua voce audita, occasionem oblatam rati tribuni augendæ potestatis, secedunt, & proque collegio pronuntiant, placere consules senatui dicto audientes esse: si adversus consensum amplissimi ordinis ultra tendant, in vincula se duci eos iussuros. Consules ab tribunis, quam ab senatu, vinci maluerunt, proditum a patribus summi imperii jus datumque sub jugum tribunitiæ potestati consulum memorantes, siquidem cogi aliquid pro potestate ab tribuno consules, & (quo quid ulterius privato timendum foret?) in vincula etiam duci possent. Sors, ut dictatorem diceret, (nam ne id quidem inter collegas convenerat) T. Quintio evenit. is A. Postumium Tubertum, focerum suum, severissimi imperii virum, dictatorem dixit. ab eo L. Julius magister equitum est dictus. simul edicitur & iustitium: neque aliud tota urbe agi, quam bellum apparari. cognitio vacantium militiæ munere post bellum differtur. ita dubii quoque inclinant ad nomina danda. & Herenicis, Latinisque milites imperati. utrinque enixe obeditum dictatori est.

\* al.  
pra-  
vitas  
&c.

## CAPUT XV.

*Dictator Postumius cum cons. Quintio profectus ab urbe Æquos, & Volscos strenue adonitur: tandem etiam victoria hand incruenta illas superat: triumphans in urbem redit: Ædes Apollinis dedicatur.*

27. **H**Æc omnia celeritate ingenti acta: reliquoque Cn. Julio consule ad præsidium urbis, & L. Julio magistro equitum ad subita belli ministeria, ne qua res, qua eguissent in castris, moraretur, dictator, præeunte A. Cornelio pontifice maximo, ludos magnos tumultus causa vovit: profectusque ab urbe, diviso cum Quintio consule exercitu, ad hostes pervenit. Sicut bina castra hostium parvo inter se spatio distantia viderant, ipsi quoque mille ferme passus ab hoste, dictator Tusculo, consul Lanuvio, propiorem locum castris ceperunt. Ita quatuor exercitus totidem munimenta, planiciem in medio non parvis modo excursionibus ad prælia, sed vel ad explicandas utrinque acies satis patentem habebant. nec, ex quo castris castra collata sunt, cessatum a levibus præliis est; facile patiente dictatore, conferendo vires, spern universæ victoriæ, tentato paulatim eventu certaminum, suos præcipere. Itaque hostes, nulla in prælio justo relicta spe, noctu adorti castra consulis rem in casum anticipis eventus committunt, Clamor subito ortus, non consulis modo vigiles, exercitum deinde omnem, sed dictatorem quoque ex somno excivit. Ubi præsentis ope res egebant, consul nec animo deficit, nec consilio. pars militum portarum stationes firmant; pars corqna vallum cingunt. In alteris apud dictatorem castris quo minus tumultus est, eo plus animadveritur quid opus facto sit. 1. missum ex templo ad castra subsidium, cui Sp. Postumius Albus legatus præficitur. ipse parte copiarum parvo circuitu locum maxime secretum ab tumultu petit,

1 In prælio justo ) Quo explicatae utrimque acies ex quo campo aperta vi congrederentur.

2 Missum ex templo ad castra ) Consulis.

petit, unde ex nec opinato aversum hostem invadat. Q. Sulpitium legatum præficit castris: M. Fabio legato assignat equites: nec ante lucem movere jubet manum, inter nocturnos tumultus moderatu difficilem. Omnia, quæ vel alius imperator prudens & impiger in tali re præciperet ageretque, præcipit ordine, atque agit. Illud eximium consilii, animique specimen, & neutiquam vulgatæ laudis, quod ultro ad oppugnanda castra hostium, unde majore agmine profectos exploratum fuerat, M. Geganius cum cohortibus delectis misit. qui postquam intentos homines in eventum periculi alieni, pro se intantos, neglectis vigiliis, stationibusque est adortus; prius pene cepit castra, quam oppugnari hostes satis scirent. inde fumo, ut convenerat, datum signum ubi conspectum ab dictatore est, exclamat, capta hostium castra: nuntiarique passim jubet. Er jam lucebat, omniaque sub oculis erant: & Fabius 28. cum equitatu impetum dederat, & consul eruptionem e castris in trepidos jam hostes fecerat. Dictator autem parte altera subsidia & secundam aciem adortus, circumagentem se ad dissonos clamores ac subitos circum tumultus hosti undique objecerat victorem peditem equitemque. Circumvecti igitur jam in medio ad unum omnes pœnas rebellionis dedissent, ni Vettius Metius ex Volscis, nobilior vir factis quam genere, jam in orbem volventes suos increpans clara voce, *Hic præbituri, inquit, vos telis hostium estis indefensi, inulti? quid igitur arma habetis? aut quid ultro bellum intulistis? in otio tumultuosi, in bello segnes. quid hic stantibus spei est? an Deum aliquem protecturum vos, rapturumque hinc putatis? ferro via facienda est. hac, qua me progressum videritis, agite, qui visuri domos, parentes, conjuges, liberos estis, ite mecum. non murus, nec vallum, sed armati armatis obstant: virtute pares, necessitate, qua ultimum ac maximum telum est, superiores estis.* Hæc locutus, ex-

M 2

equen-

(Orbem volventes) In orbem se conglobantes, ita ut periculum foret, ne circumventi omnes caderentur.

equentemque dicta, redintegrato clamore locuti, dant impressionem, qua Postumius Albus cohortes objecerat: & moverunt victorem; donec dictator, pedem jam referentibus suis, advenit: eoque omne prælium versum est. Uni viro Metio fortuna hostium innititur. multa utrinque vulnera, multa passim cædes est. Jam ne duces quidem Romani: incruenti pugnant. Unus Postumius ictus saxo, perfracto capite acie excessit. Non dictatorem humerus vulneratus, non Fabium prope affixum equo femur, non brachium abscissum consulem ex tam ancipiti prælio summovit. Metium impetus perstratos cæde hostes cum globo fortissimorum juvenum extulit ad castra Volscorum, quæ nondum capta erant. eodem omnis acies inclinatur. Consul effusus usque ad vallum persecutus, ipsa castra vallumque aggreditur: eodem & dictator alia parte copias admovet. non segnior oppugnatio est, quam pugna fuerat.

29. Consulem signum quoque intra vallum injectis ferunt, quo milites acris subirent; repetendoque signo primam impressionem factam. Et dictator, perrupto vallo, jam in castra prælium intulerat. Tum abjici arma passim, ac dedi hostes cæpti: castrisque & his captis, hostes, præter senatores, omnes venundati sunt. Prædæ pars, sua cognoscentibus, Latinis atque Hernicis reddita: partem sub hasta dictator vendidit: præpositoque consule castris, ipse triumphans in vectus urbem, dictaturæ se abdicavit. Egregiæ dictaturæ tristem memoriam faciunt, qui filium ab A. Postumio, quod, occasione bene pugnandi captus, injussu decesserit præsidio, victorem securi percussum tradunt. 1 nec libet credere, & licet, in variis opinionibus: & argumento est, quod imperia Manliana, non Postumiana, appellata sint: quum, qui prior auctor tam sævi exempli foret, occupaturus insignem titulum crudelitatis fuerit. Imperioso quoque Manlio cognomen inditum: Postumius nulla tristi nota est insignitus. C. Julius consul ædem Apollinis absente collega sine sorte dedicavit. ægre id passus Quintus, cum dimisso

exer-

1 Nec libet credere, & licet) Ex licet non credere.

exercitu in urbem redisset, nequicquam in senatu est conquestus. Insigni magnis rebus anno additur, nihil tum ad rem Romanam pertinere visum, quod Carthaginenses tanti hostes futuri tum primum per seditiones Siculorum ad partis alterius auxilium in Siciliam exercitum trajecere.

## CAPUT XVI.

*Inducia Aëquis dantur: Siccitate, & pestilentia laboratur: illata peregrina piacula per Aediles tolluntur.*

**A**Gitatum in urbe ab tribunis plebis, ut 30.  
tribuni militum consulari potestate crea- U.C.  
rentur: nec obrineri potuit. Consules fiunt L. 124  
Papirius Crassius, L. Julius. Aëquorum legati  
foedus ab senatu cum petissent, & pro foedere  
deditio ostentaretur, inducias annorum octo  
impetraverunt. Volscorum res, super acceptam  
in Algido cladem, pertinaci certamine inter  
pacis bellicque auctores in jurgia & seditiones  
versa. Undique otium fuit Romanis. Legem U.C.  
de mulctarum æstimatione pergratam populo, 216  
cum ab tribunis parari consules unius ex col- 125  
legio proditione exceperant, ipsi præoccupave-  
runt ferre. Consules L. Sergius Fidenas ite-  
rum, Hostus Lucretius Tricipitinus. Nihil di-  
gnum dicta actum his consulibus. Securi eos  
consules, A. Cornelius Cossus, T. Quintius  
Pennus iterum. Veientes in agrum Romanum  
excursiones fecerunt. Fama fuit, quosdam ex  
Fidenatum juventute participes ejus popula-  
tionis fuisse; cognitioque ejus rei L. Sergio, &  
Q. Servilio, & Mamercio Aëmilio permessa.  
Quidam Ostiam relegati; quod, cur per eos  
dies a Fidenis absuissent, parum constabat. co-  
lonorum additus numerus, agerque iis bello in-  
terentorum assignatus. Et siccitate eo anno  
plurimum laboratum est: nec cælestes modo de-  
fuerunt aquæ, sed terra quoque ingenito hu-  
more egens, vix ad perennes suffecit amnes.  
defectus alibi aquarum circa torridos fontes,  
rivosque, stragem siti pecorum morientium de-  
dit: scabie alia absunta: vulgatique contactu

in homines morbi : & primo in agrestes ingruerant, servitiaque; urbs deinde impleretur. Nec corpora modo affecta tabo, sed animos quoque multiplex religio; & pleraque externa invalit: novos ritus sacrificandi vaticinando inferentibus in domos, quibus quæstui sunt capri superstitione animi: donec publicus jam pudor ad primores civitatis pervenit, cernentes in omnibus vicis sacellisque peregrina atque insolita piacula pacis Deum exposcendæ. Datum inde negotium ædilibus, ut animadverterent, ne qui, nisi Romani dii, neu quo alio more, quam patrio, colerentur.

## CAPUT XVII.

*Missis nequicquam ad Vejentes fetialibus ad res repetendas, iis bellum indicitur. Profecti tribuni militum consulari potestate rem propter discordiam male gerunt. Dictator tertium Mamercus dicitur.*

**¶** <sup>127</sup> **I**Ræ adversus Vejentes in insequentem annum, C. Servilio Ahala, L. Papirio Muggillano, consulibus, dilata sunt. Tunc quoque ne confestim bellum indiceretur, neve exercitus mitteretur, religio obstitit: fetiales prius mittendos ad res repetendas censuere. Cum Vejentibus nuper acie dimicatum ad Nomentum & Fidenas fuerat: induciæque inde, non pax facta, quarum & dies exierat, & ante diem rebellaverant. missi tamen fetiales: nec eorum, cum more patrum jurati repeterent res, verba sunt audita. Controversia inde fuit, utrum populi jussu indiceretur bellum, an satis <sup>\* at. esset</sup> <sup>\* senatusconsulto</sup>. Pervicere tribuni, denuntiando impedituros se delectum, ut consules de bello ad populum ferrent. omnes Centuriæ jussere. in eo quoque plebs superior fuit, quod tenuit, ne consules in primum annum crearentur. Tribuni militum consulari potestate quatuor creati sunt, T. Quintius Pennus <sup>U.C.</sup> ex consulari, C. Furius, M. Postumius, A. Cornelius Costius: ex iis Costius præfuit urbi; tres delectu habito, profecti sunt Vejos: documentoque finire, complurimum imperium bello.

lo inutile esse. Tendendo ad sua quisque consilia, cum aliud alii videretur, apernerunt ad occasionem locum hosti. incertam namque aciem, signum aliis dari receptui, aliis cani iubentibus, invasere opportune Veientes: castra propinqua turbatos, ac terga dantes accepere. Plus itaque ignominie, quam cladis, est acceptum. Mœsta civitas fuit, vinci insueta: odisse tribunos: poscere dictatorem. in eo verti spes civitatis. & cum ibi quoque religio obstarer, ne non posset nisi ab consule dici dictator, augures consulti eam religionem exemere. A. Cornelius dictatorem Mumerum Æmilium dixit: & ipse ab eo magister equitum est dictus. ad eo simul fortuna civitatis virtute vera eguit, ut nihil censoria animadversio effecerit, quo minus regimen rerum ex notata indigne domo pereretur...

## CAPUT XVIII.

*Fidenates a Veientibus sollicitati rebellant, & cum illis arma jungunt. Trepidantem civitatem Dictator in concione erigit: deinde profectus, hostes inusitatum pugna genus aggressos, insigni victoria superat, ac triumphans Romam cum opulenta prada redit.*

**V**Eientes re secunda elati, missis circum Etruriæ populos legatis, jactando tres duces Romanos ab se uno prælio fusos, cum tamen nullam publici consilii societatem movissent, voluntarios undique ad spem prædæ adsciverant. Uni Fidenarium populo rebellare placuit: atque, tamquam nisi ab scelere bellum ordiri nefas esset, sicut legatorum antea, ita tum novorum colonorum cæde imbutis armis, Veientibus sese conjungunt. Consultare inde principes duorum populorum, Veios, an Fidenas sedem belli caperent, Fidenæ viæ opportuniores. Itaque, trajecto Tiberi, Veientes Fidenas trastulerunt bellum. Romæ terror ingens erat. accito exercitu ab Vejis, eoque

*Cum... nullam... societatem movissent* Cum ab nulla civitate impetrassent, ut se iis publico consilio sociam adjungeret.



32.

ipſo ab re male geſta percuſſo, caſtra locantur ante portam Collinam, & in muris armati diſpoſiti, & juſtitium in foro, tabernæque clauſæ: ſiuntque omnia caſtris quam urbi ſimiliora. Tum trepidam civitatem, præconibus per vicos dimiſſis, dictator ad concionem advocatam increpuit, quod animos ex tam levibus fortuna momentis ſuſpenſos gererent, ut, parva jactura accepta, qua ipſa non virtute hoſtium, nec ignavia Romani exercitus, ſed diſcordia imperatorum accepta ſit, Vejentem hoſtem i toties victum perſimeſcant: Fidenasque prope ſapius captas, quam oppugnatas: eoſdem & Romanos & hoſtes eſſe, qui per tot ſacula fuerint: eoſdem animos, eaſdem corporis vires, eadein arma gerere: ſe quoque eundem dictatorem Mamercum Æmiliū eſſe, qui ante Vejentium Fidenatiumque adjunctis Faliscis ad Nomentum exercitus fuderit: & magiſtrum equitum A. Cornelium eundem in acie fore, qui priore bello tribunus militum, Larſe Tolumnio, rege Vejentium, in conſpectu duorum exercituum occiſo, ſpolia opima Jovis Feretrii templo intulerit: proinde memores, ſecum triumphos, ſecum ſpolia, ſecum victoriam eſſe, cum hoſtibus ſcelus legatorum contra jus gentium interſectorum, eadem in pace Fidenatium colonorum, inducias ruptas, ſeptimam infelicem deſectionem, arma caperent: ſimul caſtra caſtris conjunxiſſent, ſatis conſidere, nec ſcleratiſſimis hoſtibus diuturnum ex ignominia exercitus Romani gaudium fore; & populum Romanum intellecturum, quanto melius de Republica meriti ſint, qui ſe dictatorem tertium dixerint, quam eos, qui ob creptum cenſura regnum, labem ſecunda dictatura ſua impoſuerint. Votis denique nuncupatis proſectus, M. & D. paſſius citra Fidenas caſtra locat, dextra montibus, læva Tiberi amne ſepius. T. Quintium Pennum legatum occupare montes jubet: occultumque id jugum capere, quod ab tergo hoſtibus foret. Ipſe poſtero die, cum Etruſci pleni animorum, ac priſtini diei meliore occasione, quam pugna, in aciem proceſſiſſent: cunctatus parumper, dum ſpecu-

( Toties victum ) Non prælio tantum, ſed bello.

speculatores referrent, Quintium evasisse in jugum propinquum arci Fidenarum, signa profert: peditumque aciem instructam pleno gradu in hostem inducit: magistro equitum præcipit, ne injussu pugnam incipiat: se, cum opus sit, equestri auxilio signum daturum: tum ut memor regiae pugnae, memor optimi domini, Romulique ac Jovis Feretrii, rem gereret. Legiones impetu ingenti confligunt. Romanus odio accensus, impium Fidenatem, prædonem Vejentem, ruptores induciarum, cruentos legatorum infanda caede, resperfos sanguine colonorum suorum, perfidos socios, imbelles hostes compellans, factis simul dictisque odium explet. Concusserat primo statim congressu hostem: cum repente, patefactis Fidenarum portis, nova erupit acies, inaudita ante id tempus inusitataque. Ignibus armata ingens multitudo, facibusque ardentibus tota collucens, velut phanatico instincta cursu in hostem ruit; formaque insolitæ pugnae Romanos parumper exterruit. Tum dictator magistro equitum, equitibusque, tum ex montibus Quintio accito prælium ciens, ipse in sinistrum cornu, quod incendio similis, quam prælio territum cessabat flammis, accurrit, claraque voce, *Fumo ne victi, inquit, velut examen apum, loco vestro exacti, inermi cedetis hosti? non ferro extinguetis ignes? non faces has ipsas pro se quisque, si igni, non telis pugnandum est, ereptas ultro inferetis? agite nominis Romani, ac virtutis patrum vestraque memores, vertite incendium hoc in hostium urbem: & suis flammis delete Fidenas; quas vestris beneficiis placare non potuistis. legatorum hoc vos vestrorum, colonorumque sanguis, vastatique fines monent.* Ad imperium dictatoris mota cuncta acies: faces partim emissæ excipiuntur, partim v'eripiuntur: utraque acies armatur igni. Magister equitum & ipse novat pugnam equestrem. frenos ut detrahant equis, imperat: & ipse princeps calcaribus subditis evectus effreni equo, in medios ignes infertur: & alii concitari equi libero cursu ferunt equitem in hostem. pulvis elatus, mistusque

sumo, lucem ex oculis virorum equorumque aufert: ea, quæ militem terruerat species, nihil terruit equos. ruinæ igitur similem stragem eques, quacumque pervasit, dedit. Clamor deinde accidit novus, qui cum utramque mirandam in se aciem vertisset, dictator exclamat, Quintium legatum, & suos ab tergo hostem adortos. ipse, redintegrato clamore, infert acrius signa. cum duæ acies, duo diversa prælia circumventos Etruscos & a fronte & ab tergo urgerent; neque in castra retro, neque in montes, unde se novus hostis objecerat, iter fugæ esset; & equitem passim liberi frenis dispulissent equi, Vejentium maxima pars Tiberim effusi petunt; Fidenatium qui supersunt, ad urbem Fidenas tendunt. residui pavidi, fuga in mediam cædem, obtruncantur in ripis: alios in aquam compulsos gurgites ferunt: etiam peritos nandi lassitudo, & vulnera, & pavor degravant: pauci ex multis tranant. alterum agmen fertur per castra in urbem: eadem & Romanos sequentes impetus rapit, Quintium maxime, & cum eo degresos modo de montibus, recentissimum ad laborem militem, quia

34. ultimo prælio advenerat. Hi postquam mixti hostibus portam intravere, in muros evadunt: suisque capti oppidi signum ex muro tollunt. quod ubi dictator conspexit (jam enim & ipse in deserta hostium castra penetraverat) cupientem militem discurrere ad prædam, spe injecta majoris in urbe prædæ, ad portam ducit: receptusque intra muros, in arcem, quo rueret fugientium turbam videbat, pergit. Nec minor cædes in urbe, quam in prælio fuit: donec, abjectis armis, nihil præter vitam perentes dictatori deduntur. Urbs castraque diripiuntur. Postero die singulis captivis ab equite ad centurionem sorte ductis, &, quorum eximia virtus fuerat, binis, aliis sub corona venumdatis, exercitum victorem, opulentumque præda, triumphans dictator Romam reduxit: jussuque magistro equitum abdicare se magistratu, ipse deinde abdicat die sextodecimo, reddito in pace imperio, quod in bello trepidisque rebus acceperat. Classi quoque ad-

Fidenas pugnatum cum Vejentibus, quidam in annales retulere: rem æque difficilem atque incredibilem, nec nunc lato satis ad hoc amne, & tum aliquanto, ut a veteribus accepimus, arctiore: nisi in trajectu forte fluminis prohibendo, aliquarum navium concursum in majus (ut fit) celebrantes, navalis victoriæ vanum titulum appetivere.

## CAPUT XIX.

*Vejentibus, & Æquis inducia dantur. Ludi bello voti, celebrantur. Tribuni pleb. deinde seditiosis concionibus instant apud multitudinem, ut tribunos militares consulari potestate e suo ordine creet: id ne fiat, proximis comitiis callida arte Patres impediunt.*

**I**nsequens annus tribunos militares consulari potestate habuit, A. Sempronium Atratinum, L. Quintium Cincinnatum, L. Furium Medullinum, L. Horatium Barbatum. Vejentibus annorum XX. induciæ datæ: & Æquis triennit, cum plurium annorum petissent. Et ab seditionibus urbanis orium fuit. Annum insequentem neque bello foris, neque domi seditione insignem, ludi bello voti celebrem & tribunorum militum apparatu, & finitimorum concursu fecere. Tribuni consulari potestate erant Ap. Cl. Crassus, Sp. Nautius Rutilus, L. Sergius Fidenas, Sex. Julius. spectaculum comitate etiam hospitem, ad quod publico consensu venerant, advenis gratius fuit. Post ludos conciones seditiosæ tribunorum plebis fuerunt, objurgantium multitudinem, quod admiratione eorum, quos odissent, stupens, in aeterno se ipsa teneret servitio; & non modo ad spem consulatus in partem revocandam aspirare non auderet, sed nec in tribunis quidem militum creandis (quæ communia essent comitia patrum ac plebis) aut sui aut suorum meminisset. desineret ergo mirari, cur nemo de commodis plebis ageret: eo impendi laborem ac periculum, unde emolumentum atque honos speretur: nihil non aggressuros homines, si magna conatis magna præmia proponantur: ut quidem aliquis tribunus,

bunus plebis ruat cacus in certamina periculis ingenti, fructu nullo; ex quibus pro certo habeat, patres, adversus quos tenderet, bello in-expiabili se persecuturos; apud plebem, pro qua dimicaverit, nihilo se honoratorem fore; neque sperandum, neque postulandum esse. magnos animos magnis honoribus fieri: & neminem se plebeium contemturum, ubi contemni desissent: experiendam rem denique in uno aut altero esse, sit ne aliquis plebeius ferendo magno honori; an portento simile miraculoque sit, fortem ac strenuum virum aliquem existere ortum ex plebe: summa vi expugnatum esse, ut tribuni militum consulari potestate & ex plebe crearentur: petisse viros domi militiæque spectatos: primis annis sugillatos, repulsos, risui patribus fuisse: desisse postremo præbere ad contumeliam os: nec se videre, cur non lex quoque abrogetur, qua id liceat, quod numquam futurum sit: minorem quippe ruborem fore in juris iniquitate, quam si per indignitatem ipso-

36. rum prætereantur. Hujus generis orationes cum assensu auditæ incitavere quosdam ad petendum tribunatum militum, alium alia de commodis plebis laturum se in magistratu profitemem. Agri publici dividendi, coloniarumque deducendarum ostentatæ spes: & vectigali possessoribus agrorum imposito in stipendium militum erogandi æris. Captatum deinde tempus ab tribunis militum, quo per discessum hominum ab urbe, cum patres clandestina denuntiatione revocati ad diem certam essent, senatusconsultum fieret absentibus tribunis plebis: ut, quoniam Volscos in Hernicorum agros prædatum exisse fama esset, ad rem inspicendam tribuni militum profiscerentur, consulariæque comitiæ haberentur. Profecti Appium Claudium, filium decemviri, præfectum urbis relinquunt, impigrum juvenem, & jam inde ab incunabulis imbutum odio tribunorum, ple-  
 u. C. bisque; tribunis plebis nec cum absentibus iis,  
 312 qui senatusconsultum fecerant, nec cum Appio  
 trans-

1 Neminem) Neminem plebeium abiecte de se ipso senturum, & pusillo futurum animo, si magnis honoribus eorum erigerentur animi.

transacta re, quod contenderent, fuit. Creati  
 consules sunt, C. Sempronius Arratinus, Q.  
 Fabius Vibulanus. Peregrina res, sed memoria  
 digna traditur eo anno facta: Vulturum, E-  
 truscorum, quæ nunc Capua est, ab Samnitibus  
 capram, Capuamque ab duce eorum Capye, vel  
 ( quod propius vero est ) a campestri agro ap-  
 pellantam. cepere autem prius bello fatigatis E-  
 truscis, in societatem urbis agrorumque accepti;  
 deinde festo die graves somno epulisque incolas  
 vetres novi coloni nocturna cæde adorti.

## CAPUT XX.

*C. Sempronius cos. cum Volscis inconsulte congre-  
 ditur: fortiter subvenit Tempanius aques: pu-  
 gna usque ad noctem producta, per impruden-  
 tiam eventus castra utrinque deseruntur: er-  
 rore cognito, Romani equites in sua penetrant:  
 ad Urbem deinde pergentes, ingenti cum lati-  
 tia, quod salvi redeant, excipiuntur.*

**H**is rebus actis, consules ii, quos diximus;  
 idibus Decembribus magistratum occepere.  
 Jam non solum qui ad id missi erant, retule-  
 rant imminere Volsicum bellum, sed legati  
 quoque ab Latinis & Hernicis nuntiabant, non  
 ante umquam Volscos nec ducibus legendis,  
 nec exercitui scribendo intentiores fuisse: vul-  
 go fremere, aut in perpetuum arma bellum-  
 que oblivioni danda, jugumque accipiendum;  
 aut iis, cum quibus de imperio certetur, nec  
 virtute, nec patientia, nec disciplina rei mi-  
 litaris cedendum esse. Hand vana attulere:  
 sed nec perinde patres moti sunt: & C. Sem-  
 pronius, cui ea provincia sorte evenit, tam-  
 quam \* constantissimæ rei fortunæ fretus, quod  
 victoris populi exercitum adversus victos du-  
 xisset, omnia temere ac negligenter egit: adeo  
 ut disciplinæ Romanæ plus in Volsco exerci-  
 tu, quam in Romano esset. ergo fortuna, ut  
 sæpe alias, virtutem est secuta. Primo præ-  
 lio, quod ab Sempronio incaute inconsulteque  
 commissum est, non subsidiis firmata acie,  
 non equite apte locato, concursus est. cla-  
 mor indicium primum fuit, quo res inclinatura  
 esset.

- esset, excitatio crebriorque ab hoste sublatus, ab Romanis dissonus, impar, segnis, sæpe iteratus, incerto tenore prodidit pavorem animorum. Eo ferocior illatus hostis urgere scutis, micare gladiis; altera ex parte nutant circumspectantibus galeæ, & incerti trepidant, applicantque se turbæ: signa nunc resistentia deseruntur ab antesignanis, nunc inter suos manipulos recipiuntur. Nondum fuga certa, nondum victoria erat. regi magis Romanis, quam pugnare. Volscus inferre signa; urgere aciem: plus
38. cædis hostium videre, quam fugæ. Jam omnibus locis ceditur, nequicquam Sempronio consule objurgante atque hortante. nihil nec imperium, nec majestas valebat: dataque mox terga hostibus forent, nisi Sext. Tempanius, & decurio equitum, labente jam re, præsentis animo subvenisset. Qui cum magna voce exclamasset, ut equites, qui salvam Rempubl. vellent esse, ex equis desilirent; omnium turmarum equitibus velut ad consulis imperium motis, *Nisi hæc*, inquit, *armata cohors sistat impetum hostium, actum de imperio est. sequimini pro vexillo cuspidem meam: ostendite Romanis Volscisque, neque equitibus vobis ullos equites, nec peditibus esse pedites pares.* Cum clamore comprobata adhortatio esset, vadit alte cuspidem gerens: quacumque incedunt, vi viam faciunt: eo se inferunt objectis parmis, ubi suorum plurimum laborem vident. restituitur omnibus locis pugna, in quæ eos impetus tulit. nec dubium erat, quin, si tam pauci simul obire
39. omnia possent, terga daturi hostes fuerint. Et cum jam parte nulla sustinerentur, dat signum Volscus imperator, ut parmatis, novæ cohorti hostium, locus detur; donec impetu illati ab suis excludantur: quod ubi est factum, interclusi equites nec percurrere eadem, qua transierant, posse, ibi maxime confertis hostibus, qua viam fecerant; & consul, legionesque Romanæ, cum, quod tegumen modo omnis exercitus fuerat, nusquam viderent, ne tot fortissimos viros interclusos opprimeret hostis, tendunt in quem-
- cupi-

1 Decurio equitum) Turmarum in decurias divisarum præfectus vocabatur decurio.

cumque casum. diversi Volsci, hinc consulem ac legiones sustinere; altera fronte instare Tempanio atque equitibus: qui cum sæpe conati nequissent perrumpere ad suos, tumulto quodam occupato, in orbem se tutabantur, nequaquam inulti. nec pugnae finis ante noctem fuit. consul quoque, nusquam remisso certamine, dum quicquam superfuit lucis, hostem tenuit: nox incertos diremit: tantusque ab imprudentia eventus utraque castra tenuit pavor, ut, relictis faucibus, & magna parte impedimentorum, ambo pro victis exercitus se in montes proximos reciperent. tumultus tamen circumfessius ultra mediam noctem est: quo cum circumfidentibus nuntiatum esset castra deserta esse, victos rati suos, & ipsi qua quemque in tenebris pavor tulit, fugerunt. Tempanius metu insidiarum suos ad lucem tenuit: digressus deinde ipse cum paucis speculatum, cum ab faucibus hostibus sciscitando comperisset, castra Volscorum deserta esse, lætus ab tumulto suos devocat, & in castra Romana penetrat: ubi cum vasta desertaque omnia, atque eandem, quam apud hostes, fœditatem invenisset; prius quam Volscos cognitus error reduceret, quibus poterat faucibus ductis secum, ignarus quam regionem consul petisset, ad urbem proximis itineribus pergit. Jam eo fama pugnae adversæ, castrorumque desertorum perlata erat: & ante omnia deplorati 40. erant equites non privato magis, quam publico luctu: Fabiusque consul, terrore urbi quoque injecto, stationem ante portas agebat: cum equites procul visi non sine terrore ab dubiis, quinam essent, mox cogniti, tantam ex metu lætitiā fecere, ut clamor urbem pervaderet gratulantium salvos victoresque redisse equites: & ex mœstis paulo ante domibus, quæ i conclamaverant suos, procurreretur in vias: pavidæque matres ac conjuges, oblita præ gaudio decoris, obviam agmini occurrerent, in suos quæque simul corpore atque animo, vix præ gaudio compotes, effusa.

CA-

*Conclamaverant* } Pro deploratis ac desperatis habuerant a verbo *conclamans* de iis dicto, qui mortui credebantur.



## CAPUT XXI.

*Tribuni propter rem cum Volscis male gestam in Sempronium insurgunt: adversus eorum accusationem moderata Tempanii oratio.*

**T**Ribunis plebis, qui M. Postumio & T. Quintio diem dixerant, i quod ad Vejos eorum opera male pugnatum esset, occasio visa est per recens odium Sempronii consulis renovandæ in eos invidiæ. itaque advocata concione, cum proditam Vejis Rempub. esse ab du-  
cibus, proditum deinde, quia illis impune fuerit, in Volscis ab consule exercitum, traditos ad eadem fortissimos equites, deserta fœde castra vociferati essent: C. Julius, unus ex tribunis, Tempanium equitem vocari iussit: coramque eis, Sexte Tempani, inquit, quero de te, arbitreris ne C. Sempronium consulem aut in tempore pugnam inisse, aut firmasse subsidii aciem, aut ullo boni consulis functum officio? & tu ne ipse victis legionibus Romanis, tuo consilio equitem ad pedes deduxeris, restituerisque pugnam? excluso deinde ab acie nostra tibi atque equitibus num aut consul ipso subven-  
rit, aut miserit presidium? postero denique die ecquid presidii usquam habueris, an tu cohors-  
que in castra vestra virtute perruperitis? ecquem in castris consulem, ecquem exercitum inveneris? an deserta castra, relictos saucios milites? Hæc pro virtute tua fideque, qua una hoc bello respub. petir, dicenda tibi sunt hodie. Denique ubi C. Sempronius, ubi legiones nostra sint? desertus sis, an deserueris consulem exercitum-  
que? victi denique sumus, an vicerimus?

41. Adversus hæc Tempanii oratio incommuta fuisse dicitur, ceterum militariter gravis, non suis vana laudibus, non crimine alieno læta. Quanta prudentia rei bellicæ in C. Sempronio esset, non militis de imperatore æstimationem esse, sed populi Romani fuisse, cum eum comitis consul-  
lem legeret. Itaque ne ab se imperatoria consilia,

r Quo ad Vejos ) Quinto ante anno.

æstimationem ) Iudicium.

ne consulares artes exquirerent, i qua pensanda quoque magnis animis atque ingeniis essent, sed, quod viderit, referre posse: Vidisse autem se prius, quam ab acie intercluderetur, consulem in prima acie pugnantem, adhortantem, inter signa Romana telaque hostium versantem: postea se ab conspectu suorum ablatum, ex strepitu tamen & clamore sensisse usque ad noctem extractum certamen; nec ad tumultum, quem ipse tenuerat, præ multitudine hostium credere pervumpi potuisse: exercitus ubi esset, se nescire: arbitrari, velut ipse in re trepida loci præsidio se suosque sit tutatus, sic consulem, servandi exercitus causa, loca tutiora castris cepisse: nec Volscorum meliores res esse credere, quam populi Romani fortunam, noctemque omnia erroris mutui impleisse: precantemque deinde, ne se, festum labore ac vulneribus, tenerent, cum ingenti laude non virtutis magis, quam moderationis, dimissum.

## CAPUT XXII.

M. Postumius ob rem ad Vejos infelicitè gestam are mulctatur; collega vero T. Quintius absoluitur. Odio nominis consularis, tribuni militum consulari potestate creantur. Sempronio, qui temere cum Volscis pugnaverat, dies dicitur; precantibus quatuor tribunis plebis, liberatur.

CUM hæc agerentur, jam consul via Lavicana ad fanum Quietis erat. eo missa plaustra jumentaue alia ab urbe exercitum affectum prælio ac via nocturna exceperunt. paulo post in urbem est ingressus consul, non ab se magis enixe amovens culpam, quam Tempanium meritis laudibus ferens. Mœstæ civitati ab re male gesta, & iratæ ducibus M. Postumius reus objectus, qui tribunus militum pro consule ad Vejos fuerat, decem millibus 2 æris gravis damnatur. T. Quintium collegam ejus, quia & in Volscis consul auspicio dictatoris Postu-

1 *Que pensanda* ) Quæ vel magni animi magnaue ingenia mature etiam expendere opus haberent.

2 *Æris gravis* ) Alium libralium, qui appendebantur, unde dictum æs grave.

Postumii Tuberti, & ad Fidenas legatus dictatoris alterius Mamerci Æmilii res prospere gesserat, totam culpam ejus temporis in prædamnatum collegam transferentem; omnes tribus absolverunt. profuisse ei Cincinnati patris memoria dicitur, venerabilis viri, & exactæ jam ætatis, Capitolinus Quintius, suppliciter orans, ne se brevi reliquo vitæ spatio tam tristem nuntium ferre ad Cincinnatum paterentur. Plebs tribunos plebis absentes Sext. Tempanium, A. Sellium, Sext. Antistium, & Sex. Pompilium fecit, quos & pro centurionibus sibi præfecerant Tempanio auctore equites. Senatus cum odio Sempronii consulare nomen offenderet, tribunos militum consulari potestate creati jussu C. sit. creati sunt L. Manlius Capitolinus, Q. Antonius Merenda, L. Papirius Mugillanus, L. Servilius Structus. Principio statim anni L. Hortensius tribunus plebis C. Sempronio consuli anni prioris diem dixit. quem cum quatuor collegæ inspectante populo Romano orarent, ne imperatorem suum innoxium, in quo nihil præter fortunam reprehendi posset, vexaret; ægre Hortensius pati, tentationem eam credens esse perseverantiæ suæ: nec precibus tribunorum, quæ in speciem modo jactentur, sed auxilio confidere reum. Itaque modo ad eum conversus, *ubi illi patricii spiritus, ubi subnixus & fidens innocentia animus esset, quærebar: sub tribunitia umbra consularem virum delituisse: modo ad collegas: Vos autem, & si reum perago, quid acturi estis? an erepturi jus populo, & eversuri tribunitiam potestatem plebi?* Cum illi & de Sempronio, & de omnibus summam populi Romani potestatem esse dicerent, nec se judicium populi tollere aut velle aut posse; sed si preces suæ pro imperatore, qui sibi parentis esset loco, non valuisent, se vestem cum eo mutaturos: tum Hortensius, *Non videbit, inquit, plebs Romana sordidatos tribunos suos. C. Sempronium nihil moror: quando hoc est in imperio consecutus, ut tam carus esset militibus.* Nec pietas

( Si reum perago ) Si ad ultimum persto in accusando Sempronio. Propositio per in compositione indicat perfectionem rei ad ultimum propositæ.

pietas quatuor tribunorum, quam Hortensii tam placabile ad justas preces ingenium pariter plebi patribusque gratus fuit.

## CAPUT XXIII.

*Foris Æqui funduntur: in urbe propter seditiones res venit ad interregnum. Dicitur Interrex L. Papirius Mugillanus concordiam suadet.*

**N**ON diutius fortuna Æquis indulserit, qui ambigua<sup>437</sup> victoriam Volscorum pro sua ample-<sup>U. C.</sup> xi fuerant. Proximo anno Numerio Fabio Vi-<sup>111</sup> bulano, T. Quintio, Capitolini filio Capitolino consulibus, ductu Fabii, cui sorte ea provincia evenerat, nihil dignum memoratu actum. Cum trepidam tantum ostendissent aciem Æqui, turpi fuga funduntur, haud magno consulis decore. Itaque triumphus negatus; ceterum ob Sempronianæ cladis levatam ignominiam, ut ovens urbem intraret, concessum est. Quemadmodum bellum minore, quam timerant, diminutione erat perfectum: sic in urbe ex tranquillo nec opinata moles discordiarum inter plebem ac patres exorta est, cœpta ab duplicando quæstorum numero. quam rem, ut præter duos urbanos quæstores duo consulibus ad ministeria belli præsto essent, a consulibus relaxam cum & patres summa ope approbassent; consulibus tribuni plebis certamen intulerunt, ut pars quæstorum (nam ad id tempus patricii creati erant) ex plebe fieret, adversus quam actionem primo & consules & patres summa ope annixi sunt; concedendo deinde, ut, quemadmodum in tribunis consulari potestate creandis uli sunt, adæque in quæstoribus liberum esset arbitrium populi; cum parum proficerent, totam rem de augendo quæstorum numero omit-  
tunt. Excipiunt omissam tribuni: aliæque subinde, inter quas & agrariæ legis, seditiosæ actiones existunt: propter quos motus cum senatus consules, quam tribunos, creari mallet, neque posset per intercessionem tribunicias senatusconsultum fieri; respub. a consulibus ad interregnum, neque id ipsum (nam coire patri-<sup>U. C.</sup> cios tribuni prohibebant) sine certamine in-<sup>114</sup> genti.

genti, redit. Cum pars major insequentis anni per novos tribunos plebis, & aliquot interreges certaminibus extracta esset, modo prohibentibus tribunis patricios coire ad prodendum interregem, modo interregem interpellantibus, ne senatus consultum de comitiis consularibus faceret; postremo L. Papirius Mugillanus proditus interrex, castigando nunc patres, nunc tribunos plebis, desertam omissamque ab hominibus remp. deorum providentia curaque exceptam, memorabat, Vejentium inducis, & cunctatione Æquorum stare: 1 unde siquid increpet terroris, sine patricio magistratu placere rempub. opprimi: non exercitum, non ducem scribendo exercitui esse. an bello intestino bellum externum propulsaturos? qua si in unum conveniant, vix deorum opibus, quin obruatur Romana res, resisti posse: quin illi, remittendo de summa quisque juris, 2 mediis copularent concordiam; patres patiundo tribunos militum pro consulibus fieri; tribuni plebis non intercedendo, quo minus quatuor quæstores promiscue de plebe ac patribus libero suffragio populi fierent.

## CAPUT XXIV.

Irritati tribuni plebis propter suorum repulsam in quæstura petitione, Sempronio ob ignominiam Volsi belli, maxime quia legi agrariae semper resisterat, diem dicunt: damnatus ære mulctatur. Postumia Vestalis, dicta de incestu causa, absolvitur.

44. **T**ribunitia primum comitia sunt habita:  
 6. C. creati tribuni consulari potestate omnes  
 115. patritii, L. Quinctius Cincinnatus tertium, Furius Medullinus iterum, M. Manlius, A. Sempronius Atratinus. Hoc tribuno comitia quæstorum habente, petentibusque inter aliquot plebeios filio Antistii tribuni plebis, & fratre alterius tribuni plebi Sext. Pompilii, nec potestas, nec suffragatio horum valuit, quin, quo-

1 Unde si quid increpet terroris ) Unde si fragor armorum, si belli minæ insonuerint.

2 Mediis ) Per mediam aliquam consilii viam, qua utriusque aliquid de suo jure remitterent, alterique alteris aliquid concederent.

quorum patres avosque consules viderant, eos nobilitate præferrent. Futere omnes tribuni plebis, ante omnes Pompilius Antistiusque repulsa suorum accensi, quidnam id rei esset? non suis beneficiis, non patrum injuriis, non denique usurpandi libidine, cum liceat quod ante non licuerit, si non tribunum militarem, ne quastorem quidem quemquam ex plebe factum: non valuisse patris pro filio; fratris pro fratre preces, tribunorum plebis, potestatis sacrosancta, ad auxilium libertatis creata: fraudem profecto in re esse; & A. Sempronium comitiis plus artis adhibuisse, quam fidei: ejus injuria queri suos honore dejectos. Itaque cum in ipsum & innocentia tutum, & magistratu, in quo tunc erat, impetus fieri non posset, flexere iras in C. Sempronium patruelem Atradini: eique ob ignominiam Volsci belli, adiutore collega M. Canuleio, diem dixere. subinde ab eisdem tribunis mentio in senatu de agris dividendis illata est: cui actioni semper acerrime C. Sempronius resistiterat, ratus, id quod erat, aut deposita causa leniorem futurum apud patres reum, aut perseverantem sub judicii tempus plebem offensurum. adversæ invidiæ obijci maluit, & suæ nocere causæ, quam publicæ deesse: stertitque in eadem sententia, ne qua largitio cessura in trium gratiam tribunorum fieret. nec tum agrum plebi, sed sibi invidiam quari: se quoque subiturum cum tempestatem forti animo; nec senatui tanti se civem, aut quemquam alium debere esse, ut in parcendo uni, malum publicum fiat. nihilo demissiore animo, cum dies venit, causa ipse pro se dicta, nequicquam omnia expertis patribus ut mitigarent plebem, quindecim millibus æris damnatur. Eodem anno Postumia, virgo vestalis, de incestu causam dixit, crimine innoxia: ob suspicionem propter cultum amoeniorem, ingeniumque liberius, quam virginem decet, parum abhorrens famam. Ampliatam, deinde absolutam pro collegii sententia pontifex maximus abstinere joci, colique sancte potius quam scite jussit. Eodem anno a Campanis Cumæ, quam Græci tum urbem tenebant, capiuntur.

*Servi de incendenda urbe conjurant: comprehensi dant pœnas: Lavicanis, quia cum Æquis hostibus arma junxerant; bellum indicitur: hoc certatim quisque tribunorum militarium sibi deposcit. Fuso ab Æquis Sergio tribuno, dictus Dictator Q. Servilius ad id bellum cum novo exercitu venit.*

<sup>45.</sup> <sup>U.C.</sup> <sup>330</sup> **I** Nsequens annus tribunos militum consulari potestate habuit Agrippam Menenium Lanatum, P. Lucretium Tricipitinum, Sp. Nautium, C. Servilium. Annus i felicitate populi Romani periculo potius ingenti, quam clade insignis. servitia, urbem ut incenderent distantibus locis; conjurarunt; populoque ad opem passim ferendam tectis intento; ut arcem Capitoliumque armati occuparent. Avertit nefanda consilia Jupiter: indicioque duorum comprehensi fontes pœnas dederunt. indicibus dena milia gravis æris, quæ tum divitiæ habebantur, ex ærario numerata, & libertas præmium fuit. Bellum inde ab Æquis reparari cœptum: & novos hostes Lavicanos consilia cum veteribus jungere; hæud incertis auctoribus Romam est allatum. Æquorum jam velut anniversariis armis afflueverat civitas. Lavicos legati missi; cum responsa inde rerulissent dubia, quibus nec dum bellum parari, nec diuturnam pacem fore appareret: Tusculanis negotium datum, *adverterent animos, ne quid novi tumultus Lavicis viretur.* Ad insequentis anni tribunos militum consulari potestate, inito magistratu, legati ab Tusculo venerunt, L. Sergium Fidenatem, M. Papirium Mugillanum, C. Servilium Prisci filium: quo dictatore Fidenæ captæ fuerant. nuntiabant legati, Lavicanos arma cepisse, & cum Æquorum exercitu depopulatos agrum Tusculanum, castra in Algido posuisse. Tum Lavicanis bellum indictum: factoque senatusconsulto, ut

<sup>1</sup> *Felicitate* ) Sic explicat: Fecit fortuna populi Romani, ut quamvis periculum ingens, nulla tamen clades foret.

ut duo ex tribunis ad bellum proficiscerentur , unus res Romæ curaret , certamen subito inter tribunos exortum . se quisque belli ducem potiorē ferre : curam urbis , ut ingrātā ignobilēque , aspernari . Cum parum decorum inter collegas certamen mirabundi patres conspicerent , Q. Servilius , *Quando nec ordinis huius ulla , inquit , nec respub. est verecundia ; patria majestas altercationem istam dirimet ; filius meus extra sortem urbi prærit . bellum utinam qui appetunt , consideratius concordiusque , quam cupiunt , gerant .* Delectum haberi non ex toto passim populo placuit : decem tribus sorte ductæ sunt . ex his scriptos juniores duo tribuni ad bellum duxere . Cœpta inter eos in urbe certamina , cupiditate eadem imperii multo impensius in castris accendi : nihil sentire idem , pro sententia pugnare : sua consilia velle , sua imperia sola rata esse ; contemnere invicem & contemni : donec , castigantibus legatis , tandem ita comparatum est , ut alternis diebus summam imperii haberent . quæ cum allata Romam essent , dicitur Q. Servilius , ætate & usu doctus , precatus ab diis immortalibus , ne discordia tribunorum damnosior reip. esset , quam ad Vejos fuisset ; & velut haud dubia clade imminente , instituisse filio , ut milites scriberet , & arma pararet , Nec falsus vates fuit . nam ductu L. Sergii , cuius dies imperii erat , loco iniquo sub hostium castris , cum , quia simulato metu receperat se hostis ad vallum , spes vana expugnandi castra eo traxisset , repentino impetu Æquorum per supinam vallem fusi sunt : multique i in ruina majore , quam fuga , oppressi obruncatique , castraque eo die ægre retenta . postero die , circumfusus jam magna ex parte hostibus , per aversam portam fuga turpi deferuntur . duces legatique , & , quod circa signa roboris de exercitu fuit , Tusculum petiere . palati alii per agros passim multis itineribus , majoris , quam accepta erat , cladis nuntii Romam contenderunt . minus trepidationis fuit , quod eventus timori hominum congruens fuerat ; & quod

i In ruina majore quam fuga ) Cum potius alii super alios ruerent , quam fugerent .



quod subsidia , quæ respicerent in re trepida ; præparata erant ab tribuno militum : iussuque ejusdem per minores magistratus sedato in urbe tumultu , speculatores propere missi nuntiavere , Tusculi duces exercitumque esse : hostem castra loco non movisse , & , quod plurimum animorum fecit , dictator ex senatusconsulto dictus , Q. Servilius Priscus , vir , cujus providentiam in repub. cum multis aliis tempestatibus ante experta civitas erat , tum eventu ejus belli , quod uni certamen tribunorum suspectum ante rem male gestam fuerat ; magistro equitum creato , a quo ipse tribuno militum dictator erat dictus , filio suo , ut tradidere quidam , ( nam alii Ahalam Servilium magistrum equitum eo anno fuisse scribunt ) novo exercitu profectus ad bellum , accitis qui Tusculi erant , duo milia passuum ab hoste locum castris cepit .

## C A P U T XXVI.

*Dictator Q. Servilius Æquos superat : Lavicos expugnat : eo ab Senatu colonia deducitur .*

47. **T**Ransierat ex re bene gesta superbia negligentiaque ad Æquos , quæ in Romanis ducibus fuerat . itaque primo statim prælio cum dictator equitatu immisso antesignanos hostium turbasset , legionum inde signa inferri propere iussit ; signiferumque ex suis unum cunctantem occidit . tantus ardor ad dimicandum fuit , ut impetum Æqui non tulerint : victique acie cum fuga effusa petissent castra , brevior tempore , & certamine minor castrorum oppugnatio fuit , quam prælium fuerat . Captis direptisque castris , cum prædam dictator militi concessisset , secutique fugientem ex castris hostem equites renuntiassent omnes Lavicanos victos , magnam partem Æquorum Lavicos confugisse ; postero die ad Lavicos ductus exercitus : oppidumque corona circumdatum , scalis captum ac direptum est . Dictator , exercitu victore Romam reducto , die octavo quam creatus erat , magistratu se abdicavit . & opportune senatus , prius quam ab tribunis plebis agrariæ seditiones mentione  
illata

illata de agro Lavicano dividendo fierent, censuit frequens, *coloniam Lavicos deducendam*. coloni ab urbe mille & quingenti missi bina iugera acceperunt.

## CAPUT XXVII.

*Seditio ex agrariis legibus a duobus tribunis plebis excitatur. Suadente Ap. Claudio, resistunt Patres per collegarum intercessionem.*

**C** APTIS Lavicis, ac deinde tribunis militum U. C. consulari potestate, Agrippa Menenio Lanato, & L. Servilio Structo, & P. Lucretio Tricipitino, iterum omnibus his, & Sp. Veturio Crasso: & insequenti anno A. Sempronio Atriatino tertium, & duobus iterum M. Papirio Mugillano, & Sp. Nautio Rutilo, & Q. Fabio Vibulano, biennium tranquillæ externarum, discordia domi ex agrariis legibus fuit. Turbatores vulgi erant Spurius Mecilius quartum, & Metilius tertium, tribuni plebis ambo absentes creati. & cum rogationem promulgassent, ut ager ex hostibus captus viritim divideretur; magnæque partis nobilium eo plebiscito publicarentur fortunæ: (nec enim ferme quicquam agri, ut in urbe alieno solo posita, non armis partum erat; nec, quod venisset, assignatumve publice esset, præterquam plebs habebat) atrox plebi patribusque propositu videbatur certamen: nec tribuni militum nunc in senatu, nunc in consiliis privatis principum cogendis viam consilii inveniebant; cum Ap. Claudius, nepos ejus, qui decemvir legibus scribendis fuerat, minimus natu ex patrum concilio, dicitur dixisse, *vetus se ac familiare consilium domo asferre*: 1 *proavum enim suum Ap. Claudium ostendisse patribus viam unam dissolvendam tribunitiæ potestatis per collegarum intercessionem: facile homines novos auctoritate principum de sententia deduci, si temporum interdum potius, quam majestatis, memor adhibeatur oratio*: 2 *pro fortuna illis animos esse: ubi videant collegas principes agenda rei gratiam omnem ad plebem præoccupasse.*

Tom. I.

N

nec

1 Proavum ) Proprie abavum.  
2 Pro fortuna illis animos esse ) I. e. eos, perinde ac ut se fortuna det, ita animos esse.

nec locum in ea relictum sibi, haud gravate acclinatorum se ad causam senatus, per quam universo ordini cum primoribus se patrum concilient. Approbantibus cunctis, & ante omnes Q. Servilio Prisco, quod non degenerasset ab stirpe Claudia, collaudante juvenem, negotium datur, ut quos quisque posset ex collegio tribunorum ad intercessionem perlicerent. Misso senatu, prensantur ab principibus tribuni: suadendo, monendo, pollicendoque: gratum id singulis privatim, gratum universo senatui fore, lex ad intercessionem comparare. Posteroque die cum ex composito relatum ad senatum esset de seditione, quam Mecilius Metiliusque largitione pessimi exempli concirent: eæ orationes a primoribus patrum habitæ sunt, ut pro se quisque jam nec consilium sibi suppetere diceret, nec se ullam opem cernere aliam usquam, præterquam in tribunis auxilio: in ejus potestatis fidem circumventam rempub. tamquam privatum inopem confugere. præclarum ipsis potestatiq. esse, non ad vexandum senatum, discordiamque ordinum movendam, plus in tribunatu virium esse, quam ad resistendum improbis collegis. Fremitus deinde universi senatus ortus, cum ex omnibus partibus curiæ tribuni appellarentur: tum silentio facto, ii, qui præparati erant gratia principum, quam rogationem a collegis promulgatam senatus censet dissolvendæ reipubl. esse, ei se intercessuros ostendunt. Gratia intercessoribus ab senatu actæ. latore rogationis, concione advocata, proditores plebis commodorum, ac servos consularium appellantes, aliaque truci oratione in collegas inducti, actionem deposuere.

## CAPUT XXVIII.

*Vola capiuntur; quas cum Æqui recepissent, iis bellum inferitur: hoc committitur M. Postumio; qui propter cfferatum ingenium, ab exercitu, irato etiam, quod prada fraudatus esset, lapidibus obruitur.*

49. D Uo assidua bella insequens annus habuisset, quo P. Cornelius Cossus, C. Valerius Porci-

Potitus, Quintius Cincinnatus, N. Fabius Vibulanus tribuni militum consulari potestate fuerunt; ni Vejens bellum religio, principum distulisset, quorum agros Tiberis super ripas effusus maxime ruinis villarum vastavit: simul Æquos triennio ante accepta clades prohibuit Volanis suæ gentis populo præsidium ferre. Excursionibus inde in confinem agrum Lavicanum factæ erant, novisque colonis bellum illatum. Quam noxam cum se consensu omnium Æquorum defensuros sperassent, deserti ab suis, ne memorabili quidem bello, per obsidionem levemque unam pugnam & oppidum & fines amittere. 2 Tentatum ab L. Sextio tribuno pl. ut rogationem ferret, qua Volas quoque sicut Lavicos, coloni mitterentur, per intercessionem collegarum, qui nullum plebiscitum, nisi ex auctoritate senatus passuros se perferri ostenderunt, discussum est. Volis insequente anno receptis, coloniaque eo deducta, Æqui novis viribus oppidum firmarunt, tribunis militum Romæ consulari potestate Cn. Cornelio Cosso, U. C. L. Valerio Potito, N. Fabio Vibulano iterum, 141 P. Postumio Regillensi. huic bellum adversus Æquos permissum est, pravæ mentis homini, quam tum victoria magis, quam bellum, ostendit. nam exercitu impigre scripto, ductoque ad Volas, cum levibus præliis Æquorum animos fregisset, postremo in oppidum irrupit: deinde ab hostibus in cives certamen vertit: & cum inter oppugnationem prædam militis fore edixisset, capto oppido fidem mutavit. eam magis adducor ut credam iræ causam exercitui fuisse, quam quod in urbe nuper direpta, coloniaque nova minus prædicatione tribuni prædæ fuerit. Auxit eam iram, postquam ab collegis arcessitus propter seditiones tribunitias in urbem revertit, audita vox ejus in concione, stolidi, ac prope vecors, qua Sextio tribuno plebis legem agrariam ferenti, simul, Volas quoque ut mitterentur coloni, laturum se dicenti; dignos enim esse qui armis cepis-

N 2 . . . sent,

1 Principum) I. e. Veientium.

2 Tentatum ab L. Sextio . . . discussum est.) Quod tentaverat L. Sextius . . . discussum est.

sent, eorum urbem agrumque Volanum esse : *Malum quidem militibus meis*, inquit, *nisi quieverint*. quod auditum non concionem magis, quam mox patres offendit. & tribunus plebis vir acer, nec infacundus, nactus inter adversarios superbum ingenium; immodicamque linguam, quam irritando agitandoque in eas impelleret voces, quæ invidiæ non ipsi tantum, sed causæ atque universo ordini essent, neminem ex collegio tribunorum militum sæpius, quam Postumium, in disceptationem trahebat. Tum vero secundum tam sævum atque inhumanum dictum, *Auditis*, inquit, *Quirites*, *sicut servis, malum minantem militibus*? tamen hac bellua dignior vobis tanto honore videbitur, quam qui vos urbe agrisque donatos in colonias mittunt, qui sedem senectuti vestræ prospiciunt, qui pro vestris commodis adversus tam crudeles superbosque adversarios depugnant. incipite demum mirari, cur pauci jam vestram suscipiant causam. quid ut a vobis sperent? an honores, quos adversariis vestris potius, quam P. R. propugnatoribus datis? Ingemistis modo, voce hujus audita. quid id referi? jam *se suffragium detur*, hunc, qui malum vobis minatur, *is, qui agros sedesque ac fortunas stabilire volunt, præferetis*. Perlata hæc vox Postumii ad milites, multo in castris majorem indignationem movit. prædæne interceptorem fraudatoremque etiam malum minari militibus? Itaque cum iremitus aperte esset; & quæstor P. Sextius eadem violentia coerceri putaret seditionem posse, quæ mora erat; misso ad vociferantem quemdam militem lictore, cum inde clamor & iurgium oriretur, saxo ictus turba excedit; insuper increpante qui vulneraverat, *habere quæstorem, quod imperator esset militibus minatus*. Ad hunc tumultum accitus Postumius, asperiora omnia fecit acerbis questionibus, crudelibus suppliciis. postremo cum modum iræ nullum faceret, ad vociferationem eorum, quos necari sub crate jusserrat, concursu facto, ipse ad interpellantis pernam

vecors

*Malum quidem militibus*) Malum quidem habebunt milites mei, & gravi pœna coercerentur.

vecors de tribunali decurrit . ibi cum summovenientes passim lictores centurionesque vexarent turbam , eo indignatio erupit , ut tribunus militum ab exercitu suo lapidibus cooperiretur : quod tam atrox facinus postquam est Romam nuntiatum , tribunis militum de morte collegæ per senatum quæstiones decernentibus tribuni plebis intercedebant ; sed ea contentio ex certamine alio pendebat ; quod cura incesserat patres , ne metui quæstionum plebs irata , tribunos militum ex plebe crearet : tendebantque summa ope , ut consules crearentur . Cum senatusconsultum fieri tribuni plebis non paterentur , iidem intercederent consularibus comitiis , res ad interregnum rediit . victoria deinde penes patres fuit .

## CAPUT XXIX

*Postumii cades vindicatur : fit mentio agraria legis : ductis in Volscos legionibus , Ferentinum capitur : imminens gravem seditionem orta pestilentia avertit : consequuta fames , advecto aliunde per legatos frumento , levatur .*

**Q** Fabio Vibulano interrege comitia habentes consules creati sunt , A. Cornelius Cossus , L. Furius Medullinus . His consulibus principio anni senatusconsultum factum est , ut de quæstione Postumianæ cædis tribuni primo quoque tempore ad plebem ferrent , plebsque præficeret quæstioni quem vellet . a plebe consensu populi consulibus negotium mandatur . qui summa moderatione ac lenitate per paucorum supplicium , quos sibimet ipsos conscisse mortem fatis creditum est , transacta re , nequivere tamen consequi , ut non ægerrime id plebs ferret . jacere tandem irritas sanctiones , quæ de suis commodis ferrentur ; cum interim de sanguine ac supplicio suo latam legem confestim exerceri , & tantam vim habere . Aptissimum tempus erat , vindicatis seditionibus , delinimentum animis Volani agri divisionem obijci : quo facto minuiscent desiderium agrariæ legis : quæ possesso per injuriam agro

publico patres pellebat. Tunc hæc ipsa indignitas angebat animos, non in retinendis modo publicis agris, quos vi teneret, pertinacem nobilitatem esse; sed ne vacuum quidem agrum nuper ex hostibus captum plebi dividere mox paucis, ut cetera, futurum prædæ. Eodem anno, adversus Volscos populantes Hernicorum fines legiones ductæ a Furio COS. cum hostem ibi non invenissent, Ferentinum, quo magna multitudo Volscorum se contulerat, cepere. minus prædæ, quam speraverant, fuit: quod Volsci postquam spes tuendi exigua erat, sublatis rebus nocte oppidum reliquerant. postero die prope desertum capitur. Hernicis ipse ager dono datus. Annum modestia tribunorum quietum excepit trib. pl. L. Icilius, Q. Fabio Ambusto, C. Furio Pacilo COSS. Is cum principio statim anni, velut pensum nominis familiaræque, seditiones agrariis legibus promulgandis ciceret; pestilentia coorta, minaciôr tamen quam perniciosior, cogitationes hominum a foro certaminibusque publicis ad domum curamque corporum et nutriendorum avertit: minusque eam damnosam fuisse, quam seditio futura fuerit, credunt. 2 Defuncta civitate plurimorum morbis, perpaucis funeribus; pestilentem annum, inopia frugum neglecto cultu agrorum (ut plerumque fit) excepit, M. Papirio, C. Nautio Rurilo consulibus. Jam fames, quam pestilentia, tristior erat: ni, dimissis circa omnes populos legatis, qui Etruscum mare, quique Tiberim accolunt, ad frumentum mercandum, annonæ foret subventum. superbe ab Samnitibus, qui Capuam habebant Cumasque, legati prohibiti commercio sunt, contra ea benigne ab Siculorum tyrannis adjuti. maximos commeatus summo Etruriæ studio Tiberis devexit. Solitudinem in civitate ægra experti consules sunt: cum in legationes, non plus singulis senatoribus missis invenientes, coacti sunt binos equites adicere.

C A.

1 Nutriendorum) Provendorum, curandorum.

2 Defuncta civitate) Quam civitati nulla major contigisset clades, quam plurimorum morbi, perpauca funera.

## CAPUT XXX.

*Contra Æquos bellum parantes delectum impedit Mænius tribunus: occupata ab illis Carventana arce, collataque in ipsum rei invidia, Valerius cos. exercitum conscribit, ac in hostem ducens, arcem recuperat: ovens deinde regrediens, ob negatam militi prædam, diſſeruiſſis carpitur.*

**P**Ræterquam ab morbo, annonaque, nihil U.C. 345  
 eo biennio intestini, externive incommodi  
 fuit. at ubi hæ sollicitudines discessere, omnia,  
 quibus turbari solita erat civitas, domi dis-  
 cordia, foris bellum exortum. M. Æmilio, 53.  
 C. Valerio Potito consulibus, bellum Æqui  
 parabant: Volscis, quamquam non publico  
 consilio, capessentibus arma, voluntariis mer-  
 cede secutis militiam. Ad quorum famam ho-  
 stium (jam enim in Latinum Hernicumque tran-  
 scenderant agrum) delectum habentem Valerium  
 consulem M. Mænius tribunus plebis legis a-  
 grariæ lator cum impediret, auxilioque tribu-  
 ni nemo invitus sacramento diceret; repente  
 nuntiatur, arcem Carventanam ab hostibus oc-  
 cupatam esse. Ea ignominia accepta cum apud  
 patres invidiæ Mænio fuit, tum ceteris tribu-  
 nis, jam ante præparatis intercessoribus legis  
 agrariæ, præbuit justiore causam resisten-  
 di collegæ. Itaque cum res diu ducta per al-  
 tercationem, esset, consulibus deos, homines-  
 que testantibus, quicquid ab hostibus cladis,  
 ignominiaque aut jam acceptum esset, aut im-  
 mineret, culpam penes Mænium fore, qui  
 delectum impediret; Mænio contra vociferan-  
 te, si injusti domini possessione agri publi-  
 ci cederent, se moram delectui non facere:  
 decreto interposito novem tribuni sustulerunt  
 certamen; pronuntiaveruntque ex collegii sen-  
 tentia, C. Valerio consuli se, *damnum aliamque*  
*coercitionem adversus intercessionem collega de-*  
*lectus causa detrectantibus militiam ferenti au-*  
*xilio futuros esse.* Hoc decreto consul arma-  
 tus, cum paucis, appellantis tribunum,



1 collum torfisset, metu ceteri sacramento dixere. Ductus exercitus ad Carventanam arcem, quamquam invisus, infestusque consuli erat, impigre primo statim adventu, dejectis qui in præsidio erant, arcem recepit. prædatores ex præsidio per negligentiam dilapsi, occasionem aperuere ad invadendum. Prædæ ex assiduis populationibus, quod omnia in locum tutum congesta erant, fuit aliquantum. venditum sub hasta consul in ærarium redigere quæstores iussit: tum prædicans participem prædæ fore exercitum, cum militiam non abnuisset. Auctæ inde plebis, ac militum in consulem iræ. itaque cum ex senatusconsulto urbem ovans introiret, alternis inconditi versus militari licentia jactati: quibus consul increpitus, Mæ nii celebre nomen laudibus fuit, cum ad omnem mentionem tribuni, favor circumstantis populi plaususque, & assensu cum vocibus militum: certaret. plusque ea res, quam 2 prope solemnibus militum lascivia in consulem, curæ patribus iniecit. & tamquam haud dubius inter tribunos militum honos Mæ nii, si peteret, consularibus comitiis est exclusus.

## CAPUT XXXI.

*Plebs irata Patribus Quæstores ex suo ordine creat: instans ob id cum Patribus certamen dimittitur Volscorum, & Æquorum bello; ad quod dum delectum tribuni impediunt, arx Carventana amittitur: seditione composita, consules cum exercitu in hostes profisciscuntur. Roma tribunorum comitia cum non possent Patres impedire, a plebeis creandis, arte adhibita, populum avertunt.*

54. **C**Reati consules sunt Cn. Cornelius Cof-  
 u. c. sus, L. Furius Medullinus iterum. Non  
 346. alias ægrius plebs tulit tribunitia sibi comitia non commissa. cum dolorem quæstoriiis comitiis simul ostendit, & ulta est, tunc primum plebeiis quæstoribus creatis: ita, ut in quatuor creandis uni patricio N. Fabio Ambusto relique-

1 Collum torfisset } Manus injlei a libroribus jussisset.  
 2 Prope solemnibus } Vilitatē.

queretur locus; tres plebei, Q. Silius, P. Ælius, P. Pipius, clarissimarum familiarum juvenibus præferrentur. Auctores fuisse tam liberi populo suffragii Icilios accipio, ex familia infestissima patribus, tres in eum annum tribunos plebis creatos. \* hi multarum magnarum-<sup>\* al</sup> que rerum molem; avidissimo adeo populo o-<sup>crea-</sup> stentantes, cum affirmassent, nihil se moturos; <sup>tos,</sup> si ne quæstoriiis quidem comitiis, quæ sola pro-<sup>mul-</sup> miscua plebi patribusque reliquisset senatus, <sup>ta-</sup> <sup>rum.</sup> fatis animi populo esset ad id, quod tamdiu vellent, & per leges liceret. Pro ingenti itaque victoria id fuit plebi: quæsturam namque 2 non honoris ipsius sine æstimabant; sed patrefactus ad consulatum ac triumphos locus novis hominibus videbatur. Patres contra, non pro communicatis, sed pro amissis honoribus fremere: negare, si ea ita sint, liberos tollendos esse; qui pulsi majorum loco, cernentesque alios in possessione dignitatis suæ, salii, flaminesque; nusquam alio, quam ad sacrificandum pro populo sine imperiis ac potestatibus relinquuntur. Irritatis utriusque partis animis, cum & spiritus plebes fumisset; & tres ad popularem causam celeberrimi nominis haberet duces, patres omnia quæstoriiis comitiis, ubi utrumque plebi liceret, similia fore cernentes, tendere ad consulum comitia, quæ nondum promiscua essent. Icili contra tribunos militum creandos dicere, & tandem aliquando innartandos plebi honores. Sed nulla erat consularis actio, quam impediendo, id quod petebant, 55 exprimerent: cum mira opportunitate Volcos & Æquos prædatum extra fines exisse in agrum Latinum Hernicumque; assertur. ad quod bellum ubi ex senatusconsulto consules electum habere occipiunt, obstare tunc enixe tribuni, sibi plebique eam fortunam oblatam memorantes. Tres erant; & omnes accerrimi viri, 4 generosique etiam, ut inter plebejos.

N. 5. C. duo

1 Avidissimo adeo) Avidissimo proinde.

2 Non honoris ipsius sine) Non honore ipso tenuit: non tanti modo, quanti ipse per se quæstura honos pretii erat.

3 Nusquam alio) Ad nihil aliud adhibiti.

4 Generosique etiam) Qui inciperent generis claritudine nobilitari.

duo singuli singulos sibi consules asservando assidua opera defumunt . uni concionibus datæ nunc detinenda , nunc concienda plebs . Ne delectum consules , nec comitia , quæ petebant , tribuni expediebant . inclinante deinde se fortuna ad causam plebis , nuntii veniunt , arcem Carventanam , dilapsis ad prædam militibus , qui in præsidio erant , Æquos interfectis paucis custodibus arcis invalisse : alios recurrentes in arcem , alios palantes in agris cæsos . Ea adversa civitati res vires tribunitiæ actioni adjecit . nequicquam enim tentati , ut tum desisterent impediendo bello , postquam non cessere nec publicæ tempestati , nec suæ invidiæ , pervincunt , ut senatusconsultum fiat de tribunis militum creandis : certo tamen pacto , ne cuius ratio haberetur , qui eo anno tribunus plebis esset ; neve quis reficeretur in annum sequentem tribunus plebis : haud dubie Icilius denotante senatu , quos mercedem seditiosi tribunatus , petere consulatum insimulabant . Tum delectus haberi , bellumque omnium ordinum consensu apparari cœptum . Ceterum Consulum ambo profecti sint ad arcem Carventanam , an alter ad comitia habenda substituerit , incertum diversi auctores faciunt . illa pro certo habenda , in quibus non dissentiant , ab arce Carventana , cum diu nequicquam oppugnata esset , recessum : Verruginem in Volscis eodem exercitu receptam ; populationesque & prædas & in Æquis , & in Volscis agro  
 56. ingentes factas . Romæ sicut plebis victoria fuit in eo , ut quæ mallerent comitia haberent : ita eventu comitiorum patres vicere . namque  
 U.C. 147. tribuni militum consulari potestate contra spem omnium tres patricii creati sunt , C. Julius Iulus , P. Cornelius Cossus , C. Servilius Ahala . Artem adhibitam ferunt a patriciis , cuius eos Icilius tum quoque insimulabant , quod turbam indignorum candidatorum intermiscendo dignis , tædio sordium in quibusdam insignium , inscium populum a plebeiis avertissent .

## CAPUT XXXII.

*Coorto Volscorum, & Æquorum bello, dicitur post magnam Patrum, & tribunorum militarium contentionem Dictator P. Cornelius, hostibus victis, magistratu se abdicat: edictis tribunorum militarium comitiis, Patres adiutum ad eum honorem occludunt plebeiis.*

**V**olscos deinde & Æquos, seu Carventana arx retenta in spem, seu Verrugine amissum præsidium, ad iram cum impulisset, fama affertur, summa vi ad bellum coortos: caput rerum Antiates esse eorum legatos, utriusque gentis populos circumfisse, castigantes ignaviam: quod abditi intra muros, populabundos in agris vagari Romanos priore anno, & opprimi Verruginis præsidium passi essent. jam non exercitus modo armatos, sed colonias etiam in suos fines mitti: nec ipsos modo Romanos sua divisa habere, sed Ferentinum etiam de se captum Hernicis donasse. Ad hæc cum inflammarentur animi, ut ad quosque ventum erat, numerus juniorum conscribatur. Ita omnium populorum juvenus Antium contracta, ibi castris positus hostem opperiebantur. Quæ ubi tumultu majore etiam, quam res erat, nuntiantur Romam, senatus extemplo (quod in rebus trepidis ultimum consilium erat) dictatorem dici jussit. Quam rem ægre passos Julium Corneliumque ferunt; magnoque certamine animorum rem actam: cum primores patrum nequicquam conquesti non esse in auctoritate senatus tribunos militum, postremo etiam tribunos plebis appellarent, & consulis quoque ab ea potestate vim super tali re inhibitam referrent; tribuni plebis læti discordia patrum, nihil esse in his auxilii dicerent, qui non civium, non denique hominum numero essent: si quando promiscui honores, i communicata respub. esset, tum se animadversuros, ne qua superbia magistratum irrita senatusconsulta essent: interim patricii soluti legum magistratuumque vere-

N 6

cun-

1 Communicata respublica) In societatem reipublicæ gerendæ admitti plebei.

cundia, per se quoque tribunitiam potestatem agerent. Hæc contentio minime idoneo tempore, cum tantum belli in manibus esset, occupaverat cogitationes hominum: donec, ubi diu alternis Julius Corneliusque, cum ad id bellum ipsi satis idonei duces essent, non esse æquum, mandatum tibi a populo eripi honorem disseruere. tum Ahala Servilius Trib. mil. tenuisse se tandem ait, non quia incertus sententia fuerit, (quem enim bonum civem secernere sua a publicis consilia?) sed quia maluerit collegas sua sponte cedere auctoritati senatus, quam tribunitiam potestatem adversus se implorari paterentur. tum quoque, si res sineret, libenter se daturum tempus iis fuisse ad receptum nimis pertinacis sententia: sed cum belli necessitates non expectent humana consilia, potiore sibi collegarum gratia reipub. fore: & si maneat in sententia senatus, dictatorem nocte proxima dicturum: ac si quis intercedat senatusconsulto, i auctoritate se fore contentum. Quo facto, cum haud immeritam laudem, gratiamque apud omnes tulisset: dictatore P. Cornelio dicto, ipse ab eo magister equitum creatus est. Exemplo fuit collegas cumque intuentibus, quam gratia atque honos opportuniora interdum non cupientibus essent. Bellum hæc memorabile fuit. uno, atque eo facili prælio cæsi ad Antium hostes. victor exercitus depopulatus Volscum agrum. castellum ad lacum Fucinum expugnatum, atque in eo tria millia hominum capta, ceteris Volscis intra mœnia compulsi, nec defendentibus agros. Dictator, bello ita gesto, ut tantum non defuisse fortunæ videretur, felicitate, quam gloria maiore in urbem rediit, magistratuque se abdicavit. Tribuni militum, mentione nulla comitiorum consularium habita, (credo ob iram dictatoris creati) tribunorum militum comitia edixerunt. Tum vero gravior cura patribus incescit: quippe cum prodi causam ab suis cernerent. itaque sicut priore anno per indignissimos ex plebeiis candidatos

omni-

1 Auctoritate) Auctoritas senatus est iudicium senatus perscriptum, non senatusconsultum.

2 Tulisset) Consecutus esset.

3 Incescit) Incescit, pro invasit cum dandi casu.

omnium etiam dignorum tedium fecerant: sic  
tunc, primoribus patrum splendore gratiaque ad  
petendum præparatis omnia loca obtinere, ne  
cui plebeio aditus esset. quatuor creati sunt, <sup>U. C.</sup>  
omnes jam functi eo honore, L. Furius Medul-<sup>148.</sup>  
linus, C. Valerius Potitus, N. Fabius Vibula-  
nus, C. Servilius Ahala. hic refectus continua-  
to honore, cum ob alias virtutes, tum ob re-  
centem favorem unica moderatione partum.

## CAPUT XXXIII.

*In Volscis ob non maturatum ab senatu auxilium  
clades accipitur: propter superbum responsum  
legatis datum a Vejentibus, cum ageretur de  
bello iis indicendo, plebs detrectat. Tribuni  
militum, in Volscos ducto exercitu, Anxur  
expugnant.*

**E**O anno, quia tempus induciarum cum Ve-<sup>8.</sup>  
jenti populo exierat, per legatos, fetiales-  
que res repeti cœptæ. quibus venientibus i ad  
finem legatio Vejentium obviam fuit. petiere,  
ne prius, quam ipsi senatum Romanum adis-  
sent, Vejos iretur. Ab senatu impetratum,  
quia discordia intestina laborarent Vejentes, ne  
res ab iis repeterentur. tantum abfuit, ut ex  
incommodo alieno sua occasio peteretur. Et in  
Volscis accepta clades, amisso Verrugine præ-  
sidio. ubi tantum in tempore fuit momenti, ut  
cum precantibus opem militibus, qui ibi a Vol-  
scis obsidebantur, succurri, si maturatum esset,  
potuisset, ad id venerit exercitus subsidio mis-  
sus, ut ab recenti cæde palati ad prædandum  
hostes opprimerentur. Tarditatis causa in sena-  
tu magis fuit, quam in tribunis: qui, quia  
summa vi resistere nuntiabantur, partum cogita-  
verunt, nulla non virtute superari humanarum  
virium modum. fortissimi milites non tamen nec  
vivi, nec post mortem inulti fuere. Insequenti  
anno, P. & Cn. Corneliis Cossis, N. Fabio  
Ambusto, L. Valerio Potito, tribunis militum  
consulari potestate, Vejens bellum motum ob  
superbum responsum Vejensis senatus; qui le-  
gatis repetentibus res, ni facerent propere  
urbe.

urbe finibusque, daturos, quod Lars Tolumnius dedisset, responderi iussit. Id patres ægre passi decrevere, ut tribuni militum de bello indicendo Vejentibus primo quoque die ad populum ferrent. Quod ubi primo promulgatum est, fremere juvenus, *nondum debellatum cum Volscis esse: modo duo* 1. *praesidia occisione occisa cum periculo retineri: nullum annum esse, quo non acie dimicetur:* & 2. *tamquam poeniteat laboris, novum bellum cum finitimo populo, & potentissimo parari, qui omnem Etruriam sit concitaturus.* Hæc sua sponte agitata insuper tribuni plebis accendunt. Maximam bellum patribus cum plebe esse distitant: eam de industria vexandam militia, trucidandamque hostibus obijci: eam procul urbe haberi, atque ablegari, ne domi per otium memor libertatis, coloniarumque, aut agri publici, aut suffragii libere ferendi consilia agitet. 3. *prestantesque veteranos, stipendia cujusque, & vulnera, ac cicatrices numerabant: quid jam integri esse in corpore loci ad nova vulnera accipienda? quid superesse sanguinis, qui dari pro republica posset? rogitantes.* Hæc cum in sermonibus, concionibusque interdum agitantes, avertissent plebem ab suscipiendo bello, profertur tempus ferundæ 4. *legis: quam, si subjecta invidiæ esset, antiquari apparebat.* Interim tribunos militum in Volscum agrum ducere exercitum placuit. Cn. Cornelius unus Romæ relictus. Tres tribuni, postquam nullo loco castra Volscorum esse, nec commissuros se prælio apparuit, tripartito ad devastandos fines discessere: Valerius Antium petit, Cornelius Ecetras. quacumque inceslere, late populati sunt tecta agrosque, ut distinerent Volscos. Fabius, quod maxime petebatur, ad Anxur oppugnandum sine ulla populatione accessit. Anxur fuit, quæ nunc Tarracinæ sunt; urbs prona in paludes.

ab ea

1. *Praesidia*) *Praesidia* hic primo pro præstidiariis militibus, deinde pro arcibus ipsis.

2. *Tamquam poeniteat laboris*) Tamquam non satis laboris a plebe tolerari putent.

3. *Prestantesque veteranos*) Et veteranorum corpora prestantes ostentantesque.

4. *Legis*) De indicendo Vejentibus bella.

ab ea parte Fabius oppugnationem ostendit. Circummissæ quatuor cohortes cum C. Servilio Ahala, cum imminentem urbi collem cepissent; ex loco altiore, qua nullum erat præsidium, ingenti clamore ac tumultu mœnia invasere. ad quem tumultum obstupefacti, qui adversus Fabium urbem infamiam tuebantur, locum dedere scalas admovendi. plenaque hostium cuncta erant: & in muris diu cædes pariter fugientium ac resistentium armatorum atque inermium fuit. cogebantur itaque victi, quia cedentibus spei nihil erat, pugnam inire: cum pronuntiatum repente, ne quis præter armatos violaretur, reliquam omnem multitudinem voluntariam exiit armis: quorum ad duo millia & quingenti vivi capiuntur. a cetera præda Fabius militem abstinuit, donec collegæ venirent, ab illis quoque exercitibus captum Anxur dictitans esse, qui ceteros Volscos a præsidio ejus loci avertissent. Qui ubi venerunt, oppidum vetere fortuna opulentum tres exercitus diripere, eaque primum benignitas imperatorum plebem patribus conciliavit.

## C A P U T XXXIV.

*Patres, dato primum ex arario stipendio militibus, plebem sibi conciliant: concordiam contra tribunorum invidiam tuentur. Bellum indictum Vejentibus, ad Volscos advocatur. cum his bene res geritur.*

**A**dditum deinde omnium maxime tempestivo principium in multitudinem munerum, ut ante mentionem ullam plebis tribunorumve decerneret senatus, ut stipendium miles de publico acciperet, cum ante id tempus de suo quisque functus eo munere esset. Nihil acceptum umquam a plebe tanto gaudio traditum. concursum itaque ad curiam esse, prensatasque exeuntium manus, & patres vere appellatos: effectum esse fatentibus, ut nemo pro tam munifica patria, donec quicquam virium superesset, corpori aut sanguini suo parceret: cum commoditas juvarer rem familiarem, saltem acquiescere eo tempore, quo corpus additum



Etum atque operatum reipub. esset . tum quod ultro sibi oblatum esset, non a tribunis plebis umquam agitatum, non suis sermonibus effulguratam, id efficiebat multiplex gaudium, cumulationemque gratiam rei. Tribuni plebis communis ordinum lætitiæ, concordiaque soli expertes, negare tam id latum patribus universis, nec prosperum fore, quam ipsi crederent. consilium specie prima melius fuisse, quam usu appariturum. unde enim eam pecuniam confici posse, nisi tributo populo indicto? ex alieno igitur aliis largitos. neque enim, etiamsi ceteri ferant, passuros eos, quibus jam emerita stipendia essent, meliore conditione alios militare, quam ipsi militassent: & eosdem in sua stipendia intensas fecisse, & in aliorum facere. His vocibus moverunt partem plebis. postremo indicto jam tributo, edixerunt etiam tribuni, auxilio se futuros, si quis in militare stipendium tributum non contulisset. Patres bene creptam rem perseveranter tueri; conferre ipsi primi: & quia nondum argentum signatum erat, res grave plaustris quidam ad ærarium convehentes, i speciosam etiam collationem faciebant. Cum senatus summa fide ex censu contulisset, primores plebis, nobilium amici, ex composito conferre incipiunt. quos cum & a patribus collaudari, & a militari ætate tamquam bonos cives conspici vulgus hominum vidit; repente, spreto tribunitio auxilio, certamen conferendi est ortum, & lege perita de indicendo Vejentibus bello, exercitum magna ex parte voluntarium novi tribuni militum consulari potestate Vejos duxere. Fuere autem tribuni T. Quintius Capitolinus, Q. Quintius Cincinnatus, C. Julius iterum, A. Manlius, L. Furius Medullinus tertium, M. Æmilius Mamercinus. Ab his primum circumfessi Veji sunt. sub cujus initium obsidionis cum Etruscorum consilium ad fanum Voltumnæ frequenter habitum esset, parum constitit, bello ne publico gentis universæ tuendi Vejentes essent. Ea op-

1 Speciosam etiam collusionem faciebant ) Efficiebant ut collatio tributi etiam dignitatem aliquam haberet, quæ saepe videretur oculis vulgi.

oppugnatio segnior insequenti anno fuit, par-  
te tribunorum exercitusque ad Volscum avocata U. C.  
bellum. Tribunos militum consulari potestate<sup>154</sup>  
is annus habuit C. Valerium Poritum tertium,  
M. Sergium Fidenatem, P. Cornelium Malugi-  
nensem, Cn. Cornelium Cossium, K. Fabium  
Ambustum, Sp. Nautium Rutilum iterum.  
Cum Volscis inter Ferentinum atque Ecetram  
signis collatis dimicatum. Romanis secunda  
fortuna pugnae fuit. Artena inde Volscorum  
oppidum ab tribunis obsideri coepta: inde inter  
eruptionem tentatam compulso in urbem hoste,  
ocasio data est Romanis irrumpendi: 1 prae-  
terque arcem, cetera capta. in arcem inunitam  
natura globus armatorum concessit. infra arcem  
caesi captique multi mortales. Arx deinde ob-  
sidebatur: nec aut vi capi poterat, quia pro  
spatio loci satis praesidii habebat; aut ipem da-  
bat deditionis, omni publico frumento, prius-  
quam urbs caperetur, in arcem convecto. ta-  
edioque recessum inde foret, ni servus arcem  
Romanis prodidisset. ab eo milites per locum ar-  
duum accepti cepere. a quibus cum custodes tru-  
cidarentur, cetera multitudo repentino pavore  
oppressa in deditionem venit. Diruta & arce  
& urbe Artena, reductae legiones ex Volscis,  
omnisque vis Romana Vejos conversa est. pro-  
ditori, praeter libertatem, duarum familiarum  
bona in praemium data. Servus Romanus vo-  
citatus. Sunt qui Artenam Vejentium, non  
Volscorum fuisse credant. praebet errorem, quod  
eiusdem nominis urbs inter Cære atque Vejos  
fuit. sed eam reges Romani diruere: Cæretum-  
que, non Vejentium fuerat. altera hæc nomi-  
ne eodem in Volscis agro fuit, cujus excidium  
est dictum.

## DECA-

2. *Præterque arcem*) Sexies intra paucos versus arcem vel  
repeti observabit lector.

## DECADIS PRIMÆ

## LIBER QUINTUS.

## CAPUT I.

*Numerus tribunorum militarium augetur: in Ve-  
jorum obsidione hibernacula primum militibus  
adificantur. hinc res novandi causam capiunt  
tribuni pleb.*

1.



Acc alibi parta, Romani Veji que  
in armis erant, tanta ira odioque,  
ut victis finem adesse appareret. co-  
mitia utriusque populi longe di-  
versa ratione facta sunt. Roma-  
ni auxere tribunorum militum

U. C.  
152

consulari potestate numerum. octo, quor num-  
quam antea, creati, M. Æmilius Mamercinus  
iterum, L. Valerius Potitus tertium, Ap. Clau-  
dus Crassus, M. Quintilius Varus, L. Julius  
Julus, M. Postumius, M. Furius Camillus, M.  
Postumius Albinus. Vejentes contra, ratio an-  
næ ambitionis, quæ interdum discordiarum  
causa erat, regem creavere. offendit ea res po-  
pulorum Etruriæ animos, non majore odio re-  
gni, quam ipsius regis. gravis jam is antea  
genti fuerat opibus, superbiaque; quia sole-  
mnia ludorum, quos intermitteri nefas est, vio-  
lenter diremisset; cum ob iram repulsæ, quod  
sufragio XII. populorum alius sacerdos ei præ-  
latus esset, et artifices, quorum magna pars  
ipsius servi erant, ex medio ludicro repente ab-  
duxit. gens itaque ante omnes alias eo magis  
dedita religionibus, quod excelleret arte colen-  
di eas, auxilium Vejentibus negandum, donec  
sub rege essent, decrevit. cujus decreti suppressa  
fama est Vejis propter metum regis, qui, a quo  
tale quid dictum referretur, pro seditionis cum  
prin.

1 Artifices ) Scenicos: puta Mistriones, tibicines, &c.

principe, non i vani sermonis auctorem, habebat. Romanis etsi quietæ res ex Etruria munitabantur; tamen, quia omnibus conciliis eam rem agitari afferebatur, ita munitabant, ut anticipitia munimenta essent. alia in urbem, & contra oppidanorum eruptiones versa: 2 alii frons in Etruriam spectans auxiliis, si qua forte inde venirent, obstruebatur. Cum spes major imperatoribus Romanis in obsidione, quam in oppugnatione esset; hibernacula etiam, res nova militi Romano, ædificari cœpta: consiliumque erat hiemando continuare bellum. quod postquam tribunis plebis, jamdiu nullam novandi res causam invenientibus, Romam est allatum: in concionem profiliunt, sollicitant plebis animos, hoc illud esse dictitantes, quod ara militibus sint constituta: nec se fefellisse, id donum inimicorum veneno illicitum fore: venisse libertatem plebis: remotam in perpetuum, & ablegatam ab urbe & ab republica juventutem; jam ne hiemi quidem, aut tempori anni cedere, ac domos & res inviseret suas. quam putarent continuata militia causam esse? nullam profecto aliam inventuros, quam ne quid per frequentiam juvenum eorum, in quibus vires omnes plebis essent, agi de commodis eorum posset: vexari praterea, & subigi multo acrius, quam Vexantes: quippe illos hiemem sub tectis suis agere, egregiis muris situque naturali urbem tutantes; militem Romanum in opere ac labore, nivibus pruinisque obrutum, sub pellibus durare, ne hiemis quidem spatio, quæ omnium bellorum terra marique sit quies, arma deponentem: hoc neque reges, neque ante tribunitiâ potestatem creatam superbos illos consules, neque trisco dictatoris imperium, neque importunos decemviros injunxisse servitutis, ut perennem militiam facerent, quod tribuni militum in plebe Romana regnum exercerent. quidnam illi consules dictatoresve facturi essent, qui proconsularem imaginem tam savam ac trucem fecerint? Sed id accidere haud immerito: non fuisse ne in octo quidem

1 Vani ) Inconsiderati, ac sine consilio jaçati.

2 Alii ) Per alia munimenta frons in Etruriam spectans obstruebatur adversus auxilia.

3 Venisse ) Venumdatam esse.

dem tribunis militum locum ulli plebeio: antea trina loca cum contentione summa patricios explere solitos: nunc iam octo juges ad imperia obtinenda ire; & ne in turba quidem harere plebeium quemquam, qui, si nihil aliud, admoneat collegas; liberos, & cives eorum, non servos militare, quos hieme saltem in domos ac tecta reduci oporteat, & aliquo tempore anni parentes liberosque ac conjuges invisere, & usurpare libertatem, & creare magistratus.

## CAPUT II.

Ap. Claudii contra tribunitias seditiones ad populum Oratio.

- H**Æc, taliaque vociferantes, adversarium haud imparem nacti sunt, Ap. Claudium, relictum a collegis ad tribunitias seditiones comprimendas, virum imbutum jam ab juvena certaminibus plebeis: quem auctorem aliquot annis ante fuisse memoratum est per collegarum intercessionem tribunitiæ potestatis dissolvendæ. Is tum, jam non promptus ingenio tantum, sed usu etiam exercitatus, talem orationem habuit. Si umquam dubitatum est, Quirites, utrum tribuni plebis vestra, an sua causa seditionum semper auctores fuerint, id ego hoc anno desisse dubitari certum habeo. & cum lator, tandem longi erroris vobis finem factum esse: tum, quod secundis potissimum vestris rebus hic error est sublatum, & vobis, & propter vos reipublicæ gratulor. An est quisquam, qui dubitet, nullis injuriis vestris, si quæ forte aliquando fuerunt, umquam æque, quam munere patrum in plebem, cum ea militantibus constituta sunt, tribunos plebis offensos ac concitados esse? quid illos aliud aut tum timuisse creditis, aut hodie turbare velle, nisi concordiam ordinem? quam dissolvendæ maxime tribunitia potestatis venturum esse. sic hercule tamquam artifices improbi opus querunt: qui & semper agri aliquid esse in repub. volunt, ut sit ad ejus curationem a vobis adhibeantur. Utrum enim defenditis, an impugnatis plebem? utrum militantium adversarii estis, an causam agitis? nisi for-

te hoc dicitis? quicquid patres faciunt, displicet; siue illud pro plebe, seu contra plebem est. & quemadmodum servis suis vetant domini quicquam rei cum alienis hominibus esse, pariterque in iis beneficio, ac maleficio abstinere aequum censent: sic vos interdicitis patribus commercio plebis: ne nos comitate ac munificentia nostra provocemus plebem, nec plebs nobis dicto audiens atque obediens sit. quanto tandem, si quicquam in vobis non dico civilis, sed humani esset, favere vos magis, & quantum in vobis esset, indulgere potius comitati patrum atque obsequio plebis oportuit? quae perpetua concordia sit, quis non spondere adest maximum hoc imperium inter finitimos brevi futurum esse. Atque ego, quam hoc consilium collegarum meorum, quo abducere infecta re a Vejis exercitum noluerunt, non utile solum, sed etiam necessarium fuerit, postea disseram. nunc de ipsa conditione militantium dicere libet. quam orationem non apud vos solum, sed etiam in castris si habeatur, ipso exercitu disceptante, equam arbitror videri posse, in qua si mihi ipsi nihil, quod dicerem, in mentem venire posset, adversariorum certe orationibus contentus essem. Negabant nuper danda esse ara militibus, quia numquam data essent. quoniam modo igitur nunc indignari possunt, quibus aliquid novi adjectum commodi sit, eis laborem etiam novum pro portione injungi? numquam nec operam sine emolumento, nec emolumentum ferme sine impensa opera est. labor voluptasque dissimillima natura, societate quadam inter se naturali sunt juncta. Molestum antea ferebat miles se suo sumptu operam reipub. praebere: gaudet idem partem anni se agrum suum colere, quarere unde donum militumque se ac suos tueri posset: gaudet nunc fructui sibi rempub. esse, & letus stipendium accipit. a quo igitur animo patiatur se ab domo, ab re familiari, cui gravis impensa non est, paulo diutius abesse. an, si ad calculos eum resp. vocet, non merito dicat: Annua ara habes, annuam operam edo? an tu aequum censes, militia semestri solidum te stipendium annuum accipere? Invitus in hac parte

ora-

orationis, Quirites, moror. sic enim agere debent, qui mercenario milite utuntur. At nos tamquam cum civibus agere volumus, agique tamquam cum patria nobiscum, æquum censemus. aut non suscipi bellum oportuit, aut geri pro dignitate populi Romani, & perfici quamprimum oportet. perficietur autem, si urgemus obsessos, si non ante abscedimus, quam spei nostræ finem captis Vejis imposuerimus. si hercule nulla alia causa, ipsa indignitas perseverantiam imponere debuit. Decem quondam annos urbs oppugnata est ob unam mulierem ab universa Græcia, quam procul ab domo! quot terras, quot maria distans! nos intra vicesimum lapidem, in conspectu prope urbis nostræ, annuam oppugnationem perferre pigri: scilicet quia levis causa belli est; nec satis quicquam iusti doloris est, quod nos ad perseverandum stimulet. Septies rebellarunt: in pace numquam fidi fuerunt: agros nostros millies depopulati sunt: Fidenates descivere a nobis coegerunt: colonos nostros ibi interfecerunt: auctores fuere contra ius gentium cadis impia legatorum nostrorum: Etruriam omnem adversus nos concitare voluerunt, hodieque id moluntur: vos repetentes legatos nostros, haud procul absuit, quin violarent. Cum his molliter & per dilationes bellum geri oportet? si nos tam iustum odium nihil movet, ne illa quidem, oro, vos movent? operibus ingentibus septa urbs est, quibus intra muros coercetur hostis. agrum non coluit, & culta evastata sunt bello. si reducimus exercitum, quis est, qui dubitet, illos non cupiditate solum ulciscendi, sed etiam necessitate imposita ex alieno pradandi, cum sua amiserint, agrum nostrum invasuros? non differimus igitur bellum isto consilio, sed intra fines nostros accipimus. Quid? illud, quod proprie ad milites pertinet, quibus boni tribuni plebis cum stipendium extorquere voluerint, nunc consultum repente volunt, quale est? vallum fossamque, ingentis utramque rem operis, per tantum spatii duxerunt: castella primo pauca, postea exercitu aucto creberrima fecerunt: munitiones non in urbem modo, sed in Etruriam etiam spectantes, si qua inde auxilia

xilia veniant, opposuere. quid turres, quid vineas, & testudinesque, & alium oppugnandarum urbium apparatus loquar? cum tantum laboris exhaustum sit, & ad finem jam operis tandem peruentum, relinquenda ne hac censearis, ut ad astatem rursus novus de integro his instituentis exsudetur labor? quanto est minus operam tueri facta? & instare, & perseverare, defungique cura? brevis enim profecto res est, si uno tenore peragitur: nec ipsi per intermissiones has intervallaque lentiores spem nostram facimus. loquor de opere, & de temporis jactura. Quid? periculi, quod differendo bello adimus, num oblivisci nos hac tam crebra Etruria consilia de mittendis Vejos auxilium patiuntur? ut nunc res se habet, irati sunt. oderunt, negant missuros: quantum in illis est, capere Vejos licet. quis est, qui spondeat, eundem, si differtur bellum, animum postea fore? cum, si laxamentum dederis, major frequentiorque legatio itura sit: cum, id quod nunc offendit Etruscos, rex creatus Vojis spatio mutari interposito possit, vel consensu civitatis, ut eo reconcilient Etruria animos, vel ipsius voluntate regis, qui obstare regnum suum saluti civium nolit. Videte, quot res, & quam inutiles sequantur illam viam consilii: jactura operum tanto labore factorum, vastatio imminens finium nostrorum, Etruscum bellum pro Vojente concitatum. Hac sunt, tribuni, consilia vestra, non hercule dissimilia, ac si quis agro, qui curari se fortiter passus, extemplo convalescere possit, & cibi gratia praesentis aut portationis longinquum, & forsitan insanabilem morbum efficiat. Si mediocriter ad hoc bellum nihil pertineret, ad disciplinam certe militum plurimum intererat, insuere militem nostrum non solum parva victoria frui, sed, si res etiam lentior sit, pati tedium, & quamvis fera spei exitum expectare: & si non sit astate perfectum bellum, hiemem operiri, nec, sicut aestas aves, statim autumno lecta

ac

1 Vineas ) Vide c. 17. l. 2.

2 Testudines ) Hic intellige machinas vineis &amp; usu &amp; forma non abssimiles.

3 Quam inutiles ) Quam damnosae.

4 Cibi gratia ) Cibi praesentis voluptate impertienda.



ac recessum circumspicere. Obsecro vos : venandi studium ac voluptas homines per nives ac pruinas in montes silvasque rapit : belli necessitatibus eam patientiam non adhibebimus , quam vel lusus ac voluptas elicere solet ? adeo ne effeminata corpora militum nostrorum esse putamus , adeo molles animos , ut hiemem unam durare in castris , abesse ab domo non possint ? aut tamquam navale bellum tempestatibus captandis , & observando tempore anni gerant ? non aestus , non frigora pati possint ? Erubescant profecto , si quis eis hac objiciat : contendantque , & animis , & corporibus suis virilem patientiam inesse : & se juxta hieme , atque aestate bella gerere posse : nec se patrociniū molliæ inertiaque mandasse tribuimus ; & meminisse 1 hanc<sup>2</sup> ipsam potestatem non in umbra , nec in tectis majores suos creasse . Hæc virtute militum vestrorum , hæc Romano nomine sunt digna , non Vejos tantum , nec hoc bellum intueri , quod instat ; sed famam & ad alia bella , & ad ceteros populos in posterum quare-re . An mediocre discrimen opinionis secuturum ex hac re putatis ? utrum tandem finitimi populum Romanum eum esse putent , cuius si qua urbs primum illum brevissimi temporis sustinuerit impetum , nihil deinde timeat ? an hic sit terror nominis nostri , ut exercitum Romanum non radium longinquæ oppugnationis , non vis hiemis ab urbe circumfessa semel amovere possit ? nec finem ullum alium belli , quam victoriam noverit ? nec impetu potius bella , quam perseverantia gerat ? quæ in omni quidem genere militiæ , maxime tamen in obsidendis urbibus , necessaria est : quarum plerasque munitionibus , ac naturali situ inexpugnabiles , fame sitique tempus ipsum vincit atque expugnat ; sicut Vejos expugnabit , nisi auxilio hostibus tribuni plebis fuerint : & Roma invenerint præsidia Vejentes , quæ nequicquam in Etruria quarunt . An est quicquam , quod Vejentibus optatum aque contingere possit , quam ut seditionibus primum urbs Romana , deinde velut ex contagione castra impleantur ? At hercule apud hostes tanta modestia est ,

<sup>1</sup> & Hanc ipsam potestatem ) Potestatem tribunitiā , creatam in Sacro monte .

est, ut non obsidionis radio, non denique regni, quicquam apud eos novatum sit; non negata auxilia ab Etruscis irritaverint animos, morietur enim extemplo, quicumque erit seditionis auctor: nec cuiquam dicere ea licebit, quæ apud vos impune dicuntur. <sup>1</sup> fustuarium meretur, qui signa relinquit, aut praesidio decedit. auctores signa relinquendi, & deserendi castra, non uni aut alteri militi, sed universis exercitibus, palam in concione audiuntur: adeo quicquid tribunus plebis loquitur; etsi prodenda patria, dissolvendaque reip. est, assuectis audire: quippe dulcedine potestatis ejus capti qualibet sub ea scelera latere sinitis. Reliquum est, ut, quæ hic vociferantur, eadem in castris & apud milites agant, & exercitus corrumpant, ducibusque parere non patiantur; quoniam eademum Roma libertas est, non senatum, non magistratus, non leges, non mores majorum, non instituta patrum, non disciplinam vereri militia.

## CAPUT III.

Apud Vejos ab Romanis calamitas accipitur. Mœstam Urbem erigunt equites professi, se suis equis stipendia facturos.

PAR jam etiam in concionibus erat Appius <sup>7.</sup> tribunus plebis, cum subito, unde minime quis crederet, accepta calamitas apud Vejos, & superiorem Appium in causa, & concordiam ordinum majorem, ardoremque ad obsidendos pertinacius Vejos fecit. Nam cum agger promotus ad urbem, vineæque tantum non jam injunctæ mœnibus essent, dum opera interdium fiunt intentius, quam nocte custodiuntur, patefacta repente porta, ingens multitudo facibus maxime armata ignes conjecit; horæque momento simul aggerem, ac vineas, tam longi temporis opus, incendium hausit: multique ibi mortales, nequicquam opem ferentes, ferro, ignique absunt sunt. quod ubi Romanam est nuntiatum, mœstitiani omnibus, senatui curam metumque injecit, ne tum

Tom. I.



vero

<sup>1</sup> Fustuarium ) Militaris pœna est, de qua vide Polyb.

vero sustineri nec in urbe seditio, nec in castris posset, & tribuni plebis velut ab se victæ reip. insultarent; cum repente, quibus census equester erat, & equi publici non erant assignati, consilio prius inter sese habito, senatum adeunt, factaque dicendi potestate, *equis se suis stipendia facturos*, promittunt. Quibus cum amplissimis verbis gratiæ ab senatu actæ essent, itaque ea forum atque urbem pervasisset, subito ad curiam concursus fit plebis: *pedestris ordinis se ajunt nunc esse, operamque reipublicæ extra ordinem polliceri, seu Vejos, seu quolibet alio ducere velint, si Vejos ducti sint, negant se inde prius, quam capta urbe hostium, redituros esse*. Tum vero jam superfundenti se lætitiæ vix temperatum est. non enim, sicut cunctis, dato magistratibus negotio, laudari iussu, neque aut in curiam vocari, quibus responsum daretur, aut limine curiæ continebatur senatus: sed pro se quisque ex superiore loco ad multitudinem in comitio stantem, voce manibusque significare publicam lætitiā: beatam urbem Romanam, & invictam, & æternam illa concordia dicere: laudare equites, laudare plebem: diem ipsum laudibus ferre: victam esse fateri comitatem benignitatemque senatus. certatim patribus, plebique manare gaudio lacrimæ, donec, revocatis in curiam patribus, senatusconsultum factum est, *ut tribuni militares, concione advocata, peditibus equibusque gratias agerent: memorem pietatis eorum erga patriam dicerent senatum fore: placere autem, omnibus his voluntariam extra ordinem professis militiam, & ara procedere: & equiti certus numerus æris est assignatus*. Tum primum equis merere equites ceperunt. Voluntarius ductus exercitus Vejos, non amissa modo restituit opera, sed nova etiam instituit. ab urbe comitatus intentiore, quam antea, subvehi cura; ne quid tam benemerito exercitui ad usum deesset.

C A-

1 *Equi publici*) Equus dicebatur *publicus*, qui & a magistratibus populi Romani dabatur, & de publico emebatur, alebaturque.

*Æra procedere*) Annos militiæ numerari perinde ac si a tribunis militum lecti essent.

## CAPUT IV.

*Et Anxuri propter negligentiam militum præsidium amittitur; & Vejis res infeliciter geritur propter discordiam ducum Virginii, & Sergii; qui propterea ante tempus magistratu abire coguntur.*

**I**Nsequens annus tribunos militum consulari potestate habuit, C. Servilium Ahalam tertium, Q. Servilium, L. Virginium, Q. Sulpicium, A. Manlium iterum, M. Sergium iterum. His tribunis, dum cura omnium in Vejis bellum intenta est, neglectum Anxuri præsidium vacationibus militum, & Volscos mercatores vulgo receptando, proditis repente portarum custodibus, oppressum est. minus militum periit, quia præter ægros lixarum in modum omnes per agros, vicinasque urbes negotiabantur. Nec Vejis melius gesta res, quod tum caput omnium curarum publicarum erat. nam & duces Romani plus inter se irarum, quam adversus hostes animi habuerunt: & auctum est bellum adventu repentino Capenatium, atque Faliscorum. Hi duo Etruriæ populi, quia proximi regione erant, devictis Vejis, bello quoque Romano se proximos fore credentes: Falisci propria etiam causa infesti, quod Fidenati bello se jam antea immiscuerant, per legatos ultro citroque missos iurejurando inter se obligati, cum exercitibus nec opinato ad Vejos accessere. Forte ea regione, qua M. Servius tribunus militum præerat, castra adorti sunt, ingentemque terrorem intulere; quia Etruriam omnem excitam sedibus magna mole adesse Romani crediderant. eadem opinio Vejentes in urbe concitavit. Ita accipiti prælio castra Romana oppugnabantur. concursantesque, cum huc atque illuc signa transferrent, nec Vejentem satis cohibere intra munitiones, nec suis munimentis arcere vim, ac tueri se ab exteriori poterant hoste. una spes erat, si ex majoribus castris subveniretur, ut diversæ legiones, aliæ adversus Capenatem ac Faliscum, aliæ contra eruptionem oppi-

danorum pugnarent. Sed castris præerat Virginius, privatim Sergio invisus infestusque. is, cum pleraque castella oppugnata, superatas munitiones, utrinque inveni hostem nuntiaretur, in armis milites tenuit; si opus foret auxilio, collegam dictitans ad se missurum. Hujus arrogantiam pertinacia alterius æquabat; qui, ne quam opem ab inimico videretur petisse, vinci ab hoste, quam vincere per civem, maluit. Diu in medio cæsi milites; postremo, desertis munitionibus, perpauca in majora castra, pars maxima, atque ipse Sergius, Romam pertraherunt. ubi cum omnem culpam in collegam inclinaret, acciri Virginium ex castris, interea præesse legatos placuit. Acta deinde in senatu res est, certatumque inter collegas maledictis. 1 pauci reipublicæ, huic atque illi, ut quosque studium privatim aut gratia occupaverat, adsunt. Primores patrum, sive culpa, sive infelicitate imperatorum tam ignominiosa clades accepta esset, censuere non expectandum justum tempus comitiorum, sed exemplo novos tribunos militum creandos esse, qui Kalendis octobribus magistratum occiperent. In quam sententiam cum pedibus iretur, ceteri tribuni militum nihil contradicere. at enimvero Sergius Virginiusque, propter quos perire magistratum ejus anni senatum apparebat, primo deprecari ignominiam, deinde intercedere senatusconsulto: negare se ante Idus Decembres, solemnem ineundis magistratibus diem, honore abituros esse. Inter hæc tribuni plebis, cum in concordia hominum secundisque rebus civitatis inviti silentium tenuissent, feroces repente minari tribunis militum, nisi in auctoritate senatus essent, se in vincula eos duci jussuros esse. Tum C. Servilius Ahala Trib. milit. *Quod ad vos attinet, tribuni plebis, minasque vestras, ne ego libenter experirer, quam non plus 2 in his juris, quam in vobis animi esset. sed nefas est tendere adversus auctoritatem senatus. proinde & vos desu-*

1 Pauci reipublicæ ) Pauci, quid publica utilitas postulet, intuentur.

2 In his ) In minis vestris.

*desinite inter nostra certamina locum injuria qua-  
rere, & collega aut facient, quod censeret sena-  
tus, aut si pertinacius tendent, dictatorem ex-  
templo dicam, qui eos abire magistratu cogat.*  
Cum omnium assensu comprobata oratio ef-  
set; gauderentque patres, sine tribunitiæ por-  
estatis terriculis inventam esse aliam vim ma-  
jorem ad coercendos magistratus; victi consen-  
su omnium comitia tribunorum habuere, qui  
Kalendis octobribus magistratum occiperent: se-  
que eam ante diem magistratu abdicavere.

## CAPUT V.

*Foris multiplex bellum: Romæ propter delectum  
& tributum seditiones excitantur.*

**L** Valerio Potito quartum, M. Furio Camil-<sup>10.</sup>  
lo iterum, M. Æmilio Mamercio tertium, <sup>U. C.</sup>  
Cn. Cornelio Cossio iterum, K. Fabio Ambu-<sup>354.</sup>  
sto, L. Julio Julo tr. mil. consulari potesta-  
te, multa domi militiæque gesta. Nam & bel-  
lum multiplex fuit eodem tempore, & ad Ve-  
jos, & ad Capenam, & ad Falerios, & in Vol-  
scis, ut Anxur ab hostibus recuperaretur: &  
Romæ simul de delectu, simul tributo confe-  
rendo laboratum est: & de tribunis plebis coo-  
pandis contentio fuit: & haud parvum mo-  
tum duo judicia eorum, qui paulo ante consu-  
lari potestate fuerant, excivere. Omnium pri-  
mum tribunis militum fuit, delectum haberi:  
nec juniores modo conscripti, sed seniores et-  
iam coacti nomina dare, ut urbis custodiam a-  
gerent. quantum autem augebatur militum nu-  
merus, tanto majore pecunia in stipendium o-  
pus erat: eaque tributo conferebatur, invitis  
conferentibus, qui domi remanebant; quia  
tinentibus urbem opera quoque militari labo-  
randum, serviendumque reipub. erat. Hæc per  
se gravia, indigniora ut viderentur, tribuni ple-  
bis seditiosis concionibus faciebant: ideo æra  
militibus constituta esse arguendo, ut plebis  
partem militia, partem tributo conficerent.  
*Unum bellum annum jam tertium trahi, &  
consulto male geri, ut diutius gerant: in  
quatuor deinde bella uno delectu exercitus*  
Q 3. scri-

scriptos, & pueros quoque ac senes extractos : jam non æstatis, nec hiemis discrimen esse; ne-  
 nulla quies umquam misera plebi sit; quæ nunc  
 etiam vectigalis ad ultimum facta sit, ut, cum  
 confecta labore, vulneribus, postremo ætate cor-  
 pora retulerint, incultaque omnia diutino domi-  
 norum desiderio domi. invenerint, tributum ex  
 affecta re familiari pendant; araque militaria,  
 velut fœnore accepta, multiplicia reip. reddant.

## CAPUT VI.

Duo tribuni plebis fraude cooptati in collegium.  
 Ad avertendam ab se iram diem dicunt Scro-  
 gio, & Virginio; memorataque accepta per-  
 illos apud Velos calamitate, ut damnentur,  
 perficiunt.

**I**Nter delectum tributumque & occupatos a-  
 nimos majorum rerum curis, comitiis tribu-  
 norum pl. numerus expleri nequit. pugnatum  
 inde, in loca vacua ut patricii cooptarentur.  
 postquam obtineri non poterat, tum labefactan-  
 dæ legis tribunitiæ causa effectum est, ut coo-  
 ptarentur tribuni plebis C. Lacerius, & M. A-  
 cutius, haud dubie patriciorum opibus. Fors  
 ita tulit, ut eo anno trib. pl. C. Trebonius  
 esset, qui nomini ac familiæ debitum præstare  
 videretur Treboniæ legis patrociniū. is, quod  
 perissent patres quidam primo incepto repulsi,  
 tum tamen tribunos militum expugnasse voci-  
 ferans, legem Treboniam sublatam, & coopta-  
 tos tribunos plebis non suffragiis populi, sed im-  
 perio patriciorum, & eo devolvi rem, ut aut  
 patricii, aut patriciorum affecta habendi tri-  
 buni plebis sint, eripi sacratas leges, extorqueri  
 tribunitiam potestatem: id fraude patriciorum,  
 foelere ac proditione collegarum factum arguere.  
 Cum arderent invidia non patres modo, sed  
 etiam tribuni plebis, cooptati pariter, & qui  
 cooptaverant; tum ex collegio tres, P. Cura-  
 tius, M. Metilius, & M. Minutius; trepidi  
 rerum suarum, in Sergium Virginiumque prio-  
 ris anni tribunos militares incurrunt: in eos  
 ab.

1 Cum arderent invidia) Cum, invidi & infames apud po-  
 pulum essent.

ab se iram plebis invidiamque die dicta aver-  
tunt. Quibus delectus, quibus tributum, qui-  
bus diutina militia, longinquitasque belli sit  
gravis; qui clade accepta ad Vejos doleant;  
qui, amissis liberis, fratribus, propinquis,  
affinibus, lugubres domos habeant; iis publicæ  
privatique doloris exequendi jus potestatem-  
que ex duobus noxiis capitibus datam ab se  
memorant: omnium namque malorum in Sergio  
Virginioque causas esse, nec id accusatorem ma-  
gis arguere, quam fateri reos: qui noxii ambo,  
alter in alterum causam conferant; fugam Ser-  
gii Virginii, Sergius proditionem increpans Vir-  
ginii: quorum adeo incredibilem amentiam fuisse,  
ut multo verisimilius sit, ex composito eam  
rem & communi fraude patriciorum actam: 1  
ab his & prius datum locum Vejentibus ad in-  
cendenda opera, belli trahendi causa: & nunc  
proditum exercitum, tradita Faliscis Romana  
castra: omnia fieri, ut consenescat ad Vejos ju-  
ventus: nec de agris, nec de aliis commodis  
plebis ferre ad populum tribuni, frequentiaque  
urbana celebrare actiones, & resistere conspira-  
tioni patriciorum possint. 2 Præjudicium jam de  
reis & ab senatu, & a populo Romano; & ab  
ipsorum collegis factum esse: nam & senatuscon-  
sulto eos 3 ab republica remotos esse; & recusantes  
abdicare se magistratu, dictatoris metu ab  
collegis coërcitos esse: & populum Romanum tri-  
bunos creasse, qui non Idibus Decembribus die  
solemni, sed extemplo Kal. Octobribus, magistra-  
tum occiperent: quia stare diutius resp. his ma-  
nentibus in magistratu non posset: & tamen eos  
tot judiciis confossos, prædamnatosque venire ad  
populi iudicium; & existimare defunctos se es-  
se satisque pœnarum dedisse, quod duobus men-  
sibus citius privati facti sint; neque intelligere  
nocendi sibi diutius tum potestatem ereptam es-  
se, non pœnam irrogatam: quippe & collegis ab-  
rogatum imperium, qui certe nihil deliquissent.  
illos repeterent animos Quirites, quos recenti cla-  
de

1 Ab his ) Patriciis.

2 Præjudicium jam de reis, ... factum est ) Jam judicatam  
esse reorum causam.

3 Ab republica remotos ) Ab administratione reipublicæ.



de accepta habuissent, cum fuga trepidum, plenum vulnere ac pavore incidentem portis exercitum viderint, non fortunam, aut quemquam deorum, sed hos duces accusantem. Pro certo se habere, neminem in concione stare, qui illo die non caput, domum, fortunamque L. Virginii ac M. Sergii sit execratus, detestatusque. minime convenire, quibus iratos quisque deos precatus sit, in iis sua potestate, cum liceat, & oporteat, non uti. numquam deos ipsos admoveere nocentibus manus: satis esse, si occasione ulciscendi laesos

12. arment. His orationibus incitata plebs denis millibus æris gravis reos condemnat, nequicquam Sergio Martem communem belli fortunamque accusante; Virginio deprecante, ne infeliciores domi, quam militiæ, esset. In his versa ira populi cooptationis tribunorum: fraudisque contra legem Treboniam factæ memoriam obscuram fecit.

## CAPUT VII.

*Inter prosperas militia res oritur intestina seditio ob non collata in militum stipendia tributa. Plebs irata Patribus unum ex suo ordine tribunum militarem consulare potestate creat.*

VICTORES tribuni, ut præsentem mercedem iudicii plebs haberet, legem agrariam promulgant, tributumque conferri prohibent: cum tot exercitibus stipendio opus esset, i resque militia ita prospere gererentur, ut nullo bello veniretur ad exitum \* rei. namque  
 \* al. spei. Vejis castra, quæ amissa erant, recuperata, castris præsidiiisque firmantur, Præerant tribuni militum, M. Æmilius, & K. Fabius. a M. Furio in Faliscis, & Cn. Cornelio in Capenate agro hostes nulli extra mœnia inventi: prædæ actæ: intendiisque villarum ac frugum vastati fines: oppida nec oppugnata, nec obsessa sunt. At in Volscis depopulato agro, Anxur nequicquam oppugnatum, loco alto situm: & post-

\* Resque militia ita prospere) Prospere quidem gererentur, sed ita tamen ut nullum bellum terminaretur sperata victoria.

postquam vis irrita erat, vallo fossaque ob-  
sideri coeptum. Valerio Potito Volsci provin-  
cia evenerat. hoc statu militarium rectum, se-  
ditio intestina majore mole coorta, quam bel-  
la tractabantur. & cum tributum conferri per  
tribunos non posset, nec stipendium imperato-  
ribus mitteretur, æraque militaria flagitaret mi-  
les; haud procul erat, quin castra quoque ur-  
banæ seditionis contagione turbarentur. Inter  
has iras plebis in patres, cum tribuni plebis  
nunc illud tempus esse dicerent stabiliendæ li-  
bertatis, & ab Sergiis Virginiisque ad plebe-  
ios viros fortes ac strenuos transferendi sum-  
mi honoris; non tamen ultra processum est,  
quam ut unus ex plebe i usurpandi juris cau-  
sa, P. Licinius Calvus tribunus militum con-  
sulari potestate crearetur. ceteri patricii creati,  
P. Mænius, L. Titinius, P. Mælius, L. Fu-  
rius Medullinus, L. Publilius Vulscus. Ipsa  
plebes mirabatur, se tantam rem obtinuisse,  
non is modo, qui creatus erat, vir nullis an-  
te honoribus usus, vetus tantum senator, &  
ætate jam gravis. Nec satis constat, cur pri-  
mus ac potissimus ad novum delibandum hono-  
rem sit habitus. Alii Cn. Cornelii fratris,  
qui tribunus militum priore anno fuerat, 2 tri-  
plexque stipendium equitibus dederat, gratia  
extractum ad tantum honorem credunt; alii  
orationem ipsam tempestivam de concordia or-  
dinum, patribus plebique gratam habuisse. Hac  
victoria comitiorum exultantes tribuni plebis,  
quod maxime rempublicam impediabat, de tri-  
buto remiserunt. collatum obedienter, mis-  
sumque ad exercitum est. Anxur in Volscis 134  
brevis receptum est, neglectis die festo custo-  
diis urbis. Insignis annus hieme gelida ac  
nivosa fuit: adeo ut viæ clausæ, Tiberis in-  
navigabilis fuerit. annona ex ante convecta  
copia nihil mutavit.

2 Usurpandi juris causa) Ut jure suo plebs frui inciperet.

2 Triplex stipendium) Triplum ejus quod pediti dabatur.

## CAPUT VIII.

*Uno excepto patricio, omnes tribuni militares ex plebe creantur. Pestilentia ingens exoritur: ad quam arcendam, inspectis libris Sibyllinis, Læstifernum primum in Urbe fit. Capenates, Falisci, & Vejentes caduntur.*

**E**T quia P. Licinius, ut cœperat haud multum magistratum, majore gaudio plebis, quam indignatione patrum, ita etiam gessit: dulcedo invasit proximis comitiis tribunorum militum plebcios creandi. unus M. Veturius ex patriciis candidatis locum tenuit: plebcios alios tribunos militum consulari potestate omnes fere centuriæ dixerunt, M. Pomponium, C. Duillium, Voleronem Publilium, Cn. Genutium, L. Atilium. Tristem hiemem, siue ex intemperie cæli raptim mutatione in contrarium facta, siue alia qua de causa, gravis pestilensque omnibus animalibus æstas excepit. cujus insanabili perniciæ, quando nec causa nec finis inveniebatur, libri Sibyllini ex senatusconsulto aditi sunt. duumviri sacris faciundis, in læstifernio tunc primum in urbe Romana facto, per dies octo Apollinem, Latonamque & Dianam, Herculem, Mercurium, atque Neptunum, tribus quam amplissime tum apparari poterat stratis lectis, placavere. privatim quoque id sacrum celebratum est. tota urbe patentibus januis, promiscuoque usu rerum omnium in propatulo posito, notos ignotosque passim advenas in hospitium ductos ferunt: & cum inimicis quoque benigne ac comiter sermones habitos, jurgiis ac litibus temperatum. vinctis quoque demta in eos dies vincula: religioni deinde fuisse, quibus eam opem dii tulissent, vinciri. Interim ad Vejos terror multiplex fuit, tribus in unum bellis collatis. namque eodem, quo antea, modo circa munimenta, cum repente Capenates Faliscique subsidio venissent, adversus tres exercitus accipiendi prælio pugnatum est. ante omnia adjuvit memoria damnationis Sergii ac Virginii. Itaque

ma-

1. *Læstifernio*) De hoc vide Lexicographos.

majoribus castris, unde antea cessatum fuerat, brevi spatio circumductæ copiæ Capenates in vallum Romanum versos ab tergo aggrediuntur. inde pugna coepta & Faliscis intulit terrorem: trepidantesque eruptio ex castris opportune facta avertit. repulso deinde infecuti victores, ingentem ediderunt cædem. Nec ita multo post jam palantes, veluti forte oblato, populatores Capenatis agri, reliquias pugnae absumere. & Vejentium refugientes in urbem multi ante portas cæsi, dum præ metu ne simul Romanus irrumperet, objectis foribus extremos suorum excludere. Hæc eo anno acta.

## CAPUT IX.

*Tactis religione animis tribuni militares rursus ex patriciis creantur. Prodigia nuntiantur: præcipuum, quod in insolitam altitudinem lacus Albanus excreverit. Dum per legatos Delphicum oraculum consulitur, vates interim, captus ex hostibus, miraculum interpretatur.*

ET jam comitia tribunorum militum aderant, 14.  
quorum prope major patribus, quam belli cura erat: quippe non communicatum modo cum plebe, sed prope amissum cernentibus summum imperium. itaque clarissimis viris ex composito præparatis ad petendum, quos prætereundi verecundiam crederent fore; nihilo minus ipsi perinde ac si omnes candidati essent, cuncta experientes, non homines modo, sed deos etiam excipiebant, in religionem verrentes comitia biennio habita: priore anno intolerandam hiemem prodigiisque divinis similem coortam: proximo non prodigia sed jam eventus, pestilentiam agris, urbi que illatam haud dubia ira deum, quos pestis ejus arcedæ causa placandos esse, in libris fatalibus inventum sit: comitiis, auspicato quæ fierent, indignum diis visum honores vulgari, discriminaque gentium confundi. Præterquam ma-  
O 6 jecta.

r. *Excipiebant*) I. e. ad partes trahebant, in. suæ causæ defensionem adducebant.

jectate petentium, religione etiam attoniti ho-  
 mines, patricos omnes, partem magnam ho-  
 noratissimum quemque, tribunos militum con-  
 sulari potestate creavere, L. Valerium Potitum  
 quintum, M. Valerium Maximum, M. Furium  
 U. C. Camillum iterum, L. Furium Medullinum ter-  
 357 tium, Q. Servilium Fidenatem iterum, Q.  
 Sulpitium Camerinum iterum. His tribunis ad  
 Vejos nihil admodum memorabile actum est.  
 tota vis in populationibus fuit, duo summi im-  
 peratores, Potitus a Faleriis, Camillus a Ca-  
 pena prædas ingentes egere, nulla incolumi re-  
 15. licta re, cui ferro, aut igni noceri posset. Pro-  
 digia interim multa nuntiata; quorum plera-  
 que, & quia singuli auctores erant, parum cre-  
 dita, spreteque: & quia hostibus Etruscis, per  
 quos ea procurarent, aruspices non erant. In  
 unum omnium curæ versæ sunt, quod lacus in  
 Albano nemore sine ullis cælestibus aquis, cau-  
 save qua alia, quæ rem miraculo eximeret, in  
 altitudinem insolitam crevit. Quidnam eo dii  
 portenderent prodigio, missi scilicet orato-  
 res ad Delphicum oraculum: sed propior inter-  
 pres fati oblatus senior quidam Vejens, qui  
 inter cavillantes in stationibus ac custodiis mi-  
 lites Romanos Etruscosque, vaticinantis in  
 modum i cecinit, *priusquam ex lacu Albano*  
*aqua emissa foret, numquam potiturum Vejis*  
*Romanum*.. quod primo velut temere jactum  
 sperni, agitari deinde sermonibus cœptum est:  
 donec unus ex statione Romana percontatus  
 proximum oppidanorum, (jam per longinqui-  
 ratem belli commercio sermonum facto) quis-  
 nam is esset, qui per ambages de lacu Albano  
 jaceret; postquam audivit aruspicem esse; vir  
 haud intacti religione animi, causatus de pri-  
 vati portentis procuratore, si opera illi esset,  
 consulere velle, ad colloquium vatem eliciit.  
 cumque progressi ambo a suis longius essent  
 inermes, sine ullo metu, prævalens juvenis  
 Romanus senem infirmum in conspectu o-  
 mnium raptum, nequicquam tumultuantibus  
 Etruscis, ad suos transtulit. qui cum perductus  
 ad imperatorem, inde Romam ad senatum  
 missus,

1 Cecinit) Verbum proprium de vaticinantibus.

missus esset, sciscitantibus quidnam id esset, quod de lacu Albano docuisset, respondit, profecto iratos deos Veienti populo illo fuisse die, quo sibi eam mentem objecissent, ut excidium patriæ i fatale proderet. itaque quæ tum ceciderit divino spiritu instinctus, ea se nec, ut indicta sint, revocare posse; & tacendo forsitan, quæ dii immortales vulgari velint, haud minus, quam celanda effando, nefas contrahi: sic igitur libris fatalibus, sic disciplina Etrusca traditum esse; ut, quando aqua Albana abundasset, tum si eam Romanus rite emisisset, victoriam de Vejentibus dari: antequam id fiat, deos mania Vejentium deserturos non esse. Exequabatur inde 2 quæ solemnitas derivatio esset. Sed auctorem levem, nec satis fidum super tanta re patres rati, decrevere legatos, sortesque oraculi Pythici expectandas. Prius quam a Delphis oratores redirent, Albanive prodigii piacula inveni-  
rentur, novi tribuni militum consulari potestate, L. Julius Iulus, L. Furius Medullinus quartus, L. Sergius Fidenas, A. Postumius Regillensis, P. Cornelius Maluginensis, A. Manlius magistratum inierunt.

16.

## CAPUT X.

*Tarquinienses in agrum Romanum populabundi ingressi opprimuntur. Legati a Delphico oraculo cum responso veniunt: prodigium Albanum procuratur.*

**E**O anno Tarquinienses, novi hostes exorti: U. G.  
quia multis simul bellis, Volscorum ad 158.  
Anxur, ubi præsidium obsidebatur; Æquorum ad Lavicos, qui Romanam ibi coloniam oppugnabant; ad hoc Veienti quoque, & Falisco, & Capenati bello occupatos videbant Romanos, nec intra muros quietiora negotia esse certaminibus patrum ac plebis: inter hæc locum injuriæ rati esse, prædatum in agrum Romanum cohortes expeditas mittunt. aut enim passu-

1. *Fatale*) *Fatale* est quicquid pertinet ad fata. *Excidium fatale* est excidium fati decretum. *Intra libri fatales* sunt libri quibus fata continentur.

2. *Quæ solemnitas derivatio esset*) *Quæ* legitima & diis accepta derivatio esset.

gestate petentium, religione etiam attoniti homines, patricios omnes, partem magnam honoratissimum quemque, tribunos militum consulari potestate creavere, L. Valerium Potitum quintum, M. Valerium Maximum, M. Furium Camillum iterum, L. Furium Medullinum tertium, Q. Servilium Fidenatem iterum, Q. Sulpitium Camerinum iterum. His tribunis ad Vejos nihil admodum memorabile actum est. tota vis in populationibus fuit. duo summi imperatores, Potitus a Faleriis, Camillus a Capena prædas ingentes egere, nulla incolumi re-  
 15. lista re, cui ferro, aut igni noceri posset. Prodigia interim multa nuntiata; quorum pleraque, & quia singuli auctores erant, parum credita, spretaque: & quia hostibus Etruscis, per quos ea procurarent, aruspices non erant. In unum omnium curæ versæ sunt, quod lacus in Albano nemore sine ullis cælestibus aquis, cause qua alia, quæ rem miraculo eximeret, in altitudinem insolitam crevit. Quidnam eo dii portenderent prodigio, missi sciscitatum oratores ad Delphicum oraculum: sed propior interpretis fatis oblatus senior quidam Vejens, qui inter cavillantes in stationibus ac custodiis milites Romanos Etruscosque, vaticinantis in modum cecinit, *priusquam ex lacu Albano aqua emissa foret, numquam potiturum Vejis Romanum*. quod primo velut temere jactum sperni, agitari deinde sermonibus cæptum est: donec unus ex statione Romana percontatus proximum oppidanorum, (jam per longinquitatem belli commercio sermonum facto) quisnam is esset, qui per ambages de lacu Albano jaceret; postquam audivit aruspicem esse; vir haud intacti religione animi, causatus de privati portentis procuratione, si opera illi esset, consulere velle, ad colloquium vatem elicit. cumque progressi ambo a suis longius essent inermes, sine ullo metu, prævalens juvenis Romanus senem infirmum in conspectu omnium raptum, nequicquam tumultuantibus Etruscis, ad suos transtulit. qui cum perductus ad imperatorem, inde Romam ad senatum missus,

æ Cecinit) Verbum proprium de vaticinantibus.

missus esset, sciscitantibus quidnam id esset, quod de lacu Albano docuisset, respondit, profecto iratos deos Vejenti populo illo fuisse die, quo sibi eam mentem objecissent, ut excidium patriæ 1 fatale proderet. itaque qua tum ceciderit divino spiritu instinctus, ea se nec, ut indicta sint, revocare posse; & tacendo forsitan, qua dii immortales vulgari velint, haud minus, quam celanda effando, nefas contrahi: sic igitur libris fatalibus, sic disciplina Etrusca traditum esse; ut, quando aqua Albana abundasset, tum si eam Romanus rite emisisset, victoriam de Vejentibus dari: antequam id fiat, deos mania Vejentium deserturos non esse. Exequebatur inde 2 quæ solemnis derivatio esset. Sed auctorem levem, nec satis fidum super tanta re patres rati, decrevere legatos, sortesque oraculi Pythici expectandas. Prius quam a Delphis oratores redirent, Albanive prodigii piacula invenirentur, novi tribuni militum consulari potestate, L. Julius Iulus, L. Furius Medullinus quartus, L. Sergius Fidenas, A. Postumius Regillensis, P. Cornelius Maluginensis, A. Manlius magistratum inierunt. 16.

## CAPUT X.

Tarquinienses in agrum Romanum populabundi ingressi opprimuntur. Legati a Delphico oraculo cum responso veniunt: prodigium Albanum procuratur.

EO anno Tarquinienses, novi hostes exorti: U. C. quia multis simul bellis, Volscorum ad 158. Anxur, ubi præsidium obsidebatur; Æquorum ad Lavicos, qui Romanam ibi coloniam oppugnabant; ad hoc Vejenti quoque, & Falisco, & Capenati bello occupatos videbant Romanos, nec intra muros quietiora negotia esse certaminibus patrum ac plebis: inter hæc locum injuriæ rati esse, prædatum in agrum Romanum cohortes expeditas mittunt. aut enim passu-

1. *Fatale* ) *Fatale est* quicquid pertinet ad fata. *Excidium fatale est* excidium satis decretum. *Intra libri fatales* sunt libri quibus fata continentur.

2. *Quæ solemnis derivatio esset* ) *Quæ legitima & diis accepta derivatio esset.*



passuros inultam eam injuriam Romanos ; ne  
 novo bello se onerarent ; aut exiguo , eoque pa-  
 rum valido exercitu persecuturos . Romanis in-  
 dignitas major , quam cura populationis Tar-  
 quinienfium fuit . eo nec magno conatu sus-  
 cepta , nec in longum dilata res est . A. Postu-  
 mius , & L. Julius non iusto delectu , ( etenim  
 ab tribunis plebis impediabantur ) sed prope vo-  
 luntariorum , quos adhortando incitaverant ,  
 coacta manu , per agrum Cæretem obliquis tra-  
 mitibus egressi , redeuntes a populationibus , gra-  
 vesque præda Tarquinienfes oppræssere . multos  
 mortales obruncant , omnes exiunt impediten-  
 tis ; & , receptis agrorum suorum spoliis , Ro-  
 manam revertuntur . Biduum ad recognoscendas  
 res datum dominis ; tertio incognita ( erant au-  
 tem ea pleraque hostium ipsorum ) i sub hasta  
 venire : quodque inde redactum , militibus est  
 divisum . In cetera bella , maximeque Veiens ,  
 incerti exitus erant . Jamque Romani , despe-  
 rata opæ humana , fata & deos spectabant ; cum  
 legati ab Delphis venerunt , sortem oraculi af-  
 ferentes congruentem responso captivi vatis :  
*Romane , aquam Albanam cave lacu contine-  
 ri , cave in mare manare suo flumine sinas ;  
 emissam per agros rigabis , dissipatamque rivis  
 extingues . tum tu insiste audax hostium muris ,  
 memor , quam per tot annos obsides urbem , ex  
 ea tibi his , quæ nunc panduntur , satis victo-  
 riam datam . bello perfecto donum amplum victor  
 ad mea templa portato : sacraque patria , quo-  
 rum omissa cura est , instaurata , ut assolet , fa-  
 cito .* Ingens inde haberi captivus vates cœptus ,  
 17. eumque adhibere tribuni militum Cornelius  
 Postumiusque ad prodigii Albani procuratio-  
 nem , ac deos rite placandos cœpere . inven-  
 tumque tandem est , ubi neglectas cærimonias ,  
 intermissumve solemne diiarguerent , nihil pro-  
 fecto aliud esse , quam magistratus vitio crea-  
 tos , Latinas , sacrumque in Albano monte non  
 rite concepisse : unam expiationem eorum esse ;  
 ut tribuni militum abdicarent se magistratu , an-  
 spicia de integro repeterentur , & interregnum  
 inire-

“ Sub hasta ) Hastam ponere in auctionibus solebant Ro-  
 mani , unde hasta pro auctione ipsa sæpe .

*iniureretur* .. Ea ita facta sunt ex senatusconsulto .. Interreges tres deinceps fuere, L. Valerius, Q. Servilius Eidenas, M. Furius Camillus .. numquam desitum interim turbari, comitia interpellantibus tribunis plebis, donec convenisset prius, ut major pars tribunorum militum ex plebe crearetur ..

## CAPUT XI.

*Auctis Vejentinum viribus, cura inde Romanis crescit. P. Licinius, patre sene petente, creatur tribunus militum consulari potestate. Cum Faliscis, & Capenatibus temere pugnatur: perlato ad Urbem terrore, dictus Dictator M. Furius Camillus impigre in Vejentes parat expeditionem ..*

**Q**Uæ dum aguntur, concilia Etruriæ ad fanum Voltumnæ habita .. postulantibusque Capenatibus ac Faliscis, ut Vejos communi animo consilioque omnes Etruriæ populi ex obsidione eriperent, responsum est, antea se id Vejentibus negasse, quia, unde consilium non petissent super tanta re, auxilium petere non deberent: nunc jam pro se fortunam suam illis negare .. maxime in ea parte Etruria gentem inusitatam, novos accolos Gallos esse, cum quibus nec pax satis fida, nec bellum pro certo sit .. sanguini tamen nominique & presenti-  
bus periculis consanguineorum id dari, ut, si qui juventutis suæ<sup>\*</sup> voluntarii ad id bellum<sup>\*</sup> alii-  
eant, non impediant. Eum magnum advenisse<sup>vo-</sup> hostium numerum, fama Romæ erat .. eoque<sup>lur-</sup> mitescere discordiæ intestinæ metu communi, ut fit, coeptæ .. Haud invitis patribus P. Licinium Calvum prærogativæ tribunum militum non petentem potestate consulari creant, moderationis expertæ in priore magistratu virum, ceterum jam tum exactæ ætatis, omnesque deinceps ex collegio ejusdem anni refici apparebat, L. Titinium, P. Mænium, P. Mæ-  
lium, Cn. Genuitium, L. Arilium: qui priusquam renuntiarentur jure vocatis tribubus, per-  
missi ..

<sup>\*</sup> Pro se fortunam suam ) Non se, sed præsentem rerum suarum statum negare Vejentibus auxilia ..

missu interregis P. Licinius Calvus ita verba fecit: *Omen concordia, Quirites, rei maxime in hoc tempus utili, memoria nostri magistratus vos his comitiis petere in insequentem annum video, si & collegas eosdem rescitis, etiam usu meliores factos. me jam non eundem, sed umbram nomenque P. Licinii relictum videtis. vires corporis affecta, sensus oculorum atque aurium hebetes, memoria labat, vigor animi obtusus. En vobis, inquit, juvenem, ( filium tenens ) effugiem atque imaginem ejus, quem vos antea tribunum militum ex plebe primum fecistis. hunc ego, institutum disciplina mea, vicarium pro me reipub. do, dicoque: vosque quaso, Quirites, delatum mihi ultro honorem huic petenti, meisque pro eo adjectis precibus mandetis. Datum id petenti patri; filiusque ejus P. Licinius tr. mil. consulari potestate cum iis, quos supra scripsimus, declaratus. Titinius Genutiusque trib. mil. profecti adversus Faliscos Capenatesque, dum bellum majore animo gerunt, quam consilio, præcipitavere se in insidias. Genutius morte honesta temeritatem luens, ante signa inter primores cecidit: Titinius, in editum tumultum ex multa trepidatione militibus collectis, aciem restituit: nec se tamen æquo loco hosti commisit. Plus ignominia erat, quam cladis acceptum, quæ prope in cladem ingentem vertit: tantum inde terroris non Romæ modo, quo multiplex fama pervenerat, sed in castris quoque fuit ad Vejos. ægre ibi miles retentus a fuga est, cum pervassisset castra rumor, ducibus exercituque cæso, victorem Capenatem ac Faliscum Etruriæque omnem juventutem haud procul inde abesse. His tumultuosiora Romæ. Jam castra ad Vejos oppugnari, jam partem hostium tendere ad urbem agmine infecto crediderant: concursumque in muros est, & matronarum quas ex domo conciverat publicus pavor, obsecrationes in templis factæ, precibusque ab diis petitum, ut exitium ab urbis tectis templisque ac Romanis mœnibus arcerent, Vejosque eum averterent terrorem, si sacra renovata rite, si procurata prodigia essent. Jam ludi Latinæque in-*

staurata.

staurata erant: jam ex lacu Albano aqua emissæ in agros; Vejosque fata apperebant. Igitur fatalis dux ad excidium illius urbis, i servandæque patriæ, M. Furius Camillus dictator dictus, magistrum equitum P. Cornelium Scipionem dixit. Omnia repente mutaverat imperator mutatus, alia spes, alius animus hominum, fortuna quoque alia urbis videri. Omnium primum in eos, qui a Vejis in illo pavore fugerant, more militari animadvertit, effecitque, ne hostis maxime timendus militi esset. deinde indicto delectu in diem certam, ipse interim Vejos ad confirmandos militum animos intercurrit: inde Romam ad scribendum novum exercitum redit, nullo detrectante militiam. peregrina etiam juventus, Latini Hernicique operam suam pollicentes, ad id bellum venere. quibus cum gratias in senatu egisset dictator, satis jam omnibus ad id bellum paratis, ludos Magnos ex senatusconsulto vovit Vejis captis se facturum; ædemque 2 Maturæ matris refectionem dedicaturum, jam ante ab rege Servio Tullio dedicatam.

## CAPUT XII.

*Dictator Camillus Faliscos, & Capenates fundit: Vejos aggressus cuniculo oppugnat: victoria jam presente, consulit Senatum de prædâ: quæ cum destinaretur populo, decimam partem ipse Apollini vovet. Urbe inde expugnata, atque direpta, Junonis simulacrum Romam transfertur.*

**P**rofectus cum exercitu ab urbe expectatione hominum majore, quam spe, in agro primum Nepesino cum Faliscis & Capenatibus signa confert. omnia ibi summa ratione consilioque acta, fortuna etiam, ut fit, secuta est. non prælio tantum fudit hostes, sed castris quoque exiit: ingentique præda est potitus: cujus pars maxima ad quæstorem redacta est: haud ita multum militi datum. Inde ad Vejos.

1 *Servandæque patriæ* ) Et ad servandam patriam. Aliud ad ereptam Gallis a Camillo Romam.

2 *Matura matris* ) Hæc fuit Ino, Semeles soror, Bacchi matertera, Athamantis uxor.

Vejos exercitus ductus, densioraque castella facta: & a procursationibus, quæ multæ temere inter murum ac vallum fiebant, edicto ne quis injussu pugnaret, ad opus milites traducti. Operum fuit omnium longe maximum ac laboriosissimum, cuniculus in arcem hostium agi coëptus, quod ne intermitteretur opus, neu sub terra continuus labor eosdem conficeret, in partes sex munitorum numerum divisit, senæ horæ in orbem operi attributæ sunt. nocte ac die numquam ante omisum, quam in arcem viam facerent. Dictator, cum jam in manibus videret victoriam esse, urbem opulentissimam capi, tantumque prædæ fore, quantum non omnibus in unum collatis ante bellis fuisset: nequam inde aut militum iram, ex malignitate prædæ partitæ, aut invidiam apud patres ex prodiga largitione caperet, litteras ad senatum misit: *Deum immortalium benignitate, suis consiliis, & patientia militum Vejos jam fore in potestate populi Romani, quid de prada faciendum censerent?* Duæ senatum distinebant sententiæ, una senis P. Licinii, quem primum dixisse a filio interrogatum ferunt, edici prælam placere populo, ut, qui particeps esse prædæ vellet, in castra Vejos iret; altera Ap. Claudii, qui largitionem novam, prodigam, inæqualem, inconsultam arguens, si semel nefas dicerent captam ex hostibus in ærario exhausto bellis pecuniam esse, auctor erat stipendii ex ea pecuniâ militi numerandî, ut eo minus tributî plebes conferret. ejus enim domini societatem censuras æqualiter omnium domos; non avidas in direptiones manus otiosorum urbanorum prærepturas fortium bellatorum præmia esse: cum ita ferme eveniat, 2 ut, qui segnior sit, prædæ, fortissimus quisque laboris periculique præcipuam petere partem soleat. Licinius contra suspectam & invisam semper eam pecuniam fore aiebat: causasque criminum ad plebem, seditionumque inde, ac legum.

1 *Ex malignitate prædæ partitæ* ) Ex maligna, id est, nimium parca prædæ partitione.

2 *Ut, qui segnior* ) Ut, quo quisque ad laborem periculique promptior est, eo segnior plerumque sit ad prædandum.

legum novarum præbituram. Sati<sup>1</sup>us igitur esse, reconciliari co dono plebis animos: exhaustis atque exinanitis tributo tot annorum succurri: & sentire præda fructum ex eo bello, in quo prope consenserint: gratius id fore, latiusque, quod quisque sua manu ex hoste captum domum retulerit, quam si multiplex alterius arbitrio accipiat: ipsum dictatorem fugere invidiam ex eo, criminaque eo delegasse ad senatum: senatum quoque debere rejectam rem ad se p. mittere plebi, ac pati habere, quod cuique fors belli dederit. Hæc tutior via sententia est, quæ popularem senatum faceret. Edictum itaque est, ad prædam Vejentem, quibus videretur, in castra ad dictatorem proficiscerentur. Ingens profecta multitudo replevit castra. Tum dictator auspicato egressus, cum edixissent, ut arma milites caperent, Tuo ductu, inquit, Pythice Apollo, tuoque numine instinctus pergo ad delendam urbem Vejos: tibi<sup>2</sup>que hinc decimam partem prædæ voveo. te simul, Juno regina, quæ nunc Vejos colis, precor, ut nos victores in nostram, tuamque mox futuram urbem sequare: ubi te dignum amplitudine tua templum accipiat. Hæc precatus, superante multitudo, ab omnibus locis urbem aggreditur, quo minor ab cuniculo ingruentis periculi sensus esset. Vejentes ignari se jam ab suis varibus, jam ab externis oraculis proditos, jam in partem prædæ suæ vocatos deos, alios votis ex urbe sua evocatos hostium templa novasque sedes spectare, seque ultimum illum diem agere, nihil minustinentes, quam fibrutis cuniculo manibus ardem jam plenam hostium esse, in muros pro se quisque armati discurrunt, mirantes quidnam id esset, quod cum tot per dies nemo se ab stationibus Romanis movisset, tum velut repentino icti furore improvidi currerent ad muros. Inferitur huic loco fabula: immolante rege Vejentium, vocem aruspici<sup>3</sup> dicentis, qui ejus hostiæ.

<sup>1</sup> Fugere invidiam ex eo, criminaque. Vitare velle ne ex eo sibi invidia criminationesque creentur.

<sup>2</sup> Alios (deos), votis... evocatos. Vide Macrob. l. III. Saturn. c. 9.

hostiæ exta <sup>1</sup> profecuiſſet, ei victoriam dari; exauditam in cuniculo moviſſe Romanos milites, ut adaperto cuniculo exta raperent, & ad dictatorem ferrent. Sed in rebus tam antiquis ſi, quæ ſimilia veri ſint, pro veris accipiantur, ſatis habeam. hæc ad ostentationem ſcenæ gaudentis miraculis aptiora, quam ad fidem, neque affirmare, neque refellere operæ pretium eſt. Cuniculus delectis militibus eo tempore plenus, in æde Junonis, quæ in Vejentana arce erat, armatos repente edidit. & pars averſos in muris invadunt hoſtes: pars clauſtra portarum revellunt: pars, cum ex tectis ſaxa tegulæque a mulieribus ac ſervitiis jacerentur, inferunt ignes. clamor omnia variis terrentium ac paventium vocibus, miſto mulierum ac puerorum ploratu, complet. momento temporis dejectis ex muro undique armatis, patefactiſque portis, cum alii agmine irruerent, alii deſertos ſcanderent muros, nrbs hoſtibus impletur: omnibus locis pugnatur. Deinde multa jam edita cæde, ſeneſcit pugna: & dictator præcones edicere jubet, ut ab inermi abſtineatur. Is finis ſanguinis fuit. dedi inde inermes cæpti. & ad prædam miles permiſſu dictatoris diſcurrit. quæ cum ante oculos ejus aliquantum ſpe, atque opinione major, majoriſque pretii rerum ferretur, dicitur manus ad cælum tollens precatus eſſe, *ut ſi cui deorum, hominumque nimia ſua fortuna, populique Romani videretur, ut eam invidiam lenire quam minimo ſuo privato incommodo publicoque populi Romani* <sup>2</sup> *converterentem ſe inter hanc venerationem, traditur memoriæ, prolapſum cecidiſſe: idque omen pertinuiſſe poſtea eventu rem conjeſtantibus viſum ad damnationem ipſius Camilli, captæ deinde urbis Romanæ, quod poſt paucos accidit annos, cladem. Iraque ille dies cæde hoſtium, ac direptione urbis opulentiſſimæ eſt conſumtus. Poſtero die libera* cor-

<sup>1</sup> *Profecuiſſis*) Verbum ſacrificiorum proprium: in quibus exta viſtimarum diſſecta aris imponebantur.

<sup>2</sup> *Converterentem ſe*) Solebant Romani poſt preces convertere ſe in dextram partem, ut teſtatur Plut. in Cam.

corpora dictator sub corona vendidit, ea sola pecunia in publicum redigitur, haud sine irae plebis. & quod retulere secum praeda, nec duci, qui ad senatum malignitatis auctores querendo, rem abitrii sui rejecisset; nec senatui, sed Liciniae familiae, ex qua filius ad senatum retulisset, pater tam popularis sententiae auctor fuisset, acceptum referebant. Cum jam humanae opes asportatae egestaeque a Vejis essent, amoliri tum deum dona, ipsosque deos, sed colentium magis, quam rapientium modo, coepere, namque delecti ex omni exercitu juvenes, pure lotis corporibus, candida veste, quibus deportanda Romam regina Juno assignata erat, venerabundi templum iniere, primo religiose admoventes manus, quod id signum more Etrusco nisi certae gentis sacerdos attrectare non esset solitus: deinde cum quidam, seu spiritu divino tactus, seu juvenili joco, *Vis ne Romam ire, Juno?* dixisset, annuissent ceteri Deam conclamaverunt. inde fabulae adjectum est, vocem quoque dicentis, *Velle*, auditam. motam certe sede sua parvi molimenti adminiculis, sequentis modo, accepimus levem, ac facilem translatu fuisse: integramque in Aventinum aeternam sedem suam, quo vota Romani dictatoris vocaverant, perlatam: ubi templum ei postea idem, qui voverat, Camillus dedicavit. Hic Vejorum occasus fuit, urbis opulentissimae Etrusci nominis, magnitudinem suam vel ultima clade indicantis: quod decem aestates hiemesque continuas circumfessa, cum plus aliquanto cladum intulisset, quam accepisset, postremo jam fato quoque urgente, operibus tamen, non vi expugnata est.

## C A P U T X I I I.

*Ex captis Vejis magna in Urbe laetitia. Camillus albis equis invehitur triumphat: Junonis templum dedicat: facta, deinde de Apollinis dono mentione, plebis in se vertit invidiam.*

Romam ut nuntiatum est, Vejos cap-  
ptos; quamquam & prodigia procurata  
fue-



## CAPUT XIV.

*Volscis, & Æquis pax datur, ac deinde etiam Capenatibus. Cum ageretur de deducenda in Volscos colonia, malletque plebs Vejos transmig-  
rare, obstant vehementer Optimates. Camillo pro voti sui liberatione instante, cratera aurea Apollini Delphico portanda conficitur.*

**I**Nter hæc pacificatum legati a Volscis, & Æ-<sup>24.</sup>  
quis venerunt: impetrataque pax, magis ut <sup>U.C.</sup>  
festa tam diutino bello acquiesceret civitas, quam <sup>100.</sup>  
quod digni peterent. Vejis captis, sex tribunos militum consulari potestate insequens annus habuit, duos P. Cornelios, Cossium & Scipionem, M. Valerium Maximum iterum, K. Fabium Ambustum tertium, L. Furium Medullinum quintum, Q. Servilium tertium. Corneliis Faliscum bellum, Valerio ac Servilio Capenas sorte evenit. ab iis non urbes vi aut operibus tentatæ, sed ager est depopulatus: prædæque rerum agrestium actæ: nulla felix arbor, nihil frugiferum in agro relictum. Eæ clades Capenatem populum subegit. pax petentibus data. In Faliscis bellum restabat. Romæ interim multiplex seditio erat; cujus leniendæ causa coloniam in Volscos, quo tria millia civium Romanorum scriberentur, deducendam censuerant: triumvirique ad id creati terna jugera, & septuages viritum diviserant. Ea largitio sperni cœpta: quia spei majoris avertendæ solatium objectum censebant. cur enim relegari plebem in Volscos, cum pulcherrima urbs Veji, agerque Vejentanus in conspectu sit, uberior ampliorque Romano agro? urbem quoque urbi Romæ vel situ, vel magnificentia publicorum, privatorumque tectorum ac locorum præponebant. quia illa quoque actio movebatur, quæ post captam utique Romam a Gallis celebratior fuit, transinigrandi Vejos. ceterum partim plebi, partim senatui destinabant habitandos Vejos, duasque urbes communes reipub.

( Illa quoque actio movebatur ) Ad populum quoque agi incipiebat de migrando Vejos, ut olim.

- reipub. intoli a Romano populo posse . 1 Adversus quæ cum optimates ita tenderent , ut morituros se citius dicerent in conspectu populi Romani , quam quicquam earum rerum rogaretur ( quippe nunc in una urbe tantum dissensionum esse , quid in duabus urbibus fore ? victam ne ut quisquam victrici patria præferret ; sineretque majorem fortunam captis esse Vejis , quam incolumibus fuerit ? postremo , se relinqui a civibus in patria posse : ut relinquant patriam atque cives , nullam vim umquam subacturam : & T. Sicinium ( is enim ex tribunis plebis rogationis ejus lator erat ) condiderem Vejos sequantur , relicto deo Romulo , dei filio , parente & auctore urbis Romæ ) hæc cum foedis certaminibus agerentur ( nam partem tribunorum plebis patres in suam sententiam traxerant ) nulla res alia manibus temperare plebem cogebat , quam , quod ubi rixæ committendæ causa clamor ortus esset , principes senatus primi turbæ offerentes se peti , feriri , atque occidi jubebant . ab horum æratibus dignitatibusque & honoribus violandum abstinerebatur ; & ad reliquos similes conatus verecundia iræ obstabat . Camillus identidem omnibus locis concionabatur : haud mirum id quidem esse , furere civitatem , quæ 2 damnata voti , omnium rerum potio-rem curam , quam religione se exsolvendi , habeat : nihil de collatione dicere stipis verius , quam decima : quando ea se quisque privatim obligaverit , liberatus sit populus . enimvero illud se tacere , suam conscientiam non pati , quod ex ea tantum præda , quæ rerum moventium sit , decima designetur : urbis , atque agri capti , quæ & ipsa voto contineantur , mentionem nullam fieri . Cum ea disceptatio , anceps senatui visa , delegata ad pontifices esset ; adhibito Camillo , visum collegio , 3 quod ejus ante conceptum votum Vellentium fuisset , & post votum in potestatem populi Romani venisset , ejus partem decimam Apollini sacram esse . ita in æstimationem urbs
- ager-
- 1 Adversus quæ cum optimates ) Pender oratio usque ad hæc verba , nulla res alia plebem manibus temperare cogebat .
- 2 Damnata voti ) Adstricta ad persolvendum votum , cuius eam dii compotem fecerant .
- 3 Quod ejus ) Quod ex tota illa præda .

agerque venit: pecunia ex ærario prompta, & tribunis militum consularibus, ut aurum ex ea coemerent, negotium datum. cuius cum copia non esset, matronæ, cœtibus ad eam rem consultandam habitis, & communi decreto pollicitæ tribunis militum aurum, & omnia ornamenta sua, in ærarium detulerunt. Grata ea res, ut quæ maxime senatui umquam fuit: honoremque ob eam munificentiam ferunt matronis habitum, ut 1 pilento ad sacra ludosque, carpentis festo profestoque uterentur. Pondere ab singulis auri accepto æstimatoque, ut pecuniæ solverentur, crateram auream fieri placuit, quæ donum Apollini Delphos portaretur. Simul ab religione animos remiserunt, integrant seditionem tribuni plebis: incitatur multitudo in omnes principes, ante alios in Camillum. cum prædam Vejentanam publicando sacrandoque ad nihilum redeigisse. 2 absentes ferociter increpant: præsentium, cum se ultro iratis offerrent, verecundiam habent. Simul ut extrahi rem ex eo anno viderunt, tribunos plebis latores legis in eum annum eosdem reficiunt: & patres hoc idem de intercessoribus legis annisi. ita 26. tribuni plebis magna ex parte iidem refecti. Comitibus tribunorum militum patres summa ope evicerunt, ut M. Furius Camillus crearetur. propter bella simulabant parari ducem; sed rogationi tribunitiæ adversarius quærebatur. Cum Camillo creati tribuni militum consulari potestate, L. Furius Medullinus sextum, C. Æmilius, L. Valerius Poplicola, Sp. Postumius, P. Cornelius iterum.

## CAP. UT XV.

*Camillus in Faliscos profectus, cum coegisset urbe egredi, eos fundit: in urbem rursus compulso obsidet. Interim cum ludæ litterarii magister principum Faliscorum liberos proditiōis causa ad eum adduxisset, vinctum iisdem pueris Falerios reducendum tradit: ob tantam iustitiam Falisci sponte se dedunt.*

**P** Rincipio anni tribuni plebis nihil moverunt: donec M. Furius Camillus in Faliscos,  
Tom. I. P cui

1 Pilento ... carpentis ) Hinc patet pilenta fuisse carpentis elegantiora.

2 Absentes ) Principes.

cui id bellum mandatum erat, proficisceretur, differendo deinde elanguit res: & Camillo, quem adversarium maxime metuerant, gloria in Faliscis crevit. Nam cum primo mœnibus se hostes tenerent, tutissimum id rati, populatione agrorum, atque incendiis villarum coegit eos egredi urbe: sed timore longius progredi prohibente, mille fere passuum ab oppido castra locant, nulla re alia fidentes ea satistuta esse, quam difficultate aditus, asperis confragosisque circa, & partim arctis, partim arduis viis. Ceterum Camillus captivum indicem ex agris secutus ducem, castris multa nocte motis, prima luce aliquanto superioribus locis se ostendit. trifariam Romani muniebant. alius exercitus prælio intentus stabat. ibi impedire opus conatos hostes fundit fugatque. tantumque inde pavoris Faliscis injectum est, ut effusa fuga castra sua, quæ propiora erant, prælati, urbem peterent. multi cæsi vulneratique prius, quam paventes portis inciderent. castra capta: præda ad quæstores redacta cum magna militum ira. sed severitate imperii victi, eandem virtutem & oderant, & mirabantur. Obsidio inde urbis, & munitiones, & interdum per occasionem impetus oppidanorum in Romanas stationes, præliaque parva fieri: & teri tempus, neutro inclinata spe, cum frumentum, copiarumque aliarum ex ante convectis largius obsessis, quam obsidentibus suppeterent. videbaturque æque diuturnus futurus labor, ac Vejis fuisset, ni fortuna imperatori Romano simul & cognita rebus bellicis virtutis specimen, & maturam victoriam dedisset. Mos erat Faliscis eodem magistro liberorum & comite uti: simulque plures pueri, quod hodie quoque in Græcia manet, unius curæ demandabantur. principum liberos, sicut fere fit, qui scientia videbatur præcellere, erudiebat. Is cum in pace instituisset pueros ante urbem lusus exercendique causa producere; nihil eo more per belli tempus intermisso, dum modo brevioribus, modo longioribus spatiis trahendo eos a porta, lusu, sermonibusque variatis longius solito,

274

ubi

1 Castra sua ... Prælati) Præter castra sua ablati.

ubi res dedit, progressus inter stationes eos hostium, castraque inde Romana in prætorium ad Camillum perduxit. ibi scelesto facinorosi scelestiorem sermonem addidit: *Falerios se in manus Romanis tradidisse, quando eos pueros, quorum parentes capita ibi rerum sint, in potestatem dediderit. Quæ ubi Camillus audivit, Non ad similem, inquit, tui nec populum, nec imperatorem, scelestus ipse cum scelesto munere venisti. nobis cum Faliscis, qua pacto sit humano, societas non est: quam ingeneravit natura, utrisque est, eritque. sunt & belli, sicut pacis, jura: justæque in ea non minus, quam fortiter didicimus gerere. arma habemus non adversum eam aetatem, cui etiam captis urbibus parcur, sed adversus armatos, & ipsos, qui nec lasi, nec lassati a nobis, castra Romana ad Vejos oppugnaverunt. eos tu, quantum in te fuit, novo scelere vicisti: ego Romanis artibus, virtute, opere, armis, sicut Vejos, vincam. Denudatum deinde cum, manibus post tergum illigatis, reducendum Falerios pueris tradidit, virgasque eis, quibus proditorem agerent in urbem verberantes, dedit. Ad quod spectaculum concursu populi primum facto, deinde a magistratibus de re nova vocato senatu, tanta mutatio animis est injecta, ut qui modo efferati odio iraque Vejentium \* exitium pene, quam \* al. Capenatium pacem mallent, apud eos pacem exiti-  
universa posceret civitas. fides Romana, ju-  
stitia imperatoris, in foro & curia celebrantur: consensuque omnium legati ad Camillum in castra, atque inde permissu Camilli Romam ad senatum, qui dederent Falerios, proficiscuntur. Introducti ad senatum ita locuti traduntur: *Patres conscripi, victoria, cui nec deus nec homo quisquam invidet, victi a vobis & imperatore vestro, dedimus nos vobis; rati, quo nihil victori pulchrius est, melius nos sub imperio vestro, quam legibus nostris victuros. Eventu hujus belli duo salutaria exempla prodita humano generi sunt. vos fidem in bello, quam præsentem victoriam maluistis: nos fide provocati, victoriam ultro detulimus.**

*mus: sub ditione vestra sumus, mittite qui arma, qui obsides, qui urbem patentibus portis accipiant: nec vos fidei nostra, nec nos imperii vestri pœnitebit: Camillo & ab hostibus, & a civibus gratiæ actæ. Faliscis in stipendium militum ejus anni, ut populus Romanus tribu-*  
 28. *to vacaret, pecunia imperata. Pace data, exercitus Romam reductus:*

## CAPUT XVI.

*Camilli votum solvitur: Missi legati, qui crateram auream Delphos Apollini ferrent, a piratis capiuntur; ab horum principe Timasitheo ob religionem honorifice habentur. In Æquis dubia primum, mox prospera res. Coss. denno creantur.*

**C**Amillus meliore multo laude, quam cum triumphantem albi per urbem vexerant equi, i insignis justitia fideque hostibus victis; cum in urbem redisset, tacite ejus verecundiam non tulit senatus, quin sine mora voti liberaretur: crateramque auream donum Apollini Delphos legati qui ferrent, L. Valerius, L. Sergius, A. Manlius, missi longa una nave, haud procul freto Siculo a piratis Liparensium excepti devehuntur Liparas. mos erat civitatis, velut publico latrocinio partam prædam dividere. Forte eo anno in summo magistratu erat Timasitheus quidam Romanis vir similior, quam suis, qui legatorum nomen, donumque, & deum, cui mitteretur, & doni causam veritus ipse, multitudinem quoque, quæ semper ferine regenti est similis, religionis justæ implevit: adductosque in publicum hospitium legatos, cum præsidio etiam navium Delphos profectus, Romam inde sospites restituit. hospitium cum eo senatusconsulto est factum, donaque publice data. Eodem anno in Æquis variè bellatum: adeo ut in incerto fuerit & apud ipsos exercitus, & Romæ, vicissent, victi ne essent. Imperatores Romani fuere ex tribus militum C. Æmilius, Spurius Postumius.

1 *Insignis justitia fideque hostibus victis*) Insignis victoria ex hostibus per justitiam & fidem reportata.  
 2 *Publice*) Publico jussu, jussu senatus populique Romani.

us. primo rem communiter gesserunt: *fusus inde* acie hostibus, Æmilium præsidio Verruginem obrinere placuit, Postumium fines vastare. ibi cum in composito agmine negligentius ab re bene gesta euntem adorti Æqui, terrore injecto, in proximos compulere tumulos: pavorque inde Verruginem etiam ad præsidium alterum est perlatus. Postumius, suis in tutum receptis, cum concione advocata terrorem increparet, ac fugam, *fusus esse ab ignavissimo & fugacissimo* hoste, conclamar universus exercitus, *merito se ea audire, & fateri admissum flagitium: sed eosdem correcturos esse, neque diuturnum id gaudium hostibus fore: poscentes, ut confestim inde ad castra hostium duceret, (& in conspectu erant posita in plano) nihil pœna recusabant, ne ea ante noctem expugnassent.* Collaudatos corpora curare, paratosque esse quarta vigilia jubet. & hostes, nocturnam fugam ex tumulo Romanorum ut ab ea via, quæ ferebat Verruginem, excluderent, fuere obvii: præliumque ante lucem (sed luna pernox erat) commissum est: & haud incertius diurno prælium fuit. Sed clamor Verruginem perlatus, cum castra Romana credrent oppugnari, tantum injecit pavoris, ut nequicquam retinente atque obsecrante Æmilio, Tusculum palati fugerent: inde fama Romam perlata est, Postumium exercitumque occisum. Qui, ubi prima lux metum insidiarum effuse sequentibus sustulit, cum persequitasser aciem promissa repetens, tantum injecit ardoris, ut non ultra sustinuerint impetum Æqui: cædes inde fugientium, qualis ubi ira magis quam virtute res geritur, ad perniciem hostium facta est. tristemque ab Tusculo nuntium, nequicquam exterrita civitate, litteræ a Postumio laureatæ sequuntur, victoriam populi Romani esse, Æquorum exercitum deletum. Tribunorum plebis actiones quia nondum in- 29. venerant finem, & plebs continuare latoribus legis tribunatum, & patres reficere intercessores legis annisi sunt, sed plus suis comitiis plebs valuit. quem dolorem ulsi patres sunt, sena-

P 3

tuf-

(*Laureata*) Lauro involutæ quod solitum Romanis du-  
cibus de re a se bene gesta ad senatum scribentibus.

tulconsulto facto, ut consules, invisus plebi magistratus, crearentur. annum post quintumdecimum creati consules L. Lucretius Flavius, Servius Sulpitius Camerinus.

## CAPUT XVII.

*Æqui vincuntur. A. Virginio, & Q. Pomponio tribunis plebis, quod rogationi tribunitia intercessissent, dies dicitur, atque damnatis multa infligitur. Camilli adhortationibus, ac Patrum precibus lex de Vejos migrando antiquatur. Lati Patres agrum Vejentanum plebi dividunt. Ædes Junonis dedicatur.*

U. C.  
192

**P**Rincipio hujus anni ferociter, quia nemo ex collegio intercessurus erat, coortis ad perferendam legem tribunis plebis, nec segnius ob id ipsum consulibus resistentibus, omnique civitate in unam eam curam conversa, Vitellam, coloniam Romanam, in suo agro Æqui expugnant: colonorum pars maxima incolumis, quia nocte proditione oppidum captum liberam per averfa urbis fugam dederat, Romam per fugere. L. Lucretio consuli ea provincia evenit, is cum exercitu profectus acie hostes vicit; victorque Romam ad majus aliquanto certamen rediit. dies dicta erat tribunis plebis biennii superioris, A. Virginio, & Q. Pomponio; quos defendi patrum consensu, ad fidem senatus pertinebat. neque enim eos aut vitæ ullo crimine alio, aut gesti magistratus quisquam arguebat, præterquam quod gratificantes patribus, rogationi tribunitiæ intercessissent. vicit tamen gratiam senatus plebis ira: & pessimo exemplo innoxii denis millibus gravi æris condemnati sunt. id ægre passi patres. Camillus palam, sceleris plebem arguere, quæ jam in suos versa, non intelligeret, se pravo judicio de tribunis intercessionem sustulisse: intercessione sublata, tribunitiam potestatem evertisse. Nam quod illi sperarent effrenatam licentiam ejus magistratus patres laturos, falli eos, si tribunitia vis, tribunitio auxilio repelli-

ne-

1 Sceleris) Scelus proprie est id quod adversatur pietati. Porro contra pietatem est in suos versi, suos violare.



nequeat, aliud telum patres inventuros esse. consulesque increpabat, quod fide publica decipi tribunos eos taciti tulissent, qui senatus auctoritatem secuti essent. Hæc propalam concionabundus in dies magis augebat iras hominum. senatum vero incitare adversus legem haud desistebat. *ne aliter descenderent in forum, cum dies ferenda legis venisset, quam ut qui meminissent sibi pro aris, focisque, & deum templis, ac solo, in quo nati essent, dimicandum fore. nam quod ad se privatim attineat, si sua gloria sibi inter dimicationem patria meminisse sit fas, sibi amplum quoque esse urbem ab se captam frequentari; quotidie se frui monumento gloria sua, & ante oculos habere urbem latam in triumpho suo: insistere omnes vestigiis laudum suarum. sed nefas ducere desertam, ac relictam ab diis immortalibus incolì urbem, & in captivo solo habitare populum Romanum, & victrice patria victam mutari.* His adhortationibus patres concitati principes, senes juvenesque, cum ferretur lex, agmine facto in forum venerunt; dissipatique per tribus, suos quisque tribules prestantes orare cum lacrimis coepere, ne eam patriam, pro qua fortissime felicissimeque ipsi ac patres eorum dimicassent, deferrent, Capitolium, ædem Vestæ, cetera circa templa deorum ostentantes; ne exulem, extorrem populum Romanum ab solo patrio, ac diis penatibus in hostium urbem agerent: eoque rem adducerent, ut melius fuerit non capi Vejos, ne Roma defereretur. Quia non vi agebant, sed precibus, & inter preces multa deorum mentio erat, religiosum parti maximæ fuit: & legem unam plures tribus antiquarunt, quam jussierunt, adeoque ea victoria læta patribus fuit, ut postero die referentibus consulis senatusconsultum fieret, ut agri Vejentani septena jugera plebi dividerentur: nec patribus familiæ tantum, sed ut omnium in domo liberorum capitum ratio haberetur: vellentque in eam spem liberos tollere. Eo munere 31.

1 Antiquarunt) Antiquare verbum solemne est, quo populus significabat se non accipere legem. Antiquo, id est, antiqua probo, nihil novi statui volo.

U. C. delinita plebe, nihil certatum est, quominus  
 363. consularia comitia haberentur. creati consules  
 L. Valerius Potitus, M. Manlius, cui Capiro-  
 lino postea fuit cognomen. Hi consules magnos  
 ludos fecere, quos M. Furius dictator voverat  
 Vejenti bello. eodem anno ædes Junonis re-  
 ginæ ab eodem dictatore, eodemque bello vo-  
 ta dedicatur: celebratamque dedicationem ingenti  
 matronarum studio tradunt.

## C A P U T XVIII.

*Cum Æquis, Vulsinienſibus, & Salpinatibus  
 pugnatur. M. Furio Camillo propter Vejen-  
 sanam prædam dies dicitur; damnatus in  
 exilium Ardeam concedit.*

Bellum haud memorabile in Algido cum Æ-  
 quis gestum est, fuis hostibus prius pene,  
 quam manus conferrent. Valerio, quod per-  
 severantior cædendis hostibus in fuga fuit,  
 triumphus: Manlio, ut ovans ingrederetur ur-  
 bem, decretum est. Eodem anno novum bel-  
 lum cum Vulsinienſibus exortum: quo propter  
 famem, pestilentiamque in agro Romano ex-  
 siccitate caloribusque nimis ortam exercitus  
 duci nequivit. ob quæ Vulsinienſes, Salpina-  
 tibus adjunctis, superbia elati ultro agros Ro-  
 manos incurſare. bellum inde duobus popu-  
 lis indictum. C. Julius censor decessit: in ejus  
 locum M. Cornelius suſſectus. quæ res postea  
 religioni fuit: quia eo lustro Roma est capta:  
 nec deinde umquam in demortui locum censor  
 ſufficitur: consulibusque morbo implicitis pla-  
 u. C. cuit per interregnum renovari auspicia. itaque  
 264. cum ex ſenatusconsulto consules magistratu ſe  
 abdicassent, interrex creatur M. Furius Ca-  
 millus, qui P. Cornelium Scipionem, is dein-  
 de L. Valerium Potitum interregem prodidit.  
 ab eo creati ſex tribuni militum conſulari pot-  
 estate: ut, etiam ſi cui eorum incommoda va-  
 32. lerudo fuiſſet, copia magistratum reipublicæ  
 eſſet. Kalendis Quintilibus magistratum occe-  
 pere, L. Lucretius, Servius Sulpitius, M. Æmi-  
 lius, L. Furius Medullinus ſeptimum, Agrip-  
 pa Furius, C. Æmilius iterum. Ex his L. Lu-  
 cretio,

cretio, & C. Æmilio Vulturniensis provincia evenit: Salpinates Agrippæ Furio, & Servio Sulpitio. Prius cum Vulturniensibus pugnatum est. bellum numero hostium ingens, certamine laud fane asperum fuit. fusa concursu primo acies in fugam. millia octo armatorum ab equitibus interclusa, positis armis, in deditionem venerunt. Ejus belli fama effecit, ne se pugnae committerent Salpinates. mœnibus armati se tutabantur. Romani prædas passim & ex Salpinati agro, & ex Vulturniensi, nullo eam vincente, egerunt: donec Vulturniensibus fessis bello, ea conditione, ut res populo Romano redderent, stipendiumque ejus anni exercitui præstarent, in viginti annos induciæ datæ. Eodem anno M. Cædicius de plebe nuntiavit tribunis, se in Nova via, ubi nunc sacellum est supra ædem Veltæ, vocem noctis silentio audisse clariorem humana, quæ magistratibus dici juberet, Gallos adventare. Id (ut fit) propter auctoris humilitatem spretum; & quod longinqua, eoque ignotior gens erat. Neque deorum modo monita & ingruente fato spreta: sed humanam quoque opem, quæ una erat, M. Furium ab urbe amovere, qui, die dicta ab L. Apulejo tribuno plebis propter prædam Vejentanam, filio quoque adolescente per idem tempus orbatus, cum, accitis domum tribulibus, & clientibus, quæ magna pars plebis erat, percontatus animos eorum responsum tulisset, se collatozuros quanti damnatus esset, absolvere eum non posse; in exilium abiit, precatus ab diis immortalibus, si innoxio sibi ea injuria fieret, primo quoque tempore desiderium sui civitati ingrata facerent. absens quindecim millibus gravis æris damnatur.

## CAPUT XIX.

*Clusium a Gallis obsidetur; hi qua de causa, & quo tempore in Italiam transcenderint, quamque Italia partem primum tenuerint, docet Auctor.*

**E**Xpulso cive, quo manente, si quicquam humanorum certi est, capi Roma non

Potest.

1 *Ingruente fato*) Fato pestem moliente Romanis.

2 *Absolvere eum*) Efficere ut absolveretur.

potuerat, adventante fatali urbis clade, legati ab Clusinis veniunt, auxilium adversus Gallos petentes. Eam gentem traditur fama, dulcedine frugum, maximeque vini nova tum voluptate captam, Alpes transisse; agrosque ab Etruscis ante cultos possedisse: & invexisse in Galliam unum, illiciendæ gentis causa, Aruntem Clusinum, ira corruptæ uxoris ab Lucumone, cui tutor is fuerat ipse, præpotente juvene, & a quo expeti pœnæ, nisi externa vis quæsitæ esset, nequirent. hunc transeuntibus Alpes ducem, auctoremque Clusium oppugnandi fuisse. Equidem haud abnuerim, Clusium Gallos ab Arunte, seu quo alio Clusino adductos: sed eos, qui oppugnaverint Clusium, non fuisse qui primi Alpes transierint, satis constat. ducentis quippe annis ante, quam Clusium oppugnarent, urbemque Romam caperent, in Italiam Galli transcenderunt: nec cum his primum Etruscorum, sed multo ante cum iis, qui inter Apenninum, Alpesque incolebant, sæpe exercitus Gallici pugnare. Tuscorum ante Romanum imperium late terra marique opes patuere. mari supero inferoque, quibus Italia insulæ modo cingitur, quantum potuerint, nomina sunt argumento, quod alterum Tuscum communi vocabulo gentis, alterum Adriaticum mare ab Adria, Tuscorum colonia, vocavere Italicæ gentes. Græci eadem Tyrrenum, atque Adriaticum vocant. Ii in utrumque mare vergentes, incolere urbibus duodenis terras, prius cis Apenninum, ad inferum mare; postea trans Apenninum, totidem, quot capita originis erant, coloniis missis: quæ trans Padum omnia loca, excepto Venetorum angulo, qui sinum circumcolunt maris, usque ad Alpes tenere. Alpinis quoque ea gentibus haud dubie origo est, maxime Rætis, quos loca ipsa effecerunt, ne quid ex antiquo, præter sonum linguæ, nec eum incorruptum, retinerent. De

34. transitu in Italiam Gallorum hæc accepimus. Prisco Tarquinio Romæ regnante, Celstrarum, quæ pars Galliæ tertia est, penes Bituriges summa imperii fuit. ii regem Celtico dabant, Ambigatus is fuit, virtute fortunaque cum sua,

tum

tum publica præpollens: quod in imperio ejus Gallia adeo frugum, hominumque fertilis fuit ut abundans multitudo vix regi videretur posse. Hic magno natu ipse jam, exonerare prægravante turba regnum cupiens, Bellovesum, ac Sigovesum, sororis filios, impigros juvenes, missurum se esse in quas dii dedissent auguriis sedes, ostendit. quantum ipsi vellent numerum hominum, excirent, ne qua gens arceret advenientes posset. Tum Sigoveso fortibus dati Hercinii saltus. Belloveso haud paulo lætiores in Italiam viam dii dabant. Is, quod  
 \* ea gens populis abundabat; Bituriges, Arvernus, Senones, Heduos, Ambarros, Carnutes, Aulercos excivit, profectus ingentibus peditum, equitumque copiis in Tricastinos venit. Alpes inde oppositæ erant, quas inexpectabiles visas haud equidem miror, nulla dum via (quod equidem continens ulla memoria sit, nisi ab Hercule, si fabulis credere libet) superatas. Ibi cum velut septos montium altitudo teneret Gallos, circumspectarentque quam per juncta cælo juga in alium orbem terrarum transirent, i religio ctiam tenuit, quod allatum est, advenas quærentes agrum ab Salyum gente oppugnari, Massilienses erant hi, navibus a Phocæa profecti, id Galli fortunæ suæ omen rati adjuvare, ut quem primum in terram egressi occupaverant locum, patentibus silvis communirent. ipsi Taurino saltu invias Alpes transcenderunt; fusisque acie Tuscis haud procul Ticino flumine, cum in quo confederant, agrum Insubrium appellari audissent, cognomine Insubribus pago Heduorum; ibi omen sequentes loci, condidere urbem, Mediolanum appellarunt. Alia subinde manus Cænomanonum Elitovio duce vestigia priorum secuta, eodem  
 saltu favente Belloveso cum transcendisset Alpes, ubi nunc Brixia ac Veronæ urbes sunt, i (locos tenuere Libui) confidunt. post hos Salvi, qui, præter antiquam gentem Lævos Ligures, incolentes citra Ticinum amnem expul-

\* al.  
 eis  
 ex.

P 6

lere.

1 Religio) Quod ibi repertum ab iis est fortunæ suæ omen.

2 Locos tenuere Libui) Quos quidem locos antea tenebant Libui.

lcre. i. Pœnino deinde Boii, Lingonesque transgressi, cum jam inter Padum atque Alpes omnia tenerentur, Pado ratibus trajecto, non Erruscos modo, sed etiam Umbros agro pellunt: intra Apenninum tamen sese tenere. Tum Senones recentissimi advenarum ab \* Ufente flumine usque ad AEsim fines habuere. hanc gentem Clusium, Romanque inde venisse comperio. id parum certum est, solamne, an ab omnibus Cisalpinorum Gallorum populis adjutam.

\* al.  
Ufente  
re.

## CAPUT XX.

*Clusini contra Gallos ab Romanis auxilium petunt: pro fœderatis Romani interveniunt, missis ad Gallos legatis: ferociter utrinque cum esset responsum, legati arma capiunt. Missi Romanam a Gallis, qui jure gentium agerent, spernuntur.*

Clusini novo bello exterriti, cum multitudinem, cum formas hominum inusitatas cernerent, & genus armorum; audirentque sæpe ab iis cis Padum, ultraque legiones Etruscorum fusas: quamquam adversus Romanos nullum eis jus societatis amicitiaeve erat, nisi quod Veientes consanguineos adversus populum Romanum non defendissent, legatos Romanos, qui auxilium ab senatu peterent, misere. De auxilio nihil impetratum. legati tres, M. Fabii Ambusti filii missi, qui senatus, populi-que Romani nomine agerent cum Gallis, ne, a quibus nullam injuriam accepissent, socios populi Romani, atque amicos oppugnarent, Romanis eos bello quoque, si res cogat, tuendos esse: sed melius visum bellum ipsum amoveri, si posset: & Gallos, novam gentem, pace potius cognosci, quam armis. Miris legatio, ni præferoces legatos, Gallisque magis, quam Romanis similes, habuisset. quibus postquam mandata ediderunt in concilio Gallorum, datur responsum: *Et si novum nomen audiant Romanorum, tamen credere viros fortes esse. quorum auxilium a Clusinis in re trepida sit imploratum. & quoniam legatione adversus se*  
ma-

i. Pœnino) Jugo. Unde nomen Alpibus inditum sit Pœnini, docet Livius l. XXI. c. 38.

maluerint, quam armis tueri socios, ne se quidem pacem, quam illi afferant, aspernari, sed Gallis egentibus agro, quem latius possideant, quam colant, Clusini partem finium concedant: aliter pacem impetrari non posse. & responsum, coram Romanis, se accipere velle: & , sin negetur ager, coram iisdem Romanis dimicatu-  
 ut nuntiare domum possint, quantum Galli vir-  
 tute ceteros mortales præstarent. Quodnam id  
 jus esset, agrum a possessoribus petere, aut mi-  
 nari arma, Romanis quærentibus, ecquid in E-  
 truria rei Gallis esset? cum illi se in armis jus  
 ferre, & omnia fortium virorum esse, ferociter  
 dicerent; accensis utrinque animis ad arma dis-  
 curritur, & prælium confertur. ibi, jam ur-  
 gentibus Romanam urbem fatis, legati contra  
 jus gentium arma capiunt: nec id clam esse pot-  
 uit, cum ante signa Etruscorum tres nobilissi-  
 mi fortissimique Romanæ juventutis pugna-  
 rent. tantum eminebat peregrina virtus. quin  
 etiam Q. Fabius euectus extra aciem equo, 1  
 ducem Gallorum, ferociter in ipsa signa Etruf-  
 corum incurfantem, per latus transfixum hasta  
 occidit: spoliaque ejus legentem Galli agnove-  
 re; perque totam aciem, Romanum legatum  
 esse, signum datum est. Omissa inde in Clusi-  
 nos ira, receptui canunt minantes Romanis.  
 Erant, qui extemplo Romam eundam cense-  
 rent. vicere seniores, ut legati prius mitteren-  
 tur questum injurias, postulatumque, ut pro  
 jure gentium violato Fabii dederentur. Legati  
 Gallorum cum ea, sicut erant mandata, expo-  
 fuissent; senatui nec factum placebat Fabiorum,  
 & jus postulare barbari videbantur: sed ne  
 id, quod placebat, 2 decernerent, in tantæ  
 nobilitatis viris 3 ambitio obstabat. itaque ne  
 penes ipsos culpa esset cladis forte Gallico bel-  
 lo acceptæ, cognitionem de postulatis Gallo-  
 rum ad populum rejiciunt, ubi tanto plus gra-  
 tia atque opes valere, ut, quorum de poena  
 agebatur, tribuni militum consulari potesta-  
 te in insequentem annum crearentur. quo facto, U. C.  
 haud 365.

1 Ducem Gallorum ) Quemdam e ducibus.

2 Decernerent ) Patres.

3 Ambitio ) Præsumptio in potentes favor.

73. haud secus, quam dignum erat, intensi Galli, bellum propalam minantes, ad suos redeunt. Tribuni militum cum tribus Fabiis creati Q. Sulpitius Longus, Q. Servilius quartum, Ser. Cornelius Maluginensis. Cum tanta moles mali intraret ( adeo occæcat animos fortuna, ubi vim suam ingruentem refringi non vult ) civitas, quæ adversus Fidenatem ac Vejentem hostem, aliosque finitimos populos ultima experiens auxilia, dictatorem multis tempestatibus dixisset, ea tunc, inusitato atque inaudito hoste ab oceano terrarumque ultimis oris bellum ciente, nihil extraordinarii imperii aut auxilii quæsit. Tribuni, quorum temeritate bellum contractum erat, summæ rerum præerant: delectumque nihilo accuratiorem, quam ad media bella haberi solitus erat, extenuantes etiam famam belli, habebant.

## CAPUT XXI.

*Galli ab Clusinis in Romanos arma vertunt: Romanam venientibus sit obviam ad flumen Aliam cum exercitu Fabius: quo fuso, barbari ad Urbem perveniunt.*

**I**Nterim Galli, postquam acceperere, ultro honorem habitum violatoribus juris humani, elusamque suam legationem esse, flagrantem ira, cujus impotens est gens, confestim signis convulsis, citato agmine iter ingrediuntur, ad quorum prætereuntium raptum tumultum cum exterritæ urbes ad arma concurrerent, fugaque agrestium fieret, Romam se ire magno clamore significabant, quacumque ibant, equis virisque longe ac late fuso agmine immensum obtinentes loci, sed antecedente fama, nuntiisque Clusinorum, deinceps inde aliorum populorum, plurimum terroris Romam celeritas hostium tulit: quippe quibus, velut tumultuario exercitu raptum ducto, ægre ad undecimum lapidem occursum est, qua flumen Alia Crustumini montibus præalto defluens alyeo, haud mul-

1 *Utro honorem habitum* ) Non modo nullam indictam esse prænam, sed etiam honorem habitum iis qui violassent jus &c.



multum infra viam Tiberino amni miscetur. Jam omnia contra circaque hostium plena erant : & nata in vanos tumultus gens , truci cantu , clamoribusque variis horrendo cuncta compleverant sono. Ibi tribuni militum , non loco castris ante capto , non præmunito vallo , quo receptus esset , non deorum saltem , si non hominum , memores , nec auspicato , nec litato instruunt aciem diductam in cornua , ne circumveniri multitudine hostium possent , nec tamen æquari frontes poterant , cum , extenuando , infirmam , & vix coherentem mediam aciem haberent . paulum erat ab dextra editi loci , quem subsidiariis repleti placuit ; eaque res ut initium pavoris ac fugæ , sic una salus fugientibus fuit . nam Brennus regulus Gallorum in paucitate hostium artem maxime timens , ratus ad id captum superiorem locum , ut , ubi Galli cum acie legionum recta fronte concurrissent , subsidia in aversos transversosque impetum darent , ad subsidiarios signa convertit ; si eos loco depulisset , haud dubius facilem in æquo campi tantum superanti multitudini victoriam fore . adeo non fortuna modo , sed ratio etiam cum barbaris stabat . In altera acie nihil simile Romanis , non apud duces , non apud milites erat . pavor fugæque occupaverat animos , & tanta hominum oblivio , ut multo major pars Vejos in hostium urbem , cum Tiberis arceret , quam recto itinere Romam ad conjuges ac liberos fugerent . Parumper subsidiarios tutatus est locus . in reliqua acie simul est clamor proximis ab latere , ultimis ab tergo auditus , ignotum hostem , prius pene quam viderent , non modo non tentato certamine , sed ne clamore quidem reddito , integri intactique fugerunt . nec ulla cædes pugnantium fuit , terga cæsa suomet ipsorum certamine , in turba impeditum fugam . circa ripam Tiberis , quo armis abjectis totum sinistrum cornu defugit , magna strages facta est : multosque imperitos nandi , aut invalidos , graves loriceis , aliisque tegminibus , haurere gurgites , maxima tamen pars incolumis Vejos perfugit ; unde non modo præsidii quicquam , sed ne nuntius quidem cladis Romam

est missus. ab dextro cornu, quod procul a flumine, & magis sub monte steterat, Romam omnes petiere, & ne clausis quidem portis urbis in arcem confugerunt. Gallos quoque, velut obstupefactos, miraculum victoriæ tam repentinæ tenuit. & ipsi pavore defixi primum steterunt, velut ignari quid accidisset: deinde infidias vereri: postremo cæsorū spolia legere, armorumque cumulos, ut mos eis est, coacervare. Tum demum, postquam nihil usquam hostile cernebatur, viam ingressi, haud multo ante solis occasum ad urbem Romam perveniunt. ubi cum prægressi equites, non portas clausas, non stationem pro portis excubare, non armatos esse in muris retulissent; aliud priori simile miraculum eos sustinuit: noctemque veriti, & ignotæ situm urbis, inter Romam, atque Anienem confedere, exploratoribus missis circa mœnia, aliasque partes, quænam hostibus in perdita re consilia essent. Romani, cum pars major ex acie Vejos petiisset, quam Romam; nec superesse quemquam præter eos, qui Romam refugerant, credere; comploratis omnibus pariter vivis mortuisque, totam prope urbem lamentis impleverunt. Privatos deinde luctus stupescit publicus pavor, postquam hostes adesse nuntiatum est. mox ululatus cantusque dissonos vagantibus circa mœnia turmatim barbaris audiebant. omne inde tempus suspensos ita tenuit animos usque ad lucem alteram, ut identidem jam in urbem futurus videretur impetus & primo adventu, quo accesserant ad urbem, mansuros enim ad Aliam fuisse, nisi hoc consilii foret. deinde sub occasum solis, quia haud multum diei supererat, ante noctem rati se invasuros: tum in noctem dilatum consilium esse, quo plus pavoris inferrent. postremo lux appropinquans exanimare. timorique perpetuo ipsum malum; continens fuit, cum signa infesta portis sunt illata.

C A-

1 *Urbem lamentis impleverunt.* Dederunt causam lamentis, quibus urbs impleta est.

2 *Primo adventu.* Suple ex sequentibus. *vastis sunt se invasuros.*

3 *Consilium.* Sine ullo intervallo conjunctum.

## CAPUT XXII.

*Cum ab Romanis Urbs defendi non posset, juven-  
rus ac robur Senatus Capitolium conscendit;  
sacra partim asportantur, partim condita in do-  
liis defodiuntur. Virgines Vestales, pedibus  
abuentes, L. Albinus in plaustrum recipit, de-  
positis inde uxore, & liberis. Majores natu, am-  
plissimis usi honoribus, pro patria se devotent.*

**N**Equaquam tamen ea nocte, neque inse-  
quenti die similis illi, quæ ad Aliam tam  
pavide fugerat, civitas fuit. nam cum defendi  
urbem posse tam parva relicta manu spes nulla  
esset; placuit, cum conjugibus ac liberis juven-  
tutem militarem; senatusque robur in arcem  
Capitolium conscendere; armisque, & frumen-  
to collatis ex loco inde munito deos homines-  
que & Romanum nomen defendere; i flami-  
nem, sacerdotesque vestales, sacra publica a  
cæde, ab incendiis procul auferre, nec ante de-  
feri cultum eorum, quam non superessent, qui  
colerent: Si arx, Capitoliumque sedes deorum,  
si senatus caput publici consilii, si militaris ju-  
ventus superfuerit imminenti ruina urbis, faci-  
lem jacturam esse seniorum, relicta in urbe uti-  
que peritura turba. &, quo id æquiore animo  
de plebe multitudo ferret, senes triumphales con-  
sularesque simul se cum illis palam dicere ob-  
ituros: nec his corporibus, quibus non arma fer-  
re, non tueri patriam possent, oneratu-  
ros inopiam armatorum. Hæc inter seniores morti destina-  
tos jactata solatia. Versæ inde adhortationes<sup>40.</sup>  
ad agmen juvenum, quos in Capitolium, at-  
que in arcem prosequabantur, commendantes  
virtuti eorum juvenaque urbis per trecen-  
tos sexaginta annos omnibus bellis victricis,  
quacumque reliqua esset, fortunam. Digre-  
dientibus qui ipem omnem atque opem se-  
cum ferebant, ab iis, qui captæ urbis non  
superesse statuerant exitio, cum ipsa res spe-  
ciesque miserabilis erat, tum muliebris fletus,  
& concursatio incerta nunc hos, nunc illos se-  
quentium, rogitantiumque viros natosque, cui

sc

i Flaminem ) Quirinalem, ut patet ex c. sequenti.

se fato darent ? 1 nihil , quod humanis super-  
 esset malis , relinquebant . magna pars tamen  
 earum in arcem suos persecutæ sunt , nec pro-  
 hibente ullo , nec vocante : quia , quod utile ob-  
 sessis ad minuendam imbellem multitudinem , id  
 parum humanum erat . Alia maxime plebis tur-  
 ba , quam nec capere tam exiguus collis , nec  
 alere in tanta inopia frumenti poterat , ex urbe  
 effusa velut agmine jam uno petiit Janiculum .  
 inde pars per agros dilapsi , pars urbes petunt  
 finitimas , sine ullo duce , aut consensu , suam  
 quisque spem , sua consilia , communibus deplo-  
 ratis , exequentes . Flamen interim Quirinalis ,  
 virginesque Vestales , omissa rerum suarum cu-  
 ra , quæ sacrorum secum ferenda , quæ ( quia  
 vires ad omnia ferenda deerant ) relinquenda  
 essent , consultantes , quisve ea locus fideli as-  
 servaturus custodia esset , optimum ducunt ,  
 condita in doliolis sacello proximo ædibus fla-  
 minis Quirinalis , ubi nunc desui religio est ,  
 defodere . cetera inter se onere partito ferunt  
 via , quæ Sublicia ponte ducit ad Janiculum .  
 In eo clivo eas cum L. Albinus , de plebe Ro-  
 mana homo , conspexisset , plaustrum conjugem  
 ac liberos vehens inter ceteram turbam , quæ  
 inutilis bello urbe excedebat , salvo etiam tum  
 discrimine divinarum humanarumque rerum ,  
 irreligiosum ratus sacerdotes publicos , sacraque  
 populi Romani pedibus ire , ferrique se ac suos  
 in vehiculo conspici , descendere uxorem ac pue-  
 ros iussit , virgines sacraque in plaustrum im-  
 posuit , & Cære , quo iter sacerdotibus erat ,  
 41. pervexit . Romæ interim satis jam omnibus ,  
 ut in tali re , ad tuendam arcem compositis ,  
 turba seniorum domos regressa , adventum ho-  
 stium obstinato ad mortem animo expectabat .  
 qui eorum curules gesserant magistratus , ut in  
 fortunæ pristinæ , honorumque , aut virtutis  
 insignibus morerentur , quæ augustissima vestis  
 est 2 theñsas ducentibus , triumphantibusve , ea

ve-

1 Nihil , quod humanis superesset malis , relinquebant ) Ni-  
 hil relinquebant , quod humana omnia mala possent adjice-  
 re ad præsentem Romanorum calamitatem .

2 Theñsas ducentibus ) Theñsæ sunt sacra vehicula , quibus  
 simulacra deorum ludis Circensibus in Circum ad pulvi-  
 var deferebantur .

vestiti medio ædium eburneis sellis sedere. Sunt qui, M. Fabio pontifice maximo, præfante carmen, devovisse eos se pro patria, Quiritibusque Romanis tradant.

## CAPUT XXIII.

*Galli Urbem patentem ingressi, ubi solitudinem vident, apertas domos invadunt, sedentes in curulibus sellis prætextatos senes, primum ut Deorum simulacra venerantur, deinde, ut homines esse liquet, trucidant: tecta diripiunt, & incendunt: frustra in arcem facto impetu, parant obsidionem.*

**G**Alli, & quia, interposita nocte, a contentione pugnae remiserant animos, & quod nec in acie ancipiti usquam certaverant prælio, nec tum imperu aut vi capiebant urbem, sine ira, sine ardore animorum ingressi postero die urbem, patente Collina porta, in forum perveniunt, circumferentes oculos ad templa deum, arcemque solam belli speciem tenentem. inde, modico relicto præsidio, ne quis in dissipatos ex arce aut Capitolio impetus fieret, dilapsi ad prædam vacuis occursum hominum viis, pars in proxima quæque tectorum agmine ruunt, pars ultima, velut ea demum intacta & referta præda, petunt. inde rursus ipsa solitudine absterri, ne qua fraus hostilis vagos exciperet, in forum ac propinqua foroloca conglobati redibant: ubi eos, plebis ædificiis obleratis, patentibus atriis principum, major prope cunctatio tenebat aperta, quam clausa, invadendi. adeo haud secus, quam venerabundi, intuebantur in ædium vestibulis sedentes viros, præter ornatum habitumque humano augustiorem, majestate etiam, quam vultus gravitasque oris præ se ferebat, simillimos diis: ad eos velut simulacra versi cum starent, M. Papirius unus ex his, dicitur Gallo, barbaram suam, ut tum omnibus promissa erat, permulcenti, scipione eburneo in caput incusso iram movisse; atque ab eo initium cædis ortum; ceteros in sedibus suis trucidatos, post principum cædem nulli deinde mortalium parci;

di-

42. diripi testā; exhaustis injici ignes. Ceterum, seu non omnibus delendi urbem libido erat, seu ita placuerat principibus Gallorum, & ostentari quædam incendia terroris causa, si compelli ad deditiōem caritate sedium suarum obsessi possent; & non omnia concremari testā, ut quodcumque superesset urbis, id pignus ad flectendos hostium animos haberent: nequaquam perinde, atque in capta urbe, prima die aut passim, aut late vagatus est ignis. Romani ex arce plenam hostium urbem cernentes, vagosque per vias omnes cursus, cum alia atque alia parte nova aliqua clades oriretur, non mentibus solum conspice, sed ne auribus quidem, atque oculis satis constare poterant. quocumque clamor hostium, mulierum, puerorumque ploratus, sonitus flammæ, & fragor ruentium tectorum avertisset, paventes ad omnia animos oraque & oculos flectebant, velut ad spectaculum a fortuna positi occidentis patriæ, nec ullius rerum suarum relictī, præterquam corporum, vindices, tanto ante alios miserandi magis, qui nunquam obsessi sunt, quod interclusi a patria obsidebantur, omnia sua cernentes in hostium potestate. nec tranquillior nox diem tam fœde actum excepit. Lux deinde noctem inquietam insecuta est. nec ullum erat tempus, quod a novæ semper cladis alicujus spectaculo cessaret. nihil tamen tot onerati atque obruti malis flexerunt animos, quin, etsi omnia flammis ac ruinis æquata vidissent, quamvis inopem parvumque, quem tenebant, collem libertati relictum virtute defenderent: & jam, cum eadem quotidie acciderent, velut assueti malis, abalienaverant ab sensu rerum suarum animos, arma tantum, ferrumque in dextris, velut solas reliquias spei suæ, intuentes. Galli quoque, per aliquot dies in testā modo urbis nequicquam bello gesto, cum inter incendia ac ruinas capte urbis nihil superesse præter armatos hostes viderent, nec quicquam tot cladibus territos,

nec

1 Non mentibus solum conspice ) Non solum mentium compotes esse non poterant, sed ne aures quidem atque oculos inquieta agitatione continere. Consistere verbum est rarissimum,

nec flexuros ad deditiōem animos, ni vis adhiberetur; experiri ultima, & impetum facere in arcem statuunt. Prima luce signo dato, multitudo omnis in foro instruitur: inde clamore sublato, ac i testudine facta subeunt. adversus quos Romani nihil temere, nec trepide, ad omnes aditus stationibus firmatis, qua signa ferri videbant, ea robore virorum opposito scandere hostem sinunt; quo successerit magis in arduum, eo pelli posse per proclive facilius rati. medio fere clivo resistere: atque inde ex loco superiore, qui prope sua sponte in hostem inferbat, impetu facto, strage ac ruina fudere Gallos; ut numquam postea nec pars, nec universi tentaverint tale pugnae genus. omnia itaque spe per vim atque arma subeundi, obsidionem parant, cuius ad id tempus immemores, &, quod in urbe fuerat frumentum, incendiis urbis absumserant, & ex agris per ipsos dies raptum omne Vejos erat. igitur exercitu diviso, partim per finitimos populos praedari placuit, partim obsideri arcem, ut obsidentibus frumentum populatores agrorum praeberent.

## CAPUT XXIV.

*Gallorum exercitus praedabundus Ardeam accedit. Ardeates, hortante Camillo ibi exulante, arma capiunt. Egressi barbaros incautos ingenti clade cadunt. Interim Romani quoque milites haud procul Vejis Tuscorum ex agro Romano pradas agentium stragem faciunt.*

**P**roficiscentes Gallos ab urbe ad Romanam 44-  
 experiendam virtutem, fortuna ipsa Ardeam, ubi Camillus exulabat, duxit: qui moestior ibi fortuna publica, quam sua, cum diis hominibusque accusandis 2 senesceret, indignando, mirandoque, ubi illi viri essent, qui secum Vejos Faleriosque cepissent, qui alia bella fortius semper, quam felicius, gessissent, repente audit Gallorum exercitum adventare, atque de eo pavidos Ardeates consultare. nec secus quam divino spiritu tactus, cum se in mediam con-

1 Testudine facta ) Scutis super capita densatis.

2 Senesceret ) Mœrore contabesceret,

concionem intulisset, abstinere fuetus ante talibus conciliis, *Ardeates*, inquit, *veteres amici*, *novi etiam cives mei*, quando & *vestrum beneficium ita tulit*, & *fortuna hoc egit mea*, nemo *vestrum conditionis mea oblitum me huc processisse putet*: sed res, ac periculum commune cogit, quod quisque possit in re trepida praesidii, in medium conferre. & quando ego vobis pro tantis vestris in me meritis gratiam referam, si nunc cessavero? aut ubi usus erit mei vobis, si in bello non fuerit? hac arte in patria steti; & invictus bello, in pace ab ingratis civibus pulsus sum. vobis autem, *Ardeates*, fortuna oblata est, & pro tantis pristinis populi Romani beneficiis, quanta ipsi meministis, (nec enim exprobranda apud memores sunt) gratia referenda, & huic urbi decus ingens belli ex hoste communi pariendi. Qua effuso agmine advencat, gens est, cui natura corpora, animosque magna magis quam firma, dederit. eo in certamen omne plus terroris, quam virium ferunt. argumento sit clades Romana. patentem cepere urbem: ex arce Capitolioque his exigua resistitur manu. jam obsidionis tadio victi abscedunt, vagique per agros palantur. cibo, vinoque raptim hausto repleti, ubi nox appetit, prope rivos aquarum sine munimento, sine stationibus ac custodiis passim ferarum ritu sternuntur, nunc ab secundis rebus magis etiam solito incauti. si vobis in animo est tueri moenia vestra, nec pati hac omnia Galliam fieri, prima vigilia capite arma frequentes: me sequimini ad eadem, non ad pugnam. nisi victos somno, velut pecudes, trucidandos tradidero, non recuso eundem *Ardea* re-

45. ram mearum exitum, quem *Roma* habui. *Æ*-quis iniquisque persuasum erat, tantum bello virum neminem usquam ea tempestate esse. concione dimissa corpora curant, intenti quam mox signum daretur. quo dato, primæ noctis silentio ad portas cum *Camillo* praesto fuere. egressi, haud procul urbe, sicut praedictum erat, castra Gallorum intuta, neglectaque ab omni parte nati, cum ingenti clamore invadunt. nusquam praelium, omnibus locis caedes est: nuda corpora, & soluta somno trucidantur. extremos



tamen pavor cubilibus suis excitos, quæ, aut unde vis esset ignaros, in fugam, & quosdam in hostem ipsum improvidos tulit. magna pars in agrum Antiatem delati, incurfione ab oppidanis in palatos facta, circumveniuntur. Similis in agro Vejenti Tuscorum facta strages est. qui urbis jam prope quadringentesimum annum vicinæ, oppressæ ab hoste inusitato inauditoque adeo nihil miserti sunt, ut in agrum Romanum eo tempore incurfiones faterent, plenique prædæ Vejos etiam, præsidiumque, & spem ultimam Romani nominis in animo habuerint oppugnare. Viderant ecs milites Romani vagantes per agros, & congregatos agmine prædam præ se agentes, & castra cernebant haud procul Vejis posita. inde primum miseratio sui, deinde indignitas, atque ex ea ira animos cepit, Etruscis ne etiam, a quibus bellum Gallicum in se avertissent, ludibrio esse clades suas? vix temperavere animis, quin extemplo impetum facerent: compressique ab Q. Cædicio centurione, quem sibimet ipsi præfecerant, rem in noctem sustinuerunt. tantum par Camillo defuit auctor: cetera eodem ordine, eodemque fortunæ eventu gesta. quin etiam ducibus captivis, qui cædi nocturnæ superfuerant, ad aliam manum Tuscorum ad salinas profecti, nocte insequenti ex improvviso majorem cædem edidere, duplicique victoria ovantes Vejos redeunt.

## CAPUT XXV.

*C. Fabius ex Capitolio per hostium stationes in Quirinalem ad statum sacrum pergīt: quo ibi peractō, incolumis revertitur.*

**R**Omæ interim plerumque obsidio segnis, 46. & utrinque silentium esse, ad id tantum intentis Gallis, ne quis hostium evadere inter stationes posset: cum repente juvenis Romanus admiratione in se cives, hostesque convertit. Sacrificium erat statum in Quirinali colle genti Fabiæ, ad id faciendum C. Fabius Dor-

Dorso, i Gabino cinctu, sacra manibus gerens; cum de Capitolio descendisset, per medias hostium stationes egressus, nihil ad vocem cuiusquam, terroremve motus, in Quirinalem collem pervenit. ibique omnibus solemniter peractis, eadem revertens similiter constanter vultu graduque, satis sperans propitios esse deos, quorum cultum ne mortis quidem metu prohibitus deseruisset, in Capitolium ad suos rediit, seu attonitis Gallis miraculo audaciæ, seu religione etiam motis, cuius haudquaquam negligens est gens.

## CAPUT XXVI.

*Milites Rom. qui Vejis erant, ducem ad patriam liberandam Camillum sibi deposcunt, qui, senatu in Capitolio consulto per Pontium Cominium, jussu populi ab exilio revocatur, & absens dictus Dictator Vejos perducitur.*

VEjis interim non animi tantum in dies, sed etiam vires crescebant: nec Romanis solum eo convenientibus ex agris, qui aut prælio adverso, aut clade captæ urbis palati fuerant, sed etiam ex Latio voluntariis confluentibus, ut in parte prædæ essent. maturum jam videbatur repeti patriam, eripique ex hostium manibus: sed corpori valido caput deerat. locus ipse admonebat Camilli: & magna pars militum erat, qui ductu auspicioque ejus res prospere gesserant. & Cædicius 2 negare se commissurum, cur sibi aut deorum aut hominum quisquam imperium finiret potius, quam ipse memor ordinis sui posceret imperatorem. Consensu omnium placuit ab Ardea Camillum acciri, sed antea consulto Senatu, qui Romæ esset. adeo regebat omnia pudor, discriminaque rerum prope perditis rebue servabant. ingenti periculo transeundum per hostium custodias erat. ad eam rem Pontius Cominius, impiger juvenis, operam pollicitus, incubans cortici, secundo

1 *Gabino cinctu* ) Cinctus Gabinus fuit, quum una togæ lacinia supra humerum sinistrum in tergum rejecta, infra humerum dextrum ita revocabatur ad pectus, ut hominem cingeret: unde toga brevis & adstrictior fiebat.

2 *Negare se commissurum cur* ) Usitatus foret, ut

do Tiberi ad urbem deferretur: inde qua proximum fuit a ripa, per præruptum, eoque neglectum hostium custodiæ saxum, in Capitolium evadit; & ad magistratus ductus, mandata exercitus edit. accepto inde Senatus decreto, ut & comitiis curiatis revocatus de exilio iussu populi Camillus dictator extemplo diceretur, militesque haberent imperatorem quem vellent, eadem digressus nuntius Vejos contendit: missique Ardeam legati ad Camillum, Vejos cum perduxere: seu, (quod magis credere libet, non prius profectum ab Ardea, quam comperit legem latam; quod nec injussu populi i mutari finibus posset, nec, nisi dictator dictus, auspicia in exercitu habere;) lex curiata lata est, dictatorque absens dictus.

## CAPUT XXVII.

*Gallos; Capitolium subeuntes, Manlius; anserum clangore excitatus, deturbat. Ad fiduciam ostendendam, quamvis in summa fame, panem in hostium stationes dejecit.*

**D**UM hæc Vejis agebantur, interim arx Ro-<sup>47:</sup> mæ Capitoliumque in ingenti periculo fuit. namque Galli, seu vestigio notato humano, qua nuntius a Vejis pervenerat, seu sua sponte animadverso ad Carmentis saxum ascensu æquo, nocte sublustri cum primo inermem, qui tentaret viam, præmisissent, tradentes inde arma, ubi quid iniqui esset, alterni innixi, sublevantesque invicem, & trahentes alii alios, prout postularet locus, tanto silentio in summum evasere, ut non custodes solum fallerent, sed ne canes quidem, sollicitum animal ad nocturnos strepitus, excitarent. anseres non fefellere; quibus sacris Junoni in summa inopia cibi tamen abstinebatur. quæ res saluti fuit. namque clangore eorum, alarumque crepitu excitus M. Manlius, qui triennio ante consul fuerat, vir bello egregius, armis arreptis simul ad arma ceteros ciens vadit; & dum ceteri trepidant, Gallum, qui jam in summo constiterat, umbone ictum deturbat. cujus casus prolapsi

Tom. I.

Q

cum

1 Mutari finibus) E peregrino solo in fines Romanos.

cum proximos sterneret, trepidantes alios, armisque omissis saxa, quibus adhærebant, manibus amplexos trucidat. jamque & alii congregati telis missilibusque saxis proturbare hostes, ruinaque tota prolapsa acies in præceps deferri. sedato deinde tumultu reliquum noctis, quantum in turbatis mentibus poterat, cum præteritum quoque periculum sollicitaret, quieti datum est. luce orta vocatis classico ad concilium militibus ad tribunos, cum & recte, & perperam facto pretium deberetur; Manlius primum ob virtutem laudatus, donatusque non ab tribunis solum militum, sed consensu etiam militari: cui universi selibras farris, & quartarios vini ad ædes ejus, quæ in arce erant, contulerunt: rem dictu parvam; ceterum inopia fecerat eam argumentum ingens caritatis: cum se quisque victu suo fraudans, detractum corpori atque usibus necessariis, ad honorem unius viri conferret. Cum vigiles ejus loci, qua fefellerat ascendens hostis, citati: & cum in omnes more militari se animadversurum Q. Sulpitius tribunus militum pronuntiasset, consentiente clamore militum in unum vigilem conjicientium culpam deterritus, a ceteris abstinuit: reum haud dubium ejus noxæ approbantibus cunctis de saxo dejecit. Inde intentiores utrinque custodiæ esse & apud Gallos, quia vulgatum erat, inter Vejos Romanque nuntios commeari; & apud Romanos, nocturni periculi metus. Sed ante omnia obsidionis bellicue mala, fames utrinque exercitum urgebat: Gallos pestilentia etiam, cum loco jacente inter tumulos castra habentes, tum ab incendiis torrido, & vaporis pleno, cineremque, non pulverem modo ferente, cum quid venti motum esset, quorum intolerantissima gens est, humori, ac frigori assueta: cum æstu, & algore vexata, vulgatis velut in pecus morbis morerentur. Jam pigritia singulos sepeliendi, promiscue acervatos cumulos hominum urebant: bustorumque inde Gallicorum nomine insignem locum fecere. induciæ deinde cum Romanis factæ, & colloquia permissu imperatorum habita: in quibus cum identidem Galli famem objicerent, eaque

neces-

necessitate ad deditionem vocarent, dicitur avertendæ ejus opinionis causa multis locis panis de Capitolio jactatus esse in hostium stationes.

## CAPUT XXVIII.

*Fessi longa obsidione Romani, qui erant in arce, ab Gallis auro se redimunt; hoc dum appenditur cum altercatione, superveniens Dictator Camillus hostes expellit, expulsos insequutus internecione occidit.*

**S**ed jam neque dissimulari, neque ferri ultra fames poterat. itaque dum dictator delectum per se Ardeæ habet, magistrum equitum L. Valerium a Vejis abducere exercitum jubet; parat, instruitque, quibus haud impar adoriatur hostes: interim Capitolinus exercitus, stationibus vigiliisque festus, superatis tamen humanis omnibus malis, cum famem unam naturæ vincti non sineret, diem de die prospectans, ecquod auxilium ab dictatore appareret, postremo spe quoque jam, non solum cibo deficiente, & cum stationes procederent prope obruentibus infirmum corpus armis, vel dedit, vel redimi se quacumque pactione possent, jussit, jactantibus non obscure Gallis, haud magna mercede se adduci posse, ut obsidionem relinquant. Tum senatus habitus, tribunisque militum negotium datum, ut paciscerentur. Inde inter Q. Sulpitium tribunum militum, & Brennum regulum Gallorum colloquio transacta res est, & mille pondo auri premium populi gentibus mox imperaturi factum. Rei foedissimæ per se adjecta indignitas est: pondera ab Gallis allata iniqua: & tribuno recusante, additus ab insolente Gallo ponderi gladius; auditaque intoleranda Romanis vox, *Va victis esse*. Sed dii hominesque prohibuere redemptos vivere Romanos. nam forte quadam, prius quam infanda merces perficeretur, per altercationem nondum auro appenso, dictator intervenit: auferrique aurum de medio, & Gallos submoveri jubet. cum illi renitentes pactos dicerent sese, negat eam

Q. 2

pactio-

<sup>1</sup> Cum stationes procederent ) Procedere eleganter est continuari, addi, connumerari.

pacationem ratam esse, quæ, postquam ipse dictator creatus esset, injussu suo ab inferioris juris magistratu facta esset: denuntiatque Gallis, ut se ad prælium expediant: suos in acervum conjicere sarcinas, & arma aptare, ferroque, non auro recuperare patriam jubet; in conspectu habentes sana Deum, & conjuges, & liberos, & solum patriæ deforme belli malis, & omnia quæ defendi repetique & ulcisci i fas sit. Instruit deinde aciem, ut loci natura patiebatur, in semirutæ solo urbis & natura inæquali, & omnia, quæ arte belli secunda suis eligi præparative poterant, providit. Galli nova re trepidi arma capiunt, iraque magis, quam consilio in Romanos incurrunt. Jam verterat fortuna; jam deorum opes, humanaque consilia rem Romanam adjuvabant. igitur primo concursu haud majore momento fusi Galli sunt, quam ad Aliam vicerant. Justiore altero deinde prælio ad octavum lapidem Gabina via, quo se ex fuga contulerant, ejusdem ductu auspicioque Camilli vincunt. Ibi cædes obtinuit, castra capiuntur, & ne nuntius quidem cladis relictus.

## CAPUT XXIX.

*Dictator Camillus triumphans Urbem ingrediens Parens patria salutatur. Eo referente, Senatus sacra bello dissipata restaurat: Ajo Locuto, quo loco vox audita erat, Gallos adventare, templum facit: aurum Gallis ereptum jubet esse sacrum.*

**D**ICTATOR, recuperata ex hostibus patria, triumphans in urbem redit: interque jocos militares, quos inconditos jaciunt, Romulus, ac parens patriæ conditorque alter urbis haud vanis laudibus appellabatur. Servatam deinde bello patriam, iterum in pace haud dubie servavit, cum prohibuit migrari Vejos, & tribunis rem intentius agentibus post incensam urbem, & per se inclinata magis plebe, ad id consilium. eaque causa fuit non abdicandæ post triumphum dictaturæ, senatu obsecrante, ne  
59. Rempublicam in incerto relinqueret statu. O-  
minium

*1. Fas sit) Legeſ sanctiſſimæ jubeant.*

mnium primum, ut erat diligentissimus religionum cultor, quæ ad deos immortales pertinebant, retulit. senatusconsultum fit, sana omnia, quod ea hostes possedissent, restituerentur, terminarentur, expiarenturque, expiatioque eorum in libris per duumviros quaeretur: cum Caretibus publice hospitium fieret, quod sacra populi Romani ac sacerdotes recepissent, beneficioque ejus populi non intermissus honos Deum immortalium esset: ludii Capitolini fierent, quod Jupiter optimus maximus suam sedem, atque arcem P. R. in re trepida tutatus esset: collegiumque ad eam rem M. Furius dictator constitueret, ex iis, qui in Capitolio atque arce habitarent. Expiandæ etiam vocis nocturnæ, quæ nuntia cladis antè bellum Gallicum audita, neglectaque esset, mentio illata, iustumque templum in Nova via Ajo Locuto fieri. Aurum, quod Gallis ereptum erat, quodque ex aliis templis inter trepidationem i in Jovis cellam collatum, cum, in quæ referri oporteret, confusa memoria esset, sacrum omne judicatum, & sub Jovis sella poni iustum. Jam ante in eo religio civitatis apparuerat, quod, cum in publico deesset aurum, ex quo summa pactæ mercedis Gallis confieret, a matronis collatum acceperant, ut sacro auro abstineretur. Matronis gratiæ actæ, honosque additus, ut earum, sicut virorum, post mortem solemnitas laudatio esset.

## CAPUT XXX.

*Populum propter incensam, ac dirutam urbem, Vejos migrare volentem, gravi oratione Camillus retinet. Movet etiam vocis omen, ex centurione audita, qui, cum in forum venisset, exclamaverat: Sta miles; hic optime manebimus.*

**I**s peractis, quæ ad deos pertinebant, quæque per senatum agi poterant; tum demum, agitantibus tribunis plebem assiduis concionibus, ut, relictis ruinis, in urbem paratam Vejos

Q 3

trans-

<sup>1</sup> Terminarentur ) Conceptis verbis templorum fines terminabantur.

<sup>2</sup> In Jovis cellam . . . sub Jovis sella ) Cella est sacrum, Cappella Italici. Sella est sedes in qua posita erat statua.

transmigrarent; in concionem universo senatu  
 prosequente ascendit, atque ita verba fecit;  
*Adeo mihi acerba sunt, Quirites, contentiones*  
*cum tribunis plebis, ut nec tristissimi exilii*  
*solatium aliud habuerim, quoad Ardea vixi,*  
*quam quod procul ab his certaminibus eram;*  
*Et ob eadem hac, non, nisi me senatusconsul-*  
*to populique jussu revocaretis, rediturus um-*  
*quam fuerim. nec nunc me, ut redirem, mea*  
*voluntas mutata, sed vestra fortuna perpulit.*  
*quippe ut in sua sede maneret patria, id age-*  
*batur; non ut ego utique in patria essem. Et*  
*nunc quiescerem at tacerem libenter, nisi hac*  
*quoque pro patria dimicatio esset: cui deesse, quo-*  
*ad vita suppetat, aliis turpe, Camillo etiam*  
*nefas est. Quid enim repetimus? quid obsessam*  
*ex hostium manibus eripimus, si recuperatam*  
*ipsi deserimus? Et cum victoribus Gallis, capta*  
*tota urbe, Capitolium tamen atque arcem di-*  
*que Et homines Romani tenuerint, habitaverint:*  
*victoribus Romanis, recuperata urbe, arx quo-*  
*que Et Capitolium deseretur? Et plus vastitatis*  
*huic urbi secunda nostra fortuna faciet, quam*  
*adversa fecerit? Equidem, si nobis cum urbe*  
*simul posita, traditaque per manus religiones*  
*nulla essent, tamen tam evidens numen hac*  
*tempestate rebus affuit Romanis, ut omnem*  
*negligentiam divini cultus exemtam hominibus*  
*putem. intuemini enim horum deinceps anno-*  
*rum vel secundas res, vel adversas: invenietis*  
*omnia prospere evenisse sequentibus deos, adver-*  
*sa spernentibus. Jam omnium primum. Vejens*  
*bellum per quot annos, quanto labore gestum!*  
*non ante cepit finem, quam monitu deorum a-*  
*qua ex lacu Albano emissa est. Quid hac tan-*  
*dem urbis nostra clades nova? num ante exorta*  
*est, quam spreta vox calo emissa de adventu*  
*Gallorum? quam gentium jus ab legatis no-*  
*stris violatum? quam a nobis cum vindicari*  
*deberet, eadem negligentia deorum pratermis-*  
*sum? Igitur victi, captique, ac redempti,*  
 \* al. tantum pœnarum diis hominibusque dedimus,  
 reli- ut terrarum orbi documento essemus. adversa  
 gio- ut res admonuerunt \* religionum. Confu-  
 nem. gimus in Capitolium ad deos, ad sedem Jovis  
 optimi



optimi maximi . sacra in ruina rerum nostrarum alia terra celavimus , alia avecta in finitimas urbes amovimus ab hostium oculis : deorum cultum , deserti ab diis hominibusque , tamen non intermisimus . reddidere igitur patriam & victoriam & antiquum belli decus amissum ; & in hostes , qui caci avaritia in pondere auri fœdus ac fidem fefellerunt , verterunt terrorem , fugamque , & eadem . Hac culti neglectique numinis tanta monumenta in rebus humanis cernentes , ecquid sentitis , Quirites , quantum vix dum ex naufragiis prioris culpa cladisque emergentes paxemus nefas ? Urbem auspicato inauguratoque conditam habemus : nullus locus in ea non religionum deorumque est plenus : sacrificiis solemnibus non dies magis statim quam loca sunt , in quibus fiant . hos omnes deos publicos privatosque , Quirites , deserturi estis ? 1 quam par vestrum factum est , quod in obsidione nuper in egregio adolescente C. Fabio , non minore hostium admiratione , quam vester , conspectum est , cum inter Gallica tela digressus ex arce solempne Fabia gentis in colle Quirinali obiit ? an gentilitia sacra ne in bello quidem intermitteri , publica sacra & Romanos deos etiam in pace deferri placet ; & pontifices flaminesque negligentiores publicarum religionum esse , quam privatus in solempni gentis fuerit ? Forſitan aliquis dicat , aut Vejis ea nos facturos , aut huc inde missuros sacerdotes nostros , qui faciant : quorum neutrum fieri salvis carimoniis potest ; & ne omnia generatim sacra , omnesque percenseam deos , in Jovis epulo num alibi , quam in Capitolio , pulvinar suscipi potest ? Quid de aternis Vesta ignibus , signoque , quod imperii pignus custodia ejus templi tenetur , loquar ? quid de ancilibus vestris , Mars Gradive , tuque Quirine pater ? hac omnia in profano deferri placet sacra , aequalia urbi , quadam vetustiora origine urbis ? Et videte ,

Q 4

quid

1 Quam par vestrum factum est , quod ) Supple , ei facto , quod

2 Pulvinar suscipi ) Pulvinar est lectus alicui deo stratus ; pulvinar suscipi idem est ac lectisternium institui .

3 Signoque ) Palladio ab Ænea in Italiam advectum vulgaris opinio est .

quid inter nos ac majores nostros inter sit : illi sacra quædam in monte Albano Lavinioque nobis facienda tradiderunt. An ex hostium urbibus Romam ad nos transferri sacra & religiosum fuit ; hinc sine piaculo in hostium urbem Vejos transferemus ? Recordamini agitedum , quoties sacra instaurantur , quia aliquid ex patrio ritu , negligentia casuve , pratermissum est . Modo quæ res post prodigium Albani lacus , nisi instauratio sacrorum auspiorumque renovatio , affecta Vējenti bello Resp. remedio fuit ? At etiam , tamquam veterum religionum memores , peregrinos deos transtulimus Romam , & instituimus novos. Juno regina transvecta a Vejis nuper in Aventino quam insigni ob excellens matronarum studium , celebrique dedicata est die ! Ajo Locuto templum propter caelestem vocem exauditam in Nova via jussimus fieri : Capitolinos ludos solemnibus aliis addidimus : collegiumque ad id novum auctore senatu condidimus . Quid horum opus fuit suscipi , si una cum Gallis urbem Romanam relicturi fuimus ? si non voluntate mansimus in Capitolio per tot menses obsidionis ? si ab hostibus metu retenti sumus ? de sacris loquimur , & de templis : quid tandem de sacerdotibus ? nonne in mentem venit , quantum piaculi committatur ? Vestalibus nempe una illa sedes est , ex qua eas nihil umquam praterquam urbs capta movit . Flamini diali noctem unam manere extra urbem nefas est . Hos Vējentes pro Romanis facturi estis sacerdotes ? & Vestales tua te deserent , Vesta ? & flamen peregre habitando , in singulas noctes tantum sibi rei que publicæ piaculi contrahet ? Quid ? alia , quæ auspicato agimus omnia fere intra pomerium , cui oblivioni , aut cui negligentia damus ? Comitia curiata , quæ rem militarem continent ; comitia centuriata , quibus consules tribunosque militares creatis , ubi auspicato , nisi ubi adsolent , fieri possunt ? Vējosne hac transferemus ? an comitiorum causa populus tanto incommodo in desertam hanc ab diis hominibusque urbem

63. conveniet ? Sed res ipsa cogit vastatam incendiis ruinisque relinquere urbem , & ad integra

1 Religiosum fuit ) Religioni habuimus , nefas esse duximus

gra omnia Vejos migrare, nec hic adificando inopem plebem vexare. Hanc autem jactari magis causam, quam veram esse, ut ego non dicam, apparere vobis, Quirites, puto: qui meministis, ante Gallorum adventum, salvis tectis publicis privatisque, stante incolumi urbe, hanc eandem rem actam esse, ut Vejos transmigraremus. Et videte, quantum inter meam sententiam vestramque intersit, tribuni. vos, etiamsi tunc faciendum non fuerit, nunc utique faciendum putatis: ego contra (nec id mirati sitis prius, quam, quale sit, audieritis) etiamsi tunc migrandum fuisset incolumi tota urbe, nunc has ruinas relinquendas non censerem: quippe tum causa nobis in urbem captam migrandi victoria esset, gloriosa nobis ac posteris nostris: nunc hac migratio nobis misera ac turpis, Gallis gloriosa est. non enim reliquisse victores, sed amisisse victi patriam videbimur. hoc ad Aliam fuga, hoc capta urbs, hoc circumsessum Capitolium necessitatis imposuisse, ut desereremus penates nostros, exiliumque ac fugam nobis ex eo loco conscisceremus, quem tueri non possemus? & Galli evertere potuerunt Romam, quam Romani restituere non videbuntur potuisse? Quid restat, nisi, ut, si jam novis copiis veniant, (constat enim vix credibilem multitudinem esse) & habitare in capta ab se, deserta a vobis hac urbe velint, sinatis? Quid? si non Galli hoc, sed veteres hostes vestri, Æqui, Volscive faciant, ut commigrent Romam; velitisne illos Romanos, vos Vejentes esse? non malitis hanc solitudinem vestram, quam urbem hostium esse? non equidem video quid magis nefas sit. hac scelera, quia piget adificare, hac dedecora pati parati estis? Si tota urbe nullum melius, ampliusve tectum fieri possit, quam i casa illa conditoris est nostri; non in casis ritu pastorum agrestiumque habitare est satius inter sacra penatesque vestros, quam exulatum publice ire? Majores nostri, convena, pastoresque, cum in his locis nihil prater silvas paludesque esset; novam urbem tam brevi adificaverunt:

Q 5

runt:

i Casa... conditoris ... nostri) Casa, in qua Romulus habitabat, cum pastoritiam vitam ageret.

runt: nos, Capitolio, arce incolumi, stantibus templis deorum, adificare incensam piget? & quod singuli facturi fuimus, si ades nostra deflagrassent, hoc in publico incendio universi recusamus facere? Quid tandem, si fraude, si casu Vejis incendium ortum sit, ventoque (ut fieri potest) diffusa flamma magnam partem urbis absumat; Fidenas inde, aut Gabios, aliamve quam urbem quesituri sumus, quo transmigremus? adeo nihil tenet solum patria, nec hac terra, quam matrem appellamus, sed in superficie tignisque caritas nobis patria pendet? Equidem fatebor vobis, etsi minus injuria vestra, quam mea calamitatis meminisse juvat: cum abessem, quotiescumque patria in mentem veniret, hæc omnia occurrebant, colles campique, & Tiberis, & assueta oculis regio, & hoc calum, sub quo natus educatusque essem. quæ vos, Quirites, nunc moveant potius caritate sua, ut maneatis in sede vestra, quam postea, cum reliqueritis ea, macerent desiderio. Non sine causa dii hominesque hunc urbi condenda locum elegerunt, saluberrimos colles, flumen opportunum, quo ex mediterraneis locis fruges debebantur, quo maritimi commentus accipiantur: mare vicinum ad commoditates, nec expositum nimia propinquitate ad pericula classium externarum: regionum Italia medium, ad incrementum urbis natum unice locum. argumento est ipsa magnitudo tam nova urbis. trecentessimus sexagesimusquintus annus urbis, Quirites, agitur. inter tot vcterissimos populos tamdiu bella geritis; cum interea, ne singulas loquar urbes, non conjuncti cum Æquis Volsci, tot tam valida oppida, non universa Etruria, tantum terra marique pollens, atque inter duo maria latitudinem obtinens Italia, bello vobis par est. Quod cum ita sit, quæ, malum, ratio est in expertis alia experiri, cum jam, ut virtus vestra transire alio possit, fortuna certe loci hujus transferri hinc non possit? Hic Capitolium est; ubi quondam capite humano inventoresponsum est, eo loco caput rerum summamque imperii fore. hic cum augurata liberaretur Capitolium,

1 Expertis) Hujus loci ac situs commoditatem.

*tolium*, *Juventas Terminisque* maximo gaudio patrum nostrorum moveri se non passi. hic *Vesta* ignes, hic *ancilia* calo demissa, hic omnes propitii manentibus vobis dii. Movisse eos Camillus cum alia oratione, tum ea, quæ ad religiones pertinebat, maxime dicitur. sed rem dubiam decrevit opportune 1 vox emissa, quod, cum senatus post paulo de his rebus in curia Hostilia haberetur, cohortesque ex præditiis revertentes forte agmine forum transirent, centurio in comitio exclamavit: *Signifer, statue signum: hic manebimus optime*. Qua voce audita, & senatus accipere se omen ex curia egressus conclamavit, & plebs circumfusa approbavit. Antiquata deinde lege, promiscuæ urbs ædificari cœpta. Tegula publice præbita est: saxi materiæque cædendæ, unde quisque veller, jus factum 2, prædibus acceptis eo anno ædificia perfecturos. festinatio curam exemit vicos dirigendi, dum, omisso sui alienique discrimine, in vacuo ædificant. ea est causa, ut veteres cloacæ primo per publicum ductæ, nunc privata passim subeant tecta; formaque urbis sit occupatæ magis, quam divisæ, similis.

## Q 6. DE

*Vox emissa*) Temere, ab eo homine qui nullo modo præsentem disceptationem intueretur.

2 *Prædibus acceptis*) Ea lege, ut qui ædificabant, prædes darent, qui sponderent eo anno ædificia perfectum iri.

## DECADIS PRIMÆ

## LIBER SEXTUS.

## CAPUT I.

*Brevis rerum hæcenus expositarum anacephalaosis. Series deinde Historia continuatur. A Dictatura M. Furii res redit ad interregnum. Q. Fabius, cum esset illi dies dicta, quod missus legatus pugnasset adversus Gallos, morte judicio subtrahitur. Creati tribuni militares consulari potestate primum omnium de sacris, ac religionibus agunt: diem clade ad Cremeram, & ad Aliam accepta insignem, fastis damnant.*



UÆ ab condita urbe Roma ad captam eandem urbem Romani sub regibus primum, consulibus deinde, ac dictatoribus, decemvirisque ac tribunis consularibus gessere foris bella, domi seditiones, quinque

libris exposui; res cum vetustate nimia obscuras, velut quæ magno ex intervallo loci vix cernuntur; tum quod & raræ per eadem tempora litteræ fuere, una custodia fidelis memoriæ rerum gestarum; & quod etiam si quæ in commentariis pontificum, aliisque publicis privatisque erant monumentis, incensa urbe pleræque interiere. clariora deinceps certioraque ab secunda origine, velut ab stirpibus lætius feraciusque renatæ urbis, gesta domi militiæque exponentur. Ceterum quo primo adminiculo erecta erat, eodem inuixa M. Furio principe

stetit: neque eum abdicare se dictatura, nisi anno circumacto, passi sunt. Comitia in insequentem annum tribunos habere, quorum in magistratu capta urbs esset, non placuit: res ad interregnum rediit. Cum civitas in opere ac labore assiduo reficiendæ urbis teneretur: interim Q. Fabio simul primum magistratu abiit, ab C. Martio tribuno.

*Rara ... litteræ fuisse } Vix quidquam litteris consignabatur.*

buno plebis dicta dies est, quod legatus in Gallos, ad quos missus erat orator, contra jus gentium pugnasset. cui judicio cum mors adeo opportuna, ut voluntariam magna pars crederet, subtraxit. Inrerregnum iniit tum P. Cornelius Scipio iterum, & post eum M. Furius Camillus iterum. is tribunos militum consulari potestate creat, L. Valerium Poplicolam iterum, U. C. L. Virginium, P. Cornelium, A. Manlium, L. 107. Æmilium, L. Postumium. Hi ex interregno cum extemplo magistratum inissent, nulla de re prius, quam de religionibus, senatum consulere. in primis fœdera, ac leges (erant autem æræ duodecim tabulæ, & quædam regis leges) conquiri, & comparari, jusserunt. & alia ex eis edita etiam in vulgus. quæ autem ad sacra pertinebant, a pontificibus maxime, ut religione obstrictos haberent multitudinis animos, suppressa. Tum 2 de diebus religiosis agitari cœptum: diemque ad XV. Kalendas Sextiles, duplici clade insignem, quo die ad Cremeram Fabii cæsi, quo deinde ad Aliam cum exitio urbis fœde pugnatum, a posteriore clade Aliensem appellarunt, insignemque rei nulli publice privatimque agendæ fecerunt. Quidam, quod postridie idus Quintiles non litasset Q. Sulpitius tribunus militum, 3 neque inventa pace Deum post diem tertium objectus hosti exercitus Romanus esset, etiam postridie idus rebus divinis supersederi jussum: inde, ut postridie Kalendas quoque ac nonas eadem religio esset, traditum putant.

CA-

1. *Alia ex eis* ) *Alia* earum legum capita publicarunt.

2. *De diebus religiosis* ) Religiosi dies dicuntur ex A. Gell. IV. 9. in quibus nec res divinas facere, nec rem quampiam novam exordiri licet.

3. *Neque inventa pace deum* ) Et, licet placetidii non essent.

## CAPUT II.

*Circumstantibus bellorum terroribus, dicitur Dictator M. Furius Camillus: conscriptum exercitum in Volscos ducens, eos subigit; in Æquos transiens, ibi quoque rem feliciter gerit: Sutrinis sociis auxilium contra Etruscos petentibus accurrit; atque hostes ingenti clade proterit: triumphans cum magna prada in Urbem revertitur.*

2. **N**ec diu licuit quietis consilia erigendæ ex tam gravi casu Reipublicæ secum agitare. hinc Volsci, veteres hostes, ad extinguendum nomen Romanum arma ceperant: hinc Etruriæ principum ex omnibus populis conjurationem de bello ad fanum Voltumnæ factam, mercatores afferebant. novus quoque terror accesserat defectione Latinorum Hernicorumque; qui, post pugnam ad lacum Regillum factam, per annos prope centum numquam ambigua fide in amicitia populi Romani fuerant. itaque cum tanti undique terrores circumstarent, appareretque omnibus non odio solum apud hostes, sed contemptu etiam inter socios nomen Romanum laborare: placuit ejusdem auspiciis defendi Rempublicam, cujus recuperata esset, dictatoremque dici M. Furium Camillum. is dictator C. Servilium Aham magistrum equitum dixit; iustitioque indicto, delectum juniorum habuit; ita ut seniores quoque, quibus aliquid roboris superesset, in verba sua juratos centuriaret. Exercitum conscriptum armatumque trifariam divisit. partem unam in agro Veiente Etruriæ opposuit: alteram ante urbem castra locare jussit. tribunus militum his A. Manlius, illis, qui adversus Etruscos mittebantur, L. Æmilius præpositus. tertiam partem ipse ad Volscos duxit: nec procul ab Lanuvio (ad Marcium, is locus dicitur) castra oppugnare est adortus. quibus ab contemptu, quod prope omnem deletam a Gallis Romanam juventutem crederent, ad bellum profectis, tantum Camillus auditus imperator terroris intulerat, ut

<sup>1</sup> In verba sua juratos centuriaret. In centurias distribueret, postquam juravissent.



ut vallo se ipsi, vallum congestis arboribus se-  
 pirent, ne qua intrare ad munimenta hostis  
 posset. quod ubi animadvertit Camillus, ignem  
 in objectam sepe conjici jussit. & forte erat  
 vis magna venti versa in hostem. itaque non  
 aperuit solum incendio viam, sed flammis in  
 castra tendentibus, vapore etiam ac fumo, cre-  
 pituque viridis materiæ flagrantis ita conster-  
 navit hostes, ut minor moles superantibus val-  
 lum in castra Volscorum Romanis fuerit, quam  
 transcendentibus sepe incendio absumtam fue-  
 rat. Fuis hostibus, cæsisque, cum castra im-  
 petu cepisset dictator, prædam militi dedit,  
 quo minus speratam a minime largitore duce,  
 eo militi gratiorem. persecutus deinde fugien-  
 tes, cum omnem Volscum agrum depopulatus  
 esset, ad deditionem Volscos septimo ac cen-  
 tesimo demum anno subegit. victor ex Vol-  
 scis in Æquos transiit, & ipsos bellum mo-  
 lientes, exercitum eorum ab Bols oppreßit:  
 nec castra modo, sed urbem etiam aggressus,  
 impetu primo cepit. Cum in ea parte, in qua  
 caput rei Romanæ Camillus erat, ea fortuna  
 esset; aliam in partem terror ingens ingruerat.  
 Etruria prope omnis armata Sutrium socios po-  
 puli Romani obsidebat. quorum legati opem  
 rebus affectis orantes cum senatum adissent, de-  
 cretum: 1 tulere, ut dictator primo quoque tem-  
 pore auxilium Sutrinis ferret. cujus spei mo-  
 ram cum pati fortuna obsessorum non potuisset,  
 confecta 2 paucitas oppidanorum opere, vi-  
 giliis, vulneribusque, quæ semper eosdem ur-  
 gebant, per passionem urbe hostibus tradita,  
 inermes cum singulis emissi vestimentis, mise-  
 rabili agmine penates relinquerent: eo forte  
 tempore Camillus cum exercitu Romano inter-  
 venit. cui cum se mœsta turba ad pedes provol-  
 sisset; principumque orationem necessitate ulti-  
 ma expressam, fletus mulierum ac puerorum,  
 qui exilii comites trahebantur, excepisset: par-  
 cere lamentis Sutrinis jussit: Etruscis se lu-  
 ctum lacrimasque ferre. Sarcinas inde depo-  
 ni Sutrinisque ibi considere modico præsidio  
 reli-

3.

1 *Tulere*) Abstrulere, impetravere.

2 *Paucitas oppidanorum*) Oppidani, qui pauci erant..

relicto, arma secum militem ferre jubet. ita expedito exercitu profectus ad Sutrium, id quod rebatur, soluta omnia rebus, ut sit, secundis invenit; nullam stationem ante moenia, patentes portas, victorem vagum prædam ex hostium tectis egerentem. Iterum igitur eodem die Sutrium capitur: victores Etrusci passim trucidantur ab novo hoste, neque se conglobandi, coeundique in unum, aut arma capiendi datur spatium. cum pro se quisque tenderent ad portas, si qua forte se in agros ejicere possent; clausas (id enim primum dictator imperaverat) portas inveniunt. inde alii arma capere; alii, quos forte armatos tumultus occupaverat, convocare suos, ut prælium inirent: quod accensum ab desperatione hostium fuisset, ni præcones per urbem dimissi *poni arma, & parci inermi* iussissent, *nec præter armatos quemquam violari*. tum etiam quibus animi in spe ultima obstinati ad decertandum fuerant, postquam data spes vitæ est, jactare passim arma, inermesque, quod tutius fortuna fecerat, se hosti offerre, magna multitudo in custodias dimissa: oppidum ante noctem redditum Sutrinis inviolatum, integrumque ab omni clade belli, quia non vi captum, sed traditum per conditiones fuerat.

4. Camillus in urbem triumphans rediit, triumphum simul bellorum victor. longe plurimos captivos ex Etruscis ante currum duxit, quibus sub hasta venundatis, tantum æris redactum est, ut, pretio pro auro matronis persoluto, ex eo, quod supererat, tres patereæ aureæ factæ sint: quas cum titulo nominis Camilli, ante Capitolium incensum, in Jovis cella constat ante pedes Junonis positas fuisse. Eo anno in civitatem accepti, qui Vejentium Capenatiumque ac Faliscorum per ea bella transfugerant ad Romanos, agerque iis novis civibus assignatus. revocati quoque in urbem senatusconsulto a Vejis, qui ædificandi Romæ pigritia, occupatis ibi vacuis tectis, Vejos se contulerant, & primo fremitus fuit aspernantium imperium; dies deinde præstituta, capitalisque poena, nisi remigras-

1 In spe ultima ) Tum cum spes ultima eis fuerat in certamine sita.

migrassent Romam, ex ferocibus universis singulos metu suo quemque obediētes fecit. Et Roma cum frequentia crescere, cum tota simul exurgere ædificiis, & Republica impensas adjuvante, & ædilibus velut publicum exigentibus opus, & ipsis privatis (admonebat enim desiderium usus) festinantibus ad effectum operis. intraque annum nova urbs stetit.

## CAPUT III.

*Duo Etruscorum oppida expugnantur. In Urbe Capitolium saxo quadrato substruitur. Tribunos ex agrariis legibus seditiones moventes, plebs ædificiis intenta minus audit. Ædes Martis dedicatur. Quatuor tribus adduntur.*

EXITU anni comitia tribunorum militum con- U. C.  
sulari potestate habita. Creati T. Quintius 162.  
Cincinnatus, Q. Servilius Fidenas quantum,  
L. Julius Iulus, L. Aquilius Corvus, L. Lucretius Tricipitinus, Ser. Sulpitius Rufus. Exercitum alterum in Æquos, non ad bellum (victos namque se fatebantur) sed ab odio ad pervastandos fines, ne quid ad nova consilia relinquerent virium, duxere: alterum in agrum Tarquiniensem. ibi oppida Etruscorum Cortuosa & Contenebra vi capta, dirutaque. ad Cortuosam nihil certaminis fuit. improvise adorti, primo clamore atque impetu cepere. direptum oppidum atque incensum est. Contenebra paucos dies oppugnationem sustinuit; laborque continuus, non die, non nocte remissus, subegit eos. Cum in sex partes divisus exercitus Romanus, senis horis in orbem succederet prælio; oppidanos eosdem i integro semper certaminis paucitas fessos objiceret: cessare tandem, locisque invadendi urbem Romanis datus est. Publicari prædam, tribunis placebat: sed imperium, quam consilium, segnius fuit. dum cunctantur, jam militum præda erat, nec nisi per invidiam adimi poterat. Eodem anno, ne privatis tantum operibus cresceret urbs, 2 Capitolium quo-

1 Integro semper ) In quo semper adversus integros hostes dimicandum esset.

2 Capitolium . . . saxo quadrato substructum est ) Renovata sunt Capitoliæ fundamenta, & e saxo quadrato structa.

quoque saxo quadrato substructum est, opus vel in hac magnificentia urbis conspiciendum. Jam & tribuni plebis, civitate ædificando occupata, 1 conciones suas frequentare legibus agrariis conabantur. ostentabatur in spem Pompeius ager, tum primum post accisas a Camillo Volscorum res possessionis haud ambigua. Criminabantur, *multo eum 2 infestiores agrum ab nobilitate esse, quam a Volscis fuerit. ab illis enim tantum, quoad vires & arma habuerunt, incursiones eo factas: nobiles homines in possessionem agri publici grassari; nec, nisi, antequam omnia præcipiant, divisus sit, locum ibi plebi fore.* Haud magnopere plebem moverant & infrequentem in foro, propter ædificandi curam, & 3 eodem exhaustam impensis, eoque agri immemorem, ad quem instruendum vires non essent. In civitate plena religionum, tum etiam ab recenti clade superstitionis principibus, ut renovarentur auspicia, res ad interregnum rediit. interreges deinceps, M. Manlius Capitolinus, Ser. Sulpitius Camerinus, L. Valerius Potitus. hic demum tribunorum militum consulari potestate comitia habuit. L. Papirium, C. Sergium, L. Æmilium iterum, C. Corneliolum, L. Menenium, L. Valerium Poplicolum tertium, creat. hi ex interregno magistratum occipere. Eo anno ædes Martis Gallico bello vota, dedicata est a T. Quintio diuviro sacris faciundis. Tribus quatuor ex novis civibus additæ, 4 Stellarina, Tromentina, Sabatina, Narniensis: cæque vigintiquinque tribuum numerum explevere. De agro Pomptino ab L. Sicionio tribuno plebis actum ad frequentiore jam populum, mobilioremque ad cupiditatem agri, quam fuerat. Et de Latino Hernicoque bello mentio facta in senatu, majoris belli cura, quod Etruria in armis erat, dilata est.

CA-

1 Conciones suas frequentare ) Ad conciones suas frequentem civium multitudinem allicere.

2 Infestiores... esse ) Invadi acrius.

3 Eodem ) In ædificandum.

4 Stellarina, Tromentina ) Stellarina tribus ab agro Stellate dicta est, qui in Etruria fuit. Sabatina a Sabate lacu, qui item in Etruria, Tromentina, a Tromento campo.

## CAPUT IV.

*Summa belli contra Antiates Camillo committitur. Hic cum P. Valerio partitur imperium.*

**R**es ad Camillum tribunum militum confu-<sup>U. C.</sup>  
lari potestate rediit. collegæ additi quin-<sup>170.</sup>  
que, Serv. Cornelius Maluginensis, Q. Servi-  
lius Fidenas sextum, L. Quintius Cincinnatus,  
L. Horatius Pulvillus, P. Valerius. Principio  
anni averſæ curæ hominum sunt a bello. Etru-  
ſco: quod fugientium ex agro Pomptino agmen  
repente illatum in urbem attulit, Antiates in  
armis eſſe, Latinorumque populos juventutem  
ſummiſſiſſe ad id bellum, & eo abnuentes publi-  
cum fuiſſe conſilium, quod non prohibitos tan-  
tummodo voluntarios dicerent militare ubi vel-  
lent. Deſierant jam ulla contemni bella, ita-  
que ſenatus diis agere gratias, quod Camillus  
in magiſtratu eſſet. dictatorem quippe dicen-  
dum cum fuiſſe, ſi privatus eſſet: & collegæ  
fateri, regimen omnium rerum, ubi quid belli-  
terroris ingruat, in viro uno eſſe: ſibiſque deſti-  
natum in animo eſſe, Camillo ſummiſſere impe-  
rium: nec quicquam de majeſtate ſua detractum  
credere, quod majeſtati ejus viri conceſſiſſent.  
Collaudatis ab ſenatu tribunis, & ipſe Camil-  
lus confuſus animo gratias egit. Ingens inde,  
ait, onus a populo Romano ſibi, qui ſe dictato-  
rem jam quartum creaffet, magnum a ſenatu  
talibus de ſe judiciis ejus ordinis, maximum  
tam honoratorum collegarum obſequio injungi:  
itaque ſi quid laboris vigiliarumque adjici poſ-  
ſit, certantem ſecum ipſum annuſurum, ut,  
& tanto de ſe conſenſu civitatis, opinionem,  
qua maxima ſit, etiam conſtantem efficiat.  
Quod ad bellum, atque Antiates attineat,  
plus ibi minarum, quam periculi eſſe: ſe ta-  
men ut nihil timendi, ſic nihil contemnendi au-  
torem eſſe. Circumſederi urbem Romanam ab  
invidia & odio finitimorum: itaque & duci-  
bus pluribus, & exercitibus ad adminiſtran-  
dam rempublicam opus eſſe. Te, inquit,  
P. Va-

1. *Eo abnuentes*) Ea ratione nitentes ut abnuerent...

2. *Tanto de ſe conſenſu civitatis*) Ablativus abſolutus, per-  
inde ac ſi diceret: cum tantus ſis de ſe conſenſus civitatis.

adjunctus, commovit animos militis Romani. quod, ubi aciem jam instruenti Camillo centuriones renuntiaverunt, turbatas militum mentes esse, segniter arma capta, cunctabundosque & resistentes egressos castris esse; quin voces quoque auditas, cum centenis hostibus singulos pugnatuuros; & agre inermem tantam multitudinem, nedum armatam, sustineri posse: in equum insilit: & ante signa obversus in aciem, ordines interequitans, Quia tristitia, milites, hac, qua insolita cunctatio est? hostem, an me, an vos ignoratis? hostis est quid aliud, quam perpetua materia virtutis glorieque vestra? vos contra, me duce, ( ut Falerios, Vejosque captos, & in capta patria Gallorum legiones casus taceam ) modo tergemina victoria triplicem triumphum ex his ipsis Volscis, & Aëquis, & ex Etruria egistis. an me, quod non dictator vobis, sed tribunus signum dedit, non agnoscitis ducem? neque ego maxima imperia in vos desidero, & vos in me nihil prater me ipsum intueri decet. neque enim dictatura mihi umquam animos fecit, ut ne exilium quidem ademit. iidem igitur omnes sumus: & cum eadem omnia in hoc bellum afferamus, qua in priora attulimus, eundem eventum belli expectemus. simul concurreritis, quod quisque didicit ac consuevit, faciet: vos vincetis, illi fugient. Dato deinde signo, ex equo desilit: & proximum signiferum manu arreptum secum in hostem rapit, infer miles, clamitans, signum. Quod, ubi videre ipsum Camillum, jam ad munera corporis senecta invalidum, vadentem in hostes; procurrunt pariter omnes clamore sublato, sequere imperatorem, pro se quisque clamantes. emissum etiam signum Camilli jussu in hostium aciem ferunt: idque ut repeteretur, concitatos antesignanos. ibi primum pulsum Antiatem, terroremque non in primam tantum aciem, sed etiam ad subsidiarios perlatum. nec vis tantum militum movebat, excitata presentia ducis: sed quod Volscorum animis nihil terribilius erat, quam ipsius Camilli forte oblata species. ita, quocumque se intulisset, victoriam secum haud dubiam trahere.

1 Resistentes ) Idemdem sistentes gradum.

trahebat. maxime id evidens fuit, cum in lævum cornu, prope jam pulsum, arrepto repente equo cum scuto pedestri advectus, conspectu suo prælium restituit, ostentans vincentem ceteram aciem. Jam inclinata res erat, sed turba hostium & fuga \* impediēbat, & longa  
 \* 21. impe- cæde conficienda multitudo tanta festo militū  
 die- erat: cum repente ingentibus procellis fusus  
 batur imber certam magis victoriam, quam prælium diremit. signo deinde receptui dato, nox insecta quietis Romanis perfecit bellum. Latini namque & Hernici, relictis Volscis, domos profecti sunt, malis consiliis pares adepti eventus. Volsci, ubi se desertos ab eis videre, quorum fiducia rebellaverant, relictis castris, mœnibus Satricis se includunt. quos primo Camillus vallo circumdare, & aggere atque operibus oppugnare est adortus. Quæ postquam nulla eruptione impediri videt; minus esse animi ratus in hoste, quam ut in eo tam lentæ spei victoriam expectaret, cohortatus milites, ne tamquam Vejōs oppugnantes in opere longinquo sese tererent, victoriam in manibus esse; ingenti militum alacritate mœnia undique aggressus, scalis oppidum cepit. Volsci abjectis armis sese dediderunt.

## CAPUT VI.

*Camillus ab Antio bello in sociorum missus auxilium, Nepet, & Sutrium urbes, ab Etruscis captas, recuperat. Ab Latinis, & Hernicis, quod aliqui ex eorum juventute apud Volscos militassent, res repetuntur.*

9. Ceterum animus ducis rei majori, Antio imminebat. id caput Volscorum, eam fuisse originem proximi belli: sed quia nisi magno apparatu, tormentis machinisque tam valida urbs capi non poterat; relicto ad exercitum collega, Roma est profectus, ut senatum ad excidendum Antium hortaretur. inter sermonem ejus (credo rem Antiatem diuturniorem manere diis cordi fuisse.) legati ab Nepet, ac Sutrio auxilium adversus Etruscōs petentes veniunt, brevem occasionem esse ferendi auxilii mēmorantes.

rantes. eo vim Camilli ab Antio fortuna aver-  
tit. namque cum ea loca opposita Etruriæ, &  
velut claustra inde portæque essent: & illis oc-  
cupandi ea, cum quid novi molirentur, &  
Romanis recuperandi tuendique cura erat. Igi-  
tur senatui cum Camillo agi placuit, ut omisso  
Antio, bellum Etruscum susciperet. Legiones  
urbanæ, quibus Quintius præfuerat, ei decer-  
nuntur. quamquam expertum exercitum assue-  
tumque imperio, qui in Volscis erat, mallet,  
nihil recusavit: Valerium tantummodo impe-  
rii socium depoposcit. Quintius, Horatiusque  
successores Valerio in Volscis missi. Profecti  
ab urbe Sutrium Furius & Valerius, partem op-  
pidi jam captam ab Etruscis invenere, ex par-  
te altera interseptis itineribus ægre oppidanos  
vim hostium ab se arcentes. tum Romani au-  
xilii adventus, tum Camilli nomen celeberrimum  
apud hostes sociosque, & in præsentia  
rem inclinatam sustinuit, & spatium ad opem  
ferendam dedit. ita diviso exercitu, Camillus  
collegam, eam in partem circumductis copiis,  
quam hostes tenebant, mœnia aggredi jubet,  
non tanta spe scalis capi urbem posse, quam  
ut, aversis eo hostibus, & oppidanis jam pu-  
gnando fessis laxaretur, labor, & ipse spatium  
intrandi sine certamine mœnia haberet. Quod  
cum simul utrinque factum esset; ancepsque  
terror Etruscos circumstaret; & mœnia summa  
vi oppugnari, & intra mœnia esse hostem vi-  
derent; porta se, quæ una forte non obsidebatur,  
trepidi uno agmine ejecere. magna cædes fu-  
gientium, & in urbe, & per agros est facta,  
plures a Furianis intra mœnia cæsi. Valeria-  
ni expeditiores ad persequendos fuere; nec an-  
te noctem, quæ conspectum ademit, finem  
cædendi fecere. Sutrio recepto, restitutoque  
fociis, Neper exercitus ductus; quod per de-  
ditionem acceptum jam totum Etrusci habe-  
bant. Videbatur plus in ea urbe recipienda  
laboris fore, non in eo solum, quod tota ho-  
stium erat, sed etiam quod, parte Nepefino-  
rum prodente civitatem, facta erat deditio.  
mitti tamen ad principes eorum placuit, ut secer-  
nerent se ab Etruscis, fidemque quam imple-  
rassent



raherent ab Romanis, ipsi præstarent. unde cum responsum allatum esset, nihil suæ potestatis esse; Etruscos moenia, custodiasque portarum tenere: primo populationibus agri terror est oppidanis admotus; deinde, postquam deditio- nis, quam societatis, fides sanctior erat, fasci- bus farmentorum ex agro collatis ductus ad mœ- nia exercitus, completisque fossis scalæ admo- tæ, & clamore primo impetuque oppidum ca- pitur. Nepesinis inde edictum, ut arma po- nant; parciue iussura inermi. Etrusci pariter armati atque inermes cæsi. Nepesinorum quo- que auctores deditiois securi percussi: inno- xiæ multitudini redditæ res, oppidumque cum præsidio relictum. ita, duabus sociis urbibus ex hoste receptis, victorem exercitum tribuni cum magna gloria Romam reduxerunt. Eodem anno ab Latinis Hernicisque res repetitæ, quæ- situmque, cur per eos annos militem ex insti- tuto non dedissent. Responsum frequenti utrius- que gentis consilio est, *nec culpam in eo publi- cam, nec consilium fuisse, quod sua iuventutis aliqui apud Volscos militaverint: eos tamen ipsos pravi consilii pœnam habere, nec quemquam ex his reducem esse. militis autem non dati cau- sam, terrorem assiduum a Volscis fuisse: quam pestem adharentem lateri suo tot super alia aliis bellis exhauriri nequisse.* Quæ relata patribus

11. magis tempus, quam causam, non visa belli ha- bere.

## C A P U T VII.

*Foris bellum a Volscis, adjuncta Latinorum, & Hernicorum defectione; domi a M. Manlio Capitolino: seditio excitatur; cum urgeret utrum- que, Dictator dicitur.*

U. C. 171 **I**Nsequentî anno, A. Manlio, P. Cornelio, T. & L. Quintiis Capitolinis, L. Papirio Cur- fore iterum, C. Sergio iterum tribunis militum consulari potestate, grave bellum foris, gravior domi seditio exorta: bellum a Volscis, adjun- cta Latinorum atque Hernicorum defectione; seditio, unde minime timeri potuit, a patri- ciæ gentis viro & inclytæ famæ, M. Manlio Capito-

Capitolino: qui nimius animis, cum alios principes sperneret, uni invideret, eximio simul honoribus atque virtutibus M. Furio; ægre ferebat solum eum in magistratibus, solum apud exercitus esse; *tantum jam eminere, ut iisdem auspiciis creatos non pro collegis, sed pro ministris habeat: cum interim, si quis vere aestimare velit, a M. Furio recuperari patria ex obsidione hostium non potuerit, nisi a se prius Capitolium, atque arx servata esset: & ille inter aurum accipiendum, & spem pacis solutis animis Gallos aggressus sit; ipse armatos capientesque arcem depulerit: illius gloria pars virilis apud omnes milites sit, qui simul vicerint; sua victoria neminem omnium mortalium socium esse.* His opinionibus inflato animo, ad hoc vitio quoque ingenii vehemens & impotens, postquam inter patres, non quantum æquum censebat, excellere suas opes animadvertit; primus omnium ex patribus popularis factus, cum plebeiis magistratibus consilia communicare, criminando patres, alliciendo ad se plebem. jam aura, non consilio ferri, famæque magnæ malle quam bonæ esse: & non contentus agrariis legibus, quæ materia semper tribunis plebis seditionum fuisset, fidem demoliri cœpit. *acriores quippe æris alieni stimulos esse, qui non egestatem modo atque ignominiam minentur, sed nervo ac vinculis corpus liberum territent.* & erat æris alieni magna vis, res damnosissima etiam divitibus, ædificando contracta. bellum itaque Volscum grave per se, oneratum Latinorum atque Hernicorum defectione, in speciem causæ jactatum, ut major potestas quæreretur. sed nova consilia Manlii magis compulere senatum ad dictatorem creandum. creatus A. Cornelius Cossius magistrum equitum dixit T. Quintium Capitolinum.

## CAPUT VIII.

*Dictator, facta primum exercitui certa spe victoris ex causa victima, Volscorum ingentem exercitum secundo pralio superat.*

**D**ictator etsi majorem dimicationem propositam domi, quam foris cernebat; ta-  
R
men,

zum terrorem equestrem occupatis alio pavore infer : inuictusque ordines pugnantium dissipat. Sic eques, sic pedes, ut præceperat, pugnant. nec dux legiones, nec fortuna fefellit ducem. Multitudo hostium nulli rei, præterquam numero, freta, & oculis utramque metiens aciem, temere prælium iniit, temere omisit: clamore tantum, missilibusque telis, & primo pugnae impetu ferox, gladios, & collatum pedem, & vultum hostis ardore animi micantem ferre non potuit. impulsæ frons prima, & trepidatio subsidiis illata, & suum terrorem intulit eques. rupti inde multis locis ordines, motaque omnia, & fluctuanti similis acies erat. deinde postquam, cadentibus primis, jam ad se quisque perventuram cædem cernebat, terga vertunt. instare Romanus : & donec armati confertique abibant, peditum labor in persequendo fuit. Postquam jactari arma passim, fugaque per agros spargi aciem hostium animadversum est ; tum equitum turmae emissæ, dato signo ne in singulorum morando cæde spatium ad evadendum interim multitudini darent : satis esse missilibus ac terrore impediri cursum, obequitandoque agmen teneri, dum assequi pedes, & iusta cæde conficere hostem posset. fugæ, sequendique non ante noctem finis fuit. capta quoque ac direpta eodem die castra Volscorum, prædaque omnis, præter libera corpora, militi concessa est. pars maxima captivorum ex Latinis atque Hernicis fuit, nec hominum de plebe, ut credi posset mercede militasse, sed principes quidam juventutis inventi, manifesta fides, publica ope Volscos hostes adjutos. Circejensium quoque quidam cogniti, & coloni a Velitris : Romanque omnes missi, percunctantibus primoribus patrum, eadem, quæ dictatori, defectionem sui quisque populi haud perplexe indicavere.

R 2

C A.

1 iusta cæde ) Plena cæde, quæ non carperet hostem, sed conficeret.

2 Manifesta fides ) Quod manifestum argumentum erat.

## CAPUT IX.

*Manlius plebem popularibus factis, ac spe salu-  
tati in Patres incitando, venit in dies magis  
in suspicionem affectati regni. Romam Dictator  
accitur; ab eo citatus, cum ea, qua quære-  
rentur, ambagibus eluderet, in carcerem conjicitur.*

14. **D**ictator exercitum in stativis tenebat, mi-  
nime dubius bellum cum his populis pa-  
tres iussuros: cum major domi exorta moles  
coegit acciri Romam eum, glisciente in dies se-  
ditione, quam solito magis metuendam auctor  
faciebat. non enim jam orationes modo M.  
Manlii, sed facta, popularia in speciem, tu-  
multuosa eadem, qua mente fierent, intuenda  
erant. centurionem nobilem militaribus factis,  
iudicatum pecuniæ eum duci vidisset, medio fo-  
ro cum caterva sua accurrit, & manum injecit;  
vociferatusque de superbia patrum, ac crudeli-  
tate foeneratorum, & miseris plebis, virtuti-  
bus ejus viri fortunæque, tum vero, *Ego*, in-  
quit, *nequicquam hac dextra Capitolium arce-  
mque servaverim, si civem commilitonemque me-  
um, tamquam Gallis victoribus, captum in ser-  
vitutem ac vincula duci videam.* Inde rem cre-  
ditori palam populo solvit, libraque & ære li-  
beratum emittit, deos atque homines obtestan-  
tem, ut M. Manlio, liberatori suo, parenti ple-  
bis Romanae, gratiam referant. acceptus extem-  
plo in tumultuosam turbam & ipse tumultum  
augebat, cicatrices acceptas Veienti, Gallico,  
aliisque deinceps bellis ostentans: *se militan-  
tem, se restituentem cversos penates, & multipli-  
ci jam sorte exoluta, mergentibus semper sortem  
usuris, obrutum fœnore esse: videre lucem, fo-  
rum, civium ora, M. Manlii opera: omnia pa-  
rentum beneficia ab illo se habere: illi se devo-  
vere corporis vitæque ac sanguinis quod super-  
sit: quodcumque sibi cum patria, penatibus  
publicis ac privatis juris fuerit, id cum uno  
homine esse.* His vocibus instincta plebes cum  
jam unius hominis esset, addita alia commotio-  
ris

\* Multiplici jam sorte ) Usuris sese semper supra sortem  
quodammodo coaccervantibus.

ris ad omnia turbanda consilia res. fundum in Veienti, caput patrimonii, i subiecit præconi, *Ne quem vestrum*, inquit, *Quirites, donec quicquam in re mea supererit, iudicatum, addictumve duci patiar*. Id vero ita accendit animos, ut per omne fas ac nefas secuturi vindicem libertatis viderentur. Ad hoc domi concionantis in modum sermones pleni criminum in patres: inter quos cum omisso discrimine vera an vana jaceret, thesauros Gallici auri occultari a patribus jecit: nec jam possidendis publicis agris contentos esse, nisi pecuniam quoque publicam avertant: ea res si palam fiat, exolvere plebem ære alieno posse. Quæ ubi objecta spes est, enimvero indignum facinus videri, cum conferendum ad redimendam civitatem a Gallis aurum fuerit, tributo collationem factam: idem aurum ex hostibus captum, in paucorum prædæ cessisse. itaque exequabantur quærendo, ubi tantæ rei furtum occultaretur; differenteque, & tempore suo se indicaturum dicente, ceteris omissis, eo versæ erant omnium curæ; apparebatque nec veri indicii gratiam mediam, nec falsi offensionem fore. Ita suspensis rebus 15. dictator accitus ab exercitu in urbem venit. postero die senatu habito, cum, satis periclitatus voluntates hominum, discedere senatum ab se vetuisset; stipatus ea multitudo, sella in comitio posita, viatorem ad M. Manlium misit: qui dictatoris jussu vocatus, cum signum suis dedisset adesse certamen, agmine ingenti ad tribunal venit. hinc senatus, hinc plebs suum quisque intuentes, ducem, velut in acie constiterant. Tum dictator silentio facto, *Utinam*, inquit, *mibi, patribusque Romanis ita de ceteris rebus cum plebe conveniat, quemadmodum, quod ad te attinet, camque rem, quam de te sum quasiurus, conventurum satis confido. Spem factam a te civitati video, 2 fide incolumi, ex thesauris Gallicis, quos primores patrum occultant, creditum solvi posse: cui ego rei tantum abest ut impedimento sim, ut contra*

R 3 te,

1 Subjicis præconi ) Præconis voce venalem proponi jussit.

2 Fide incolumi ) Ita ut creditores nihil ex eo, quod mutuum dedissent, amitterent.

indiciū cogeret, aut fateri facinus insimulati falso crimine senatus, oblatæque vani furti invidiæ; negantem arbitrio inimicorum se locuturum, in vincula duci iussit. Arreptus a viatore, Jupiter, inquit, optime maxime, Junoque regina, ac Minerva, ceterique dii deaque, qui Capitolium arcemque incolitis, siccine vestrum militem ac præsidem finitis vexari ab inimicis? hac dextra, qua Gallos fudi a delubris vestris, jam in vinculis & catenis erit? Nullius nec oculi, nec aures indignitatem ferebant: sed invicta sibi quædam patientissima justiperii civitas fecerat; nec adversus dictatoriam vim aut tribuni plebis, aut ipsa plebs attollere oculos, aut hiscere audebant.

## CAPUT X.

Ducto in carcerem Manlio, fremit multitudo: ad eam leniendam Satricum colonia deducitur: sed ea re magis irritata seditione, Manlius vinculis liberatur. Sociis, quorum juventus apud Volscos militaverat, factum purgantibus, triste responsum datur.

Conjecto in carcerem Manlio, satis constat, magnam partem plebis vestem mutasse, multos mortales capillum ac barbam promississe, obversatamque vestibulo carceris mœstam turbam. Dictator de Volscis triumphavit: invidiæque magis triumphus, quam gloriæ fuit: quippe domi, non militiæ partum eum, actumque de cive, non de hoste fremebant: unum defuisse tantum superbiæ, quod non M. Manlius ante currum sit ductus. Jamque haud procul seditione res erat: cujus leniendæ causa, postulante nullo, largior voluntarius repente senatus factus, Satricum coloniam duo millia civium Romanorum deduci iussit. bina jugera, & semisses agri assignati. quod cum & parvum, & paucis datum, & mercedem esse providendi M. Manlii interpretarentur, remedio irritatur seditio: & jam magis insignis sordibus & facie reorum turba Manliana erat, amorisque

R 4

post

( Barbam promississe ) In luctu neglectam promissamque barbam fluere sinebant.

17. poſt triumphum abdicatione dictaturæ terror, & linguam & animos liberaverat hominum. Audiebantur itaque propalam voces exprobrantium multitudini, quod defensores ſuos in præcipitem ſemper locum favore tollat, deinde in ipſo discrimine periculi deſtituat. ſic Sp. Caſſium, in agros plebem vocantem, ſic Sp. Malium ab ore civium famem ſuis impenſis propulſantem, oppreſſos: ſic M. Manlium, merſam & obrutam fœnore partem civitatis in libertatem ac lucem extrahentem, proditum inimicis. ſaginare plebem populares ſuos, ut jugulentur. hocine patiendum fuiſſe, ſi ad nutum dictatoris non reſponderit vir conſularis? fingerent mentitum ante, atque ideo non habuiſſe quod tum reſponderet: cui ſervo umquam mendacii pœnam vincula fuiſſe? Non obverſatam eſſe memoriam noctis illius, quæ pene ultima atque æterna nomini Romano fuerit? non ſpeciem agminis Gallorum per Tarpejam rupem ſcandentis? non ipſius M. Manlii, qualem cum armatum, plenum ſudoris ac ſanguinis, ipſo pene Jove erepto ex hoſtium manibus vidiffent? ſeſſibris ne farris gratiam ſervatori patriæ relata? & quem prope caeleſtem, cognomine certe Capitolino Jovi parem fecerint, eum pati vincitum in carcere, in tenebris obnoxiam carnificis arbitrio ducere animam? adeo in uno omnibus ſatis auxilium fuiſſe, nullam opem in tam multis uni eſſe. Jam ne nocte quidem turba ex eo loco dilabebatur: refracturosque carcerem minabantur: cum remiſſo, id quod crepturi erant, ex ſenatusconſulto Manlius vinculis liberatur. quo facto non ſeditio finita, ſed dux ſeditioni datus eſt. Per eodem dies Latinis & Hernicis, ſimul colonis Circejenſibus, & a Velitris purgantibus ſe Volſci crimine belli, captivosque repetentibus, ut ſuis legibus in eos animadverterent, triſtia reſponſa reddita; triſtiora colonis, quod cives Romani patriæ oppugundæ nefanda conſilia inſilent. Non negatum itaque tantum de captivis: ſed, in quo ab ſociis tamen temperaverant, denuntiatum ſenatus verbis, facerent propere ex urbe, ab ore atque oculis populi Romani; ne nihil eos legationis jus, externo, non civi comparatum, regeret.

## C A P U T. XI.

*Manlius in seditione gravius perseverans, privatis concionibus plebem incitat; manifesta jam regni cupiditate, in eum, ut in hostem, ab Senatu decernitur.*

**R** Ecrudescente Manliana seditione, sub exitu 18. anni comitia habita, creatique tribuni militum consulari potestate ex patribus Sergius Cornelius Maluginensis tertium, P. Valerius Potitus iterum, M. Furius Camillus quintum, Servius Sulpitius Rufus iterum, C. Papirius Crassus, T. Quintius Cincinnatus secundum. Cujus principio anni & patribus & plebi peropportune externa pax data: plebi, quod non avocata delectu, spem cepit, dum tam potentem haberet ducem, sceleris expugnandi: patribus, ne quo externo terrore avocarentur animi ab sanandis domesticis malis. igitur cum pars utraque acrior aliquanto coorta esset, & jam in propinquum certamen aderat: & Manlius, advocata domum plebe, cum principibus novandarum rerum interdum noctuque consilia agit: plenior aliquanto animorum irarumque, quam antea fuerat. Iram accenderat ignominia recens in animo ad contumeliam inexpectato: spiritus dabat, quod nec ausus esset idem in se dictator, quod in Sp. Mælio Cincinnatus Quintius fecisset, & vinculorum suorum invidiam non dictator modo abdicando dictaturam fugisset, sed ne senatus quidem sustinere potuisset. His simul insitus exacerbatusque, jura per se accensos incitabat plebis animos: *Quotiesque tandem ignorabitis vires vestras, quas natura ne belluas quidem ignorare voluit? numerate saltem quot ipsi sitis, quot adversarios habeatis: si singuli singulos aggressuri essetis, tamen acrius crederem vos pro libertate, quam illos pro dominatione certaturos. quot enim clientes circa singulos fuistis patronos; tot nunc adversus unum hostem eritis. ostendite modo bellum, pacem habebitis. videant vos paratos ad usum; ipsi remitt-*

R 5

*1 Jam in propinquum certamen aderat: & Manlius 1 In propinquum tempus.*



remittent. audendum est aliquid universis, aut omnia singulis patienda. Quousque me circumspicietabitis? ego quidem nulli vestrum decro. ne fortuna mea desit, videte. ipse vindex vester, ubi visum inimicis est, nullus repente fui. & vidistis in vincula duci universi eum, qui a singulis vobis vincula depuleram. quid sperem, si plus in me audeant inimici? an exitum Cassii Malique expectem? bene facitis, quod abominamini: dii prohibebunt hac; sed numquam propter me de calo descendunt: vobis dent mentem oportet, ut prohibeatis; sicut mihi dederunt armato togatoque, ut vos a barbaris hostibus, a superbis defenderem civibus. Tam parvus animus tanti populi est, ut semper vobis auxilium adversus inimicos satis sit, nec ullum, nisi quatenus imperari vobis sinatis, certamen adversus patres noritis? nec hoc natura insitum vobis est, sed usu possidemini. cur enim adversus externos tantum animorum geritis, ut imperare illis æquum censeatis? quia consuevistis cum eis pro imperio certare, adversus hos tentare magis, quam tueri, libertatem. tamen qualescumque duces habuistis, qualescumque ipsi fuistis, omnia adhuc, quantacumque petistis, obtinuistis, seu vi, seu fortuna vestra: tempus est jam majora conari. experimini modo & vestram felicitatem; & me, ut spero, feliciter expertum, minore negotio, qui imperet patribus, impenetis, quam qui resisterent imperantibus, impoluistis. Solo æquandæ sunt dictatura consulatesque, ut caput attollere Romana plebes possit. Proinde adeste, prohibete jus de pecuniis dici, ego me patronum profiteor plebis; quod mihi cura mea, & fides nomen induit, vos si quo insigni magis imperii honorisve nomine vestrum appellabitis. ducem, eo utemini potentiore ad obtinenda ea, quæ vultis. Inde de regno agendi ortum initium dicitur: sed nec cum quibus, nec quem ad finem consilia pervenerint, sat planum traditur. At in parte altera senatus de secessione in domum privatam plebis, forte etiam in arce positam, & imminenti mole libertati agitatur. magna pars

VO-

a. Et imminenti mole libertati ) Et periculo, quod immineret libertati.

vociferantur, Servilio Ahala opus esse, qui non in vincula duci iubendo irritet publicum hostem, sed unius jactura civis finiat intestinum bellum. decurritur ad leniorem verbis sententiam, vim tamen eandem habentem, ut videant magistratus, ne quid ex perniciosis consiliis M. Manlii respu. detrimenti capiat. Tum tribuni militum consulari potestate, tribunique plebis (nam, quia eundem & suæ potestatis, quem libertatis omnium, finem cernebant, patrum auctoritati se dediderant) hi tum omnes, quid opus facto sit, consultant. cum, præter vim & cædem, nihil cuiquam occurreret; eam autem ingentis dimicationis fore appareret: tum M. Mænius & Q. Publilius trib. pleb. quid patrum & plebis certamen facimus, quod civitatis esse adversus unum pestiferum civem debet? quin cum plebe aggredimur eum, quem per ipsam plebem tutius aggredi est? ut suis ipse operatus viribus ruat, diem dicere ei nobis in animo est. nihil minus populare, quam regnum est. simul multitudo illa non secum certari viderint, & ex advocatis iudices facti erunt, & accusatores de plebe patricium reum intuebuntur, & regni crimen in medio; nulli magis, quam libertati favebunt sua.

## CAPUT XII.

*A tribunis plebis reus fit Manlius. Cum in Capitolii conspectu populus non daret crimini locum, alia parte damnatus de saxo Tarpejo deicitur: cavetur inde, ne quis patricius in Capitolio habitet; ac ne quis Manlia gentis. M. Manlius vocetur,*

**A**pprobantibus cunctis, diem Manlio dicunt, quod ubi est factum, primo commota plebs est, utique postquam sordidatum reum viderint, nec cum eo non modo patrum quemquam, sed ne cognatos quidem aut affines, p. Itremo ne fratres quidem A. & T. Manlios; quod ad eum diem numquam usuyenisset, ut in tanto discrimine non & proximi vestem mutarent. Appio Claudio in vincula ducto, C. Claudium inimicum, Claudiamque omnem gentem sordidatam fuisse, consensu opprimi popu-

larem virum, quod primus a patribus ad plebem defecisset. Cum dies venit, quæ, præter cætus multitudinis, feditiosasque voces, & largitionem, & fallax indicium, pertinentia proprie ad regni crimen, ab accusatoribus objecta sunt reo, apud neminem auctorem invenio, nec dubito haud parva fuisse; cum damnandi mora plebi non in causa, sed in loco fuerit. illud notandum videtur, ut sciant homines, quæ, & quanta decora fœda cupiditas regni, non ingrata solum, sed invisa etiam reddiderit. Homines prope CCCC. produxisse dicitur, quibus sine fœnore <sup>2</sup> expensas pecunias tulisset, quorum bona venire, quos duci addictos prohibuisset. ad hæc decora quoque belli non commemorasse tantum, sed protulisse etiam conspicienda, spolia hostium cæsorum ad XXX. dona imperatorum ad XL. in quibus insignes duas; murales coronas, civicas octo. ad hoc servatos ex hostibus cives produxisse, inter quos C. Servilium, magistrum equitum, absentem nominatum. & cum ea quoque, quæ bello gesta essent, pro fastigio rerum oratione etiam magnifica, facta dictis æquando, memorasset, nudasse pectus insigne cicatricibus bello acceptis; & identidem Capitolium spectans, Jovem deosque alios devocasse ad auxilium fortunarum suarum: precatusque esse, ut, quam mentem sibi Capitolinam arcem protegenti ad salutem populi Romani dedissent, eam populo Romano in suo discrimine darent; & orasse singulos universosque, ut Capitolium atque arcem intuentes, ut ad deos immortales versi, de se judicarent. In campo Martio cum centuriatim populus citaretur; & reus ad Capitolium manus tendens, ab hominibus ad deos preces avertisset: apparuit tribunis, nisi oculos quoque hominum liberaissent a tanti memoria decoris, numquam fore in præoccupatis beneficio

<sup>1</sup> *Non ingrata solum ... reddiderit*). *Ingratum* hic sumitur pro eo cui gratia non persolvitur.

<sup>2</sup> *Expensas pecunias tulisset*). *Expensum* ferre & est in tabulas accepti & expensi referre, & sumitur pro *solvere* & *dare pecuniam*.

<sup>3</sup> *Murales coronas*). *Muralis* erat *corona*, qua donabatur ab imperatore, qui primus in oppidum hostium per vim ascendisset.

scio animis vero crimini locum. ita producta die, in Petelinum lucum extra portam Flumentanam, unde conspectus in Capitolium non esset, concilium populi indictum est. ibi crimen valuit, & obstinatis animis triste iudicium, inuisumque etiam iudicibus factum. sunt qui duumviros, qui de perduellione anquirerent, creatos, auctores sint. Damnatum tribuni de saxo Tarpejo deiecerunt: locusque idem in uno homine & eximiae gloriae monumentum, & poenae ultimae fuit. Adiectae mortuo notae sunt: publica una, quod, cum domus ejus fuisset, ubi nunc aedes atque officina Monetæ est, latum ad populum est, ne quis patricius in arce, aut Capitolio habitaret: gentilitia altera, quod gentis Manliæ decreto cautum est, ne quis deinde M. Manlius vocaretur. Hunc exitum habuit vir, nisi in libera civitate natus esset, memorabilis. Populum brevi, postquam periculum ab eo nullum erat, per se ipsas recordantem virtutes, desiderium ejus tenuit. pestilentia etiam brevi consecuta, nullis occurrentibus tantæ cladis causis, ex Manliano supplicio magnæ parti videri orta. *Violatum Capitolium esse sanguine servatis, nec diis cordi fuisse poenam ejus oblatam prope oculis suis, a quo sua templa erepta e manibus hostium essent.*

## C A P U T XIII.

*Novi hostes exoriuntur Lanuvini: cum Veliter-  
nis prospere pugnatur, quibus omni auxilium  
tulissent Praenestini, his quoque bellum indici-  
tur. Satrico deinde cum Praenestinis, Volscis  
conjunctis, expugnato, Volscum bellum Tri-  
buno militum Camillo decernitur.*

**P**estilentiam, inopiam frugum, & vulga-  
tam utriusque mali famam, anno insequen-  
te multiplex bellum excepit, L. Valerio quar-  
tum, A. Manlio tertium, Ser. Sulpitio terti-  
um, L. Lucretio, L. Æmilio tertium, M.  
Trebonio, tribunis militum consulari potesta-  
te. Hostes novi, præter Volscos velut sorte qua-  
dam prope in æternum exercendo Romano militi-  
darios, Circeiosque, & Velitras, colonias jamdiu

molientes defectionem, & suspectum Latium, Lanuvini etiam, quæ fidelissima urbs fuerat, subito exorti. Id patres rati contemptu accidere, quod Veliternis civibus suis tamdiu impunita defectio esset, decreverunt, ut primo quoque tempore ad populum ferretur de bello eis indicendo. ad quam militiam quo paratior plebes esset, Quinqueviros Pomptino agro dividendo, & Triumviros Neper coloniae deducendæ creaverunt. Tum, ut bellum juberent, latum ad populum est, & nequicquam dissuadentibus tribunis plebis, omnes tribus bellum iusserunt. Apparatum eo anno bellum est, exercitus propter pestilentiam non eductus: eaque cunctatio colonis spatium dederat deprecandi lenatum; & magna hominum pars eo, ut legatio supplex Romam mitteretur, inclinabat: ni privato, ut sit, periculo publicum implicitum esset, auctoresque defectionis ab Romanis, metu ne soli crimini subjecti, piacula iræ Romanorum dederentur, avertissent colonias a consiliis pacis. neque in senatu solum per eos legatio impedita est, sed magna pars plebis incitata, ut prædatum in agrum Romanum exirent. hæc nova injuria exturbavit omnem spem pacis. De Prænestinorum quoque defectione eo anno primum fama exorta: arguentibusque eos Tusculanis, & Gabinis, & Lavicanis, quorum in fines incursatum erat, i ita placide ab senatu responsum est, ut minus credi de criminibus, quia nollent ea vera esse, appareret.

22. Insequenti anno Sp. & L. Papirii, novi tribuni militum consulari potestate, Velitras legiones duxere, quatuor collegis Ser. Cornelio U.C. Maluginensi quartum, Q. Servilio, C. Sulpicio, L. AEmilio quartum, tribunis ad prælidium urbis, & si qui ex Etruria novi motus nuntiarentur, (omnia enim inde suspecta erant) relictis. Ad Velitras adversus majora pene auxilia Prænestinorum, quam ipsam colonorum multitudinem, secundo prælio pugnatum est: ita, ut propinquitas urbis hosti & causa maturioris fugæ, & unum ex fuga receptaculum esset. Oppidi oppugnatione tribuni abstinere; quia

3 Ita placide... ut) Placide quidem, sed ita ut.

quia & anceps erat, nec in perniciem coloniæ pugnandum censebant. litteræ Romam ad senatum cum victoriæ nuntiis acriores in Prænestinum, quam in Veliternum hostem, missæ. Itaque senatusconsulto, populique jussu bellum Prænestinis indictum. qui conjuncti Volscis anno insequente Satricum, coloniam populi Romani pertinaciter a colonis defensam, vi expugnaverunt, \* scdamque in captivis exercuere victoriam. Eam rem ægre passi Romani, M. Furium Camillum sextum tribunum militum creavere. additi collegæ, A. & L. Postumii Regillenses, ac L. Furius cum L. Lucretio, & M. Fabio Ambusto. Volscum bellum M. Furio extra ordinem decretum. adjutor ex tribunis forte L. Furius datur, non tam e repub., quam ut collegæ materia ad omnem laudem esset, & publice, quod rem temeritate ejus prolapsam restituit; & privatim, quod ex errore gratiam potius ejus sibi, quam suam gloriam, petiit.

## CAPUT XIV.

*Camillus cum L. Furio ad Satricum ducit exercitum: ibi, cum milites provocati ab hostibus pugnam poscerent, tergiversatur: cum instaret moram increpando collega quoque, acies instruitur. Temeritate collega ad precipitem casum rem adductam, Camillus virtute restituit.*

**E**Xactæ jam ætatis Camillus erat: comitiisque jurare parato in verba excusandæ valetudini solita, consensus populi restiterat. sed vegetum ingenium in vivido pectore vigeat, virebatque integris sensibus, & civiles jam res haud magnopere obeuntem bella excitabant. Quatuor legionibus quaternum millium scriptis, exercitu indicto ad portam Esquilinam in posteram diem, ad Satricum profectus, ibi cum expugnatores coloniæ haudquaquam perculsi, fidentes militum numero, quo aliquantum præstabant, opperiebantur. Postquam appropinquare Romanos senserunt, extemplo in aciem procedunt, nihil dilaturi, quin periculum summæ rerum facerent: ita paucitati hostium nihil artes imperatoris

23. unici, quibus solis confiderent, profuturas esse. Idem ardor & in Romano exercitu erat, & in altero duce: nec præsentis dimicationis fortunam ulla res, præterquam unius viri consilium atque imperium, morabatur; qui occasionem juvandarum ratione virium trahendo bello quærebat. eo magis hostis instare: nec jam pro castris tantum suis explicare aciem, sed procedere in medium campi, & vallo prope hostium signa inferendo, superbam fiduciam virium ostentare. Id ægre patiebatur Romanus miles; multo ægrius alter ex tribunis militum L. Furius, ferox tum ætate & ingenio, tum multitudinis, ex incertissimo fumentis animos, spe inflatus. hic per se jam milites incitatos insuper instigabat, elevando, qua una poterat, ætate auctoritatem collegæ, juvenibus bella data dictitans, & cum corporibus vigere & deflorescere animos: cunctatorem ex acerrimo bellatore factum; & qui adveniens castra urbesque primo impetu capere sit solitus, eum residem intra vallum tempus terere: quid accessurum suis, decessurumve hostium viribus sperantem? quam occasionem? quod tempus? quem insidiis instruendum locum? frigere ac torpere senis consilia. sed Camillo tum vita satis, tum gloria esse. quid attinere cum mortali corpore uno, civitatis, quam immortalem esse deceat, pati consensescere vires? His sermonibus tota in se averterat castra, & cum omnibus locis posceretur pugna; Sustinere, inquit, M. Furi, non possumus militum impetum; & hostis, cujus animos cunctando auximus, jam minime toleranda superbia insultat. cede unus omnibus, & patere te vinci consilio, ut maturius bello vincas. ad eam Camillus: Quæ bella suo unius auspicio gesta ad eam diem essent, negare in eis neque se, neque populum Romanum aut consilii sui, aut fortuna præstituisse: nunc scire, se collegam habere jure imperioque parem, vigoro ætatis præstantem; itaque se, quod ad exercitum attineat, regere consuesse, non regi. collega imperium se non posse impedire. diis bene juvantibus ageret, quod e republica duceret. ætati suæ se veniam etiam petere, ne in prima acie es-

esset. quæ senis munia in bello sint, iis se non  
 defuturum. Id a diis immortalibus precari, ne  
 qui casus suum consilium laudabile efficiat. Nec  
 ab hominibus salutaris sententia, nec a diis tam  
 piæ proces auditæ sunt. primam aciem auctor  
 pugnæ instruit, subsidia Camillus firmat, va-  
 lidamque stationem pro castris opponit. ipse e-  
 dito loco spectator intentus in eventu alieni  
 consilii constitit. Simul primo concursu con-  
 crepuere arma, hostis dolo, non metu pedem  
 retulit. Lenis a tergo clivus erat inter aciem  
 & castra: &, quod multitudo suppeditabat,  
 aliquot validas cohortes in castris armatas in-  
 structasque reliquerant, quæ inter commissum  
 jam certamen, ubi vallo appropinquasset hostis,  
 erumperent. Romanus cedentem hostem effuse  
 sequendo, in locum iniquum pertractus, oppor-  
 tunus huic eruptioni fuit. versus itaque in vi-  
 ctorem terror & novo hoste, & supina valle  
 Romanam inclinavit aciem. Instant Volsci re-  
 centes, qui e castris impetum fecerant: inte-  
 grant & illi pugnam, qui simulata cesserant fu-  
 ga. Jam non recipiebat se Romanus miles; sed  
 immemor recentis ferociæ, veterisque decoris,  
 terga passim dabat, atque effuso cursu castra re-  
 petebat: cum Camillus, \* sublat<sup>al.</sup>us a circum-  
 stantibus in equum, & raptim subsidiis op-  
 positis, *Hæc est, inquit, milites, pugna, quam  
 poposcistis? quis homo, quis deus est, quem  
 accusare possitis? vestra illa temeritas, vestra  
 ignavia hæc est: secuti alium ducem, sequimini  
 nunc Camillum; &, ut ductu meo soletis, vin-  
 cite. quid vallum & castra spectatis? neminem  
 vestrum illa, nisi victorem, receptura sunt. Pu-  
 dor primo tenuit effusos: inde, ut circumagi si-  
 gna, obvertique aciem viderunt, \* ruunt in ho-  
 stem: & dux, præterquam quod tot insignis tri-  
 umphis, etiam ætate venerabilis, inter prima si-  
 gna, ubi plurimus labor periculumque erat, se of-  
 ferebat; increpare singuli se quisque, & alios; &  
 adhortatio invicem totam alacri clamore pervasit  
 aciem. Neque alter tribunus rei defuit: sed missus a  
 collega restituyente peditum aciem ad equites, non*

ca-

\* *Vestra illa temeritas, vestra ignavia hæc est*). illa, præ-  
 teritum tempus; hæc præsens indicat.



castigando, (ad quam rem leviozem auctorem eum culpæ societas fecerat) sed ab imperio totus ad preces versus, orare singulos universosque, ut se, reum fortuna ejus diei, crimine eximerent. Abnuente ac prohibente collega, temeritatis me omnium potius socium, quam unius prudentia dedi. Camillus in utraque vestra fortuna suam gloriam videt: ego, ni restituitur pugna, quod miserrimum est, fortunam cum omnibus, infamiam solus sentiam. Optimum visum est in fluctuantem aciem tradi equos, & pedestri pugna invadere hostem. eunt insignes armis animisque, qua premi parte maxime pedittum copias vident: nihil neque apud duces, neque apud milites remittitur a summo certamine animi. Sensit ergo eventus virtutis enixæ opem: & Volsci, qua modo simulato metu cesserant, ea in veram fugam effusi: magna pars & in ipso certamine, & post in fuga cæsi: ceteri in castris, quæ capta eodem impetu sunt; plures tamen capti, quam occisi: ubi in re-

25. censendis captivis cum Tusculani aliquot noscitantur, secreti ab aliis ad tribunos adducuntur; percontantibusque fassi publico consilio se militasse. Cujus tam vicini belli metu Camillus motus, extemplo se Romam captivos ducturum ait, ne patres ignari sint, Tusculanos ab societate descisse: castris exercituique interrim, si videatur, præsit collega. documento unus dies fuerat, ne sua consilia melioribus præferret. nec tamen aut ipsi, aut in exercitu cuiquam satis placato animo Camillus laturus culpam ejus videbatur; qua data in tam præcipientem casum respub. esset, & tum in exercitu, tum Romæ constans omnium fama erat, cum varia fortuna in Volscis gesta res esset; adversæ pugnæ fugæque in L. Furio culpam, secundæ decus omne penes M. Furium esse.

## C A P U T . XV.

*Contra Tusculanos, quorum aliquot cum Volscis militaverant, mittitur Camillus: nullo apud eos belli invento vestigio, ad Senatum venire cum jussi essent, pax petentibus datur.*

**I**Ntroducitis in senatum captivis, cum bello persequendos Tusculanos patres censuissent,

Ca-

Camilloque id bellum mandassent; adiutorem sibi ad eam rem unum petit: permissoque ut ex collegis optaret, quem vellet, contra spem omnium L. Furium optavit. Qua moderatione animi cum collegæ levavit infamiam, tum sibi gloriam ingentem peperit. Nec fuit cum Tusculanis bellum. pace constanter vim Romanam arcuerunt, quam armis non poterant. Intransibiles fines Romanis, non demigratum ex propinquis itineri locis, non cultus agrorum intermissus: patentibus portis urbis rogati obviam frequentes imperatoribus processere: commeatus exercitui comiter in castra ex urbe & ex agris devehitur. Camillus, castris ante portas positus, eadem ne forma pacis, quæ in agris ostentaretur, etiam intra mœnia esset, scire cupiens; ingressus urbem, ubi patentes januas, & tabernis apertis proposita omnia in medio vidit, intentosque opifices suo quemque operi, & ludos litterarum strepere discantium vocibus, ac repletas semitas inter vulgus aliud puerorum & mulierum huc atque illuc euntium, qua quemque suorum usum causæ ferrent; nihil usquam non pavidis modo, sed ne mirantibus quidem simile circumspiciebat, omnia inquirens oculis, ubinam bellum fuisset. adeo nec amotæ rei usquam, nec oblatae ad tempus vestigium ullum erat: sed ita omnia constanti tranquilla pace, ut eo vix fama belli perlata videri posset. Victus igitur patientia hostium, senatum eorum <sup>26.</sup> vocari iussit. *Soli adhuc, inquit, Tusculani, vera arma, verasque vires, quibus ab ira Romanorum vestra tutaremini, invenistis. ite Romam ad senatum, aestimabunt patres, utrum plus ante pœna, an nunc venia meriti sitis. i non precipiam gratiam publici beneficii. deprecandi potestatem a me habueritis, precibus eventum vestris senatus, quem videbitur, dabit.* Postquam Romam Tusculani venerunt, senatusque paulo ante fidelium sociorum mœstus in vestibulo curiæ est conspectus; moti extemplo patres, vocari eos jam tum hospitaliter magis, quam hostiliter, iussere. Dictator Tulculanus ita ver-

<sup>1</sup> Non precipiam) Non præcepam quidquam e gratia ejus beneficii, quod totum vos senatui debere decet.

verba fecit: Quibus bellum indixistis, intulistisque, Patres conscripti, sicut nunc videtis nos stantes in vestibulo curia vestra, ita armati paratique obviam imperatoribus legionibusque vestris processimus. hic nosser, hic plebis nostra habitus fuit, eritque semper, nisi si quando a vobis, proque vobis arma acceperimus. Grati-  
 as agimus & ducibus vestris, & exercitibus, quod oculis magis, quam auribus crediderunt; & ubi nihil hostile erat, ne ipsi quidem fecerunt. pacem, quam nos prastitimus, eam a vobis petimus: bellum eo, sicubi est, avertatis precamur. In nos quid arma polleant vestra, si pati-  
 endo experiundum est, inermes experiemur. hac mens nostra est, dii immortales faciant, tam felix, quam pia. Quod ad crimina attinet, quibus moti bellum indixistis: etsi revicta rebus verbis confutare nihil attinet; tamen, etiam si vera sint, vel fateri nobis ea, cum tam evidenter poenituerit, tutum censemus. peccetur in vos, dum digni sitis, quibus ita satisfiat. Tantum fere verborum ab Tusculanis factum. pacem in præsentia, nec ita multo post civitatem etiam impetraverunt. ab Tusculo legiones deductæ.

## CAPUT XVI.

Propter aris alieni magnitudinem, tribuni plebis seditionem excitant: contra Prænestinos bellum moventes delectum impediunt: ea capta occasione, hostes ad Urbem inferunt signa: sum dictus dictator exercitum conscribit: par utrinque fiducia ostentatur.

27. **C**Amillus consilio & virtute in Volscobello, felicitate in Tusculana expeditione, utrobique singulari adversus collegam patientia & moderatione insignis, magistratu abiit, creatis tribunis militaribus in insequentem annum  
 UC L. & P. Valeriis, Lucio quintum, Publio tertium, & C. Sergio tertium, I. Menenio iterum, P. Papirio, Ser. Cornelio Maluginense. Cen-  
 376. soribus quoque eguit annus, maxime propter incertam famam aris alieni, aggravantibus summam etiam invidiæ ejus tribunis plebis, cum ab iis elevaretur, quibus, fide magis, quam fortuna debentium laborare creditum,

videri expediebat. Creati Censores, C. Sulpitius Camerinus, Sp. Postumius Regillensis. cœptaque jam res morte Postumii, quia collegam suffici censori religio erat, interpellata est. igitur cum Sulpitius abdicasset se magistratu, censores alii vitio creati non gesserunt magistratum. tertios creare, velut diis non accipientibus in eum annum censuram, religiosum fuit. Eam vero ludificationem plebis tribuni ferendam negabant. *Fugere senatum testes tabulas publicas census cuiusque, quia nolint conspici summam aris alieni, quæ indicatura sit demersam partem a parte civitatis; cum interim obaratum plebem objectari aliis atque aliis hostibus. passim jam sine ullo discrimine bella quarri: ab Antio Satricum, ab Satrico Velitras, inde Tusculum legiones ductas. Latinis, Hernicis; Prænestinis jam intentari arma, civium magis, quam hostium odio: ut in armis terant plebem, nec respirare in urbe, aut per orium libertatis meminisse sinant, aut consistere in concione, ubi aliquando audiant vocem tribunitiam de levando sænore, & sine altarum injuriarum agentem. Quod si sit animus plebi memor patrum libertatis, se nec addici quæquam civem Romanum ob creditam pecuniam passuros; neque delectum haberi, donec inspecto are alieno, initaque ratione minuendi ejus, sciat unusquisque, quid sui, quid alieni sit: supersit sibi liberum corpus, non id quoque nervo debeat. Merces seditionis proposita confestim seditionem excitavit. nam & addicebantur multi; & ad Prænestini famam belli novas legiones scribendas patres censuerant. quæ utraque simul auxilio tribunitio, & consensu plebis impediri cœpta. nam neque duci addictos tribuni sinebant, neque juniores nomina dabant: cum patribus minor præsens cura creditæ pecuniæ juris exequendi, quam delectus esset: quippe jam a Prænestis profectos hostes in agro Sabino confedissee nuntiabatur. interim tribunos plebis fama ea ipsa irritaverat magis ad susceptum certamen, quam deterruerat. neque aliud ad seditionem extinguendam in urbe, quam prope illatum mœnibus ipsis bellum valuit.*

Nam

28. Nam cum esset Prænestinis nuntiatum, nullum exercitum conscriptum Romæ, nullum ducem certum esse, patres ac plebem in semetipsos verfos: occasionem rati duces eorum, raptim agmine \* facto pervastatis i protinus agris, ad portam Collinam signa intulere. Ingens in urbe trepidatio fuit. conclamatum ad arma, concursumque in muros atque portas est: tandemque ab seditione ad bellum versi, dictatorem T. Quintium Cincinnatum creavere. is magistrum equitum A. Sempronium Atratinum dixit. Quod ubi auditum est, ( tantus ejus magistratus terror erat ) simul hostes a mœnibus recessere, & juniores Romani ad edictum sine detrectatione convenere. Dum conscribitur Romæ exercitus, castra interim hostium haud procul Alia flumine posita. inde agrum late populantes, fatalem se urbi Romanæ locum cepisse inter se jactabant: *similem pavorem inde ac fugam fore, ac bello Gallico fuerit. etenim si diem contactum religione, insignemque nomine ejus loci timeant Romani; quanto magis Aliensi die Aliam ipsam monumentum tanta cladis reformidaturos? species profecto his ibi truces Gallorum, sonumque vocis in oculis atque in auribus fore.* Has inanum rerum inanes ipsas volventes cogitationes, fortunæ loci delegaverant spes suas. Romani contra, *ubicumque esset Latinus hostis, satis scire eum esse, quem ad Regillum lacum devictum centum annorum pace obnoxia tenuerint. locum insignem memoria cladis irritaturum se potius ad delendam memoriam dedecoris, quam ut timorem faciat, ne qua terra sit nefasta victoria sua. quin ipsi si ibi Galli se offerant, illo loco se ita pugnatorios, ut Roma pugnauerint in repetenda patria, ut postero die ad Gabios, tunc, cum effecerint, ne quis hostis, qui mœnia Romana intrasset, nuntium secunda aduersaque fortuna domum perferret.*

## C A P U T XVII.

Dictator Prænestinos fundit: eorum novem oppida vi capit.

His utrinque animis ad Aliam ventum est. Dictator Romanus, postquam in conspectu ho-

\* *Præsignis*) Uno tenore prout incedebant.

hostes erant instructi, intentique, *Vides ne tu,* inquit, *A. Sempronii, loci fortuna illos fretos ad Aliam constitisse? nec illis dii immortales certioris quicquam fiducia, majorisve quod sit auxilium, dederint. at tu fretus armis animisque, concitatis equis invade mediam aciem: ego cum legionibus in turbatos, trepidantesque inferam signa. Adeste, dii testes fœderis, & expetite pœnas debitas simul vobis violatis, nobisque per vestrum numen deceptis. Non equitem, non peditem sustinere Prænestini. primo impetu ac clamore dissipati ordines sunt: deinde, postquam nullo loco constabat acies, terga vertunt: consternatique, & præter castra etiam sua pavore prælati, non prius se ab effuso cursu sistunt, quam in conspectu Præneste sunt. ibi ex fuga dissipati, locum, quem tumultuario opere communirent, capiunt, ne, si intra mœnia se recepissent, extemplo ureretur ager, depopulatisque omnibus obsidio urbi inferretur. sed postquam, direptis ad Aliam castris, victor Romanus aderat; id quoque munimentum relictum, & vix mœnia tuta rati, oppido se Præneste includunt. Octo præterea oppida erant sub ditioe Prænestinorum. ad ea circumlatum bellum; deincepsque haud magno certamine captis, Velitras exercitus ductus. eæ quoque expugnatae. tum ad caput belli Præneste ventum. id non vi, sed per deditioem receptum est. T. Quintius semel acie victor, binis castris hostium, novem oppidis vi captis, Præneste in deditioem accepto, Romam revertit; triumphansque signum Præneste devectum Jovis Imperatoris in Capitolium tulit. dedicatum est inter cellam Jovis, ac Minervæ; tabulaque sub eo fixa, monumentum rerum gestarum, his ferme incisa litteris fuit: *Jupiter, atque divi omnes hoc dederunt, ut T. Quintius dictator oppida novem caperet. Die xx. quam creatus erat, dictatura se abdicavit.**

## CAPUT XVIII.

*Ducum temeritate res cum Volscis haud prospere geritur. Setiam colonia deducitur.*

**C**omitia inde habita tribunorum militum <sup>30.</sup> & consulari potestate; quibus æquatus pa- 377.  
tricio-

triciorum, plebeiiorumque numerus. Ex patri-  
bus creati P. & C. Manlii cum L. Julio: ple-  
bes C. Sextilium, M. Albinum, L. Antistium  
dedit. Manliis, quod genere plebeios, gratia  
Julium antebant, Volsci provincia i sine for-  
te, sine comparatione extra ordinem data: cu-  
jus & ipsos postmodum, & patres, qui dede-  
rant, pœnituit. Inexplorato pabulatum cohor-  
tes misere. quibus velut circumventis, cum id  
falso nuntiatum esset, dum, præsidio ut essent,  
citati feruntur, ne auctore quidem asservato,  
qui eos hostis Latinus pro milite Romano fru-  
stratus erat, ipsi in insidias præcipitavere. ibi  
dum iniquo loco sola virtute militum restantes  
cæduntur, cæduntque, castra interim Romana,  
jacentia in campo ab altera parte hostes inva-  
sere. Ab ducibus utrobique prodita temeritate  
atque inscitia res. quicquid superfuit fortunæ  
populi Romani, id militum etiam sine rectore  
stabilis virtus tutata est. Quæ ubi Romam sunt  
relata, primum dictatorem dici placebat: dein-  
de, postquam quietæ res ex Volscis asfereban-  
tur, & apparuit, nescire eos victoria & tempore  
uti, revocati etiam inde exercitus ac duces. o-  
tiumque inde, quantum a Volscis, fuit. id modo  
extremo anno tumultuatum, quod Prænestini  
concitatis Latinorum populis rebellarunt. Eo-  
dem anno Setiam, ipsis querentibus penuriam  
hominum, novi coloni adscripti. Rebulque haud  
prosperis bello, domestica quies, quam tribu-  
norum militum ex plebe gratia majestasque in-  
ter suos obtinuit, solatium fuit,

## C A P U T XIX.

*Seditioni propter æs alienum excitata intervenit  
illatus a Volscis terror: profecti duo exercitus,  
cum hostes non invenissent, eorum agrum po-  
pulantur.*

31. I Nsequentis anni principia statim seditione  
U.C. ingenti arserè, tribunis militum consulari  
378. potestate, Sp. Furio, Q. Servilio iterum, C. Li-  
cinius,

i Sine forte, sine comparatione) Fere enim aut fortiebantur  
provincias, aut inter se comparabant, i. e. communi con-  
sensu inter se constituebant, quis ad bellum egredi, quis  
Romæ manere deberet.

cinio, P. Clœlio, M. Horatio, L. Geganio. Erat autem & materia, & causa seditionis, & alienum: cuius noscendi gratia Sp. Servilius Priscus, Qu. Clœlius Sículus censores facti, ne rem agerent, bello impediti sunt. namque trepidi nuntii primo, fuga deinde ex agris, legiones Volscorum ingressas fines, popularique passum Romanum agrum, attulere. In qua trepidatione tantum abfuit, ut civilia certamina terror externus cohiberet, ut contra eo violentior tribunitia potestas impediendo delectui esset: donec conditiones imposita patribus, nequis, quoad bellatum esset, tributum daret, aut jus de pecunia credita diceret. eo laxamento plebi sumto, mora delectui non est facta. Legionibus novis scriptis, placuit duos exercitus in agrum Volscum legionibus divisim duci. Sp. Furius, M. Horatius dextrorsus maritimam oram, atque Antium, Q. Servilius & L. Geganius læva ad montes Ecetram pergunt. Neutra parte hostis obvius fuit, populatioque non illi vagæ similis, quam Volscus, latrocinii more, discordia hostium fretus, & virtutem metuens, per trepidationem raptim fecerat; sed ab justo exercitu iusta ira facta, spatio quoque temporis gravior. quippe a Volscis timentibus, ne interim exercitus ab Roma exiret, incursiones in extrema finium factæ erant: Romano contra etiam in hostico morandi erat causa, ut hostem ad certamen eliceret. itaque omnibus passim testis agrorum, vicisque etiam quibusdam exustis, non arbore frugifera, non faris in spem frugum relictis, omni, quæ extra mœnia fuit, hominum pecudumque præda abacta, Romam utrinque exercitus reducti.

## CAPUT XX.

*Ære alieno obstricti, quibus laxamentum datum fuerat, de integro vexantur: cum patriciorum opes prepollerent, tres exercitus, plebe non impediante, scribuntur: horum validissimus proficiscitur contra Latinos, & Volscos; qui fusa Satricum petunt, ab Satrico Antium.*

**P**Arvo intervallo ad respirandum debitoribus dato, postquam quæstæ res ab hostibus 323

Tom. I.

S

erant.



erant, & celebrari de integro jurisdictio: & tantum abesse spes veteris levandi fœnoris, ut tributo novum fœnus contraheretur in murum a U. C. cenforibus locatum, saxo quadrato faciundum. <sup>379</sup> cui succumbere oneri coacta plebes: quia, quem delectum impedirent, non habebant tribuni plebis. Tribunos etiam militares patricios omnes coacta principum opibus fecit, L. Æmilium, P. Valerium quartum, C. Veturium, Ser. Sulpitium, L. & C. Quintios Cincinnatos. Iisdem opibus obrinuerunt, ut adversus Latinos, Volscosque, qui conjunctis legionibus ad Satricum castra habebant, nullo impediante omnibus junioribus sacramento adactis, tres exercitus scriberent: unum ad præsidium urbis; alterum, qui, si qui alibi motus extitisset, ad subita <sup>\*</sup> bella mitti posset; tertium, longe validissimum, P. Valerius & L. Æmilius ad Satricum duxerunt. ubi cum aciem instructam hostium loco æquo invenissent, extemplo pugnatum: & in nondum satis claram victoriam, sic prosperæ spei pugnam imber ingentibus procellis fusus diremit. postero die iterata pugna: & aliquantulum æqua virtute fortunaque Latinæ maxime legiones, longa societate militiam Romanam edoctæ, restabant. eques immixtus ordines turbavit: turbatis signa peditum illata, quantumque Romana se invexit acies, tantum hostes gradu demoti. & ut semel inclinavit pugna, jam intolerabilis Romana vis erat. Fusi hostes, cum Satricum, quod duobus millibus inde aberat, non castra peterent, ab equite maxime cæsi. castra capta, direptaque. Ab Satrico nocte, quæ prælio proxima fuit, fugæ simili agmine petunt Antium: & cum Romanus exercitus prope in vestigiis sequeretur, plus tamen timor, quam ira, celeritatis habuit. prius itaque mœnia intravere hostes, quam Romanus extrema agminis carpere, aut morari posset. inde aliquot dies vastando agro absumti, nec Romanis satis instructis apparatu bellico ad mœnia aggredienda, nec illis ad ubeundum pugnæ casum.

C. A.

<sup>\*</sup> Celebrari jurisdictio) Jus assidue dici cœpit de pecuniis creditis.

## CAPUT XXI.

*Antiatibus deditionem spectantibus, Latini, qui eo ab fuga se receperant, inde abeunt: Satrico incenso, Tusculum occupant: ibi, superveniente Romano exercitu, ab Romanis, & oppidanis ad unum caduntur.*

**S**editio tum inter Antiates Latinosque coor-<sup>33.</sup>ta; cum Antiates victi malis, subactique bello, in quo & nati erant, & consenuerant, deditionem spectarent; Latinos ex diutina pace nova defectio recentibus adhuc animis ferociore ad perseverandum in bello faceret. finis certaminis fuit, postquam utrisque apparuit, nihil per alteros stare, quo minus incepta persequerentur. Latini profecti a societate pacis, ut rebantur, inhonestæ, sese vindicaverunt. Antiates, incommodis arbitris salutarium consiliorum remotis, urbem agrosque Romanis dedunt. Ita & rabies Latinorum, quia nec Romanos bello lædere, nec Volscos in armis retinere potuerant, eo erupit, ut Satricum urbem, quæ receptaculum primum eis adversæ pugnæ fuerat, igni concremarent. nec aliud tectum ejus superfuit urbis, cum faces pariter sacris profanisque injicerent, quam matris Maturæ templum. inde eos nec sua religio, nec vercundia deum arcuisse dicitur, sed vox horrenda, edita templo cum tristibus minis, ni nefandos ignes procul delubris amovissent. incensos ea rabie impetus Tusculum tulit, ob iram, quod, deserto communi concilio Latinorum, non in societatem modo Romanam, sed etiam in civitatem se dedissent. patentibus portis cum improvise incidissent, primo clamore oppidum, præter arcem, captum est. in arcem oppidani refugere cum conjugibus ac liberis: nuntiosque Romam, qui certiores de suo casu senatum facerent, misere. Haud segnius quam fide populi Romani dignum fuit, exercitus Tusculum ductus. L. Quintius, & Ser. Sulpitius tribuni militum duxere. clausas portas Tusculi, Latinosque simul obsidentium atque obsessorum animo hinc mœnia tueri vident, illinc arcem

S 2

oppu-

oppugnare, terrere una ac pavere. adventus Romanorum mutaverat utriusque partis animos; Tusculanos ex ingenti metu in summam alacritatem, Latinos ex prope certa fiducia mox capiendæ arcis, quoniam oppido potirentur, in exiguam de se ipsis spem verterat. Tollitur ex arce clamor ab Tusculanis: excipitur aliquanto majore ab exercitu Romano. utrinque urgentur Latini: nec impetus Tusculanorum decurrentium ex superiore loco sustinent: nec Romanos subeuntes mœnia, molientesque obices portarum arcere possunt. scalis prius mœnia capta: inde effracta claustra portarum. & cum anceps hostis & a fronte & a tergo urgeret, nec ad pugnam ulla vis, nec ad fugam loci quicquam superesset; in medio cæsi ad unum omnes. Recuperato ab hostibus Tusculo, exercitus Romanam est reductus.

## CAPUT XXII.

*Vi aris alieni plebem cum Patres opprimerent, res novas molienti occasionem præbet filia M. Fabii Ambusti, apud plebem potentis: quæ dum dolet non eam fortunam esse sibi ex matrimonio, quæ sorori esset, patrem eo adducit, ut aditum ad honores aperiat L. Sextio marito, qui, eo annitente, factus tribunus plebis, leges adversus patres una cum collega Licinio promulgar; inter quas illam, ut alter consul de plebe fiat.*

34. **Q**Uanto magis prosperis eo anno bellis tranquilla omnia foris erant, tanto in urbe vis patrum in dies, miseræque plebis crescebant; cum eo ipso, quod necesse erat solvi, facultas solvendi impediretur. itaque cum jam ex re nihil dari posset, fama & corpore judicati atque addicti creditoribus satisfaciebant, poenæque in vicem fidei cesserat. adeo ergo obnoxios sumuniserant animos non infimi solum, sed principes etiam plebis, ut non modo ad tribunatum militum inter patricios petendum, quod tanta vi ut liceret, retenderant; sed ne ad plebe-

1 Cum eo ipso) Cum necessitas ipsa solvendi sine mora facultatem solvendi impediret.

1 Poena ... in vicem fidei cesserat) In locum solutionis poenâ successerat.

plebeios quidem magistratus capeffendos, petendosque, ulli viro acri, experientique animus esset; possessionemque honoris usurpati modo a plebe per paucos annos recuperasse in perpetuum patres viderentur. Ne id nimis lætumparti alteri esset, parva, ut plerumque solet, rem ingentem moluendi causa intervenit. M. Fabii Ambusti, potentis viri, cum inter sui corporis homines, tum etiam ad plebem, quod haudquaquam inter id genus contentor ejus habebatur, filia duæ nuptæ, Ser. Sulpitio major, minor C. Licinio Stolori erat, illustri quidem viro, tamen plebeio: eaque ipsa affinitas, haud spreta, gratiam Fabio ad vulgum quæsierat. Forte ita incidit, ut in Ser. Sulpitii tribuni militum domo sorores Fabiæ cum inter se, ut sit, sermonibus tempus tererent; lictor Sulpitii, cum is de foro se domum reciperet, forem, ut mos est, virga percuteret. cum ad id moris ejus insueta expavisset minor Fabia, risui sorori fuit, miranti ignorare id sororem. ceterum is risus stimulos parvis mobili rebus animo muliebri subdidit: frequentiaque prosequentium rogantiumque; numquid veller, credo fortunatum matrimonium ei sororis visum: sui que ipsam, malo arbitrio, quo a proximis quisque minime anteciri vult, poenituisse. confusam eam ex recenti morfu animi cum pater forte vidisset, percontatus, fatin' salvæ? avertentem causam doloris, quippe nec satispiam adversus sororem, nec admodum in virum honorificam, elicit comiter sciscitando, ut faceretur eam esse causam doloris, quod juncta impari esset, nupta in domo, quam nec honos, nec gratia intrare posset. consolans insit: eosdem propediem domi visuram honores, quos apud sororem viderat. Inde consilia inire cum genero cœpit, adhibito L. Sextio strenuo adolescente, & cujus spei nihil præter genus patricium deesset. Occasio videbatur rerum novandarum

S 3

pro-

<sup>1</sup> Molo arbitrio) Per illam judicandi & sentiendi pravitatem, qua...

<sup>2</sup> Avertentem causam doloris) Vertentem alio ac dissimulantem causam doloris. Elicit ut sciretur, i. e. compulsetur.

propter ingentem vim æris, cuius levamen mali plebes, nisi suis in summo imperio locatis, nullum speraret: accingendum ad eam cogitationem esse. conando, agendoque jam eo gradum fecisse plebeios, unde si porro annitantur, pervenire ad summa; & patribus æquari tam honore; quam virtute possent. In præsentia tribunos plebis fieri placuit, quo magistratu sibimetipsi viam ad ceteros honores aperirent. creatique tribuni C. Licinius & L. Sextius promulgavere leges omnes adversus opes patriciorum; & pro commodis plebis: unam de ære alieno, ut, deducto eo de capite, quod usuris pernumeratum esset, id quod superesset, triennio æquis portionibus persolveretur: alteram de modo agrorum, ne quis plus quingenta jugera agri possideret: tertiam, ne tribunorum militum comitia fierent, sed consulum, & ut i utique alter ex plebe crearetur: cuncta ingentia, & quæ sine certamine maximo obtineri non possent. Omnium igitur simul rerum, quarum immodica cupido inter mortales est, agri, pecuniæ, honorum discrimine proposito, conterriti patres cum trepidassent, publicis privatisque consiliis nullo remedio alio præter expertam multis jam ante certaminibus intercessionem invento, collegas adversus tribunicias rogationes comparaverunt: qui, ubi tribus ad suffragium ineundum citari a Licinio Sextioque viderunt, stipati patrum præsidii, nec recitari rogationes, nec solemne quicquam aliud ad sciscendum plebi fieri passi sunt. Jamque, frustra sæpe concilio advocato, cum pro antiquatis rogationes essent, *Bene habet*, inquit Sextius; *quandoquidem tantum intercessionem pollere placet, isto ipso telo tutabimur plebem. agitedum, comitia indicite, patres, tribunis militum creandis. faxo, ne juvet vox ista, Veto, qua nunc concinentes collegas nostros tam lati auditis.* Haud irritæ cecidere minæ: comitia, præter ædiliū tribunorumque plebis, nulla sunt habita. Licinius Sextiusque tribuni plebis resecti nullos curules magistratus creari passi sunt. eaque solitudo magistratuum, & plebe reficien-

U. C.  
380.  
381.  
382.  
383.  
384.

te duos tribunos, & his comitia tribunorum militum tollentibus, per quinquennium urbem tenuit.

## CAPUT XXIII.

*Foris exercitus Rom. Veliternos a Tusculi obsidione repellit: domi, propter leges a Sextio, & Licinio latas, magna inter tribunos, & Patres certamina exoriantur.*

**A**lia bella opportune quievere; Veliterni 36. coloni i gestientes otio, quod nullus exercitus Romanus esset, & agrum Romanum aliquoties incurfavere, & Tusculum oppugnare adorti sunt. eaque res, Tusculanis veteribus fociis, novis civibus, opem orantibus, verecundia maxime non patres modo, sed etiam plebem movit. remittentibus tribunis plebis comitia per interregem sunt habita: creatique tribuni militum L. Furius, A. Manlius, Serv. Sulpitius, S. Cornelius, P. & C. Valerii haudquaquam tam obedientem in delectu, quam in U. C. comitiis plebem habuere: ingentique contentione exercitu scripto profecti, non ab Tusculo modo submovere hostem, sed intra suamet ipsum moenia compulere: obsidebanturque haud paulo vi majore Velitræ, quam Tusculum obsessum fuerat: nec tamen ab eis, a quibus obsideri coeptæ erant, expugnari potuere. ante novi creati sunt tribuni militum Q. Servilius, C. Veturius iterum, A., & M. Cornelii, Q. Quintius, M. Fabius. Nihil ne ab his quidem tribunis ad Velitras memorabile factum. In majore discrimine domi res vertebantur. nam præter Sextium Liciniumque latores legum jam octavum tribunos plebis reelectos, Fabius quoque tribunus militum, Stolonis focer, quarum legum auctor fuerat, earum suasorem se haud dubium ferebat. & cum octo ex collegio tribunorum plebis primo intercessores legum fuissent, quinque soli erant: &, (ut ferme solent, qui a suis desciscunt) 2 capti, & stupentes animi

1 *Gestientes otio*) Impatientes otii, & motum armaque alacri cupiditate appetentes.

2 *Capti & stupentes animi*) Vox animi est in gignendi casu.

animi vocibus alienis id modo, quod domi præceptum erat, intercessioni suæ prætendebant. Velitris in exercitu plebis magnam partem abesse: in adventum militum comitia differri debere, ut universa plebes de suis commodis suffragium ferret. Sextius Liciniusque cum parte collegarum, & uno ex tribunis militum Fabio, artifices jam tot annorum usu tractandianimos plebis, primores patrum productos interrogando de singulis, quæ ferebantur ad populum fatigabant: *auderent ne postulare, ut, cum bina jugera agri plebi dividerentur, ipsis plus quingenta jugera habere liceret? ut singuli prope trecentorum civium possiderent agros; plebeio homini vix ad tectum necessarium, aut locum sepultura suus pateret ager? An placeret sænore circumventam plebem, ni potius quam sortem creditum solvat, corpus in nervum ac supplicia dare? & gregatim quotidie de foro addictos duci? & repleri vinētis nobiles domos? & ubicumque patricius habitet, ibi*

37. *carcerem privatum esse? Hæc indigna, miserandaque auditu cum apud timentes sibimet ipsos majore audientium indignatione, quam sua, increpuissent, atqui nec agros occupandi modum, nec sænore trucidandi plebem, alium patribus umquam fore affirmabant, nisi alterum ex plebe consulem custodem suæ libertatis plebs fecisset. contemni jam tribunos plebis, quippe quæ potestas jam suam ipsa vim frangat intercedendo. non posse a quo jure agi; ubi imperium penes illos, penes se auxilium tantum sit: nisi imperio communicato, i numquam plebem in parte pari reipublica fore: nec esse quod quisquam satis putet, si plebeiorum ratio comitiis consularibus habeatur; nisi alterum consulem utique ex plebe fieri necesse sit, neminem fore. an jam memoria exisse, cum tribunos militum iccirco potius, quam consules, creari placuisset, ut & plebeiis pateret summus honos, IV. & XL. annis neminem ex plebe tribunum militum creatum esse? quis crederet, duobus in locis sua voluntate impertituros plebi honorem, qui octona loca tribunis militum creandis occupare soliti sint? & ad consulatum viam fieri passu-*

i Numquam plebem in parte pari reipublica fore. Numquam plebem pari cum Patribus jure in reipublica fruturam.

furos, qui tribunatum septum tamdiu habuerint lege obtinendum esse, quod comitiis per gratiam nequeat: & sponendum extra certamen alterum consulatum, ad quem plebi sit aditus: quoniam in certamine relictus, premium semper potentioris futurus sit. nec jam posse dici, id quod antea jactare soliti sint, non esse in plebeiis idoneos viros ad curules magistratus. numquid enim socordius, aut segnius rempublicam administrari post P. Licinii Calvi tribunatum, qui primus ex plebe creatus sit, quam per eos annos gesta sit, quibus præter patricios nemo tribunus militum fuerit? quin contra, patricios aliquot damnatos post tribunatum, neminem plebeum. quæstores quoque, sicut tribunos militum, paucis ante annis ex plebe cooptos creari: nec ullius eorum populum Romanum poenituisse. consulatum superesse plebeiis: eam esse arcem libertatis, id columen: si eo peruentum sit, tum populum Romanum vere exactos ex urbe Reges, & stabilem libertatem suam existimaturum. quippe ex illa die in plebem ventura omnia, quibus patricii excellant, imperium atque honorem, gloriam belli, genus, nobilitatem, magna ipsis fruenda, majora liberis relinquenda. Hujus generis orationes ubi accipi videre, novam rogationem promulgant, ut pro duumviris sacris faciundis decemviri creentur; ita ut pars ex plebe, & pars ex patribus fiat: omniumque earum rogationum comitia in adventum ejus exercitus differunt, qui Velitras obsidebat. Prius <sup>38.</sup> circumactus est annus, quam a Velitris reducerentur legiones. ita suspensa de legibus res ad novos tribunos militum dilata. nam plebis tribunos eisdem duos utique, qui legum latores erant, plebes reficiebat.

## CAPUT XXIV.

Instante ultima de legibus, a Sextio, & Licinia promulgatis, dimicatione, dicitur Dictator M. Furius Camillus, qui frustra conatur absterre tribunos; tandem, quod vitio creatus esset, magistratu se abdicat: ei statim P. Manlius sufficitur.

**T**ribuni militum creati T. Quintius, Ser. Cor-<sup>U. C.</sup>  
nelius, Ser. Sulpitius, Sp. Servilius, L. <sup>13</sup>  
S S Papi-



Papirius, L. Veturius. Principio statim anni ad ultimam dimicationem de legibus ventum : & cum tribus vocarentur, nec intercessio collegarum latoribus obstarer ; trepidi patres ad duo ultima auxilia, summum imperium, summumque ad civem decurrunt. dictatorem dici placet. dicitur M. Furius Camillus, qui magistrum equitum L. Æmilium cooptat. Legum quoque latores adversus tantum apparatus adversariorum & ipsi causam plebis ingentibus animis armant ; concilioque plebis indicto, tribus ad suffragium vocant. cum dictator stipatus agmine patriciorum, plenus iræ minarumque confedisset, atque ageretur res solito primum certamine inter se tribunorum plebis ferentium legem, intercedentiumque ; & quanto jure potentior intercessio erat, tantum vinceretur favore legum ipsarum latorumque ; & 1 *Uti rogas*, primæ tribus dicerent : tum Camillus, *Quandoquidem*, inquit, *Quirites*, jam vos tribunitia libido, non potestas regit ; & intercessionem, secessione quondam plebis partam, nobis eadem vi facitis irritam, qua peperistis ; non reip. magis universa, quam vestra causa dictator intercessioni vestra adero ; eversumque 2 *vestrum auxilium imperio tutabor*. itaque, si C. Licinius & L. Sextius intercessioni collegarum cedunt ; nihil patricium magistratum inseram concilio plebis ; si adversus intercessionem tamquam capta civitati leges imponere tendent ; vim tribunitiam a se ipsa dissolvi non patiar. Adversus ea cum contemtim tribuni plebis rem nihilo segnius peragerent, tum percitus ira Camillus lictores, qui de medio plebem emoverent, misit : & addidit minas, si pergerent, sacramento omnes juniores adacturum, exercitumque ex templo ex urbe educiturum. Terrorem ingentem incusserat plebi ; ducibus plebis accendit magis certamine animos, quam minuit. sed, re neutro inclinara, magistratu se abdicavit : seu quia

vitio

1 *Uti rogas* ) Id est, fiat uti rogas. Solemnis vox, qua populus jubebat, id quod ab aliquo magistratu rogetur.

2 *Vestrum auxilium imperio tutabor* ) Potestatem tribunitiam auxilii vobis ferendi causa institutam imperio dictatorio tutabor.

vicio creatus erat, ut scripsere quidam: seu quia tribuni plebis tulerunt ad plebem, idque plebs scivit, ut, si M. Furius pro dictatore quid egisset, i quingentum millium æris ei multa esset. sed auspiciis magis, quam novi exempli rogatione deterritum ut potius credam, cum ipsius viri facit ingenium, tum quod ei suspectus est extemplo P. Manlius dictator: quem quid creari attinebat ad id certamen, quo M. Furius victus esset? & quod eundem M. Furium dictatorem insequens annus habuit, haud sine pudore certe fractum priore anno in se imperium repetiturum: simul quod eo tempore, quo promulgatum de multa ejus traditur, aut & huic rogationi, qua se in ordinem cogi videbar, obistere potuit; aut ne illas quidem, propter quas & hæc lata erat, impedire: & quod usque ad memoriam nostram tribunitiis consularibusque certatum viribus est, dictaturæ semper altius fastigium fuit.

## CAPUT XXV.

*Licinius, & Sextius, ut leges ab se promulgatas perferant, honoris continuationem dissimulando sibi petunt.*

INTER priorem dictaturam abdicatam, novam-<sup>39.</sup> que a Manlio initam, ab tribunis, velut per interregnum, concilio plebis habito, apparuit, quæ ex promulgatis plebi, quæ latoribus gratiora essent. nam de fœnore atque agro rogationes jubebant, de plebeio consule antiquabant. & perfecta utraque res esset, ni tribuni pl. se in omnia simul consulere plebem dixissent. P. Manlius deinde dictator rem in causam plebis inclinavit, C. Licinio, qui tribunus militum fuerat, magistro equitum de plebe dicto. id ægre patres passos accipio, dictatorem propinqua cognatione Licinii se apud pares excusare solitum, simul negantem magistrum equitum majus, quam tribuni consularis, imperium esse. Licinius Sextiusque, cum tribunitiam plebis creandorum indicta comitia essent, a se gerere, ut, negando jam sibi velle con-

tinuari honorem, acerrime accenderent ad id; quod dissimulando petebant, plebem. nonum se annum jam velut in acie adversus optimates, maximo privatim periculo, nullo publico emolumento, stare: consensuisse jam secum & rogationes promulgatas, & vim omnem tribunitiæ potestatis: primo intercessione collegarum in leges suas pugnatum esse: deinde ablegatione juventutis ad Veliternum bellum: postremo dictatorium fulmen in se intentatum: jam nec collegas, nec bellum, nec dictatorem obstare, quippe qui etiam omen plebeio consuli, magistro equitum ex plebe dicendo, dederit: se ipsam plebem, & commodam morari sua. liberam urbem ac forum a creditoribus, liberos agros ab injustis possessoribus extemplo, si velit, habere posse? quæ munera quando tandem satis grato animo æstimaturos, si, inter accipiendas de suis commodis rogationes, spem honoris latoribus earum incidant? Non esse modestia populi Romani id postulare, ut ipso scœnore levetur, & in agrum injuriæ possessum a potentibus inducatur: per quos ea consecutus sit, senes tribunitios non sine honore tantum, sed etiam sine spæ honoris relinquat. proinde ipsi primum statuerent apud animos, quid vellent; deinde comitiis tribunitiis declararent voluntatem. si conjunctim ferri ab se promulgatas rogationes vellent, esse quod eosdem rescicerent tribunos plebis: perlaturus enim quæ promulgaverint. sin, quod cuique privatim opus sit, id modo accipi velint: opus esse nihil invidiosa continuatione honoris; nec se tribunatum, nec illos ea, quæ promulgata sint, habituros.

## CAPUT XXVI.

Ap. Claudii Crassi oratio contra leges a Sextio & Licinio promulgatas: ex quibus una de decemviris sacrorum ex parte de plebe creandis ab iisdem tribunis resectis persertur.

40. **A**Dversus tam obstinatam orationem tribunorum cum præ indignitate rerum stupor, silentiumque inde ceteros patrum defixisset; Ap. Claudius Crassius, nepos decemviri, dicitur odio,

odio magis iraque, quam spe ad dissuadendum processisse, & locutus in hanc fere sententiam esse. Neque novum, neque inopinatum mihi sit, Quirites, si, quod unum familia nostra semper obiectum est ab seditiosis tribunis, id nunc ego quoque audiam: Claudia genti jam inde ab initio nil antiquius in republica patrum maiestate fuisse; semper plebis commodis adversarios esse, quorum alterum neque nego, neque inficias eo, nos, ex quo adsciti sumus simul in civitatem & patres, enixe operam dedisse, ut per nos aucta potius, quam imminuta maiestas earum gentium, inter quas nos esse voluistis, dici vere posset. illud alterum pro me maioribusque meis contendere ausim, Quirites, nisi qua pro universa republica fiant, ea plebi, tamquam aliam incolenti urbem, adversa quis putet, nihil nos neque privatos, neque in magistratibus, quod incommodum plebi esset, scientes fecisse; nec ullum factum dictumve nostrum contra utilitatem vestram, etsi quadam contra voluntatem fuerint, vere resciri posse. An hoc, si Claudia familia non sim, nec ex patricio sanguine ortus, sed unus Quiritium quilibet, qui modo me duobus ingenuis ortum, & vivere in libera civitate sciam, reticere possim, L. illum Sextium, & C. Licinium, perpetuos (si diis placet) tribunos, tantum licentia novem annis, quibus regnant, sumsisse, ut vobis negent potestatem liberam suffragii non in comitiis, non in legibus jubendis se permissuros esse? Sub conditione, inquit, nos rescietis decimum tribunos. 1. Quid est aliud dicere: quod petunt alii, nos adeo fastidimus, ut sine mercede magna non accipiamus? sed qua tandem ista merces est, qua vos semper tribunos plebis habeamus? Ut rogationes, inquit, nostras, seu placent, seu displicent, seu utiles, seu inutilis sunt, omnes conjunctim accipiat. Obsecro vos, Tarquinii tribuni plebis, putate me ex media concione unum civem succlamare: Bona venia vestra liceat ex his rogationibus legere & quas

1. Quid est aliud dicere? Nonne hoc idem est, ac si diceret? Dicere pro nominativo cadente in verbum est.

2. Inasiles), Damnosae.

quas salubres nobis censemus esse ; antiquare alias . Non , inquit , licebit . Tu de fœnore atque agris , quod ad vos omnes pertinet , jubeas : & hoc portenti non fiat in urbe Romana , ut L. Sextium , atque hunc C. Licinium consules , quod indignaris , quod abominaris , videas ? Aut omnia accipe : aut nihil fero . Ut , si quis ei , quem urgeat fames , venenum ponat cum cibo ; & aut abstinere eo , quod vitale sit , jubeat ; aut mortiferum vitali admisceat . Ergo , si esset libera hac civitas , non tibi frequentes succlamasent ; Abi hinc cum tribunatibus ac rogationibus tuis ? quid ? si tu non tuleris , quod commodum est populo accipere , nemo erit , qui ferat illud ? Si quis patricius ; si quis , quod illi volunt invidiosius esse , Claudius diceret , Aut omnia accipite , aut nihil fero ; quis vestrum , Quirites , ferret ? Numquam ne vos res potius , quam auctores spectabitis ; sed omnia semper , qua magistratus ille dicet , secundis auribus , qua ab nostrum quo dicentur , adversis accipietis ? At hercule ! sermo est minime civilis . Quid ? rogatio qualis est , quam a vobis antiquam indignantur ? sermoni , Quirites , simillima , Consules , inquit , rogo , ne vobis , quos velitis , facere liceat . An aliter rogat , qui utique alterum ex plebe fieri consulem jubet , neque duos patricios creandi potestatem vobis permittit ? Si hodie bella sint , quale Etruscum fuit , cum Porjena Janiculum insedit ; quale Gallicum modo , cum , præter Capitolium atque arcem , omnia hac hostium erant ; & consulatum cum hoc M. Furio , aut quolibet alio ex patribus L. ille Sextius peteret : possetisne ferre Sextium haud pro dubio consulem esse , Camillum de repulsa dimicare ? Hoccine est in commune honores vocare , ut duos plebeios fieri consules liceat , duos patricios non liceat ? & alterum ex plebe creari necesse sit , utrumque ex patribus præterire liceat ? Quanam ista societas , quanam consortio est ? Parum est , si , cujus pars tua nulla adhuc fuit , in partem ejus venis , nisi partem petendo totum traxeris ? Timeo , inquit , ne , si duos licebit creari patricios , neminem creetis plebe-

1 Sermo est minime civilis ) Qui minime deceat cives .

plebeium. Quid est dicere aliud, nisi, quia indignos vestra voluntate creaturi non estis, necessitatem vobis creandi quos non vultis, imponam? Quid sequitur, nisi ut ne beneficium quidem debeat populo, si cum duobus patriciis unus petierit plebeius, & lege se, non suffragio creatum dicat? Quo modo extorqueant, non quomodo petant honores, quarunt: & ita maxima sunt adepturi, ut nihil ne pro minimis quidem debeant: & occasionibus potius, quam virtute, petere honores malunt. Est aliquis, qui se inspicere, qui aestimari fastidiat; qui certos sibi uni honores inter dimicantes competitores aequum censeat esse; qui se arbitrio vestro eximat; qui vestra necessaria suffragia pro voluntariis, & serva pro liberis faciat. omitto Licinium Sextiumque, i quorum annos in perpetua potestate, tamquam Regum, in Capitolio numeratis. Quis est hodie in civitate tam humilis, cui non via ad consulatum facilior per istius legis occasionem, quam nobis ac liberis nostris fiat; siquidem nos, ne cum volueritis quidem, creare interdum poteritis; istos, etiam si nolueritis, necesse sit? De indignitate satis dictum est: ( etenim dignitas ad homines pertinet ) quid de religionibus atque auspiciis, qua propria deorum immortalium contemptio atque injuria est, loquar? Auspiciis hanc urbem conditam esse, auspiciis bello ac pace, domi militiaque omnia geri, quis est qui ignoret? penes quos igitur sunt auspicia more majorum? nempe penes patres. nam plebeius quidem magistratus, nullus auspicato creatur: nobis adeo propria sunt auspicia, ut non solum quos populus creat patricios magistratus, non aliter quam auspicato creet; sed nos quoque ipsi sine suffragio populi auspicato inter regem prodamus, & privatim auspicia habeamus, qua isti ne in magistratibus quidem habent. Quid igitur aliud quam tollit ex civitate auspicia, qui, plebeios consules creando, a patribus, qui soli ea habere possunt, aufert? Eludant nunc licet religiones. quid enim est, si pulli

1 Quorum annos... in Capitolio numeratis ) Videntur hæc intelligenda de clavis numeri annorum indicibus, de quibus Liv. infra VII. 3.

pulli non pascentur? si ex cavea tardius exierint? si occinuerit avis? Parva sunt hac: sed, parva ista non contemnenda, majores nostri maximam hanc rem fecerunt. nunc nos, tamquam jam nihil pace deorum opus sit, omnes carimonias polluimus. vulgo ergo pontifices, augures, sacrificuli Reges creentur; cuilibet et apicem dialem; dummodo homo sit, imponamus: tradamus ancilia, penetralia; deos, deorumque curam, quibus nefas est: non leges auspicato ferantur; non magistratus creentur: nec centuriatis, nec curiatis comitiis patres auctores fiant: Sextius & Licinius, tamquam Romulus ac Tatius, in urbe Romana regnent, quia pecunias alienas; quia agros dono dant. tanta dulcedo est ex alienis fortunis pradandi: nec in mentem venit, altera lege solitudines vastas in agris fieri, pellendo finibus dominos: altera fidem abrogari, cum qua omnis humana societas tollitur. Omnium rerum causa vobis antiquandas censeo istas rogationes. quod faxitis, deos velim fortunare. Oratio Appii ad id modo valuit, ut tempus rogationum jubendarum proferretur. Refecti decemviris sacrorum; ex parte de plebe creandis legem pertulere: creati quinque patrum, quinque plebis: graduque eo jam via facta ad consulatum videbatur. Hac victoria contenta plebes cessit patribus, ut, in presentia consulum mentione omissa, tribuni militum crearentur. creati A. & M. Cornelii iterum, M. Geganius, P. Manlius, L. Veturius, P. Valerius sextum.

## CA-

1 Si occinuerit avis ) E cantu quoque avium omina sibi fata tristiave fingeant Romani. Hinc aves *oscines*, corvus, cornix, noctua.

2 Apicem dialem ) Apex proprie dicebatur, in summo flaminis pileo virga e felici arbore, laneo filo religata, quod quidem filum *apiculum* vocabatur. Interdum tamen, ut hoc loco, Apex sumitur pro ipso pileo. Apex autem dictus est ab eo quod comprehendere vinculo antiqui *apere* dicebant.

1 Ex parte ) Dimidia.

## CAPUT XXVII.

*M. Furius Dictator dicitur ad bellum contra Gallos : eo peracto, oritur in Urbe seditio propter leges tribunitias, quæ tandem perferuntur. De Consule plebeio creando ea conditione plebi conceditur, ut ab ipsa de Pratore et Patribus creando, nobilitati concedatur.*

Cum præter Velitrarum obsidionem, tardi<sup>U. C.</sup> magis rerum exitus quam dubii, quietæ<sup>182</sup> externæ res Romanis essent: fama repens belli Gallici allata perpulit civitatem, ut M. Furius dictator quintum diceretur. is T. Quintium Pennum magistrum equitum dixit. Bellatum cum Gallis eo anno circa Anienem flumen: auctor est Claudius; inclitamque in ponte pugnam, qua T. Manlius Gallum, cum quo provocatus manum conseruit, in conspectu duorum exercituum cæsum torque spoliavit, tum pugnatum. Pluribus auctoribus magis adducor ut credam, decem hand minus post annos ea acta: hoc autem anno in Albano agro cum Gallis dictatore M. Furio signa collata. nec dubia, nec difficilis Romanis, quamquam ingentem Galli terrorem memoria pristinae cladis attulerant, victoria fuit. multa millia barbarorum in acie, multa captis castris cæsa: palati alii Apuliam maxime petentes, cum fuga se longinqua, tum quod passim eos simul pavor terrorque distulerant, ab hoste sese tutati sunt. Dictatori consensu patrum, plebisque triumphus decretus. Vixdum perfunctum eumbello, atrocior domi seditio excepit: & per ingentia certamina dictator, senatusque victus, ut rogationes tribunitiæ acciperentur: & comitia consilium adversa nobilitate habita, quibus L. Sextius de plebe primus COS. factus. Et ne is quidem finis cerraminum fuit: quia patricii se auctores futuros negabant, prope ad secessionem plebis res, terribilesque alias minas civilium

1 Auctor est Claudius ) Claudius Quadrigarius.

2 Simul pavor terrorque ) Pavor, qui infidebat menti, Terror, qui a novis subinde occurrentibus hostibus accidebat.



lium certaminum venit : cum tamen per dictatorem conditionibus fedatæ discordiæ sunt ; concessumque ab nobilitate plebi , de consule plebeio , a plebe nobilitati , de prætore uno , qui jus in urbe diceret , ex patribus creando . Ita ab diutina ira tandem in concordiam redactis ordinibus , cum dignam eam rem senatus censeret esse , meritoque id , si quando umquam alias , factum S. C. feriæ ut Latinæ fierent ; & dies unus ad triduum adjiceretur : Recusantibus id munus ædilibus plebis , conclamatum a patriciis est juvenibus , se id honoris deum immortalium causa libenter acturos , i ut ædiles fierent . quibus cum ab universis gratiæ actæ essent , factum senatus consultum , ut duos viros ædiles ex patribus dictator populum rogaret , patres auctores omnibus ejus anni comitiis fierent .

## DECADIS PRIMÆ

### LIBER SEPTIMUS.

#### CAPUT I.

*Alter consul de plebe primum creatur : duo novi magistratus adduntur , Pratura , & Ædilitas . Pestilentia oritur , quam insignem facit mors M. Furii Camilli .*



**ANNUS** hic erit insignis 2<sup>o</sup> novi hominis consulatu , insignis novis duobus magistratibus , prætura , & curuli ædilitate . Hos sibi patricii quæsiwere honores pro concessio plebi altero consulatu . Plebes consulatum L. Sextio , cujus lege parvus erat , dedit : patres præturam Sp. Furio M. filio Camillo , ædilitatem Cn. Quintio Capitoli-

I.  
U.C.  
389

1 *Ut ædiles* ) Ea lege , ut .  
2 *Novi hominis* ) Novus homo dicebatur , cujus e maioribus nemo curulem magistratum gesserat , & opponebatur *Nobili nobilis* .

pitolino, & P. Cornelio Scipioni, suarum gentium viris, i gratia campestri dederunt. L. Sextio collega ex patribus datus L. Æmilius Mamercus. Principio anni & de Gallis, quos primo palatos per Apuliam congregari jam fama erat, & de Hernicorum defectione agitata mentio. Cum de industria omnia, ne quid per plebeium consulem ageretur, proferrentur: silentium omnium rerum, ac justitio simile otium fuit: nisi quod, non patientibus tacitum tribunis, quod pro consule uno plebejo tres patricios magistratus curulibus sellis prætextatos tamquam consules sedentes nobilitas sibi sumisset, prætorem quidem etiam jura reddentem, & i collegam consulibus, atque iisdem auspiciis creatum: verecundia inde imposita est senatui ex patribus jubendi ædiles curules creari. Primo, ut alternis annis ex plebe fierent, convenerat: postea promiscuum fuit. Inde, L. Genutio, & Q. Servilio COSS., & ab seditione, U.C. 190. & a bello quietis rebus, ne quando a metu ac periculis vacarent, pestilentia ingens orta. Censorem, ædilem curulem, tres tribunos plebis mortuos ferunt, pro portione & ex multitudine alia multa funera fuisse. maximeque eam pestilentiam insignem mors; quam matura, tam acerba M. Furii fecit. fuit enim vere vir unicus in omni fortuna, princeps pace belloque, prius quam exulatum iret: clarior in exilio vel desiderio civitatis, quæ capta absentis imploravit opem, vel felicitate, qua restitutus in patriam, secum patriam ipsam restituit. par deinde per quinque & xx. annos (tot enim postea vixit) titulo tantæ gloriæ fuit; dignusque habitus, quem secundum a Romulo conditorem urbis Romani ferrent.

## CA-

1 *Gratia campestri*) *Gratia campestris* pro favore populari, quo honores sibi quis allisve a populo consequeretur in campo Martio, ubi magistratus creabantur.

2 *Collegam consulibus, atque iisdem auspiciis creatum*) Ideo collega consulibus dicebatur prætor, quia iisdem auspiciis creabatur.

3 *Quam matura, tam acerba*) *Acerbum* dicitur de fructibus nondum maturis, quorum ideo *acerbus* est sapor. Hinc mors *acerba* dicitur tum juvenum, tum eorum, quos ob virtutem vivere semper optamus.

## CAPUT II.

*Pestilentia finis per novas religiones queritur : facto lectisternio , cum nihil hoc remedio levaretur , ludi scenici primum instituuntur : hoc quoque irritum placamine , dicitur Dictator L. Manlius clavi figendi causa ; quo fixo , ab eodem Dictatore delectus in Hernicos habetur .*

2. **E**T hoc , & insequenti anno , C. Sulpitio  
 101. C. Petico , C. Licinio Stolone COSS. pesti-  
 lentia fuit . eo nihil dignum memoria actum ,  
 nisi quod pacis deum exposcendæ causa tertio  
 rum post conditam urbem lectisternium fuit .  
 & cum vis morbi nec humanis consiliis , nec  
 ope divina levaretur , victis superstitione ani-  
 mis , 1 ludi quoque scenici , nova res bellicoso  
 populo , ( nam circi modo spectaculum fuerat )  
 inter alia cælestis iræ placamina instituti di-  
 cuntur . Ceterum parva quoque , ( ut ferme  
 principia omnia ) & ea ipsa peregrina res fuit .  
 sine carmine ullo , 2 sine imitandorum carmi-  
 num actu , ludiones ex Etruria acciti , ad ti-  
 bicinis modos saltantes , haud indecoros motus  
 more Tusco dabant . imitari deinde eos juven-  
 tus simul inconditis inter se jocularia funden-  
 tes versibus cœpere : nec absoni a voce motus  
 erant . Accepta itaque res , sæpiusque usurpan-  
 do excitata . 3 vernaculis artificibus , quia hi-  
 ster Tusco verbo ludio vocabatur , nomen hi-  
 strionibus inditum : qui non , sicut ante , 4 Fe-  
 scennino similem versum , compositum temere ,  
 ac rudem alternis jaciebant , sed impletas mo-  
 dis 5 saturas , descripto jam ad tibicinem can-  
 tu ,

1 *Ludi... scenici* ) Qui in scena aguntur , ut Comœdia , Tragicœdia , &c.

2 *Sine imitandorum carminum actu* ) Nullo gestu motuque corporis , qualis comitari carmina debet .

3 *Vernaculis artificibus* ) Domesticis , Romanis ludionibus .

4 *Fescennino versu* ) Fescenninus versus a Fescennia Etru-  
 riæ urbe dictus est , ex qua Romam est allatus .

5 *Saturas* ) Satura proprie est lanx onusta uva passa ,  
 poienta , & omnigena frugum varietate , quæ sacris Cere-  
 ris inferebatur ; translate est rerum mixtura quædam & qua-  
 si farrago ; ac porro genus hoc poematis , quod multis &  
 variis rebus refertum erat . Dramaticum fuit ; modi autem  
 sunt modulatio quædam ac descriptio cantus motusque cor-  
 porum affectibus dramaticis congruens .

tn, motuque congruenti peragebant. 1 Livius post aliquot annos, qui 2 ab saturis ausus est primus argumento fabulam ferere, idem scilicet, id quod omnes tum erant, suorum carminum actor, dicitur, cum sæpius revocatus vocem obtudisset, venia petita, puerum ad canendum ante tibicinem cum statuisset, 3 canticum egisse aliquanto magis vigente motu, quia nihil vocis usus impediēbat. inde 4 ad manum cantari histrionibus cœptum, 5 diverbiaque tantum ipsorum voci relicta. Postquam, lege hac fabularum, ab risu, ac soluto joco res avocabatur, & ludus in artem paulatim verterat: juvenis histrionibus, fabellarum actu relicto, ipsa inter se more antiquo ridicula intexta versibus jactitate cœpit: 6 quæ inde exodia postea appellata, consertaque fabellis potissimum Atellanis sunt. quod genus ludorum ab Oscis acceptum tenuit juvenis, nec ab histrionibus pollui passâ est. eo institutum manet, ut actores Atellanarum nec tribu moveantur; & stipendia, tamquam expertes artis ludicræ, faciant. Inter aliarum parva principia rerum, ludorum quoque prima origo ponenda visa est, ut appareret, 7 quam ab sano initio res in hanc vix opulentis regnis tolerabilem insaniam venerit. Nec tamen ludorum primum initium, 3 procurandis religionibus datum, aut religione animos, aut corpora morbis levavit. quin etiam, cum medios forte ludos 8 circus Tiberi super-

1 Livius ) Livius Andronicus.

2 Ab saturis ) Relictis saturis. Ferere autem sive connectere fabulam ex variis actibus, hic a sero, serui, serium, non a sero, servi, satum, quod est semino.

3 Canticum ) Canticum agere est gesticulationem cantico convenientem peragere.

4 Ad manum cantari ) Institutum, ut histrionis gesticulationi, quæ saltando fiebat, & loquaci manu, cantando responderetur.

5 Diverbia ) Diverbium dicitur, quando diversi verba faciunt: & opponitur choro & cantico.

6 Quæ inde exodia ) Exodium vox Græca exitum significans. Exodiarius in fine ludorum intrabat, quod ridiculus foret ut, quicquid lacrimarum ac tristitia coegissent ex tragicis affectibus, huius spectaculi risus destregeret.

7 Quam ab sano initio ) Quam modico & arcto sumtu peragi cœpta res excessit in hanc, quam nostro ævo videmus, sumtuum insaniam, &c.

8 Circus ) Itaque ludj etiam scenici primo in Circo acti sunt.

## CAPUT III.

*L. Manlio propter acerbum delectum, & relegatum a cœtu hominum filium ob linguæ tarditatem, dies dicitur a M. Pomponio tribuno plebis; id cum audisset juvenis, urbem petens, impetratoque a tribuno colloquio, eum ab accusatione desistere, stricto gladio, compellit.*

**N**Eque eo minus principio insequentis anni U. C. 191.  
 Q. Servilio Ahala, L. Genutio iterum  
 COSS. dies Manlio dicitur a M. Pomponio tribuno plebis. acerbitas in delectu, non damno modo civium, sed etiam laceratione corporum lata, partim virgis cæsis, qui ad nomina non respondissent, partim in vincula ductis, invisa erat, & ante omnia invisum ipsum ingenium atrox cognomenque Imperiosi grave liberæ civitati, ab ostentatione sævitæ adscritum, quam non magis in alienis, quam in proximis, ac sanguine ipse suo. exerceret. criminique ei tribunus inter cetera dabat, quod filium juvenem, nullius probri compertum, extorrem urbe, domo, penetibus, foro, luce, congressu æqualium prohibitum, in opus servile, prope in carcerem atque in ergastulum dederit; ubi summo loco natus dictatorius juvenis quotidiana miseria disceret, vere imperioso patre se natum esse. at quam ob noxam? quia infacundior sit, & lingua impromptus: quod natura damnum utrum i nutriendum patri, si quicquam in eo humani esset, an castigandum, ac vexatione insigne faciendum fuisse? ne mutas quidem bestias minus alere, ac fovere, si quid ex progenie sua parum prosperum sit. at hercule L. Manlium malum malo augere filii, & tarditatem ingenii insuper premere; &, si quid in eo exiguum naturalis vigoris sit, id extinguere vita agresti, & rustico cultu, inter pecudes habendo. Omnium potius his criminationibus, quam ipsius juvenis, irritatus est animus: quin contra se quoque parenti causam invidiæ atque criminum esse ægre passus, ut omnes

i Nutriendum ) Mollibus remediis & paterna indulgentia medicandum.

omnes dii hominesque scirent, se parenti opem latam, quam inimicis ejus, malle, capit consilium rudis quidem atque agrestis animi, & quamquam non civilis exempli, tamen pietate laudabile. Inscientibus cunctis, cultro fucinctus, mane in urbem, atque a porta domum confestim ad M. Pomponium tribunum pl. pergit: janitori, opus esse sibi domino ejus convento extemplo ait; nuntiaret T. Manlium Lucii filium esse. mox introductus ( etenim percitum ira in patrem spes erat aut criminis aliquid novi, aut consilii ad rem agendam deferre ) salute accepta, redditaque, esse ait quæ cum eo agere arbitris remotis velit. procul inde omnibus abire jussis, cultrum stringit: & super lectum stans ferro intento, nisi in quæ ipse concepisset verba juraret, *se patris ejus accusandi causa concilium plebis numquam habiturum*, se eum extemplo transfixurum minatur. pavidus tribunus ( quippe qui ferrum ante oculos micare, se solum inermem, illum prævalidum juvenem, & quod hand minus timendum erat, stolide ferocem viribus suis cerneret ) adjurat in quæ adactus est verba: & præ se deinde tulit, ea vi subactum se incepto destitisse, nec perinde, ut maluisset plebes, sibi suffragii ferendi de tam crudeli, & superbo reo potestatem fieri. ita ægre habuit filium id pro parente ausum: eoque id laudabilius erat, quod animum ejus tanta acerbitas patria nihil a pietate avertisset. Itaque non patri modo remissa causæ dictio est, sed ipsi etiam adolescenti ea res honori fuit. & cum eo anno primum placuisset tribunos militum ad legiones suffragio fieri, ( nam & antea, sicut nunc, quos Ruffulos vocant, imperatores ipsi faciebant ) secundum in sex locis tenuit, nullis domi militiæque ad conciliandam gratiam meritis, ut qui rure, & procul cœtu hominum juventam egisset.

CA.

1. *Non civilis* ) Abhorrentis ab iis legibus, quibus civilis societas continetur.

## CAPUT IV.

*Cum, aperta in foro ingenti voragine, responsum esset, ea re tantummodo posse expleri, quæ populus Rom. plurimum posset, Curtius, equo consensu, se in illam armatus immittit.*

**E**odem anno, seu motu terræ, seu qua vi<sup>6.</sup> alia, forum medium ferme specu vasto col-lapsum in immensam altitudinem dicitur; neque eam voraginem conjectu terræ, cum pro se quisque gereret, expleri potuisse prius, quam deum monitu quæri cœptum, quo plurimum populus Romanus posset. id enim illi loco dicandum vates canebant, si rempubl. Romanam perpetuam esse vellent. tum M. Curtium, juvenem bello egregium, castigasse ferunt dubitantes, an ullum magis Romanum bonum, quam arma, virtusque esset. Silentio facto, templa deorum immortalium, quæ foro imminant, Capitoliumque intuentem, & manus nunc in cælum, nunc in parentes terræ hiatus ad deos manes porrigentem se devovisse. equo deinde quam poterat maxime exornato insidentem armatum se in specum immisisse, donaque ac fruges super eum a multitudine virorum ac mulierum congestas; lacumque Curtium non ab antiquo illo T. Tatii milite Curtio Merio, sed ab hoc appellatum. cura non deesset, si quæ ad verum via inquirentem ferret. nunc fama rerum standum est, ubi certam derogat vetustas fidem. & lacus nomen ab hac recentiore insignius fabula est.

## CAPUT V.

*L. Genutius de plebe consul profectus contra Hernicos caditur: interim dum, dicto in Urbe Dictatore, novus exercitus conscribitur, C. Sulpitius legatus per occasionem rem bene gerit. adventu deinde Dictatoris hostes pralio funduntur.*

**P**ost tanti prodigii procurationem, eodem anno de Hernicis consultus senatus, cum scitiales ad res repetendas nequicquam misisset,

primo quoque die ferendum ad populum de bello indicendo Hernicis censuit: populusque id bellum frequens iussit. L. Genutius consuli ea provincia forte evenit. In expectatione civitas erat; quod primus ille de plebe consul bellum suis auspiciis gesturus esset; perinde ut eveniret res, ita communicatos honores probe aut secus consulto, habitura. Forte ita tulit casus, ut Genutius, ad hostes magno conatu profectus, in insidias præcipitaretur; legionibus nec opinato pavore fuis, consul circumventus ab insciis, quem interficerent, occideretur. Quod ubi est Romam nuntiatum, nequaquam tantum publica calamitate mœssi patres, quantum feroces infelici consulis plebeii ductu, fremunt omnibus locis: *irent, crearent consulem ex plebe; transferrent auspicia, quo nefas esset. potuisse patres plebiscito pelli honoribus suis; num etiam in deos immortales inauspicatam legem valuisse? vindicasse ipsos suum numen, sua auspicia: qua ut primum i contacta sint ab eo, a quo nec jus nec fas fuerit, deletum cum duce exercitum documento fuisse, ne deinde turbato gentium jure comitia haberentur.* His vocibus curia, & forum personat. Ap. Claudium, quia dissuaserat legem in concione, majore nunc auctoritate eventum reprehensi ab se consilii incusantem, dictatorem, consensu patriciorum, Servilius consul dicit: delectusque, & justitium

7- *indictum.* Prius quam dictator legionesque novæ in Hernicos venirent, ductu C. Sulpitii legati res per occasionem gesta egregie est. In Hernicos, morte consulis contemptim ad castra Romana cum haud dubia expugnandi spe succedentes, hortante legato, & plenis iræ atque indignitatis militum animis, eruptio est facta. multum ab spe adeundi valli res Hernicis abfuit: adeo turbatis inde ordinibus abscessere. Dictatoris deinde adventu, novus veteri exercitus jungitur, & copiarum duplicantur. & pro concione dictator laudibus legati, militumque, quorum

1 *Contacta*) Polluta.

2 *Gentium jure*) Jure ac discrimine generis & familiarum.



rum virtute castra defensa erant, simul audientibus laudes meritas tollit animos, simul ceteros ad æmulandas virtutes acuit. Neque segnius & hostes bellum apparant; qui & parti ante decoris memores, neque ignari auctarum virium hostis, suas quoque vires augent. omne Hernicum nomen, omnis militaris ætas excitur. quadringenariæ octo cohortes, lecta robora virorum scribuntur. hunc eximium florem juventutis eo etiam, quod, ut duplex acciperent stipendium, decreverant, spei animorumque implere. immunes quoque operum militarium erant, ut in unum pugnae laborem reservati, plus sibi, quam pro virili parte, annitendum sci-  
rent. extra ordinem etiam in acie locati, quo conspectior virtus esset. Duum millium planities castra Romana ab Hernicis dirimebat. ibi pari ferme utrinque spatio in medio pugnatum est. primo stetit ambigua spe pugna, nequicquam sæpe conatis equitibus Romanis impetu turbare hostium aciem. postquam equestris pugna et effectu, quam conatibus, vanior erat, consulto prius dictatore equites, permissu deinde ejus relictis equis, clamore ingenti provolant ante signa, & novam integrant pugnam. neque sustineri poterant, nisi extraordinariæ cohortes pari corporum, animorumque robore se objecissent. Tunc inter primores duorum populorum res geritur. quicquid hinc, aut illinc communis Mars belli aufert, multiplex quam pro numero damnum est: vulgus aliud armatorum, velut delegata primoribus pugna, eventum suum in virtute aliena ponit. multi utrinque cadunt, plures vulnera accipiunt. tandem equites alius alium increpantes, *quid deinde restaret, quarendo, si neque ex equis pepulissent hostem, neque pedites quicquam momenti facerent, quam tertiam expectarent pugnam? quid ante signa feroces prosiluissent? & alieno pugnarent loco?* His inter se vocibus concitati, clamore renovato, inferunt pedem: & primum gradu moverunt hostem, deinde pepulerunt, postremo jam haud dubie avertunt. inque tam vi-

T 2

res

1 *Effectu quam conatibus vanior*) Conatu haud levis, effectu propemodum irrita,

res pares quæ superaverit res, facile dictu est, nili quod perpetua fortuna utriusque populi & extollere animos, & minuere potuit. Usque ad castra fugientes Hernicos Romanus sequitur: castrorum oppugnatione, quia serum erat dici, abstinuere. diu non perlitatum tenuerat dictatorem, ne ante meridiem signum dare posset: eo in noctem tractum erat certamen. Postera die deserta fuga castra Hernicorum, & faucii relictis quidam inventi: agmenque fugientium ab signis, cum præter mœnia eorum infrequentia signa conspecta essent, fufum ac per agros trepida fuga palatum est. nec Romanis incrementa victoria fuit. quarta pars militum amissa: &, ubi haud minus jacturæ fuit, aliquot equites Romani cecidere.

## C A P U T VI.

*In Hernicis Ferentinum capitur: Tiburtibus bellum indicitur: dictator contra Gallos exercitum educit: castris adversum positus, Gallum superbe provocantem T. Manlius singulari certamine occidit: ex detracto illi torque, sibi Torquati cognomen facit.*

11. 2. **I**N sequenti anno cum C. Sulpitius, & C. Licinius Calvus Consules in Hernicos exercitum duxissent, neque inventis in agro hostibus, Ferentinum urbem eorum vi cepissent, revertentibus inde eis Tiburtes portas claudere. ea ultima fuit causa, cum multæ ante querimonix ultro citroque jactatæ essent, cur per festiales rebus repetitis bellum Tiburti populo indiceretur. Dictatorem T. Quintium Pennum eo anno fuisse, satis constat, & magistrum equitum Sergium Cornelium Maluginensem. Macer Licinius, comitiorum habendorum causa, & ab Licinio consule dictum scribit, quia, collega i comitia bello præferre festinante, ut continuaret consulatum, obviam eundum prævæ cupiditati fuerit. Quæsitæ ea propriæ familiæ laus, leviozem auctorem Licinium facit; cum

i Comitia bello præferre ) Comitia habere antequam bellum iniretur.

cum mentionem ejus rei in vetustioribus annalibus nullam inveniam . magis ut belli Gallici causa dictatorem creatum arbitrer , inclinatus animus . eo certe anno Galli ad tertium lapidem Salaria via trans pontem Anienis castra habuerunt . Dictator , cum i tumultus Gallici causa justitium edixisset , omnes juniores sacramento adegit ; ingentique exercitu ab urbe profectus , in citiore ripa Anienis castra posuit . Pons in medio erat , neutris eum rumpentibus , ne timoris indicium esset . praelia de occupando ponte crebra erant : nec , qui potirentur , incertis viribus satis discerni poterat . tum eximia corporis magnitudine in vacuum pontem Gallus processit ; & , quantum maxima voce potuit , *Quem nunc* , inquit , *Roma fortissimum virum habet* , procedat agendum ad pugnam , ne noster duorum eventus ostendat , utra gens bello sit melior . Diu inter primores juvenum Romanorum silentium fuit ; cum & abnuere certamen vererentur , & præcipuam sortem periculi petere nollent . tum T. Manlius L. filius , qui patrem a vexatione tribunicia vindicaverat , ex statione ad dictatorem pergit . *Injussu tuo* , inquit , *imperator* , *extra ordinem numquam pugnaverim* , *non si certam victoriam videam* . *si tu permittis* , volo ego illi bellum ostendere , quando adeo ferox praesultat hostium signis , me ex ea familia ortum , quæ Gallorum agmen ex rupe Tarpeja dejecit . Tum dictator , *Macte virtute* , inquit , *hac pietate in patrem , patriamque* , T. Manli , esto : perge , & nomen Romanum invictum juvantibus diis presta . Armant inde juvenem æquales : 2 pedestre scutum capit , 3 Hispano cingitur gladio , ad propiorem habili pugnam . armatum adornatumque adversus Gallum stolidè lætum , & ( quoniam id quoque memoria dignum antiquis visum est ) linguam etiam ab irrisu exercentem ,

T 3

pro-

1 Tumultus Gallici ) Tumultus videtur Ciceroni dictus esse , quasi timor nullus : licet hodie docti deducant potius a tumulto .

2 Pedestre scutum capit ) Pro parma nimirum , quam equites gerebant .

3 Hispano . . gladio ) Gladio pedestri , qui vocitabatur & erat Hispanus , sive Hispanicus .

producant. Recipiunt inde se ad stationem ceteri; & duo in medio armati, spectaculi magis more, quam lege belli destituuntur, nequaquam visu ac specie æstimantibus pares. corpus alteri magnitudine eximium, versicolori veste, pictisque & auro cælatis refulgens armis: media in altero militaris statura, modicaque in armis habilibus magis, quam decoris, species: non cantus, non exultatio, armorumque agitatio vana, sed pectus animorum, iræque tacitæ plenum, omnem ferociam in discrimen ipsum certaminis distulerat. Ubi constitere inter duas acies, tot circa mortalium animis spe metuque pendentibus; Gallus, velut moles superne imminens, 1 projecto læva scuto in advenientis arma hostis, vanum cæsum cum ingenti sonitu enses dejecit. Romanus, mucrone surrecto, 2 cum scuto scutum innum perculisset, totoque corpore 3 interior periculo vulneris factus, insinuasset se inter corpus, armaque, uno alteroque subinde ictu ventrem, atque inguina hausit, & in spatium ingens ruentem porrexit hostem. jacentis inde corpus, ab omni alia vexatione intactum, uno torque spoliavit; quem respersum cruore, collo circumdedit suo. Defixerat pavor cum admiratione Gallos. Romani alacres ab statione obviam militi suo progressi, laudantes gratulantesque ad dictatorem perducunt. inter carminum propemodum incondita quædam militariter joculantes, Torquati cognomen additum, celebratum tum deinde posteris, & familiæ honori fuit. dictator coronam auream addidit donum, mirisque pro concione campugnam laudibus tulit.

CA-

1 *Projecto* ) Ante se prolato.

2 *Quum scutum scuto innum perculisset* ) Ut de gradu hostem, dejiceret, & , occasione data , sese posset inter corpus ejus armaque insinuare.

3 *Interior periculo vulneris* ) Propior hosti, quam ut gladio ejus, qui pralongus erat, ac cæsum tantum feriebat, posset vulnerari.

## CAPUT VII.

*Galli territi Manlii victoria, retro cedentes, se Tiburtibus jungunt. Dicto ad instantem tumultum Dictatore, cum utroque hoste res bene geritur. Tiburtes denuo usque ad mœnia urbis infesto agmine nocte progressi, repelluntur.*

ET hercule tanti ea ad universi belli eventum momenti dimicatio fuit, ut Gallorum exercitus proxima nocte, relictis trepide castris, in Tiburtem agrum, atque inde, societate belli facta, comteatuque benigne ab Tiburtibus adjutus, mox in Campaniam transierit. Ea fuit causa, cur proximo anno C. Pœtelius Libo COS., cum collegæ ejus M. Fabio Ambusto Hernici provincia evenisset, adversus Tiburtes jussu populi exercitum duceret. ad quorum auxilium cum Galli ex Campania redissent, fœdæ populationes in Lavicano, Tusculanoque, & Albano agro, haud dubie Tiburtibus ducibus, sunt factæ. Et cum adversus Tiburtem hostem, duce COS., contenta respub. esset, Gallicus tumultus dictatorem creari coegit. creatus Q. Servilius Ahala T. Quintium magistrum equitum dixit: & ex auctoritate patrum, si prospere id bellum evenisset, ludos magnos vovit. Dictator, ad continendos proprio bello Tiburtes consulari exercitu jussu manere, omnes juniores, nullo detrectante militiam, sacramento adegit. Pugnatum haud procul porta Collina est totius viribus urbis, in conspectu parentum, conjugumque, ac liberorum. quæ magna etiam absentibus hortamenta animi, tum subjecta oculis, simul verecundia, misericordiaque militem accendebant. Magna utrinque edita cæde, avertitur tandem acies Gallorum. fugati Tibur, sicut arcem belli Gallici, petunt. palati a COS. Pœtelio haud procul Tibure excepti, egressis ad opem ferendam Tiburtibus, simul cum his intra portas compelluntur. Egregie tum ab dictatore, tum ab COS. res gesta est. Et COS. alter Fabius præliis primum parvis, postremo una insigni pugna, cum hostes totis adorti copiis essent, Hernicos devicit.

vicit. Dictator, COSS. in senatu, & apud populum magnifice collaudatis, & suarum quoque rerum illis remissio honore, dictatura se abdicavit. Poetelius de Gallis Tiburtibusque geminum triumphum egit. Fabio fatis visum, ut ovans urbem iniret. Irridere Poetelii triumphum Tiburtes: *ubi enim eum secum acie conflixisse? spectatores paucos fuga trepidationisque Gallorum extra portas egressos, postquam in se quoque fieri impetum viderint, & sine discrimine obvios cadi: recepisse se intra urbem: cam rem triumpho dignam visam Romanis. ne nimis mirum magnumque censerent, tumultum exciere in hostium portis, maiorem ipsos trepidationem ante mœnia sua visuros.* Ita-  
 396. que insequenti anno, M. Popilio Lœnate, Cn. Manlio COSS., primo silentio noctis, ab Tibure agmine infesto profecti ad urbem Romam venerunt. terrorem repente ex somno excitatis subita res, & nocturnus pavor præbuit; ad hæc multorum inscitia, qui, aut unde hostes advenissent. conclamatum tamen celeriter ad arma est; & portæ stationibus, murique præfidiis firmati. & ubi prima lux mediocrem multitudinem ante mœnia, neque alium quam Tiburtem hostem ostendit; duabus portis egressi consules, utrinque aciem subeuntium jam muros aggrediuntur, apparuitque, occasione magis, quam virtute, fretos venisse: adeo vix primum impetum Romanorum sustinuerunt. quin etiam bono fuisse Romanis adventum eorum constabat, orientemque jam seditionem inter patres & plebem, metu tam propinqui belli compressam.

## C A P U T VIII.

*Terror a Tarquinienfibus, & Gallis: contra illos consul, contra hos dictus Dictator exercitum educit. Pugnam cum Gallis dum differt dedita opera Dictator, milites ferociter exposcunt: ad eum veniens Sex. Tullius verba pro exercitu facit.*

U.C. 397. **A**lius adventus hostium fuit proximo bello, agris, quam urbi, terribilior. populabundi

bundi Tarquinienses fines Romanos, maxime qua parte Etruria adjacet, peragravere: rebusque nequicquam repetitis, novi consules C. Fabius, & C. Plautius jussu populi bellum indixere: Fabioque ea provincia, Plautio Hernici evenere. Gallici quoque belli fama increbrescebat: sed inter multos terrores solatio fuit pax Latinis petentibus data, & magna vis militum ab iis ex fœdere vetusto, quod multis intermiserant annis, accepta. quo præsidio cum fulta res Romana esset; levius fuit, quod, Gallos mox Præneste venisse, atque inde circa Pedum confedisse, auditum est: dictatorem dici C. Sulpitium placuit: consul ad id accitus C. Plautius dixit. magister equitum dictatori additus M. Valerius. Hi robora militum, ex duobus consularibus exercitibus electa, adversus Gallos duxerunt. Lentius id aliquanto bellum, quam parti utrique placebat, fuit: cum primo Galli tantum avidi certaminis fuissent: deinde Romanus miles, ruendo in arma ac dimicationem, aliquantum Gallicam ferociam vinceret. Dictatori neutique placebat, quando nulla cogeret res, fortunæ se committere adversus hostem, quem tempus deteriore in dies, & locus alienus faceret, sine præparato comœntu, sine firmo munimento morantem: ad hæc iis animis corporibusque, quorum omnis in impetu vis esset, parva eadem languesceret mora. his consiliis dictator bellum trahebat: gravemque edixerat pœnam, si quis injussu in hostem pugnasset. Milites ægre id patientes, primo in stationibus vigiliisque inter se dictatorem sermonibus carpere; interdum patres communiter increpare, quod non jussissent per consules geri bellum: electum esse eximium imperatorem, unicum ducem, qui nihil audenti sibi de cælo devolaturam in sinum victoriam censeat. eadem deinde hæc interdum propalam, ac ferociora his jactare: se injussu imperatoris aut dimicatuuros, aut agmine Romam ituros: immiscerique militibus centuriones: nec in circulis modo fremere, sed jam

T. 5

i in

i In circulis ) In castris militum passim inter se colloquuntur.

1 in principiis ac 2 prætorio in unum sermones confundi : atque in concionis magnitudinem crescere turba , & vociferari ex omnibus locis , ut extemplo ad dictatorem iretur ; verba pro exercitu faceret Sex. Tullius , ut virtute ejus dignum esset . 3 septimum primum pilum jam Tullius ducebat ; neque erat in exercitu , qui quidem pedestria stipendia fecisset vir factis nobilior . is præcedens militum agmen ad tribunal pergit : mirantique Sulpitio non turbam magis , quam turbæ principem Tullium , imperiis obedientissimum militem , Scilicet , dictator , inquit , *condemnatum se universus exercitus a te ignavia ratus , & prope ignominia causa destitutum sine armis , oravit me , ut suam causam apud te agerem . Equidem , si tibi loco cessum , si terga data hosti , si signa fæde amissa obijci nobis possent ; tamen hoc a te impetrari aequum censerem , ut nos virtute culpam nostram corrigere , & abolere flagitii memoriam nova gloria patereris . etiam ad Aliam fusa legiones , eandem , quam per pavorem amiserant , patriam , profecta postea ab Vejis , virtute recuperavere . Nobis , deum benignitate , felicitate tua , populi que Romani , & res & gloria est integra . quamquam* 4 *de gloria vix dicere auserim , si nos & hostes haud secus , quam feminas , abditos intra vallum omnibus contumeliis eludunt : & tu imperator noster , quod agrius patimur , exercitum tuum sine animis , sine armis , sine manibus judicas esse : & prius quam expertus nos esses , de nobis ita desperasti , ut te mancorum ac debiliū ducem judicares esse . quid enim aliud esse causa credamus , cur veteranus dux , fortissimus bello , compressis , quod ajunt , manibus sed eas ? utrumque enim se habeat res , te de nostra virtute dubitasse videri , quam nos de tua , & verius est . Sin autem non tuum isthuc , sed publicum est consilium* 5

1 In principiis ) Principia , ubi præcipuorum ducum tentoria erant .

2 Prætorio ) Prætorium est tabernaculum imperatoris , qui olim prætor dicebatur .

3 Septimum primum pilum ) Tunc jam septimum principii centurio erat .

4 De gloria vix dicere auserim ) Gloriam quidem nobis integram esse vix dicere possum .

5 Verius ) Aequius , decorum magis .



lium ; & consensus aliquis patrum , non Gallicum bellum , nos ab urbe , a penetribus nostris ablegatos tenet : quaeso , ut , quæ dicam , non a militibus imperatori dicta censeas , sed a plebe patribus : quæ , sicut vos vestra habeatis consilia , sic se sua habituram dicat . Quis tandem succenseat milites nos esse , non servos vestros ? ad bellum , non in exilium missos ? si quis det signum , in aciem educat , ut viris ac Romanis dignum sit , pugnaturos : si nihil armis opus sit , otium Romæ potius , quam in castris , acturos , hæc dicta sint patribus . Te , imperator , milites tui oramus , ne nobis pugnandi copiam facias . tum vincere cupimus , tum duce te vincere ; tibi lauream insignem deferre ; tecum triumphantes urbem inire ; tum sequentes currum , Jovis Opt. Max. templum gratantes ovantesque adire . Orationem Tullii exceperunt preces multitudinis : & undique , ut signum daret , ut capere arma juberet , clamabant . Dictator , quamquam rem bonam exemplo haud probabili actam censebat , tamen facturum , quod milites vellent , se recepit : Tulliumque secreto , quænam hæc res sit , aut quo acta more , percontatur . Tullius magnopere a dictatore petere , ne se oblitum disciplinæ militaris , ne sui , neve imperatoriæ majestatis crederet : multitudini concitata , quæ ferme i auctoribus similis esset , non subtraxisse se ducem , ne quis alius , qualem mota creare multitudo so-  
leret , existeret . Nam se quidem nihil non arbitrio imperatoris acturum . illi quoque tamen videndum magnopere esse , ut exercitum in potestate haberet : differri non posse : adeo concitados animos ipsos sibi locum , ac tempus pugnandi sumturos , si ab imperatore non detur . 14\*

## CAPUT IX.

Tentata extra ordinem a militibus pugna , cogit Dictatorem exercitum in aciem educere ; qui usus fallaci specie equitum , vano terrore perculsos Gallos cadit .

**D**Um hæc loquuntur , jumenta forte pascencia extra vallum Gallo abigenti duo milites

T 6

i Auctoribus i his quorum auctoritate & consilio regitur .

lites Romani ademerunt . in eos saxa coniecta a Gallis : deinde ab Romana statione clamor ortus , ac procursum utrinque est , jamque haud procul justo prælio res erant ; ni celeriter diremtum certamen per centuriones esset . affirmata certe eo casu Tullii apud dictatorem fides est : nec recipiente jam dilationem re , in posterum diem edicitur acie pugnaturus . dictator tamen , ut qui magis animis , quam viribus fretus ad certamen descenderet , omnia circumspicere atque agitare cœpit , ut arte aliqua terrorem hostibus incuteret . solerti animo rem novam excogitat : qua deinde multi nostri atque externi imperatores , nostra quoque quidam ætate usi sunt . mulis <sup>1</sup> strata detrahi jubet : binisque tantum <sup>2</sup> centunculis relictis , agasones partim captivis , partim ægrorum armis ornatos imponit . his fere mille effectis centum admiscet equites , & nocte super castra in montes evadere , ac silvis se occultare jubet , neque inde ante moveri , quam ab se acciperent signum . ipse , ubi illuxit , in radicibus montium extendere aciem cœpit sedulo , ut adversus montes consisteret hostis . Instructo jam vani terroris apparatu , qui quidem terror plus pene veris viribus profuit ; primo credere duces Gallorum non descensuros in æquum Romanos ; deinde ubi digressos repente viderunt , & ipsi avidi certaminis in prælium ruunt : priusque pugna cœpit , quam signum ab ducibus daretur . Acrius invadere Galli dextrum cornu : neque sustineri potuissent , ni forte eo loco dictator fuisset , Sex. Tullium nomine increpans , rogitanisque , *sicne pugnaturus milites spondidisset ? ubi illi clamores sint arma poscentium ? ubi mina , injussu imperatoris prælium inituros ? en ipsum imperatorem clara voce vocare ad prælium , & ire armatum ante prima signa : equis sequeretur eorum , qui modo ducturi fuerint ? in castris feroces , in acie pavidi .* Vera audiebant : itaque tantos pudor stimulos admovit , ut ruerent in hostium tela , alienatis a memoria periculi animis . hic primo impetus prope vecors turbavit hostes : eques deinde emif-

<sup>1</sup> Strata ) Clitellas .

<sup>2</sup> Centunculis ) Pannis , qui ex utraque parte penderent .

emissus turbatos avertit . ipse dictator , postquam labantem una parte vidit aciem , sine in lævum cornu confert , quo turbam hostium congregari cernebat : & iis , qui in monte erant , signum , quod convenerat , dedit . ubi inde quoque novus clamor ortus , & tendere obliquo monte ad castra Gallorum visi sunt : tum metu , ne excluderentur , omissa pugna est , cursuque effuso ad castra ferebantur , ubi cum occurrisset eis M. Valerius magister equitum , qui profligato dextro cornu obequitabat hostium munimentis ; ad montes silvasque vertunt fugam : plurimique ibi a fallaci equitum specie , agaltonibusque excepti sunt : & eorum , quos pavor pertulerat in silvas , atrox cædes post sedatum prælium fuit . nec alius post M. Furium , quam C. Sulpitius , justiore de Gallis egit triumphum . auri quoque ex Gallicis spoliis satis magnum pondus , saxo quadrato septum , in Capitolio sacravit .

## CAPUT X.

*Prospero eventu cum Hernicis , infelici cum Tarquinienfibus pugnatur . Duæ tribus adduntur . Lex de ambitu , & unciario fœnore fertur . Privernates , qui in agrum Rom. incurrerant , coguntur se dedere . Stolo lege ab ipso lata damnatur , quod plus quingentis iugeribus agri possideret .*

**E**odem anno & a COSS. vario eventu belatum . nam Hernici a C. Plautio devicti , subactique sunt . Fabius collega ejus incaute atque inconsulte adversus Tarquinienfes pugnavit : nec in acie tantum ibi cladis acceptum , quam quod CCCVII. milites Romanos captos Tarquinienfes immolarunt . qua fœditate supplicii aliquanto ignominia populi Romani insignior fuit . Accessit ad eam cladem & vastatio Romani agri , quam Privernates , Veliterni deinde incursione repentina fecerunt . Eodem anno 1 duæ tribus , 2 Pomptina , & Publilia , additæ : Ludi votivi , quos M. Furius dictator voverat , facti : & de ambitu a C. Pœtelio tribuno plebis , auctoribus patribus , tum primum ad populum latum est : eaque rogatione novorum maxime hominum ambitionem , qui nundinas

&amp; 1

1 Duæ tribus ... ad lita ) Tum VII. & XX. tribus factæ sunt.  
2 Pomptina ) Nomen trahit a Pomptino agro prope urbem Pometiam .

16. & i conciliabula obire soliti erant , compres-  
 11. C. quenti anno , C. Martio , Cn. Manlio Coss.  
 398. de unciario fœnore a M. Duilio , L. Mænio  
 tribunis plebis rogatio est perlata : & plebs ali-  
 quanto eam cupidius scivit , accepitque . Ad  
 bella nova , priore anno destinata , Falisci quo-  
 que novi hostes exorti , duplici crimine ; quod  
 & cum Tarquiniensibus juvenis eorum milita-  
 verat ; & eos ; qui Falerios perfugerant , cum  
 male pugnatum est , repetentibus fœtialibus Ro-  
 manis non reddiderant . Ea provincia Cn. Man-  
 lio obvenit . Martius exercitum in agrum Pri-  
 vernatæ , integrum pace longinqua , induxit ;  
 militemque præda implevit . ad copiam rerum  
 addidit munificentiam ; quod , nihil in publi-  
 cum secernendo , augenti rem privatam militi  
 favit . Privernates cum ante mœnia sua castris  
 permunitis confedissent , vocatis ad concionem  
 militibus , *Castra nunc ; inquit , vobis hostium ,*  
*urbemque præda do ; si mihi pollicemini vos for-*  
*titer in acie operam navaturos , nec præda ma-*  
*gis , quam pugna paratos esse .* Signum poscunt  
 ingenti clamore : 2 celsique , & spe haud dubia  
 feroces in prælium vadunt . ibi ante signa Sex.  
 Tullius , de quo ante dictum est , exclamat :  
*Aspice , imperator , inquit , quemadmodum exer-*  
*citus tuus tibi promissa præstet .* piloque posito ,  
 stricto gladio in hostem impetum facit . se-  
 quuntur Tullium antesignani omnes : primoque  
 impetu avertere hostem : fufum inde ad oppi-  
 dum persecuti , cum jam scalas mœnibus admo-  
 verent , in deditionem urbem acceperunt . trium-  
 phus de Privernatibus actus . Ab altero COS.  
 nihil memorabile gestum : nisi quod legem no-  
 vo exemplo ad Sutrium in castris tributum de  
 vicesima eorum , qui manumitterentur , tulit .  
 patres quia ea lege haud parvum vectigal inopi  
 ærario additum esset , auctores fuerunt . cete-  
 rum tribuni plebis non tam lege , quam exem-  
 plo moti , ne quis postea 3 populum sevocaret ,  
 capi-

1 Conciliabula ) Loca paulo celebriora , in quibus jus etiam  
 dicebatur .

2 Celsi ) Elatis animis .

3 Populum sevocaret ) Abductum ab urbe , a magistratibus  
 ac tribunis , in concilium vocaret .

capite sanxerunt ; nihil enim non per milites juratos in consulis verba , quamvis perniciosum populo , si id liceret , ferri posse . Eodem anno C. Licinius Stolo a M. Popillio Lænate sua lege decem millibus æris est damnatus ; quod mille jugerum agri cum filio possideret , 1 emancipandoque filium , fraudem legi fecisset .

## CAPUT XI.

*Concitata Etruria a Faliscis , & Tarquinienensibus victis , dicitur Dictator de plebe primum ; qui , relata de hostibus victoria , jussu populi triumphat .*

**N**OVI COSS. inde M. Fabius Ambustus iterum, & M. Popillius Lænas iterum, duo bella habuere ; facile alterum cum Tiburtibus , quod Lænas gessit : qui , hoste in urbem compulso , agros vastavit . Falisci Tarquinienensesque alterum consulem 2 prima pugna fuderunt . inde terror maximus fuit ; quod sacerdotes eorum facibus ardentibus , 3 anguibusque prælatis , incellu furiali militem Romanum insueta turbaverunt specie . & tunc quidem velut lymphati , & attoniti munimentis suis trepido agmine inciderunt : deinde , ubi consules , legati que , ac tribuni , puerorum ritu vana miracula paventes irridebant , increpabantque ; vertit animos repente pudor ; & in ea ipsa , quæ fugerant , velut cæci ruebant . discusso itaque vano apparatu hostium , cum in ipsos armatos se intulissent , averterunt totam aciem ; castrisque etiam eo die potiti , præda ingenti parta victores reverterunt , militaribus jocis cum apparatus hostium , tum suum increpantes pavorem . Concitatur deinde omne nomen Etruscum ; & Tarquinienensibus Faliscisque ducibus ad Salinas perveniunt . adversus eum terrorem dictator C. Martius Rutilus primus de plebe dictus , magistrum equitum item de plebe C. Plautium dixit . id vero patribus indignum videri , etiam dictaturam jam in promiscuo esse : omni-  
que

1 *Emancipando* ) E manu emittendo per imaginariam venditionem ter repetitam .

2 *Prima pugna* ) Initio pugnae .

3 *Anguibus* ) Id est , ex Floro , l. 1. c. 12. discoloribus serpentum in modum virgis .

que ope impediabant , ne quid dictatori ad id bellum decerneretur , parareturve . eo promtius cuncta , ferente dictatore , populus iussit . profectus ab urbe , utraque parte Tiberis rati- bus exercitu , quocumque fama hostium duce- bat , trajecto , multos populatores agrorum va- gos , palantes oppressit : castra quoque nec opi- nato aggressus cepit : & VIII. millibus ho- stium captis , ceteris aut cælis , aut ex agro Romano fugatis , sine auctoritate patrum , po- puli iussu triumphavit .

## C A P U T XII.

*Res redit ad interregnum : ex eo consules ambo patricii creantur : fremente plebe , nihilominus denuo patricii creantur . Cum Tiburtibus ; & Tarquinicis bellum prospere geritur : Samnites in societatem accipiuntur .*

**E**T quia nec per dictatorem plebeium , nec per consulem comitia consularia haberi volebant ; & alter consul Fabius bello retineba- tur ; res ad interregnum redit . Interreges dein- cept Q. Servilius Ahala , M. Fabius , Cn. Man- lius , C. Fabius , C. Sulpitius , L. Æmilius , Q. Servilius , M. Fabius Ambustus . In secundo interregno orta contentio est , quod duo patri- cii consules creabantur ; intercedentibusque tri- bunis pl. interrex Fabius agebat in XII. tabu- lis legem esse , ut , quodcumque postremum po- pulus iussisset , id jus ratumque esset : 1 iussum populi & suffragia esse . cumque intercedendo tribuni nihil aliud , quam ut differrent comi- tia . valuissent ; duo patricii Coss. creati sunt ; C. Sulpitius Pericus tertium , M. Valerius Po- plicola : eodemque die magistratum inierunt . Quadringentesimo anno , quam urbs Romana condita erat , quinto & tricesimo quam a Gal- lis recepta , 2 ablato post undecimum annum a plebe consulatu , patricii Coss. ambo ex inter- regno magistratum iniere , C. Sulpitius Pericus tertium , M. Valerius Poplicola . Empulum eo anno ex Tiburtibus haud memorando certamine captum : siue duorum Coss. auspicio bellum ibi gestum

1 *Iussum populi* ) Suffragia quoque esse iussum populi .

2 *Ablato post undecimum annum* ) Plebeis a consulatu ex- clusis .

gestum est, ut scripsere quidam: seu per idem tempus Tarquinienſium quoque sunt vaſtati agri ab Sulpitio Cos., quo Valerius adverſus Tiburtes legiones duxit: Domi majus certamen Coſs. cum plebe ac tribunis erat. fidei jam ſuæ, non ſolum & virtutis ducebant eſſe, ut accepiſſent duo patricii conſulatum, ita ambobus patriciis mandare: quin aut toto cedendum eſſe, ſi plebeius jam magiſtratus conſulatus fiat, aut totum poſſidendum; quam poſſeſſionem integram a patribus accepiſſent. Plebs contra fremit: *quid ſe vivere? quid in parte civium cenſeri? ſi, quod duorum hominum virtute, L. Sextii, ac C. Licinii, partum ſit, id obtinere univerſi non poſſint? vel reges, vel decemviros, vel, ſi quod tr. ſtius ſit imperii nomen, patiendum eſſe potius, quam ambos patricos Coſs. videant: nec invicem pareatur, atque imperetur; ſed pars altera in æterno imperio locata, plebem nuſquam alio natam, quam ad ſerviendum, putet.* Non deſunt tribuni auctores turbarum: ſed inter concitatos per ſe omnes vix duces eminent. aliquoties fruſtra in campum deſcenſum cum eſſet, multique per ſeditiones acti comitiales dies: poſtremo, victæ perſeverantia Coſl. plebis eo dolor erupit, ut tribunos, *actum eſſe de libertate vociferantes, relinquendumque non campum jam ſolum, ſed etiam urbem captam atque oppreſſam regno patriciorum,* mœſta plebs ſequeretur. Conſules relictæ a parte populi, per infrequentiam comitia nihilo ſegnius perficiunt. Creati conſules ambo patricii M. Fabius Ambuſtus tertium, T. Quintius. 401.  
 In quibuſdam annalibus pro T. Quintio M. Popillium Cos. invenio. Duo bella eo anno 19. proſpere geſta: cum Tiburtibuſque ad deditiorem pugnatum: Saſſula ex his urbs capta: ceteraque oppida eandem fortunam habuiſſent, ni univerſa gens, poſitis armis, in fidem conſulis veniſſet. Triumphatum de Tiburtibus: alioquin mitis victoria fuit. In Tarquinienſes acerbe ſævitum, multis mortalibus in acie cæſis: ex ingenti captivorum numero CCCLVIII. delecti nobiliſſimus quiſque, qui Romam mitteretur; vulgus aliud trucidatum. nec popu-

populus in eos, qui missi Romam erant, mitior fuit. medio in foro omnes virgis cæsi, ac securi percussi. id pro immolatis in foro Tarquiniensium Romanis pœnæ hostibus redditum. Res bello bene gestæ, ut Samnites quoque amicitiam peterent, effecerunt. legatis eorum comiter ab senatu responsum; foedere in societatem accepti.

## CAPUT XIII.

*Consul uterque & in hunc annum patricius creatur. Exorto a Caritibus, & Volscis tumultu, dicitur Dictator; a quo cum esset Caritibus bellum indictum, veniam per legatos petentibus, illis inducia dantur. Ædes Apollinis dedicatur.*

**N**ON eadem domi, quæ militiæ, fortuna erat plebi Romanæ. nam etsi unciario fœnore facta, levata usura erat; sorte ipsa ob RUEBANTUR inopes, nexumque inibant. eo nec patricios ambo consules, nec comitiorum curam, & publicæ studia præ privatis incommodis plebs ad animum admittebat. consulatus  
 U. C. uterque apud patricios manet. consules creati,  
 402. C. Sulpitius Peticus quartum, M. Valerius Poplicola iterum. In bellum Etruscum intentam civitatem, quia Cæritem populum misericordia consanguinitatis Tarquiniensibus adiunctum fama ferebat, legati Latini ad Volscos convertere, nuntiantes, exercitum conscriptum, armatumque jam suis finibus imminere: inde populabundos in agrum Romanum venturos esse. censuit igitur senatus neutram negligendam rem esse. utroque legiones scribi, consulesque fortiri provincias iussit. Inclinauit deinde pars major curæ in Etruscum bellum, postquam litteris Sulpirii consulis, cui Tarquinii provincia evenerat, cognitum est, depopulatum agrum circa Romanas Salinas, prædæque partem in Cæritum fines avectam, & haud dubie juventutem ejus populi inter prædatores fuisse. itaque Valerium consulem. Volscis oppositum, castraque ad finem Tusculanum habentem,

REVO-

1 Publica . . studia ) Studia factionum in republica.



revocatum inde senatus dictatorem dicere iussit. T. Manlium Lucii filium dixit. is cum sibi magistrum equitum A. Cornelium Cossium dixisset, consulari exercitu contentus, ex auctoritate patrum, ac populi iussu Cæritibus bellum indixit. Tum primum Cærites, tamquam in verbis hostium vis major ad bellum significandum, quam in suis factis, qui per populationem Romanos lacefferant, esset, etiam verus belli terror invasit; & quam non suarum virium ea dimicatio esset, cernebant: poenitebatque populationis; & Tarquinienses execrabantur defectionis auctores: nec arma, aut bellum quisquam apparare, sed pro se quisque legatos mitti jubebat ad petendam erroris veniam. Legati senatum cum adissent, ab senatu rejecti ad populum, deos rogaverunt, quorum sacra bello Gallico accepta rite procurassent, ut Romanos florentes ea sui misericordia caperet, quæ se rebus affectis quondam populi Romani cepisset: conversique ad delubra Vestæ, hospitium flaminum, Vestaliumque ab se caste ac religiose cultum invocabant. *Ea ne meritos crederet quisquam, hostes repente sine causa factos? aut, si quid hostiliter fecissent, consilio id magis, quam i furore, lapsos fecisse? ut sua vetera beneficia, locata præsertim apud tam gratos, novis corrumpere maleficiis? florentemque populum Romanum, ac felicissimum bello, sibi desumerent hostem, cujus afflictæ amicitiam cepissent? ne appellarent consilium, qua vis ac necessitas appellanda esset. transeuntes agmine infesto per agrum suum Tarquinienses, cum præter viam nihil petissent, traxisse quosdam agrestium populationis ejus, qua sibi crimini detur, comites: eos, seu dedi placeat, dedere se paratos esse; seu supplicia affici, daturos poenas. Cere, sacrarium populi Romani, diversorium sacerdotum, ac receptaculum Romanorum sacrorum, intactum inviolatumque crimine belli, hospitio Vestalium cultisque diis darent. Movit populum non tam causa præsens, quam vetus meritum, ut maleficii, quam beneficii potius*  
immo-

immemores essent . itaque pax populo Cæriti data : induciasque in centum annos factas in senatusconsulta referri placuit . In Faliscos eodem noxios crimine vis belli conversa est : sed hostes nusquam inventi . cum populatione peragrati fines essent , ab oppugnatione urbium temperatum : legionibusque Romam reductis , reliquum anni muris turribusque reficiendis consumtum , & ædes Apollinis dedicata est .

## CAPUT XIV.

*Certamine injecto de consulibus creandis , res redit ad interregnum : inde alter de plebe consul concordia causa creatur ; qua ut esset stabilis, Quinqueviri creati publicam curam levandis æris alieni suscipiunt .*

21. **E**Xtremo anno comitia consularia certamen patrum ac plebis diremit , tribunis negantibus passuros comitia haberi , ni secundum Liciniam legem haberentur ; dictatore obstituto tollere potius totum e rep. consularium , quam promiscuum patribus ac plebi facere . Prolatandis igitur comitiis cum dictator magistratu abisset , res ad interregnum rediit . Inestam inde patribus plebem interreges cum accepissent , ad undecimum interregem seditionibus certatum est . Legis Liciniæ patrociniū tribuni iactabant ; propior dolor plebi fœnoris ingravescentis erat : curæque privatæ in certaminibus publicis erumpabant . quorum tædio patres L. Cornelium Scipionem interregem concordia causa observare legem Liciniam comitiis consularibus iussere .

- U. C. 403. P. Valerio Poplicolæ datus e plebe collega C. Marcius Rutilus . Inclinatorum semel in concordiam animis , novi consules fœnebrem quoque rem , quæ distingere unanimes videbatur , levare aggressi , solutionem alieni æris in publicam curam verterunt , quinqueviris creatis , i quos mensarios ab dispensatione pecuniæ appellarunt . meriti æquitate curaque sunt , ut per omnium annalium monumenta celebres nominibus essent .

fuere

1 Quos mensarios ) Mensa enim dicitur pro abaco argenteorum . Mensarii tamen differunt ab argentariis : quia mensarius rei nummariae publicæ curator est , argentarius privatae .

fuere autem C. Duilius, P. Decius Mus, M. Papirius, Q. Publilius, & T. Æmilius: qui rem difficillimam tractatu, & plerumque parti utrique, semper certe alteri gravem, cum alia moderatione, tum impendio magis publico, quam jactura, sustinuerunt. 1. tarda enim nomina, & impeditiora inertia debitorum quam facultatibus, aut ærarium mensis cum ære in foro positus dissolvit, ut populo prius caveretur; aut æstinatio æquis rerum pretiis liberavit: ut non modo sine injuria, sed etiam sine querimoniis partis utriusque exhausta vis ingens æris alieni sit.

## CAPUT XV.

*Ad famam Etrusci belli dicitur Dictator: propter contentionem de consulibus res redit ad interregnum: creati ambo patricii, bello cum Faliscis, & Tarquiniensibus finem imponunt. Censores creantur, ex quibus non sine certamine C. Marcius Duilius, quia de plebe.*

**T**Error inde vanus belli Etrusci, cum conjurasse duodecim populos fama esset, dictatorem dici coegit. dictus in castris (eo enim ad consules nullum senatusconsultum est) C. Julius: magister equitum ei adjectus L. Æmilius. Ceterum foris tranquilla omnia fuere. 22. tentatum domi per dictatorem, ut ambo patricii consules crearentur, rem ad interregnum perduxit: duo interreges C. Sulpitius, & M. Fabius interpositi obtinere, quod dictator frustra tetenderat, mitiore jam plebe ob recens meritum levati æris alieni, ut ambo patricii consules crearentur. Creati ipse C. Sulpitius Peticus, qui prior interregno abiit, & T. Quintius Pennus. Quidam Cælonem, alii Cajo nomen Quintio adjiciunt. Ad bellum ambo profecti, Faliscum Quintius, Sulpitius Tarquiniense, nusquam acie congressio hoste, cum agris magis, quam cum hominibus, urendo popu-

1. Tarda enim nomina ) Nomen sæpe accipitur pro debito, quia creditor in tabulas expensi & accepti refert nomen debitoris.

populandoque, gesserunt bella. cuius lentæ velut tabis senio victa utriusque pertinacia populi est, ut primum a consulibus, dein permissu eorum ab senatu inducias peterent. in quadraginta annos impetraverunt. ita posita duorum bellorum, quæ imminebant, cura, dum aliqua ab armis quies esset; quia solutio æris alieni multarum rerum mutaverat dominos, censum agi placuit. ceterum, cum censoribus creandis indicta comitia essent; professus se petere censuram C. Marcius Rutilus, qui primus dictator de plebe fuerat, concordiam ordinum turbavit. quod videbatur quidem tempore alieno fecisse; quia ambo tum forte patricii consules erant, qui rationem ejus se habituros negabant: sed & ipse constantia inceptum obtinuit; & tribuni, omni vi recuperando jus consularibus comitiis amissum, adjuverunt. & cum ipsius viri majestas nullius honoris fastigium non æquabat: tum per eundem, qui ad dictaturam aperuisset viam, censuram quoque in partem vocari plebs volebat. Nec variatum comitiis est, quin cum Manlio Cn. censor Marcius crearetur.

## CAPUT XVI.

*M. Popillius de plebe consul ingentem Gallorum exercitum fugat: reverso cum opulenta praeda prorogatur, propter acceptum vulnus, triumphus.*

**D**ICTATOREM quoque hic annus habuit M. Fabium, nullo terrore belli, sed ne Licinia lex comitiis consularibus observaretur. magister equitum dictatori additus Q. Servilius. nec tamen dictatura potentiorum eum consensum patrum consularibus comitiis fecit, quam censoriis fuerat. M. Popillius Lænas a plebe consul, ab patribus L. Cornelius Scipio datus. <sup>23.</sup> <sup>405.</sup> Fortuna quoque illustriorem plebeium consulem fecit. nam cum ingentem Gallorum exercitum in agro Latino castra posuisse nuntiatum esset; Scipione gravi morbo implicito, Gallicum bellum Popillio extra ordinem datum. is, impigre exercitu scripto, cum omnes extra per-

portam Capenam ad Martis ædem convenire armatos juniores jussisset, signaque eodem quæstores ex ærario deferre: quatuor expletis legionibus, quod superfuit militum, P. Valerio Poplicolæ prætori tradit, auctor patribus scribendi alterius exercitus, quod ad incertos belli eventus subsidium reipub. esset. Ipse, jam satis omnibus instructis, comparatisque, ad hostem pergit. cujus ut prius nosceret vires, quam periculo ultimo tentaret, in tumulto, quem proximum castris Gallorum capere potuit, vallum ducere cœpit. gens ferox, & ingenii avidi ad pugnam, cum, procul visis Romanorum signis, ut extemplo prælium initura, explicuisset aciem; postquam neque in æquum demitti agmen vidit, & cum loci altitudine, tum vallo etiam regi Romanos; perculosos pavore rata, simul opportuniore, quod intenti tum maxime operi essent, truci clamore aggreditur. ab Romanis nec opus intermissum, (triarii erant qui muniebant) & ab hastatis principibusque, qui pro munitioribus intenti armatique steterant, prælium initum. Præter virtutem locus quoque superior adjuvit, ut pila omnia hastæque non, tamquam ex æquo missa, vana (quod plerumque fit,) caderent, sed omnia i librata ponderibus figerentur. oneratique telis Galli, quibus aut corpora transfixa, aut prægravata inhærentibus gerebant scuta, cum cursu pene in adversum subsissent, primo incerti resistere: dein, cum ipsa cunctatio & his animos minuisset, & auxisset hosti, impulsu retro ruere alii super alios, & stragemque inter se cæde ipsa fœdiorem dare. adeo præcipiti turba obruti plures, quam ferro necati. Necdum certa Ro-<sup>24</sup>manis victoria erat. alia in campum degressis supererat moles. namque multitudo Gallorum sensum omnem talis damni exuperans, velut nova rursus exoriente acie, integrum militem adversus victorem hostem ciebat. stetitque suppresso impetu Romanus: & quia iterum fessis subeunda dimicatio erat; & quod consul, dum

inter  
1 Libras ponderibus ) Ipso pondere adjuncta gravius infingerentur corporibus.

2 Stragemque inter se . . . dare ) Et ruina sterni ac devolvendi supra se mutuo.

inter primores incautus agitat, lævo humero matari prope trajecto, cesserat parumper ex acie. jamque omiſſa cunctando victoria erat, cum conſul, vulnere alligato, reueſtus ad prima ſigna, *Quid ſtas, miles?* inquit. *non cum Latino Sabinoque hoſte res eſt, quem victum armis ſocium ex hoſte facias. in belluas ſtrinximus ferrum: hauriendus, aut dandus eſt ſanguis. propuliſtis a caſtris; ſupina valle præcipientes cæſtiſtis; ſtratis corporibus hoſtium ſuperſtatiſtis. complete eadem ſtrage campos, qua montes repleſtiſtis. nolite expectare, dum ſtantes vos fugiant. inferenda ſunt ſigna, & vadendum in hoſtem.* Hiſ adhortationibus iterum coorti pellunt loco primos manipulos Gallorum; cuneis deinde in medium agmen perſcunt. inde barbari diſſipati, quibus nec certa imperia, nec duces eſſent, vertunt impetum in ſuos; ſulique per campos, & præter caſtra etiam ſua fuga prælati, quod editiſſimum inter æquales tumulos occurrebat oculis, arcem Albanam petunt. conſul non ultra caſtra inſecutus, quia & vulnus degravabat, & ſubjicere exercitum pugna feſſum novo labori nolebat, a perſequendo hoſte continuit, tumulis ab hoſte occupatiſ. præda omni caſtrorum militi data, victorem exercitum, opulentumque Gallicis ſpoliis Romam reduxit. moram triumpho vulnus conſulis attulit: eademque cauſa dictatoris deſiderium ſenatu fecit; ut eſſet, qui, ægriſ conſulibus, comitia haberet. dictator L. Furius Camillus dictuſ, addito magiſtro equitum P. Cornelio U. C. Scipione, reddidit patribuſ poſſeſſionem priſti-  
406. nam conſulatuſ. ipſe ob id meritum ingenti patrum ſtudio creatuſ conſul, collegam P. Claudium Craſſum dixit.

## CAPUT XVII.

*Popilliuſ de Gallis triumphat. Ad motuſ Gallorum, & Græcorum, quorum illi terra, hi mari prædabantur, Latinuſ imperatoſ militeſ negantiſ, civilis exercituſ conſcribitur.*

25. PRIuſquam inirent novi conſuleſ magiſtratum, triumphuſ a Popillio de Galluſ actuſ magno

magno favore plebis: mustantesque inter se ro-  
gitabant, *num quem plebeii consulis pœniteret*:  
simul dictatorem increpabant, qui legis Lici-  
niæ sprete mercedem consulatum privata cu-  
piditate, quam publica injuria frædiorem, ce-  
pisset, ut se ipse consulem dictator crearet.  
Annus multis, variisque motibus fuit insignis.  
Galli ex Albanis montibus, quia hiemis vim  
pati nequiverant, per campos, maritimaque lo-  
ca vagi populabantur: mare infestum classibus  
Græcorum erat, oraque litoris Antiatis, Lau-  
rensque tractus, & Tiberis ostia: ut prædones  
maritimi cum terrestribus congressi, ancipiti se-  
mel prælio decertarint; dubiisque discesserint,  
in castra Galli, Græci retro ad naves, victos  
se, an victores putarent. Inter hæc longe ma-  
ximus extitit terror. concilia populorum La-  
tinorum ad lucum Ferentinæ habita: respon-  
sumque haud ambiguum imperantibus milites  
Romanis datum, absisterent imperare iis, quo-  
rum auxilio egerent: Latinos pro sua liberta-  
te potius, quam pro alieno imperio, luros  
arma. Inter duo simul bella externa, defectio-  
ne etiam sociorum senatus anxius, cum cerne-  
ret metu tenendos quos fides non tenuisset;  
extendere omnes imperii vires consules delectu  
habendo jussit: civili quippe standum exerci-  
tu esse, quando socialis cœtus desereret. Un-  
dique non urbana tantum, sed etiam agresti ju-  
ventute decem legiones scriptæ dicuntur quater-  
num millium & ducenorum peditum, equitum-  
que trecenorum. quem nunc novum exerci-  
tum, si qua externa vis ingruat, hæ vires po-  
puli Romani, quas vix terrarum capit orbis,  
contractæ in unum haud facile efficiant. adeo  
in quæ laboramus sola crevimus, divitias, lu-  
xuriamque.

## CAPUT XVIII.

*Furius Camillus contra Gallos proficiscitur : M. Valerius tribunus militum ingentem Gallum provocantem, insidente galea corvo, & unguibus, & rostro hostem infestante, interimit; & ex eo Corvi cognomen accipit: ob virtutem proximo anno vigesimum tertium annum agens consul creatur. Græci, qui mare infestabant, Italiam relinquere coguntur.*

**I**Nter cetera tristitia ejus anni, consul alter P. Claudius in ipso belli apparatu moritur: redierantque res ad Camillum: cui unico consuli, vel ob aliam dignationem haud subjiiciendam dictaturæ, vel ob omen faustum ad Gallicum tumultum cognominis, dictatorem arrogari haud satis decorum visum est patribus. Consul, duabus legionibus urbi præpositis, octo cum L. Pinario prætore divisis, memor paternæ virtutis, Gallicum sibi bellum extra sortem sumit; prætorem maritimam oram tutari, Græcosque arcere litoribus jussit. & cum in agrum Pomptinum descendisset, quia neque in campis congregi, nulla cogente re, volebat, & prohibendo populationibus, quos raptò vivere necessitas cogeret, satis domari credebat hostem; locum idoneum stativis delegit.

26. Ubi cum stationibus quieti tempus tererent, Gallus processit, magnitudine atque armis insignis: quatiensque scutum hasta, cum silentium fecisset, provocat per interpretem unum ex Romanis, qui secum ferro decernat. Marcus erat Valerius tribunus militum, adolescens: qui haud indigniorem eo decore se, quam T. Manlium, ratus, prius sciscitatus consuli voluntatem, in medium armatus processit. Minus insigne certamen humanum numine interposito decorum factum. namque conferenti jam manum Romano corvus repente in galea confedit, in hostem versus. quod primo, ut augurium cælo missum, lætus accepit tribunus: precatus deinde, *si divus, si diva esset, qui sibi præpetem misisset, volens propitiis adesset.*

dictu

1. *Præpetem*) Alitem, felicitis augurii.



dictu mirabile, tenuit non solum ales captam  
 semel sedem, sed, quotiescumque certamen ini-  
 tum est, levans se alis, os, oculosque ho-  
 stis rostro & unguibus appetiit: donec terri-  
 tum prodigii talis visu, oculisque simul ac  
 mente turbatum Valerius obtruncat, corvus e  
 conspectu elatus orientem petit. Hactenus quie-  
 ræ utrinque stationes fuere. postquam spolia-  
 re corpus cæsi hostis tribunus cœpit, nec Galli  
 se statione tenuerunt, & Romanorum cursus  
 ad victorem etiam otyor fuit. ibi circa jacen-  
 tis Galli corpus contracto certamine, pugna  
 atrox concitatur, jam non manipulis proxima-  
 rum stationum, sed legionibus utrinque cœsulis  
 res geritur. Camillus lætum militem victoria  
 tribuni, lætum tam præsentibus ac secundis diis,  
 ire in prælium jubet. ostentansque insignem  
 spoliis tribunum, *Hunc imitare miles*, agebat:  
 & *circa jacentem ducem sterne Gallorum cater-  
 vas*. Dii hominesque illi assuere pugnae; de-  
 pugnatumque handquaquam certamine ambiguo  
 cum Gallis est. adeo duorum militum eventum,  
 inter quos pugnatum erat, utraque acies animis  
 præceperat. inter primos, quorum concursus  
 alios exciverat, atrox prælium fuit: alia mul-  
 tudo prius, quam ad conjectum teli veniret,  
 terga vertit. primo per Volscos Falernumque  
 agrum dissipati sunt: inde Apuliam ac mare  
 inferum petierunt. Consul, concione advocata,  
 laudatum tribunum decem bobus aureaque coro-  
 na donat. ipse jussus ab senatu bellum mariti-  
 mum curare, cum prætore junxit castra. ibi,  
 quia res trahi segnitia Græcorum non commit-  
 tentium se in aciem videbantur, dictatorem com-  
 mitiorum causa T. Manlium Torquatum ex au-  
 thoritate senatus dixit. Dictator, magistro e-  
 quitum A. Cornelio Cossio dicto, consularia  
 comitia habuit, æmulumque decoris sui absen-  
 tem M. Valerium Corvum (id enim illi deinde  
 cognominis fuit) summo favore populi, tres,  
 & viginti natum annos, consulem renuntia-  
 vit. collega Corvo, de plebe, M. Popillius <sup>U. C.</sup>  
 Lænas quartum consul futurus datus est. Cum <sup>407</sup>  
 Græcis a Camillo nulla memorabilis gesta res:  
 nec illi terra, nec Romanus mari bellator erat.

Postremo cum litoribus arcerentur, aqua etiam præter cetera necessaria usui deficiente, Italiam reliquere. cujus populi ea, cujusque gentis classis fuerit, nihil certi est. maxime Siciliæ fuisse tyrannos crediderim. nam ulterior Græcia ea tempestate intestino fessa bello, jam Macedonum opes horrebat.

## CAPUT XIX.

*Orta pestilentia, fit lectisternium: amicitia cum Carthaginensibus jungitur: domi cum esset pax, bellum excitant Volsci: eos vincit M. Valerius Cossus consul.*

27. **E**Xercitibus dimissis, cum & foris pax, & domi concordia ordinum otium esset; ne nimis lætæ res essent, pestilentia civitatem adorta coegit senatum imperare decemviris, ut libros Sibyllinos inspicerent; eorumque monitu lectisternium fuit. Eodem anno Satricum ab Antiatribus colonia deducta, restitutaque urbs, quam Latini diruerant. Et cum Carthaginensibus legatis Romæ fœdus ictum, cum amicitiam ac societatem petentes venissent. Idem otium domi forisque mansit T. Manlio Torquato, C. Plautio COSS. semunciarium tantum ex uncariis fœnus factum, & in pensiones æquis in \* triennium, ita ut quarta præfens esset, solutio æris alieni dispensata est. & sic quoque parte plebis affecta, fides tamen publica privatis difficultatibus potior ad curam senatui fuit. levatæ maximæ res, quia tributo ac delectu superfluum. Tertio anno post Satricum restitutum a Volscis, M. Valerius Corvus secundum COS. cum C. Petelio factus, cum ex latio nuntiatum esset legatos ab Antio circumire populos Latinorum ad concitandum bellum, priusquam plus hostium fieret, Volscis arma inferre jussus, ad Satricum exercitu infesto pergit. quo cum Antiates, alique Volsci præparatis jam ante, si quid ab Roma moveretur, copiis

\* In pensiones æquas triennium Totum æs alienum quatuor pensionibus solvi jussum est, ut quarta pars statim, tres reliquæ primo, secundo, & tertio anno numerarentur.

copiis occurrissent, nulla mora inter infensos diutino odio dimicandi facta est. Volsci, ferocior ad rebellandum, quam ad bellandum gens, certamine victi, fuga effusa Satrici rœnia petunt. & ne in muris quidem satis firma spe, cum corona militum cincta jam scalis caperetur urbs, ad quatuor millia, præter multitudinem imbellem, sese dedidere. oppidum dirutum atque incensum. ab æderantem matris Matutæ abstinuere ignem. præda omnis militi data. extra prædam quatuor millia deditorum habita. eos victos consul ante currum triumphans egit: venditis deinde, magnam pecuniam in ærarium redegit. Sunt qui hanc multitudinem captivam servorum fuisse scribant. idque magis verisimile est, quam deditos venisse.

## CAPUT XX.

*Dictus Dictator Cn. Manlius Capitolinus Auruncos vincit: dictatura cum se abdicasset, Sora a Coss. capitur: Ædes Matuta dedicatur: prodigiorum deinde causa denuo dicitur Dictator P. Valerius Poplicola, Res ad interregnum redit.*

**H**Os consules secuti sunt M. Fabius Dorso, 28.  
Ser. Sulpitius Camerinus. Auruncum in- u. c.  
de bellum ab repentina populatione cœptum: 410  
metuque, ne id factum populi unius, consilium omnis nominis Latini esset, dictator velut adversus armatum jam Latium L. Furius creatus, magistrum equitum Cn. Manlium Capitolinum dixit. & cum, (quod per magnos tumultus fieri solitum erat) iustitio indicto delectus, sine vacationibus habitus esset; legiones, quantum maturari potuit, in Auruncos ductæ. ibi prædonum magis, quam hostium, animi inventi. prima itaque acie debellatum est. Dictator tamen, quia & ultro bellum intulerant, & sine detrectatione se certamini offerebant; deorum quoque opes adhibendas ratus, inter ipsam dimicationem, ædem Junoni Monetæ vovit. cuius damnatus voti, cum victor Ro-

nam revertisset, dictatura se abdicavit. Senatus  
 dnum viros ad eam ædem pro amplitudine P.  
 R. faciendam creari iussit. Locus in arce desti-  
 natus, quæ area ædium M. Manlii Capitolini  
 fuerat. Consules dictatoris exercitu ad bellum  
 Volsicum usi, Soram ex hostibus, incautos ad-  
 orti, ceperunt. Anno post, quam vota erat,  
 U. C. ædes Monetæ dedicatur, C. Martio Rutilo ter-  
 tium, T. Manlio Torquato iterum COSS.  
 prodigium extemplo dedicationem secutum, si-  
 mile vetusto montis Albani prodigio. namque  
 & lapidibus pluit, & nox interdiu visa inten-  
 di. librisque inspectis, cum plena religione ci-  
 vitas esset, senatui placuit dictatorem feriarum  
 constituendarum causa dici. dictus P. Valerius  
 Poplicola. magister equitum ei Q. Fabius Am-  
 bustus datus est. non tribus tantum supplica-  
 tum ire placuit, sed finitimos etiam populos:  
 ordoque iis, quo quisque die supplicarent, sta-  
 tutus. Judicia eo anno populi tristitia in foene-  
 ratores facta, quibus ab ædilibus dicta dies ef-  
 fet, traduntur. Et res, haud ulla insigni ad  
 memoriam causa, ad interregnum rediit.

## CAPUT XXI.

*Belli cum Samnitibus causa narratur: hac ori-  
 tur a Campanis, qui cum auxilium adver-  
 sus Samnites ab senatu non impetrarent, ur-  
 bem, atque agros populo Rom. dedunt, ut  
 facta jam sua defendat.*

U. C. 412 **E**X interregno, i ut id actum videri posset,  
 ambo patricii consules creati sunt M. Va-  
 lerius Corvus tertium, A. Cornelius Cossius.  
 29. Majora jam hinc bella & viribus hostium, &  
 longinquitate vel regionum, vel temporum spa-  
 tio, quibus bellatum est, dicentur. namque eo  
 anno adversus Samnites, gentem opibus, ar-  
 misque validam, mota arma. Samnitium bel-  
 lum ancipiti Marte gestum. Pyrrhus hostis,  
 Pyrrhum Pœni secuti. quanta rerum moles,  
 quoties in extrema periculorum ventum, ut in  
 hanc magnitudinem, quæ vix sustinetur, erigi-  
 im-

i U. id actum videri posset ] Nempe ut ambo patricii con-  
 sules fierent.

imperium posset? Belli autem causa cum Samnitibus Romanis, cum societate amicitiaque juncti essent, extrinsecus venit, non orta inter ipsos est. Samnites Sidicinis injusta arma, quia viribus plus poterant, cum intulissent, coacti inopes ad opulentiorum auxilium confugere, Campanis sese conjungunt. Campani magis nomen ad praesidium sociorum, quam vires, cum attulissent, fluentes luxu ab duratis usu armorum in Sidicino pulsi agro, in se deinde molem omnem belli verterunt. namque Samnites, omissis Sidicinis, ipsam arcem finitimorum Campanos adorti, unde aequae facilis victoria, praedae atque gloriae plus esset; Tifata imminentes Capuae colles cum praesidio firmo occupassent, descendunt inde quadrato agmine in planiciem, quae Capuam Tifataque interjacet. ibi rursus acie dimicatum, adversoque praelio Campani intra moenia compulsi, cum, robore juvenutis suae acciso, nulla propinqua spes esset, coacti sunt ab Romanis petere auxilium. Legati inducti in senatum, maxime in hanc sententiam locuti sunt. 30.

*Populus nos Campanus legatos ad vos, P. C., misit, amicitiam in perpetuum, auxilium praesens a vobis petitum. quam si secundis rebus nostris petissemus; sicut coepta celerius, ita infirmiore vinculo contracta esset. tunc enim, ut qui ex aquo nos venisse in amicitiam meminissemus, amici forsitan pariter ac nunc, subjecti atque obnoxii vobis minus essemus. nunc misericordia vestra conciliati, auxilioque in dubiis rebus defensi, beneficium quoque acceptum colamus oportet, ne ingrati, atque omni ope divina humanaque indigni videamur. Neque hercule, quod Samnites priores amici sociique vobis facti sunt, ad id valere arbitror, ne nos in amicitiam suscipiamur; sed ut vetustate, & gradu honoris nos praestent. neque enim foedere Samnitium, ne qua nova jungeretis foedera, cautum est. Fuit quidem apud vos semper satis justa causa amicitiae, velle eum vobis amicum esse, qui vos appetere. Campani, etsi fortuna praesens magnifice loqui prohibet, non urbis amplitudine, non agri ubertate ulli populo, praterquam vobis, ce-*

dentes, haud parva, ut arbitros, accessio bonis rebus vestris in amicitiam venimus vestram. Aquis, Volscisque aternis hostibus hujus urbis, quandocumque se moverint, ab tergo erimus: & quod vos pro salute nostra priores feceritis, id nos pro imperio vestro, & gloria semper faciemus. Subactis iis gentibus, quæ inter nos, vosque sunt, quod propediem futurum spondet & virtus & fortuna vestra, continens imperium usque ad nos habebitis. Acerbum & miserum est, quod fateri nos fortuna nostra cogit. eo ventum est, P. C., ut aut amicorum, aut inimicorum Campani simus. si defenditis, vestri: si deseritis, Samnitium erimus. Capuam ergo & Campaniam omnem vestris, an Samnitium viribus accedere malitis, deliberate. Omnibus quidem, Romani, vestram misericordiam, vestramque auxilium æquum est petere; iis tamen maxime, qui, eam implorantibus aliis, auxilium dum supra vires suas præstant, omnes ipsi in hanc necessitatem venerunt, quamquam pugnavimus verbo pro Sidicinis, re pro nobis: cum videremus finitimum populum nefario latrocinio Samnitium peti, & ubi conflagrassent Sidicini, ad nos trajecturum illud incendium esse. nec enim nunc, quia dolent injuriam acceptam Samnites, sed quia gaudent oblatam sibi esse causam, oppugnatum nos veniunt. an, si ultio ira hæc, & non occasio cupiditatis explenda esset, parum fuit, quod semel in Sidicino agro, iterum in Campania ipsa legiones nostras cecidere? quæ est ista tam infesta ira, quam per duas acies fusus sanguis explere non potuerit? Adde huc populationem agrorum, pradas hominum atque pecudum actas, incendia villarum, ac ruinas, omnia ferro ignique vastata. hiscene ira expleri non potuit? sed cupiditas explenda est: ea ad oppugnandam Capuam rapit. aut delere urbem pulcherrimam, aut ipsi possidere volunt. sed vos potius, Romani, beneficio vestro occupate eam, quam illos habere per maleficium finatis. Non loquor apud recusantem iusta bella populum; sed tamen, si ostenderitis auxilia vestra, ne bello quidem arbitror vobis opus fore, usque

usque ad nos contemptus Samnitium pervenit, supra non ascendit. itaque umbra vestri auxilii, Romani, regi possumus: quicquid deinde habuerimus, quicquid ipsi fuerimus, vestrum id omne existimaturi. Vobis arabitur ager Campanus: vobis Capua urbs frequentabitur: conditorum, parentum, deorum immortalium numero nobis eritis. nulla colonia vestra erit, qua nos obsequio erga vos, fideque superet. <sup>1</sup> Annuite, patres conscripti, nutum <sup>\* al.</sup> numenque <sup>no-</sup> vestrum invictum Campanis, & jubere sperare <sup>men-</sup> incolumem Capuam futuram. Qua frequentia <sup>qu.</sup> omnium generum multitudinis prosequente creditis nos illinc profectos? quam omnia votorum tacrimarumque plena reliquisse? in qua nunc expectatione senatum populumque Campanum, conjuges liberosque nostros esse? stare omnem multitudinem ad portas, viam hinc ferentem prospectantes, certum habeo, quid illis nos, P. C., sollicitis ac pendentibus <sup>\* al.</sup> animis enun- <sup>an-</sup> tiare jubeatis. alterum responsum salutem, vi- <sup>tu.</sup> ctoriam, lucem ac libertatem: alterum ominari horreo, qua ferat. Proinde ut aut de vestris futuris sociis atque amicis, aut nusquam ullis futuris nobis consulite. Summotis deinde legatis, <sup>31.</sup> cum consultus senatus esset, erit magnæ parti urbs maxima opulentissimaque Italiæ, uberrimus ager, marique propinquus, ad varietates annonæ horreum populi Romani fore videbatur: tamen tanta utilitate fides antiquior fuit; responditque ita ex auctoritate senatus consul: *Auxilio vos, Campani, dignos censet senatus: sed ita vobiscum amicitiam institui par est, nequa vetustior amicitia ac societas violetur. Samnites nobiscum sedere juncti sunt. itaque arma deos prius, quam homines violatura, adversus Samnites vobis negamus: legatos, sicut fas usque est, ad socios atque amicos precatum mittemus, ne qua vobis vis fiat. Ad ea princeps legationis (sic enim homo mandatum attulerat) Quandoquidem, inquit, nostra tueri adversus vim atque injuriam justa vi non vultis, vestra certe defendetis.*

V. 5.

<sup>1</sup> Annuite... nutum numenque) Compellant Campani Romanos tamquam deos quosdam; numen enim a deo divi nam gubernationem ac voluntatem denotat.

rerum curis, patres, fœtialibus ad res repetendas missis, belloque, quia non redderentur, solemnî more indicto, decreverunt, ut primo quoque tempore de ea re ad populum ferretur: jussuque populi consules ambo cum duobus ab urbe exercitibus profecti, Valerius in Campaniam, Cornelius in Samnium, ille ad montem Gaurum, hic ad Saticulam castra ponunt. Priori Valerio Samnitium legiones (eo namque omnem belli molem inclinaturam censebant) occurrunt. simul in Campanos stimular bar ira, tam promptos nunc ad ferenda, nunc ad arcessenda adversus se auxilia. ut vero castra Romana viderunt; ferociter pro se quisque signum duces poscere; affirmare eadem fortuna Romanum Campano laturum opem, qua Campanus Sidicino tulerit. Valerius levibus certaminibus, tentandi hostis causa, haud ita multos moratus dies, signum pugnae proposuit, paucis suos adhortatus, Ne novum bellum eos, novusque hostis terreret: quicquid ab urbe longius proferrent arma, magis in imbelles gentes eos prodire. ne Sidicinorum Campanorumque cladibus Samnitium aestimarent virtutem, qualecumque inter se certaverint, necesse fuisse alteram partem vinci: Campanos quidem haud dubie magis nimio luxu fluentibus rebus, mollitiaque sua, quam vi hostium, victos esse. Quid autem esse duo prospera in tot seculis bella Samnitium adversus tot decora populi Romani, qui triumphos pene plures, quam annos ab urbe condita numeret? qui omnia circa se, Sabinos, Etruriam, Latinos, Hernicos, Æquos, Volscos, Auruncos, domita armis habeat? qui Gallos, tot praliis casos, postremo in mare, ac naves fuga compulerit? Cum gloria belli ac virtute sua quemque fretos ire in aciem debere, tum etiam intueri cujus ductu auspicioque ineunda pugna sit: utrum qui audiendus dumtaxat magnificus adhortator sit, verbis tantum ferox, operum militarium expertus; an qui & ipse tela tractare, procedere ante signa, versari media in mole pugna sciat. Facta mea, non dicta, vos milites, inquit, sequi volo; nec disciplinam modo,



sed exemplum etiam a me petere. Non factionibus modo, nec per conciones usitatas nobilibus, sed hac dextra mihi tres consulatus, summamque laudem peperit. Fuit, cum hoc dici poterat: Patricius enim eras, & a liberatoribus patria ortus: & eodem anno familia ista consulatum, quo urbs hac consulem, habuit. Nunc jam nobis patribus, vobisque plebeis promiscuus consulatus patet; nec generis, ut ante, sed virtutis est premium. proinde summum quodque spectate, milites, decus. Non, si mihi novum hoc Corvi cognomen diis auctoribus homines dedistis, Poplicolarum vetustum familia nostra cognomen memoria excessit. semper ego plebem Romanam militia domique, privatus, in magistratibus parvis magnisque, æque tribunus ac consul, eodem tenore per omnes deinceps consulatus, colo, atque colui. Nunc, quod instat, diis bene iurantibus, novum atque integrum

33. de Samnitibus triumphum mecum petite. Non alias militi familiarior dux fuit, omnia inter infimos militum haud gravate munia obeundo. in ludo præterea militari, cum velocitatis viriumque inter se æquales certamina in-eunt, comiter facilis vincere ac vinci vultu eodem: nec quemquam aspernari parem, qui se offerret: factis benignus i pro re, dictis haud minus libertatis alienæ, quam suæ dignitatis memor: &, quo nihil popularius est, quibus artibus petierat magistratus, iisdem gerebar. Itaque universus exercitus incredibili alacritate adhortationem profecutus ducis, castris egreditur. Prælium, ut quod maxime umquam, pari spe, utrinque æquis viribus cum fiducia sui, sine contemptu hostium commissum est. Samnitibus ferociam augebant novæ res gestæ, & paucos ante dies geminata victoria: Romanis contra quadringentorum annorum decora, & conditæ urbi æqualis victoria. utrisque tamen novus hostis curam addebat. pugna indicio fuit, quos gesserint animos. namque ita conflixerunt, ut aliquamdiu in neutram partem inclinaret acies. Tum consul, trepidatio-

i Pro re] Pro varia rerum, temporum, personarumque ratione.

tionem injiciendam ratus, quando vi pelli non poterant; equitibus immixtis turbare prima signa hostium conatur. quos ubi nequicquam tumultuantes in spatio exiguo volvere turmas vidit, nec posse aperire in hostes viam, reiectus ad antesignanos legionum, cum defluisset ex equo, *Nostrum*, inquit, *peditum illud, milites, est opus: agendum, ut me videritis, quacumque incesse, in aciem hostium, ferra viam facientem; sic pro se quisque obvios sternite. illa nunc omnia, qua nunc erecta micant hasta, patefacta strage vasa cernetis*. Hæc dicta dederat, cum equites consulis jussu discurrunt in cornua, legionibusque in mediam aciem aperiant viam. Primus omnium consul invadit hostem; & cum quo forte contulit gradum, obtruncat. hoc spectaculo accensi, dextra lævaque ante se quisque memorandum prælium ciet. stant obnixi Samnites, quamquam plura accipiunt, quam inferunt, vulnera. Aliquamdiu jam pugnatum erat: atrox cædes circa signa Samnitium, fuga ab nulla dum parte erat. adeo, morte sola vinci destinaverant animis. Itaque Romani, cum effluere jam lassitudine vires sentirent, & diei haud multum superesse, accensi ira concitant se in hostem. Tum primum referri pedem, atque inclinari rem in fugam apparuit: tum capi, occidi Samnis. nec superfuissent multi, ni nox victoriam magis, quam prælium diremisset. & Romani fatebantur, *numquam cum pertinacior hoste conflictum*: & Samnites, cum quæreretur, quænam prima causa tam obstinatos movisset in fugam, oculos sibi Romanorum ardere visos, agebant, *vesanosque vultus, & furentia ora: inde plus, quam ex alia ulla re, terroris ortum*. Quem terrorem non pugnae solum eventu, sed nocturna profectione confessi sunt. Postero die vacuis hostium castris Romanus potitur: quo se omnis Campanorum multitudo gratulabunda effudit.

## CAPUT XXIII.

*Cum exercitus, a consule Cornelio in iniquum locum deductus, esset in magno discrimine, P. Decii tribuni militum opera liberatur; qui, occupato colle hostibus imminente, occasionem consuli in auiorem locum evadendi præbet; ipse ab hostibus circumfessus erumpit: eodem auctore, Consul Samnites improviso adoritur: re bene gesta, Decium honoribus ornat.*

34. **C**eterum hoc gaudium magna prope clade in Samnio foedatum est. nam ab Saticula profectus Cornelius COS. exercitum incaute in saltum cava valle pervium, circaque infessum ab hoste induxit, nec prius, quam recipi tuto signa non poterant; imminentem capiti hostem vidit. Dum id moræ Samnitibus est, quoad totum in vallem infimam demitteret agmen; P. Decius tribunus militum conspicit unum editum in saltu collem, imminentem hostium castris, aditu arduum impedito agmini, expeditis haud difficilem. itaque consuli terrore animi, *Vides ne tu, inquit, A. Corneli, cacumen illud supra hostem? arx illa est spei, salutisque nostra; si eam, quam caci reliquere Samnites, impigre capimus. nec tu mihi plus, quam unius legionis principes hastatosque dederis: cum quibus ubi evasero in summum, perge hinc omni liber motu, teque exercitum serva. neque enim moveri hostis, subiectus nobis ad omnes ictus; sine sua pernicie poterit. nos deinde aut fortuna populi Romani, aut nostra virtus expediet.* Collaudatus a consule, accepto præsidio vadit occultus per saltum, nec prius ab hoste est visus, quam loco, quem petebat, appropinquavit. Inde admiratione paventibus cunctis, cum omnium in se verisficeret oculos; & spatium consuli dedit ad subducendum agmen in æquorem locum; & ipse in summo constitit vertice. Samnites dum huc illuc signa vertunt, utriusque rei omiſſa occasione, neque insequi consulem, nisi per eandem val-

1 Tum id mora Samnitibus est ) Samnitibus expectantibus, dum consul totum agmen demisisset &c.

vallem, in qua paulo ante subiectum cum telis suis habuerant, possunt; nec erigere agmen in captum super se ab Decio, tumulum. sed cum ira in hos magis, qui fortunam gerendæ rei eripuerant, tum propinquitas loci, atque ipsa paucitas incitat: & nunc circumdare undique collem armatis volunt, ut a consule Decium intercludant; nunc viam patefacere, ut digressos in vallem adoriantur. incertos, quid agerent, nox oppressit. Decium primum spes tenuit, cum subeuntibus in adversum collem ex superiore loco se pugnaturum; deinde admiratio incessit, quod nec pugnam inirent, nec, si ab eo consilio iniquitate loci deterrerentur, opere se valloque circumdarent. Tum centurionibus ad se vocatis: *Quanam illa inscitia belli, ac pigritia est? aut quonam modo isti ex Sidicinis Campanisque victoriam pepererunt? huc atque illuc signa moveri, ac modo in unum conferri, modo educi videtis. opus quidem incipit nemo, cum jam circumdati vallo potuerimus esse. Tum vero nos similes istorum simus, si diutius hic moremur, quam commodum sit. agitedum, ite mecum: ut, dum lucis aliquid superest; quibus locis presidia ponant, qua pateat hinc exitus, exploremus.* Hæc omnia sagulo gregali amictus, centurionibus item manipularium militum habitu ductis, ne ducem circumire hostes notarent, perlustravit. Vigilis deinde dispositis, ceteris omnibus tesseram dari jubet: ubi <sup>35.</sup> 2. secundæ vigiliæ buccina datum signum esset, armati cum silentio ad se venirent. Quo ubi, sicut edictum erat, taciti convenerunt: Hoc silentium, milites, inquit, omisso militari assensu, in me audiendo servandum est. ubi sententiam meam vobis peregero, cum quibus eadem placebunt, in dextram partem taciti transibitis: qua pars major erit, \* ejus stabitur consilio. nunc qua mente agitem, audite. Non fuga delatos, nec inertia relictos hic vos circumvenit.

1 Tesseram. ) Tessera est tabella exigua, in qua inscribatur symbolum nocturnum, Italice, *segno*, *contrassegno*.

2 Secunda vigilia ) Tota enim nox in quatuor vigilias dividebatur, quarum quælibet tribus horis constabat, Italice, *alle quattro della notte*.

nit hostis . virtute cepistis locum : virtute hinc ; oportet , evadatis . veniendo huc , exercitum egregium populi Romani servastis : erumpendo hinc , vosmetipsos servate . digni estis , qui pauci pluribus opem tuleritis , ipsi nullius auxilio egueritis . Cum eo hoste res est , qui hesterno die delendi omnis exercitus fortuna per socordiam usus non sit ; hunc tam opportunum collem imminentem capiti suo non ante viderit , quam captum a nobis ; nos tam paucos tot ipse millibus hominum nec ascensu arcuerit , nec tenentes locum , cum diei tantum superesset , vallo circumdederit . quem videntem ac vigilantem sic eluseritis , sopitum oportet fallatis : imo necesse est : in eo enim loco res sunt nostra , ut ego vobis magis necessitatis vestra index ; quam consilii auctor sim . neque enim , maneatis , an abeat hinc , deliberari potest ; cum , præter arma , & animos armorum memores , nihil vobis fortuna reliqui fecerit ; fame & siti moriendum sit , si plus , quam viros ac Romanos decet , ferrum timeamus . Ergo una est salus , erumpere hinc , atque abire . id aut interdiu , aut nocte faciamus oportet . Ecce autem aliud minus dubium . quippe si lux expectetur , quæ spes est non vallo perpetuo fossaque nos septurum hostem , qui nunc corporibus suis subiectis undique cinxerit , ut videtis , collem ? atqui si nox opportuna est eruptioni , sicut est , hac profecto noctis aptissima hora est . signo secunda vigilia convenistis , quod tempus mortales somno altissimo premit . per corpora sopita vadetis , vel silentio incautos fallentes , vel sentientibus clamore subito pavorem injecturi . me modo sequimini , quem secuti estis . ego eandem , quæ duxit huc , sequar fortunam . Quibus hæc salutaria videntur , agite dum in dextram partem pedibus transite . Omnes transierunt : vadentemque per intermissa custodiis loca Decium secuti sunt . Jam evaserant media castra , cum superscandens vigilum strata somno corpora miles offenso scuto præbuit sonitum : quo excitatus vigil , cum proximum movisset , erectique alios concitarent , ignari cives , an hostes essent ; præsidium erumperet , an consul castra cepisset : Decius ,

1 quando non fallerent, clamorem tollere iussis militibus, torpidos somno, insuper pavore exanimat; quo præpediti nec arma impigre capere, nec obistere, nec insequi poterant. Inter trepidationem tumultumque Samnitium, præsidium Romanum; obviis custodibus cæsis, ad castra consulis pervadit. Aliquantum supererat noctis, jamque in tuto videbantur esse: cum Decius, *Maecti virtute*, inquit, *militēs Romani, este. vestrum iter, ac reditum omnia secula laudibus ferent. sed ad conspiciendam tantam virtutem luce ac die opus est: nec vos digni estis, quos cum tanta gloria in castra reduces silentium ac nox tegat. hic lucem quieti opperiamur.* Dictis obtemperatum: atque ubi primum illuxit, præmissō nuntio ad consulem, in castra ingenti gaudio 2 concitantur: & 3 tessera data, incolumes reverti, qui sua corpora pro salute omnium haud dubio periculo objecissent, pro se quisque obviam effusi laudant, gratulantur: singulos universosque servatores suos vocant: diis laudes gratesque agunt: Decium in cælum ferunt. Hic Decii castrensis triumphus fuit, incedentis per media castra cum armato præsidio, conjectis in eum omnium oculis, & omni honore tribunum consuli æquantibus. Ubi ad prætorium ventum est, consul classico ad concionem convocat: orsusque meritis Decii laudes, interfante ipso Decio, distulit concionem. qui auctor omnia posthabendi, dum occasio in manibus esset, perpulit consulem, ut hostes & nocturno pavore attonitos, & circa collem 4 castellatim dissipatos aggrediretur. credere etiam aliquos ad se sequendum emissos per saltum vagari. Iussæ legiones arma capere, egressæque castris, cum per exploratores notior jam saltus esset, via patientiore ad hostem ducuntur. quem incautum improvise adortæ, cum palati passim Samnitium milites, plerique inermes nec coire in unum, nec arma capere, nec recipere intra vallum se possent, paventem primum intra castra compellunt: deinde castra ipsa turbatis stationi-

1 *Quando non fallerent* ) Quoniam auditi fuerant.

2 *Concitantur* ) Milites castrorum.

3 *Tessera data* ) Nuntio per exercitum didito, tessera oge-

4 *Castellatim* ) Sparsim per globos.

tionibus capiunt. perfertur circa collem clamor; fugatque ex suis quemque præsidis. ita magna pars absenti hosti cessit. quos intra vallum egerat pavor (fuere autem ad xxx. millia) omnes 37. cæsi, castra direpta. Ita rebus gestis, COS. advocata concione, P. Decii non cæptas solum ante, sed cumulas nova virtute laudes peragit: &, præter militaria alia dona, aurea corona eum, & centum bobus, eximioque uno albo opimo atratis cornibus donat. Milites, qui in præsidio simul fuerant, duplici frumento in perpetuum, in præsentia singulis bobus, binisque privis tunicis donati. Secundum consulis donationem legiones: gramineam coronam obsidionalem, clamore donum approbantes, Decio imponunt: altera corona, ejusdem honoris index, a præsidio suo imposita est. His decoratus insignibus bovem eximium Marti immolavit, centum boves militibus dono dedit, qui secum in expeditione fuerant. iisdem militibus legiones libras farris, & sextarios vini contulerunt. omniaque ea ingenti alacritate per clamorem militarem, indicem omnium assensus, gerebantur.

## C A P U T XXIV.

*Samnites ultimo congressu certamine a M. Valerio caduntur: de his ab utroque consule triumphatur.*

**T**ertia pugna ad Sueffulam commissa est: qua fugatus a M. Valerio Samnitium exercitus, omni robore juventutis domo accito, certamine ultimo fortunam experiri statuit. Ab Sueffula nuntii trepidi Capuam, inde equites citati ad Valerium COS. opem oratum veniunt. Confestim signa mota: relictisque impedimentis castrorum valido præsidio, raptim agitur agmen: nec procul ab hoste locum exiguum, ut quibus, præter equos, ceterorum jumentorum calo-

1. *Gramineam coronam obsidionalem*) Obsidionalis corona est, ex A. Gell. l. V. c. 8. quam qui liberati sunt ab obsidione, duci liberatori dant. Ea graminea est: fiebatque e gramine, quod in eo loco generatum esset, intra quem clausi erant quibus fiebantur.

calonumque turba abesset, castris cepit. Samnitium exercitus, velut haud ulla mora pugnae futura esset, aciem instruit: deinde, postquam nemo obuius ibat, infestis signis ad castra hostium succedit. ibi ut militem in vallo vidit, missique ab omni parte exploratum, quod in exiguum orbem contracta castra essent, paucitatem inde hostium colligentes, retulerunt; fremere omnis acies, complendas esse fossas, scindendumque vallum, & in castra irrumpendum: transactumque ea temeritate bellum foret, ni duces continuissent imperium militum. Ceterum, quia multitudo sua i com meatibus gravis, & prius sedendo ad Sueffulam, & tunc certaminis mora, haud procul ab rerum omnium inopia esset; placuit, dum inclusus paveret hostis, frumentatum per agros militem duci. interim & Romano, qui expeditus, quantum humeris inter arma geri posset, frumenti secum attulisset, defutura omnia. Consul palatos per agros cum vidisset hostes, stationes infrequentes relictas, paucis milites adhortatus, ad castra oppugnanda ducit. quæ cum primo clamore atque impetu cepisset, pluribus hostium in tentoriis suis, quam in portis valloque cæsis, signa captiva in unum locum conferri iussit. relictisque duabus legionibus custodiæ & præsidii causa, gravi edicto monitis, ut, donec ipse reuertisset, præda abstinere, profectus agmine instructo, cum præmissis eques velut 2 indagine dissipatos Samnites ageret, eadem ingentem fecit. nam neque quo signo coirent inter se, neque utrum castra peterent, an longiorem intenderent fugam, territis constare poterat. tantumque fugæ ac formidinis fuit, ut ad XL. millia scutorum, nequaquam tot cæsis, & signa militaria, cum iis, quæ in castris capta erant, ad CLXX. ad consulem deferrentur. Tum in castra hostium reditum; ibique omnis præda militi data. Huius certaminis fortuna 384

& Fa-

1. *Com meatibus gravis.* I, e. quæ nimiam com meatuum copiam absumeret.

2. *Indagine.* Indago est retium quidam velut orbis, quibus a feras indagantibus nemora cinguntur, ne qua feris pateat effugium. Samnites ergo dispersos undique cogere & in unum colligere voluit Valerius, ut in medio caderentur.



& Faliscos, cum in induciis essent, foedus petere ab senatu coegit, & Latinos, jam exercitibus comparatis, ab Romano in Pelignum verit bellum. Neque ita rei gestæ fama Italiæ se finibus tennit: sed Carthaginienses quoque legatos gratulatum Romam misere cum coronæ aureæ dono, quæ in Capitolio in Jovis cella poneretur. fuit pondo XXV. Consules ambo de Samnitibus triumpharunt, sequente Decio insigni cum laude, donisque: cum, incondito militari joco, haud minus tribuni celebre nomen, quam consulum esset.

## C A P U T XXV.

*Milites Romani, qui in præsidio Capuæ relictæ erant, de ea occupanda urbe conjurant: detecto consilio, metu supplicii a patria desciunt.*

**C**Ampanorum deinde, Sueffulanorumque auditæ legationes; precantibusque datum, ut præsidium eo in hiberna mitteretur, quo Samnitium excursiones arcerentur. Jam tum minime salubris militari disciplinæ Capuæ, instrumento omnium voluptatum delinitos militum animos avertit a memoria patriæ. inibanturque consilia in hibernis eodem scelere adimendæ Campanis Capuæ, per quod illi eam antiquis cultoribus ademissent; neque immerito suum ipsorum exemplum in eos versurum. *Cur autem potius Campani agrum Italia uberrimum, dignam agro urbem, qui nec se, nec sua tutari possint, quam victor exercitus haberet, qui suo sudore, ac sanguine inde Samnites depulisset? An æquum esse, dedititios suos illa fertilitate atque amœnitate perfrui, se militando fessos in pestilenti atque arido circa urbem solo luctari? aut*

U.C. 419. *in urbe insidentem tabem crescentis in dies scœnoris pati?* Hæc agitata occultis conjurationibus, necdum vulgata in omnes consilia invenit novus COS. C. Martius Rutilus, cui Campania forte provincia evenerat, Q. Servilius collega ad urbem relicto. Itaque cum omnia ea, sicut gesta erant, per tribunos comperta haberet; & ætate & usu doctus, quippe qui jam quartum COS. esset,

1 Jam tum ) Hoc dictum est propter hiberna Annibalis, cujus exercitus Capuæ corruptus est.

esset ; dictatorque & censor fuisset : optimum ratus , differendo spem quancumque vellent consilii exequendi , militarem impetum frustrari , rumorem dissipat , in iisdem oppidis & anno post præsidia hibernatura . divisa enim erant per Campaniæ urbes : manaverantque a Capua consilia in exercitum omnem . Eo laxamento cogitationibus dato , quievit in præsentia seditio . Consul , educto in æstiva milite , dum quietos Samnites habebat , exercitum purgare <sup>1</sup> missionibus turbulentorum hominum instituit , aliis emerita dicendo stipendia esse , alios graves jam ætate , aut viribus parum validos . quidam <sup>2</sup> in comœtus mittebantur , singuli primo , deinde & cohortes quædam , quia procul ab domo ac rebus suis hibernassent . per speciem etiam militarium usum cum alii alio mitterentur , magna pars ablegati . quam multitudinem consul alter Romæ , prætorque , alias ex aliis fingendo moras , retinebat . & primo quidem ignari ludificationis , minime inviti domos revisebant . postquam neque reverri ad signa primos , nec ferme alium , quam qui in Campania hibernassent , præcipueque ex iis seditionis auctores mitti viderunt ; primum admiratio , deinde haud dubius timor incessit animos , consilia sua emanasse : <sup>3</sup> jam quæstiones , jam indicia , jam occulta singulorum supplicia , impotentique & crudele consulum ac patrum in se regnum passuros . Hæc , qui in castris erant , occultis sermonibus serunt , <sup>4</sup> nervos conjurationis ejectos arte consulis cernentes . Cohors una , cum haud procul Anxure esset , ad Lautulas , saltu angusto inter mare ac montes , confedit , ad excipiendos , quos consul aliis atque aliis , ut ante dictum est , causis mittebat .

CA-

<sup>1</sup> *Missionibus* ) Dimittendo a signis turbulentos & factiosos .

<sup>2</sup> *In comœtus* ) In quæ cuique liberet loca , dato comœtu .

<sup>3</sup> *Jam quæstiones , jam indicia* ) *Quæstio* est capitis iudicium . *Indicia* intellige & infantium , qui aliquid comperissent , & proprie illorum qui ejusdem culpæ conscii , fide publica data , alios indicarent . *Al. judicia* .

<sup>4</sup> *Nervos conjurationis ejectos* ) I. e. qui nervi , ac robur conjurationis erant ,

## CAPUT XXVI.

*Romani milites, qui defecerant, ducem T. Quintium, vi adhibita, sibi faciunt: ad Urbem infesto agmine euntibus fit obviam cum exercitu Dictator M. Valerius Corvus; qui suo consilio eos a furore revocat, in fidem acceptos patria restituit.*

JAM valido admodum numero manus erat: nec quicquam ad justī exercitus formam, præter ducem, deerat. incompōsiti itaque prædantes in agrum Albanum perveniunt; & sub jugo Albæ Longæ castra vallo cingunt. perfecto inde opere, reliquum diei de imperatore sumendo sententiis decertant, nulli ex præsentibus satis fidentes. *quem autem ab Roma posse acciri? quem patrum, aut plebis esse, qui aut se tanto periculo sciens offerat, aut cui ex injuria insanientis exercitus causa recte committatur?* Postero die, cum eadem deliberatio teneret, ex prædatoribus vagis quidam compertum attulerunt, T. Quintium in Tusculano agrum colere, urbis honorumque immemorem. Patriciæ hic vir gentis erat: cui cum militiæ, magna cum gloria actæ, finem pes alter ex vulnere claudus fecisset, ruri agere vitam, procul ambitione, ac foro, constituit. Nomine audito, extemplo agnovere virum; & quod bene verteret, acciri jusserunt. sed parum ipei erat, voluntate quicquam facturum. vim adhiberi ac metum placuit. itaque silentio noctis cum rectum villæ, qui ad id missi erant, intrassent, somno gravi Quintium oppressum, nihil medium, aut imperium atque honorem, aut, ubi restiterat, mortem, nī sequeretur, denuntiantes, in castra pertraxerunt. Imperator extemplo adveniēns appellatus: insigniaque honoris exterrito subitæ rei miraculo deferunt, & ad urbem ducere jubent. Suo magis inde impetu, quam consilio ducis, convulsis signis, infesto agmine ad lapidem octavum viæ, quæ nunc Appia est, perveniunt: islentque confestim ad urbem, nī venire contra exercitum, dictatoremque adversus se M. Valerium Corvum dictum, audif-

audissent, & magistrum equitum L. Æmilium Mamercum. Ubi primum in conspectum ventum<sup>40</sup> est, arma, signaque agnovere; extemplo omnibus memoria patriæ iras permulit. nondum erant tam fortes ad sanguinem civilem: nec, præter externa, noverant bella: ultimaque rabies secessio ab suis habebatur. Itaque jam duces, jam milites utrinque congressus quærere ad colloquia. Quintius, quem armorum etiam pro patria fatietas teneret, nedum adversus patriam: Corvus omnes caritate cives, præcipue milites, & ante alios suum exercitum complexus, ad colloquium processit. cognito ei extemplo haud minor ab adversariis verecundia, quam ab suis silentium datum, Deos, inquit, *immortales, milites, vestros publicos, meosque ab urbe proficiscens ita adoravi, veniamque supplex poposci; ut mihi de vobis concordia pars gloriæ, non victoriæ darent: satis fuit, eritque, unde belli decus pariat: hinc pax petenda est. quod deos immortales inter nuncupanda vota expoposci, ejus me compotem voti vos facere potestis: si meminisse vultis non vos in Samnio, nec in Volscis, sed in Romano solo castra habere; si illos colles, quos cernitis, patria vestra esse: si hunc exercitum civium vestrorum: si me consulem vestrum, cujus ductu auspicioque priore anno bis legiones Samnitium fudistis, bis castra vi cepistis. Ego sum M. Valerius Corvus, milites; cujus vos nobilitatem beneficiis erga vos; non injuriis sensistis: nullius superba in vos legis, nullius crudelis S. C. auctor, in omnibus meis imperiis in me severior, quam in vos. Ac si cui genus, si cui sua virtus, si cui etiam majestas, si cui honores subdere spiritus potuerunt; iis eram natus, id specimen mei dederam, ea ætate consulatum adeptus eram, ut potuerim tres, & XX. annos natus consul patribus quoque ferox esse, non solum plebi. Quod meum factum, dictumve consulis gravius, quam tribuni, audistis? eodem tenore duos insequentes consulatus gessi: eodem hac imperiosa dictatura geretur: ut neque in hos meos & patria mea milites mitior, quam in vos, horreo dicere, hostes. Ergo vos prius*  
*in me*

in me strinxeritis ferrum, quam in vos ego. istinc signa canent: istinc clamor prius incipiet atque impetus, si dimicandum est. inducite in animum, quod non induxerunt patres, avique vestri; non illi, qui in Sacrum montem secesserunt; non hi, qui postea Aventinum infederunt. expectate, dum vobis singulis, ut olim Coriolano, matres conjugesque criminibus passis obviam ab urbe veniant. tum Volscorum legiones, quia Romanum habebant ducem, quieverunt: vos, Romanus exercitus, non destiteritis impio bello? T. Quinti, quocumque istic loco, seu volens seu invitus constitisti; si dimicandum erit, tum tu in novissimos te recipito: fugeris etiam honestius, tergumque civi dederis, quam pugnaveris contra patriam. nunc ad pacificandum bene, atque honeste inter primos stabis, & colloqui hujus salutaris interpres fueris. Postulate aqua, & ferte; quamquam vel iniquis standum est potius, quam impias inter nos conseramus manus.

41. nis. T. Quintius plenus lacrimarum ad suos versus, Me quoque, inquit, milites, si quis usus mei est, meliorem pacis, quam belli, haberis ducem: non enim illa modo Volscus, aut Samnis, sed Romanus verba fecit, vester consul, vester imperator, milites, cujus auspicia pro vobis experti nolite adversus vos velle experiri. Qui pugnarent vobiscum infestius, & alios duces senatus habuit; qui maxime vobis suis militibus parceret, cui plurimum vos imperatori vestro crederetis, eum elegit. Pacem, etiam qui vincere possunt, volunt. quid nos velle oportet? quin ommissis ira & spe, fallacibus auctoribus, nos ipsos nostraque omnia cognita permittimus fidei? Approbantibus clamore cunctis, T. Quintius ante signa progressus, in potestate dictatoris milites fore dixit: oravitque, ut causam miserorum civium susciperet, susceptamque eadem fide, qua remp. administrare solitus esset, tueretur. sibi se privatim nihil cavere: nolle alibi, quam in innocentia, spem habere. militibus cavendum, quod apud patres semel plebi, iterum legionibus cautum sit, ne fraudi secessio esset. Quintio collaudato, ceteris bonum animum habere jussis, dictator equo citato ad urbem

reyc.

revertus, auctoribus patribus, tulit ad populum in loco Petelino, ne cui militum fraudi secessio esset. oravit etiam bona venia Quirites, ne quis eam rem joco, seriove cuiquam exprobraret. Lex quoque sacrata militaris lata est, ne cuius militis scripti nomen, nisi ipso volente, deleteretur: additumque legi, ne quis, ubi tribunus militum fuisset, postea i ordinum ductor esset. id propter P. Salonium postulatum est ab conjuratis: qui alternis prope annis tribunus militum, & primus centurio erat, quem nunc primi pili appellant. huic infensi milites erant, quod semper adversatus novis consiliis fuisset, nec particeps eorum esset, qui ab Lautulis fugissent. Itaque cum hoc unum, propter Salonium, ab senatu non impetraretur, tum Salonius obtestatus P. C., ne suum honorem pluris, quam concordiam civitatis æstimarent, pertulit, ut id quoque ferretur. Æque impotens postulatum fuit, ut de stipendio equitum (merebant autem triplex ea tempestate) æra demerentur, quod adversari conjurationi fuissent. Præter hæc invenio apud quosdam, L. Genutium tribunum 42. plebis tulisse ad populum, ne fœnerare liceret. item aliis plebiscitis cautum, ne quis eundem magistratum intra decem annos caperet, neque duos magistratus uno anno gereret, utique liceret COSS. ambos plebeios creari. quæ si omnia concessa sunt plebi, apparet haud parvas vires defectionem habuisse. Aliis annalibus proditum est, neque dictatorem Valerium dictum, sed per COSS. omnem rem actam: neque antequam Romam veniretur, sed Romæ eam multitudinem conjuratorum ad arma consternatam esse: nec in T. Quintii villam, sed in ædes C. Manlii nocte imperum factum, eumque a conjuratis comprehensum, ut dux fieret: inde ad quartum lapidem profectos loco munito consedisse: nec ab ducibus mentionem concordiae ortam, sed repente, cum in aciem armati exercitus processissent, salutationem factam: & permistos dextras jungere, ac

Tom. I.

X

com-

complecti inter se lacrimantes milites cœpisse, coactosque COSS., cum viderent aversos a dimicatione militum animos, retulisse ad patres de concordia reconcilianda. adeo nihil, præterquam seditionem fuisse, eamque compositam, inter antiquos rerum auctores constat. Et hujus fama seditionis, & susceptum cum Samnitibus grave bellum, aliquot populos ab Romanâ societate avertit: & præter Latinorum infidum jamdiu fœdus, Privernates etiam Norbam atque Seriam, finitimas colonias Romanas, incursione subita depopulati sunt.

## DECADIS PRIMÆ

## LIBER OCTAVUS.

## CAPUT I.

*Privernates, & Antiates vincuntur: cum Samnitibus amicitia reconciliatur.*

I.  
O.C.  
414.



AM COSS. erant C. Plautius iterum, I. Æmilius Mamercus, cum Serini, Norbanique Romam, nuntii defectionis Privernatium, cum querimoniis acceptæ cladis venerunt. Volscorum item exercitum duce Antiati populo confedisse ad Satricum, allatum est. utrumque bellum Plautio sorte evenit. Prius Privernum profectus, extemplo acie conflixit. haud magno certamine devicti hostes: oppidum captum, redditumque Privernatibus, præsidio valido imposito: agri partes duæ ademptæ. inde victor exercitus Satricum contra Antiates ductus. ibi magna utrinque cæde atrox prælium fuit. & cum tempestas eos, neutro inclinata spe, dimicantes diremisset, Romani nihil eo certamine tam ambiguo fessi, in posterum diem prælium parant. Volscis recensentibus, quot viros in acie amisissent, haudquaquam idem animus ad iterandum periculum fuit. nocte pro victis

viſtis Antium agmine trepido, faucis, ac parte impedimentorum relicta, abierunt. Armorum magna vis tum inter cæſa corpora hoſtium, tum in caſtris inventa eſt. ea i *Lua matri dare ſe* COS. dixit: ſineſque hoſtium uſque ad oram maritimam eſt depopulatus. Alteri COS. Æmilio ingreſſo 2 Sabellum agrum, non caſtra Samnitium, non legiones uſquam oppoſitæ. ferro, ignique vaſtantem agros, legati Samnitium pacem orantes adeunt. a quo rejecti ad ſenatum, poteſtate facta dicendi, poſitis ferocibus animis, pacem ſibi ab Romanis, bellicque juſ adverſus Sidicinos petierunt: *qua ſe eo juſtius petere, quod in amicitiam populi Romani ſecundis ſuis rebus, non adverſis, ut Campani, veniſſent: & adverſus Sidicinos ſumerent arma, ſuos ſemper hoſtes, populi Romani numquam amicos: qui nec, ut Samnites, in pace amicitiam; nec, ut Campani, auxilium in bello petiſſent; nec in fide populi Romani, nec in ditione eſſent.* Cum 2. de poſtulatſis Samnitium T. Æmilius Pr. ſenatum conſuluiſſet, reddendumque his ſœdus Patres cenſuiſſent, prætor Samnitibus reſpondit: *Nec, quo minus perpetua cum eis amicitia eſſet, per populum Romanum ſtetiſſe: nec contradici, quin, quoniam ipſos belli culpa ſua contracti tedium ceperit, amicitia de integro reconcilietur. Quod ad Sidicinos attineat, nihil intercedi, quo minus Samniti populo pacis bellicque liberum arbitrium ſit.* Fœdere iſto, cum domum revertiſſent, extemplo inde exercitus Romanus deductus, annuo ſtipendio, & trium menſium frumento accepto; quod pepigerat conſul, ut tempus induciis daret, quoad legati rediſſent.

## C A P U T II.

*Sidicini bello a Samnitibus petiti, ſe dedunt Latinis: hi, aſſumptis Campanis quoque, Samnitium agrum populantur. inde in Romanos quoque bellum moliuntur.*

**S**amnites copiis iſdem, quibus uſi adverſus Romanum bellum fuerant, contra Sidicinos

X 2 nos

1 *Lua matri*) *Lua mater* eadem eſt, atque *Ops* & *Rhea*. & putatur eſſe Terra ipſa.

2 *Sabellum agrum*) Samniticum agrum. Samnites enim & Sabelli dicti, teſte Plin. l. III.



nos profecti, haud in dubia spe erant mature  
urbis hostium potiunde. Tum ab Sidicinis de-  
ditio potius ad Romanos cepta fieri est: dein-  
de, postquam patres, ut feram eam, ultimaque  
tandem necessitate expressam aspernabantur; ad  
Latinos jam sua sponte in arma motos facta est.  
ne Campani quidem ( adeo injuriæ Samnitium,  
quam beneficii Romanorum memoria præsentior  
erat ) his se armis abstinuere. Ex his tot po-  
pulis unus ingens exercitus duce Latino fines  
Samnitium ingressus, plus populationibus quam  
præliis cladum fecit. & quamquam superiores  
certaminibus Latini erant; haud inviti, ne sæ-  
pius dimicandum foret, agro hostium excesse-  
re. Id spatium Samnitibus datum est Romam  
legatos mittendi. qui cum adiissent senatum,  
conquesti eadem se fœderatos pati, quæ ho-  
stes essent passi, precibus infinis petiere, *ut sa-  
tis ducerent Romani victoriam, quam Samniti-  
bus ex Campano Sidicinoque hoste eripuissent;*  
*ne vincti etiam se ab ignavissimis populis sine-*  
*rent. Latinos Campanosque, si sub ditione po-*  
*puli Romani essent, pro imperio arcerent Samni-*  
*ti agro: sin imperium abnuerent, armis coerce-*  
*rent.* Adversus hæc responsum anceps datum,  
quia fateri pigebat, in potestate sua Latinos  
jam non esse, timebantque, ne arguendo ab-  
alienarent. Campanorum aliam conditionem  
esse, qui non fœdere, sed per deditiorem in  
fidem venissent. itaque Campanos, seu velint,  
seu nolint, quieturos: in fœdere Latino 2 ni-  
hil esse, quod bellare, cum quibus ipsi velint,  
3 prohibeantur. Quod responsum, sicut dubios  
Samnites, quidnam facturum Romanum cense-  
rent, dimisit; ita Campanos metu abalienavit:  
Latinos, velut nihil jam non concedentibus Ro-  
manis, ferociores fecit. Itaque per speciem ad-  
versus Samnites belli parandi, crebra concilia  
indicentes, omnibus consultationibus inter se  
principes occulte Romanum coquebant bellum.  
huic quoque adversus servatores suos bello  
Campanus aderat. sed quamquam omnia de

1 *Ne arguendo abalienarent* ) Ne arguendo Latinos exuti  
obsequii, eos ad apertam rebellionem incitarent.

2 *Nihil esse, quod* ) Nihil esse, propter quod.

industria celabantur, priusque, quam moverentur Romani, tolli ab tergo Samnitum hostem volebant: tamen per quosdam privatis hospitibus necessitudinibusque conjunctos indicia conjurationis ejus Romam emanarunt. jussisque ante tempus consulibus abdicare se magistratu, quo maturius novi consules adversus tantam molem belli crearentur; religio incessit. ab eis, quorum imminutum imperium esset. comitia haberi. itaque interregnum initum. duo interreges fuerunt, M. Valerius, ac M. Fabius. Is creavit consules T. Manlium Torquatum tertium, P. Decium Murem. Eo anno Alexandrum Epeiri regem in Italiam classem appulisse constat: quod bellum, si prima satis prospera fuissent, haud dubie ad Romanos pervenisset. Eadem ætas rerum magni Alexandri est, quem forore hujus ortum, in alio tractu orbis, invictum bellis juvenem, fortuna morbo extinxit.

U.C.  
415.

## CAPUT III.

*Latini, auctore L. Annio Setino, legatos ad Senatum mittunt, ut, si pacem velit, alterum ex Latinis consulem faciat: Romam cum venissent, dux legationis idem Annius in senatu loquitur.*

Ceterum Romani, etsi defectio sociorum nominisque Latini haud dubia erat; tamen, tamquam de Samnitibus, non de se curam agerent, decem principes Latinorum Romam evocaverunt, quibus imperarent quæ velent. Prætores tum duos Latini habebant, L. Annium Setinum, & L. Numitium Circeiensem, ambo ex coloniis Romanis: per quos præter Signiam, Velitrasque, & ipsas colonias Romanas, Volsci etiam exciti ad arma erant. eos nominatim evocari placuit. Haud cuiquam dubium erat, super qua re accirentur. itaque concilio prius habito prætores, quam Romam proficiscerentur, evocatos se ab senatu docent Romano, &, quæ actum iri secum credant, quidnam ad ea responderi placeat,

4. 1 referunt. Cum aliud alii censerent, tum Annii: Quamquam ipse ego retuli, quid responderi placeret; tamen magis ad summam rerum nostrarum pertinere arbitror, quid agendum nobis, quam quid loquendum sit. facile erit, explicatis consiliis, accommodare rebus verba. Nam si etiam nunc sub umbra fœderis æqui servitutem pati possumus; quid abest, quin, proditis Sidicinis, non Romanorum solum, sed Samnitium quoque dicto pareamus, respondeamusque Romanis, nos, ubi innuerint, posituros arma? Sin autem tandem libertatis desiderium remordet animos; si fœdus est, si societas, æquatio juris est; si consanguineos nos Romanorum esse, quod olim pudebat, nunc gloriari licet; si socialis illis exercitus is est, quo adjuncto duplicent vires suas, quem secernere ab se COSS. 2 bellis propriis ponendis sumendisque nolint: cur non omnia æquantur? cur non alter ab Latinis COS. datur? ubi pars virium, ibi & imperii pars est. Est quidem nobis hoc per se haud nimis amplum, quippe concedentibus Romam caput Latio esse; sed, ut amplius videri posset, diuturna patientia fecimus. Atqui si quando unquam consociandi imperii, usurpanda libertatis tempus optastis; en hoc tempus adest, & virtute vestra, & deum benignitate vobis datum, Tentastis patientiam, negando militem. quis dubitat exarsisse eos, cum plus ducentorum annorum morem solveremus? pertulerunt tamen hunc dolorem. bellum nostro nomine cum Pelignis gessimus, qui ne nostrorum quidem finium per nos tuendorum jus antea dabant, nihil intercesserunt. Sidicinos in fidem receptos, Campanos ab se ad nos descisse, exercitus nos parare adversus Samnites fœderatos suos audierunt: nec moverunt se ab urbe. unde hac illis tanta modestia, nisi a conscientia virium & nostrarum & suarum? Idoneos auctores habeo, querentibus de nobis Samnitibus ita responsum ab senatu Romano esse, ut facile appareret, ne ipsos quidem jam postulare, ut Latium sub Romano imperio sit. 3. usurpate modo postulando eo, quod illi vobis taciti concedunt. Si quem hoc dicere me-

1 Referunt ) Expendendum proponunt.

2 Bellis propriis ponendis ) Compouendis ; pace commu-

dis.

usurpate ) Usurpare est usum alicujus rei capessere.

*metus prohibet, en ego ipse audiente non populo Romano modo senatusque, sed Iove ipso, qui Capitolium incolit, profiteor me dicturum, ut, si nos in fœdere, ac societate esse velint, COS. alterum ab nobis, senatusque partem accipiant. Hæc ferociter non suadenti solum, sed pollicenti clamore, & assensu omnes permiserunt, ut ageret, diceretque, quæ e repub. nominis Latini, fideque sua viderentur. Ubi est Romam ventum, in Capitolio i eis senatus datus est. ibi cum T. Manlius COS. egisset cum eis ex auctoritate patrum, ne Samnitibus fœderatis bellum inferrent; Annius, tamquam victor armis Capitolium cepisset, non legatus jure gentium tutus loqueretur, Tempus erat, inquit, T. Manli, vosque P. C., tandem jam vos nobiscum nihil pro Imperio agere, cum florentissimum deum benignitate nunc Latium armis virisque, Samnitibus bello victis, Sidicinis, Campanisque sociis, nunc etiam Volscis adjunctis, videretis; colonias quoque vestras Latinum Romano prætulisse imperium. sed quoniam vos, regno impotenti finem ut imponatis, non inducitis in animum: nos, quamquam armis possumus asserere Latium in libertatem, consanguinitati tamen hoc dabimus, ut conditiones pacis feramus aquas utrisque; quando vires quoque æquari diis immortalibus placuit. COS. alterum Roma, alterum ex Latio creari oportet: senatus partem equam ex utraque gente esse: unum populum, unam remp. fieri. &, ut imperio eadem sedes sit, idemque omnibus nomen, quoniam ab alterutra parte concedi necesse est; quod utrisque bene vertat, sit hæc sane patria potior, & Romani omnes vocemur.*

## C A P U T IV.

*Ad Latinorum legationem ferociter exardescit T. Manlius Consul. Cum Annius invocatos Deos, rupti fœderis testes, sperneret, lapsus de Capitolio exanimatur.*

**F**orte ita accidit, ut parem ferociæ hujus & Romani COS. T. Manlium haberent: qui adeo non tenuit iram, ut, si tanta dementia P. C. cepisset, ut ab Serino homine leges acci-  
cipe.

ciperent, gladio tinctum in senatum venturum se esse palam diceret, &, quemcumque in curia Latinum vidisset, sua manu interemturum. & conversus ad simulacrum Jovis, *Audi, Jupiter, hac scelera*, inquit, *audite jus falque*. Peregrinos COSS. & peregrinum senatum in tuo, Jupiter, augurato templo captus, atque ipse oppressus, visurus es? haccine fœdera Tullus Romanus rex cum Albanis patribus vestris, Latini, hac L. Tarquinius vobiscum postea fecit? non venit in mentem pugna apud Regillum lacum? adeo & cladium vestrarum veterum, & beneficiorum nostrorum erga vos obliti estis? Cum

6. COS. vocem subsecuta patrum indignatio esset, proditur memoriæ, adversus crebram implorationem deum, quos testes fœderum sæpius invocabant COSS., vocem Annii spernentis numina Jovis Romani auditam. certe cum commotus ira se ab vestibulo templi citato gradu proriperet, lapsus per gradus, capite graviter offenso impactus imo ita est saxo, ut sopiretur. Exanimatum, auctores quoniam non omnes sunt, mihi quoque in incerto relictum sit; sicut inter fœderum ruptorum testationem ingenti fragore cæli procellam effusam. nam & vera esse, & apte i ad representandam iram deum ficta possunt. Torquatus missus ab senatu ad dimittendos legatos, cum jacentem Annium vidisset, exclamat ita, ut populo patribusque audita vox pariter sit: *Bene habet. dii & pium movete bellum. est caeleste numen: os magne Jupiter: haud frustra te patrem deum hominumque hac sede sacravimus. Quid cessatis, Quirites, vosque, patres conscripti, arma capere diis ducibus? sic stratas legiones Latinorum dabo, quemadmodum legatum jacentem videtis*. Assensu populi excepta vox consulis, tantum ardoris animis fecit, ut legatos proficiscentes cura magistratum magis, qui jussu consulis prosequerentur, quam jus gentium ab ira impetuque hominum tegeret.

CA-

( *Ad representandam iram deum* ) Ut præsens interfuisse videatur numen & ira deorum.

( *Pium movete bellum* ) Incipite adversus numinis vestri contemptores pium bellum.

## CAPUT V.

*Latinis bellum indicitur : cum consulibus somno obvenisset, eum fore exercitum victorem, cujus dux in acie cecidisset, conveniunt inter se, ut cujus pars inclinaret, ille pro exercitu se devoteat.*

**C**onsensit & senatus bellum, consulesque, duobus scriptis exercitibus, per Marfos Pelignosque profecti, adjuncto Sæmnitium exercitu, ad Capuam, quo jam Latini sociique convenerant, castra locant. Ibi in quiete utrique consuli eadem dicitur visa species viri majoris, quam pro humano habitu, augustiorisque, dicentis: *Ex una acie imperatorem, ex altera exercitum diis manibus matrique Terra deberi: utrius exercitus imperator legiones hostium, superque eas se devovisset, ejus populi parvisque victoriam fore.* Hos ubi nocturnos visus inter se consules contulerunt; placuit i averruncandæ deum iræ victimas cædi; simul ut si extis eadem, quæ somno visa fuerant, portenderentur, alteruter consulum fata impleret. Ubi responsa aruspicum infidenti jam animo tacitæ religioni congruerunt, tum adhibitis legatis tribunisque, & imperiis deum propalam expositis, ne mors voluntaria consulis exercitum in acie terreret; comparant inter se, ut ab utraque parte cedere Romanus exercitus cœpisset, inde se consul devoveret pro populo Romano Quiritibusque. Agitatum etiam in consilio est, ut, si quando umquam severo ullum imperio bellum administratum esset, tunc uti disciplina militaris ad præcætos redigeretur mores. Curam acuebat, quod adversus Latinos bellandum erat, lingua, moribus, armorum genere, institutis ante omnia militaribus congruentes. milites militibus, centurionibus centuriones, tribuni tribunis compares collegæque iisdem præcædiis, sæpe iisdem manipulis permisti fuerant. Per hæc ne quo errore milites caperentur, edicunt consules, ne quis extra ordinem in hostem pugnaret.

X 5

CA-

1 *Averruncanda* ) Veteres verruncare dicebant pro vitare, & averruncare pro aversare; idque in sacris.

## CAPUT VI.

*T. Manlius, quod contra edictum adversus Latinos, quamvis prospere, pugnasset, a patre Consule securi percutitur.*

7. **F**ORTE inter ceteros turmarum præfectos, qui exploratum omnes partes dimissi erant, T. Manlius COS. filius super castra hostium cum suis turmalibus evasit, ut vix teli jactu ab statione proxima abesset. ibi Tusculani erant equites, præerat Geminus Metius, vir tum genere inter suos, tum factis clarus. is ubi Romanos equites, insignemque inter eos præcedentem consulis filium (nam omnes inter se utique illustres viri noti erant) cognovit: *Mane, ait, turma, Romani, cum Latinis sociisque bellum gesturi estis? quid interea consules, quid duo exercitus consulares agent? Aderunt in tempore, Manlius inquit, & cum illis aderit Jupiter ipse fœderum a vobis violatorum testis, qui plus potest polletque. Si ad Regillum lacum ad satietatem vestram pugnavimus, hic quoque efficiemus profecto, ne quid minus quam acies vobis, & collata signa nobiscum cordi sint. Ad ea Geminus paululum ab suis equo proventus, Vis ne igitur, dum dies ista venit, qua magno conatu exercitus moveatis, interea tu ipse congredi mecum, ut nostro duorum jam hinc eventu cernatur, quantum eques Latinus Romano præstet? Moveret ferocem animum juvenis seu ira, seu detrectandi certaminis pudor, seu inexuperabilis vis fari. oblitus itaque imperii patrii, consulumque edicti, præceps ad id certamen agitur, quo vinceret, an vinceretur, haud multum interesset. equitibus ceteris velut ad spectaculum summotis, spatio, quod vacui interjacebat campi, adversos concitant equos: & cum infestis cuspidibus concurrissent, Manlii cuspis super galeam hostis Metii trans cervicem equi elapsa est. circumactis deinde equis, cum prior ad iterandum ictum Manlius consurrexisset, spiculum inter aures equi fixit. ad cujus vulneris sensum cum equus prioribus pedibus erectis magna*

gna vi caput quateret, excussit equitem: quem  
 cuspide parmaque innixum, attollentem se a  
 gravi casu, Manlius ab jugulo, ita ut per co-  
 stas ferrum emineret, terræ affixit. spoliisque  
 lectis ad suos reiectus, cum ovante gaudio tur-  
 ma, in castra, atque inde ad prætorium ad pa-  
 trem tendit, ignarus facti, futurique, laus  
 an pœna merita esset. *Ut me omnes*, inquit,  
*pater tuo sanguine ortum vere ferrent, provoca-*  
*tus equestria hac spolia capta ex hoste caso por-*  
*to.* Quod ubi audivit consul, extemplo filium  
 aversatus, concionem classico advocari iussit. quæ  
 ubi frequens convenit, *Quandoquidem*, inquit,  
*tu, T. Manli, neque imperium consulare,*  
*neque maiestatem patriam veritus, adversus edi-*  
*ctum nostrum, extra ordinem in hostem pugna-*  
*sti, & quantum in te fuit, disciplinam milita-*  
*rem, qua stetit ad hanc diem Romana res, sol-*  
*visti: meque in eam necessitatem adduxisti, ut*  
*aut reipublica mihi, aut mei meorumque obli-*  
*viscendum sit: nos potius nostro delicto plecte-*  
*mur, quam respub. tanto suo damno nostra pec-*  
*cata luat. triste exemplum, sed in posterum sa-*  
*lubre juventuti erimus. Me quidem cum inge-*  
*nita caritas liberum, tum specimen ipsa ad virtu-*  
*tis, deceptum vana imagine decoris, in te movet;*  
*sed cum aut morte tua sancienda sint consulum*  
*imperia, aut impunitate in perpetuum abrogan-*  
*da; nec te quidem, si quid in te nostri sangui-*  
*nis est, recusare censeam, quin disciplinam mi-*  
*litarem, culpa tua prolapsam, pœna restituas.*  
*I, lictor, deliga ad palum.* Exanimati omnes  
 tam atroci imperio; nec aliter, quam in se  
 quisque districtam cernentes securim, metu ma-  
 gis, quam modestia, quiescere. Itaque, velut  
 emerso ab admiratione animo, cum silentio de-  
 fixi steterissent; repente, postquam cervice cæsa  
 fusus est cruor, tum libero conquestu coortæ  
 voces sunt, ut neque lamentis, neque execra-  
 tionibus parceretur; spoliisque contextum juve-  
 nis corpus, quantum militaribus studiis funus  
 ullum concelebrari potest, structo extra vallum  
 rogo cremaretur: Manlianaque imperia non in

X 6

præ-

1 Ignarus facti ) Credens factum suum laude dignum esse,  
 quum pœna severa esset.



492      *DECADIS PRIMÆ*  
præsentia modo horrenda, sed exempli etiam  
tristis in posterum essent.

## CAPUT VII.

*Latini, Romanique exercitus descriptio.*

8. **F**ecit tamen atrocitas pœnæ obedientiorem  
duci militem: & præterquam quod custo-  
diæ, vigiliæque, & ordo stationum intentioris  
ubique curæ erant, in ultimo etiam certami-  
ne, cum descensum in aciem est, ea seve-  
ritas profuit. fuit autem civili maxime bello  
pugna similis. adeo nihil apud Latinos disio-  
num ab Romana republica, præter animos, e-  
rat. Clypeis antea Romanis usi sunt: deinde,  
postquam 1 stipendiarii facti sunt, scuta pro  
clypeis fecere: & quod antea phalanges simi-  
les Macedonicis, hoc postea manipulatim stru-  
cta acies cœpit esse. postremo in plures ordines  
instruebantur. ordo sexagenos milites, duos  
centuriones, vexillarium unum habebat. Prima  
acies hastati erant, manipuli quindecim, distan-  
tes inter se modicum spatium. manipulus leves  
vicosos milites, aliam turbam scutorum habe-  
bat. levis autem, qui 2 hastam tantum 3 gesa-  
que gererent, vocabantur. Hæc prima frons in  
acie florem juvenum pubescentium ad mili-  
tiam habebat. Robustior inde ætas totidem  
manipulorum, 4 quibus principibus est no-  
men: hos sequebantur scutati omnes, insignibus  
maxime armis. hoc XXX. manipulorum agmen  
antepilanos appellabant, quia sub signis jam  
alii quindecim ordines locabantur: ex quibus ordo  
unusquisque tres partes habebat, earum unam-  
quamque primum pilum vocabant: 5 tribus ex  
vexillis constabat: vexillum CLXXXVI. homi-  
nes erant. Primum vexillum 6 triarios ducebat,  
vete-

1 *Stipendiarii* ) *Stipendiarius*, est qui stipendium solvit.  
Hic vero sumitur pro eo, qui stipendium accipit.

2 *Hastam* ) jaculatoriam.

3 *Gesa* ) *Gesum*, sive *Gesum* telum Gallicum erat to-  
tum e ferro.

4 *Quibus Principibus est nomen* ) Quia videntur olim prin-  
cipem in acie locum tenuisse.

5 *Tribus ex vexillis constabat* ) Unusquisque manipulus,  
quum tres haberet partes, tria quoque habebat vexilla.

6 *Triarios* ) Sic dictos, ex Varrone, quod in acie tertio  
ordine locabantur.

veteranum militem spectatæ virtutis: secundum  
 1 rotarios, minus roboris ætate factisque: ter-  
 tium 2 accensos, minimæ fiduciæ manum: co-  
 & in postremam aciem rejiciebantur. Ubi his  
 ordinibus exercitus instructus esset, hastati om-  
 nium primi pugnam inibant. si hastati pro-  
 fligare hostem non possent, pede pressio eos re-  
 trocedentes in intervalla ordinum principes re-  
 cipiebant. tum principum pugna erat. 3 hastati  
 sequebantur. triarii sub vexillis confidebant,  
 4 sinistro crure porrecto, scuta innixa hume-  
 ris, hastas sub erecta cuspide in terra fixas,  
 haud secus, quam vallo septa inhorreret acies,  
 tenentes. Si apud principes quoque haud satis  
 prospere esset pugnatum, a prima acie ad tria-  
 rios sensim referebantur. Inde, rem ad triarios  
 redisse, cum laboratur, proverbio increbuit.  
 Triarii confurgentes, ubi in intervalla ordinum  
 suorum principes & hastatos receperunt, ex-  
 templo compressis ordinibus velut claudebant  
 vias: unoque continenti agmine, jam nulla spe  
 post relicta, in hostem incedebant. id erat for-  
 midolosissimum hosti, cum, velut victos inte-  
 cuti, novam repente aciem exurgentem, auctam  
 numero cernebant. Scribebantur autem quatuor  
 fere legiones quinis millibus peditum, equiti-  
 bus in singulas legiones trecenis. 5 alterum  
 tantum ex Latino delectu adjiciebatur; qui ea  
 tempestate hostes erant Romanis, eodemque or-  
 dine instruxerant aciem. nec vexilla cum ve-  
 xillis tantum, universi hastati cum hastatis,  
 principes cum principibus, sed centurio quo-  
 que cum centurione, si ordines turbati non  
 essent, concurrendum sibi esse sciebat. Duo pri-  
 mipili ex utraque acie inter triarios erant;  
 Romanus corpore haudquaquam satis validus,  
 ceterum strenuus vir, peritusque militiæ; La-  
 tinus viribus ingens, bellatorque primus, no-  
 tissi-

1 *Rotarios*) Ita dictos, quod quum leviter armati essent, quemdam tantummodo missilium velut rorem spargerent.

2 *Accensos*) *Accensi*, qui ad censum legionum extra nu-  
 merum adscribebantur.

3 *Hastati sequebantur*) In secundam aciem post Principes  
 recepti.

4 *Sinistro crure porrecto*) Et genu dextero innixi, ut ha-  
 betur in c. seq.

5 *Alterum tantum*) Alter exercitus priori æqualis.

tissimi inter se, quia semper pares ordines duxerunt. Romano haud satis fidenti viribus, jam Romæ permissum erat ab COSS., ut subcenturionem sibi, quem vellet, legeret, qui tureretur eum ab uno destinato hoste. isque juvenis in acie oblatuſ, ex centurione Latino victoriam tulit.

## CAPUT VIII.

*Collatis signis cum Latinis, P. Decius, cernens inclinare cornu, cui ipse præerat, per Valerium Pontificem se pro exercitu devovet: cum, facto impetu, hostes terruisset, Manlio collega victoriam restituit.*

PUGNatum est haud procul radicibus Vesuvii montis, qua via ad Veſerim ferebat. Romani COSS. prius, quam educerent in aciem, 9. immolaverunt. Decio caput jecinoris a familiaris parte cæsum aruspex dicitur ostendisse: alioquin acceptam diis hostiam esse: Manlium egregie litalle. *Atqui bene habet, inquit Decius, si ab collega prospere litatum est.* Instruētis, sicut ante dictum est, ordinibus, processere in aciem. Manlius dextro, Decius lævo cornu præerat. Primo utrinque æquis viribus, eodem ardore animorum gerebatur res: deinde ab lævo cornu hastati Romani non ferentes impressionem Latinorum, se ad principes recepere. In hac trepidatione Decius COS. M. Valerium magna voce inſclamat: *Deorum, inquit, ope, Valeri, opus est. agedum pontifex publicus populi Romani præi verba, quibus me pro legionibus devoveam.* Pontifex eum togam prætextam sumere jussit, & velato capite, manu subter togam ad mentum exerta, super telum subiectum pedibus stantem sic dicere: *Jane, Jupiter, Mars pater, Quirine, Bellona, Lares, divi Novensiles, dii Indigetes, divi, quorum est potestas nostrorum, hostiumque, diique manes, vos precor, veneror, & veniam peto feroque,*  
uti

1 *Familiari parte*) In jecinore familiarem partem, & hostilem, distinguebant. Ex illa suos, ex hac hostium eventus colligebant.

2 *Veniam peto feroque*) Hoc a vobis peto, & me jam impetrasse confido.

uti populo Romano Quiritium vum victoriamque prosperetis; hostesque populi Romani Quiritium terrore, formidine, morteque afficiatis. Sicut verbis nuncupavi, ita pro republica Quiritium, exercitum, legionibus, auxiliis populi Romani Quiritium, legiones, auxiliaque hostium mecum diis Manibus, Tellurique devoveo. Hæc ita precatus, lictores ire ad T. Manlium jubet, matureque collegæ se devotum pro exercitu nuntiare. ipse incinctus cinctu Gabino, armatus in equum insiluit, ac se in medios hostes immisit. Conspectus ab utraque acie aliquanto angustior humano visu, sicut cælo missus, piaculum omnis deorum iræ, qui pestem ab suis aversam in hostes ferret. ita omnis terror, pavorque cum illo latus, signa primo Latinorum turbavit, deinde in totam penitus aciem pervasit. Evidentissimum id fuit, quod, quacumque equo inVectus est, ibi haud secus, quam pestifero fidere, icti, pavebant. ubi vero corruit obrutus telis, inde jam haud dubie consternatæ cohortes Latinorum, fugam, ac vastitatem late fecerunt. Simul & Romani, exolutis religione animis, velut tum primum signo dato coorti, pugnam integram ediderunt. nam & rorarii procurrebant inter antepilanos, addiderantque vires hastatis ac principibus: & triarii genu dextro innixi, nutum COS. ad confurgendum expectabant. Procedente deinde certamine, cum aliis partibus multitudo superaret Latinorum, Manlius COS., audito eventu collegæ, cum, ut jus fasque erat, lacrimis non minus, quam laudibus debitis profecutus tam memorabilem mortem esset; paulisper addubitavit, an confurgendis jam triariis tempus esset: deinde, melius ratus integros eos ad ultimum discrimen servari, accensos ab novissima acie ante signa procedere jubet. qui ubi subiere, extemplo Latini, tamquam idem advertarii fecissent, triarios suos excitaverunt: qui aliquamdiu pugna atroci cum & semet ipsi fatigassent, & hastas aut præfregissent, aut hebetassent, pellerent vi tamen hostem, debellatum jam rati, perventum.

10.

1 Fugam ac vastitatem ... fecerunt } Fugiendo omnia deserta reliquerunt.

tumque ad extremam aciem : tum COS. triariis, *Confurgite nunc*, inquit, *integri adversus fessos, memores patria parentumque, & conjugum ac liberorum, memores COS. pro vestra victoria morte occumbentis*. Ubi triarii consurrexerunt integri, refulgentibus armis, nova ex improvise exorta acies, receptis in intervalla ordinum antepilanis, clamore sublato, i principia Latinorum perturbant; hastisque ora fodientes, primo robore virorum cæso, per alios manipulos, velut inerines, prope intacti evasere; tantaque cæde perrumpere cuneos, ut vix quartam partem relinquerent hostium. Samnites quoque, sub radicibus montis procul instructi, præbuere terrorem Latinis. Ceterum inter omnes cives 2 sociosque præcipua laus ejus belli penes COSS. fuit: quorum alter omnes minas periculaque ab deis superis inferisque in se unum vertit; alter ea virtute, eoque consilio in prælio fuit, ut facile convenerit inter Romanos, Latinosque, qui ejus pugnae memoriam posteris tradiderunt, utrius partis T. Manlius dux fuisset, ejus futuram haud dubie fuisse victoriam. Latini ex fuga se Minturnas contulerunt, castra secundum prælium capta, multique mortales ibi vivi oppressi, maxime Campani. Decii corpus ne eo die inveniretur, nox quærentes oppressit: postero die inventum inter maximam hostium stragem coopertum telis, funusque par morti, celebrante collega, factum. Illud adjiciendum videtur, licere consuli, dictatorique, & prætori, cum legiones hostium devoveat, non utique se, sed quem velit ex legione Romana scripta civem devovere. *si is homo qui devotus est, moritur, probe factum videri: ni moritur, tum signum septem pedes altum, aut majus, in terram defodi, & 3 piaculum hostia cadi: ubi illud signum defossum erit, eo magistratum Romanum descendere fas non esse. si autem sese devovere voler, sicuti Decius devovit, ni moritur, 4 neque suum, neque*

1 Principia Latinorum ) Primam aciem.

2 Socios ) Samnites intellige.

3 Piaculum hostiam cadi ) Cadi hostiam, quæ sit piaculum.

4 Neque suum ) Neque sua privata sacra, neque publica.

neque publicum divinum pure faciet, qui sese devoverit. Vulcano arma, sive cui alii divo vovere volet; sive hostia, sive quo alio volet; ins esto. telo, super quod stans consul precatus est, hostem potiri fas non est: si potiat, Marti suovetaurilibus piaculum fieri. Hæc (etsi omnis divini humanique moris memoria i abolevit, nova peregrinaque omnia priscis ac patriis præferendo) haud ab re duxi, verbis quoque ipsis, ut tradita nuncupataque sunt, referre.

## CAPUT IX.

*Latini novum contrahunt exercitum: victi secum Campanis dedunt: utrique agro multatur. T. Manlio in Urbem reverso, nemo ex juventute obviam procedit.*

**R**omanis, post prælium demum factum; Samnites venisse subsidio, expectato eventu pugnae, apud quosdam auctores invenio. Latinis quoque ab Lavinio auxilium, dum deliberando terunt tempus, victis demum ferri coeptum. & cum jam portis prima signa, & pars agminis esset egressa, nuntio allato de clade Latinorum, cum, converfis signis, retro in urbem rediretur, prætorem eorum, nomine Milonium dixisse ferunt, pro paulula via magnam mercedem Romanis esse solvendam, qui Latinorum pugnae superfuerant, multis itineribus dissipati, cum se in unum conglobassent, Vescia urbs eis receptaculum fuit. Ibi in consiliis Numicius, imperator eorum, affirmando communem vere Martem belli utramque aciem pari cade prostravisse, victoriaeque nomen tantum penes Romanos esse, ceteram pro victis fortunam & illos gerere: funesta duo consulum prætoria, alterum parricidio filii, alterum consulis devoti cade; trucidatum exercitum omnem; caesos hastatos, principesque; stragem & ante signa, & post signa factam; triarios postremorem restituisse: Latinorum etsi pariter accisa copia sint, tamen supplemento vel Latium propius esse, vel Volscos, quam Romam: itaque, si videatur eis, se, ex Latinis & ex Volscis populis juven-

1 Abolevis) Exolevit, perit.

mensēs stativa in agro Antiati habuisset.

## CAP. U. T. X.

*Latini rebellantes funduntur a Cos. Publilio ,  
qui dictus deinde Dictator fert leges adversas  
nobilitati.*

**A**Nno insigni victoria de tot ac tam poten-<sup>U. C.</sup>  
tibus populis , ad hoc consulum alterius <sup>16.</sup>  
nobili morte , alterius sicut truci , ita claro ad  
memoriam imperio , succedere COSS. T. Æmi-  
lius Mamercinus , & Q. Publilius Philo , ne-  
que in similem materiam rerum , & ipsi aut  
suarum rerum , aut partium in republica ma-  
gis , quam patriæ memores . Latinos ob iram  
agri amissi rebellantes in campis Feneſtanis fu-  
derunt , castrisque exuerunt . Ibi Publilio ,  
cujus ductu auspicioque res gestæ erant , in de-  
ditionem accipiente Latinos populos , quorum  
ibi juvenus cæsa erat ; Æmilius ad Pedum ex-  
ercitum duxit . Pedanos tuebatur Tiburs , Præ-  
nestinus , Veliternusque populus . Venerant &  
ab Lavinio , Antioque auxilia . ubi cum præliis  
quidem superior Romanus esset , ad urbem ipsam  
Pedum , castraque sociorum populorum , quæ  
urbi adjuncta erant , integer labor restaret :  
bello infecto repente omisso , consul , quia col-  
legæ decretum triumphum audivit , ipse quoque  
triumphi ante victoriam flagitator Romam red-  
iit : qua cupiditate offensis patribus , neganti-  
busque , nisi Pedito capto aut dedito , trium-  
phum , hinc alienatus ab senatu Æmilius , se-  
ditiosis tribunatibus similem deinde consulatum  
gessit . nam neque , quoad fuit consul , crimi-  
nari apud populum patres destitit , collega  
haudquaquam adversante ; quia & ipse de plebe  
erat : ( materiam autem præbebat criminibus  
ager in Latino Falernoque agro maligne plebi  
divisus ) & postquam senatus , finire imperium  
consulibus cupiens , dictatorem adversus rebel-  
lantes Latinos dici jussit ; Æmilius , i cuius  
tum

i Cujus tum fasces erant ) In urbe fasces uni tantum con-  
suli præferebantur , isque cujus fasces erant , præcipua obi-  
bat consulatus munia .

tum fasces erant , collegam dictatorem dixit : ab eo magister equitum Junius Brutus dictus . Dictator popularis , & orationibus in patres criminosis , fuit , & quod tres leges secundissimas plebi , adversas nobilitati , tulit ; unam , ut plebiscita omnes Quirites tenerent ; alteram , ut legum , quæ comitiis centuriatis ferrentur , ante initum suffragium patres auctores fierent ; tertiam , ut alter utique ex plebe , cum eo ventum sit , ut utrumque plebeium fieri liceret , censor crearetur . plus eo anno domi acceptum cladis ab consulibus , ac dictatore , quam ex victoria eorum , bellicisque rebus foris auctum imperium patres credebant .

## CAPUT XI.

*Latini ad Sturam , & Pedum caduntur : Latium deinde omne subigitur .*

**A**Nno insequenti , L. Furio Camillo , C. Mænio COSS. quo insignius omissa res  
 U.C. 417. Emilio , superioris anni COS. , exprobraretur , Pedum armis , virisque , & omni vi expugnandum ac delendum senatus fremit ; coactique novi consules : omnibus eam rem præverti , proficiscuntur . Jam Latio is status erat rerum , ut neque bellum , neque pacem pati possent : ad bellum opes deerant : pacem ob agri ademti dolorem aspernabantur . mediis consiliis standum videbatur , ut oppidis se tenerent ; ne laceratus Romanus causam belli haberet ; & , si cujus oppidi obsidio nuntiata esset , undique ex omnibus populis auxilium obsessis ferretur . neque tamen nisi admodum a paucis populis Pedani adjuti sunt . Tiburtes , Prænestinique , quorum ager propior erat , Pedum pervenere . Aricinos , Lavinosque , & Veliternos Antiatibus Volscis se conjungentes ad Sturam flumen Mænius improvise adortus fudit . Camillus ad Pedum cum Tiburtibus maxime valido exercitu , a majore mole , quamquam æque prospero eventu , pugnat . Tumultum maxime repentina  
 inter

1 *Omnibus eam rem præverti* ) Id negotium , omnibus aliis postpositis , curare & peragere .

2 *Majore mole ... pugnat* ) Majores difficultates in pugna exsuperandas habuit .



inter praelium eruptio oppidanorum fecit : in quos parte exercitus conversa , Camillus non compulit solum eos intra moenia , sed eodem etiam die , cum ipsos auxiliaque eorum percussisset , oppidum scalis cepit . Placuit inde , jam maiore conatu animoque ab unius expugnatione urbis ad perdomandum Latium victorem circumducere exercitum . nec quievere ante , quam expugnando , aut in deditionem accipiendo singulas urbes , Latium omne subegere . Praesidiis inde dispositis per recepta oppida , Romam ad destinatum omnium consensu triumphum decessere . additus triumpho honos , ut statuæ equestris eis , rara illa ætate res , in foro ponerentur .

## CAPUT XII.

*Camillus Consul de victis Latinis ad Senatum refert : pro merito cuiusque populi statuitur .*

**P**RIUS quam comitiis in insequentem annum consules rogarent , Camillus de Latinis populis ad senatum retulit , atque ita disseruit . *P. C. , quod bello armisque in Latio agendum fuit , id iam deum benignitate , ac virtute militum ad finem venit . caesi ad Pedum Sturamque sunt exercitus hostium . oppida Latina omnia , & Antium ex Volscis , aut vi capta , aut recepta in deditionem , praesidiis tenentur vestris . Reliqua consultatio est , quoniam rebellando sapius nos sollicitant , quonam modo perpetua pace quietos obtineamus . dii immortales ita vos potentes huius consilii fecerunt , ut sit Latium deinde , an non sit , in vestra manu posuerint . Itaque pacem vobis , quod ad Latinos attinet , parare in perpetuum vel sciendo , vel ignoscendo potestis . Vultis crudeliter consulere in deditos , victosque ? licet delere omne Latium ; vastas inde solitudines facere , unde sociali egregio exercitu per multa bella magnaque saepe usi estis . vultis exemplo majorum augere rem Romanam , victos in civitatem accipiendo ? materia crescendi per summam gloriam suppeditat . certe id firmissimum longe imperium est , quo obediētes gaudent . Sed maturato opus est ; quicquid statuerat*

pla-

placet. tot populos inter spem metumque suspensos animi habetis. & vestram utique de eis curam quam primum absolvi, & illorum animos, dum expectatione stupent, seu pœna, seu beneficio præoccupari oportet. Nostrum enim fuit efficere, ut omnium rerum vobis ad consulendum potestas esset: vestrum est decernere, quod  
 14. optimum vobis, reiue publica sit. Principes senatus relationem consulis de summa rerum laudare; sed, cum aliorum causa alia esset, ita expediri posse consilium dicere, ut pro merito cuiusque statueretur, si de singulis nominatim referrent populis. relatum igitur de singulis, decretumque. 2 Lanuvinis civitas data: sacraque sua reddita cum eo, ut ædes lucusque Sospitæ Junonis communis Lanuvinis municipibus cum populo Romano esset. Aricini, Nomentanique, & Pedani, eodem jure, quo Lanuvini, in civitatem accepti. Tusculanis servata civitas, quam habebant: crimenque rebellionis a publica fraude in paucos auctores versum. In Veliternos, veteres cives Romanos, quod toties rebellassent, graviter sævitum: & muri dejecti: & senatus inde abductus: jussique trans Tiberim habitare: ut ejus, qui cis Tiberim comprehensus esset, usque ad mille pondo; clarigatio esset; nec prius, quam ære persoluto, is, qui cepisset, extra vincula captum haberet: in agrum senatorum coloni missi: quibus adscriptis, speciem antiquæ frequentię Velitræ receperunt. Et Antium nova colonia missa, cum eo, ut Antiatibus permitteretur, si & ipsi adscribi coloni vellent: naves inde longæ abactæ: interdictumque mari Antiati populo est, & civitas data. Tiburtes, Prænestinique agro multati, neque ob recens tantum rebellionis, commune cum aliis Latinis, crimen; sed quod, rædio imperii Romani, cum Gallis, gente effe-

rata,

1 Dum expectatione stupent) Dum expectatio judicii vestri illos velut torpidos desiguit.

2 Lanuvinis municipibus) Municipis ex Gell. l. XVI. c. 13. sunt cives Romani ex municipiis, suo jure & legibus suis utentes munere tantum cum populo Romano honorarii participes; unde videntur appellari.

3 Clarigatio) Clarigatio hic est jus hominisprehendendi, ita ut corpus ejus quasi pignori opponatur; dum certam pecunie summam exolverit.

rata, arma quondam confociarent. Ceteris Latinis populis connubia, commerciaque, & confilia inter se ademerunt. Campanis equitibus, honoris causa, quia cum Latinis rebellare nolissent, Fundanisque, & Formianis, quod per fines eorum tuto pacataque semper fuisset via, civitas sine suffragio data. Cumanos, Sueffulanosque ejusdem juris conditionisque, cujus Capuam, esse placuit. Naves Antiatiarum partim in navalia Romæ subductæ, partim incensæ: rostrisque earum suggestum in foro extructum adornari placuit: rostraque id templum appellatum.

## CAPUT XIII.

*Ad defendendos contra Sidicinos Auruncos socios, dicitur Dictator, qui vitio creatus magistratu se abdicat. Minucia Vestalis incesti damnatur.*

**C** Sulpitio Longo, P. Ælio Pæto COSS. <sup>15.</sup> U. C. <sup>418.</sup> cum omnia non opes magis Romanæ, quam beneficiis parta gratia bona pace obtineret; inter Sidicinos, Auruncosque bellum ortum. Aurunci a T. Manlio COS. in deditiorem accepti, nihil deinde moverant: eo petendi auxilii ab Romanis causa justior fuit. sed prius, quam consules ab urbe (jussierat enim senatus defendi Auruncos) exercitum educerent, fama affertur, Auruncos metu oppidum deseruisse: profugosque cum conjugibus ac liberis Suefflam commeasse: quæ nunc Aurunca appellata; mœnia antiqua eorum, urbemque ab Sidicinis deletam. Ob ea infensus COSS. senatus, quorum cunctatione proditi socii essent, dictatorem dici jussit: dictus C. Claudius Regillensis, magistrum equitum C. Claudium Hortatorem dixit. Religio inde injecta de dictatore: & cum augures vitio creatum videri dixissent, dictator, magisterque equitum se magistratu abdicarunt. Eo anno Minucia Vestalis suspecta primo propter mundiolem justo cultum, insimulata deinde apud pontifices ab indice servo; cum decreto eorum jussa esset sacris abstinere, 1 familiamque in potestate habere: facto judicio,

2 Familiam, 'in potestate habere' Servos retinere in sua potestate.

\* al. cio, viva sub terram ad portam Collinam dextera via \* stratum defossa scelerato campo. credo ab incesto id ei loco nomen factum. Eodem anno Qu. Publilius Philo prætor primum de plebe, adversante Sulpitio COS., qui negabat rationem ejus se habiturum, est factus. senatu, cum in summis imperiis id non obtinisset, minus in prætura tendente.

## CAPUT XIV.

*Devictis Aufonibus, in oppidum, ex iis captum, Cales colonia deducitur.*

16. U.C. 419. **I**n sequens annus, L. Papirio Crassio, Cæsone Duilio COSS., Aufonum magis novo, quam magno bello fuit insignis. Ea gens Cales urbem incolebat: Sidicinis finitimis arma conjunxerat: unoque prælio haud sane memorabili duorum populorum exercitus fusus, propinquitate urbium & ad fugam pronior, & in fuga ipsa tutior fuit. nec tamen omiſſa ejus belli cura patribus: quia toties jam Sidicini aut ipsi moverant bellum, aut moventibus auxilium tulerant, aut causa armorum fuerant. itaque omni ope annexi sunt, ut maximum ea tempestate imperatorem M. Valerium Corvum COS. quartum facerent: collega additus Corvo M. Artilius Regulus. &, ne forte casu erraretur, petitum ab consule, ut extra sortem Corvi ea provincia esset. Exercitu victore a superioribus consulibus accepto, ad Cales, unde bellum ortum erat, protectus, cum hostes; ab superioris etiam certaminis memoria pavidos, clamore atque impetu primo fudisset, mœnia ipsa oppugnare est aggressus. & militum quidem is erat ardor, ut jam inde cum scalis succedere ad muros vellent, evasurosque contenderent. Corvus, quia id arduum factu erat, labore militum potius, quam periculo, peragere inceptum voluit. itaque agerem & vineas egit; turreſque muro admovit: quarum usum forte oblata opportunitas prævertit. namque M. Fabius captivus Romanus, cum per negligentiam custodem festo die vinculis ruptis per murum inter opera Romanorum,

norum, religata ad pinnam muri recte suspensus manibus se demisisset, perpulit imperatorem, ut vino epulisque sopitos hostes aggrediretur. nec maiore certamine capri cum urbe Aufones sunt, quam acie fusi erant. præda capta ingens est: præsidioque imposito Calibus, reductæ Romanæ legiones. COS. ex S. C. triumphavit: & ne Attilius expers gloriæ esset, iussu ambo COSS. adversus Sidicinos ducere exercitum, dictatorem ante ex senatusconsulto comitiorum habendorum causa dixerunt L. Æmilius Mamercum: is magistrum equitum Q. Publilium Philonem dixit. Dictatore comitia habente, COSS. creati sunt T. Veturius, Sp. Postumius. U. C. 421  
 Et si belli pars cum Sidicinis restabat: tamen, ut beneficio prævenirent desiderium plebis, de colonia deducenda Cales retulerunt: factoque S. C., ut duo millia quingenti homines eo scriberentur, triumviros coloniæ deducendæ, agroque dividendo creaverunt, Cæsonem Duilium, T. Quintium, M. Fabium.

## CAPUT XV.

*Contra Sidicinos Dictator dicitur: is cum vitio creatus magistratu se abdicasset; res redit ad Interregnum: exorta fama Gallici belli cogit Dictatorem dici. Pax cum Alexandro Epeirensi fit: census in Urbe habetur.*

NOVI deinde COSS., a veteribus exercitu accepto, ingressi hostium fines, populando usque ad mœnia atque urbem pervenerunt. 17.  
 ibi, quia ingenti exercitu comparato Sidicini & ipsi pro extrema spe dimicaturi enixe videbantur, & Samnium fama erat conciri ad bellum, dictator ab consulibus ex auctoritate senatus dictus P. Cornelius Rufinus; magister equitum M. Antonius. Religio deinde incellit, vitio eos creatos; magistratuque se abdicaverunt. & quia pestilentia insecuta est, velut omnibus eo vitio contactis auspiciis, res ad interregnum rediit. ab interregno inito per quintum demum interregem M. Valerium Corvum U. C. 422  
 creati COSS. L. Cornelius iterum, & Cn. 422  
 Tom. I. Y Do-

U. C. Domitius. Tranquillis rebus, fama Gallici bel-  
 421 li pro tumultu valuit, ut dictatorem dici pla-  
 ceret. dictus M. Papirius Crassus, & magister  
 equitum P. Valerius Poplicola. a quibus cum  
 delectus intentius quam adversus finitima bella  
 haberetur, exploratores missi attulerunt, quie-  
 ra omnia apud Gallos esse. Samnium quoque  
 jam alterum annum turbari novis consiliis,  
 suspectum erat: eo ex agro Sidicino exercitus  
 Romanus non est deductus. ceterum Samnites  
 bellum Alexandri Epeirensis in Lucanos tra-  
 xit. qui duo populi adversus regem, 1 exscensio-  
 nem a Pæsto facientem, signis collatis pugna-  
 verunt. eo certamine superior Alexander, in-  
 certum qua fide culturus, si perinde cetera pro-  
 cessissent, pacem cum Romanis fecit. Eodem  
 anno census actus, novique cives censi: tribus  
 propter eos additæ, 2 Mecia, & 3 Scaptia; cen-  
 sores addiderunt, Q. Publilius Philo, Sp. Po-  
 stumius. Romani facti Acerrani, lege ab L. Pa-  
 pirio prætore lata, qua civitas sine suffragio  
 data. Hæc eo anno domi militiæque gesta.

## CAPUT XVI.

*Veneficium complurimum matronarum deprehendi-  
 tur: harum plurima statim, epotis medica-  
 minibus, percunt: lex de veneficio primum  
 fertur. Dictator clavi figendi causa dicitur.*

18. FOEdus insequens annus seu intemperie cæ-  
 U. C. li, seu humana fraude fuit, M. Claudio  
 424 Marcello, C. Valerio COSS. Flacum Poti-  
 tumque, varie in annalibus cognomen consulis  
 invenio: ceterum in eo, parvi refert, quid ve-  
 ri sit; illud pervelim (nec omnes auctores sunt)  
 proditum falso esse, venenis absumptos, quorum  
 mors infamem annum pestilentia fecerit. sic-  
 ut proditur tamen res, ne cui auctorum fi-  
 dem abrogaverim, exponenda est. Cum pri-  
 mores civitatis similibus morbis, eodemque ter-  
 me omnes eventu morerentur; ancilla quæ-  
 dam ad Q. Fabium Maximum ædilem curulem,  
 indicatram se causam publicæ pestis professæ  
 est,

1 Exscensionem a Pæsto) Exscensionem in Lucaniam ab ea  
 parte ubi Pæstum est.

2 Mecia) A Castro Mæcio.

3 Scaptia) A Scaptia urbe.

est, si ab eo fides sibi data esset, haud futurum noxæ indicium. Fabius confestim rem ad COSS., consules ad senatum referunt: consensuque ordinis fides indici data. Tum patefactum, muliebri fraude civitatem premi; matronasque ea venena coquere; & si sequi extemplo velint, manifesto deprehendi posse. Secuti indicem, & coquentes quasdam medicamenta, & recondita alia invenerunt. quibus in forum delatis, & ad XX. matronis, apud quas deprehensa erant, per viatorem accitis, duæ ex eis, Cornelia, ac Sergia, patriciæ utraque gentis, cum ea medicamenta salubria esse contenderent, ab confutante indice bibere iussæ, ut se falsum commentam arguerent, spatio ad colloquendum sumto, cum, summoto populo, in conspectu omnium rem ad ceteras retulissent; haud abnuentibus & illis bibere, epoto medicamento, suamet ipsæ fraude omnes interierunt. comprehensæ extemplo earum comites, magnum numerum matronarum indicaverunt: ex quibus ad CLXX. damnatæ. Neque de beneficiis ante eam diem Romæ quæsitum est. prodigiū ea res loco habita: captisque magis mentibus, quam consceleratis similis visa. Itaque, memoria ex annalibus repetita, in secessionibus quondam plebis clavum ab dictatore fixum, alienatasque discordia mentes hominum, eo piaculo compotes sui fecisse, dictatorem clavi figendæ causâ creari placuit. creatus Cn. Quintilius, magistrum equitum L. Valerium dixit: qui fixo clavo, magistratu se abdicarunt.

## CAPUT XVII.

*Fabraterni, & Lucani in fidem accipiuntur. Privernates, & Fundani, qui, duce Vitruvio Vacco, arma intulerant, vincuntur. Fundanis, quod non esset publico consilio facta defectio, pax datur. Privernum obsidetur.*

**C** Reati COSS. L. Papirius Crassus iterum, 19.  
L. Plautius Venno. cujus principio anni U.C.  
legati ex Volscis Fabraterni, & Lucani Romam 125  
venerunt, orantes, ut in fidem reciperentur: si  
a Samnitium armis defensi essent, se sub impe-  
rio

rio populi Romani fideliter atque obedienter futuros. Missi tum ab senatu legati: denuntiatumque Samnitibus, ut eorum populorum finibus vim abstinerent. valuitque ea legatio, non tam quia pacem volebant Samnites, quam quia nondum parati erant ad bellum. Eodem anno Privernas bellum initum: cuius socii Fundani, dux etiam Fundanus fuit Vitruvius Vaccus, vir non domi solum, sed etiam Romæ clarus. ædes fuere in palatio ejus, quæ Vacca præta, diruto ædificio, publicatoque solo, appellata. adversus hunc vastantem effuse Setinum, Norbanumque, & Coranum agrum, L. Papius profectus, haud procul castris ejus confedit. Vitruvio nec, ut vallo se teneret adversus validiorem hostem, sana constare mens: nec, ut longius a castris dimicaret, animus suppetere. vix tota extra portam castrorum explicata acie, fugam magis retro, quam prælium aut hostem spectante milite, sine consilio, sine audacia depugnat: & ut levi momento, nec ambigue est victus; ita brevitate ipsa loci, facilique receptu in tam propinqua castra haud ægre militem a multa cæde est tutatus: nec fere quisquam in ipso certamine, pauci in turba fugæ extremæ, cum in castra ruerent, cæsi: primisque tenebris Privernum inde petitum agmine trepido, ut muris potius, quam vallo, sese tutarentur. A Priverno Plantius alter COS. pervastatis passim agris, prædaque abacta, in agrum Fundanum exercitum inducit: ingredientem fines senatus Fundanorum occurrit: negant se pro Vitruvio sectamque ejus secutis precatum venisse, sed pro Fundano populo: quem extra culpam belli esse, ipsum Vitruvium indicasse, cum receptaculum fugæ Privernum habuerit, non patriam, Fundos. Priverni igitur hostes populi Romani quærendos, persequendosque esse, qui simul a Fundanis, ac Romanis, i utriusque patriæ immemores, defecerint. Fundis pacem esse, & animos Romanos, & gratam memoriam acceptæ civitatis: orare se consulem, ut bellum

i Utriusque patriæ) Ex Fundorum. & Romæ; qui enim in municipiis nascebantur, ii & Romam & id municipium patriam habebant.



lum ab innoxio populo absteineat: agros, urbem; corpora ipsorum conjugumque, ac liberorum suorum in potestate populi Romani esse, futuraque. Collaudatis Fundanis COS., litterisque Romam missis, in officio Fundanos esse, ad Privernum flexit iter. Prius animadversum in eos, qui capita conjurationis fuerant, a COS. scribit Claudius; ad CCCL. ex conjuratis viuctos Romam missos: eamque deditioem ab senatu non acceptam: quod egentium atque humilium pœna defungi velle Fundanum populum censuerint. Privernum duobus consularibus exercitibus cum obsideretur, alter COS. comitiorum causa Romam revocatus. Carceres eo anno in circo primum statuti.

## CAPUT XVIII.

*Scriptus contra Gallos exercitus Privernum convertitur: id cum venisset in potestatem, dux defectionis Vitruvius necatur: ejus ades, qua Roma erat, diruitur. Privernatibus, cum esset sententiis in senatu variatum, tandem civitas datur.*

**N**ondum perfunctos cura Privernatis belli, U. C. tumultus Gallici fama atrox invasit, <sup>410</sup> haud ferme umquam neglecta patribus. Exemplo igitur COSS. novi L. Æmilius Mamercinus, & C. Plautius eo ipso die Kal. Quintilibus, quo magistratum inierunt, comparare inter se provincias iussi: & Mamercinus, cui Gallicum bellum evenerat, scribere exercitum sine ulla vacationis venia. quin opificum quoque vulgus, & sellularii, minime militiæ idoneum genus, exciti dicuntur: Vejosque ingens exercitus contractus, ut inde obviam Gallis iretur. longius discedi, ne alio itinere hostis falleret ad urbem incedens, non placuit. Paucos deinde post dies, satis explorata temporis ejus quiete a Gallis, Privernum omnis conversa vis. duplex inde fama est. alii vi captam urbem, Vitruviumque vivum in potestatem venisse: alii, prius quam ultime adhiberetur vis, ipsos se in deditioem consulis a caduceum præferentes permisisse, auctores sunt,

Y 3

Vi-

*† Caduceum* Virgam pacis indicem, quam ii qui pacem petaturi veniebant, gestare præ manibus soliti erant.

Vitruviumque ab suis traditum. Senatus de Vitruvio Privernatibusque consultus, COS. Plautium, dirutis Priverni muris, præsidioque valido imposito, ad triumphum arcessit; Vitruvium in carcerem aservari jussit, quoad consul redisset; tum verberatum necari: ædes ejus, quæ essent in palatio, diruendas, bona i Semoni Sancto censuerunt consecranda: quodque æris ex eis redactum est, ex eo ænei orbes facti, positi in sacello Sangi versus ædem Quirini. De senatu Privernate ita decretum, ut, qui Senator Priverni post defectionem ab Romanis mansisset, trans Tiberim lege eadem, qua Veliterni, habitaret. His ita decretis, usque ad triumphum Plautii silentium de Privernatibus fuit: post triumphum COS., necato Vitruvio, sociisque ejus noxæ, apud satiatos jam supplicii nocentium tutam mentionem de Privernatibus ratus, *Quoniam auctores defectionis, inquit, meritas pœnas & ab diis immortalibus, & a vobis habent, P. C.; quid placeat de innoxia multitudine fieri? equidem, etsi mea partes exquirenda magis sententia, quam danda, sunt: tamen, cum videam Privernates vicinos Samnitibus esse, unde nunc nobis incertissima pax est; quam minimum irarum inter nos illosque relinqui velim. Cum ipsa per se res anceps esset, prout cujusque ingenium erat, atrocius, mitiusve suadentibus: tum incertiora omnia unus ex Privernatibus legatis fecit, magis conditionis, in qua natus esset, quam præsentis necessitatis, memor: qui interrogatus a quodam tristioris sententiæ auctore, quam pœnam meritos Privernates censeret: eam, inquit, quam merentur, qui se libertate dignos censent. cujus cum feroci responso infestiores factos videret consul eos, qui ante Privernatium causam impugnabant: ut ipse benigna interrogatione mitius responsum eliceret; Quid si pœnam, inquit, remittimus vobis, qualem nos pacem vobiscum habituros speremus? Si bonam dederitis, inquit, & fidam, & perpetuam: si malam, haud diuturnam. Tum vero minari,*

nec

x Semoni Sancto) Sanctus idem est ac dius sive deus Fidius. Simonem interpretantur vulgo Heroem, quasi semihominem.

LIB. VIII. CAP. XVIII.

nec id ambigue, Privernatem, quidam, & illis  
 vocibus ad rebellandum incitari pacatos populos.  
 pars melior senatus ad meliora responsa trahere,  
 & dicere, *viri, & liberi vocem auditam. an credi posse, ullum populum, aut hominem denique in ea conditione, cujus cum poeniteat, diutius, quam necesse sit, mansurum? ibi pacem esse fidam, ubi voluntarii pacati sint; neque eo loco, ubi servitutem esse velint, fidem sperandam esse.*  
 In hanc sententiam maxime consul ipse inclinavit  
 animos, identidem ad principes sententiarum  
 consulares, uti exaudiri posset a pluribus dicendo,  
*eos demum, qui nihil praterquam de libertate cogitant, dignos esse qui Romani fiant.* Itaque &  
 in senatu causam obtinere: & ex auctoritate patrum  
 latum ad populum est, ut Privernatibus civitas  
 daretur. Eodem anno Anxur trecenti in <sup>U. C.</sup> 417  
 coloniam missi sunt: bina jugera agri acceperunt.

CAPUT XIX.

*Fregellas colonia deducitur: Palapolitanis bellum indicitur: in Samnium quoque, propter res ibi infidas exercitus ducitur.*

SEcutus est annus nulla re belli, domive insignis, P. Plautio Proculo, P. Cornelio Scapula COSS. praterquam quod Fregellas (Siginorum is ager, deinde Volscorum fuerat) colonia deducta; & populo i visceratio data a M. Flavio in funere matris. Erant qui, per speciem honorandae parentis, meritam mercedem populo solutam, interpretarentur; quod eum, die dicta ab aedilibus, crimine stupratae matris familiae absolvisset. Data visceratio in praeritam iudicii gratiam, honoris etiam ei causa fuit: tribunatuque plebis, proximis comitiis, absens praesentibus praefertur. Palaeopolis fuit haud procul inde, ubi nunc Neapolis sita est: duabus urbibus populus idem habitabat. Cumis erant oriundi. Cumani Chalcide Euboica originem trahunt. Classe, qua advehi ab domo fuerant, multum in ora maris ejus, quod

Y 4

acco-

i Visceratio) Crudae carnis distributio.

accolunt, potuere. Primo in insulas Ænariam, & Pithecusas egressi, deinde in continentem ausi sedes transferre. Hæc civitas cum suis viribus, tum Samnitium infida adversus Romanos societate freta, sive pestilentia, quæ Romanam urbem adorta nuntiabatur, fidens, multa hostilia adversus Romanos, agrum Cam-

U. C. panum Falernumque incolentes, fecit. Igitur,

428 L. Cornelio Lentulo, Q. Publilio Philone iterum COSS., fetialibus Palæpolim ad res repetendas missis, cum relatum esset a Græcis, genere lingua magis strenua, quam factis, ferox responsum; ex auctoritate patrum populus Palæpolitani bellum fieri iussit. Inter COSS. provinciis comparatis, bello Græci persequendi Publilio evenerunt. Cornelius altero exercitu Samnitibus, si qua se moverent, oppositus. fama autem erat, i defectioni Campanorum imminentes admoturos castra. ibi optimum visum Cornelio stativa habere. Ab utroque consule, exiguam spem pacis cum Samnitibus esse, certior fit senatus. Publilius duo millia

23. Nolanorum militum, & quatuor Samnitium, magis Nolanis cogentibus, quam voluntate Græcorum, recepta Palæpoli miserat. Romæ compertum est, delectum indictum a magistratibus; universum Samnium erectum; ac vicinos populos, Privernatem, Fundanumque, & Formianum, haud ambigue sollicitari. Ob hæc cum legatos mitti placuisset prius ad Samnites, quam bellum fieret; responsum redditur a Samnitibus ferox. ultro inculabant injurias Romanorum: neque eo negligentius ea, quæ ipsis objicerentur, purgabant: *Haud ullo publico consilio, auxiliove juvari Gracos: nec Fundanum, Formianumve a se sollicitatos: quippe minime pœnitere se virium suarum, si bellum placeat: ceterum non posse dissimulare, agre pati civitatem Samnitium, quod Fregellas, ex Volscis captas dirutasque ab se, restituerit Romanus pop. ; coloniamque in Samnitium agro imposuerit; quam coloni eorum Fregellas appellent: eam se contumeliam injuriamque, ni sibi ab iis, qui fecerint, de-*

i Defectioni Campanorum imminentes ) Intentos in defectionem Campanorum.

dematur, ipsos omni vi depulsiuros esse. Cum Romanus legatus ad disceptandum eos ad communes socios atque amicos vocaret, Quid perplexe agimus? inquit. Nostra certamina, Romani, non verba legatorum, nec hominum quisquam disceptator, sed campus Campanus, in quo concurrendum est, & arma, & communis Mars belli decernet. Proinde inter Capuam Sueffulamque castra castris conferamus: &, Samnis, Romanus ne imperio Italiam regat, decernamus. Legati Romanorum cum se, non quo hostis vocasset, sed quo imperatores sui duxissent, ituros esse respondissent, jam Publilius, inter Palæpolim Neapolimque loco opportune capto, diremerat hostibus societatem auxilii mutui; qua ut quisque locus premeretur, inter se usi fuerant.

## CAPUT XX.

Publilio, Palapolitanos obsidenti, imperitum prorogatur: dicitur causa comitiorum Dictator: cum esset vitio creatus, res redit ad interregnum.

Itaque cum & comitiorum dies instaret, & Publilium imminens hostium muris avocari ab spe capiendæ in dies urbis, haud e publica esset: actum cum tribunis est, ad populum ferrent, ut, cum Publilius Philo consulatu abisset, proconsul rem gereret, quoad debellatum cum Græcis esset. L. Cornelio, quia ne eum quidem in Samnium jam ingressum revocari ab impetu belli placebat, litteræ missæ, ut dictatorem comitiorum causa diceret. dixit M. Claudium Marcellum. ab eo magister equitum dictus Sp. Postumius. Nec tamen ab dictatore comitia sunt habita: quia, vitio ne creatus esset, in disquisitionem venit. consulti augures, vitiosum videri dictatorem pronuntiaverunt. Eam rem tribuni suspectam infamemque criminando fecerunt. nam neque facile fuisse id vitium nasci, cum consul 1 oriens nocte 2 silentio diceret dictatorem; neque ab consule

Y

cui-

1 Oriens nocte) Surgens nocte.

2 Silentio) Silentium dicitur in auspiciis, quod omni vitio caret. Vid. Cic. II. de Div. n. 71.

cuiquam publice privatimve de ea re scriptum esse: nec quemquam mortalium extare, qui se vidisse, aut audivisse, quid dicat, quod auspiciū dirimeret; neque augures divinare Rōmā sedentes potuisse, quid in castris consuli vitii obvenisset. Cui non apparere, quod plebeius dictator sit, id vitium auguribus visum? Hæc, aliaque ab tribunis nequicquam jactata: tamen ad interregnum res redit: dilatisque alia atque alia de causā comitiis, quartusdecimus demum interrex L. Æmilius COSS. creat C. Pœtelium, L. Papirium Mugillanum: Cursorem in aliis annalibus invenio.

## CAPUT XXI.

*Alexandri Epeiri regis tristis eventus.*

<sup>24.</sup>  
<sup>U. C.</sup> <sup>429</sup> **E**odem anno Alexandriam in Ægypto pro-  
ditum conditam; Alexandrumque Epeiri  
regem ab exule Lucano interfectum, sortes  
Dodonæi Jovis eventu affirmasse. Accito ab  
Tarentinis in Italiam data i dictio erat, cave-  
ret Acherusiam aquam, Pandosiamque urbem:  
ibi fatis ejus terminum dari, eoque ocyus trans-  
misit in Italiam, ut quam maxime procul ab-  
esset urbe Pandosia in Epeiro, & Acheronte  
amā, quem ex Molosside fluentem in stagna  
inferna accipit Thesprotius sinus. Ceterum (ut  
ferme fugiendo in media fata ruitur) cum sæpe  
Bruttias Lucanasque legiones fudisset; Heracleam,  
Tarentinorum coloniam, Consentiam ex Luca-  
nis, Sipontumque, \* Bruttiorum coloniam Ace-  
rinam, alias inde Messapiorum ac Lucanorum  
cepisset urbes; & trecentas familias illustres in  
Epeirum, quas obsidum numero haberet, misisset;  
haud procul Pandosia urbe, imminente  
Lucanis ac Bruttiis finibus, tres tumulos ali-  
quantum inter se distantes infedit; ex quibus  
incurSIONES in omnem partem agri hostilis faceret;  
& ducentos ferme Lucanorum exules circa se pro-  
fidis habebat, ut pleraque ejus generis ingenia  
sunt, cum fortuna mirabilem gerentes fidem.  
imbres continui, campis omnibus inundantes,  
cum

\* *Disilio*) Responsum oraculi.

cum interclusissent trifariam exercitum a mutuo inter se auxilio: duo præsidia, quæ sine rege erant, improvise hostium adventu opprimuntur; deletisque eis, ad ipsius obsidionem omnes conversi. inde ab Lucanis exulibus ad suos nuntii missi sunt: pactoque reditu promissum est, regem aut vivum, aut mortuum in potestatem daturos. Ceterum cum delectis ipse, egregium facinus ausus, per medios erumpit hostes; & ducem Lucanorum, cominus congressum, obtruncat: contrahensque suos ex fuga palatos, pervenit ad amnem ruinis recentibus pontis, quem vis aquæ abstulerat, indicantem iter. quem cum incerto vado transiret agmen, fessus metu ac labore miles, increpans nomen abominandum fluminis, *jure Acheron vocaris*, inquit. Quod ubi ad aures accidit regis, adjecit extemplo animum fatis suis, substititque, dubius an transiret. Tum Sotimus, minister ex regiis pueris, quid in tanto discrimine periculi cunctaretur, interrogans, indicat Lucanos insidiis quærere locum: quos ubi respexit rex procul grege facto venientes, stringit gladium: & per medium amnem transmittit equum. jamque in vadum egressum eminens veruto Lucanus exul transigit. lapsum inde cum in hærente telo corpus exanime detulit amnis in hostium præsidia. ibi foeda laceratio corporis facta. namque, præciso medio, partem Consentiam misce: pars ipsis retenta ad ludibrium; quæ cum jaculis saxisque procul incesceretur, mulier una i ultra humanarum irarum fidem sævienti turbæ immista, ut parumper sustinerent, precata, flens ait, *virum sibi liberisque captos apud hostes esse: sperare, corpore regio utrumque multato, se suos redempturam*. Is finis lacerationi fuit: sepultumque Consentiam, quod membrorum reliquum fuit, cura mulieris unius; ossaque Metapontum ad hostes remissa, inde Epeirum devecta ad Cleopatram uxorem, sororemque Olympiadem: quarum mater magni Alexandri altera, soror altera fuit. Hæc de

1 *Ultra humanarum irarum fidem*) Ultra quam credi potest humanam iram progredi.

Alexandri Epeirensis tristi eventu, quamquam Romano bello fortuna eum abstinuit, tamen, quia in Italia bella gessit, paucis dixisse satis sit.

## CAPUT XXII.

*Lectisternium in Urbe fit. Lucani, & Apuli in amicitiam accipiuntur; cum Samnitibus prospera bellum committitur: Palapolitani obsidione victi in deditiōem veniunt: Publio triumphus decernitur.*

25. **E**odem anno lectisternium Romæ, quinto post conditam urbem, iisdem, quibus ante, placandis habitum est diis. Novi deinde consules jussu populi cum misissent, qui indicerent Samnitibus bellum; & ipsi majore conatu, quam adversus Græcos, cuncta parabant: & alia nova nihil tum animo tale agitantibus accesserunt auxilia. Lucani, atque Apuli, quibus gentibus nihil ad eam diem cum Romano populo fuerat, in fidem venerunt, arma virosque ad bellum pollicentes. fœdere ergo in amicitiam accepti. Eodemque tempore etiam in Samnio res prospere gesta. Tria oppida in potestatem venerunt, Callise, Rusium, Allisiumque. Ager primo adventu COSS. longe, lateque est pervastatus. Hoc bello tam prospere commisso, alteri quoque bello, quo Græci obsidebantur, jam finis aderat. nam, præterquam quod, interseptis munimentis hostium, pars parti abscissa erat; fœdiora aliquanto intra muros iis, quibus hostis territabat, patiebantur; &, velut capti a suismetipsis præfidiis, indigna jam liberis quoque, ac conjugibus, & quæ captarum urbium extrema sunt, patiebantur. Itaque cum & a Tarento, & Samnitibus fama esset, nova auxilia ventura: Samnitium plus, quam vellent, intra mœnia esse rebantur: Tarentinorum juventutem, Græci Græcos, haud minus, per quos Samniti Nolanoque, quam ut Romanis hostibus resisterent, expectabant. postremo levissimum malorum deditio ad Romanos visa. Charilaus & Nymphius, principes civitatis, communicato inter



inter se consilio, partes ad rem agendam divi-  
 fere; ut alter ad imperatorem Romanorum  
 transfugeret, alter subsisteret ad præbendam op-  
 portunam consilio urbem. Charilaus fuit, qui  
 ad Publilium Philonem venit: &, quod bonum,  
 faustum, felixque Palapolitanis, populoque Ro-  
 mano esset, tradere se ait moenia statuisse. eo fa-  
 cto utrum ab se prodita, an servata patria videat-  
 ur; in fide Romana positum esse: sibi privatim  
 nec pacisci quicquam, nec petere: publice petere,  
 quam pacisci, magis; ut, si successisset inceptum,  
 cogitaret populus Roman. potius, cum quanto stu-  
 dio periculoque reditum in amicitiam suam es-  
 set, quam qua stultitia & temeritate de officio  
 decessum. Collaudatus ab imperatore, tria mil-  
 lia militum ad occupandam eam partem urbis,  
 quam Samnites insidebant, accepit: 1 præsidio  
 ei L. Quintius tribunus militum præpositus. Eodem tempore & Nymphius prætorem Sa- 26.  
 mnitium arte aggressus perpulerat, ut, quo-  
 niam omnis Romanus exercitus aut circa Pa-  
 læpolim, aut in Samnio esset, sineret se clas-  
 se circumvchi ad Romanum agrum, non oram  
 modo maris, sed ipsi urbi propinqua loca  
 depopulaturum: sed ut falleret, nocte profi-  
 ciscendum esse, extemploque 2 naves deducen-  
 das. quod quo maturius fieret, omnis juven-  
 tus Samnitium, præter necessarium urbis præ-  
 sidium, ad litus missa. ubi dum Nymphius in  
 tenebris, & multitudine semet ipsa impeden-  
 te, sedulo aliis alia imperia turbans, terit  
 tempus; Charilaus, ex composito ab fociis  
 in urbem receptus, cum summa urbis Roma-  
 no milite impletter, tolli clamorem iussit, ad  
 quem Græci, signo accepto a principibus, quie-  
 vere: Nolani per averſam partem urbis, via  
 Nolam ferente, effugiunt. Samnitibus exclusis  
 ab urbe, ut expeditior in præſentia fuga, ita fœ-  
 dior, postquam periculo evaſerunt; viſa: quippe  
 qui inermes, nulla rerum ſuarum non relictæ  
 inter hostes, ludibrium non externis modo,  
 ſed etiam popularibus, ſpoliati atque egentes  
 domos

1 Præſidio ei } Huic militum-manni:

2 Naves deducendas } In mare. Verbum hic proprium,  
 cui opponitur ſubducere.

domos rediere . Haud ignarus opinionis alterius , qua hæc proditio ab Samnitibus facta traditur , cum auctoribus hoc dedi , quibus dignius credi est ; tum fœdus Neapolitanum ( eo enim deinde summa rei Græcorum venit ) similis vero facit , ipsos in amicitiam redisse . Publilio triumphus decretus ; quod satis credebatur obsidione domitos hostes in fidem venisse . duo singularia hæc ei viro primum contingere , prorogatio imperii , non ante in ullo facta , i & , acto honore , triumphus ,

## CAPUT XXIII.

*Fraude Tarentinorum Lucani ab Romanis deficiunt .*

27. **A**liud subinde bellum cum alterius orz Græcis exortum . namque cum Tarentini rem Palæpolitanam vana spe auxilii aliquamdiu sustinuisent , postquam Romanos urbe poritos accipere , velut destituti , ac non qui ipsi destituisent , increpare Palæpolitianos : ira atque invidia in Romanos furere , eo etiam , quod Lucanos & Apulos ( nam utraque eo anno societas cœpta est ) in fidem populi Romani venisse , allatum est . quippe propemodum perventum ad se esse : jamque in eo rem fore , ut Romani aut hostes , aut domini habendi sint . discrimen profecto rerum suarum in bello Samnitium , eventusque ejus verti : eam solam gentem restare , nec eam ipsam satis validam ; quando Lucanus defecerit : quem revocari adhuc , impellique ad abolendam societatem Roman. posse , si qua ars ferendis discordiis adhibeatur . Hæc consilia cum apud cupidos rerum novandarum valuisent , ex juventute quidam Lucanorum pretio asciti , clari magis inter populares , quam honesti , inter se multati ipsi virgis , cum corpora nuda intulissent in civium cœtum , vociferari sunt , se , quod castra Romana ingredi ausi essent , ab COS. virgis cæsos , ac prope securi percussos esse . Deformis suapte natura res ,  
cum

<sup>1</sup> *Et acto honore triumphus* ) Et triumphus post exactum magistratum , cum antea nemo nisi in magistratu triumphasset .

cum speciem injuriæ magis , quam doli præ se ferret ; concitati homines cogunt clamore suo magistratus senatum vocare : & alii circumstantes concilium , bellum in Romanos poscunt : alii ad concitandam in arma multitudinem agrestium discurrunt : tumultuque etiam sanos i conster-nante animos , decernitur , ut societas cum Samnitibus renovetur , legatique ad eam rem mittantur . repentina res quia , quam causam nullam , tam ne fidem quidem habebat ; coacti a Samnitibus & obsides dare , & præsidia in loca munita accipere , cæci fraude & ira nihil recusarunt . dilucere deinde brevi fraus cœpit , postquam criminum falsorum auctores Tarentum commigravere : sed , amissa omni de se potestate , nihil ultra , quam ut pœniteret frustra , restabar .

## CAPUT XXIV.

*Propter insignem L. Papirii libidinem , & crudelitatem in C. Publiliū creditorem suū , plebs nexu liberatur .*

EO anno plebi Romanæ velut aliud initium 28.  
libertatis factum est , 2 quod ligari nexi desierunt . mutatum autem jus ob unius fœneratoris simul libidinem , simul crudelitatem insignem . L. Papirius is fuit : cui cum se C. Publilius ob æs alienum paternum nexum dedisset ; quæ ætas formaque misericordiam elicere poterat , ad libidinem & contumeliam animum accenderunt ; & , florem ætatis ejus fructum adventitium crediti ratus , primo perlicere adolescentem sermone incesto est conatus ; dein , postquam aspernabantur flagitium aures , minus territare , atque identidem admonere fortunæ ; postremo , cum ingenuitatis magis , quam præsentis conditionis memorem videret , nudari jubet , verberaque asserri . quibus laceratus juvenis cum se in publicum proripuisset , libidinem crudelitatemque conquerens fœneratoris , ingens vis hominum , cum ætatis miseratione atque

1 Conster-nante ) Ad furorem incitante .

2 Quod legati nexi desierunt ) Quod in servitutem dari creditoribus debitores desierunt .

atque indignitate injuriæ accensa, tum suæ conditionis, liberumque suorum respectu, in forum, atque inde, agmine facto, ad curiam concurrunt. & cum COSS. tumultu repentino coacti senatum vocarent, introeuntibus in curiam patribus laceratum juvenis tergum, procumbentes ad singulorum pedes, ostentabant. Victum eo die, ob impotentem injuriam unius, ingens vinculum fidei: jussique COSS. ferre ad populum, ne quis, nisi qui noxam meruisset, donec pœnam lueret, in compedibus, aut in nervo teneretur: pecuniæ creditæ bona debitoris, non corpus obnoxium esset. ita nexi soluti: cantumque in posterum, ne necerentur.

C A P U T XXV.

*Contra Vestinos, qui cum Samnitibus arma conjunxerant, Brutus Cos. exercitum educit: contra Samnites, cum alter Cos. Furius Camillus morbo impediretur, dicitur Dictator L. Papirius Cursor.*

29. Eodem anno cum satis per seipsum Samnitium bellum, & defectio repens Lucanorum, auctoresque defectionis Tarentini sollicitos haberent patres; accessit, ut & Vestinus populus Samnitibus sese conjungeret. quæ res sicut eo anno sermonibus magis passim hominum jactata, quam in publico ullo concilio est: ita  
U.C. 430. insequentis anni COSS. L. Furio Camillo iterum, Junio Bruto Scævæ, nulla prior potiorque visa est, de qua ad senatum referrent. & quamquam nova res erat, tamen tanta cura patres incessit, ut pariter eam susceptam neglectamque timerent: ne aut impunitas eorum lascivia superbiaque, aut bello pœnæ expetitæ metu propinquo, atque ira concirent finitimos populos. Et erat genus omne abunde bello Samnitibus par, Marsi, Pelignique, & Marucini: quos, si Vestinus attingeretur, omnes habendos hostes. Vicit tamen pars, quæ in præsentia videri potuit majoris animi, quam consilii. sed eventus docuit, fortes fortunam juvare. Bellum ex auctoritate patrum populus adversus Vestinos jussit; provincia ea Bruto, Samnium

Samnium Camillo forte evenit. exercitus utroque ducti, & cura tuendorum finium hostes prohibiti conjungere arma. Ceterum alterum COS. L. Furium, cui major moles rerum imposita erat, morbo gravi implicitum fortuna bello subtraxit; jussusque dictatorem dicere rei gerendæ causa, longe clarissimum bello ea tempestate dixit L. Papirium Cursorem: a quo Q. Fabius Maximus Rullianus magister equitum est dictus: par nobile rebus in eo magistratu gestis, discordia tamen, qua prope ad ultimum dimicationis ventum est, nobilior.

## CAPUT XXVI.

*Vestini a Bruto Cos. prælio obtinentur: in Samnio, cum L. Papirius Dictator reversus ab exercitu in urbem esset ad auspicia repetenda, Q. Fabius Magister equitum, occasione inductus, contra edictum ejus, prospere pugnat.*

**A**B altero consule in Vestinis multiplex bellum, nec usquam vario eventu, gestum est. nam & pervastavit agros, & populando atque urendo tecta hostium sataque, in aciem invitos extraxit: & ira prælio uno accidit Vestinorum res, haudquaquam tamen incruento milite suo, ut non in castra solum refugerent hostes, sed jam, ne vallo quidem ac fossis fretri, dilaberentur in oppida, situ urbium, mœnibusque se defensuri. postremo oppida quoque vi oppugnare adortus, primo Cutinam ingenti ardore militum, aut vulnere ira, quod hand fere quisquam integer prælio excesserat, scalis cepit: deinde Cingiliam. utriusque urbis prædam militibus, quod eos neque portæ, neque muri hostium arcuerant, concessit. in Samnium<sup>302</sup> incertis itum auspiciis est: cujus rei vitium, non in belli eventum, quod prospere gestum est, sed in rabiem atque iras imperatorum vertit. namque Papirius dictator, a pullario monitus, cum ad auspicium repetendum Romam proficisceretur, magistro equitum denuntiavit, ut sese loco teneret, neu, absente se, cum hoste manum confereret. Fabius, cum, post profectionem dictatoris, per exploratores comperisset,

perisset, perinde omnia soluta apud hostes, ac si nemo Romanus in Samnio esset; seu ferox adolescens indignitate accensus, quod omnia in dictatore viderentur reposita esse; seu occasione bene gerendæ rei inductus, exercitu instructo, paratoque, profectus ad Imbrinium (ita vocant locum) acie cum Samnitibus conflixit. Ea fortuna pugnæ fuit, ut nihil relictum sit, quo, si affuisset dictator, res melius geri potuerit. non dux militi, non miles duci defuit. eques etiam, auctore L. Cominio Tr. milit., qui aliquoties impetu capto percurrere non poterat hostium agmen, detraxit frenos equis; atque ita concitatos calcaribus permisit, ut sustinere eos nulla vis posset. per arma, per viros late stragem dedere. secutus pedes impetum equitum, turbatis hostibus intulit signa. viginti millia hostium cæsa eo die traduntur. Auctores habeo, bis cum hoste signa collata, dictatore absente, bis rem egregie gestam. apud antiquissimos scriptores una hæc pugna invenitur. in quibusdam annalibus tota res prætermissa est.

## C A P U T XXVII.

*Q. Fabius audiens, Dictatorem, cujus edictum violaverat, iratum venire, salutem suam exercitus commendat.*

**M**agister equitum, ut ex tanta cæde multis poritus spoliis, congesta in ingentem acervum hostilia arma subdito igne concremavit: seu votum id deorum cuiuspiam fuit: seu credere libet, Fabio auctore eo factum, ne suæ gloriæ fructum dictator caperet, nomenque ibi scriberet, aut spolia in triumpho ferret. Litteræ quoque de re prospere gesta ad senatum, non ad dictatorem, missæ, argumentum fuere minime cum eo communicantis laudem. Ita certe dictator id factum accepit, ut, lætis aliis victoria parta, præ se ferret iram, tristitiamque. missò itaque repente senatu, se ex curia proripuit, tum vero, non Samnitium magis legiones, quam majestatem dictatoriam, & disciplinam militarem a magistro equitum victam  
& ever-

& everfam dictitans, si illi impune spretum imperium fuisset. itaque plenus minarum, iraque profectus in castra cum maximis itineribus isset, non tamen prævenire famam adventus sui potuit. præcurrerant enim ab urbe, qui nuntiarent dictatorem avidum pœnæ venire, alternis pene verbis T. Manlii factum laudantem. Fabius, concione extemplo advocata, obtestatus milites est, ut, qua virtute rempublicam ab infestissimis hostibus defendissent, eadem se, cujus ductu auspicioque vicissent, ab impotenti crudelitate dictatoris tutarentur. Venire amentem invidia; iratum virtuti aliena felicitatique furere, quod se absente \* res egregio gesta esset: malle, si mutare fortunam posset, apud Samnites, quam Romanos, victoriam esse: imperium dictitare spretum; tamquam non eadem mente pugnari vetuerit, qua pugnatum doleat: & tunc invidia impedire virtutem alienam voluisse, cupidissimisque arma ablaturum fuisse militibus, ne se absente moveri possent: & nunc id furere, id agre pati, quod sine L. Papirio non inermes, non manci milites fuerint; quod se Q. Fabius magistrum equitum duxerit, ac non accensum dictatoris. Quid illum facturum fuisse, si, quod belli casus ferunt, Marsque communis, adversa pugna evcnisset, qui sibi, devictis hostibus, republica bene gesta, ita ut non ab illo unico duce melius geri potuerit, supplicium magistro equitum, & tunc victori minetur? Neque illum magistro equitum infestiores, quam tribunis militum, quam centurionibus, quam militibus esse: si possit, in omnes savituum fuisse: quia id nequeat, in unum savire: etiam invidiam, tamquam ignem, summa petere: in caput consilii, in ducem incurrere. Si se simul cum gloria rei gesta extinxissent, tunc victorem velut in capto exercitu dominantem, quicquid licuerit in magistro equitum, in militibus ausurum. proinde adessent in sua causa omnium libertati. si consensum exercitus eundem, qui in pralio fuerit, in tuenda victoria videat, & salutem unius omnibus cura esse; inclinaturum ad clementiorem sententiam animum. postremo se vitam fortunamque

\* al.  
res  
pu-  
blica.

524 DECADIS PRIMÆ  
eunisque suas illorum fidei, virtutisque permitte-  
re. Clamor e tota concione ortus, uti bonum  
animum haberet: neminem illi vim allaturum,  
salvis legionibus Romanis.

## C A P U T XXVIII.

*Cum videretur Dictator de Q. Fabio magistro e-  
quitum sumturnus supplicium, ille Romam pro-  
fugit; ibi, cum neque causa, neque patris ob-  
testationes ab obstinata Dictatoris ira eum tuta-  
rentur, populi precibus donatur.*

**H**Aud multo post dictator advenit, classi-  
coque extemplo ad concionem advocavit.  
Tum silentio facto, præco Q. Fabium magistrum  
equitum citavit. qui simul ex inferiore loco ad  
tribunal accessit; tum dictator, *Quaro*, inquit,  
*de te, Q. Fabi, cum summum imperium dicta-*  
*toris sit, pareantque ei COSS., regia potestas,*  
*prætores, iisdem auspiciis, quibus COSS., crea-*  
*ti; æquum censeas, nec ne, magistrum equitum*  
*dicto audientem esse? itemque illud interrogo;*  
*cum me incertis auspiciis profectum ab domo*  
*scirem, utrum mihi turbatis religionibus respu-*  
*blica in discrimen committenda fuerit, an auspi-*  
*ciorum repetenda, ne quid dubiis diis agerem? si-*  
*mul illud, qua dictatori religio impedimento*  
*ad rem gerendam fuerit, num ea magister equi-*  
*tum solutus ac liber potuerit esse? Sed quid ego*  
*hæc interrogo? cum, si ego tacitus abissem, ta-*  
*men tibi ad voluntatis interpretationem mea divi-*  
*genda tua sententia fuerit. quin tu respondes,*  
*vetuerimne te quicquam rei me absente agere?*  
*vetuerimne signa cum hostibus conferre? quo tu*  
*imperio meo spreto, incertis auspiciis, turbatis*  
*religionibus, adversus morem militarem, discipli-*  
*namque majorum, & numen deorum, ausus es*  
*cum hoste conflagrare? Ad hæc, qua interrogatus*  
*es, responde: extra ea, cave, vocem emittas.*  
*Accede licitor. Adversus quæ singula Q. Fabio*  
*cum respondere haud facile esset; & nunc que-*  
*reretur eum lem accusatorem capitis sui, ac ju-*  
*dicem esse; modo, vitam sibi eripi citius,*  
*quam gloriam rerum gestarum posse, vocife-*  
*rare.*



raratur; purgaretque se invicem, atque ultro accusaret: tunc Papirius, redintegrata ira, spoliari magistrum equitum, ac virgas & secures expediri iussit. Fabius fidem militum implorans, lacerantibus vestem lictoribus, ad triarios, tumultum jam in concionem miscentes, sese recepit. inde clamor in totam concionem est perlatus: alibi preces, alibi minæ audiebantur, qui proximi forte tribunali steterant, quia subiecti oculis imperatoris noscitari poterant, orabant, ut parceret magistro equitum; neu cum eo exercitum damnaret. extrema concio, & circa Fabium globus increpabant inclementem dictatorem; nec procul seditione aberant. ne tribunal quidem satis quietum erat. legati circumstantes sellam orabant, ut rem in posterum diem differret, & iræ suæ spatium, & consilio tempus daret: *satis castigatam adolescentiam Fabii esse: satis deformatam victoriam: ne ad extremum finem supplicii tenderet; neu i unico juveni, neu patri ejus, clarissimo viro, neu Fabia genti eam inureret ignominiam.* cum parum precibus, parum causa proficerent; *intueri faventem concionem jubebant; ita irritatis militum animis subdere ignem, ac materiam seditioni, non esse atatis, non prudentia ejus: neminem id Q. Fabio, & pœnam deprecanti suam, vitio veritum, sed dictatori; si occacatus ira infestam multitudinem in se pravo certamine movisset. postremo, ne id se gratia dare Q. Fabio crederet, se iusjurandum dare paratos esse, non videri e repub. in Q. Fabium eo tempore animadverti.* His vocibus cum in se magis incitarent dictatorem, quam magistro equitum placarent, jussi de tribunali descendere legati: & silentio nequicquam per præconem tentato, cum, præ strepitu ac tumultu nec ipsius dictatoris, nec apparitorum ejus vox audiretur, nox, velut in prælio, certamini finem fecit. magister equitum jussus postero die adesse, cum omnes affirmarent infestius Papirium exarsurum, agitata contentione ipsa exacerbatum-

33.

1 Unico juveni ) Juveni, ejus virtus singularis esset.

2 Pœnam deprecanti suam ) Deprecatur, qui precatur ne quid sibi, aliive contingat.

batumque , clam ex castris Romam profugit : & , patre auctore M. Fabio , qui ter jam COS. dictatorque fuerat , vocato extemplo senatu , cum maxime conquereretur apud patres vim atque injuriam dictatoris , repente strepitus ante curiam lictorum submoventium auditur : & ipse infensus aderat , postquam comperit profectum ex castris , cum expedito equitatu secutus . iterata deinde contentio est : & prehendi Papirius Fabium jussit . ubi cum , deprecantibus primoribus patrum , atque universo senatu , perstaret in incepto immitis animus ; tum pater M. Fabius , *Quandoquidem* , inquit , *apud te nec auctoritas senatus , necetas mea , cui orbitatem paras , nec virtus nobilitasque magistri equitum , a te ipso nominati , valet ; nec preces , quæ sæpe hostem mitigavere , quæ deorum iras placant : tribunos plebis appello , & provoeco ad populum : i eumque tibi , fugienti exercitus tui , fugienti senatus iudicium , iudicem fero , qui certe unus plus , quam tua dictatura , potest , polletque . videro , cessurusne provocationis sis , cui rex Romanus Tullus Hostilius cessit .* Excuria in concionem itur . quo cum paucis dictator , cum omni agmine principum magister equitum cum ascendisset , deduci eum de rostris Papirius in partem inferiorem jussit . Secutus pater , *Bene agis* , inquit , *cum eo nos deduci iussisti , unde & privati vocem mittere possemus .* Ibi primo non tam perpetuæ orationes , quam altercatio , exaudiebantur . vicit deinde strepitum vox & indignatio Fabii senis , increpantis superbiam crudelitatemque Papirii : *se quoque dictatorem Romæ fuisse , nec a se quemquam , ne plebis quidem hominem , non centurionem , non militem violatum : Papirium , tamquam ex hostium ducibus ; sic ex Romano imperatore victoriam & triumphum petere . quantum interesset inter moderationem antiquorum , & novam superbiam crudelitatemque ? dictatorem Quintium Cincinnatum in L. Minutium COS. ex obfidione a se ereptum , non ultra saviisse , quam ut*

lega-

1 Eum ... sibi ... iudicem fero ) Ei , tamquam iudici , ut te listas postulo .

Legatum eum ad exercitum pro COS. relinqueret. M. Furium Camillum in L. Furio, qui, contempta sua senectute & auctoritate, fœdissimo cum eventu pugnavisset, non solum in presentia moderatum ira esse, ne quid de collega secus populo aut senatui scriberet; sed, cum revertisset, potissimum ex tribunis consularibus habuisse, quem ex collegis, optione ab senatu data, socium sibi imperii delegerit. nam populi quidem, penes quem potestas omnium rerum esset, ne iram quidem umquam atrociorē fuisse in eos, qui temeritate atque inscitia exercitus amisissent, quam ut pecunia eos multaret: capite angustum ob rem bello male gestam de imperatore \* al. nullum ad eam diem esse: nunc ducibus populi Romani, quæ ne victis quidem bello fas fuerit, virgas & secures victoribus, & iustissimos meritis triumphos intentari. quid enim tandem passurum fuisse filium suum, si exercitum amisisset? si fusus, fugatus, castris exutus fuisset? quo ultra iram violentiamque ejus excessuram fuisse, quam ut verberaret, necaretque? Quam conveniens esse, propter Q. Fabii victoriam civitatem in lætitia, in supplicationibus, at gratulationibus esse: eum, propter quem Deum delubra pateant, ara sacrificiis fument, honore, donis cumulentur, nudatum virgis laterari in conspectu pop. Rom. intuentem Capitolium, atque arcem, deosque ab se duobus praliis haud frustra advocatos? quo id animo exercitum, qui ejus ductu auspiciisque vicisset, laturum? quem luctum in castris Romanis, quam lætitiā inter hostes fore? Hæc simul jurgans, querens, deum hominumque fidem obtestans, & complexus filium plurimis cum lacrimis agebat. Stabat cum eo senatus majestas, favor populi, tribunitium auxilium, memoria absentis exercitus. Ex parte altera, imperium invictum populi Romani, & disciplina rei militaris, & dictatoris edictum, pro numine semper observatum, & Manliana imperia, & posthabita filii caritas publica utilitati jactabantur. Hoc etiam L. Brutum conditorem Romanæ libertatis antea in duobus liberis fecisse. nunc patres comes, & senes faciles de alieno imperio spreto, tamquam rei parva, disci-

disciplina militaris eversa iuventuti gratiam facere: se tamen perstatutum in incepto: nec ci-  
 qui adversus dictum suum turbatis religionibus,  
 ac dubiis auspiciis pugnasset, quicquam ex iusta  
 pœna remissurum. majestas imperii perpetua ne  
 esset, non esse in sua potestate: L. Papirium ni-  
 hil de ejus jure diminuturum. optare ne potestas  
 tribunitia, inviolata ipsa, violet intercessione sua  
 Romanum imperium; neque populus Romanus in  
 se potissimum dictatorem & jus dictatura extin-  
 guat. quod si fecisset, non L. Papirium, sed tri-  
 bunos, sed pravam populi judicium nequicquam  
 posteros accusaturos: cum, polluta semel mili-  
 taria disciplina, non miles centurionis, non cen-  
 turio tribuni, non tribunus legati, non legatus  
 COS., non magister equitum dictatoris pareat  
 imperio; nemo hominum, nemo deorum vere-  
 cundiam habeat; non edicta imperatorum, non  
 auspicia observentur; sine comœatu vagi mili-  
 tes in pacato, in hostico errent, immemores sa-  
 cramenti, licentia sola se, ubi velint, exau-  
 ditorent: infrequentia deserant signa: neque con-  
 veniant ad edictum; nec discernant, interdum,  
 nocte, equo, iniquo loco, jussu, injussu impe-  
 ratoris pugnent; & non signa, non ordines ser-  
 vent; latrocinii modo caca, & fortuita, pro so-  
 lemni & i sacrata, militia sit. Horum crimi-  
 num vos reos in omnia sacula offerre, tribuni  
 plebis: vestra obnoxia capita pro licentia Q. Fa-  
 35. bii objicite. Stupentes tribunos, & suam jam  
 vicem magis anxios, quam ejus, cui au-  
 xilium ab se petebatur, liberavit onere consen-  
 sus populi Romani ad preces & obtestationem  
 versus, ut sibi pœnam magistri equitum dicta-  
 tor remitteret. tribuni quoque inclinatum rem  
 in preces subsecuti, orare dictatorem insistunt,  
 ut veniam errori humano, veniam adolescenti-  
 riæ Q. Fabii daret: satis cum pœnarum dedisse.  
 jam ipse adolescens, jam pater M. Fabius,  
 contentionis obliti, procumbere ad genua,  
 & iram deprecari dictatoris. Tum dictator,  
 silentio facto, Bene habet, inquit, Quiri-  
 tes. vicit disciplina militaris: vicit imperii ma-  
 jestas: qua in discrimine fuerunt, an ulla post  
 hanc

1 Sacrata) Militia sacrata habebatur ob sacramentum militare.

*hanc dicam essent . non noxa eximitur Qu. Fabius , qui contra edictum imperatoris pugnavit ; sed noxa damnatus , donatur populo Romano ; donatur tribunitia potestati , precarium , non iustum auxilium ferenti . Vive , Q. Fabi , felicius hoc consensu civitatis ad tuendum te , quam , qua paulo ante exultabas , victoria : vive , id facinus ausus , cujus tibi ne parens quidem , si eodem loco fuisset , quo fuit L. Papirius , veniam dedisset . mecum , ut voles , reverteris in gratiam : Pop. Romano , cui vitam debes , nihil majus praestiteris , quam si hic tibi dies satis documentis dediderit , ut bello ac pace pati legitima imperia possis . Cum se nihil morari magistrum equitum pronuntiasset ; digressum eum i templo lætus senatus , lætior populus , circumfusi , ac gratulantes hinc magistro equitum , hinc dictatori , profecuti sunt : firmatumque imperium militare haud minus periculo Q. Fabii , quam supplicio miserabili adolescentis T. Manlii , videbatur .*

## C A P U T XXIX.

*Commisso a Papirio Dictatore cum Samnitibus prælio , insensu ejus severitati milites victoriam impediunt : quibus cum dexteritate conciliatis , hostes denuo Dictator aggressus , subigit , ac de illis triumphat .*

**F**orte ita eo anno evenit , ut , quotiescumque dictator ab exercitu recessit , hostes in Samnio moverentur . ceterum in oculis exemplum erat Q. Fabius M. Valerio legato , qui castris præerat , ne quam vim hostium magis , quam truce dictatoris iram , timeret . itaque frumentatores cum circumventi ex insidiis cæsi loco iniquo essent : creditum vulgo est , subveniri eis ab legato potuisse , ni tristia edicta exhorruisset . ea quoque ira alienavit a dictatore militum animos , jam ante insensos , quod implacabilis Q. Fabio fuisset ; & quod suis precibus negasset , ejus populo Romano veniam dedisset . Postquam dictator , præposito in urbe 36. L. Papirio Crasso magistro equitum , Q. Fabio vetito quicquam pro magistratu agere , in castra rediit : neque civibus satis lætus adventus ejus fuit , nec hostibus quicquam aruit

terroris . namque postero die , seu ignari venisse dictatorem , seu , adesset , an abesset , parvi facientes , instructa acie ad castra accesserunt . Ceterum tantum momenti in uno viro L. Papirio fuit , ut , si ducis consilia favor subsequutus militum foret , debellari eo die cum Samnitibus potuisse pro haud dubio habitum sit ; ita instruxit aciem loco , ac subsidiis , ita omni arte bellica firmavit . cessatum a milite : ac de industria , ut obrectaretur laudibus ducis , impedita victoria est . Plures Samnitium cecidere : plures Romani vulnerati sunt . Sensit peritus dux , quæ res victoriæ obstarer , temperandum ingenium suum esse , & severitatem miscendam comitati . itaque , adhibitis legatis , ipse 1 circum faucios milites inferens in tentoria caput , singulos , ut sese haberent , rogitans , curam eorum nominatim legatis , tribunisque , & 2 præfectis demandabat . rem per se popularem ita dexter egit , ut , medendis corporibus , animi multo prius militum imperatori reconciliarentur ; nec quicquam ad salubritatem efficacius fuerit , quam quod grato animo ea cura accepta est . Refecto exercitu , cum hoste congressus haud dubia spe sua militumque , ita fudit fugavitque Samnites , ut ille ultimus eis dies conferendi signa cum dictatore fuerit . Incessit deinde , quæ duxit prædæ spes , victor exercitus ; perustravitque hostium agros , nulla arma , nullam vim , nec apertam , nec insidiis , expertus . Addebat alacritatem , quod dictator prædam omnem edixerat militibus : nec ira magis publica , quam privatum compendium in hostem aciebat . His

37. cladibus subacti Samnites pacem a dictatore petiere : cum quo pacti , ut singula vestimenta militibus , & annum stipendium darent ; cum ire ad senatum iussi essent , secuturos se dictatorem responderunt , unius ejus fidei , virtutisque causam suam commendantes . ita deductus ex Samnitibus exercitus . Dictator triumphans urbem est ingressus : & cum se dictatura abdicare vellet , iussu patrum , prius , quam abdicaret , COSS. creavit .

1 *Circum faucios milites* ) Omnes faucios milite. ex ordine circumiens.

2 *Præfectis* ) Præfectis sociorum , qui jure & potestate tribunis militum pares erant.

vit, C. Sulpitium Longum iterum, Q. Æmilium Cerretanum. Samnites, infecta pace, quia de conditionibus agebatur, inducias annuas ab urbe retulerunt: nec earum ipsarum sancta fides fuit; adeo postquam Papirium abisse magistratu nuntiatum est, arrecti ad bellandum animi sunt.

## CAPUT XXX.

*Samnitibus deficientibus, & Apulis arma inferuntur. Lata a Flavio tribuno pleb. lex de pœna Tusculanorum, cum illi Romam adventum impetrandam venissent, antiquatur.*

C Sulpitio, Q. Æmilio (Aulium quidam annales habent) COSS., ad defectionem Samnitium Apulum novum bellum accessit. utroque exercitus missi. Sulpitio Samnites, Apuli Æmilio sorte evenerunt. Sunt qui non ipsis Apulis bellum illatum, sed socios ejus gentis populos ab Samnitium vi atque injuriis defensos scribant. Ceterum fortuna Samnitium vix a se ipsis eo tempore propulsantium bellum, propius ut sit vero, facit, non Apulis ab Samnitibus arma illata, sed cum utraque simul gente bellum Romanis fuisse. nec tamen res ulla memorabilis acta; ager Apulus, Samniumque evastatum: hostes nec hic, nec illic inventi. Romæ nocturnus terror ita ex somno trepidam repente civitatem excivit, ut Capitolium atque arx, mœniaque, & portæ plena armatorum fuerint. & cum concursatum, clamaturnque ad arma omnibus locis esset; prima luce nec auctor, nec causa terroris comparuit. Eodem anno de Tusculanis Flavia rogatione populi fuit judicium. M. Flavius Tr. pleb. tulit ad populum, ut in Tusculanos animadverteretur, quorum ope ac consilio Veliterni Privernatesque populo Romano bellum fecissent. populus Tusculanus cum conjugibus ac liberis Romam venit. ea multitudo, veste mutata, & specie reorum, tribus circuit, genibus se omnium advolvens. plus itaque misericordia ad pœnæ veniam impetrandam, quam causa ad crimen purgandum, valuit. Tribus omnes, præter Polliam,

532 DECADIS PRIMÆ  
 antiquarunt legem. Polliæ sententia fuit, pube-  
 res verberatos necari: conjuges, liberosque sub  
 corona, lege belli, venire: memoriamque ejus  
 iræ Tusculanis in pœnæ tam atrocis auctores  
 mansisse ad patrum ætatem, constat; nec quem-  
 quam ferme ex Pollia tribu candidatum i Pa-  
 piriam ferre solitum.

## C A P U T XXXL

*Samnites ingenti prælio ab A. Cornelio Arvina  
 Dictatore superati, res ex fœdere repetitas Ro-  
 manis reddunt.*

38. I Nsequenti anno, Qu. Fabio, L. Fulvio COSS.,  
 U.C. A. Cornelius Arvina dictator, & M. Fabius  
 432. Ambustus magister equitum, metu gravioris in  
 Samnio belli, ( conducta enim pretio a finiti-  
 mis juvenus dicebatur ) intentiore delectu ha-  
 bito, egregium exercitum adversus Samnites du-  
 xerunt. Castra in hostico incuriose ita posita,  
 tamquam procul abesset hostis: cum subito adve-  
 nere Samnitium legiones tanta ferocia, ut val-  
 lum usque ad stationem Romanam inferrent.  
 nox jam appetebat: id prohibuit munimenta ado-  
 riri; nec dissimulabant orta luce postero die factu-  
 ros. Dictator, ubi propiorem ipse dimicationem  
 vidit; ne militum virtuti damno locus esset, i-  
 gnibus crebris relictis, qui conspectum hostium  
 frustrarentur, silentio legiones educit: nec ta-  
 men fallere, propter propinquitatem castrorum,  
 potuit. eques extemplo insecutus ita instiit  
 agmini, ut, donec lucefceret, prælio abstine-  
 ret. ne pedestres quidem copiæ ante lucem ca-  
 stris egressæ. eques luce demum ausus incurfare  
 in hostem, carpendo novissimos, premendo-  
 que iniquis ad transitum locis, agmen derinuit.  
 interim pedes equitem assecutus: & totis jam  
 copiis Samnis urgebat. Tum dictator, postquam  
 sine magno incommodo progredi non poterat;  
 eum ipsum, in quo constiterat, locum castris  
 communiri jussit. Id vero, circumfuso undique  
 equitatu, ut vallum peteretur, opusque incipe-  
 ret, fieri non poterat. Itaque ubi neque eun-  
 di,

a Papiriam ferre ) Tribus Papiriæ suffragium impetrare.



di, neque manendi copiam esse videt; instruit aciem, impedimentis ex agmine remotis. instruunt contra & hostes, & animis & viribus pares. auxerat id maxime animos, quod, ignari loco iniquo, non hosti cessum, velut fugiones ac territos, terribiles ipsi securi fuerant. Id aliquandiu æquavit pugnam, jam pridem defuncto Samnite clamorem Romani exercitus pati. At hercule illo die, ab hora dici tertia ad octavam, ita anceps dicitur certamen stetisse, ut neque clamor, ut primo semel concursu est sublatus, iteratus sit; neque signa promota loco, retrove recepta; neque recursum ab ulla sit parte. in suo quisque gradu obnixi, urgentes scutis, sine respiracione, ac respectu pugnabant. fremitus æqualis, tenorque idem pugnae in defatigationem ultimam, aut noctem spectabat. Jam viris vires, jam ferro sua vis, jam consilia ducibus deerant: cum subito Samnitium equites, cum, turma una longius provecta, acceperant impedimenta Romanorum, procul ab armatis, sine praesidio, sine munimento stare, aviditate praedae impetum faciunt. quod ubi dictatori trepidus nuntius attulit, *sine modo*, inquit, *se se praeda prapediant*. alii deinde super alios, diripi passim, ferrique fortunas militum vociferabantur. Tum magistro equitum accito, *Vides tu*, inquit, *M. Fabi, ab hostium equite omissam pugnam? haerent impediti impedimentis nostris: aggredere, quod inter praedandum omni multitudini evenit, dissipatos: raros equis insidentes, raros, quibus ferrum in manu sit, invenies: equosque dum praeda onerant, cæde inermes: cruentamque illis praedam redde. mihi legiones, pedestrumque pugna cura erunt: penes te equestre sit decus*. Equitum acies, 39. qualis quæ esse instructissima potest, invecta in dissipatos impeditosque hostes, cæde omnia replet. inter sarcinas omissas repente, objacentes pedibus fugientium, consternatorumque eorum, neque pugnae, neque fugæ satis potentes caduntur. tum deleta prope equitatu hostium,

Z 3

M.

1 Loco iniquo, non hosti cessum) Ideo cessisse Romanos, quod in loco iniquo essent, non quod hostem timerent.

2 Sine... respectu) Ita ut nemo terrorum oculorum de-  
deret.

M. Fabius, circumductis paululum alis, ab tergo pedestrem aciem adoritur. clamor inde novus accidens & Samnitium animos terruit; & dictator, ubi respectantes hostium antesignanos, turbataque signa, & fluctuantem aciem vidit, tum appellare, tum adhortari milites; tribunos, & principesque ordinum nominatim ad iterandam secum pugnam vocare. Novato clamore, signa inferuntur, &, quicquid progrediebantur, magis magisque turbatos hostes cernebant. Eques ipse jam primis erat in conspectu: & Cornelius respiciens ad manipulos militum, quod manu, quod voce poterat, monstrabat, vexilla se suorum parvasque cernere equitum. quod ubi auditum simulque visum est, adeo repente laboris per diem pene totum tolerati, vulnorumque obliti sunt, ut haud secus, quam si tum integri e castris signum pugnae accepissent, concitaverint se in hostem. nec ultra Samnis tolerare terrorem equitum peditumque vim potuit. partim in medio caesi, partim in fugam dissipati sunt. pedes restantes, ac circumventos cecidit: ab equite fugientium strages est facta: inter quos & ipse imperator cecidit. Hoc demum prælium Samnitium res ita infregit, ut omnibus conciliis fremerent, *minime id quidem mirum esse, si impio bello, & contra fœdus suscepto, infestioribus merito diis, quam hominibus, nihil prospere agerent: expiandum id bellum magna mercede, luendumque esse: id referre tantum, utrum supplicia noxio paucorum, an omnium innoxio prabeant sanguine.* audebantque jam quidam nominare auctores armorum. unum maxime nomen per consensum clamantium Brutuli Papii exaudiebatur. vir nobilis, potensque erat, haud dubie proximarum induciarum ruptor. de eo coacti referre prætores decretum fecerunt, ut Brutulus Papius Romanis dederetur; & cum eo praeda omnis Romana captivique ut Romam mitterentur; quaque res per fœtiales ex fœdere repetita essent, secundum jus fasque restituerentur. Fœtiales Romam, ut censuerunt, missi, & corpus Brutuli exanime: ipse mor-

i Principes... ordinum ) Præcipuos ordinum duces, primores centurionum.

morte voluntaria ignominie se , ac supplicio subtraxit . Placuit cum corpore bona quoque ejus dedi . nihil tamen earum rerum , præter captivos , ac si qua cognita ex præda sunt , acceptum est : ceterarum rerum irrita fuit dedictio . dictator ex S. C. triumphavit . Hoc bellum a COSS. bellarum quidam auctores sunt , eosque de Samnitibus triumphasse ; Fabium etiam in Apuliam processisse , atque inde magnas prædas egisse . Nec discrepat , quin dictator eo anno A. Cornelius fuerit . id ambigitur , belline gerendi causa creatus sit , an ut esset , qui ludis Romanis , quia L. Plautius prætor gravi morbo forte implicitus erat , <sup>1</sup> signum mittendis quadrigis daret : functusque eo haud sane memorandi imperii ministerio , se dictatura abdicaret . nec facile est , aut rem rei , aut auctorem auctori præferre . Vitiatam memoriam funebribus laudibus reor , falsisque imaginum titulis , dum familia ad se quæque famam rerum gestarum , honorumque fallente mendacio trahunt . inde certe & singulorum gesta , & publica monumenta rerum confusa : nec quisquam æqualis temporibus illis scriptor extat , quo satis certo auctore stetur .

<sup>1</sup> Signum mittendis quadrigis ) Signum , quo dato quadrigæ e carceribus emissæ corripereut Circi spatia .

# DECADIS PRIMÆ

## LIBER NONUS.

### CAPUT I.

*Samnites, non impetrata ab Romanis pace, hortante C. Pontio, parant se bello defendere.*



Equitur hunc annum nobilis clade Romana Caudina pax, T. Veturio Calvino, Sp. Postumio COSS. Samnites eo anno imperatorem C. Pontium Herennii filium habuerunt, i patre longe prudentissimo natum,

1. primum ipsum bellatorem, ducemque. Is, ubi  
 433. legati, qui ad dedendas res missi erant, pace infecta redierunt; ne nihil actum, inquit, hac legatione censeatis, expiatum est, quicquid ex fadere rupto irarum in nos calestium fuit. satis scio, quibuscumque diis cordi fuit, subigi nos ad necessitatem dedendi res, quæ a nobis ex fœdere repetita fuerant; iis non fuisse cordi tam superbe ab Romanis fœderis expiationem spretam. quid enim ultra fieri ad placandos deos, mitigandosque homines potuit, quam quod nos fecimus? Res hostium in prada captas, quæ belli jure nostra videbantur, remisimus: auctores belli, quia viros non potuimus, perfunctos jam fato dedidimus: bona eorum, ne quid ex contagione noxa remaneret penes nos, Romam portavimus. quid ultra tibi, Romane, quid fœderi, quid diis arbitris debeo; quem tibi tuarum irarum, quem meorum suppliciorum judicem feram? neminem neque populum, neque privatum fugio. Quod si nihil cum potentiore iuris humani relinquitur inopi; at ego ad deos vindices intoleranda superbia confugiam: & precabor, ut iras suas vertant in eos, quibus non sua redditæ res, non aliena accumulata satis sint; quorum scitiam non mors noxiorum, non editio exanimatorum corporum, non bona sequentia do-

1 Patre longe prudentissimo 1 Viros enim sapientissimos cogitavit, Archytam & Platonem, teste Cic. de Sen. D. 41.

*domini deditionem exsatiens; placari nequeant, nisi hauriendum sanguinem, laniandaque viscera nostra praeberimus. Iustum est bellum, Samnites, quibus necessarium: & pia arma, quibus nulla, nisi in armis, relinquitur spes. Proinde cum rerum humanarum maximum momentum sit, quam propitius rem, quam adversis agant diis; pro certo habete, priora bella adversus deos magis, quam homines, gessisse; hoc, quod instat, ducibus ipsis diis gesturos.*

## CAPUT II.

*Exercitus Romanus, ducibus T. Veturio, & Sp. Postumio, apud Caudinas Furcas, in locum arctum, unde spes evadendi non erat, a Samnitibus fraude pertrahitur.*

**H**Æc non læta magis, quam vera, vaticinatus, exercitu educto, circa Caedium castra quam potest occultissime locat: inde ad Calatiam, ubi jam COSS. Romanos, castraque esse audiebat, milites decem pastorum habitu mittit; pecoraque diversos, alium alibi, haud procul Romanis pascere jubet præsidii: ubi inciderint in prædatores, ut idem omnibus sermo constet, legiones Samnitium in Apulia esse; Luceriam omnibus copiis circumsedere; nec procul abesse, quin vi capiant. Jam & is etiam rumor ante, de industria vulgatus, venerat ad Romanos: sed fidem auxere captivi, eo maxime, quod sermo inter omnes congruebat. Haud erat dubium, quin Lucerinis opera Romanus ferret, bonis ac fidelibus sociis: simul ne Apulia omnis ad præsentem terrorem deficeret. ea modo, qua irent, consultatio fuit. Duæ ad Luceriam ferebant viæ; altera præter oram superi maris patens aperta; sed quanto tutior, tanto fere longior; altera per Furculas Caudinas, brevior. sed ita natus locus est. saltus duo alti, angustissimi, silvosque sunt, montibus circa perpetuis inter se juncti. jacet inter eos satis patens, clausus in medio, campus, herbiduus, aquosusque: per quem medium iter est. sed ante quam venias ad eum, intrandæ primæ angustiae sunt: & aut eadem, qua te insinuaveris, retro via repetenda; aut, si ire porro pergas,

Z c

per

per alium saltum altiore, impeditioreque evadendum. In eum campum via alia per cavam rupem Romani demisso agmine, cum ad alias angustias protinus pergerent, septas dejectu arborum, saxorumque ingentium objacentem molem invenere. cum fraus hostilis apparuisset, præsidium etiam in summo saltu conspicitur. citati inde retro, qua venerant, pergunt repetere viam. eam quoque clausam sua obice, armisque inveniunt. sistunt inde gradum sine ullius imperio. stuporque omnium animos, ac velut torpor quidam insolitus membra tenet: inruentesque alii alios, cum alterum quisque magis mentis compotem ac consilii ducerent, diu immobiles silent. deinde ubi prætoriam consulam erigi videre, & expedire quosdam utilia operi: quamquam ludibrio fore munientes, perditis rebus ac spe omni adempta cernebant; tamen, ne culpam malis adderent, pro se quisque, nec hortante ullo, nec imperante, ad munendum versi, castra propter aquam vallo circumdant, sua ipsi opera, laboremque irritum, præterquam quod hostes superbe increpabant, cum miserabili confessione eludentes. ad COSS. mœstos, ne advocantes quidem in consilium, quando nec consilio nec auxilio locus esset, sua sponte legati ac tribuni conveniunt: militesque in prætorium versi, opem, quam vix diu immortales ferre poterant, ab ducibus exposcunt. Quærentes magis, quam consultantes, nox oppressit. cum pro ingenio quisque fremerent: alius, per obices viarum, alius per adversa montium, per silvas, qua ferri arma poterant, eamus. Modo ad hostem pervenire liceat, quem per annos jam prope XXX. vincimus; omnia æqua ac plana erunt Romano in perfidum Samnitum pugnantibus. alius, quo, aut qua eamus? num montes moliri sede sua paramus? dum hac imminébunt iuga, qua tu ad hostem venies? armati, inermes, fortes, ignavi, pariter omnes capti, atque victi sumus. ne ferrum quidem ad bene moriendum oblaturus est hostis: sedens bellum conficiet. His invicem sermonibus, qua cibi, qua quietis immemor nox traducta est.

## CAPUT. III.

*Clauso intra saltum Romano exercitu, cum dubitarent Samnites, quid consilii esset capiendum, ab iis consultus Herennius, Pontii ducis pater, suadet, ut omnes vel incolumes dimittant, vel occidant.*

**N**E Samnitibus quidem consilium in tam lætis suppetebat rebus. itaque universi Herennium Pontium, patrem imperatoris, per litteras consulendum censent. jam is gravis annis non militaribus solum, sed civilibus quoque abcesserat muneribus: in corpore tamen affecto vivebat vis animi, consiliique. Is ubi accepit ad Furculas Caudinas, inter duos saltus, clausos exercitus Romanos: consultus ab nuntio filii censuit omnes inde quam primum inviolatos dimittendos. quæ ubi spreta sententia est, iterumque, eodem remeante nuntio, consulebatur; censuit ad unum omnes interficiendos. Quæ ubi tam discordia inter se, velut ex ancipiti oraculo, responsa data sunt: quamquam filius ipse in primis jam animum quoque patris consensuisse in affecto corpore rebatur; tamen consensu omnium victus est, ut ipsum in consilium acciret. Nec gravatus senex plaustro in castra dicitur advectus, vocatusque in consilium ita ferme locutus esse, ut nihil sententiæ suæ mutaret, causas tantum adjiceret. Prior se consilio, quod optimum duceret, cum potentissimo populo per ingens beneficium perpetuam firmare pacem, amicitiamque. altero consilio, in multas aetates, quibus amissis duobus exercitibus haud facile receptura vires Romanæ res esset, bellum differre: tertium nullum consilium esse. Cum filius aliique principes percontando \* exquirerent, quid si media via consilium caperetur, ut & dimitterentur incolumes, & leges iis jure belli victis imponerentur? Ista quidem sententia, inquit, ea est, qua neque amicos parat, neque inimicos tollit. Servate modo, quos ignominia irritaveritis. ea est Romana gens, qua victa quiescere nesciat: vivet semper in pectoribus illorum, quicquid istis præsens necessitas

inufferit: neque eos ante multiplices pœnas a vobis quiescere sinet. Neutra sententia accepta.  
4. Herennius domum e castris est reuectus.

## CAPUT IV.

*Cum pacem petentibus Romanis Pontius fœdus turpe sponderet, ceteris stupentibus, L. Lentulus legatus, ut illud accipiatnr, suadet.*

ET in castris Romanis cum frustra multi conatus ad erumpendum capti essent, & jam omnium rerum inopia esset, victi necessitate legatos mittunt, qui primum pacem æquam peterent: si pacem non impetrarent, uti provocarent ad pugnam. Tum Pontius *debellatum esse*, respondit; & quoniam ne victi quidem ac capti fortunam sateri scirent, inermes cum singulis vestimentis sub jugum missurum: alias conditiones pacis æquas victis ac victoribus fore, si agro Samnitium decederetur, colonia abducerentur; suis inde legibus Romanum ac Samnitum æquo fœdere victurum. His conditionibus paratum se esse fœdus cum COSS. ferire; si quid eorum displiceat, legatos jam redire ad se vetuit. Hæc cum legatio remuntiaretur, tantus gemitus omnium subito exortus est, tantaque mœstitia incessit, ut non gravius accepturi viderentur, si nuntiaretur, omnibus eo loco mortem oppetendam esse. Cum diu silentium fuisset; nec COSS. aut pro fœdere tam turpi, aut contra fœdus tam necessarium hiscere possent: tum L. Lentulus, qui tum princeps legatorum virtute atque honoribus erat, Patrem meum, inquit, COSS., saepe audiui memorantem, se in Capitolio unum non fuisse auctorem senatui redimenda auro a Gallis civitatis: quando nec fossa valloque ab ignavissimo ad opera ac munusculum hoste clausi essent; & erumpere si non sine periculo magno, tamen sine certa perniciæ possent. quod si, ut illis decurrere ex Capitolio armatis in hostem licuit, (quo saepe modo obfessi in obsidentes cruperunt) ita nobis æquo aut iniquo loco dimicandi tantummodo cum hoste copia esset; non mihi paterni animi indoles in consilio dando deesset. equidem mortem pro patria præclaram esse fateor, & me



Et me vel devovere pro populo Romano legionibusque, vel in medios me immittere hostes paratus sum. sed hic patriam video, hic, quicquid Romanarum legionum est: qua nisi pro se ipsis ad mortem ruerent volunt, quid habent, quod morte sua servant? recta urbis dicat aliquis, Et moenia, Et eam turbam, a qua urbs incolitur. imo hercule produntur magis ea omnia, deleta hoc exercitu, non servantur. quis enim ea tuebitur? imbellis videlicet atque inermis multitudo? tam hercule, quam a Gallorum impetu defendit. an Vejis exercitum, Camillumque ducem implorabunt? Hic omnes spes opeisque sunt: quas servando, patriam servamus; dedendo ad necem, patriam deserimus, ac prodimus. At fœda atque ignominiosa deditio est: sed ea caritas patria est, ut tam ignominia eam, quam morte nostra, si opus sit, servemus. Subeatur ergo ista, quantacumque est, indignitas: Et pareatur necessitati, quam ne diu quidem superant. Ite COSS., redimite armis civitatem, quam aura majores vestri redemerunt.

## CAPUT V.

Facta cum Samnitibus per sponsonem pace, datisque obsidibus sexcentis equitibus Romanis, exercitus ita e saltu educitur, ut omnes inermes sub jugum mittantur.

COSS. profecti ad Pontium in colloquium, cum de fœdere victor agitarer, negarunt injussu populi fœdus fieri posse, nec sine fœtialibus, cœrimoniaque alia solemnibus. itaque non, ut vulgo credunt, Claudiusque etiam scribit, fœdere pax Caudina, sed i per sponsonem facta est. quid enim aut sponsoribus in fœdere opus esset, aut obsidibus, ubi precatione res transigitur; per quem populum hæc quominus legibus dictis stetur, ut cum ita Jupiter feriat, quemadmodum a fœtialibus porcus feriatur? Sponponderunt COSS., legari, quæstores, tribuni militum: nominaque omnium, qui sponponderunt, extant: ubi, si ex fœdere acta

1 Per sponsonem ) Spondentibus tantum consulibus, legatis, quæstoribus, tribunis, fœdus factum iri.

acta res esset, præterquam duorum fœdium non extarent. & propter necessariam fœderis dilationem obsides etiam DC. equites imperati, qui capite luerent, si pacto non staretur. tempus inde statutum tradendis obsidibus, exercituque inermi mittendo. Rediregravit luctum in castris consulum adventus; ut vix ab iis abstinere manus, quorum temeritate in eum locum deducti essent; quorum ignavia fœdus inde, quam venissent, abituri: *illis non ducem locorum, non exploratorem fuisse: belluarum modo cacos in foveam missos.* alii alios intueri: contemplari arma mox tradenda, & inermes futuras dextras, obnoxiaque corpora hosti. Proponere sibi et ipsi ante oculos jugum hostile, & ludibria victoris, & vultus superbos, & per armatos inermium iter. inde fœdi agminis miserabilem viam, per fociorum urbes reditum in patriam, ac parentes: quo sæpe ipsi, majoresque eorum triumphantes venissent. *se solos sine vulnere, sine ferro, sine acie victos; sibi non stringere licuisse gladios, non manum cum hoste conferre: sibi nequicquam arma, nequicquam vires, nequicquam animos datos.* Hæc frementibus hora fatalis ignominiae advenit, omnia tristiora experiundo factura, quam quæ præceperant animis. Jam primum cum singulis vestimentis inermes extra vallum exire iussi, & primi traditi obsides, atque in custodiam abducti, tum a COSS. abire lictores iussi, paludamenta que detracta, tantam inter ipsos, qui paulo ante eos execrantes, dedendos lacerandosque censuerant, miserationem fecit, ut suæ quisque conditionis oblitus, ab illa deformatione tantæ majestatis velut ab nefando spectaculo averteret oculos. Primi COSS. prope seminudi sub jugum missi. tum, ut quisque gradu proximus erat, ita ignominiae objectus; tum deinceps singulæ legiones. Circumstabant armati hostes exprobrantes, eludentesque: gladii etiam plerisque intentati: & vulnerati quidam, necatique, si vultus eorum indignitate rerum acrior victorem offendisset. ita traducti sub jugum, &, quod pene gravius erat, per hostium oculos.

## CAPUT VI.

*Romani exercitus, post fœdam deditionem abeuntis, mœstus habitus.*

CUM ex saltu evasisent, etsi, velut ab inferis extracti, tum primum lucem aspicere visi sunt, tamen ipsa lux ita deforme intuentibus agmen omni morte tristior fuit. itaque cum ante noctem Capuam pervenire possent, incerti de fide sociorum, & quod pudor præpediebat, circa viam haud procul Capua, omnium egeni, corpora humi prostraverunt. quod ubi est Capuam nuntiatum, evicit miseratio justa sociorum superbiam ingentem Campanis. confestim insignia sua COSS., fasces, lictores, arma, equos, vestimenta, commeatus militibus benigne mittunt: & venientibus Capuam cunctus senatus populusque obviam egressus, justis omnibus hospitalibus, privatisque & publicis fungitur officiis: neque illis sociorum comitas, vultusque benigni, & alloquia non modo sermonem elicere, sed ne ut oculos quidem attollerent, aut consolantes amicos contra intuerentur, efficere poterant. Adeo super mœrorem pudor quidam effugere colloquia & cœtus hominum cogebat. Postero die cum juvenes nobiles, missi a Capua ut proficiscentes ad finem usque Campani agri prosequerentur, revertissent, vocatique in curiam, percontantibus majoribus natu, multo sibi mœstioris & abjectioris animæ visos referrent: adeo silens, ac prope mutum agmen incessisse: tacere indolem illam Romanam, ablatoque cum armis animos: non reddere salutem, non salutantibus dare responsum: non hiscere quemquam præ metu potuisse: tamquam ferentibus adhuc cervicibus jugum, sub quod emissi essent. habere Samnites victoriam non præclaram solum, sed etiam perpetuam: cepisse enim eos non Romam, sicut ante Gallos, sed, quod multo bellicosius fuerit, Romanam virtutem, ferociamque. Cum hæc dicerentur, audirenturque, & deploratum pene Romanum nomen in concilio sociorum fidelium esset: dicitur Offilius Calavius Ovi filius clarus genere factisque,

tam etiam ætate verendus, longe aliter se habere rem dixisse: silentium illud obstinatum, fixosque in terram oculos, & surdas ad omnia solatia aures, & pudorem intuenda lucis, ingentem molem irarum ex alto animo cientis indicia esse: aut se Romana ignorare ingenia; aut silentium illud Samnitibus flebiles brevis clamores gemitusque excitaturum; Caudinaque pacis aliquanto Samnitibus, quam Romanis, tristiores memoriam fore. quippe suos quemque eorum animos habiturum, ubicumque congressuri sint: saltus Caudinos non ubique Samnitibus fore.

## CAPUT VII.

*Tristis in Urbe mœstitia ex facta ab exercitu cum Samnitibus ignominiosa pace: de hac cum relatum a consulibus esset, Sp. Postumius, qui dux ejus exercitus fuerat, suadet, ut eorum deditione, quorum culpa deformis fœdus ictum fuerat, liberetur.*

27. Jam & Romæ sua infamis clades erat. obsessos primum audierunt: tristior deinde ignominiosæ pacis magis, quam periculi, nuntius fuit. ad famam obsidionis delectus haberi cœptus erat: dimissus deinde auxiliorum apparatus, postquam deditionem tam fœde factam acceperunt: extemploque sine ulla publica auctoritate
- \* al. \* concessum in omnem formam luctus est. Tabernæ circa forum clausæ: justitiumque in foro sua sponte cœptum prius, quam indictum: 1 lari clavi, annuli aurei positi: pene mœstior exercitu ipso civitas esse: nec ducibus solum, atque auctoribus, sponsoribusque pacis irasci, sed innoxios etiam milites odisse, & negare urbe rectissime accipiendos. quam concitationem animorum fregit adventus exercitus, etiam iratis miserabilis. non enim tamquam in patriam revertentes ex insperato incolumes, sed captorum habitu vultuque ingressi sero in urbem, ita se in suis quisque rectis abdiderunt, ut postero, atque insequentibus diebus nemo eorum fo-

\* al.  
co-  
scen-  
sum

1 Lari clavi) Latus clavus erat tunica purpureis quibusdam in modum clavorum, latis & amplis, orbibus, vel intextis, vel insutis, ornata. Hic erat senatorum insigne: ut angustus clavus, equitum.

forum aut publicum aspicere vellet. Consules in privato abditi, nihil pro magistratu agere, nisi quod expressum senatus consulto est, ut dictatorem dicerent comitiorum causa. Q. Fabium Ambustum dixerunt, & P. Æmilium Pœtum magistrum equitum. quibus vitio creatis suffecti M. Æmilius Pappus dictator, L. Valerius Flaccus magister equitum. nec per eos comitia habita: & quia tædebat populum omnium magistratum ejus anni, res ad interregnum rediit. interreges Q. Fabius Maximus, M. Valerius Corvus. is COSS. creavit Q. Publilium Philonem, & L. Papirium Cursorem iterum, haud dubio consensu civitatis, quod nulli ea tempestate duces clariores essent. Quo creati sunt die, eo (sic enim placuerat patribus) magistratum inierunt, solemnibusque S. C. perfectis, de pace Caudina retulerunt & Publilius, penes quem fasces erant, Dic, Spuri Postumi, inquit. Qui ubi surrexit, eodem illo vultu, quo sub jugum missus erat, Haud sum ignarus, inquit, COSS., ignominia, non honoris causa me primum excitatum, jussumque dicere non tamquam senatorem, sed tamquam reum quæ infelicis belli, quæ ignominiosa pacis. Ego tamen, quando neque de noxa nostra, neque de pœna retulistis; ommissa defensione, quæ non difficillima esset apud haud ignaros fortunarum humanarum, necessitatumque, sententiam de eo, de quo retulistis, paucis peragam: quæ sententia testis erit, mihi ne, an legionibus vestris pepercerim, cum me seu turpi, seu necessaria sponsione obstrinxi: quæ tamen, quando injussu populi facta est, non tenetur populus Romanus; nec quicquam ex ea, præterquam corpora nostra, debentur Samnitibus. Dedamur per fetiales nudi, vinctique: exolvamus religione populum, si quæ obligavimus; ne quid divini, humane obstat, quominus justum piunque de integro incatur bellum. interea COSS. exercitum scribere, armare, educere placet; nec prius ingredi hostium fines, quam omnia justa in deditionem nostram perfecta erunt. Vos, dii immortales, precor, quasque, si vobis non fuit cordi Sp. Postumium, T. Veturium COSS. cum Samni-

*Samnitibus prospere bellum gerere ; at vos satis habeatis vidisse nos sub jugum missos , vidisse sponſione infami obligatos , videre nudos vinctos-que hostibus deditos , omnem iram hostium nostris capitibus excipientes : novos COSS. , legionesque Romanas ita cum Samnite gerere bellum velitis , ut omnia ante nos consules bella gesta sunt . Quæ ubi dixit , tanta simul admiratio miseratioque viri incessit homines , ut modo vix crederent illum eundem esse Sp. Postumium , qui auctor tam fœdæ pacis fuisset : modo miserarentur , quod vir talis etiam præcipuum apud hostes supplicium passurus esset ob iram diremtæ pacis . cum omnes laudibus modo prosequentes virum , in sententiam ejus pedibus irent ; tentata paulisper intercessio est ab L. Livio , & Q. Mælio Tr. pl. qui neque exolveri religione populum aiebant deditiõis suæ , nisi omnia Samnitibus , qualia apud Caudium fuissent , restituerentur ; neque se pro eo , quod , spondendo pacem , servassent exercitum populi Romani , poenam ullam meritos esse ; neque ad extremum , cum sacrosancti essent , dedi hostibus , violari posse . Tum Postumius , Interea dedite , inquit , profanos nos , quos salva religione potestis : dedetis deinde & istos sacrosanctos , cum primum magistratu abierint : sed , si me audiat , prius , quam dedantur , hic in Comitio virgis casos , hanc jam ut intercalatâ poena usuram habeant . Nam quod deditiõis nostræ negant exolveri religione populum : id istos , magis ne dedantur , quam quia ita se res habeat , dicere , quis adeo juris fœtialium expertus est , qui ignoret ? Neque ego inficias eo , patres conscripti , tam sponſiones , quam fœdera sancta esse apud eos homines , apud quos iuxta divinas religiones fides humana colitur : sed injussu populi nego quicquam sanciri posse , quod populum teneat . An , si eadem superbia , qua sponſionem istam expresserunt nobis Samnites , coegissent nos verba legitima deditiõis urbes nuncupare ; deditum populum Romanum vos tribuni diceretis ? & hanc urbem , templa , delubra , fines , aquas Samnitium esse ?*

Omitto

( iuxta divinas religiones ) Eodem modo , eadem reverentia , ac divinarum religionum .

Omitto deditiōem; quoniam de sponsione agitur. Quid tandem, si spopondissemus urbem hanc relicturum populum Romanum? si incensurum? si magistratus, si senatum, si leges non habiturum? Dii meliora, inquis. atqui non indignitas rerum, sponsionis vinculum levat. si quid est, in quod obligari populus possit, in omnia potest. Et ne illud quidem, quod quodam forsitan moveat, refert, COS., an dictator, an prator spoponderit. & hoc ipsi etiam Samnites judicaverunt, quibus non fuit satis COSS. spondere, sed legatos, quaestores, tribunos militum spondere coegerunt. Nec a me nunc quisquam quaesiverit, quid ita spoponderim; cum id nec consulis jus esset; nec illis spondere pacem, quae mei non erat arbitrii, nec pro vobis, qui nihil mandaveratis, possem. Nihil ad Caudium, patres conscripti, humanis consiliis gestum est: dii immortales & vestris, & hostium imperatoribus mentem ademerunt. nec nos in bello satis cavimus: & illi male partam victoriam male perdididerunt, dum vix locis, quibus vicerant, credunt, dum quacumque conditione arma viris in arma natis auferre festinant. An, si sana mens fuisset, difficile illis fuit, dum senes ab domo ad consultandum arcessunt, mittere Romanam legatos? cum senatu, cum populo de pace ac fœdere agere? tridui iter expeditis erat. interea in induciis res fuisset, donec ab Roma legati aut victoriam illis certam, aut pacem afferrent. ea demum sponsio esset, quam populi jussu spopondissemus. Sed neque vos tulissetis, nec nos spopondissemus: nec fas fuit alium rerum exitum esse, quam ut & illi velut somnio latiore, quam quod mentes eorum capere possent, nequicquam eluderentur, & nostrum exercitum eadem, quae impedierat, fortuna expediret: vanam victoriam vanior irritam faceret pax: sponsio interponeretur, quae neminem prater sponsorem obligaret. quid enim vobiscum, patres conscripti, quid cum populo Romano actum est? quis vos appellare potest? quis se a vobis dicere deceptum? hostis? an civis? Hosti nihil spopondistis: civem neminem spondere pro vobis jussistis.

1 Vos appellare ) Vos quodammodo in ius vocare ?

*sistis. Nihil ergo vobis, nec nobiscum est, quibus nihil mandastis, nec cum Samnitibus, cum quibus nihil egistis. Samnitibus sponsores nos sumus, 1 rei satis locupletes in id, quod nostrum est, in id, quod prestare possumus, corpora nostra, & animos: in hac sevant; in hac ferum, in hac iras acuant. Quod ad tribunos plebis attinet; consulite, utrum presens deditio eorum fieri possit, an in diem differatur: nos interim, T. Veturi, vosque ceteri, civilia hæc capita lucenda sponsione feramus, & nostro supplicio liberemus Romana arma.*

## CAPUT VIII.

*Sp. Postumius cum omnibus, qui ad Furculas Caudinas turpe fœdus sponponderant, ad publicam fidem liberandam Samnitibus deditus non recipitur.*

20. **M**OVIT patres conscriptos tum causa, tum auctor, nec ceteros solum, sed tribunos etiam plebis, ut se in senatus dicerent fore potestate. magistratu inde se extemplo abdicaverunt: traditique fetialibus cum ceteris Caudium ducendi. Hoc facto senatus consulto, lux quædam affulsiſſe civitati visa est. Postumius in ore omnium erat: eum laudibus ad cælum ferebant: devotioni P. Decii COS., aliis claris facinoribus æquabant: *emerſiſſe civitatem ex obnoxia pace illius consilio, & opera: ipsum se cruciatibus, & hostium ira offerre; piaculæque pro populo Romano dare. Arma cuncti spectant & bellum. 2 en umquam futurum, ut congregatis cum Samnite liceat?* In civitate ira odioque ardente delectus omnium prope voluntariorum fuit: rescriptæ ex eodem milite novæ legiones: ductusque ad Caudium exercitus. Prægressi fetiales ubi ad portam venere, vestem detrahi pacis sponſoribus jubent: manus post tergum vinciri. Cum apparitor, verecundia majestatis, Postumium laxè vinciret, *Quin tu, inquit, adducis eorum, ut iusta fiat deditio?* Tum ubi in cœtum Samnitium, & ad tribunal ventum Pontii est, A. Cornelius Aruina fetialis ita verba fecit. *Quandoquidem hinc homi-*

1 *Rei satis locupletas*) Debitores idonei solvendo. *Reus* dicitur quicumque debet.

2 *En umquam*) Numquamne.



*Homines in iussu populi Romani Quiritium jœdus actum iri sponponderunt, atque ob eam rem, <sup>1</sup> al. noxam nocuerunt; ob eam rem, quo populus Ro-<sup>no-</sup>manus scelere impio sit solutus, hosce homines vobis dedo. Hæc dicenti fetiali Postumius genu femur quanta maxime poterat vi, perculit, & clara voce ait, se Samnitum civem esse, alium legatum: fetialem a se contra jus gentium violatum: Romanos eo justius bellum gesturos. Tum Pontius, nec ego istam deditionem accipiam, inquit: nec Samnites ratam habebunt. quin tu, Spuri Postumi, si deos esse censes, aut omnia irrita facis, aut pacto stas? Samniti populo omnes, quos in potestate habuit, aut pro iis pax debetur. Sed quid ego te appello, qui te nunc captum victori cum qua potes fide restituis? populum Romanum appello: quem si sponsionis ad Furculas Caudinas facta pœnitet, restituat legiones intra saluum, quo septa fuerunt. nemo quemquam deceperit: omnia pro infecto sint: recipiant arma, qua per pactionem traderunt: redeant in castra sua: quicquid pridie habuerunt, quam in colloquium est ventum, habeant. tum bellum: & fortia consilia placeant, tunc sponsio & pax repudietur. ea vero fortuna, iis locis, qua ante pacis mentionem habuimus, geramus bellum: nec populus Romanus consulum sponsionem, nec nos fidem populi Romani accusemus. Numquam ne causa 2 defiet, cur victi pacto non stetis? obsides Porsena dedistis: furto eos subduxistis. Auro civitatem a Gallis redemistis: inter accipiendum aurum cæsi sunt. Pacem nobiscum pepigistis, ut legiones vobis captas restitueremus; eam pacem irritam facitis, & semper aliquam fraudi speciem juris imponitis. Non probat populus Romanus ignominiosa pace legiones servatas? pacem sibi habeat, legiones captas victori restituat. Hoc fide, hoc fœderibus, hoc fetialibus cerimoniis dignum erat, ut tu quidem, quod petisti, per pactionem habeas, tot cives incolumes: ego pacem, quam hosti tibi remittendo pactus sum, non habeam? Hoc tu, A. Corneli, hoc vos fetiales juris gentibus dicitis? Ego vero istos, quos*

1 Noxam nocuerunt ) Culpam commiserunt. Al. nona.

2 Defiet ) Deerit, a verbo deferi, defie. Al. deficiet.

quos dedi simulatis, nec accipio, nec dedi arbitror: nec moror, quominus in civitatem obligatam sponsione commissa, iratis omnibus diis, quorum eluditur numen, redeant. Gerite bellum, quando Sp. Postumius modo legatum fetialem genu perculit: ita dii credent Samnitum civem Postumium, non civem Romanum esse; & a Samnite legatum Romanum violatum; eo vobis justum in nos factum esse bellum. Hac ludibria religionum non pudere in lucem proferre? & vix pueris dignas ambages, senes ac consulares fallenda fidei exquirere? I, lictor, deme vincla Romanis; moratus sit nemo, quo minus, ubi visum fuerit, abeant. Et illi quidem forsitan  
 12. & publica, sua certe liberata fide, ab Caudio in castra Romana inviolati redierunt. Samnitibus pro superba pace infestissimum cernentibus renatum bellum, omnia, quæ deinde venerunt, non in animis solum, sed prope in oculis esse, & sero ac nequicquam laudare senis Pontii utraque consilia: inter quæ se media lapsos, victoriæ possessionem pace incerta mutasse, & beneficii, & maleficii occasione amissa pugnatueros cum eis, quos potuerint in perpetuum vel inimicos tollere, vel amicos facere. adeoque nullo dum certamine inclinatis viribus, post Caudinam pacem animi mutaverant, ut clariorem inter Romanos deditio Postumium, quam Pontium incruenta victoria inter Samnites faceret: & geri posse bellum Romanis pro victoria certa haberent, Samnites simul rebellassent, & vicisse crederent Romanum.

## C A P U T IX.

*Fusis Samnitibus, & sub jugum missis a Papirio Cursore, receptisque sexcentis equitibus, qui obsides dati erant, pudor prioris flagitii aboletur.*

**I**Nter hæc Satricani ad Samnites defecerunt, & Fregellæ colonia nec opinato adventu Samnitium (fuisse & Satricanos cum iis satis constat) nocte occupata est. timor inde mutuus utrosque usque ad lucem quietos tenuit: lux pugnae initium fuit: quam aliquamdiu æquam,  
 &

& quia pro aris ac focis dimicabatur , & quia ex reſtis adjuvabat imbellis multitudo , ramen Fregellani ſuſtinuerunt . Fraus deinde rem inclinavit ; quod vocem audiri præconis paſſi ſunt , incolumem abiturum qui arma poſuiſſet . Ea ſpes remiſit a certamine animos , & paſſim arma jaſtari cœpta . Pertinacior pars armata per averſam portam erupit : tutiorque eis audacia fuit , quam incautus ad credendum ceteris pavor . quos circumdatos igni , nequicquam deos fidemque invocantes , Samnites concremaverunt . COSS. inter ſe partiti provincias , Papirius in Apuliam ad Luceriam pergit , ubi equites Romani obſides ad Caudium dati cuſtodiebantur : Publilius in Samnio ſubſiſtit adverſus i Caudinas legiones . Diſtendit ea res Samnitium animos : quod nec ad Luceriam ire , ne a tergo inſtaret hoſtis ; nec manere , ne Luceria interrim amitteretur , ſatis audebant . Optimum viſum eſt committere rem fortunæ , & tranſigere cum Publilio certamen . itaque in aciem copias 13. ducunt . adverſus quos Publilius COS. cum dimicaturus eſſet , prius alloquendos milites ratus , concionem advocari juſſit . Ceterum ſicut ingenti alacritate ad prætorium concurſum eſt , ita præ clamore poſcentium pugnam , nulla adhortatio imperatoris audita eſt . ſuus cuique animus memor ignominix adhortator aderat . Vadunt igitur in prælium , urgentes ſigniferos ; & ne mora in concurſu pilis emittendis , ſtringendisque inde gladiis eſſet , pila , velut dato ad id ſigno , abjiciunt , ſtriſtisque gladiis curſu in hoſtem feruntur . nihil illic imperatorix artis ordinibus , aut ſubſidiis locandis fuit : omnia ira militaris prope veſano impetu egit . itaque non fuſi modo hoſtes ſunt , ſed ne caſtris quidem ſuis fugam impedire auſi , Apuliam diſſipati petiere : Luceriam tamen coaſto rursus in unum agmine eſt perventum . Romanos ira eadem , quæ per mediam aciem hoſtium tulerat , & in caſtra pertulit . ibi plus , quam in acie , ſanguinis , ac cædis factum : prædæque pars major

i Caudinas legiones ) Samnitium exercitum , qui ad Caudium rem geſſerat .

major ira corrupta . Exercitus alter cum Papi-  
rio COS. locis maritimis pervenerat Arpos ,  
per omnia pacata , Samnitium magis injuriis &  
odio , quam beneficio ullo populi Romani .  
nam Samnites ea tempestate in montibus vica-  
rim habitantes , campestria & maritima loca ,  
contento cultu molliore , atque , ut evenit fe-  
re , locis simili genere , ipsi montani atque a-  
gresses depopulabantur . quæ regio si fida Sa-  
mnitibus fuisset , aut pervenire Arpos exercitus  
Romanus nequisset , i aut interjecta inter Ro-  
mam & Arpos penuria rerum omnium , exclu-  
sos a comitatibus absumpsisset . Tum vero pro-  
fectos inde ad Luceriam juxta obsidentes ob-  
fessosque inopia vexavit : omnia ab Arpis Ro-  
manis suppeditabantur , teterum adeo exigue ,  
ut militi occupato stationibus vigiliisque , &  
opere , eques folliculis in castra ab Arpis fru-  
mentum veheret : interdum occursum hostium co-  
geretur , abjecto ex equo frumento , pugnare  
& obsessis , prius quam alter COS. victore ex-  
ercitu advenit , & comitatus ex montibus Sa-  
mnitium inveciti erant , & auxilia intromissa .  
Arctiora omnia adventus Publii fecit ; qui  
obsidione delegata in curam collegæ , vacuus per  
agros cuncta infesta comitatibus hostium fece-  
rat . itaque cum spes nulla esset diutius obsessos  
inopiam laturos , coacti Samnites , qui ad Lu-  
ceriam castra habebant , undique contractis vi-  
ribus signa cum Papirio conferre . Per id tem-  
pus parantibus utrisque se ad prælium , legati  
Tarentini interveniunt , denuntiantes Samniti-  
bus , Romanisque , ut bellum omitterent : per  
utros steterit , quo minus discederetur ab armis ,  
adversus eos se pro alteris pugnatuos . Ea legatio-  
ne Papirius audita , perinde ac motus dictis eorum ,  
cum collega se communicaturum respondit : accito-  
que eo , cum tempus omne in apparatu consumpsis-  
set , collocutus de re haud dubia , 2 signum pugne  
proposuit . Agentibus divina humanaque , quæ  
assolent , cum acie dimicandum est , COSS. , Ta-  
rentini legati occurrere , responsum expectantes :  
quibus Papirius ait ; *Auspicia secunda esse ,*  
TA-

1 *Aut interjecta* ) Supple , illa regio .

2 *Signum pugne* ) Tunicam purpuream .

*Tarentini, pullarius nuntiat: litatum præterea est egregie: auctoribus diis, ut videtis, ad rem agendam proficiscimur. Signa inde ferri iussit, & copias eduxit, vanissimam increpans gentem, quæ suarum impotens rerum præ domesticis seditionibus discordiisque, aliis modum pacis ac belli facere æquum censeret. Samnites ex parte altera cum omnem curam belli remisissent, quia aut pacem vere cupiebant, aut expediebat simulare, ut Tarentinos sibi conciliarent, cum instructos repente ad pugnam Romanos conspexissent, vociferari, se in auctoritate Tarentinorum manere, nec descendere in aciem, nec extra vallum arma ferre: deceptos potius, quodcumque casus ferat, passuros, quam ut sprevisse pacis auctores Tarentinos videantur. Accipere se omen COSS. ajunt, & eam precari mentem hostibus, ut ne vallum quidem defendant. ipsi inter se partitis copiis succedunt hostium munimentis: & simul undique adorti, cum pars fossas explerent, pars vellerent vallum, atque in fossas proruertent: nec virtus modo insita, sed ira etiam exulceratos ignominia stimularet animos, castra invasere: & pro se quisque, non hæc Furculas, nec Caudium, nec salus invios esse, ubi errorem fraus superbe vicisset, sed Romanam virtutem, quam nec vallum, nec fossæ arcerent, memorantes, cædunt pariter resistentes, fusosque; inermes atque armatos; servos, liberos; puberes, impuberes; homines, jumentaque, nec ullum superfuisset animal, ni COSS. receptui signum dedissent, avidosque cædis milites e castris hostium imperio ac minis expulissent. Itaque apud infensos ob interpellatam dulcedinem iræ confestim oratio habita est, ut doceretur miles, minime cuiquam militum COSS. odio in hostes cessisse, aut cessuros; quin duces sicut belli, ita insatiabilis supplicii futuros fuisse, ni respectus equitum sexcentorum, qui Luceria obsides tenerentur, præcepisset animos; ne desperata venia hostes cacos in supplicia eorum ageret, perdere prius, quam perire optantes. Laudare ea milites, lætarique obviam itum iræ suæ esse: fateri omnia patienda potius, quam pro-*

deretur salus tot principum Romanæ juventutis. Dimissa concione consilium habitum, omnibusne copiis Luceriam premerent, an altero exercitu & duce Apuli circa, gens dubiæ ad id voluntatis, tentarentur. Publius COS. ad peragrandam profectus Apuliam, aliquot expeditione una populos aut vi subegit, aut conditionibus in societatem accepit. Papirio quoque, qui obsessor Luceriæ restiterat, brevi ad ipsem eventus respondit. nam infestis omnibus viis, per quas com meatus ex Samnio subvehebatur, fame domiti Samnites, qui Luceriæ in præsidio erant, legatos misere ad COS. Romanum, ut, receptis equitibus, qui causa belli essent, abstereret obsidione. His Papirius ita respondit, debuisse eos Pontium Herennii filium, quo auctore Romanos sub jugum misissent, consulere quid victis paciscendum censeret. ceterum, quoniam ab hostibus in se aqua statui, quam in se ipsi ferre, maluerint, nuntiare Luceriam iussit, arma, sarcinas, jumenta, multitudinem omnem imbellem intra menia relinquerent: militem se cum singulis vestimentis sub jugum missurum, ulciscensem illatam, non novam inferentem ignominiam. nihil recusatum. septem millia militum sub jugum missa, prædaque ingens Luceriæ capta, receptis omnibus signis armisque, quæ ad Caudium amiserant: & quod omnia superabat gaudia, equitibus recuperatis, quos pignora pacis custodiendos Luceriam Samnites dederant. Haud ferme alia mutatione subita rerum clarior victoria populi Romani est. siquidem etiam (quod quibusdam in annalibus invenitur) Pontius Herennii filius, Samnitium imperator, ut expiaret COSS. ignominiam, sub jugum cum ceteris est missus. Ceterum id minus miror obscurum esse de hostium dūce dedito, missoque sub jugum. id magis mirabile est ambigi, Luciusne Cornelius dictator cum L. Papirio Cursore magistro equitum eas res ad Caudium, atque inde Luceriam gesserit, ultor-que unicus Romanæ ignominiae, haud sciam an iustissimo triumpho ad eam ætatem, secundum Furium Camillum, triumphaverit, an COS. Papirli præcipuum id decus sit.

CA-

n Haud sciam an } Fortasse.

## CAPUT X.

*Ferentani debellantur: re prospere gesta cum Satricanis, qui defecerant, Samnitium præsidium, quod in eorum Urbe erat, opprimitur. De Samnitibus sub jugum missis triumphat Papirius Cursor: hujus viri elogium adjicitur.*

**S** Equitur hunc errorem alius error: Cursor U. C. 435  
 ne Papirius proximis comitiis cum Q. Au-  
 lio Cerretano iterum ob rem bene gestam Lu-  
 ceriæ continuato magistratu consul tertium crea-  
 tus sit, an L. Papirius Mugillanus, & in co-  
 gnomine erratum sit. Convenit jam inde per  
 consules reliqua belli perfecta. Aulius cum Fe-  
 rentanis uno secundo prælio debellavit: urbem-  
 que ipsam, quo se fusa contulerat acies, obsi-  
 dibus imperatis, in deditionem accepit. Pari  
 fortuna consul alter cum Satricanis, qui cives  
 Romani post Caudinam cladem ad Samnites de-  
 fecerant, præsidiumque eorum in urbem accepe-  
 rant, rem gessit. nam cum ad mœnia Satrici  
 admotus esset exercitus; legatisque missis ad pa-  
 cem cum precibus petendam, triste responsum  
 ab consule redditum esset, nisi præsidio Samni-  
 tium interfecto, aut tradito, ne ad se remea-  
 rent: plus ea voce, quam armis illatis, ter-  
 roris colonis injectum. Itaque subinde cum ex-  
 equerentur quærendo a consule legati, quoniam  
 se pacto paucos, & infirmos crederet præsidio  
 tam valido & armato vim allaturos? ab iisdem  
 consilium petere iussi, quibus auctoribus præ-  
 sidium in urbem accepissent, discedunt: ægre-  
 que impetrato ut de ea re consuli senatum, re-  
 sponsetque ad se ferri sineret, ad suos redeunt.  
 Dux factiones senatum distinebant: una cujus  
 principes erant defectionis a populo Romano  
 auctores: altera fidelium civium. certatum ab  
 utrisque tamen est, ut ad reconciliandam paci  
 consuli opera navaretur. pars altera cum præsi-  
 dium Samnitium, quia nihil satis præparati  
 erat ad obsidionem tolerandam, excessurum  
 proxima nocte esset, i. enuntiare consuli satis

A a 2 ha-

*Enuntiare*) Hoc verbum proprie dicitur de iis qui arca-  
 na produnt. *Al. nuntiare.*

habuit, qua noctis hora, quaque porta, & quam in viam egressurus hostis foret. altera, quibus invitis descitum ad Samnites erat, eadem nocte portam etiam COSS. aperuerunt, & armatosque clam hostes in urbem acceperunt. ita duplici prodicione & præsidium Samnitium, inaccessis circa viam silvestribus locis, nec opinato oppressum est: & ab urbe plena hostium clamor sublatus: momentoque unius horæ Samnis cæsus, Satricanus captus, & omnia in potestate COS. erant. qui quæstione habita, quorum opera defectio esset facta; quos fontes comperit, virgis cæsos securi percussit; præsidioque valido imposito, arma Satricanis ademuit. Inde ad triumphum decessisse Romam Papirium Cursorem scribunt, qui eo duce Luceriam receptam, Samnitesque sub jugum missos, auctores sunt. Et fuit vir haud dubie dignus omni bellica laude, non animi solum vigore, sed etiam corporis viribus excellens. Præcipua pedum pernecitas inerat, quæ cognomen avo jam dedit: victoremque cursu omnium ætatis suæ fuisse ferunt: & seu virium vi, seu exercitatione multa, cibi vinique eundem capacissimum: nec cum ullo asperiores, quia ipse invicti ad laborem corporis esset, fuisse militiam pediri pariter equitque: equites etiam aliquando aulos ab eo petere, ut sibi pro re bene gesta laxaret aliquid laboris. quibus illæ, *Ne nihil remissum dicatis, remitto, inquit, ne utique dorsum demulceatis cum ex equis descendetis.* Et vis erat in eo viro imperii ingens pariter in socios, ciyesque. Prænestinus prætor per timorem segnius ex subsidiis suos duxerat in primam aciem: quem cum inambulans ante tabernaculum vocari iussisset, lictorem expedire securim iussit. Ad quam vocem exanimi stante Prænestino, *Agedum lictor, excide radicem hanc,* inquit, *incommodam ambulantis,* perfusumque ultimi supplicii metu, multa dicta, dimisit. Haud dubie illa ætate, qua nulla virtutum feracior fuit, nemo unus erat vir, quo magis innixa res Romana staret, quin cum parem de-

stina-

(Armatisque clam hostes) Hi hostes sunt ipsi Romani,



stinarant animis magno Alexandro ducem, & arma, Asia perdomita, in Europam vertisset.

## CAPUT XI.

*Injecta Alexandri Magni mentione, qui in hac tempora incidit, aestimatis populi Romani viribus, quæ nunc sunt, colligit, non tam facilem ei, si in Italiam trajecisset, futuram fuisse victoriam de populo Rom., quam de iis gentibus, quas ad Orientem imperio subjecerat.*

**N**ihil minus quæsitum a principio hujus o- 17.  
peris videri potest, quam ut plus justo ab rerum ordine declinarem; varietatibusque distinguendo opera, & legentibus velut diver-  
ricula amœna, & requiem animo meo quæ-  
rem: tamen tanti regis ac ducis mentio, quibus sæpe tacitis cogitationibus volutavit animum, eas evocat in medium; ut quærere libeat, quinam eventus Romanis rebus, si cum Alexandro foret bellatum, futurus fuerit. Plurimum in bello pollere videntur militum copia & virtus, ingenia imperatorum, fortuna per omnia hu-  
mana, maxime in res bellicas, potens. ea & singula intuenti, & universa, sicut ab aliis re-  
gibus gentibusque, ita ab hoc quoque facile præstat invictum Romanum imperium. Jam primum, ut ordiar ab ducibus comparandis, haud equidem abnuo, egregium ducem fuisse Alexandrum: sed clariorem tamen eum facit, quod unus fuit, quod adolescens, quod in in-  
cremento rerum, nondum alteram fortunam ex-  
pertus, decessit. Ut alios reges claros ducesque omittam, magna exempla cæsum humanorum: Cyrum, quem maxime Græci laudibus celebrant, quid nisi longa vita, sicut Magnum modo Pom-  
pejum, vertenti præbuit fortunæ? Recenseam duces Romanos; nec omnes omnium ætatum, sed ipsos eos, quibus COSS. aut dictatoribus Alexandro fuit bellandum: M. Valerium Cor-  
vum, C. Marcium Rutilum, C. Sulpitium; T. Manlium Torquatum, Q. Publilium Philo-  
nem, L. Papirium Cursorem, Q. Fabium Maximum, duos Decios, L. Volumnium, Marcum Curium. deinceps ingentes sequuntur

*sistis. Nihil ergo vobis, nec nobiscum est, quibus nihil mandastis; nec cum Samnitibus, cum quibus nihil egistis. Samnitibus sponsores nos sumus, 1 rei satis locupletes in id, quod nostrum est, in id, quod prestare possumus, corpora nostra, & animos: in hac saviant; in hac ferunt, in hac iras acuant. Quod ad tribunos plebis attinet; consulite, utrum prasens deditio eorum fieri possit, an in diem differatur: nos interim, T. Veturi, vosque ceteri, civilia hac capita luenda sponsonis feramus, & nostro supplicio liberemus Romana arma.*

## CAPUT VIII.

*Sp. Postumius cum omnibus, qui ad Furculas Caudinas turpe fœdus sponponderant, ad publicam fidem liberandam Samnitibus deditus non recipitur.*

20. **M**OVIT patres conscriptos tum causa, tum auctor, nec ceteros solum, sed tribunos etiam plebis, ut se in senatus dicerent fore potestate. magistratu inde se extemplo abdicaverunt: traditique fetialibus cum ceteris Caudium ducendi. Hoc facto senatus consulto, lux quædam affulsisse civitati visa est. Postumius in ore omnium erat: eum laudibus ad cælum ferebant: devotioni P. Decii COS., aliis claris facinoribus æquabant: *emersisse civitatem ex obnoxia pace illius consilio, & opera: ipsum se cruciatibus, & hostium ira offerre; piaculæque pro populo Romano dare. Arma cuncti spectant & bellum. 2 en umquam futurum, ut congregi armatis cum Samnite liceat?* In civitate ira odioque ardente delectus omnium prope voluntariorum fuit: rescriptæ ex eodem milite novæ legiones: ductusque ad Caudium exercitus. Prægressi fetiales ubi ad portam venire, vestem detrahi pacis sponsores jubent: manus post tergum vinciri. Cum apparitor, verecundia majestatis, Postumium laxè vinciret, *Quin tu, inquit, adducis eorum, ut iusta fiat deditio?* Tum ubi in cœtum Samnitium, & ad tribunal ventum Pontii est, A. Cornelius Aruina fetialis ita verba fecit. *Quandoquidem hinc homi-*

1 Rei satis locupletes ) Debitores idonei solvendo. Res dicitur quicumque debet.

2 En umquam ) Numquamne.

*Homines in iussu populi Romani Quiritium jactus*  
*ictum iri sponponderunt, atque ob eam rem* <sup>1</sup> *al.*  
*noxam nocuerunt; ob eam rem, quo populus Ro-* <sup>no-</sup>  
*manus scelere impio sit solutus, hosce homines* <sup>xam.</sup>  
*vobis dedo. Hæc dicenti fetiali Postumius ge-*  
*nu femur quanta maxime poterat vi, perculit,*  
*& clara voce ait, se Samnitum civem esse, il-*  
*lum legatum: fetialem a se contra jus gentium*  
*violatum: Romanos eo justius bellum gesturos.*  
*Tum Pontius, nec ego istam deditionem acci-* <sup>11.</sup>  
*piam, inquit: nec Samnites ratam habebunt.*  
*quin tu, Spuri Postumi, si deos esse censes, aut*  
*omnia irrita facis, aut pacto stas? Samniti po-*  
*pulo omnes, quos in potestate habuit, aut pro iis*  
*pax debetur. Sed quid ego te appello, qui te*  
*nunc captum victori cum qua potes fide resti-*  
*tuis? populum Romanum appello: quem si spon-*  
*sionis ad Furculas Caudinas facta poenitet, re-*  
*stituatur legiones intra saltum, quo septa fuerunt.*  
*nemo quemquam deceperit: omnia pro infecto*  
*sint: recipiant arma, quæ per pactiorem tradi-*  
*derunt: redeant in castra sua: quicquid pridie*  
*habuerunt, quam in colloquium est ventum, ha-*  
*beant. tum bellum: & fortia consilia placeant,*  
*tunc sponsio & pax repudietur. ea vero fortu-*  
*na, iis locis, quæ ante pacis mentionem habui-*  
*mus, geramus bellum: nec populus Romanus*  
*consulum sponsionem, nec nos fidem populi Ro-*  
*mani accusemus. Numquam ne causa 2 defiet,*  
*cur victi pacto non stetis? obsides Porsena dedi-*  
*stis: furto eos subduxistis. Auro civitatem a*  
*Gallis redemistis: inter accipiendum aurum casi*  
*sunt. Pacem nobiscum pepigistis, ut legiones vo-*  
*bis captas restitueremus; eam pacem irritam fa-*  
*citis, & semper aliquam fraudi speciem juris*  
*imponitis. Non probat populus Romanus ignominio-*  
*sa pace legiones servatas? pacem sibi habeat, legio-*  
*nes captas victori restituat. Hoc fide, hoc fœderibus,*  
*hoc fetialibus ceremoniis dignum erat, ut tu qui-*  
*dem, quod petisti, per pactiorem habeas, tot cives*  
*incolumes: ego pacem, quam hosti tibi remittendo*  
*pactus sum, non habeam? Hoc tu, A. Corneli,*  
*hoc vos fetiales juris gentibus dicitis? Ego vero istos,*  
*quos*

1 Noxam nocuerunt ) Culpam commiserunt. Al. noxa.

2 Defiet ) Deceat, a verbo deferi, defio. Al. deficiat.

quos dedi simulatis, nec accipio, nec dedi arbitror: nec moror, quominus in civitatem obligatam sponsione commissa, iratis omnibus diis, quorum eluditur numen, redeant. Gerite bellum, quando Sp. Postumius modo legatum fetialem genus percussit: ita dii credent Samnitum civem Postumium, non civem Romanum esse; & a Samnite legatum Romanum violatum; eo vobis iustum in nos factum esse bellum. Hac ludibria religionum non pudere in lucem proferre? & vix pueris dignas ambages, senes ac consulares fallenda fidei exquirere? I, licitor, deme vincla Romanis; moratus sit nemo, quo minus, ubi visum fuerit, abeant. Et illi quidem forsitan  
 12. & publica, sua certe liberata fide, ab Caudio in castra Romana inviolati redierunt. Samnitibus pro superba pace infestissimum cernentibus renatum bellum, omnia, quæ deinde venerunt, non in animis solum, sed prope in oculis esse, & sero ac nequicquam laudare senis Pontii utraque consilia: inter quæ se media lapsos, victoriæ possessionem pace incerta mutasse, & beneficii, & maleficii occasione amissa pugnatueros cum eis, quos potuerint in perpetuum vel inimicos tollere, vel amicos facere. adeoque nullo dum certamine inclinatis viribus, post Caudinam pacem animi mutaverant, ut clariorem inter Romanos deditio Postumium, quam Pontium incruenta victoria inter Samnites faceret: & geri posse bellum Romanum pro victoria certa haberent, Samnites simul rebellassent, & vicisse crederent Romanum.

## C A P U T IX.

*Fusis Samnitibus, & sub jugum missis a Papirio Cursore, receptisque sexcentis equitibus, qui obsides dati erant, pudor prioris flagitii aboletur.*

**I**Nter hæc Satricani ad Samnites defecerunt, & Fregellæ colonia nec opinato adventu Samnitum (fuisse & Satricanos cum iis satis constat) nocte occupata est. timor inde mutuus utrosque usque ad lucem quietos tenuit: lux pugnae initium fuit: quam aliquamdiu æquam,  
 &

& quia pro aris ac focus dimicabatur , & quia ex rectis adjuvabat imbellis multitudo , tamen Fregellani sustinuerunt . Fraus deinde rem inclinavit ; quod vocem audiri præconis passi sunt , incolumem abiturum qui arma posuisset . Ea spes remisit a certamine animos , & passim arma jactari coëpta . Pertinacior pars armata per aversam portam erupit : tutiorque eis audacia fuit , quam incautus ad credendum ceteris pavor . quos circumdatos igni , nequicquam deos fidemque invocantes , Samnites concremaverunt . COSS. inter se partiti provincias , Papirius in Apuliam ad Luceriam pergit , ubi equites Romani obsides ad Caudium dati custodiebantur : Publius in Samnio subsistit adversus 1 Caudinas legiones . Distendit ea res Samnitium animos : quod nec ad Luceriam ire , ne a tergo instaret hostis ; nec manere , ne Luceria interim amitteretur , satis audebant . Optimum visum est committere rem fortunæ , & transigere cum Publio certamen . itaque in aciem copias 13. ducunt . adversus quos Publius COS. cum dimicaturus esset , prius alloquendos milites ratus , concionem advocari jussit . Ceterum sicut ingenti alacritate ad prætorium concursus est , ita præ clamore poscentium pugnam , nulla adhortatio imperatoris audita est . suus cuique animus memor ignominie adhortator aderat . Vadunt igitur in prælium , urgentes signiferos ; & ne mora in concursu pilis emittendis , strigendisque inde gladiis esset , pila , velut dato ad id signo , abjiciunt , strictisque gladiis cursu in hostem feruntur . nihil illic imperatorie artis ordinibus , aut subsidiis locandis fuit : omnia ira militaris prope vesano impetu egit . itaque non fusi modo hostes sunt , sed ne castris quidem suis fugam impedire ausi , Apuliam dissipati perire : Luceriam tamen coacto rursus in unum agmine est perventum . Romanos ira eadem , quæ per mediam aciem hostium tulerat , & in castra pertulit . ibi plus , quam in acie , sanguinis , ac cædis factum : prædæque pars major

1 Caudinas legiones ) Samnitium exercitum , quoad Caudium rem gesserat .

major ira corrupta . Exercitus alter cum Papi-  
rio COS. locis maritimis pervenerat Arpos ,  
per omnia pacata , Samnitium magis injuriis &  
odio , quam beneficio ullo populi Romani .  
nam Samnites ea tempestate in montibus vica-  
tim habitantes , campestria & maritima loca ,  
contento cultu molliore , atque , ut evenit fe-  
re , locis simili genere , ipsi montani atque a-  
grestes depopulabantur . quæ regio si fida Sa-  
mnitibus fuisset , aut pervenire Arpos exercitus  
Romanus nequisset , 1 aut interjecta inter Ro-  
mam & Arpos penuria rerum omnium , exclu-  
sos a comitatibus absumsisset . Tum vero pro-  
fectos inde ad Luceriam juxta obsidentes ob-  
fessosque inopia vexavit : omnia ab Arpis Ro-  
manis suppeditabantur , ceterum adeo exigue ,  
ut militi occupato stationibus vigiliisque , &  
opere , eques folliculis in castra ab Arpis fru-  
mentum veheret : interdum occursum hostium co-  
geretur , abjecto ex equo frumento , pugnare .  
& obsessis , prius quam alter COS. victore ex-  
ercitu advenit , & comitatus ex montibus Sa-  
mnitium inveciti erant , & auxilia intromissa .  
Arctiora omnia adventus Publii fecit ; qui  
obsidione delegata in curam collegæ , vacuus per  
agros cuncta infesta comitatibus hostium fece-  
rat . itaque cum spes nulla esset diutius obsessos  
inopiam laturos , coacti Samnites , qui ad Lu-  
ceriam castra habebant , undique contractis vi-  
ribus signa cum Papirio conferre . Per id tem-  
pus parantibus utrisque se ad prælium , legati  
Tarentini interveniunt , denuntiantes Samniti-  
bus , Romanisque , ut bellum omitterent : per  
utros steterit , quo minus discederetur ab armis ,  
adversus eos se pro alteris pugnatuuros . Ea legatio-  
ne Papirius audita , perinde ac motus dictis eorum ,  
cum collega se communicaturum respondit : accito-  
que eo , cum tempus omne in apparatu consumsis-  
set , collocutus de re haud dubia , 2 signum pugne  
proposuit . Agentibus divina humanaque , quæ  
assolent , cum acie dimicandum est , COSS. , Ta-  
rentini legati occurrere , responsum expectantes :  
quibus Papirius ait ; *Auspicia secunda esse ,*  
Ta-

1 Aut interjecta } Supple , illa regio .

2 Signum pugne } Tunicam purpuream .

*Tarentini, pullarius nuntiat: litatum prætoris est egregie: auctoribus diis, ut videtis, ad rem agenda proficiscimur. Signa inde ferri iussit, & copias eduxit, vanissimam increpans gentem, quæ suarum impotens rerum præ domesticis seditionibus discordiisque, aliis modum pacis ac belli facere æquum censeret. Samnites ex parte altera cum omnem curam belli remisissent, quia aut pacem vere cupiebant, aut expediebat simulare, ut Tarentinos sibi conciliarent, cum instructos repente ad pugnam Romanos conspexissent, vociferari, se in auctoritate Tarentinorum manere, nec descendere in aciem, nec extra vallum arma ferre: deceptos potius, quodcumque casus ferat, passuros, quam ut sprevisse pacis auctores Tarentinos videantur. Accipere se omen COSS. ajunt, & eam precari mentem hostibus, ut ne vallum quidem defendant. ipsi inter se partitis copiis succedunt hostium munimentis: & simul undique adorti, cum pars fossas explerent, pars vellerent vallum, atque in fossas prouerent: nec virtus modo insita, sed ira etiam exulceratos ignominia stimularer animos, castra invasere: & pro se quisque, non hæc Furculas, nec Caudium, nec saltus invios esse, ubi errorem fraus superbe vicisset, sed Romanam virtutem, quam nec vallum, nec fossæ arcerent, memorantes, cædunt pariter resistentes, fusosque; inermes atque armatos; servos, liberos; puberes, impuberes; homines, jumentaque, nec ullum superfuisset animal, ni COSS. receptui signum dedissent, avidosque cædis milites e castris hostium imperio ac minis expulissent. Itaque apud infensos ob interpellatam dulcedinem iræ confestim oratio habita est, ut doceretur miles, minime cuiquam militum COSS. odio in hostes cessisse, aut cessuros; quin duces sicut belli, ita insatiabilis supplicii futuros fuisse, ni respectus equitum sexcentorum, qui Luceria obsides tenerentur, præcedisset animos; ne desperata venia hostes cacos in supplicia eorum ageret, perdere prius, quam perire optantes. Laudare ea milites, lætarique obviam itum iræ suæ esse: fateri omnia patienda potius, quam pro-*

deretur salus tot principum Romanæ juventutis. Dimissa concione consilium habitum, omnibusne copiis Luceriam premerent, an altero exercitu & duce Apuli circa, gens dubiæ ad id voluntatis, tentarentur. Publius COS. ad peragrandam profectus Apuliam, aliquot expeditione una populos aut vi subegit, aut conditionibus in societatem accepit. Papirio quoque, qui obsessor Luceriæ restiterat, brevi ad ipsem eventus respondit. nam inessis omnibus viis, per quas commeatus ex Samnio subvehabatur, fame domiti Samnites, qui Luceriæ in præsidio erant, legatos misere ad COS. Romanum, ut, receptis equitibus, qui causa belli essent, abstereret obsidione. His Papirius ita respondit, debuisset eos Pontium Herennii filium, quo auctore Romanos sub jugum misissent, consulere quid victis paciscendum censeret. ceterum, quoniam ab hostibus in se aqua statui, quam in se ipsi ferre, maluerint, nuntiare Luceriam iussit, arma, sarcinas, jumenta, multitudinem omnem imbellem intra mentia relinquerent: militem se cum singulis vestimentis sub jugum missurum, ulciscentem illatam, non novam inferentem ignominiam. nihil recusatum. septem millia militum sub jugum missa, prædaque ingens Luceriæ capta, receptis omnibus signis armisque, quæ ad Caudium amiserant: & quod omnia superabat gaudia, equitibus recuperatis, quos pignora pacis custodiendos Luceriam Samnites dederant. Haud ferme alia mutatione subita rerum clarior victoria populi Romani est. siquidem etiam (quod quibusdam in annalibus invenitur) Pontius Herennii filius, Samnitium imperator, ut expiaret COSS. ignominiam, sub jugum cum ceteris est missus. Ceterum id minus miror obscurum esse de hostium duce dedito, mistoque sub jugum. id magis mirabile est ambigi, Luciusne Cornelius dictator cum L. Papirio Cursore magistro equitum eas res ad Caudium, atque inde Luceriam gesserit, ultorque unicus Romanæ ignominiae, haud sciam an iustissimo triumpho ad eam ætatem, secundum Furium Camillum, triumphaverit, an COS. Papirii præcipuum id decus sit.

CA-

a Haud sciam an } Fortasse.



## CAPUT X.

*Ferentani debellantur: re prospere gesta cum Satricanis, qui defecerant, Samnitium præsidium, quod in eorum Urbe erat, opprimitur. De Samnitibus sub jugum missis triumphat Papirius Cursor: hujus viri elogium adjicitur.*

**S** Equitur hunc errorem alius error: Cursor U. C. 435  
 ne Papirius proximis comitiis cum Q. Aulio Cerretano iterum ob rem bene gestam Luceriæ continuato magistratu consul tertium creatus sit, an L. Papirius Mugillanus, & in cognomine erratum sit. Convenit jam inde per consules reliqua belli perfecta. Aulius cum Ferentanis uno secundo prælio debellavit: urbemque ipsam, quo se fusa contulerat acies, obsidibus imperatis, in deditionem accepit. Pari fortuna consul alter cum Satricanis, qui cives Romani post Caudinam cladem ad Samnites defecerant, præsidiumque eorum in urbem acceperant, rem gessit. nam cum ad mœnia Satrici admotus esset exercitus; legatisque missis ad pacem cum precibus petendam, triste responsum ab consule redditum esset, nisi præsidio Samnitium interfecto, aut tradito, ne ad se remearent: plus ea voce, quam armis illatis, terroris colonis injectum. Itaque subinde cum exequerentur quærendo a consule legati, quoniam se pacto paucos, & infirmos crederet præsidio tam valido & armato vim allaturos? ab iisdem consilium petere jussi, quibus auctoribus præsidium in urbem accepissent; discedunt: ægreque impetrato ut de ea re consuli senatum, responsumque ad se ferri sineret, ad suos redeunt. Duæ factiones senatum distinebant: una cujus principes erant defectionis a populo Romano auctores: altera fidelium civium. certatum ab utrisque tamen est, ut ad reconciliandam pacem consuli opera navaretur. pars altera cum præsidio Samnitium, quia nihil satis præparati erat ad obsidionem tolerandam, excessurum proxima nocte esset, et enuntiare consuli satis

A a 2

ha-

*Enuntiare*) Hoc verbum proprie dicitur de iis qui arcanum produnt. Al. *nuntiare*.

stinarent animis magno Alexandro ducem, & arma, Asia perdomita, in Europam vertisset.

## CAPUT XI.

*Injecta Alexandri Magni mentione, qui in hac tempora incidit, aestimatis populi Romani viribus, quæ nunc sunt, colligit, non tam facilem ei, si in Italiam trajecisset, futuram fuisse victoriam de populo Rom., quam de iis gentibus, quas ad Orientem imperio subjecerat.*

**N**ihil minus quæsitum a principio hujus operis videri potest, quam ut plus justo ab rerum ordine declinarem; varietatibusque distinguendo opera, & legentibus velut diverticula amœna, & requiem animo meo quærerem: tamen tanti regis ac ducis mentio, quibus sæpe tacitis cogitationibus volutavit animum, eas evocat in medium; ut quærere libeat, quinam eventus Romanis rebus, si cum Alexandro foret bellatum, futurus fuerit. Plurimum in bello pollere videntur militum copia & virtus, ingenia imperatorum, fortuna per omnia humana, maxime in res bellicas, potens. ea & singula intuenti, & universa, sicut ab aliis regibus gentibusque, ita ab hoc quoque facile præstat invictum Romanum imperium. Jam primum, ut ordiar ab ducibus comparandis, hand equidem abnuo, egregium ducem fuisse Alexandrum: sed clariorem tamen eum facit, quod unus fuit, quod adolescens, quod in incremento rerum, nondum alteram fortunam expertus, decessit. Ut alios reges claros ducesque omittam, magna exempla cæsum humanorum: Cyrum, quem maxime Græci laudibus celebrant, quid nisi longa vita, sicut Magnum modo Pompejum, vertenti præbuit fortunæ? Recenseam duces Romanos; nec omnes omnium ætatum, sed ipsos eos, quibus COSS. aut dictatoribus Alexandro fuit bellandum: M. Valerium Corvum, C. Marcium Rutilum, C. Sulpitium, T. Manlium Torquatum, Q. Publilium Philonem, L. Papirium Cursorem, Q. Fabium Maximum, duos Decios, L. Volumnium, Marcum Curium. deinceps ingentes sequuntur

viri, <sup>1</sup> si Punicum Romano prævertisset bellum, seniorque in Italiam trajecisset. Horum in quolibet tum indoles eadem, quæ in Alexandro, erat animi ingenique: tum disciplina militaris, jam inde ab initiis urbis tradita per manus, in artis perpetuis præceptis ordinatæ modum venerat. Ita reges gesserant bella: ita deinde exactores regnum, Junii, Valeriique: ita deinceps Fabii, Quintii, Cornelii: ita Furius Camillus: quem juvenes duo, quibus cum Alexandro dimicandum erat, senem viderant. Militaria opera pugnando obeunti Alexandro (nam ea quoque haud minus clarum eum faciunt) cessisset videlicet in acie oblati par Manlius Torquatus, aut Valerius Corvus, insignes ante milites, quam duces? Cessissent Decii devotis corporibus in hostem ruentes? Cessisset Papius Cursor, illo corporis robore, illo animi? Victus esset consiliis juvenis unius, ne singulos nominem, senatus ille, <sup>2</sup> quem qui ex regibus constare dixit, unus veram speciem Romani senatus cepit. Id vero erat periculum, ne solertius, quam quivis unus ex iis, quos nominavi, castris locum caperet, comineatus expediret, ab insidiis præcaveret, tempus pugnae eligeret, aciem instrueret, subsidiis firmaret. Non jam cum Dario rem esse dixisset: quem mulierum ac spadonum agmen trahentem, in purpuram atque aurum, oneratum fortunæ suæ apparatus, prædam verius, quam hostem, nihil aliud, quam bene ausus vana contemnere, incrementus devicit. Longe alius Italiæ, quam Indiæ, per quam temulento agmine comessabundus incessit, visus illi habitus esset, saltus Apuliæ, ac montes Lucanos cernenti, & vestigia recentia domesticæ cladis: ubi avunculus ejus, nuper Epeiri  
 18. rex, Alexander absumtus erat. Et loquimur de Alexandro nondum merso secundis rebus; quarum nemo intolerantior fuit. Qui si ex habitu novæ fortunæ, novique (ut ita dicam) ingenii, quod sibi victor induerat, spectetur; Da-  
 rio

<sup>1</sup> Si Punicum ) Si Alexander prius cum Pœnis bellum, quam cum Romanis gessisset,

<sup>2</sup> Quem qui ex regibus ) Hic fuit Cineas, Pyrrhi regis legatus.

rio magis similis, quam Alexandro, in Italiam venisset, & exercitum Macedoniae oblitum, degenerantemque jam in Persarum mores adduxisset. Referre in tanto rege piget superbam mutationem vestis, & desideratas humi jacentium adulationes, etiam victis Macedonibus graves, nedum victoribus: & fœda supplicia: & inter vinum & epulas cædes amicorum: & vanitatem ementiendæ stirpis. Quid, si vini amor in dies fieret acrior? quid si trux ac præfervida ira? (nec quicquam dubium inter scriptores refero) nulla ne hæc damna imperatoris virtutibus ducimus? Id vero periculum erat, quod levissimi ex Græcis, qui Parthorum quoque contra nomen Romanum gloriæ favent, dictitare solent, ne majestatem nominis Alexandri, quem ne fama quidem illis notum arbitror fuisse, sustinere non potuerit populus Rom.: & adversus quem Athenis, in civitate fracta Macedonum armis, cernente tum maxime prope fumantes Thebarum ruinas, concionari libere ausi sint homines; id quod ex monimentis orationum patet; adversus eum nemo ex tot proceribus Romanis vocem liberam missurus fuerit. Quantalibet magnitudo hominis concipiatur animo, unius tamen ea magnitudo hominis erit, collecta paulo plus decem annorum felicitate: quam qui eo extollunt, quod populus Romanus etiam nullo bello, multis tamen præliis victus sit, Alexandro nullius pugnæ non secunda fortuna fuerit: non intelligunt se unius hominis res gestas, & ejus juvenis, cum populi jam octingentesimum balantis annum rebus conferre. Miremur, si, cum ex hac parte sæcula plura numerentur, quam ex illa anni: plus in tam longo spatio, quam in ætate XIII. annorum fortuna variaverit. Quin tu hominis cum homine, & ducis cum duce, fortunam cum fortuna confers? Quot Romanos duces nominem, quibus numquam adversa fortuna pugnæ fuit? Paginas in annalibus magistratum, fastisque percurrere licet, consulum, dictatorumque, quorum nec virtutis, nec fortunæ ullo die populum Romanum pœnituit. Et quo sint mirabiliore, quam Ale-

xander, aut quisquam alius rex: denos, vic-  
 nosque dies quidam dictaturam, nemo plus quam  
 annum consulatum gessit: ab Tr. pl. delectus im-  
 pediti sunt: post tempus ad bella ierunt: ante  
 tempus comitiorum causa revocati sunt: in ipso  
 conatu rerum circumegit se annus: collegæ nunc  
 temeritas, nunc pravitas impedimento, aut da-  
 mno fuit: male gestis rebus alterius successum  
 est: tironem, aut mala disciplina institutum  
 exercitum acceperunt. At hercule reges non li-  
 beri solum impedimentis omnibus, sed domini  
 rerum temporumque, trahunt consiliis cuncta,  
 non sequuntur. Invictus ergo Alexander cum  
 invictis ducibus bella gessisset: & eadem fortu-  
 næ pignora in discrimen detulisset: imo etiam  
 eo plus periculi subisset, quod Macedones unum  
 Alexandrum habuissent, multis casibus non so-  
 lum obnoxium, sed etiam offerentem se: Ro-  
 mani multi fuissent Alexandro vel gloria, vel  
 rerum magnitudine pares: i quorum suo quis-  
 que fato, sine publico discrimine, viveret, mo-  
 rereturque. Restat, ut copiarum copiis comparen-  
 tur vel numero, vel militum genere, vel mul-  
 titudine auxiliorum. Censebantur ejus ætatis  
 lustris ducena quinquagena millia capitum.  
 itaque in omni defectione sociorum Latini no-  
 minis, urbano prope delectu decem scribeban-  
 tur legiones. quaterni, quinque exercitus sæpe  
 per eos annos in Etruria, in Umbria, Gal-  
 lis hostibus adjunctis, in Samnio, in Lucanis  
 gerebant bellum. Latium deinde omne cum  
 Sabinis, & Volscis, & Æquis, & omni Cam-  
 pania, & parte Umbriæ, Etruriæque, & Pi-  
 centibus, & Martis, Pelignisque ac Vestinis,  
 atque Apulis, adjunctaque omni ora Græcorum  
 interi maris a Thuriis Neapolim & Cumas, &  
 inde Antio atque Ostia tenus Samnites, aut  
 socios validos Romanis, aut fractos bello inve-  
 nisset hostes. Ipse trajecisset mare cum veteranis  
 Macedonibus, non plus triginta millibus homi-  
 num, & quatuor millibus equitum, maxime  
 Thessalorum: hoc enim roboris erat. Persas,  
 Indos, aliasque si adjunxisset gentes, impedi-  
 men-

1 Quorum suo quisque fato) ut, viveretne ille an moret-  
 ur, reipublicæ parum interesset.

mentum magis, quam auxilium traheret. Adde, quod Romanis ad manum domi supplementum esset: Alexandro (quod postea Annibali accidit) alieno in agro bellanti exercitus consensuisset. Arma, clypeus, et farissæque illis: Romano scutum, majus corpori tegumentum, & pilum, haud paulo, quam hasta, vehementius ictu missuque telum. Statarius uterque miles, ordines fervans: sed illa phalanx immobilis & unius generis: Romana acies distinctior, ex pluribus partibus constans, facilis partienti, quacumque opus esset, facilis jungenti. Jam in opere quis par Romano miles? quis ad tolerandum laborem melior? Uno prælio victus Alexander, bello victus esset. Romanum, quem Caudium, quem Cannæ non fregerunt, quæ fregisset acies? Næ ille sæpe, etiamsi prima prospere evenissent, Persas, & Indos, & imbellem Asiam quæsisset, & cum feminis sibi bellum fuisse dixisset: quod Epeiri regem Alexandrum, mortifero vulnere ictum, dixisse ferunt, forem bellorum in Asia gestorum ab hoc ipso juvene cum sua conferentem. Equidem, cum per annos quatuor & viginti primo Punico bello classibus certatum cum Pœnis recorder, vix ætatem Alexandri sussecuram fuisse reor ad unum bellum. Et forsitan cum & foederibus vetustis juncta Punica res Romanæ esset; & timor par adversus communem hostem duas potentissimas armis virisque urbes armaret; simul Punico Romanoque obrutus bello esset. Non equidem Alexandro duce, nec integris Macedonum rebus, sed experti tamen sunt Romani Macedonem hostem adversus Antiochum, Philippum, & Persen, et non modo cum clade ulla, sed ne cum periculo quidem suo. 3 Absit invidia verbo, & 4 civilia bella filcant. numquam ab equite hoste, numquam a pedite, numquam aperta acie, numquam æquis utique, numquam iniquis locis laboravimus. 5 Equitem,

A a 5

fagitr-

1 *Sarisse*) Prælongæ hastæ, Macedonum propriæ.

2 *Non modo cum clade ulla*) Non modo non.

3 *Absit invidia verbo*) Liceat nobis, sine invidiæ metu a ex vero gloriari.

4 *Civilia bella filcant*) De his bellis non fiat mentio.

5 *Equitem*) Numerosum equitatum.

sagittas, saltus impeditos, avia commearibus loca, gravis armis miles timere potest, mille acies graviores, quam Macedonum atque Alexandri, avertit; avertetque, modo sit perpetuus hujus, qua vivimus, pacis amor, & civilis cura concordiae.

## CAPUT XII.

*Samnites inducias, Apuli foedus impetrant: Praefecti primum creati Capua ad res ibi stabilendas leges a Romanis accipiunt: duae tribus adduntur, Ufentina, & Falerina.*

<sup>20.</sup>  
<sup>U.C.</sup> <sup>436</sup> **M** Fossius, Flaccinator inde, & L. Plautius Venno COSS. facti. Eo anno ab frequentibus Samnitium populis de foedere renovando legati cum senatum humi strati movissent, rejecti ad populum haudquaquam tam efficaces habebant preces. Itaque de foedere negatum: induciae biennii, cum per aliquot dies fatigassent singulos precibus, impetratae. Et ex Apulia Teanenses Canusinique populationibus fessi, obsidibus L. Plantio COS. datis, in deditionem venerunt. Eodem anno primum praefecti Capuae creati cepti, legibus ab L. Furio praetore datis: cum utrumque ipsi pro remedio agris rebus discordia intestina petissent. Et 1 duae Romae additae tribus, 2 Ufentina, ac 3 Falerina. Inclinatoris semel in Apulia rebus, Teates quoque Apuli ad novos COSS., C. Junium Bubulcum, Q. Aemilium Barbulam foedus petatum venerunt. Pacis per omnem Apuliam praestandae populo Romano auctores, id audacter spondendo, impetraverunt, ut foedus daretur: neque ut aequo tamen foedere, sed ut in dirione populi Romani essent. Apulia perdomita (nam Acheronto quoque valido oppido Junius potitus erat) in Lucanos perrectum. Inde repentino adventu Aemilii COS. Nerulum vi captum. Et postquam res Capuae stabilitas Romana disciplina, fama per socios vulgavit: Antiatibus quoque, qui se sine legibus

cer-

1 Duae ... additae tribus) Tuncque una & triginta tribus factae.

2 Ufentina) Ab Ufente fluvio in Volscis.

3 Falerina) Ab agro Falerno, ut videtur.

certisque magistratibus agere querebantur, dati ab senatu ad jura statuenda ipsius i colonie patroni. Nec arma modo, sed jura etiam Romana late pollebant.

## CAPUT XIII.

*Samnites, ut oppugnatam a L. Æmilio Dictatore Saticulam defendant, rebellant: fusi, iterum defensionem aggrediuntur: commisso pralio, utrinque clades accipitur.*

**C** Junius Bubulcus, & Q. Æmilius Barbula<sup>21.</sup> COSS. exitu anni non COSS. ab se crea-<sup>u C.</sup> tis, Sp. Nautio & M. Popillio, ceterum dicta-<sup>418</sup> tori L. Æmilio legiones tradiderunt. Is cum L. Fulvio magistro equitum Saticulam oppugnare adortus, rebellandi causam Samnitibus dedit. duplex inde terror illatus Romanis. hinc Samnis magno exercitu coacto, ad eximendos obsidione socios, haud procul castris Romanorum castra posuit. hinc Saticulani magno cum tumultu patefactis repente portis in stationes hostium incurrerunt. Inde pars utraque spe alieni magis auxilii, quam viribus freta suis, justo mox praelio inito Romanos urgent: & quamquam anceps dimicatio erat, tamen utrinque tutam aciem dictator habuit: quia & locum haud facilem ad circumveniendum cepit, & <sup>2</sup> diversa statuit signa. Infestior tamen in erumpentes incessit: nec magno certamine intra inœnia compulit. tum totam aciem in Samnites obvertit. ibi plus certaminis fuit. Victoria sicut fera, ita nec dubia, nec varia fuit. Fusi in castra Samnites, extinctis nocte ignibus, tacito agmine abeunt: & spe abjecta Saticulæ tuendæ, Plisiam ipsi, socios Romanorum, ut parem dolorem hosti redderent, circumfidunt. Anno circumacto, bellum deinceps ab dictatore Q. Fabio gestum est: COSS. novi L. Papius Cursor quartum, & Q. Publilius Philo quartum, sicut superiores, Romæ manserunt: Fabius ad accipiendum ab Æmilio exercitum

A a 6 ad

<sup>1</sup> Colonia patroni) Urbes enim, ac postea provinciæ etiam & regna patronos Romæ habebant.

<sup>2</sup> Diversa statuit signa) Obversam utrinque in host. i. ciem.



ad Saticulam cum supplemento venit. Neque enim Samnites ad Psittiam manserant; sed, accitis ab domo novis militibus, multitudine freti castra eodem, quo ante, loco posuerunt, lacerantesque prælio Romanos avertere ab obsidione conabantur. Eo intentius dictator in moenia hostium versus, id bellum tantum ducere, quod urbem oppugnabat; securior ab Samnitibus agere, stationibus modo oppositis, ne qua in castra vis fieret. eo ferocius obequitare Samnites vallo, neque otium pati. Et cum jam prope in portis castrorum esset hostis, nihil consulto dictatore magister equitum Q. Aulius Cerretanus magno tumultu cum omnibus turmis equitum eVectus, summovit hostem. Tum in minime pertinaci genere pugnae sic fortuna exercuit opes, ut insignis utrinque clades, & clara ipsorum ducum ederet funera. Prior Samnitium imperator ægre patiens, quo tam ferociter adequitasset, inde confundi fugarique, orando hortandoque equites prælium iutogravit. in quem, insignem inter duos cientem pugnam, magister equitum Romanus infesta cuspide ita permisit equum, ut uno ictu exanimem equo præcipitaret: nec, ut fit, ad ducis casum percussa magis, quam irritata est multitudo. omnes, qui circa erant, in Aulium, temere inVectum per hostium turmas, tela conjecerunt; fratrique præcipuum decussulti Samnitium imperatoris dederunt. is victorem detractum ex equo, magistrum equitum, plenus morroris atque iræ trucidavit: nec multum absuit, quin corpore etiam, quia inter hostiles ceciderat turmas, Samnites potirentur. Sed extemplo ad pedes descensum ab Romanis est: coactique idem Samnites facere; & repentina acies circa corpora ducum pedestre prælium iniit; quo haud dubie superat Romanus: recuperatumque Aulii corpus, mista cum dolore lætitiæ, victores in castra referunt.

C A.

1 *Id bellum tantum ducere.* Id tantummodo pro bello habebat, quod urbem oppugnaret. Al. *tanti.*

2 *Sic fortuna.* Sic fortuna exercuit vim suam.

## CAPUT XIV.

*Ducitur ad Soram, qua ad Samnites defecerat, Rom. exercitus: illinc factus obviam Samnitibus, primum dubia pugna congreditur: deinde Dictatoris arte, & oratione accensus, secundo praelio vincit.*

**S** Amnites, duce amisso, & per equestre certamen tentatis viribus, omiſſa Saticula, quam nequicquam defendi rebantur, ad Plistia obſidionem redeunt: intraque paucos dies Saticula Romanus per deditionem, Plistia per vim Samnis potitur. Mutata inde belli ſedes eſt, ad Soram e Samnio Apuliaque traductæ legiones. Sora ad Samnites defecerat, interfectis colonis Romanorum. quo cum prior Romanus exercitus ad ulciſcendam civium necem, recuperandamque coloniam magnis itineribus perveniſſet; & ſparſi per vias ſpeculatores, ſequi legiones Samnitium, nec jam procul abeſſe, alii ſuper alios nuntiarent, obviam itum hoſti, atque ad Lautulas ancipiti prælio dimicatum eſt. Non cædes, non fuga alterius partis, ſed nox incertos, victi, victores ne eſſent, diremit. Invenio apud quosdam, adverſam eam pugnam Romanis fuiſſe; atque in ea cecidiſſe Q. Aulium magiſtrum equitum. Suſſectus in locum Aulii C. Fabius magiſter equitum cum exercitu novo ab Roma advenit; & per præmiſſos nuntios conſulto dictatore, ubi ſubiſteteret, quove tempore, & qua ex parte hoſtem aggredederetur, ſubſtitit occultus ad omnia ſatis exploratis conſiliis. Dictator cum per aliquot dies poſt pugnam continuiſſet ſuos intra vallum, obſeſſi magis, quam obſidentis modo, ſignum repente pugnae propoſuit. Et efficacius ratus ad accendendos virorum fortium animos, nullam alibi, quam in ſemetipſo, cuiquam relictam ſpem; de magiſtro equitum, novoque exercitu militem celavit: &, tamquam nulla, niſi in eruptione, ſpes eſſet, *Leis*, inquit, *angusti*, *milites*, *deprehenſi*, *niſi quam victoria patefecerimus*, *viam nullam habemus*. *ſtativa noſtra munimento ſatis tuta ſunt; ſed inopia*  
*eadem*

eadem infesta . nam & circa omnia defecerunt , unde subvehi commeatus poterant : & si omnes juvare velint , iniqua loca sunt . itaque non frustrabor ego vos , castra hic relinquendo , in qua , infesta victoria , sicut pristino die , vos recipiatis . armis munimenta , non munimentis arma tuta esse debent . castra habeant , repetantque , i quibus opera est trahere bellum : nos omnium rerum respectum , praterquam victoria , nobis abscindamus . ferte signa in hostem : ubi extra vallum agmen excesserit ; castra , quibus imperatum est , incendant . Damna vestra , milites , omnium circa , qui defecerunt , populorum prada sarcientur . Ea oratione dictatoris , quæ necessitatis ultimæ index erat , milites accensi , vadunt in hostem : & respectus ipse ardentium castrorum , quamquam proximis tantum ( ita enim jussit dictator ) ignis est subditus , haud parvum fuit irritamentum . itaque velut vecordes illati signa primo impetu hostium turbant : & in tempore postquam ardentia procul vidit castra magister equitum , ( id convenerat signum ) hostium terga invadit . ita circumventi Samnites , qua potest quisque , fugam per diversa petunt . ingens multitudo in unum metu conglobata , ac semetipsam turba impediens , in medio cæsa . castra hostium capta direptaque : quorum præda onustum militem in Romana castra dictator reducit , haudquaquam tam victoria lætus , quam quod , præter exiguam deformatam incendio partem , cetera contra spem salva invenit .

C A P U T XV.

*Sora per transfuga prodicionem a Romanis capitur .*

<sup>24.</sup>  
<sup>U. C.</sup> <sup>440.</sup> **A**D Soram inde reditum ; novique COSS. M. Poetelius , C. Sulpitius exercitum ab dictatore Fabio accipiunt , magna parte veterum militum dimissa , novisque cohortibus in supplementum adductis . Ceterum cum , propter difficilem urbis situm , nec oppugnandi satis certa ratio iniretur , & aut tempore

lon-  
i Quibus opera est ) Quibus expedit , vel , quibus vacat .

longinqua, aut præceps periculo victoria esset; Soranus transfuga clam ex oppido profectus, cum ad vigiles Romanos penetrasset, duci se extemplo ad consules jubet; deductusque, traditurum urbem, promittit. visus inde, cum quonam modo id præstaturus esset percontantes doceret, hand vana asserre, perpulit prope adjuncta mœnibus Romana castra ut sex milia ab oppido removerentur: fore, ut minus intentæ in custodiam urbis diurnæ stationes, ac nocturnæ vigilæ essent. ipse, insequenti nocte, sub oppido silvestribus locis cohortibus insidere iussis, decem milites delectos secum per ardua, ac prope invia in arcem ducit, pluribus, quam pro numero virorum, missilibus telis collatis. ad hoc saxa erant & temere jacentia, ut sit, in aspretis, & de industria etiam, quo locus tutior esset, ab oppidanis congesta. ubi cum constituisset Romanos, semitamque angustam & arduam erectam ex oppido in arcem ostendisset, *Hoc quidem ascensu*, inquit, *vel tres armati quamlibet multitudinem arcuerint: vos & decem numero, & quod plus est, Romani, Romanorumque fortissimi viri estis; & locus pro vobis, & nox erit, qua omnia ex incerto majora territis ostentat. ego jam terrore omnia implebo. vos arcem intenti tenete.* decurrit inde quanto maxime poterat cum tumultu, *Ad arma; & Pro vestram fidem, cives, clamitans, arx ab hostibus capta est, ite, defendite.* Hæc, incidens principum foribus, hæc obviis, hæc excurrentibus in publicum pavidis increpat. Acceptum ab uno pavorem plures per urbem ferunt. trepidi magistratus, missis ad arcem exploratoribus, cum tela, & armatos tenere arcem multiplicato numero audirent, avertunt animos a spe recuperandæ arcis. fuga cuncta complentur: portæque a semisomnis, ac maxima parte inermibus refringuntur: quarum per unam i præsidium Romanum, clamore excitatum, irrumpit, & concursantes per vias pavidos cædit. Jam Sora capta erat, cum COSS. prima luce advenire, &, quos reliquos fortuna ex nocturna cæde

1. Præsidium Romanum ) Cohortes, Præsidium enim sæpe apud Livium militum manus,

eade ac fuga fecerat, in deditiōem accipiunt : ex his CCXXXV. qui omnium consensu desti-  
nabantur & infandæ colonorum cædis & dese-  
ctiōis auctores, vinctos Romam deducunt :  
ceteram multitudinem incolumem, præsidio im-  
posito, Soræ relinquunt. omnes, qui Romam  
deducti erant, virgis in foro cæsi, ac securi  
perculsi, summo gaudio plebis : cuius maxima  
intererat, tutam ubique, quæ passim in colo-  
nias mitteretur, multitudinem esse.

## C A P U T XVI.

*Tria Aufonum oppida a Romanis per proditi-  
onem capiuntur : Luceria quoque Samnitium  
occupatur : eo colonia deducitur.*

25. **C**OSS. ab Sora profecti, in agros, atque  
urbes Aufonum bellum intulerunt. Mota  
namque omnia adventu Samnitium, cum apud  
Lautulas dimicatum est, fuerant, conjuratio-  
nesque circa Campaniam passim factæ. nec Ca-  
pua ipsa crimine caruit. quin Romam quoque  
ad principum quosdam inquirendos ventum est.  
Ceterum Aufonum gens proditiōe urbium,  
sicut Sora, in potestatem venit. Aufona, &  
Minturnæ, & Vescia urbes erant; ex quibus  
principes juventutis duodecim numero, in pro-  
ditiōem urbium suarum conjurati, ad consules  
veniunt: docent, suos, jampridem exoptantes  
Samnitium adventum, simul ad Lautulas pu-  
gnatum audierunt, pro victis Romanos habuisse,  
juventute & armis Samnites juvisse: fugatis in-  
de Samnitibus, incerta pace agere, nec clauden-  
tes portas Romanis, ne arcessant bellum; & ob-  
stinatos claudere, si exercitus admoveatur. in cæ-  
fluctuatione animorum opprimi incautos posse.  
His auctoribus mota propius castra: missique  
eodem tempore i circa tria oppida milites, par-  
tim armati, qui occulti propinqua mœnibus in-  
siderent loca; partim togati, testis veste gla-  
diis, qui sub lucem apertis portis urbes ingre-  
derentur. Ab iis simul custodes trucidari cœpti,  
simul datum signum armatis, ut ex insidiis  
con-

1 Circa tria oppida ) Ad tria simul oppida.

concurrerent . ita portæ occupatæ , triaque oppida eadem hora , eodemque consilio capta . sed quia absentibus ductibus impetus est factus , nullus modus cædibus fuit : deletaque Aufonium gens vix certo defectionis crimine , perinde ac si internecino bello certasset . Eodem anno , prodito hostibus Romano præsidio , Luceria Samnitium facta : nec diu proditoribus impunita res fuit . haud procul inde exercitus Romanus erat : cujus primo impetu urbs sita in plano capitur : Lucerini ac Samnites ad internecionem cæsi . eoque ira processit , ut Romæ , cum de colonis mittendis Luceriam consuleretur senatus , multi delendam urbem censerent . præter odium , quod execrabile in his captos erat , longinquitas quoque abhorrere a relegandis tam procul ab domo civibus inter tam infestas gentes cogebat . vicit tamen sententia , ut mitterentur coloni . duo millia & quingenti missi .

## CAPUT XVII.

*Quæstionibus exercendis contra occultas principum Capuæ , atque Romæ conjurationes C. Manius Dictator dicitur ; cum is , atque magister equitum M. Fostius rei ejusdem criminis arguerentur , ut vitæ rationem reddant , magistratu se abdicant : dicta causa , absolvuntur .*

Eodem anno , cum omnia infida Romanis essent , Capuæ quoque occultæ principum conjurationes patefactæ : de quibus cum ad senatum relatum esset , haudquaquam neglecta res est . quæstiones decretæ : dictatoremque quæstionibus exercendis dici placuit . C. Manius dictus . is M. Fostium magistrum equitum dixit . Ingens erat magistratus ejus terror . itaque sive timore ejus , seu conscientia Calavios , Ovum Novumque , ( ea capita conjurationis fuerant ) prius quam nominarentur apud dictatorem , mors , haud dubie ab ipsis conscita , judicio subtraxit . Deinde , ut quæstioni Campanæ materia dæcessit , verba Romanam interpretando res : non nominatim , qui Capuæ , sed in universum , qui usquam coissent , conjurassentve  
adver-

adversus Romanum populum, quæri senatum  
 jussisse; & coitiones honorum adipiscendorum  
 causa factas, adversus Remp. esse. latiorque &  
 re, & personis quæstio fieri; haud abnuente di-  
 ctatore, sine fine ulla quæstionis suæ jus esse.  
 Postulabantur ergo nobiles homines: appellan-  
 tibusque tribunos nemo erat auxilio, quin no-  
 mina reciperentur. Inde nobilitas, nec ii modo,  
 in quos crimen intendebatur, sed universi simul  
 negare, nobilium id crimen esse; quibus si nulla  
 obstat fraude, pateat via ad honorem; sed ho-  
 minum novorum. ipsos adeo dictatorem magi-  
 strumque equitum, reos magis, quam quæsito-  
 res idoneos, ejus criminis esse: intellecturosque  
 ita id esse; simul magistratu abissent. Tum  
 enimvero Mænius jam famæ magis, quam im-  
 perii memor, progressus in concionem ita verba  
 fecit. *Et omnes ante acta vite vos conscios ha-*  
*beo, Quirites, & hic ipse honos delatus ad me*  
*testis est innocentia mea. Neque enim, quod sa-*  
*pe alias; quia ita tempora postulabant Reipub.*  
*qui bello clarissimus esset, sed qui maxime pro-*  
*cul ab his coitionibus vitam egisset, dictator de-*  
*legendus exercendis quæstionibus fuit. sed quo-*  
*niam quidam nobiles homines (qua de causa,*  
*vos existimare, quam me i pro magistratu quic-*  
*quam incompertum dicere, melius est) primum*  
*ipsas expugnare quæstiones omni ope annisi sunt:*  
*dein, postquam ad id parum potentes erant, ne*  
*causam dicerent, in præsidia adversariorum,*  
*appellationem, & tribunitium auxilium patricii*  
*confugerunt; postremo repulsi inde (adeo omnia*  
*tutiora, quam ut innocentiam suam purga-*  
*rent, visa) in nos irruerunt, & privatis di-*  
*ctatorem postulare reum verecundia non fuit: ut*  
*omnes dii hominesque sciant, ab illis etiam,*  
*qua non possunt, tentari, ne rationem vite red-*  
*dant: me obviam ire crimini, & offerre me in-*  
*imicis reum; dictatura me abduco. Vos quæso,*  
*COSS., si vobis datum ab senatu negotium fue-*  
*rit, in me primum, & hunc M. Fosium qua-*  
*stiones exerceatis: ut appareat, innocentia nostra*  
*nos, non majestate honoris tutos a criminationi-*  
*buis istis esse. Abdicat inde se dictatura, &*  
*post*

1. Pro magistratu ) Ex dignitate magistratus.

post eum confestim Fostius magisterio equitum : primique apud COSS. ( iis enim ab senatu mandata res erat ) rei facti , adversus nobilium testimonia egregie absolvuntur . Publilius etiam Philo , multiplicatis summis honoribus , post res tot domi belloque gestas , ceterum invisus nobilitati , causam dixit , absolutusque est . Nec diutius , ut fit , quam dum recens erat , quæstio per clara nomina reorum viguit . inde labi cœpit ad viliora capita , donec coitionibus factionibusque , adversus quas comparata erat , oppressa est .

## CAPUT XVIII.

*Samnites , cum spe eripienda Romanis Capua in Campaniam descendissent , magna clade caduntur .*

**E**Arum fama rerum , magis tamen spes Campanæ defectionis , in quam conjuratum erat , Samnites in Apuliam versos , rursus ad Caudium revocavit : ut inde ex propinquo , si qui motus occasionem aperiret , Capuam Romanis eriperent . Eo COSS. cum valido exercitu venerunt . & primo circa saltus , cum utrinque ad hostem iniqua via esset , cunctati sunt . deinde Samnites per aperta loca brevi circuitu in loca plana , Campanos campos , agmen dimittunt . ibique primum castra in conspectu hostibus data : deinde levibus præliis equitum sæpius , quam peditum , utrinque periculum factum . nec aut eventus eorum Romanum , aut moræ , qua trahebant bellum , pœnitebat . Samnitium contra ducibus & carpi parvis quotidie damnis , & senescere dilatione belli vires suæ videbantur , itaque in aciem procedunt , equitibus in cornua divisis : quibus præceptum erat , intentiores ad respectum castrorum , ne qua eo vis fieret , quam ad prælium starent : aciem pediti tutam fore . COSS. Sulpitius in dextro , Pœtelius in lævo cornu consistunt . dextra pars , qua & Samnites raris ordinibus aut ad circumeundos hostes , aut ne ipsi circumirentur , constiterant , latius patefacta steterit . sinistris , præterquamquod confertiores steterant , repentino consilio Pœtelii COS. additæ vires : qui subsidiarias cohortes ,  
qua



quæ integræ ad longioris pugnæ casus reservabantur, in primam aciem extemplo emisit; universisque hostem primo impetu viribus impulit. Commota pedestri acie Samnitium, eques in pugnam succedit: in hunc transverso agmine inter duas acies se inferentem Romanus equitatus concitat equos: signaque & ordines peditum atque equitum confundit, donec universam ab ea parte avertit aciem. In eo cornu non Pœtelius solus, sed Sulpitius etiam hortator affuerat, avertus ab suis nondum conferentibus manus ad clamorem ab sinistra parte prius exortum. unde haud dubiam victoriam cernens, cum ad suum cornu tenderet cum mille ducentis viris, dissimilem ibi fortunam invenit, Romanos loco pulsos, victorem hostem signa in percussos inferentem. ceterum omnia mutavit repente consiliis adventus. nam & conspectu ducis reffectus militum est animus: & majus, quam pro numero, auxilium advenerat, fortes viri: & partis alterius victoria audita, mox visa etiam prælium restituit. tota deinde jam vincere acie Romanus: & omisso certamine, cædi capique Samnites, nisi qui Maleventum, cui nunc urbi Beneventum nomen est, perfugerunt. Ad triginta millia cæsa aut capta Samnitium, proditum memoriæ est.

## CAPUT XIX.

*Occupata a Samnitibus Fregella recipiuntur a Dictatore C. Pœtelio: Nola quoque capitur: Sueffa, & Pontia colonia deducuntur: belli Etrusci excitata fama, dicitur Dictator C. Junius Bubulcus.*

28.  
U.C.  
441.

COSS., egregia victoria parta, protinus inde ad Bovianum oppugnandum legiones ducunt: ibique hiberna egerunt: donec ab novis COSS. L. Papirio Cursore quintum, C. Junio Bubulco iterum, nominatus dictator C. Pœtelius cum M. Foslio magistro equitum, exercitum accepit. Is cum audisset arcem Fregellanam ab Samnitibus captam, omisso Boviano, ad

ad Fregellas pergit. 1 unde post nocturnam Samnitium fugam, sine certamine receptis Fregellis, præsidioque valido imposito, in Campaniam reditum, maxime ad Nolam armis repetendam. eo se intra mœnia sub adventum dictatoris & Samnitium omnis multitudo, & Nolana agrestis, contulerant. Dictator, urbis situ circumspetto, quo apertior aditus ad mœnia esset, omnia ædificia ( & frequentes ibi habitabatur ) circumjecta muris incendit. nec ita multo post, sive a Poetelio dictatore, sive ab C. Junio COS. ( nam utrumque traditur ) Nola est capta. Qui captæ decus Nolæ ad COS. trahunt, adjiciunt, Arinam & Calatiam ab eodem captas. Poetelium autem, pestilentia orta, clavi figendi causa dictatorem dictum. Sueciam & Pontiam eodem anno coloniæ deductæ sunt. Suecia Auruncorum fuerat; Volsci Pontias insulam sitam in conspectu litoris sui incoluerant. Et, Interamnam, & Cassinum ut deducerentur coloniæ, S. C. factum est: sed triumviros creavere, ac mittere colonorum quatuor millia insequentes COSS. M. Valerius, P. Decius. Profligato fere 29. Samnitium bello, prius quam ea circa decederet U. C. patribus Romanis, Etrusci belli fama exorta 44<sup>a</sup> est: nec erat ea tempestate gens alia, cujus, secundum Gallicos tumultus, arma terribiora essent, cum propinquitate agri, tum multitudine hominum. itaque, altero COS. in Samnio reliquias belli persequente, P. Decius, qui graviter æger Romæ restiterat, auctore senatu dictatorem C. Junium Bubulcum dixit. is prout res magnitudo postulabat, omnes juniores sacramento adigit; arma, quæque alia res poscit, summa industria parat: nec tantis apparatibus elatus de inferendo bello agit, quieturus haud dubie, nisi ultro arma Etrusci inferrent. Eadem in comparando cohibendoque bello consilia & apud Etruscos fuere. neutri finibus egressi.

CA-

1. Unde post nocturnam ) Quo ex loco quem noctu Samnites fugissent.

C A P U T XX.

*Appius Claudius Censor aquam in Urbem deducit, & viam sternit: Libertinorum filios in senatum legit: cum, eo auctore, Potitia gens Herculis sacra servos publicos docuisset, Potitiorum nomen extinguitur; ipse vero post aliquot annos luminibus capitur.*

**E**T censura clara eo anno Ap. Claudii, & C. Plautii fuit: memoriæ tamen felicioris ad posteros nomen Appii, quod 1 viam munivit, & 2 aquam in urbem duxit: eaque unus perfecit, quia ob infamem atque ignominiosam senatus lectionem verecundia victus collega magistratu se abdicaverat. Appius jam inde antiquitus insitam pertinaciam familiæ gerendo, solus censuram obtinuit. Eodem Appio auctore Potitia gens, cujus ad aram Maximam Herculis familiare sacerdotium fuerat, servos publicos ministerii delegandi causa solemnia ejus sacri docuerat. Traditur inde dictu mirabile, & quod dimovendis statu suo sacris religionem facere posset; cum duodecim familiæ ea tempestate Potitiorum essent, puberes ad triginta, omnes intra annum cum stirpe extinctos; nec nomen tantum Potitiorum interiisse, sed censorem etiam Appium memori deum ira post aliquot annos luminibus captum.

C A P U T XXI.

*Improbata prava Appii lectione, a novis Coss. in senatu legendo pristinus ordo observatur. Tribuni militum & duumviri navales, primum per populum creantur. Tibicines, quod ius in publico edendi esset illis ademptum, Roma deserta, abeunt ad Tiburtinos: ab his calida arte Romanis restituntur.*

**I**Taque COSS., qui eum annum secuti sunt, u.<sup>30.</sup> C. Junius Bubulcus tertium, & Q. Æmilius 44. Barbula iterum, initio anni questi apud populum, defor-

1 Viam ) Quæ ab ejus nomine Appia vocitata est.  
2 Aquam in urbem duxit ) Quam ab auctore operis aquam Claudiam dixerunt.

deformatum ordinem prava lectione senatus, qua potiores aliquot lectis: præteriti essent; negaverunt eam lectionem se, quæ sine recti pravi-que discrimine ad gratiam ac libidinem facta esset, observaturos: & senatum extemplo citaverunt eo ordine, qui ante censores Ap. Claudium & C. Plautium fuerat. Et duo imperia eo anno dari coëpta per populum, utraque pertinentia ad rem militarem: unum, ut tribuni militum senideni in quatuor legiones a populo crearentur, quæ antea, perquam paucis suffragio populi relictis locis, dictatorum & consulum ferme fuerant beneficia. tulere eam rogationem Trib. pl. L. Atilius, C. Marrius. alterum, ut dumviros navales classis ornandæ reficiendæque causa idem populus juberet. lator hujus plebisciti fuit M. Decius Trib. pl. Eiusdem anni rem, dictu parvam, præterirem, ni ad religionem visa esset pertinere. Tibicines, quia prohibiti a proximis censoribus erant in æde Jovis vesci, quod traditum antiquitus erat, ægre passi, Tibur uno agmine abierunt, adeo ut nemo in urbe esset, qui sacrificiis præcineret. 2 Eius rei religio tenuit Senatum: legatosque Tibur miserunt, ut darent operam, ut hi homines Romanis restituerentur. Tiburtini benigne polliciti, primum accitos eos in curiam hortati sunt, ut reverterentur Romam: postquam perPELLI nequibant, consilio haud abhorrente ab ingeniis hominum, eos aggrediuntur. Die festo alii alios per speciem celebrandarum cantu epularum causa invitant, & vino, cujus avidum ferme genus est, oneratos sopiunt: atque ita in plaustra vinctos conjiciunt, ac Romam deportant: nec prius sensere, quam plaustris in foro relictis plenos crapulæ eos lux oppressit. Tunc concursus populi factus, impetratoque ut manerent, datum, ut triduum quorannis ornati cum cantu, atque hac, quæ nunc solemnis est, licentia per urbem vagarentur: restitutumque in æde vescendi jus iis, qui sacris præcinerent.

C.A-

1. Præteriti ) Deleti ex albo senatorum.

2. Eius rei religio tenuit senatum ) Ex ea rē religio quædam, & deorum iræ metus tetigit senatum.

## CAPUT XXII.

*Romani Cluviam, & Bovianum eripiunt Samnitibus; a quibus deinde pertracti fraude in insidias, a Junio Cos. accensi, in ipsos insidiatores vehementer erumpunt; ac eorum multa millia cadunt.*

31. **H**Æc inter duorum ingentium bellorum curam gerebantur. Consules inter se provincias partiti: Junio Samnites, Æmilio novum bellum Etruria forte obvenit. In Samnio Cluviam præsidium Romanum, quia nequiverat vi capi, obsessum fame in deditionem acceperant Samnites: verberibusque sædum in modum laceratos occiderant deditos. Huic infensus crudelitati Junius, nihil antiquius oppugnatione Cluviana ratus, quo die aggressus est mœnia, vi cepit; atque omnes puberes interfecit. inde victor exercitus Bovianum ductus. Caput hoc erat Pentrorum, Samnitium, longeditissimum, atque opulentissimum armis virisque. ibi quia haud tantum irarum erat, spe prædæ milites accensi, oppido potiuntur. minus itaque sævirum in hostes est: prædæ plus pene, quam ex omni Samnio unquam egestum: benigneque omnis militi concessa. Et postquam præpotentem armis Romanum nec acies subsistere nullæ, nec castra, nec urbes poterant: omnium principum in Samnio eo curæ sunt intentæ, ut insidiis quæreretur locus, si qua licentia populando effusus exercitus excipi ac circumveniri posset. Transfugæ agrestes, & captivi quidam, pars forte, pars consilio oblati, congruentia ad consulem afferentes, quæ & vera erant, pecoris vim ingentem in saltum avium compulsam esse; perpulerunt ut prædatum eo expeditæ ducerentur legiones. ibi ingens hostium exercitus itinera occultus infederat: & postquam intrasse Romanos vidit saltum, repente exortus cum clamore ac tumultu incautos invadit. & primo nova res trepidationem fecit, dum arma capiunt, sarcinas congerunt in medium: dein, postquam, ut quisque liberaverat se onere, aptaveratque armis, ad signa undique coibant,

coibant, & notis ordinibus in veterem disciplinam militiæ jam sine præcepto ullius sua sponte struebatur acies: consul, ad ancipitem maxime pugnam advectus, desiliit ex equo: & Jovem, Martemque, atque alios testatur deos, se nullam suam gloriam inde, sed prædam militi quarentem, in eum locum devenisse; neque in se aliud, quam nimiam ditandi ex hoste militis curam, reprehendi posse: ab eo se dedecore nullam rem aliam, quam virtutem militum vindicaturam. conniterentur modo uno animo omnes invadere hostem victum acie, castris exutum, nudatum urbibus, ultimam spem furto insidiarum tentantem, & loco, non armis fretum. sed quem esse jam virtuti Romana inexpugnabilem locum? Fregellana arx, Soranaque, & ubicumque iniquo successum erat loco, memorabantur. His accensus miles, omnium immemor difficultatum, vadit adversus imminentem hostium aciem. ibi paulum laboris fuit, dum in adversum cliyum erigitur agmen. ceterum, postquam prima signa planiciem summam ceperunt, sensitque acies æquo se jam institisse loco, versus extemplo est terror in insidiatores: easdemque latebras, quibus se paulo ante texerant, palati atque inermes fuga repetebant: sed in loca difficilia ab hoste quæsitæ, ipsos cum sua fraude impediabant. itaque ergo perpaucis effugium patuit. Cæsa ad viginti millia hominum: victorque Romanus ad oblatam ultro ab hoste prædam pecorum discurret.

## CAPUT XXIII.

*Omnes Etruria populi in Romanos conjurant; cum illis jam Sutrium oppugnantibus, pralio congreditur Æmilius Cos.*

**D**Um hæc geruntur in Samnio, jam omnes 32.  
Etruriæ populi, præter Aretinos, ad arma ierant, ab oppugnando Sutrio, quæ urbs socia Romanis velut claustra Etruriæ erat, ingens orsi bellum. Eo alter COS. Æmilius cum exercitu ad liberandos obsidione socios

Tom. I.

B b

ve-

1 Loca difficilia hosti quæsi a) Id egerant Samnites, ut hostem, Romanum, in loca difficilia pertraherent.

venit. Advenientibus Romanis Sutrinum commea-  
tus benigne in castra ante urbem posita advexe-  
re. Etrusci diem primum consultando, matu-  
rarent, traherentne bellum, traduxerunt: post-  
ero die, ubi celeriora, quam tutiora consilia ma-  
gis placere ducibus, sole orto, signum pugnae  
propositum est; armatique in aciem procedunt.  
quod postquam consuli nuntiatum est, exem-  
plo tesseram dari jubet, ut prandeat miles, fir-  
matisque cibo viribus arma capiat. dicto pare-  
tur. Consul ubi armatos paratosque vidit, si-  
gna extra vallum proferri iussit, & haud pro-  
cul hoste instruxit aciem. Aliquandiu intenti  
utrinque steterunt, expectantes ut ab adversa-  
riis clamor & pugna inciperet. & prius sol meri-  
die se inclinavit, quam telum hinc aut illinc  
emissum est. inde, ne infecta re abiretur, cla-  
mor ab Etruscis oritur, concinuntque tubæ, &  
signa inferuntur. nec segnius a Romanis pugna  
initur. Concurrunt infensis animis. numero ho-  
stis, virtute Romanus superat. anceps prælium  
multos utrinque, & fortissimum quemque ab-  
sumit. nec prius inclinata res est, quam secun-  
da acies Romana ad prima signa, integri fessis  
successerunt. Etrusci, quia nullis recentibus sub-  
sidiis fulta prima acies fuit, ante signa circaque  
omnes ceciderunt. nullo unquam prælio fugæ  
minus, nec plus cædis fuisset, ni obstinatos  
mori Tuscos nox texisset, ita ut victores prius,  
quam victi, pugnandi finem facerent. post oc-  
casum solis signum receptui datum est: nocte  
ab utroque in castra reditum. Nec deinde quic-  
quam eo anno rei memoria dignum apud Su-  
trium gestum est: quia & ex hostium exercitu  
primo tota acies deleta uno prælio fuerat, sub-  
sidiariis modo relictis, vix quod satis esset ad  
castrorum præsidium: & apud Romanos tantum  
vulnere fuit, ut plures post prælium faucii  
decesserint, quam ceciderant in acie. Qu. Fa-  
bius insequentis anni COS. bellum ad Sutrium  
excepit, collega Fabio C. Martius Rutilus da-  
C.U. tus est; ceterum & Fabius supplementum ab  
444. Roma adduxit: & novus exercitus domo acci-  
nus Etruscis venit.

## CAPUT XXIV.

*Cum ultra finitum lege Æmilia tempus Appius Claudius sibi censuram prorogaret, ei acriter Sempronius tribunus plebis adversatur: legi nihilominus parere nolentem in vincula duci jubet: sed auxilio trium tribunorum liberatus, solus censuram gerit.*

**P**ermulti jam anni erant; cum inter patricios magistratus, tribunosque nulla certamina fuerant: cum ex ea familia, quæ velut familiaris tum tribunis ac plebi erat, certamen oritur. Ap. Claudius censor, circumactis decem & octo mensibus, quod Æmilia lege finitum censuræ spatium temporis erat, cum C. Plautius collega ejus magistratu se abdicasset; nulla vi compelli, ut abdicaret, potuit. P. Sempronius erat Tr. pleb.; qui finiendæ censuræ intra legitimum tempus actionem susceperat, non popularem magis, quam justam, nec in vulgus, quam optimo cuique gratiorem. Is cum identidem legem Æmiliam recitaret, auctorcmque ejus Mam. Æmilium dictatorem laudibus ferret, qui quinquennalem ante censuram, & longinquitate potestatem dominantem, intra sex mensium & anni coegisset spatium; Dic agendum, inquit, Ap. Claudi; quidnam facturus fueris, si eo tempore, quo C. Furius & M. Geganius censores fuerunt, censor fuisset? Negare Applus interrogationem tribuni magnopere ad causam pertinere suam. nam etsi tenuerit lex Æmilia eos censores; quorum in magistratu lata esset; quia post illos censores creatos eam legem populus jussisset, quodque postremum jussisset, id jus, ratumque esset; non tamen aut se, aut eorum quemquam, qui post eam legem latam creati censores essent, teneri ea lege potuisse. Hæc sine ullius assensu cavillante Appio, En, inquit, Quirites, illius Appii progenies, qui decemvir in annum creatus, altero anno se ipse creavit: tertio nec ab se, nec ab ullo creatus, privatus fasces & imperium obtinuit: nec ante continuando abstulit magistratu, quam obruerent eum male parca, male gesta, male retenta imperia. hæc



est eadem familia, Quirites, cuius vi atque injuriis compulsi extorres patria Sacrum montem cepistis: hac, adversus quam trihuntium auxilium vobis comparastis: hac, propter quam duo exercitus Aventinum insedistis: hac, qua fœnebres leges, hac, qua agrarias semper impugnavit: hac connubia patrum & plebis interrupit: hac plebi ad curules magistratus iter obsepsit. hoc est nomen multo, quam Tarquiniorum, infestius vestra libertati. Ita ne tandem, Ap. Claudi, cum centesimus jam annus sit ab Mam. Æmilio dictatore, tot censores fuerint, nobilissimi fortissimique viri, nemo eorum duodecim tabulas legit? nemo id jus esse, quod postremo populus jussisset, scivit? imo vero omnes sciverunt: ideo Æmilia potius legi paruerunt, quam illi atrigra, qua primum censores creati erant; quia hanc postremum jusserat populus: & quia, ubi dua contraria leges sunt, semper antiqua abrogat nova. An hoc dicis, Appi, non teneri Æmilia lege populum? an populum teneri, te unum extra legem esse? Tenuit Æmilia lex violentos illos censores, C. Furium, & M. Geganium: qui, quid iste magistratus in rep. mali facere posset, indicarunt; cum, ira finita potestatis, Mamercum Æmiliū, principem ætatis sua belli domique, ararium fecerunt: tenuit deinceps omnes censores intra centum annorum spatium: tenet C. Plautium collegam tuum, usdem auspiciis, eodem jure creatum. An hunc non, ut qui optimo jure censor creatus esset, populus creavit: tu unus eximius es, in quo hoc præcipuum ac singulare valeat? quem tu regem sacrificiorum crees, amplexus regni nomen, ut qui optimo jure rex Roma creatus sit, creatum se dicet? quem semestri dictatura, quem interregno quinque dierum contentum fore putes? quem clavi figendi, aut ludorum causa dictatorem audacter crees? Quam isti stolidos ac socordes videri creditis eos, qui intra vicesimum diem ingentibus rebus gestis dictatura se abdicaverunt, aut qui, vitio creati, abierunt magistratu? Quid ego antiqua repetam? nuper intra decem annos C. Mamus dictator, quia, cum quæstiones severius,

quam

quam quibusdam potentibus tutum erat, ex-  
ceret, contagio ejus, quod quarebat, ipsi crimi-  
nis obiectata ab inimicis est: ut privatus obviam  
iret crimini, dictatura se abdicavit. Nolo ego  
istam in te modestiam, ne degeneraveris a fami-  
lia imperiosissima, & superbissima: non die, non  
hora citius, quam necesse est, magistratu abie-  
ris: modo ne excedas finitum tempus, satis est  
aut diem; aut mensem censura adjicere. Tri-  
ennium, inquit, & sex menses ultra, quam li-  
cet Æmilia lege, censuram geram, & solus ge-  
ram. hoc quidem jam regno simile est. An col-  
legam subrogabis, quem ne in demortui quidem  
locum subrogari fas est? & pœnitet enim, quod  
antiquissimum solemnè, & solum ab ipso, cui  
fit, institutum deo, ab nobilissimis antistitibus  
ejus sacri ad servorum ministerium religiosus cen-  
sor deduxisti. gens antiquior originibus urbis hu-  
jus, hospitio deorum immortalium sancta, pro-  
pter te ac tuam censuram intra annum ab stir-  
pe extincta est: nisi universam rempublicam eo  
nefario obstrinxeris, quod ominari etiam refor-  
midat animus. Urbs eo lustro capta est, quo, de-  
mortuo collega C. Julio censore, L. Papirius  
Cursor, ne abiret magistratu, M. Cornelium Ma-  
luginensem collegam subrogavit. Et quanto mo-  
destior illius cupiditas fuit, quam tua, Appi!  
nec solus, nec ultra finitum lege tempus L. Pa-  
pirius censuram gessit. tamen neminem inve-  
nit, qui se postea auctorem sequeretur. om-  
nes deinceps censes post mortem collega se  
magistratu abdicarunt. Te, nec quod dies exiit  
censura, nec quod collega magistratu abiit,  
nec lex, nec pudor coercet: virtutem in su-  
perbia, in audacia, in contemptu deorum ho-  
minumque ponis. Ego te, Appi Claudii, pro i-  
stius magistratus majestate ac verecundia, quem  
gessisti, non modo manu violatum, sed ne ver-  
bo quidem inclementiori a me appellatum vel-  
lem: sed & hac, qua adhuc egi, perversa tua  
& superbia coegit me loqui: & nisi Æmilia le-  
gi parueris, te in vincula duci jubeo: nec, cum  
ita comparatum a majoribus sit, ut comitiis

582 DECADIS PRIMÆ  
 censoriis , 1 nisi duo confecerint legitima suffra-  
 gia , 2 non renuntiato altero comitia differan-  
 tur ; ego te , qui solus censor creari non possis ,  
 solum censuram gerere patiar . Hæc taliaque cum  
 dixisset , prehendi censores , & in vincula du-  
 ci iussit . Approbantibus sex tribunis actionem  
 collegæ , tres appellanti Appio auxilio fuerunt :  
 summaque invidia omnium ordinum solus cen-  
 suram gessit .

## CAPUT XXV.

Qu. Fabius COS. ad ferendam opem obsessis Su-  
 trinis profectus , Etruscos fundit ; Cimvium  
 saltum ante invium ingressus , captisque inde  
 superioribus jugis , in incompósitos impetum sa-  
 cit : alia mox insigni hostibus illata clade , ur-  
 bes aliquot , Etruria capita , per legatos inda-  
 cias ab Romanis impetrant .

35. DUM ea Romæ geruntur , jam Sutrium ab  
 Etruscis obsidebatur : consulque Fabio , i-  
 mis montibus ducenti ad ferendam opem sociis ,  
 tentandasque munitiones , si qua posset , acies  
 hostium instructa occurrit , quorum ingentem  
 multitudinem cum ostenderet subjecta late plani-  
 cies ; consul , ut loco paucitatem suorum adju-  
 varet , desceſcit paululum in clivos agmen : ( a-  
 spreta erant strata faxis ) inde signa in hostem  
 obvertit . Etrusci omnium , præterquam multi-  
 tudinis suæ , qua sola freti erant , immemo-  
 res , prælium ineunt adeo raptim & avide ,  
 ut , abjectis missilibus , quo celerius manus con-  
 fererent , stringerent gladios , videntes in ho-  
 stem , Romanus contra , nunc tela , nunc sa-  
 xa , quibus eos aſſatim locus ipse armabat ,  
 ingerere , igitur scuta , galeæque iſtæ , cum  
 etiam quos non vulneraverant turbarent ;  
 neque subire erat facile ad propiorem pu-  
 gnam : neque missilia habebant , quibus eminus  
 rem gererent : stantes , & expositos ad ictus  
 cum jam satis nihil tegeret , quosdam etiam pe-  
 dem

1 Nisi duo confecerint legitima suffragia ) Nisi duo plene  
 consequuti fuerint eum suffragiorum numerum qui lege  
 præscriptus est .

2 Non renuntiato altero ) Altero , qui confecit legitima  
 suffragia , non tamen declarato censore .

dem referentes, fluctuantemque, & instabilem  
 aciem, redintegrato clamore, strictis gladiis ha-  
 sitati & principes invadunt. cum impetum non  
 rulerunt Etrusci; versisque signis, fuga effusa  
 castra repetunt. sed equites Romani prævecti  
 per obliqua campi, cum se fugientibus obtulif-  
 sent, omisso ad castra itinere, montes petunt.  
 inde incerni pene agmine, ac vexato vulneri-  
 bus, in silvam Ciminiam penetratum. Roma-  
 nus, multis millibus Etruscorum cæsis, duode-  
 quadraginta signis militaribus captis, castris  
 etiam hostium cum præda ingenti potitur. Tum  
 de persequendo hoste agitari cœptum. Silva e-  
 rat Ciminia, magis tum invia, atque horren-  
 da, quam nuper fuere i Germanici saltus; nulli  
 ad eam diem ne mercatorum quidem adita. eam  
 intrare haud fere quisquam, præter ducem i-  
 psum, audebat. aliis omnibus cladis Caudinæ  
 nondum memoria aboleverat. Tum ex iis, qui  
 aderant, consulis frater (M. Fabium, Cæso-  
 nem alii, C. Claudium quidam, matre eadem,  
 qua COS., genitum tradunt) speculatum se i-  
 turum professus, brevique omnia certa allatu-  
 rum. Cære educatus apud hospites, Etruscis  
 inde litteris eruditus erat: linguamque Etruscam  
 probe noverat. habeo auctores, vulgo tum Ro-  
 manos pueros, sicut nunc Græcis, ita Etruscis  
 litteris erudiri solitos. sed propius est vero,  
 præcipuum aliquid fuisse in eo, qui se tam au-  
 daci simulatione hostibus immiscerit. Servus  
 ei dicitur comes unus fuisse, nutritus una, eo-  
 que haud ignarus linguæ ejusdem. nec quicquam  
 aliud proficiscentes, quam summatim regionis,  
 quæ intranda erat, naturam, ac nomina prin-  
 cipum in populis, acceperat; ne qua inter col-  
 loquia insigni nota hæsitantes deprehendi pos-  
 sent. iere pastoralis habitu, agrestibus telis, fal-  
 cibus, gestisque binis armati. sed neque com-  
 mercium linguæ, nec vestis, armorumve habi-  
 tus sic eos texit, quam quod 2 abhorrebat a fi-  
 de, quemquam externum Ciminios saltus intra-  
 turum. usque ad Camertes Umbros penetrasse

B b 4

di.

1 Germanici saltus ) Hercynia silva.

2 Abhorrebat a fide ) Credi non poterat.

dicuntur. ibi, qui essent, fateri Romanum at-  
 tum: introductumque in senatum consulis ver-  
 bis egisse de societate, amicitiaque; atque inde  
 comi hospitio acceptum, nuntiare Romanis jus-  
 sum, com meatum exercitui dicrum XXX. præ-  
 sto fore, si ea loca intrasset; juventutemque  
 Camertium Umbrorum in armis paratam impe-  
 rio futuram. Hæc cum relata consuli essent;  
 impedimentis prima vigilia præmissis, legioni-  
 bus post impedimenta ire jussis, ipse substitit  
 cum equitatu; &, luce orta, postero die ob-  
 equitavit stationibus hostium, quæ extra sal-  
 tum dispositæ erant. & cum satis diu tenuis-  
 set hostem, in castra sese recepit: portaque al-  
 tera egressus, ante noctem agmen assequitur.  
 postero die, luce prima, juga Ciminii montis  
 tenebat: inde contemplatus opulenta Etruriæ  
 arva, milites emittit. ingenti jam abacta præ-  
 da, tumultuariæ agrestium Etruscorum cohor-  
 tes repente a principibus regionis ejus concita-  
 tæ Romanis occurrunt, adeo incompositæ, ut  
 vindices prædarum prope ipsi prædæ fuerint.  
 cæsis, fugatisque iis, late depopulato agro, vi-  
 ctor Romanus opulentusque rerum omnium co-  
 pia, in castra rediit. Eo forte quinque legari  
 cum duobus tribunis pleb. venerant denuntia-  
 rum Fabio senatus verbis, ne saltum Ciminium  
 transiret. lætati serius se, quam ut impedire  
 bellum possent, venisse, nuntii victoriæ Ro-  
 mam revertuntur. Hac expeditione consulis mo-  
 tum latinus erat, quam profligatum bellum.  
 vastationem namque sub Ciminii montis radi-  
 cibus jacens ora senserat, conciveratque indi-  
 gnatione non Etruriæ modo populos, sed Um-  
 briæ finitima. itaque, quantus non umquam  
 antea, exercitus ad Sutrium venit: neque e  
 silvis tantummodo promota castra; sed etiam  
 aviditate dimicandi quam primum in campos de-  
 lata acies: deinde instructa primo suo stare  
 loco, relicto hostibus ad instruendum contra  
 spatio: deinde, postquam detrectare hostem sen-  
 sere pugnam, ad vallum subeunt. ubi post-  
 quam stationes quoque receptas intra munimen-  
 ta sensere, clamor repente circa duces ortus  
 ut eo sibi e castris cibaria ejus dici deferri.

juberent: 1 mansuros se sub armis, & aut nocte, aut certe luce prima castra hostium invasuros. Nihilo quietior Romanus exercitus imperio ducis continetur. Decima erat fere diei hora, cum cibum capere consul milites jubet; præcipit ut in armis sint, quacumque diei, noctive hora signum dederit. paucis milites alloquitur: Samnitium bella extollit: elevat Etruscos: nec hostem hosti, nec multitudinem multitudini comparandam ait esse: præterea, telum aliud occultum scituros in tempore: interea taceri opus esse. His ambagibus prodi simulabat hostes, quo animus militum multitudine territus restitueretur: &, quod sine munimento confederant, verisimilius erat quod simulabatur. Curati cibo corpora quieti dant: & quarta fere vigilia sine tumultu excitati arma capiunt. dolabræ calonibus dividuntur ad vallum prorueundum, fossasque implendas. intra munimenta instruitur acies: selectæ cohortes ad portarum exitus collocantur. dato deinde signo paulo ante lucem, quod æstivis noctibus sopitæ maxime quietis tempus est, prorupto vallo erupit acies: stratos passim invadit hostes: alios immobiles, alios semisomnos in cubilibus suis, maximam partem 2 ad arma trepidantes cædes oppressit. paucis armandi se datum spatium est. eos ipsos non signum certum, non ducem sequentes fundit Romanus, fugatos eques persequitur. Ad castra, ad silvas diversi tendebant. silvæ tutius dedere refugium. nam castra in campis sita eodem die capiuntur. aurum, argentumque iustum referri ad consulem, cetera præda militis fuit. Cæsa aut capta eo die hostium millia ad sexaginta. Eam tam claram pugnam trans Ciminiam silvam ad Perusiam pugnam, quidam auctores sunt; metuque in magno civitatem fuisse, ne interclusus exercitus tam infesto saltu coortis undique ab Tuscis Umbrisque opprimeretur. Sed ubicumque pugnatum est, res Romana superior fuit. itaque Perusia, & Cortona, & Arretio, quæ ferme

B b 5 ca-

1 *Mansuros*) Pernoctaturos. Sic Horat. Sat. 5. l. 1. In Mamurrarum lassæ deinde urbe manemus.

2 *Ad arma trepidantes*) Cum trepidatione discurrentes ad arma.

capita Etruriæ populorum ea tempestate erant ; legati pacem foedusque ab Romanis petentes , inducias in triginta annos impetraverunt .

## CAPUT XXVI.

*In Samnio C. Martius Rutilus Cos. Allifas capit : prælio deinde dubio cum hostibus congressus , ipse vulnus accipit : ad famam rei adversa dictus Dictator Papius Cursor , eo cum novis legionibus pervenit .*

38. **D**Um hæc in Etruria geruntur , COS. alter C. Martius Rutilus Allifas de Samnitibus vi cepit . multa alia castella , vicique , aut deleta hostiliter , aut integra in potestatem venire . Per idem tempus & classis Romana a P. Cornelio , quem senatus maritimæ oræ præfecerat , in Campaniam acta , cum appulsa Pompejos esset ; socii inde navales ad depopulandum agrum Nucerinum profecti , proximis raptim vastatis , unde reditus tutus ad naves esset , dulcedine , ut sit , prædæ longius progressi , excivere hostes , palatis per agros nemo obvius fuit , cum occisione occidi possent : redeuntes agmine incauto haud procul navibus assecuti agrestes exuerunt prædæ , partem etiam occiderunt . quæ superfuit cædi , trepida multitudo ad naves compulsa est . Profectio Q. Fabii trans Ciminiam silvam quantum Romæ terrorem fecerat , tam lætam famam in Samnium ad hostes tulerat : interclusum Romanum exercitum obsideri : cladisque imaginem Furculas Caudinas memorabant : eadem temeritate avidam ulteriorum semper gentem in saltus invios deductam , septam non hostium magis armis , quam locorum iniquitatibus esse . Jam gaudium invidia quadam miscebatur , quod belli Romani decus ab Samnitibus fortuna ad Etruscos avertisset , itaque armis virisque ad obterendum C. Martium COS. concurrunt : protinus inde Etruriam per Marfos ac Sabinos perituri , si Martius dimicandi potestatem non faciat . Obvius iis COS. fuit , dimicatum prælio utrinque atroci , atque incerto eventu est . & cum an-

caps

1 Sequit. . . navales } Classarii milites .

ceps cædes fuisset, adversæ tamen rei fama in Romanos vertit, ob amissos quosdam equestris ordinis, tribunosque militum, atque unum legatum, &, quod insigne maxime fuit, consulis ipsius vulnus. Ob hæc etiam aucta fama, ut solet, ingens terror patres invasit: Dictatoremque dici placebat: nec quin Cursor Papirius diceretur, in quo tum summa rei bellicæ ponebatur, dubium cuiquam erat. sed nec in Samnium nuntium perferri omnibus infestis tuto posse; nec vivere Martium COS. fatis fidebant. Alter COS. Fabius infensus privatim Papirio erat: quæ ne ira obstarer bono publico, legatos ex consularium numero mittendos ad eum senatus censuit: qui sua quoque cum, non publica solum auctoritate monerent, ut memoriam simultatum patriæ remitteret. Profecti legati ad Fabium COS. cum S. C. tradidissent, adjecissentque orationem convenientem mandatis: consul, demissis in terram oculis, tacitus ab incertis, quidnam esset acturus, legatis recessit. nocte deinde silentio, ut mos est, L. Papirium dictatorem dixit. cui cum ob animum egregie victum legati gratias agerent, obstinatum silentium obtinuit: ac sine responso ac mentione facta sui, ita legatos dimisit, ut appareret, insignem dolorem ingenti comprimere animo. Papirius C. Junium Bubulcum magistrum equitum dixit: atque ei, legem curiatam de imperio ferenti, triste omen 1 diem diffidit, quod Fauriæ curiæ fuit 2 principium, duobus insignis cladibus, captæ urbis, & Caudinæ pacis: quod utroque anno ejusdem curiæ fuerat principium. Macer Licinius tertia etiam clade, quæ ad Cremeram accepta est, 3 abominandam eam curiam facit. Dictator postero die, 39. auspiciis repetitis, pertulit legem; & profectus cum legionibus, ad terrorem traducti silvam Ciminiam exercitus nuper scriptis, ad Longulam pervenit: acceptisque a Marrio COS. veteribus

B b 6

mili-

1 *Diem diffidit* ) Rem in posterum diem relicere coegit.

2 *Principium* ) *Principium* hic est *prærogativa*. Centuria, curia, tribus *principium* dicebatur, quæ prima rogabatur suffragium.

3 *Abominandam* ) Male ominatam.



militibus, in aciem copias eduxit. nec hostes de-  
trectare visi pugnam. instructos deinde, arma-  
tosque, cum ab neutris prælium inciperet, non  
oppressit. quieti aliquandiu nec suis diffidentes  
viribus, nec hostem spernentes, stativa in pro-  
pinquo habuere.

## C A P U T XXVII.

*Acri commissio prælio, vires Etruscorum ab Ro-  
manis infringuntur.*

**I**Nterea res in Etruria gestæ. nam & cum  
Umbriorum exercitu acie depugnatum est.  
fusi tamen magis, quam cæsi hostes: quia cœ-  
ptam acriter non tolerarunt pugnam. & ad Va-  
dimonis lacum Etrusci, lege sacrata coacto exer-  
citu, 1 cum vir virum legisset, quantis num-  
quam alias ante simul copiis, simul animis di-  
micarunt: tantoque irarum certamine gesta res  
est, ut ab neutra parte emissa sint tela. gladiis  
pugna cœpit: & acerrime commissæ, ipso certa-  
mine, quod aliquandiu anceps fuit, accensa est:  
ut non cum Etruscis toties victis, sed cum aliqua  
nova gente videretur dimicatio esse. Nihil ab ulla  
parte movetur fugæ: cadunt 2 antesignani: &  
ne nudentur propugnatoribus signa, fit ex se-  
cunda prima acies. ab ultimis deinde subsidiis cie-  
tur miles: adeoque ad ultimum laboris ac peri-  
culi ventum est, ut equites Rom., omissis equis,  
ad primos peditum per arma, per corpora evase-  
rint. ea velut nova inter fessos exorta acies tur-  
bavit signa Etruscorum. secuta deinde impetum  
eorum, 3 utcumque affecta fuerat, cetera mul-  
titudo tandem perumpit ordines hostium.  
Tunc vinci pertinacia cœpta, & averti mani-  
puli quidam: & ut semel dedere terga, etiam  
certiorem capeßere fugam. Ille primum dies  
fortuna veteri abundantes Etruscorum fregit o-  
pes. Cæsum in acie quod roboris fuit: castra  
eo impetu capta, direptaque.

## CA-

1 *Cum vir virum legisset* ) Vir virum legere dicebatur,  
quum in delectu aliquot primo ab imperatore lecti milites,  
singuli singulos, quorum virtuti considerent, legebant.

2 *Antesignani* ) Prima acies, qui apud Romanos Hastati  
erant.

3 *Utrumque affecta erat* ) Quantumlibet ægra & fatigata  
erat.

## CAPUT XXVIII.

*Dictator Papirius, caesis magna strage Samnitibus, triumphat: insignem ejus triumphum faciunt aurata arma ex hostibus capta.*

**P**ari subinde periculo, gloriæque eventu bel-  
lum in Samnitibus erat: qui præter ceteros  
belli apparatus, ut acies sua fulgeret novis ar-  
morum insignibus, fecerunt. Duo exercitus e-  
rant: scuta alterius auro, alterius argento cæ-  
laverunt. Forma erat scuti: summum latius,  
qua pectus atque humeri teguntur, fastigio æ-  
quali: ad imum cuneatior, mobilitatis causa.  
i spongia pectori tegumentum; & sinistrum  
eris ocrea tectum. galeæ cristatæ, quæ speciem  
magnitudini corporum adderent. tunicæ auratis  
militibus versicolores, argentatis linteæ candi-  
dæ. his dextrum cornu datum; illi in sinistro  
consistunt. Notus jam Romanis apparatus in-  
signium armorum fuerat: doctique a ducibus  
erant, *horridum militem esse debere, non cala-  
tum auro argentoque; sed ferro, & animus fre-  
tum. quippe illam prædam verius, quam arma  
esse, nitentia ante rem, deformia inter sangui-  
nem & vulnere. virtutem esse militis decus,  
& omnia illa victoriam sequi; & ditem hostem  
quamvis pauperis victoris præmium esse.* His  
Cursor vocibus instinctos milites in prælium  
ducit. dextro ipse cornu consistit: sinistro præ-  
fecit magistrum equitum. Simul est concursus,  
ingens fuit cum hoste certamen; non segnius  
inter dictatorem & magistrum equitum, ab utra  
parte victoria inciperet. Prior forte Junius  
commovit hostem, lævo dextrum corau, sacra-  
tos more Samnitium milites, eoque candida  
veste, & paribus candore armis insignes. eos  
se orco mactare Junius dictitans, cum intulisset  
signa, turbavit ordines, & haud dubie impulit  
aciem. Quod ubi sensit dictator, *Ab lævo ne  
cornu victoria incipiet, inquit: & dextrum cor-  
nu, dictatoris acies, alienam pugnam seque-  
tur, non partem maximam victoria trahet?*  
con-

i Spongia ) I. e. lorica in spongiæ formam texta.

pergit: & in agro Pupiniensi ad famam intentus hostium confedit. Nec Romæ spernebatur Umbrorum bellum: & ipsæ minæ metum fecerant expertis a Gallica clade, quam intutam urbem incolerent. itaque legati ad Fabium COS. missi sunt, ut, si quid laxamenti a bello Samnitium esset, in Umbriam propere exercitum duceret. dicto paruit COS., magnisque itineribus ad Mevaniam, ubi tum copię Umbrorum erant, perrexit. Repens adventus COS., quem procul Umbria in Samnio bello alio occupatum crediderant, ita exterruit Umbros, ut alii recedendum ad urbes munitas, quidam bellum omittendum censerent. 1 Plaga una (materiam ipsi appellant) non continuit modo ceteros in armis, sed confestim ad certamen egit. castra vallantem Fabium adorti sunt. quos ubi effusos ruere in munimenta consul vidit, revocatos milites ab opere, prout loci natura tempusque patiebatur, ita instruit: cohortatusque prædicatione vera qua in Tuscis, qua in Samnio partorum decorum, exiguam appendicem Etruscis belli conficere jubet; & vocis impiæ poenas expetere, qua se urbem Romanam expugnatos minati sunt. Hæc tanta sunt alacritate militum audita, ut clamor sua sponte ortus loquentem interpellaverit ducem. ante imperium deinde concentu tubarum ac cornuum cursu effuso in hostem feruntur: non tamquam in viros, aut armatos incurrunt. Mirabile dictum: signa primo eripi cœpta signiferis: deinde ipsi signiferi trahi ad consulem: armatique milites ex acie in aciem transferri. & sicubi est certamen, sentis magis, quam gladiis geritur res: umbonibus, 2 incussa ala sternuntur hostes: Plus capitur hominum, quam caditur: atque una vox ponere arma jubentium, per totam fertur aciem. Itaque inter ipsum certamen facta deditio est a primis auctoribus belli. postero insequentibusque diebus & ceteri Umbrorum populi deduntur. Oericulani sponsione in amicitiam accepti. Fabius alienæ sortis victor belli,

in

1 Plaga una) Plaga hic populum significat.

2 Incussa . . ala) Incusso lacerto. Tale quid l. XXX c.

34) Ala deinde & umbonibus pulsantes.

in suam provinciam exercitum reduxit. itaque ei ob res tam feliciter gestas, sicut priore anno populus continuarat consulatum, ita senatus in sequentem annum, quo Ap. Claudius, L. Volumnius COSS. fuerunt, prorogavit, maxime Appio adversante, imperium.

## CAPUT XXXI.

*Volumnius Cos. cum Sallentinis prospere pugnat, Fabius procos. Samnites suos in castra, & ad deditionem compulso, sub jugum mittit. Hernici, quod cives sui, qui pro Samnitibus militaverant, Romam missi, in custodiam traditi essent, Romanis bellum indicunt.*

**A**ppium cenforem petisse consulatum, comitiaque ejus ab L. Furio Tr. pl. interpellata, donec se censura abdicavit, in quibusdam annalibus invenio. Creatus consul, cum collegæ novum bellum Sallentini hostes decernerentur, Romæ mansit, ut urbanis artibus opes augeret, quando belli decus penes alios esset. Volumnium provinciæ haud pœnituit. multa secunda prælia fecit: aliquot urbes hostium vix cepit. prædæ erat largitor; & benignitatem per se gratam comitate adjuvabat: militemque iis artibus fecerat & periculi, & laboris avidum. Q. Fabius proconsul ad urbem Allifas cum Samnitium exercitu signis collatis configit. minime ambigua res fuit. fusi hostes, atque in castra compulsi. nec castra forent retenta, ni exiguum superfuisset diei: ante noctem tamen sunt circumfessa, & nocte custodita; ne quis elabi posset. postero die, vixdum luce certa, deditio fieri cœpta: & pacti, qui Samnitium forent, ut cum singulis vestimentis emitterentur. hi omnes sub jugum missi. sociis Samnitium nihil cautum. ad VII. millia sub coronâ veniere, qui se civem Hernicum dixerat, seorsum in custodia habitus. eos omnes Fabius Romam ad senatum misit: & cum quæsitum esset, delectu, an voluntarii pro Samnitibus adversus Romanos bellarent: per Latinos populos custodiendi dantur, jusque cam

inte-

dicuntur. ibi, qui essent, fateri Romanum atrium: introductumque in senatum consulis verbis egisse de societate, amicitiaque; atque inde comi hospitio acceptum, nuntiare Romanis iussum, commeatum exercitui dierum XXX. præsto fore, si ea loca intrasset; juventutemque Camertium Umbrorum in armis paratam imperio futuram. Hæc cum relata consuli essent; impedimentis prima vigilia præmissis, legionibus post impedimenta ire iussis, ipse substitit cum equitatu; &, luce orta, postero die obequitavit stationibus hostium, quæ extra saltum dispositæ erant. & cum satis diu tenuisset hostem, in castra sese recepit: portaque altera egressus, ante noctem agmen assequitur. postero die, luce prima, juga Ciminii montis tenebat: inde contemplatus opulenta Etruriæ arva, milites emittit. ingenti jam abacta præda, tumultuariæ agrestium Etruscorum cohortes repente a principibus regionis ejus concitatæ Romanis occurrunt, adeo incompositæ, ut vindices prædarum prope ipsi prædæ fuerint. cæsis, fugatisque iis, late depopulato agro, victor Romanus opulentusque rerum omnium copia, in castra rediit. Eo forte quinque legati cum duobus tribunis pleb. venerant denuntiarum Fabio senatus verbis, ne saltum Ciminium transiret. lætati serius se, quam ut impedire bellum possent, venisse, nuntii victoriæ Romanam revertuntur. Hac expeditione consulis motum latius erat, quam profligatum bellum: vastationem namque sub Ciminii montis radicibus jacens ora senserat, conciveratque indignatione non Etruriæ modo populos, sed Umbriæ finitima. itaque, quantus non umquam antea, exercitus ad Sutrium venit: neque e silvis tantummodo promota castra; sed etiam aviditate dimicandi quam primum in campos delata acies: deinde instructa primo suo stare loco, relicto hostibus ad instruendum contra spatio: deinde, postquam detrectare hostem sentire pugnam, ad vallum subeunt. ubi postquam stationes quoque receptas intra munimenta sentire, clamor repente circa duces ortus ut eo sibi e castris cibaria ejus dici deferri.

juberent: i mansuros se sub armis, & aut nocte, aut certe luce prima castra hostium invasuros. Nihilo quietior Romanus exercitus imperio ducis continetur. Decima erat fere diei hora, cum cibum capere consul milites jubet; præcipit ut in armis sint, quacumque diei, noctisve hora signum dederit. paucis milites alloquitur: Samnitium bella extollit: elevat Etruscos: nec hostem hosti, nec multitudinem multitudini comparandam ait esse: præterea, telum aliud occultum scituros in tempore: interea taceri opus esse. His ambagibus prodi simulabat hostes, quo animus militum multitudine territus restitueretur: &, quod sine munimento confederant, verisimilius erat quod simulabatur. Curati cibo corpora quieti dant: & quarta fere vigilia sine tumultu excitati arma capiunt. dolabræ calonibus dividuntur ad vallum prorueundum, fossasque implendas. intra munimenta instruitur acies: selectæ cohortes ad portarum exitus collocantur. dato deinde signo paulo ante lucem, quod æstivis noctibus sopitæ maxime quietis tempus est, proruto vallo erupit acies: stratos passim invadit hostes: alios immobiles, alios semisomnos in cubilibus suis, maximam partem 2 ad arma trepidantes cædes oppressit. paucis armandi se datum spatium est. eos ipsos non signum certum, non ducem sequentes fundit Romanus, fugatos eques persequitur. Ad castra, ad silvas diversi tendebant. silvæ tutius dedere refugium. nam castra in campis sita eodem die capiuntur. aurum, argentumque iustum referri ad consulem, cetera præda militis fuit. Cæsa aut capta eo die hostium millia ad sexaginta. Eam tam claram pugnam trans Ciminiam silvam ad Perusiam pugnam, quidam auctores sunt; metuque in magno civitatem fuisse, ne interclusus exercitus tam infesto saltu coortis undique ab Tuscis Umbrisque opprimeretur. Sed ubicumque pugnatum est, res Romana superior fuit. itaque Perusia, & Cortona, & Aretio, quæ ferme

B b 5 ca-

1 *Mansuros*) Pernoctaturos. Sic Horat. Sat. 5. l. 1. In Mamurrarum lassæ deinde urbe manemus.

2 *Ad arma trepidantes*) Cum trepidatione discurrentes ad arma.

capita Etruriæ populorum ea tempestate erant ; legari pacem fœdusque ab Romanis petentes , inducias in triginta annos impetraverunt .

## CAPUT XXVI.

*In Samnio C. Martius Rutilus Cos. Allifas capit : pralio deinde dubio cum hostibus congressus , ipse vulnus accipit : ad famam rei adversa dictus Dictator Papius Cursor , eo cum novis legionibus pervenit .*

38. **D**Um hæc in Etruria geruntur , COS. alter C. Martius Rutilus Allifas de Samnitibus vi cepit . multa alia castella , vicique , aut deleta hostiliter , aut integra in potestatem venire . Per idem tempus & classis Romana a P. Cornelio , quem senatus maritimæ oræ præfecerat , in Campaniam acta , cum appulsa Pompejos esset ; i focii inde navales ad depopulandum agrum Nucerinum profecti , proximis raptim vastatis , unde reditus tutus ad naves esset , dulcedine , ut sit , prædæ longius progressi , excivere hostes , palatis per agros nemo obvius fuit , cum occidione occidi possent : redeuntes agmine incauto haud procul navibus assecuti agrestes exuerunt præda , partem etiam occiderunt . quæ superfuit cædi , trepida multitudo ad naves compulsæ est . Profectio Q. Fabii trans Ciminiam silvam quantum Romæ terrorem fecerat , tam lætam famam in Samnium ad hostes tulerat : interclusum Romanum exercitum obsideri : cladisque imaginem Furculas Caudinas memorabant : eadem temeritate avidam ulteriorum semper gentem in saltus invios deductam , septam non hostium magis armis , quam locorum iniquitatibus esse . Jam gaudium invidia quadam miscebatur , quod belli Romani decus ab Samnitibus fortuna ad Etruscos avertisset , itaque armis virisque ad obterendum C. Martium COS. concurrunt : protinus inde Etruriam per Marfos ac Sabinos petituri , si Martius dimicandi potestatem non faciat . Obvius iis COS. fuit , dimicatum prælio utrinque atroci , atque incerto eventu est . & cum an-

ceps

( *Sequit. . navales* ) Classarii milites .

ceps cædes fuisset, adversæ tamen rei fama in Romanos vertit, ob amissos quosdam equestris ordinis, tribunosque militum, atque unum legatum, &, quod insigne maxime fuit, consulis ipsius vulnus. Ob hæc etiam aucta fama, ut solet, ingens terror patres invasit: Dictatoremque dici placebat: nec quin Curior Papirius diceretur, in quo tum summa rei bellicæ ponebatur, dubium cuiquam erat. sed nec in Samnium nuntium perferri omnibus infestis tuto posse; nec vivere Martium COS. satis fidebant. Alter COS. Fabius infensus privatim Papirio erat: quæ ne ira obstaret bono publico, legatos ex consularium numero mittendos ad eum senatus censuit: qui sua quoque cum, non publica solum auctoritate monerent, ut memoriam simultatum patriæ remitteret. Profecti legati ad Fabium COS. cum S. C. tradidissent, adiecissentque orationem convenientem mandatis: consul, demissis in terram oculis, tacitus ab incertis, quidnam esset acturus, legatis recessit. nocte deinde silentio, ut mos est, L. Papirium dictatorem dixit. cui cum ob animum egregie victum legari gratias agerent, obstinatum silentium obtinuit: ac sine responso ac mentione facta sui, ita legatos dimisit, ut appareret, insignem dolorem ingenti comprimere animo. Papirius C. Junium Bubulcum magistrum equitum dixit: atque ei, legem curiatam de imperio ferenti, triste omen: diem diffidit, quod Fanciæ curiæ fuit 1 principium, duobus insignis cladibus, captæ urbis, & Caudinæ pacis: quod utroque anno ejusdem curiæ fuerat principium. Macer Licinius tertia etiam clade, quæ ad Cremeram accepta est, 3 abominandam eam curiam facit. Dictator postero die, 39. auspiciis repetitis, pertulit legem; & profectus cum legionibus, ad terrorem traducti silvam Ciminiam exercitus nuper scriptis, ad Longulam pervenit: acceptisque a Martio COS. veteribus

B b 6                      mili-

1 Diem diffidit ) Rem in posterum diem relinere coegit.

2 Principium ) Principium hic est prerogativa. Centuria, curia, tribus principium dicebatur, quæ prima rogabatur suffragium.

3 Abominandam ) Male ominatam.



militibus, in aciem copias eduxit. nec hostes detrectare visi pugnam. instructos deinde, armatosque, cum ab neutris prælium inciperet, non oppressit. quieti aliquandiu nec suis diffidentes viribus, nec hostem spernentes, stativa in propinquo habuere.

## C A P U T XXVII.

*Acri commissio prælio, vires Etruscorum ab Romanis infringuntur.*

**I**Nterea res in Etruria gestæ. nam & cum Umbrorum exercitu acie depugnatum est. fusi tamen magis, quam cæsi hostes: quia cæptam acriter non tolerarunt pugnam. & ad Vadimonis lacum Etrusci, lege sacrata coacto exercitu, 1 cum vir virum legisset, quantis nunquam alias ante simul copiis, simul animis dimicarunt: tantoque irarum certamine gesta res est, ut ab neutra parte emissa sint tela. gladiis pugna cœpit: & acerrime commissæ, ipso certamine, quod aliquandiu anceps fuit, accensa est: ut non cum Etruscis tories victis, sed cum aliqua nova gente videretur dimicatio esse. Nihil ab ulla parte movetur fugæ: cadunt 2 antesignani: & ne nudentur propugnatoribus signa, fit ex secunda prima acies. ab ultimis deinde subsidiis cietur miles: adeoque ad ultimum laboris ac periculi ventum est, ut equites Rom., omissis equis, ad primos peditum per arma, per corpora evaserint. ea velut nova inter fessos exorta acies turbavit signa Etruscorum. secuta deinde impetum eorum, 3 utcumque affecta fuerat, cetera multitudo tandem perumpit ordines hostium. Tunc vinci pertinacia cœpta, & averti manipuli quidam: & ut semel dedere terga, etiam certiores capessere fugam. Ille primum dies fortuna veteri abundantes Etruscorum fregit opes. Cæsum in acie quod roboris fuit: castra eo impetu capta, direptaque.

## C A-

1 *Cum vir virum legisset* ) Vir virum legere dicebatur, quum in delectu aliquot primo ab imperatore lecti milites, singuli singulos, quorum virtuti considerent, legebant.

2 *Antesignani* ) Prima acies, qui apud Romanos hastati erant.

3 *Utrumque afflicta erat* ) Quantumlibet ægra & fatigata erat.

## CAPUT XXVIII.

*Dictator Papirius, caesis magna strage Samnitibus, triumphat: insignem ejus triumphum faciunt aurata arma ex hostibus capta.*

**P**ari subinde periculo, gloriæque eventu bel-  
 lum in Samnitibus erat: qui præter ceteros  
 belli apparatus, ut acies sua fulgeret novis ar-  
 morum insignibus, fecerunt. Duo exercitus e-  
 rant: scuta alterius auro, alterius argento cæ-  
 laverunt. Forma erat scuti: summum latius,  
 qua pectus atque humeri teguntur, fastigio æ-  
 quali: ad imum cuneatior, mobilitatis causa.  
 i spongia pectori regumentum; & sinistrum  
 erus ocrea tectum. galeæ cristatæ, quæ speciem  
 magnitudini corporum adderent. tunicæ auratis  
 militibus versicolores, argentatis linteæ candi-  
 dæ. his dextrum cornu datum; illi in sinistro  
 consistunt. Notus jam Romanis apparatus in-  
 signium armorum fuerat: doctique a ducibus  
 erant, *horridum militem esse debere, non cala-  
 tum auro argentoque; sed ferro, & animus fre-  
 tum. quippe illam prædam verius, quam arma  
 esse, nitentia ante rem, deformia inter sangui-  
 nem & vulnera. virtutem esse militis decus,  
 & omnia illa victoriam sequi; & ditem hostem  
 quamvis pauperis victoris præmium esse.* His  
 Cursor vocibus instinctos milites in prælium  
 ducit. dextro ipse cornu consistit: sinistro præ-  
 fecit magistrum equitum. Simul est concursus,  
 ingens fuit cum hoste certamen; non segnius  
 inter dictatorem & magistrum equitum, ab utra  
 parte victoria inciperet. Prior forte Junius  
 commovit hostem, lævo dextrum cornu, sacra-  
 tos more Samnitium milites, eoque candida  
 veste, & paribus candore armis inlignes. eos  
*se orco mactare* Junius dictitans, cum intulisset  
 signa, turbavit ordines, & haud dubie impulit  
 aciem. Quod ubi sensit dictator, *Ab lævo ne  
 cornu victoria incipiet, inquit: & dextrum cor-  
 nu, dictatoris acies, alienam pugnam seque-  
 ntur, non partem maximam victoria trahet?*  
 con-

i Spongia ) I. e. lorica in spongiæ formam texta.

conciat milites. Nec peditum virtuti equites, aut legatorum studia ducibus cedunt. M. Valerius a dextro, P. Decius ab lævo cornu, ambo consulares, ad equites in cornibus positos evehuntur: adhortatique eos, ut partem secum capesserent decoris, in transversa latera hostium incurrunt. is novus additus terror cum ex parte utraque circumvasisset aciem, & ad terrorem hostium legiones Romanæ, redintegrato clamore, intulissent gradum, tum fuga ab Samnitibus cœpta. Jam strage hominum, armorumque insignium campi repleti. ac primo pavidos Samnites castra sua accipere: deinde ne ea quidem retenta. captis, direptisque ante noctem injectus ignis. Dictator ex S. C. triumphavit. cuius triumpho longe maximam speciem captiva arma præbuere. tantum magnificentia visum in iis, ut aurata scuta dominis 1 argenteorum ad forum ornandum dividerentur. Inde natum initium dicitur fori ornandi ab ædilibus, cum tensæ ducerentur. Et Romani quidem ad honorem deum insignibus armis hostium usi sunt: Campani, ab superbia & odio Samnitium, gladiatores, quod spectaculum inter epulas erat, eo ornatu armarunt, 2 Samnitiumque nomine appellarunt.

## C A P U T XXIX.

*Et in Etruria & in Samnio secunda belli fortuna.*

**E**odem anno cum reliquis Etruscorum ad Perusiam, quæ ipsa induciarum fidem ruperat, Fabius COS. nec dubia, nec difficili victoria dimicat. ipsum oppidum (nam ad mœnia victor accessit) cepisset, ni legati dedentes urbem exissent. Præsidio Perusiæ imposito, legationibus Etruriæ amicitiam petentibus præ se Romam ad Senatum missis, consul præstantiore etiam, quam dictator, victoria triumphans urbem est invehctus. quin etiam devictorum Samnitium decus magna ex parte ad legatos P. De-

1 *Argentariorum* ) Officinarum, in quibus argentea vasa fabricantur.

2 *Samnitium* ) Apud Romanos quoque hoc nomine gladiatores designabantur.

Decium & M. Valerium est verſum : quos populus proximis comitiis , ingenti conſenſu , conſulem alterum , alterum prætorem declaravit . Fabio ob egregie perdomitam Etruriam continuatur conſulatus : Decius collega datur . Valerius prætor quartum creatus , COSS. par-<sup>U. C.</sup> titi provincias , Etruria Decio , Samnium Fabio<sup>445.</sup> evenit . Is profectus ad Nuceriam , Alphaternam , jam tum pacem petentes , quod uti ea , cum daretur , noluiſſent , aſpernatus , oppugnando ſubegit . Cum Samnitibus acie dimicatum . haud magno certamine hoſtes victi ; neque ejus pugnae memoria tradita foret , ni Marſi eo primum prælio cum Romanis bellarent . Secuti Marſorum defectionem Peligni , eandem fortunam habuerunt . Decio quoque alteri COS. ſecunda belli fortuna erat . Tarquinienſem metu ſubegerat frumentum exercitui præbere , atque inducias in XL. annos petere . Vulſinienſium caſtella aliquot vi cepit : quædam ex iis diruit , ne receptaculo hoſtibus eſſent : circumferendoque paſſim bello , tantum terrorem ſui fecit , ut nomen omne Etruſcum foedus a COS. peteret . Ac de eo quidem nihil impetratum , induciæ annuæ datæ . ſtipendium exercitui Romano ab hoſte in eum annum penſum , & binæ tunicæ in militem exactæ . ea merces induciarum fuit .

## CAPUT XXX.

*Contra Umbros repente rebellantes juffus Fabius COS. ex Samnio ducere exercitum , rem feliciter gerit : ob id illi prorogatur imperium .*

**T**Ranquillas res in Etruſcis turbavit repentina defectione Umbrorum , gentis integræ a cladibus belli , niſi quod tranſitum exercitus ager ſenſerat . II , concitata omni juventute ſua , & magna parte Etruſcorum ad rebellionem compulſa , tantum exercitum fecerant , ut , relictæ poſt ſe in Etruria Decio , ad oppugnandam inde Romam ituros , magnifice de ſe , ac contemptim de Romanis loquentes , jaſtarent . Quod inceptum eorum ubi ad Decium COS. perlatum eſt , ad urbem ex Etruria magnis itineribus per-

pergit: & in agro Pupiniensi ad famam intentus hostium confedit. Nec Romæ spernebatur Umbrorum bellum: & ipsæ minæ metum fecerant expertis a Gallica clade, quam intutam urbem incolerent. itaque legati ad Fabium COS. missi sunt, ut, si quid laxamenti a bello Samnitium esset, in Umbriam propere exercitum duceret. dicto paruit COS.; magnisque itineribus ad Mevaniam, ubi tum copię Umbrorum erant, perrexit. Repens adventus COS., quem procul Umbria in Samnio bello alio occupatum crediderant, ita exterruit Umbros, ut alii recedendum ad urbes munitas, quidam bellum omittendum censerent. 1 Plaga una (materinam ipsi appellant) non continuit modo ceteros in armis, sed confestim ad certamen egit. castra vallantem Fabium adorti sunt. quos ubi effusos ruere in munimenta consul vidit, revocatos milites ab opere, prout loci natura tempusque patiebatur, ita instruit: cohortatusque prædicatione vera qua in Tuscis, qua in Samnio partorum decorum, exiguam appendicem Etruscis belli conficere jubet; & vocis impię poenas expetere, qua se urbem Romanam expugnatos minati sunt. Hęc tanta sunt alacritate militum audita, ut clamor sua sponte ortus loquentem interpellaverit ducem. ante imperium deinde concentu tubarum ac cornuum cursu effuso in hostem feruntur: non tamquam in viros, aut armatos incurrunt. Mirabile dictu: signa primo eripi cœpta signiferis: deinde ipsi signiferi trahi ad consulem: armatique milites ex acie in aciem transferri. & sicubi est certamen, sentis magis, quam gladiis geritur res. umbonibus, 2 incussa ala sternuntur hostes: Plus capitur hominum, quam cæditur: atque una vox ponere arma jubentium, per totam fertur aciem. Itaque inter ipsum certamen facta deditio est a primis auctoribus belli. postero insequentibusque diebus & ceteri Umbrorum populi deduntur. Oericulani sponsione in amicitiam accepti. Fabius alienę sortis victor belli,

in

1 Plaga una) Plaga hic populum significat.

2 Incussa . . ala) Incusso lacerto. Tale quid l. XXX c. 34. Ala deinde & umbonibus pulsantes.

in suam provinciam exercitum reduxit . itaque <sup>42.</sup>  
 ei ob res tam feliciter gestas , sicut priore anno U. C.  
 populus continuarat consulatum , ita senatus in <sup>446.</sup>  
 sequentem annum , quo Ap. Claudius , L. Vo-  
 lumnus COSS. fuerunt , prorogavit , maxime  
 Appio adversante , imperium .

## CAPUT XXXI.

*Volumnius Cos. cum Sallentinis prospere pugnat.  
 Fabius procos. Samnites fusos in castra , & ad  
 deditionem compulsos , sub jugum mittit . Her-  
 nici , quod cives sui , qui pro Samnitibus mi-  
 litaverant , Romam missi , in custodiam traditi  
 essent , Romanis bellum indicunt .*

**A**ppium cenforem petisse consulatum , comi-  
 tiaque ejus ab L. Furio Tr. pl. interpella-  
 ta , donec se censura abdicavit , in quibusdam  
 annalibus invenio . Creatus consul , cum colle-  
 gae novum bellum Sallentini hostes decernerent-  
 ur , Romae mansit , ut urbanis artibus opes au-  
 geret , quando belli decus penes alios esset .  
 Volumnium provinciae haud poenituit . multa  
 secunda praelia fecit : aliquot urbes hostium vi-  
 cepit . praedae erat largitor ; & benignitatem per  
 se gratam comitate adjuvabat : militemque iis  
 artibus fecerat & periculi , & laboris avidum .  
 Q. Fabius proconsul ad urbem Allifas cum Sa-  
 mnitum exercitu signis collatis configit . mi-  
 nime ambigua res fuit . fusi hostes , atque in  
 castra compulsi . nec castra forent retenta , ni  
 exiguum superfuisset diei : ante noctem tamen  
 sunt circumfessa , & nocte custodita ; ne quis  
 elabi posset . postero die , vixdum luce certa ,  
 deditio fieri coepit : & pacti , qui Samnitium  
 forent , ut cum singulis vestimentis emitteren-  
 tur . hi omnes sub jugum missi . sociis Samni-  
 tium nihil cautum . ad VII. millia sub corona  
 venire . qui se civem Hernicum dixerat , seor-  
 sum in custodia habitus . eos omnes Fabius  
 Romam ad senatum misit : & cum quaesitum  
 esset , delectu , an voluntarii pro Samnitibus  
 adversus Romanos bellarent : per Latinos  
 populos custodiendi dantur , jusque eam  
 inte-

integram rem novi COSS. P. Cornelius Aruina, Q. Martius Tremulus ( ii enim jam creati erant ) ad Senatum referre . id ægre passi Hernici , consilium populorum omnium habentibus Anagninis in circo , quem Maritimum vocant , præter Alatrinatem , Ferentinatēque , & Verulanum , omnes Hernici nominis populo Romano bellum indixerunt .

## C A P U T XXXII.

*Martius Cos. Hernicos subigit : cum in Samnium , ubi difficulter collega rem gerebat , transisset , ipsius adventu Samnites quoque debellantur : ob militarem virtutem , præter triumphum , statua equestri in foro posita decoratur .*

43. **I**N Samnio quoque , quia decesserat inde Fabius , novi motus exorti . Calatia & Sora , præsidiaque , quæ in iis Romana erant , expugnata : & in captivorum corpora militum fœde lævitum . itaque eo P. Cornelius cum exercitu missus . Martio novi hostes ( jam enim Anagninis Hernicisque aliis bellum iustum erat ) decernuntur . Primo ita omnia opportuna loca hostes inter consulum castra interceperunt , ut pervadere expeditus nuntius non posset ; & per aliquot dies incerti rerum omnium , suspensique de statu alterius , uterque consul ageret , Romanamque is metus manaret ; adeo , ut omnes iuniores sacramento adigerentur , atque ad subita rerum duo iusti scriberentur exercitus . 1 Ceterum Hernicum bellum nequaquam pro præsentis terrore , ac vetustate gentis gloriæ fuit . nihil usquam dictu dignum ausi , trinis castris intra paucos dies exuti , triginta dierum 2 inducias , ita ut ad Senatum Romam legatos mitterent , pacti sunt bimestri stipendio , frumentoque , & singulis in militem tunicis . ab senatu ad Martium rejecti , cui S. C. permissum de Hernicis erat : isque gentem in deditionem accepit . Et in Samnio alter COS. , superior viribus , locis impeditior erat . omnia itinera obse-

1 Ceterum Hernicum bellum ) Reliqua Hernici belli , ut ceteram sit nomen , non a verbum .

2 Inducias . . . pacti sunt bimestri stipendio ) J. e. ea lege ut bimestre stipendium exercitui Romano praberent ,

pferant hostes, saltusque pervios ceperant; ne-  
 qua subvehi commectus possent. neque eos,  
 cum quotidie signa in aciem consul proferret,  
 elicere ad certamen poterat: satisque apparet,  
 neque Samnitum certamen praesens, nec Roma-  
 num dilationem belli laturum. Adventus Mar-  
 tii, qui Hernicis subactis maturavit collegae  
 venire auxilio, moram certaminis hosti exemit.  
 nam, ut qui ne alteri quidem exercitui se ad  
 certamen credidissent pares, conjungi utique  
 passi duos consulares exercitus, nihil crederent  
 superesse spei; advenientem in composito agmine  
 Martium aggrediuntur. raptim collatae fardinae  
 in medium: & prout tempus patiebatur, in-  
 structa acies. clamor primum in stativa perla-  
 tus, deinde conspectus procul pulvis tumultum  
 apud alterum consulem in castris fecit.isque,  
 confestim arma capere jussis, raptimque eductis  
 in aciem militibus, transversam hostium aciem,  
 atque alio certamine occupatam invadit, clami-  
 tans, *summum flagitium fore, si alterum exer-*  
*citum utriusque victoria compotem sinerent fieri,*  
*nec ad se sui belli vindicarent decus.* Qua im-  
 petum dederat, perumpit; aciemque per me-  
 diam in castra hostium tendit; & vacua defen-  
 soribus capit, atque incendit. Quae ubi flagran-  
 tia Martianus miles conspexit, & hostes respe-  
 xere; tum passim fuga coepta Samnitium fieri.  
 sed omnia obrinet caedes: nec in ullam partem  
 tutum perfugium est. jam, XXX. millibus ho-  
 stium caesis, signum receptui consules dederant:  
 colligebantque in unum copias, invicem inter  
 se gratantes: cum repente visae procul hostium  
 novae cohortes, quae in supplementum scriptae  
 fuerant, integrare caedem. in quas nec jussu  
 consulum, nec signo accepto victores vadunt,  
 malo tirocinio imbuendum Samnitum claman-  
 tes. Indulgent COSS. legionum ardori; ut qui  
 probe scirent, novum militem hostium, inter  
 percussos fuga veteranos, ne tentando quidem  
 satis certaminis fore. nec eos opinio fefellit.  
 omnes Samnitium copiae veteres, novaeque mon-  
 tes proximos fuga capiunt. eo & Romana eri-  
 gitur acies: nec quicquam satis tuti loci victis.  
 & de jugis, quae ceperant, funduntur. jamque  
 una



una voce omnes pacem petebant. Tum, trium mensium frumento imperato, & annuo stipendio, ac singulis in militem tunicis, ad senatum pacis oratores missi. Cornelius in Samnio relictus. Martius de Hernicis triumphans in urbem rediit: statnaque equestris in foro decreta est, quæ ante templum Castoris posita est. Hernicorum tribus populis, Alatrinati, Verulano, Ferentinati, i quia maluerunt, quam civitatem, suæ leges reddita: connubium inter ipsos, quod aliquandiu soli Hernicorum habuerunt, permittum. Anagninis, quique arma Romanis intulerant, civitas sine suffragii latitudine data; concilia, connubiaque adempta: & magistratibus, præterquam sacrorum curatione, interdictum. Eodem anno ædes Salutis a C. Junio Bubulco censore locata est: quam COS. bello Samnitium voverat. ab eodem, collegaque ejus M. Valerio Maximo viæ per agros publica impensa factæ: & cum Carthaginienibus eodem anno fœdus tertio renovatum: legatisque eorum

44. qui ad id venerant, comiter munera missa. Dictatorem idem annus habuit P. Cornelium Scipionem, cum magistro equitum P. Decio Mure. U. C. ab iis, propter quæ creati erant, comitia consularia habita, quia neuter COSS. potuerat bello abesse. Creati COSS. L. Postumius, T. Minutius. Hos COSS. Piso Q. Fabio & P. Decio suggerit: biennio exempto, quo Claudium Volturnumque, & Cornelium cum Martio COSS. factos tradidimus. memoria ne fugerit in annalibus digerendis, an consulto binos consules falsos ratus transcenderit, incertum est. Eodem anno in campum Stellatæ agri Campani Samnitium incursiones factæ. itaque ambo COSS. in Samnium missi. cum diversas regiones, Trifernum Postumius, Bolam Minutius petissent: Postumii prius ductu ad Trifernum pugnatum. Alii haud dubie Samnites victos, ac triginta millia inde hominum capta tradunt: alii Marte æquo discessum: & Postumium metum simultatem, nocturno itinere clam in montes copias abduxisse: hostes secutos duo millia inde locis muni-

i. Quia maluerunt, quam civitatem) I. e. suis legibus vivere maluerunt, quam cives esse Romani.

munitis & ipsos confedisse. Consul, ut statim tuta copiosaue (& ita erant) petisse videretur; postquam & munimentis castra firmavit, & omnia apparatu rerum utilium instruxit, relicto firmo præsidio, vigilia tertia, qua duci proxime potest, expeditas legiones ad collegam, & ipsum adversus alios sedentem, ducit. ibi auctore Postumio Minutius cum hostibus signa confert. & cum anceps prælium in multum diei processisset, tum Postumius, integris legionibus defessam jam aciem hostium improvise invadit. itaque cum lassitudo ac vulnera fugam quoque præpedissent, occisione occisi hostes: signa unum & viginti capta: atque inde ad castra Postumii perrectum. Ibi duo victores exercitus perculsum jam fama hostem adorti fundunt, fugantque: signa militaria sex & viginti capta, & imperator Samnitium C. Gellius, multique alii mortales: & castra utraque capta: & Bola, ubi postero die captum oppugnari, brevi capitur. magnaue gloria rerum gestarum consules triumpharunt. Minutium COS. cum vulnere gravi relatum in castra mortuum, quidam auctores sunt, & M. Fulvium in locum ejus consulem susceptum, & ab eo, cum ad exercitum Minutii missus esset, Bolam captam. Eodem anno Sora, Arpinum, Serennia recepta ab Samnitibus. Herculis magnum simulacrum in Capitolio positum, dedicatumque.

## CAPUT XXXIII.

*Samnitibus fœdus datur: Æquis, qui Samnites contra Romanos auxilium juverant, & postea aperte etiam defecerant, bellum indicitur: captis & incensis eorum quadraginta oppidis, Æquorum nomen prope ad internecionem deletur.*

**P** Sulpitio Saverione, P. Sempronio Sopho<sup>45.</sup>  
 . COSS. Samnites, seu finem, seu dilatio-<sup>O. C.</sup>  
 nem belli quærentes, legatos de pace Romam<sup>449.</sup>  
 misere. quibus suppliciter agentibus responsum  
 est: *nisi sape bellum parantes pacem petissent*  
*Samnites, oratione ultro citroque habita, de pace*  
*transigi potuisse: nunc, quando verba vana ad id*  
*loco-*

locorum fuerint, rebus standum esse: P. Semprius  
 COS. cum exercitu brevi in Samnio fore:  
 eum, ad bellum pacem ne inclinent animi, falli  
 non posse: comperta omnia Senatui relaturum:  
 decedentem ex Samnio COS. legati sequerentur:  
 Eo anno cum pacatum Samnium exercitus Ro-  
 manus benigne præbito comineatu peragrasset,  
 fœdus antiquum Samnitibus redditum. Ad Æ-  
 quos inde veteres hostes, ceterum per multos  
 annos sub specie infidæ pacis quietos, versa ar-  
 ma Romana: quod, incolumi Hernico nomine,  
 misitaverant simul cum iis Samniti auxilia;  
 &, post Hernicos subactos, universa prope gens  
 sine dissimulatione consilii publici ad hostes de-  
 sciverat: & postquam, isto Romæ cum Samni-  
 tibus fœdere, fetiales venerant res repetitum,  
 tentationem aiebant esse, ut, terrore incusso bel-  
 li, Romanos se fieri paterentur: quod quantopere  
 optandum foret, Hernicos docuisse, cum, qui-  
 bus licuerit, suas leges Romana civitati præ-  
 ptaverint: quibus legendi, quid mallent, copia  
 non fuerit, pro pœna necessariam civitatem fore.  
 Ob hæc vulgò in conciliis jactata, populus  
 Romanus bellum fieri Æquis iussit: consules-  
 que ambo ad novum profecti bellum, quatuor  
 millibus a castris hostium confederunt. Æquo-  
 rum exercitus, ut qui suo nomine per multos  
 annos imbelles egissent, tumultuario similis,  
 sine ducibus certis, sine imperio, trepidare. alii  
 exeundum in aciem, alii castra tuenda censent.  
 mover plerosque vastatio futura agrorum, ac  
 deinceps cum levibus præsiidiis urbium relictarum  
 excidia: itaque, postquam inter multas  
 sententias una, quæ, omissa cura communium,  
 ad respectum suarum quemque rerum avertisset,  
 audita; ut prima vigilia diversi e castris ad de-  
 portanda omnia, tuendasque mœnibus in urbes  
 abirent: cuncti eam sententiam ingenti assensu  
 accepere. Palatis hostibus per agros, prima lu-  
 ce Romani, signis prolatis, in acie consistunt;  
 &, ubi nemo obvius ibat, pleno gradu ad ca-  
 stra hostium tendunt. ceterum, postquam ibi  
 neque stationes pro portis, nec quemquam in  
 vallo, nec fremitum consuetum castrorum ani-  
 madverterunt, insolito silentio moti, metu in-  
 sidia-

fidiarum subsistunt. transgressi deinde vallum, cum deserta omnia invenissent, pergunt hostem vestigiis sequi. sed vestigia in omnes æque ferentia partes, ut in dilapsis passim, primo errorem faciebant: post, per exploratores compertis hostium consiliis, ad singulas urbes circumferendo bello, unum & quadraginta oppida intra dies quinquaginta omnia oppugnando ceperunt: quorum pleraque diruta, atque incensa: nomenque Æquorum prope ad interuersionem deletum. De Æquis triumphatum: exemploque eorum clades fuit, ut Marrucini, Marsi, Peligni, Frentani mitterent Romam oratores pacis petendæ, amicitiaque. iis populis fœdus petentibus datum.

C A P U T XXXIV.

*C. Flavius ex humili fortuna per forensē factionem adilitatem curulem consequutus, adversus nobiles, sua conditionis contemptores, multa contumaciter facit; ex indignatione, quod in manu humiliorum comitia essent, sit ordinum in Civitate discessio: ad eos reconciliandos Q. Fab. Censor turbam forensē in quatuor tribus, urbanas appellatas, conjicit. inde Maximi sibi nomen parit.*

**E**odem anno C. Flavius Cn. filius, scriba, 46, patre libertino, humili fortuna ortus, ceterum callidus vir, & facundus, ædilis curulis fuit. Invenio in quibusdam annalibus, 1 cum appareret ædilibus, fierique se pro tribu ædilem videret, 2 neque accipi nomen, 3 quod scriptum faceret; 4 tabulam posuisse, & jurasse se scriptum non facturum. Quem aliquanto antea desisse scriptum facere, arguit Macer Licinius, tribunatu ante gesto, triumviratibusque, 5 nocturno altero, altero coloniarum deducendæ. Ceterum

1 Quam appareret ædilibus ) Quam inter apparitores ædiliū esset.

2 Neque accipi nomen ) Neque rationem sui haberi tamquam legitimi candidati.

3 Quia scriptum faceret ) Quod scribæ ministerio fungeretur. Scriptum hic a scripsit, ut.

4 Tabulam ) Quæ erat velut insignis ministerii sui.

5 Nocturno ) Triumviri nocturni incendiis per urbem arceudis præerant.

conjecit, urbanasque eas appellavit, adeoque  
eam rem acceptam gratis animis ferunt, ut Ma-  
ximi cognomen, quod tot victoriis non pepe-  
rerat, hac ordinum temperatione pareret. Ab  
eodem institutum dicitur, ut equites Idibus  
quintilibus transyherentur.

# DECADIS PRIMÆ

## LIBER DECIMUS.

### CAPUT I.

*Sora, & Alba colonia deducuntur: de Frusina-  
ribus; quod Hernicos sollicitassent, supplicium  
sumitur. In Umbriam propter quasdam in-  
cursiones fit parva expeditio. Æquos ad bel-  
lum coortos Dictator Junius Bubulcus supe-  
rat: classis Græcorum ad litora Italia deser-  
tur: a finibus Sallentinorum a Rom. repulsa,  
ad Venetorum litora pervenit: cum terras Pa-  
tavinorum tenuisset, ibi magna clade fœdatur.*



UCIO Genucio, Ser. Cornelio  
consulibus ab externis ferme bellis  
otium fuit. Soram, atque Albam  
in Æquos sex millia colonorum  
scripta. Sora agri Volsci fuerat: sed  
posiderant Samnites. eo quatuor  
millia hominum missa. Eodem anno i Arpinatibus,  
Trebullanisque civitas data. Frusinates  
tertia parte agri damnati, quod Hernicos ab eis  
sollicitatos compertum: capitaque conjurationis  
ejus, quæstione ab COSS. ex S. C. habita, virgis  
cæsi, ac securi percussi. tamen, ne prorsus imbel-  
lem agerent annum, parva expeditio in Umbriæ  
facta est, quod nuntiabatur, ex spelunca quadam  
excursionibus armatorum in agros fieri. in eam spe-  
luncam penetratum cum signis est, & ex eo loco  
obscuro multa vulneca accepta, maximeque lapi-  
dum ictu; donec, altero specus ejus ore (nam per-  
vius erat) invento, utræque fauces congestis li-

I. C.  
450

Tom. I.

C c

gnis

(i Arpinatibus) Arpinum in Volscis patria fuit Marii &  
Ciceronis.

flamman̄ tecta: hominum, pecudumque prædas agunt: & dulcedine prædandi longius usque a navibus procedunt. hæc ubi Patavium sunt nuntiata, (semper autem eos in armis accolæ Galli habebant) in duas partes juventutem dividunt. altera in regionem, qua effusa populatio nuntiabatur: altera, ne cui prædonum obvia fieret, altero itinere ad stationem navium (millia autem XIV. ab oppido aberat) ducta. in naves parvas, custodibus interemtis, impetus factus: territique nautæ coguntur naves in alteram ripam amnis trajicere. & in terra prosperum æque in palatos prædatores prælium fuerat: refugientibusque ad stationem Græcis Veneti obstitunt. ita in medio circumventi hostes, cælique. pars capti classem indicant, regemque Cleonymum tria inde millia abesse. ibi captivis proximo vico in custodiam datis, pars fluviatiles naves, ad superanda vada stagnorum apte planis alveis fabricatas, pars captiva navigia armatis complent: profectique ad classem, immobiles naves, & loca ignota plus quam hostem timentes circumvadunt: fugientesque in altum, ac nusquam repugnantes usque ad ostium amnis persecuti, captis quibusdam, incensisque navibus hostium, quas trepidatio in vada intulerat, victores revertuntur. Cleonymus, vix quinta parte navium incolumi, nulla regione maris Adriatici prospere adita, discessit. rostra navium, spoliaque Iaconum in æde Junonis veteri fixa, multi supersunt qui viderunt. Patavii monumentum navalis pugnae eo die, quo pugnatum est, quotannis solemni certamine navium in flumine oppidi medio exercetur.

## CAPUT II.

*Exorto ab Etruscis, & Marfis terrore, dicitur Dictator M. Valerius Maximus: Marfis victis, dum ille Roma abest causa repetendorum auspiciorum, magister equitum ab Etruscis circumventus, cladem accipit: reversus Dictator, nequicquam denuo insidias molitos Etruscos superat; ac de illis triumphat.*

**E**odem anno Romæ cum Vestinis perentibus amicitiam ictum est fœdus. Multiplex

deinde exortus terror. Etruriam rebellare ab Aretinorum seditionibus motu orto nuntiabatur: ubi Licinium genus præpotens, divitiarum invidia pelli armis cœptum. simul a Marsis agrum vi teneri, in quem colonia Carsæoli deducta erat, quatuor millibus hominum scriptis. itaque propter eos tumultus dictus M. Valerius Maximus dictator, magistrum equitum sibi legit M. Æmilium Paulum. id magis credo, quam Q. Fabium, ea ætate, atque eis honoribus, Valerio subiectum. Ceterum ex Maximi cognomine ortum errorem haud abnuerrim. Profectus dictator cum exercitu, prælio uno Marfos fundit. compulsis deinde in urbes munitas, Miloniam, Plestiniam, Fregiliam intra dies paucos cepit: & parte agri multatis Marsis fœdus restituit. Tum in Etruscos versum bellum. & cum dictator auspiciis repetendorum causa profectus Romam esset, magister equitum pabulatum egressus, ex insidiis circumvenitur, signisque aliquot amissis, fœda militum cæde ac fuga in castra est compulsus. qui terror non eo tantum a Fabio abhorret, quod si qua alia arte cognomen suum æquavit, tum maxime bellicis laudibus: sed etiam, quod memor Papirianæ sævitæ, numquam, ut dictatoris injussu dimicaret, adduci potuisset. Nuntiata ea clades Romam, majorem, quam res erat, terrorem excivit. nam, ut exercitu deleta, ita institutum indictum, custodiæ in portis, vigiliæ vicatim exactæ; arma, tela in muros congesta. omnibus junioribus sacramento adactis, dictator ad exercitum missus, omnia spe tranquilliora, & composita magistri equitum cura, castra in tutiorem locum redacta, cohortes, quæ signa amiserant, extra vallum sine tentoriis destitutas invenit, exercitum avidum pugnae, quo maturius ignominia aboleretur. itaque confestim castra inde in agrum Rusellanum promovit. eo & hostes secuti. & quamquam ex bene gesta re summam & in aperto certamine virium spem habebant; tamen insidiis quoque, quas feliciter experti erant, hostem tentant. Tecta semiruta, vici per vastationem agrorum deusti, haud procul castris Romano-

rum aberant. ibi abditis armatis, pecus in conspectu præsidii Romani, cui præerat Cn. Fulvius legatus, propulsum. ad quam illecebram cum commoveretur nemo ab Romana statione, pastorum unus progressus sub ipsas munitiones inclamat alios cunctanter ab ruinis vici pecus propellentes: quid cessarent, cum per media castra Romana tuto agere possent? Hæc cum legato Cerites quidam interpretarentur, & per omnes manipulos militum ingens esset indignatio, nec tamen injussu movere se auderent: jubet peritos linguæ attendere animum, pastorum sermo agresti an urbano propior esset. Cum referrent, sonum linguæ, & corporum habitum, & nitorem, cultiora, quam pastoralia esse: *Ite igitur, dicite, inquit, detegant nequicquam conditas insidias: omnia scire Romanum: nec magis jam dolo capi, quam armis vinci posse.* Hæc ubi audita sunt, & ad eos, qui confederant in insidiis, perlata; consurrectum repente ex latrebris est, & in patentem ad conspectum undique campum prolata signa. visa legato major acies, quam quæ ab suo præsidio sustineri posset. itaque propere ad dictatorem auxilia accitum mittit: interea ipse impetus hostium sustinet. Nuntio allato, dictator signa ferri, ac sequi armatos jubet. sed celeriora prope omnia imperio erant. raptâ extemplo signa, armaque: & vix ab impetu & cursu tenebantur. cum ira ab accepta nuper clade stimulabat, tum concitator accidens clamor ab increfcente ceramine. urgent itaque alii alios, hortanturque signiferos ut ocyus eant. quo magis festinantes ire videt dictator, eo impensius retentat agmen, ac sensim incedere jubet. Etrusci contra, i principio exciti pugnae, omnibus copiis aderant. & super alios alii nuntiant dictatori, omnes legiones Etruscorum capessisse pugnam; nec jam ab suis resisti posse. & ipse cernit ex superiore loco, in quanto discrimine præsidium esset. Ceterum fretus satis esse etiam nunc tolerando certamini legatum, nec se procul abesse periculi vindicem, quam maxime vult

Cc } fati-

i Principio exciti pugnae ) Principio pugnae a suis insidiatoribus commissa exciti e castris.



fatigari hostem, ut integris adoriatur viribus fessos. quamquam lente procedunt, jam tamen ad impetum capiendum equiti utique modicum erat spatium. Prima incedebant signa legionum, ne quid occultum aut repentinum hostis timeret: sed reliquerat intervalla inter ordines pedatum, qua satis laxo spatio equi perimitti possent. <sup>1</sup> Pariter sustulit clamorem acies: & immissus eques libero cursu in hostem invehitur; <sup>2</sup> in compositisque adversus equestrem procellam subitum pavorem offundit. Itaque ut prope ferum auxilium jam pene circumventis, ita universa requies data est. integri accipere pugnam: nec ea ipsa longa, aut anceps fuit. fusi hostes castra repetunt, inferentibusque jam signa Romanis cedunt, & in ultimam castrorum partem conglobantur. hærent fugientes in angustiis portarum: pars magna aggerem vallumque conscendunt, si aut ex superiore loco tueri se, aut superare aliqua & evadere possent. Forte quodam loco male densatus agger pondere superstantium in fossiam procubuit: atque ea cum deos pandere viam fugæ conclamassent, plures inermes quam armati evadunt. Hoc prælio fractæ iterum Erruscorum vires: & pacto annuo stipendio, & duum mensium frumento, permisum ab dictatore, ut de pace legatos mitterent Roman. Pax negata: induciæ biennii datæ. Dictator triumphans in urbem rediit. Habeo auctores, sine ullo memorabili prælio pacatam ab dictatore Etruriam esse, seditionibus tantum Aretinorum compositis, & Licinio genere cum plebe in gratiam reducto. COS. ex dictatura factus M. Valerius. Non petentem, atque adeo etiam absentem creatum, credidere quidam; & per interregem ea comitia habita. id unum non ambigitur, consulatum cum Apulejo Pansa gessisse.

C A.

<sup>1</sup> Pariter) Uno eodemque tempore.

<sup>2</sup> Incompositis) Quum incompositi essent præ ardore pugnandi.

## CAPUT III.

*Ceteris rebus tranquillis, discordiam excitant tribuni plebis Q., & Cn. Ogulni; a quibus promulgata rogatio, ut quatuor pontifices, & quinque augures de plebe adlegerentur, certaminum causa est inter Ap. Claudium, & P. Decium Murem: propugnante pro lege Decio, ea tandem accipitur.*

**M** Valerio, & Q. Apulejo COSS. satis pa- 6.  
belli res, & induciæ quietum tenebant: Samni- U. C.  
tem multorum annorum cladibus dominum, haud 452  
dum fœderis novi pœnitebat. Romæ quoque  
plebem quietam & exoneratam deducta in co-  
lonias multitudo præstabat. tamen, ne undique  
tranquilla res essent, certamen injectum inter  
primores civitatis patricios plebeiosque ab Tr.  
pl. Q. & Cn. Ogulniis. qui, undique cri-  
minandorum patrum apud plebem occasione-  
bus quæsis, postquam alia frustra tentata  
erant, eam actionem susceperunt, qua non in-  
finam modo plebem accenderent, sed ipsa ca-  
pita plebis, consulares triumphalesque plebeios:  
quorum honoribus nihil, præter sacerdotia,  
quæ nondum promiscua erant, decisset. rogatio-  
nem ergo promulgarunt, ut, cum quatuor au-  
gures, quatuor pontifices ex tempestate essent,  
placeretque augeri sacerdotum numerum; qua-  
tuor pontifices, quinque augures, de plebe o-  
mnes adlegerentur. Quemadmodum ad quatuor  
augurum numerum, nisi morte duorum, id red-  
igi collegium potuerit, non invenio: cum in-  
ter augures constet, 1 imparem numerum de-  
bere esse: ut tres antiquæ tribus, Ramnenses,  
Tatienenses, & Læterenses inum quæque augurem ha-  
beant; aut, si pluribus sit opus, pari inter se  
numero sacerdotes multiplicent: sicut multipli-  
cati sunt, cum ad quatuor quinque adjecti,  
novem numerum, ut terni in singulas es-  
sent, expleverunt. Ceterum quia de plebe

Cc 4

adle-

1 Imparem numerum 1 Nempe ternarium, vel e ternario factum.

adlegebantur; juxta eam rem ægre passi patres, quam cum consulatum vulgari viderent: simulabant ad deos id magis, quam ad se pertinere. ipsos visuros, ne sacra sua polluantur: id se optare tantum, ne qua in remp. clades veniat. minus autem tetendere, assueti jam tali genere certaminum vinci. & cernebant adversarios non id, quod olim vix speraverint, affectantes magnos honores; sed omnia jam, in quorum spem dubiam erat certatum, tamen adeptos, multiplices consulatus, censurasque, & triumphos.

7. Certatum tamen suadenda dissuadendaque lege inter Ap. Claudium maxime ferunt, & inter P. Decium Murem. qui cum eadem ferme de jure patrum ac plebis, quæ pro lege Licinia quondam, contraque eam dicta erant, cum plebeiis consularis rogabatur, discessissent: retulisse dicitur Decius parentis sui speciem, qualem cum multi qui in concione erant, viderant, incinctum Gabino cultu, super telum stantem: quo se habitu pro populo, ac legionibus Romanis devovisset, tum P. Decium COS. primum piumque diis immortalibus visum, æque ac si T. Manlius collega ejus devoveretur. eundem P. Decium, qui sacra publica populi Romani faceret, legi rite non potuisse? id esse periculum, ne suas preces minus audirent dii, quam Ap. Claudii? castius eum sacra privata facere, & religiosius deos colere, quam se? quem pœnitere votorum, quæ pro republica nuncupaverint tot COSS. plebei, tot dictatores, aut ad exercitus euntes, aut inter ipsa bella? Numerarentur duces eorum annorum, quibus plebeiorum ductu & auspicio res. geri cœpta sunt: numerarentur triumphi: 2 jam ne nobilitatis quidem sua plebeios pœnitere. Pro certo habere, si quod repens bellum oriatur, non plus spei fore Senatui populoque Romano in patriciis, quam in plebeiis ducibus. Quod cum ita se habeat; cui

1 Retulisse ... parentis sui speciem) Revocasse & oratione ob oculos imaginem parentis sui posuisse.

2 Jam ne nobilitatis) Nobilitas ducebatur ab majorum honoribus. Hinc plebei, quorum patres consulatum &c. gesserant, nobiles erant.

cui deorum hominumve indignum videri potest, inquit, eis viris, quos vos sellis curulis, toga pretexta, 1 tunica palmata, & 2 toga picta, & 3 corona triumphali, laureaque honoraritis, quorum domos spoliis hostium affixis insignes inter alias feceritis, pontificalia atque auguralia insignia adicere? Qui Jovis Opt. Max. ornatu decoratus, curru aurato per urbem vectus in Capitolium ascenderit; si conspiciatur cum 4 capide ac 5 lituo, capite velato victimam cadat, auguriumve ex arte capiat? cujus imaginis titulo consulatus, censuraque, & triumphus a quo animo legetur; si auguratum, aut pontificatum adjeceritis, non sustinebunt legentium oculi? equidem (pace dixerim deum) eos nos jam populi Romani beneficio esse spero, qui sacerdotibus non minus reddamus dignatione nostra honoris, quam acceperimus; & deorum magis, quam nostra causa expectamus, ut, quos privatim colimus, publice colamus. Quid autem ego sic ad- 8-  
huc egi, tamquam integra sit causa patriciorum de sacerdotibus, & non jam in possessione unius amplissimi simus sacerdotii? decemviros sacris faciundis, carminum Sybilla ac fatorum populi hujus interpretes, antistites eosdem Apollinaris sacri, carimoniarumque aliarum plebeios videmus. nec tum patriciis ulla injuria facta est, cum duumviris sacris faciundis adjectus est propter plebeios numerus: & nunc tribunicus, vir fortis ac strenuus, quinque augurum loca, quatuor pontificum adjecit, in quæ plebei nominentur: non ut vos, Appi, vestro loco pellant, sed ut adjuvent vos homines plebei divinis quoque rebus procurandis: sicut in ceteris humanis pro parte virili adjuvant. Noli erubescere, Appi, collegam in sacerdotio habere; quem in censura, quem in consulatu

Cc 5

col-

1 Tunica palmata) Intextis palmis ornata, quam triumphantes gestabant.

2 Toga picta) Toga purpurea diversarum rerum figuris ac pictis ornata erat, ipsa quoque triumphantium insignis.

3 Corona triumphali) Antiquitus e lauro, postea ex auro.

4 Capide) Capis poculi genus, a capiendo.

5 Litus) Lituus fuit baculus sine nodo aduncus.

collegam habere potuisti : cuius tam dictatoris magister equitum , quam magistri equitum dictator esse potes . Sabinum advenam principem nobilitatis vestra , seu Actium Clausum , seu Ap. Claudium mavultis , illi antiqui patricii in suum numerum acceperunt . ne fastidieris nos in sacerdotum numerum accipere . multa nobiscum decora asserimus : imo omnia eadem , qua vos superbos fecerunt . L. Sextius primus de plebe COS. est factus : Cajus Licinius Stolo primus magister equitum : C. Martius Rutilus primus & dictator , & censor : Q. Publilius Philo primus praetor . Semper ista audita sunt eadem : penes vos auspicia esse , vos solos gentem habere , vos solos justum imperium & auspiciū domi militiæque : æque adhuc prosperum plebeum , ac patricium fuit , porroque erit . 1. En Roma umquam fando audistis , patricios primo esse factos , non de calo demissos , sed qui patrem ciere possent , id est , nihil ultra quam ingenuos ? Consulē jam patrem ciere possum , avumque jam poterit filius meus . 2. Nihil est aliud in re , Quirites , nisi ut omnia negata adipiscamur . Certamen tantum patricii petunt , nec curant , quem eventum certaminum habeant . Ego hanc legem , quod bonum , faustum , felixque sit vobis ac reip. uti rogas , jubendam censeo . Vocare tribus exemplo populus jubebat : apparebatque accipi legem : ille tamen dies est intercessione sublatus . postero die deterritis tribunis , ingenti consensu accepta est . Pontifices creantur , finis legis , P. Decius Mus , P. Sempronius Sophus , C. Martius Rutilus , M. Livius Denther . Quinque augures item de plebe , C. Genucius , P. Ælius Pærus , M. Minutius Feslus , C. Martius , T. Publilius . Ita octo pontificum , novem augurum numerus factus .

CA-

1. En umquam ) Numquamne ?

2. Nihil est aliud in re ) Hoc unum agitur a patriciis , ut nihil adipiscamur , nisi negatum fuerit .

## CAPUT IV.

*Lex de provocatione ad populum a Valerio Gof. tertium fertur: ab eodem Æqui rebellantes fuperantur: Lustrum a cenforibus conditur: duatribus adduntur, Anienfis, & Terentina: in Umbria per fraudem duorum oppidanorum Nequinum capitur.*

**E**odem anno M. Valerius COS. de provocatione legem tulit, diligentius sanctam. tertio ea tum post reges exactos lata est semper a familia eadem. causam renovandæ sæpius haud aliam fuisse reor, quam quod plus paucorum opes, quam libertas plebis, poterant. Portia inde lex sola pro tergo civium lata videtur: quod gravi pœna, si quis verberasset, necassetve civem Romanum, sanxit. Valeria lex, cum eum, qui provocasset, virgis cædi, securique necari vetuisset; si quis adversus ea fecisset, nihil ultra, quam improbe, factum, adjecit. id (qui tum pudor hominum erat) visum credo vinculum satis validum legis. nunc vix servo ita minetur quisquam. Bellum ab eodem consule haudquaquam memorabile adversus rebellantes Æquos, cum, præter animos feroces, nihil ex antiqua fortuna haberent, gestum est. Alter COS. Apulejus in Umbria Nequinum oppidum circumfedit. locus erat arduus, atque in parte una præceps, ubi nunc Narnia sita est: nec vi, nec munimento capi poterat. itaque, <sup>U. C.</sup> <sup>451</sup> eam infectam rem M. Fulvius Pætus, T. Manlius Torquatus, novi COSS., acceperunt. In eum annum cum Q. Fabium COS. non potentem omnes dicerent centuriæ, ipsum auctorem fuisse Maer Licinius ac Tubero tradunt differendi sibi consulatus in bellicosiorum annum: eo anno majori se usui reipub. fore urbano gesto magistratu: ita nec dissimulantem, quid mallet, nec petentem tamen, ædilem curulem cum L. Papirio Cursore factum. Id ne pro certo ponerem, vetustior annalium auctor Piso effecit, qui eo anno ædiles curules fuisse tradit C. Domitium, Cn. F. Calvinum, & Sp. Carvilius, Q. F. Maximum. id cre-

do cognomen errorem in ædilibus fecisse, fecerantque fabulam mistam ex ædilitiis & consularibus comitiis convenientem errori. Et litrum eo anno conditum a P. Sempronio Sopho, & P. Sulpitio Saverione censoribus: 1. tribusque additæ duæ, 2. Aniensis, ac 3. Terentina. Hæc Romæ gesta, ceterum ad Nequinum oppidum cum segni obsidione tempus tereretur; duo ex oppidanis, quorum erant ædificia juncta muro, specu facto, ad stationes Romanas itinere occulto perveniunt; inde ad consulem deducti, præsidium armatum se intra mœnia & muros accepturos, confirmant. Nec aspernanda res visa, neque incaute credenda, cum alter eorum (nam alter obses retentus) duo exploratores per cuniculum missi: per quos satis compertare, trecenti armati transfuga duce in urbem ingressi, nocte portam, quæ proxima erat, cepere: qua refracta, COS. exercitusque Romanus sine certamine urbem invasere, ita Nequinum in ditionem populi Romani venit. colonia eo adversus Umbros missa, 4. a flumine Narnia appellata: exercitus cum magna præda Romam reductus.

## CAPUT V.

*Etrusci frustra conati cum Gallis per pecuniam societatem contra Romanos inire, bellum ipsi moliantur: cum profectus contra illos Manlius Cos., equo effusus, mortuus esset, mittitur M. Valerius Cos. dictus.*

**E**odem anno ab Etruscis adversus inducias paratum bellum. sed eos alta molientes Gallorum ingens exercitus fines ingressus, paulisper a proposito avertit. pecunia deinde, qua multum poterant, freti, socios ex hostibus facere Gallos conantur, ut eo adjuncto exercitu cum Romanis bellarent. de societate haud abnuunt barbari: de mercede agitur. qua pacta, acceptaque, cum parata cetera ad bellum essent, sequi-

1. Tribusque additæ duæ) Tunc tres & triginta tribus factæ.

2. Aniensis) Ab Aniene amne.

3. Terentina) A Terento, qui locus erat in Campo Martio.

4. A flumine Narnia appellata) Fluminis nomen, Næ.

seque Etruscos juberet: inficias eunt, mercedem se belli Romanis inferendi pactos: quicquid acceperint, accepisse, ne agrum Etruscum vastarent, armisque lacefferent cultores. militaturos tamen se, si utique Etrusci velint: sed nulla alia mercede, quam ut in partem agri accipiantur, tandemque aliqua sede certa constent. Multa de eo concilia populorum Etruriæ habita: nec perfici quicquam potuit; non tam quia imminui agrum, quam quia accolæ sibi quisque adjungere tam effratæ gentis homines horrebat. ita dimissi Galli pecuniam ingentem sine labore ac periculo partam retulerunt. Romæ terrorem præbuit fama Gallici tumultus ad bellum Etruscum adjecti; eo minus cunctanter fœdus ictum cum Picenti populo est. T. Manlio COS. Etruria provincia sorte evenit: qui vixdum ingressus hostium fines, cum exerceretur inter equites, ab rapido cursu circumagendo equo effusus, extemplo prope expiravit. tertius ab eo casu dies finis vitæ COS. fuit. quo velut omine belli accepto, deos pro se commisisse bellum memorantes Etrusci sustulere animos. Romæ tum desiderio viri, tum incommoditate temporis tristis nuntius fuit, ut patres ab jubendo dictatore consulis subrogandi comitia ex sententia principum habita deterruerint. M. Valerium COS. omnes sententiæ, centuriæque dixere; quem senatus dictatorem dici justurus fuerat. tum extemplo in Etruriam ad legiones proficisci jussit. Adventus ejus compressit Etruscos, adeo ut nemo extra munitiones egredi auderet: timorque ipsorum obsidioni similis esset. neque illos novus COS. vastandis agris, urendisque tectis, cum passim non villæ solum, sed frequentes quoque vici incendiis fumarent, elicere ad certamen potuit.

## C A P U T VI.

*De Samnitium defectione a Picentibus fama affertur: interim caritate annona laboranti civitati Fab. Max. adilis opitulatur: Lucanis Samnitium injurias nuntiantibus, icto cum illis fœdere, Samnitibus bellum indicitur.*

Cum hoc segnius bellum opinione esset; alterius belli, quod multis invicem claudibus ..



dibus haud immerito terribile erat, fama, Picentium novorum sociorum indicio, exorta est: Samnites arma, & rebellionem spectare: seque ab eis sollicitatos esse: Picentibus gratiæ actæ: & magna pars curæ patribus ab Erruria in Samnites versa est. Caritas etiam annonæ sollicitam civitatem habuit: ventumque ad inopiæ ultimum foret, (ut scripsere, quibus ædilem fuisse eo anno Fabium Maximum placet) ni ejus viri cura, qualis in bellicis rebus multis tempestatibus fuerat, talis domi tum in annonæ dispensatione præparando ac convehendo frumento fuisset. Eo anno (nec traditur causa) interregnum initum. interreges fuere, Ap. Claudius, dein P. Sulpitius. is comitia consularia U.C. habuit: creavit L. Cor. Scipionem, Cn. Ful-

454. vium COSS. Principio hujus annifatores Lucanorum ad novos COSS. venerunt questum: quia conditionibus perlicere se nequiverint ad societatem armorum, Samnites infesto exercitu ingressos fines suos vastare, belloque ad bellum cogere. Lucano populo satis superque erratum quondam; nunc ita obstinatos animos esse, ut omnia ferre ac pati tolerabilius ducant, quam ut unquam postea i nomen Romanum violent. Orare patres, ut & Lucanos in fidem accipiant, & vim atque injuriam ab se Samnitium arceant. se, quamquam bello cum Samnitibus suscepto, necessaria jam facta adversus Romanos fides sit,

12. tamen obsides dare paratos esse. Brevis consultatio senatus fuit. ad unum omnes jungendum fœdus cum Lucanis, resque repetendas ab Samnitibus censent. Benigne responsum Lucanis, ictumque fœdus. FERIALES missi, qui Samnitum decedere agro sociorum, ac deducere exercitum finibus Lucanis juberent. quibus obviam missi ab Samnitibus, qui denuntiarent, si quod adissent in Samnio concilium, haud inviolatos abituros. Hæc postquam audita sunt Romæ, bellum Samnitibus & patres censuerunt, & populus jussit.

CA-

i Nomen Romanum violent. De nomine Romano loquuntur, tamquam sacro & religioso. Violare enim est peccare in id quod sacrum & sanctum est.

## CAPUT VII.

*In Etruria, & in Samnio prospere a Coss. pugnatur.*

**C**OSS. inter se provincias partiti sunt. Scipioni Etruria, Fulvio Samnites obven-  
runt: diversique ad suum quisque bellum pro-  
ficiscuntur. Scipioni segne bellum, & simile  
prioris anni militiæ expectantē, hostes ad Vo-  
laterras instructo agmine occurrerunt. Pugna-  
tum majore parte diei, magna utrinque cæde.  
nox incertis, qua data victoria esset, interven-  
nit. lux insequens victorem, victumque ostendit.  
Nam Etrusci silentio noctis castra relique-  
runt. Romanus egressus in aciem, ubi profe-  
ctione hostium concessam victoriam videt, pro-  
gressus ad castra, vacuis, cum plurima præda  
(nam & stativa trepide deserta fuerant) poti-  
tur. Inde in Faliscum agrum copiis reductis,  
cum impedimenta Faleriis cum modico præsidio  
reliquisset, expedito agmine ad populandos ho-  
stium fines incedit. omnia ferro ignique va-  
stantur: prædæ undique actæ. nec solum modo  
vastum hosti relictum, sed castellis etiam vicif-  
que illatus ignis. Urbibus oppugnandis tempe-  
ratum, in quas timor Etruscos compulerat. Cn.  
Fulvii COS. clara pugna in Samnio ad Bovia-  
num, haudquaquam ambiguae victoriæ fuit.  
Bovianum inde aggressus, nec ita multo post  
Aufidenam vi cepit. Eodem anno Carseolos<sup>13</sup>  
colonia in agro Æquicolarum deducta. Ful-  
vius COS. de Samnitibus triumphavit.

## CAPUT VIII.

*Ob terrorem Etruscorum, & Samnitium simul ar-  
ma moventium, Q. Fabius Maximus primo  
renuens, deinde victus consensu civitatis, crea-  
tur Cos. quartum: huic petenti datur collega  
P. Decius.*

**C**UM comitia consularia instarent, fama ex-  
orta, Etruscos Samnitesque ingentes con-  
scribere exercitus, palam omnibus conciliis ve-  
xari principes Etruscorum, quod non Gallos qua-  
cumque conditione traxerint ad bellum; increpari  
magi-

magistratus Samnitium, quod exercitum, adversus Lucanum hostem comparatum, objecerint Romanis. itaque suis sociorumque viribus confurgere hostes ad bellum, & haudquaquam pari defungendum esse certamine. Hic terror, cum illustres viri Consulatum peterent, omnes in Q. Fabium Maximum primo non petentem, deinde, ut inclinata studia vidit, etiam recusantem, convertit. *Quid se jam senem, ac persumctum laboribus, laborumque premiis, sollicitarent? nec corporis, nec animi vigorem remanere eundem: & fortunam ipsam vereri, ne cui deorum nimia jam in se, & constantior, quam velint humana res, videatur. & se gloria seniorum succrevisse, & ad suam gloriam consurgentes alios latum aspicere. nec honores magnos fortissimis viris Roma, nec honoribus deesse fortes viros.* Acuebat hac moderatione tam justa studia: quæ verecundia legum restringenda ratus, legem recitari jussit, qua intra decem annos eundem consulem refici non liceret. Vix præ strepitu audita lex est. tribunique plebis nihil id impediementi futurum agebat. se ad populum laturos, uti legibus solveretur. Et ille quidem in recusando perstabat, *Quid ergo attineret leges fieri, rogans, quibus i per eosdem, qui tulissent, fraus fieret? jam regi leges, non regere. populus nihilominus suffragia inibat: & ut quæque intro vocata erat centuria, COS. haud dubie Fabium dicebat.* Tum demum consensu civitatis victus, *Dei approbent, inquit, quod agitis, acturique estis, Quirites. ceterum, quoniam in me, quod vos vultis, facturi estis; in collega sit mea apud vos gratia locus.* P. Decium, expertum mihi concordii collegio virum, dignum vobis, dignum parente suo, quæso, mecum consulem faciat. Justa suffragatio visa. omnes, quæ supererant, centuriæ, Q. Fabium, P. Decium COSS. dicere. Eo anno plerisque dies dicta ab ædilibus, quia plus, quam quod lege finitum erat, agri possiderent, nec quisquam ferme est purgatus: vinculumque ingens immodicæ cupiditatis injectum est.

CA.

<sup>1</sup> *Per eosdem qui tulissent* ) Nempe tribunos plebis.

<sup>2</sup> *Intro vocata* ) In civile.

## CAPUT IX.

*Cum fama allata esset, Etruscos agitari de pace petenda, aversa in Samnites belli mole, ibi a Q. Fabio, & P. Decio Coss. res prospere transigitur.*

COSS. novi, Q. Fabius Maximus quartum, 14. & P. Decius Mus tertium, cum inter se agitent, uti alter Samnites hostes, alter Etruscos deligeret; quantæque in hanc, aut in illam provinciam copiarum satis essent; & uter ad utrum bellum dux idoneus magis esset: ab Sutrio, & Neper, & Faleriis legati, auctores concilia Etruriæ populorum de petenda pace haberi, totam belli molem in Samnium avertunt. Profecti COSS. quo expeditiores commensus essent, & incertior hostis, qua venturum bellum foret, Fabius per Soranum, Decius per Sidicinum agrum, in Samnium legiones ducunt. Ubi in hostium fines ventum est, uterque populabundus effuso agmine incedit: explorant ramen latius, quam populantur. Igitur non fessellere ad Trifernum hostes in occulta valle instructi; qua ingressos Romanos superiore ex loco adoriri parabant. Fabius, impedimentis in locum tutum remoris, præsidioque modico imposito, præmonitis militibus adesse certamen, quadrato agmine ad prædictas hostium latebras succedit. Samnites desperantes improviso tumultu, quando in apertum semel discrimen evasura esset res, & ipsi acie justa maluerunt concurrere. itaque & in æquum descendunt; ac fortunæ se majore animo, quam spe, committunt. ceterum, seu quia ex omnium Samnitium populis quodcumque roboris fuerat contraxerant, seu quia discrimen summæ rerum augebat animos; aliquantum aperta quoque pugna præbuerunt terroris. Fabius, ubi nulla ex parte hostem loco moveri videt, M. Fulvium, & M. Valerium tribunos militum, cum quibus ad primam aciem procurrebat, ire ad equites jubet, & adhortari, ut, si quando umquam equestri rope adjutam rempublicam meminerint, illo,

1 Auctores } Quum nuntiassent, edocuisent.

illo die annitantur, ut ordinis ejus gloriam invictam præstent. peditum certamine immobilem hostem restare: omnem reliquam spem in impetu esse equitum. & ipsos nominatim juvenes pari comitate utrumque nunc laudibus, nunc promissis onerat. ceterum, quando ne ea quoque tentata vis proficeret; consilio grassandum, si nihil vires juvarent, ratis, Scipionem legatum hastatos primæ legionis subtrahere ex acie, & ad montes proximos, quam posset occultissime, circumducere jubet: inde ascensu abdito a conspectu erigere in montes agmen, & averso hosti ab tergo repente se ostendere. Equites ducibus tribunis haud multo plus hostibus quam suis, ex improvise ante signa everti, præbnerunt tumultus. adversus incitatas turmas stetit immota Samnitium acies; nec parte ulla pelli, aut perrumpi potuit. & postquam irritum incœptum erat, recepti post signa prælio excellerunt. Crevit ex eo hostium animus: nec sustinere frons prima tam longum certamen, incrementemque fiducia sui vim potuisset, ni secunda acies, jussu COS. in primam successisset. Ibi integræ vires sistunt invehientem se jam Samnitum, & i tempore improvise ex montibus signa, clamorque sublatus non vero metu tantum terrere Samnitium animos. Nam & Fabius Decium collegam appropinquare exclamavit; & pro se quisque miles, adesse alterum COS., adesse legiones, gaudio alacres fremunt: terrorque utilis Romanis oblatum, fugæ formidinisque Samnites implevit, maxime territos, ne ab altero exercitu integro intactoque fessi opprimerentur. & quia passim in fugam dissipati sunt, minor cædes, quam pro tanta victoria, fuit. tria millia & CCCC. cæsi: capti ad trecentos ferme & triginta: signa militaria capta

15. tria & viginti. Samnitibus Apuli se ante prælium conjunxissent, ni P. Decius, COS. alter, iis ad Maleventum castra objecisset, extractoque deinde ad certamen fudisset. Ibi quoque plus fugæ fuit, quam cædis. duo millia Apulorum cæsa. spretoque eo hoste Decius in Samnitum legiones duxit. Ibi duo consulares exercitus,

& Tempore,) In tempore, tempestive.

**E**rcitus, diversis vagati partibus, omnia spatio quinque mensium evastarunt. quadraginta & quinque loca in Samnio fuere, in quibus Decii castra fuerunt: alterius COS. sex & octoginta. nec valli tantum, ac fossarum vestigia relicta, sed multo illis insigniora monumenta vastatis circa regionibus depopulatisque. Fabius etiam urbem Cimetram cepit. ibi capta armatorum duo millia CCCC. cæsi ferme pugnantes ad quadringentos triginta.

## C A P U T X.

*Q. Fabius Maximus, quod diceret esse contra leges, se consulem refici, delatum & in hunc annum honorem recusat: creatis novis, ipsi, ac P. Decio, veteribus consulibus in Samnio prorogatur imperium.*

**I**Nde comitiorum causa Romam profectus, maturavit eam rem agere, cum primo vocata Q. Fabium COS. dicerent omnes centuriæ, Ap. Claudius consularis candidatus, vir acer & ambitiosus, non sui magis honoris causa, quam ut patricii recuperarent duo consularia loca, cum suis, tum totius nobilitatis viribus incubuit, ut se cum Q. Fabio COS. dicerent. Fabius de se eadem fere, quæ priore anno, dicendo abnuere. circumstare sellam omnis nobilitas: orare, ut ex cæno plebeio consulatum extraheret; majestatemque pristinam tum honori, tum patriciis gentibus redderet. Fabius, silentio facto, media oratione studia hominum sedavit. facturum enim se fuisse dixit, ut duorum patriciorum nomina reciperet, si alium, quam se, COS. fieri videret: nunc se sui rationem comitiis, cum contra leges futurum sit, pessimo exemplo non habiturum. Ita L. Voluminius de U. C. plebe cum Ap. Claudio COS. est factus, prior<sup>450.</sup> re item consulatu inter se comparati. Nobilitas objectare Fabio, fugisse eum Appium Claudium collegam, eloquentia, civilibusque artibus haud dubie præstantem. Comitiiis perfectis, 16. veteres COSS. iussi bellum in Samnio gerere, prorogato in sex menses imperio.

perit per exploratores, profectum Samnitiū exercitum, advocato concilio; *Quid per agros, inquit, vagamur, viciatim circumferentes bellum? quā urbes ac mœnia aggredimur? nullus jam exercitus Samnio praesidet. cessere finibus; ac sibi met ipsi exilium conscivere.* Approbantibus cunctis, ad Murgantiam, validam urbem, oppugnandam ducit. tantusque ardor militum fuit & caritate ducis, & spe majoris, quam ex agrestibus populationibus, praeda, ut uno die vi atque armis urbem caperent. ibi duo millia Samnitiū & centum pugnantes circumventi, captique: & alia praeda ingens capta est. quæ ne impedimentis gravibus agmen oneraret, convocari milites Decius jubet. *Haccine, inquit, victoria sola, aut hac praeda contenti estis futuri? vultis vos pro virtute spes gerere? omnes Samnitiū urbes, fortunæque in urbibus relicta vestra sunt, quando legiones eorum tot praliis fusas, postremo finibus expulstis. vendite ista: & illicite lucro mercatorem, ut sequatur agmen. ego subinde suggeram quæ vendatis.* Ad Romuleam urbem hinc eamus, ubi vos labor haud magnus, praeda major manet. Divendita praeda, ultro adhortantes imperatorem ad Romuleam pergunt. Ibi quoque sine opere, sine tormentis, simul admota sunt signa, nulla vi deterriti, a muris, quæ cuique proximum fuit, scalis raptim admotis in mœnia evasere. Captum oppidum, ac direptum est. ad duo millia & CCC. occisi: & sex millia hominum capta: & miles ingenti praeda potitus: quam vendere, sicut priorem, coactus, Ferentinum inde, quamquam nihil quietis dabatur, tamen summa alacritate ductus. ceterum ibi plus laboris ac periculi fuit. nam & defensa summa vi mœnia sunt: & locus erat munimento naturaque tutus. sed evicit omnia astrictus praeda miles. ad tria millia hostium circa muros cæsa: praeda militis fuit. Hujus oppugnatarum urbium decoris pars major in quibusdam annalibus ad Maximum trahitur. Murgantiam ab Decio, a Fabio Ferentinum Romuleamque oppugnatas tradunt. sunt qui novorum consulum hanc gloriam faciant.

quidam

1 Pro virtute spes gerere ) Dignas virtute vestra spes gerere.

quidam non amborum, sed alterius, L. Voluminii: ei Samnium provinciam evenisse.

## CAPUT XII.

*Consulum alter L. Voluminius in Samnium, Ap. Claudius in Etruriam proficiscitur: prospera fortuna usus Voluminius ad collegam, parum feliciter rem gerentem, dubium, an accitus, pergit: cum ab illo auxilium sperneretur, oritur inter utrumque certamen: jam abeuntem Voluminium perveniunt milites, ut vires contra Etruscos cum collega conjungat: ambo inde, pralio commisso, hostes superant.*

18. **D**UM ea in Samnio, cujuscumque ductu aspicioque gererentur, Romanis in Etruria interim bellum ingens multis ex gentibus concitur; cujus auctor Gellius Egnatius ex Samnitibus erat. Tusci fere omnes consciverant bellum: traxerat contagio proximos Umbriae populos: & Gallica auxilia mercede sollicitabantur. omnis ea multitudo ad castra Samnium conveniebat. Qui tumultus repens postquam Romam perlatus est, cum jam L. Voluminius COS. cum legionibus secunda ac tertia, sociorumque millibus quindecim profectus in Samnium esset: Ap. Claudium primo quoque tempore in Etruriam ire placuit. duæ Romanæ legiones secutæ, prima & quarta, & sociorum duodecim millia. castra haud procul ab hoste posita. Ceterum eo magis profectum est, quod mature ventum erat, ut quosdam spectantes jam arma in Etruria populos metus Romani nominis comprimeret, quam quod ductu COS. quicquam ibi satis scire, aut fortunate gestum sit. Multa prælia locis & temporibus iniquis commissa, spesque in dies graviores hostem faciebat. & jam prope erat, ut nec duci milites, nec militibus dux satis fideret. Litteras ad collegam arcessendum ex Samnio missas, in trinis annalibus invenio. piget tamen incertum ponere, cum ea ipsa inter COSS. populi Romani jam iterum eodem honore fungentes discrepatio fuerit,

<sup>1</sup> Ceterum eo magis profectum ) I. e. magis ad id profuit maturus ac celer consulis adventus, ut... quam &c.



fuerit , Appio abnuente missas , Volumnio affirmante Appii se litteris accitum . Jam Volumnius in Samnio tria castella ceperat , in quibus ad tria millia hostium caesa erant , dimidium fere ejus captum . Et Lucanorum seditiones , a plebeiis & egentibus ducibus ortas , summa optimatum voluntate per Q. Fabium pro consule missum eo cum veteri exercitu compresserat . Decio populandos hostium agros relinquit : ipse cum suis copiis in Etruriam ad collegam pergit : quem advenientem laeti omnes accepere . Appium ex conscientia sua credo animum habuisse hand immerito iratum , si nihil scripserat : illiberali , & ingrato animo , si eguerat ope , dissimulantem . vix enim salute mutua reddita , cum obviam egressus esset ; *Satin' salva , inquit , Luci Volumni ? ut sese in Samnio res habent ? qua te causa , ut provincia tua excederes , induxit ?* Volumnius in Samnio res prosperas esse ait : litteris ejus accitum venisse : quæ si falsæ fuerint , nec usus sui sit in Etruria , extemplo conversis signis abiturum . *Tu vero abeas , inquit , neque te quisquam moratur . etenim minime consentaneum est , cum bello tuo forsitan vix sufficias , hic te ad opem ferendam aliis gloriari venisse . Bene Hercules verteret , dicere Volumnius : malle frustra operam insumtam , quam quicquam incidisse , cur non satis esset Etruria unus consularis exercitus .* Digredientes jam COSS. legati tribunique ex Appiano exercitu circumstunt : pars imperatorem suum orare , ne collegæ auxilium , quod acciendum ultro fuerit , sua sponte oblatum sperneretur : plures abeunti Volumnio obistere , atque obtestari , ne pravo cum collega certamine rempublicam prodat . si qua clades incidisset , desertori magis , quam deserto noxia fore . eo rem adductam , ut omnis rei bene , aut secus gesta in Etruria decus dedecusque ad L. Volumnium sit delegatum . neminem quaesiturum , qua verba Appii ; sed qua fortuna exercitus fuerit . dimitti ab Appio eum ; sed a republica & ab exercitu retineri . experiretur modo voluntatem militum . Hæc monendo , obtestandoque prope resistentes COSS. in con-

\* al.  
inter  
pau-  
cor.

concionem pertraxerunt . ibi orationes longiores habitæ in eandem ferme sententiam , in quam  
\* ante paucis certatum verbis fuerat . Et cum  
Volumnius causa superior , ne infacundus quidem adversus eximiam eloquentiam collegæ visus esset , cavillansque Appius sibi acceptum referre diceret debere , quod ex nullo atque elingui facundum etiam COS. haberent : priore consulatione primis utique mensibus hiscere eum nequifse , nunc jam populares orationes ferere : *Quam mallet* , inquit Volumnius , *tu a me strenue facere , quam ego abs te scite loqui didicissem .* Postremo conditionem ferre , qua decretura sit , non orator , ( neque enim id desiderare reimpub. ) sed imperator uter sit melior : Etruriam , & Samnium provincias esse : utram mallet , eligeret . suo exercitu se vel in Etruria , vel in Samnio rem gesturum . Tum militum clamor ortus , ut simul ambo bellum Etruscum susciperent : quo animadverso consensu , Volumnius , *Quoniam in collegæ voluntate interpretanda* , inquit , *erravi , non committam , ut quid vos velitis , obscurum sit : manere , an abire me velitis , clamore significate .* Tum vero tantus est clamor exortus , ut hostes e castris exciret . armis arreptis in aciem descendunt . & Volumnius signa canere , ac vexilla efferri e castris iussit . Appium addubitasse ferunt , cernentem , seu pugnante , seu quieto se , fore collegæ victoriam : deinde veritum , ne suæ quoque legiones Volumnium sequerentur , & ipsum flagrantibus suis signum dedisse . Ab neutra parte satis commode instructi fuerunt : nam & Samnium dux Gellius Egnatius pabulatum cum cohortibus paucis ierat ; suoque impetu magis milites , quam cuiusquam ductu , aut imperio pugnam capelebant : & Romani exercitus nec pariter ambo ducti , nec satis temporis ad instruendum fuit . Prius concurrit Volumnius , quam Appius ad hostem perveniret . itaque fronte inæquali concursus est : & velut forte quadam mutante asuetos inter se hostes , Etrusci Volumnio , Samnites parumper cunctati , quia dux aberat , Appio occurrere . Dicitur Appius in medio pugnae discrimine ,

mine, ita ut inter prima signa manibus ad ca-  
lum sublati conspiceretur, ita precatus esse,  
*Bellona, si hodie nobis victoriam davis, ast ego*  
*templum tibi voveo.* Hæc precatus, velut insti-  
gante Dea, & ipse collegæ, & exercitus virtu-  
tem adæquavit ducis. imperatoria opera exe-  
quitur: & milites, ne ab altera parte prius vi-  
ctoria incipiat, annituntur. ergo fundunt fu-  
gantque hostes, majorem molem haud facile sus-  
tinentes, quam cum qua manus conferere as-  
sueti fuerant. urgendo cedentes, insequendo-  
que effusos compulere ad castra. ibi interventu  
Gellii, cohortiumque 1 Sabellarum paulisper  
recruduit pugna. iis quoque mox fufis, jam a  
victoribus castra oppugnabantur. & cum Vo-  
lumnii ipse portæ signa inferret, Appius Bel-  
lonam victricem identidem celebrans, accenderet  
militum animos; per vallum, per fossas irrupe-  
runt. castra capta, direptaque: præda ingens  
parta, & militi concessa est. septem millia ac  
recenti hostium occisi: duo millia & centum vi-  
ginti capti.

## CAPUT XIII.

*Contra Samnites, agrum Campanum populates;*  
*reversus Volumnii COS., præda impeditos ag-* 20.  
*greditur: facta in castra irruptione, cum capti-*  
*vi deficientes, raptis armis & ipsi hostem urge-*  
*rent, prælio accenso, victoria perlata reportatur.*

**D**Um ambo COSS. omnisque Romana vis  
in Etruscum bellum magis inclinat, in  
Samnio novi exercitus exorti ad depopulandos  
imperii Romani fines per Vestinos in Campa-  
niam Falernumque agrum transcendunt, ingen-  
tesque prædas faciunt. Volumnium, magnis i-  
tineribus in Samnium redeuntem, (jam enim  
Fabio Decioque prorogari imperii finis aderat)  
fama de Samnitium exercitu, populationibusque  
Campani agri, ad tuendos socios convertit.  
ut in Calenum agrum venit; & ipse cernit re-  
centia cladis vestigia, & Caleni narrant, tan-  
tum jam prædæ hostes trahere, ut vix expli-  
care agmen possint: itaque jam propalam duces  
loqui, extemplo eundem in Samnium esse; ut,  
relicta ibi præda, in expeditionem redeant,

Tom. I.

D d

nec

2 Sabellarum ) Samniticarum.

nec tam oneratum agmen dimicationi committant. ea quamquam similia veris erant, certius tamen exploranda ratus, dimittit equites, qui vagos prædatores in agros palantes excipiant: ex quibus inquirendo cognoscit, ad Vulturium flumen sedere hostem: inde tertia vigilia moturum iter in Samnium esse. His satis exploratis, profectus, tanto intervallo ab hostibus confedit, ut nec adventus suus propinquitate nimia nosci posset, & egredientem e castris hostem opprimeret. aliquanto ante lucem ad castra accessit: gnarosque Oscæ linguæ exploratum quid agatur mittit. intermisti hostibus (quod facile erat in nocturna trepidatione) cognocunt infrequentia armatis signa egressa, prædam, prædæque custodes exire, \* immobile agmen, & sua quemque molientem, nullo inter alios consensu, nec satis certo imperio. Tempus aggrediendi aptissimum visum est: & jam lux appetebat. itaque signa canere iussit; agmenque hostium aggreditur. Samnites præda impediti, infrequentes armati, pars addere gradum ac præ se agere prædam, pars stare, incerti utrum progredi, an regredi in castra tutius foret. inter cunctationem opprimuntur. & Romani jam transcenderant vallum: cædesque ac tumultus erat in castris. Samnitium agmen, præter quam hostili tumultu, captivorum etiam repentina defectione turbatum erat: qui partim ipsi soluti vinctos solvebant, partim arma in sarcinis deligata repiebant, tumultumque prælio ipso terribiliorem, intermisti agmini, præbebant. memorandum deinde edidere facinus; nam Statium Minatium ducem, advenientem ordines hortantemque invadunt: dissipatis inde equitibus; qui cum eo aderant, ipsum circumfistunt, insidentemque equo captum ad COS. Romanum rapiunt. Revocata eo tumultu prima signa Samnitium: præliumque jam profligatum, integratum est. nec diutius sustineri potuit. cæsa ad sex millia hominum: duo millia & quingenti capti: in eis tribuni militum quatuor: signa militaria triginta: &, quod lærissimum victoribus fuit, captivorum recepta septem millia & CCCC. præda ingens sociorum:

rum: accitque edicto domini ad res suas ascendendas, recipiendasque præstituta die, quarum rerum non exstitit dominus, militi concessæ: coactique vendere prædam, ne alibi quam in armis animum haberent.

## CAPUT XIV.

*Territum Senatuum tumultu Campana populationis, atque Etrusci belli erigunt litteræ Volumnii COS. nuntiantes, cæsos in Campania populatores: cum in præsidium ejus regionis deduci colonias circa Vestinum, & Falernum agrum placeret, pauci dant nomina.*

**M**AGNUM ea populatio Campani agri tumultum Romæ præbuerat: & per eos forte dies ex Etruria allatum erat, post deductum inde Volumnianum exercitum, Etruriam concitam in arma, & Cellium Egnatium Samnitium ducem, & Umbros ad defectionem vocari: & Gallos pretio ingenti sollicitari. His nuntiis Senatus conterritus, justitium indici, delectum omnis generis hominum haberi jussit. Nec ingenui modo, aut juniores sacramento adacti sunt, sed seniorum etiam cohortes factæ, libertinique centuriati, & defendendæ urbis consilia agitabantur: summæque rerum prætor P. Sempronius præerat. ceterum parte curæ exonerarunt Senatum Lucii Volumnii COS. litteræ: quibus, cæsos fusosque populatores Campaniæ, cognitum est. itaque & supplicationes ob rem bene gestam COS. nomine decernunt: justitium remittitur, quod fuerat per dies decem & octo: supplicatioque perlata fuit. Tum de præsidio regionis depopulatæ ab Samnitibus agitari cœptum. itaque placuit, ut duæ coloniæ circa Vestinum & Falernum agrum deducerentur; una ad ostium Liris fluvii, quæ Minturnæ appellata; altera in saltu Vestino Falernum contingente agrum, ubi Synope dicitur Græca urbs fuisse, Sinuessæ deinde ab colonis Romanis appellata. Trib. plebis negotium datum est, ut plebiscito juberetur P. Sempronius prætor triumphos in ea loca colonis deducendis creare. nec, qui nomina darent, facile inveniebantur: quia

inveniebantur: quia in stationem se prope perpetuam infestæ regionis, non in agros mitti rebantur.

## CAPUT XV.

*Adversus quatuor populos, Etruscos, Samnites, Umbros, & Gallos, arma contra Romanos conferentes, deliguntur COSS. Q. Fabius, & P. Decius.*

**A** Vertit ab eis curis Senarum Etruriæ ingravescens bellum, & crebræ litteræ Appii, monentes, ne regionis ejus morum negligerent. *quatuor gentes conferre arma, Etruscos, Samnites, Umbros, Gallos. Jam castra bifariam facta esse, quia unus locus capere tantam multitudinem non possit.* 1 Ob hæc, & jam appetebat tempus, comitiorum causa L. Volumnius COS. Romam revocatus. qui prius, quam ad suffragium centurias vocaret, in concionem advocato populo, multa de magnitudine belli Etrusci disleruit. *jam tum, cum ipse ibi cum collega rem pariter gesserit, fuisse tantum bellum, ut nec duce uno, nec exercitu geri potuerit: accessisse postea dicit Umbros, & ingentem exercitum Gallorum. Adversus quatuor populos, duos COSS. illo die deligi meminissent. se, nisi consideret eum consensu populi Romani COS. declaratum iri, qui haud dubie tum primus omnium ductor habeatur, dictatorem fuisse extemplo dicturum.* 22. Nemini dubium erat, quin Q. Fabius omnium consensu destinaretur: eumque & prærogativæ, & primo vocatæ omnes centuriæ consulem cum L. Volumnio dicebant. Fabii oratio fuit, qualis biennio ante: deinde, ut vincebatur consensu, versa postremo ad collegam P. Decium poscendum. *hunc senectuti suæ adminiculum fore: censura, duobusque consulatibus simul gestis expertum se, 2 nil concordi collegio firmitus ad rempub. tuendam esse. novo imperii socio vix jam assuescere senilem animum posse: cum moribus notis facilius se communicaturum*

1 Ob hæc, comitiorum causa) Hac de causa, ad habenda comitia.

2 Nil concordi collegio firmitus) Nil firmitius, quam si concordii animo collega rem gerant.

*consilia*. Subscripsit orationi ejus COS., cum meritis P. Decii laudibus, tum *quæ ex concordia consulum bona, quæque ex discordia mala in administratione rerum militarium evenirent*, memorando: quam prope ad ultimum discrimen suis & collega certaminibus nuper ventum foret: admonendo Decium, Fabiumque, ut uno animo, una mente viverent. esse præterea viros natos militia, factis magnos, ad verborum linguaque certamina rudes: ea ingenia consularia esse. callidos solertesque, juris atque eloquentia consultos, qualis Ap. Claudius esset, urbi, ac foro præsidēs habendos, prætoresque ad reddenda jura creandos esse. His agendis dies est consum-  
 tus. postridie ad præscriptum COS. & consula-  
 ria & prætoris comitia habita. COSS. creati, Q. Fabius, & P. Decius, Ap. Claudius prætor, omnes absentes. & L. Volumnio ex S. C. & scito plebis prorogatum in annum imperium est.

## CAPUT XVI.

*Causa prodigiorum decretis supplicationibus, in templo Pudicitia patricia certamen oritur inter ceteras Matronas, & Virginiam Auli filiam: hac inde exclusa, quod patricia plebeio Volumnio COS. nupsisset, in parte suarum adium, sacellum a plebeiis matronis frequentandum, Pudicitia plebeia collocat. Hoc anno ex multatitia pecunia Deorum templa donis augentur, urbs exornatur.*

**E**O anno prodigia multa fuerunt: quorum averruncandorum causa supplicationes in bi-  
 duum Senatus decrevit. publice vinum ac tus sacrificiis præbitum. supplicatum fere frequentes viri feminæque. Insignem supplicationem socii certamen in sacello Pudicitia patricia, quæ in foro boario est ad ædem rotundam Herculis, inter matronas ortum. Virginiam Auli filiam, patriciam, plebeio nuptam L. Volumnio COS., matronæ, quod e patribus enupsisset, sacris arcuerant. Brevis altercatio inde ex iracundia muliebri in contentionem

D d 3

ani-

( Omnes absentes ) Fabius & Decius aberant a campo: Appius, etiam ab urbe.

## CAPUT XVII.

*Q.* Fabio consuli extra ordinem, tendente P. Decio collega, ut ad sortem revocaretur, Etruria provincia datur: eo cum duxisset exercitum, paulo post Romam reversus ad consultandum de bello, cui non dux unus sufficere videretur, P. Decium sibi ad illius collegam assumit.

*Q.* U. inde Fabius quintum, & P. Decius<sup>24.</sup> quartum, consulatum incunt, tribus consularibus, censuraque collegæ, nec gloria magis rerum, quæ ingens erat, quam concordia inter se clari. quæ ne perpetua esset, ordinum magis, quam ipsorum inter se certamen intervenisse reor; patriciis tendentibus, ut Fabius Etruriam extra ordinem provinciam haberet; plebeiis auctoribus Decio, ut ad sortem revocaret. Fuit certe contentio in Senatu: & postquam ibi Fabius plus poterat, revocata res ad populum est. In concione, ut inter militares viros, & factis potius quam dictis fretos, pauca verba habita. Fabius, quam arborem sevisset, sub ea legere alium fructum, indignum esse dicere. se aperuisse Ciminiam silvam, viamque per devios saltus Romano bello fecisse. Quid se id atatis sollicitassent, si alio duce bellum gesturi essent? Nimirum adversarium se, non socium imperii legisse sensum exprobrat: & invidisse Decium concordibus collegiis tribus. prostremit se tendere nihil ultra, quam ut, si se dignum provincia ducerent, in eam mitterent. in Senatus arbitrio se fuisse, & in potestate populi futurum. P. Decius Senatus injuriam querebatur. quoad potuerint patres annisos, ne plebeiis aditus ad magnos honores esset: postquam ipsa virtus pervicerit, ne in ullo genere hominum inhonorata esset, quari, quemadmodum irrita sint non suffragia modo populi, sed arbitria etiam fortuna, & in paucorum potestatem vertantur. Omnes ante se consules sortitos provincias esse; nunc extra sortem Fabio Senatum provinciam dare. si honoris ejus causa: ita eum de se, deque repub. meritum esse, ut faveat Qu. Fabii gloria, quæ modo



modo non sua contumelia splendeat. cui autem dubium esse, ubi unum bellum sit asperum ac difficile, cum id alteri extra sortem mandetur; quin alter consul pro supervacaneo atque inutili habeatur? gloriari Fabium rebus in Etruria gestis: velle & P. Decium gloriari: & forsitan, quem ille obrutum ignem reliquerit, ita ut toties novum ex improvise incendium daret, eum se extincturum. Postremo se collega honores premiaque concessurum, verecundia atatis ejus majestatisque: cum periculum, cum dimicatio proposita sit, neque cedere sua sponte, neque cessurum: &, si nihil aliud ex eo certamine tulerit, illud certe laturum, ut, quod populi sit, populus jubeat potius, quam patres gratificentur. Jovem optimum maximum, deosque immortales se precari, ut ita sortem aquam sibi cum collega dent, si eandem virtutem felicitatemque in bello administrando daturi sint. certe id & natura & quum, & exemplo utile esse, & ad famam populi Romani pertinere, eos consules esse, quorum utrolibet duce bellum Etruscum geri recte possit. Fabius nihil aliud precatus populum, quam, ut, prius quam intro vocarentur ad suffragium tribus, Ap. Claudii prætoris allatas ex Etruria litteras audirent, comitio abijt. nec minore populi consensu, quam senatus, provincia Etruria extra sortem Fabio decreta est.

25. Concurfus inde ad consulem factus omnium ferme juniorum; & pro se quisque nomina dabant. tanta cupido erat sub eo duce stipendia faciendi. Qua circumfusus turba, Quatuor milia, inquit, peditum, & sexcentos equites dumtaxat scribere in animo est. hodierno, & crastino die qui nomina dederint, mecum ducam. majori mihi cura est, ut omnes locupletes reducam, quam ut multis rem geram militibus. Profectus i apto exercitu, & eo plus fiducia ac spei gerente, quod non desiderata multitudo erat, ad oppidum Adharnaham, unde haud procul hostes erant, ad castra Appii prætoris pergit. paucis citra millibus lignatores ei cum præsidio

1 Apio i Idoneo, habili, nec ad majorem justo numero crescente.

fidio occurrunt, qui, ut lictores prægredi viderunt, Fabiumque esse consulem acceperunt, læti atque alacres diis populoque Romano gratias agunt, quod eum sibi imperatorem misissent. Circumfusi deinde cum consulem salutarent, quærit Fabius quo pergerent; respondentibusque lignatum se ire, *Ain' tandem?* inquit, *nam castra vallata non habetis?* ad hoc cum succlamatum esset, duplici quidem vallo, & fossa, & tamen in ingenti metu esse: *Habetis igitur,* inquit, *affatim lignorum: redite, & vellite vallum.* Redeunt in castra, terroremque ibi, velentes vallum, & iis, qui in castris remanserant militibus, & ipsi Appio fecerunt. Tum pro se quisque alii aliis dicere, consulis se Q. Fabii facere iussu. Postero inde die castra mota, & Appius prætor Romam dimissus. inde nusquam stativa Romanis fuere. negabat utile esse uno loco federe exercitum: itineribus, ac mutatione locorum: mobiliorem ac salubriorem esse. Fiebant autem itinera, quanta fieri sinebat hiems haud dum exacta. Vere inde primo relicta secunda legione ad Clusium, quod Camars olim appellabant, præpositoque castris L. Scipione pro prætore; Romam ipse ad consultandum de bello rediit: sive ipse sponte sua, quia bellum ei majus in conspectu erat, quam quantum esse famæ crediderat: sive senatusconsulto accitus: nam in utrumque auctores sunt. Ab Ap. Claudio prætore retractum quidam videri volunt: cum in senatu, & apud populum (id quod per litteras assidue fecerat) terrorem belli Etrusci augeret. *non suffecturum ducem unum, nec exercitum unum adversus quatuor populos. periculosum esse, sive juncti unum premant, sive id diversi gerant bellum; ne ad omnia simul obire unus non possit. duas se ibi legiones Romanas reliquisse: & minas quinque millia peditum, equitum mille cum Fabio venisse. sibi placere, P. Decium consulem primo quoque tempore in Etruriam ad collegam proficisci: L. Volumnio Samnium provinciam dari. si consul malit in suam provinciam ire, Volumnium in Etruriam ad*

D d 5

con-

1 Mobiliorum ) Habiliorem ad motum.

consulem cum exercitu iusto consulari proficisci. Cum magnam partem moveret oratio pratoris, P. Decium censuisse ferunt, ut omnia integra ac libera Q. Fabio servarentur, donec vel ipse, si per commodum reip. posset, Romam venisset, vel aliquem ex legatis misisset, a quo disceret Senatus, quantum in Etruria belli esset, quantisque administrandum copiis, & quot per  
 26. duces esset. Fabius ut Romam rediit; & in Senatu, & productus ad populum, mediam orationem habuit, ut nec augere, nec minuere videretur belli famam: magisque in altero assu-  
 mendo duce aliorum indulgere timori, quam suo, aut reipub. periculo consulere: ceterum si sibi adiutorem belli, sociumque imperii darent, quonam modo se oblivisci P. Decii consulis per tot collegia experti posse? *neminem omnium se-  
 cum conjungi malle: & copiarum satis sibi cum P. Decio; & numquam nimium hostium fore: sin collega quid aliud malit, at sibi L. Voluennium darent adiutorem.* Omnium rerum arbitrium & a populo, & a Senatu, & ab ipso collega Fabio permissum est. & cum Decius se in Samnium, vel in Etruriam proficisci paratum esse ostendisset: tanta letitia ac gratulatio fuit, ut præciperetur victoria animis; triumphusque, non bellum decretum consulibus videretur. Invenio apud quosdam, extemplo, consulatu inito, profectos in Etruriam Fabium Deciumque, sine ulla mentione fortis provinciarum certaminumque inter collegas, quæ exposui. Sunt quibus ne hæc quidem certamina exponere satis fuerit; adjecerint & Appii criminationes de Fabio absente ad populum, & pertinaciam, adversus præsentem COS., prætoris; contentionemque aliam inter collegas: tendente Decio, ut suæ quisque provinciæ forem tueretur. Constare res incipit ex eo tempore, quo profecti ambo COSS. ad bellum sunt.

CA-

Ut præciperetur victoria animis } Ut victoriam animis &  
 spe omnes jam tunc sibi desponderent.

## CAPUT XVIII.

*In Etruria, absentibus COSS.; legio Romana deletur: cum COSS. supervenissent, relictis ibi duobus exercitibus cum pro praetoribus Cn. Fulvio, & L. Postumio Megello, in agrum Sentinatam ad hostes pergunt: eorum viribus opportune distractis, in pugnam descendunt.*

**C**eterum antequam COSS. in Etruriam pervenirent, Senones Galli multitudine ingenti ad Clusium venerunt, legionem Romanam castraque oppugnaturi. Scipio, qui castris praerat, loco adjuvandam paucitatem suorum militum ratus, in colle, qui inter urbem & castra erat, aciem exexit. sed, ut in re subita, parum explorato itinere ad jugum perrexit, quod hostes ceperant parte alia aggressi. ita caesa ab tergo legio, atque in medio, cum hostis undique urgeret, circumventa. Deletam quoque ibi legionem, ita ut nuntius non superesset, quidam auctores sunt; nec ante ad consules, qui jam haud procul a Clusio aberant, famam ejus cladis perlatam, quam in conspectu fuere Gallorum equites, pectoribus equorum suspensa gestantes capita, & lanceis infixae, ovantesque moris sui carmine. Sunt, qui Umbros fuisse, non Gallos, tradant: nec tantum cladis acceptum: & circumventis pabulatoribus cum L. Manlio Torquato legato, Scipionem pro praetore subsidium e castris tulisse: victoresque Umbros redintegrato praelio victos esse: captivosque eis ac praedam ademptam. Similius vero est, a Gallo hoste, quam Umbro, eam cladem acceptam; quod cum saepe alias, tum eo anno Gallici tumultus praecipuus terror civitatem tenuit: Itaque praeterquam quod ambo consules profecti ad bellum erant cum quatuor legionibus, & magno equitatu Romano, Campanisque mille equestribus delectis ad id bellum missis, & fociorum nominisque Latini majore exercitu, quam Romani: alii duo exercitus haud procul urbe Etruriae oppositi, unus in Falisco, alter in Vaticano agro. Cn. Fulvius, & L. Postumius

27. Megellus, pro prætoribus ambo, stativa in eis locis habere iussi. Consules ad hostes transgressos Apennino in agrum Sentinatem pervenerunt. ibi quatuor millium ferme intervallo castra posita. Inter hostes deinde consultationes habitæ: atque ita convenit, ut ne unis castris miscerentur omnes, neve in aciem descenderent simul. Samnitibus Galli, Etruscis Umbri adjecti. dies indicta pugna: Samnitibus Gallisque delegata pugna: inter ipsum certamen Etrusci Umbrique iussi castra Romana oppugnare. Hæc consilia turbarunt transfugæ Clusini tres, clam nocte ad Fabium consulem transgressi: qui, editis hostium consiliis, dimissi cum donis, ut subinde, ut quæque res nova decreta esset, exploratam perferrent. consules Fulvio, ut ex Falisco; Postumio, ut ex Varicano exercitum ad Clusium admoveant, summaque vi fines hostium depopulentur, scribunt. Huius populationis fama Etruscos ex agro Sentinare ad suos fines tuendos movit. Instare inde consules, ut absentibus iis pugnaretur. per biduum lacessere prælio hostem. biduo nihil dignum dictu actum. pauci utrinque cecidere: magisque irritati sunt ad justum certamen animi, quam ad discrimen summa rerum adducta. Tertio die descensum in campum omnibus copiis est. Cum instructæ acies starent, cerva fugiens lupum e montibus exacta per campos inter duas acies decurrit. inde diversæ feræ, cerva ad Gallos, lupus ad Romanos cursum deflexit. lupo data inter ordines via, cervam Galli confixere. Tum ex antesignanis Romanus miles, *Illac fuga*, inquit, *& cades vertit, ubi sacram Diana feram jacentem videtis: hinc victor Martius lupus, integer & intactus, gentis nos Martia, & conditoris nostri admonuit.* Dextro cornu Galli, sinistro Samnites constiterunt. Adversus Samnites Fabius primam ac tertiam legiones pro dextro cornu, adversus Gallos pro sinistro Decius quintam & sextam instruxit. secunda & quarta cum L. Volumnio proconsule in Samnio gerebant bel-

*† In agrum Sentinatem.* ) In Umbria, ad Sentium oppidum.

bellum. Primo concursu adeo æquis viribus gesta res est, ut, si affuissent Etrusci & Umbri, aut in acie, aut in castris, quocumque se inclinassent, accipienda clades fuisset.

## CAPUT XIX.

*P. Decius, laborante lævo cornu, cui ipse præerat, se per Pontificem, ut pater ipsius ante Latino bello, pro patria devovet, ac Romanis victoriam restituit.*

Ceterum quamquam communis adhuc Mars<sup>28.</sup> belli erat, necdum discrimen fortuna fecerat, qua datura vires esset, haudquaquam similis pugna in dextro, lævoque cornu erat. Romani apud Fabium arcebant magis, quam inferebant pugnam: extrahebaturque in quam maxime serum diei certamen: quia ita persuasum erat duci, & Samnites, & Gallos primo impetu feroces esse, quos sustineri satis sit; longiore certamine sentim residere Samnitium animos: Gallorum quidem etiam corpora intolerantissima laboris atque æstus: fluere; primaque eorum prælia pliusquam virorum, postrema minus quam feminarum esse. In id tempus igitur, quo vinci solebat hostis, quam integerrimas vires militi servabat. Ferocior Decius & ætate & vigore animi, quantumcumque virium habuit, certamine primo effudit: & quia lentior videbatur pedestris pugna, equitatum in pugnam eoncitavit: & ipse, fortissimæ juvenum turmæ immixtus, orat procures juventutis, ut secum in hostem impetum faciant: duplicem illorum gloriam fore, si ab lævo cornu, & ab equite victoria incipiat. Bis avertere Gallicum equitatum, iterum longius evestos, & jam inter media equitum agmina prælium cientes, novum pugnae contreruit genus. 2 effedis carrisquo superstant armatus hostis ingenti sonitu eorum rotarumque advenit, & insolitos ejus.

1 *Fluere*) Labi, solvi, ex defatigatione desicere.

2 *Effedis carrisque*) *Effidum* erat currens, & quo pugnare solebant Galli & Britanni. *Carris* impedimenta plerumque vehantur: sed & eorum erat ad pugnam usus.

ejus tumultus Romanorum contreruit equos : ita victorem equitatum velut lymphaticus pavor dissipat : sternit inde ruentes equos virosque improvida fuga . turbata hinc etiam signa legionum : multique impetu equorum , ac vehiculorum raptorum per agmen obtriti antelignani : & inlecuta , simul terribitos hostes vidit , Gallica acies , nullum spatium respirandi recipiendique se dedit . Vociferari Decius , *quo fugerent ? quamve in fuga spem haberent ?* obistere cedentibus , ac revocare fufos . deinde ut nulla vi perculfos sustinere poterat , patrem P. Decium nomine compellans , *Quid ultra moror* , inquit , *familiares fatum ? datum hoc nostro generi est , ut luendis periculis publicis piacula simus . Jam ego mecum legiones hostium mactandas Telluri ac diis manibus dabo .* Hæc locutus , M. Livium Pontificem , quem , descendens in aciem , digredi vetuerat ab se , præire iussit verba , quibus se , legionesque hostium pro exercitu populi Romani Quiritium devovet . devotus inde eadem precatone , eodemque habitu , quo pater P. Decius ad Veferim bello Latino se iussierat devoveri : cum secundum solemnes precationes adjecisset , præ se agere se *formidinem ac fugam , eademque ac cruorem , caelestium , infernorumque iras : i contacturum funebribus diris signa , tela , arma hostium , locumque eundem sua pestis , Gallorum ac Samnitium fore :* hæc execratus in se , hostesque , qua confertissimam cernebat Gallorum aciem , concitat equum ; inferensque se ipse infestis telis interfectus est . 2 Vix humanæ inde opis videri pugna potuit . Romani , duce amisso , quæ res terrori alias esse solet , sistere fugam , ac novam de integro velle instaurare pugnam . Galli , & maxime globus circumstans consulis corpus , velut alienata mente , vana incassum jactare tela : torpere quidam , & nec pugnae meminisse , nec fugam . At ex parte altera pontifex Livius , cui lictores Decius tradiderat , iussieratque pro prætore esse , vociferari , *vicisse Romanos , defunctos consulis*

fato

1 *Contacturum funebribus diis* ) Se devotum diris , velut contagione quadam transmissurum illas in signa hostium .

2 *Vix humana . . . opis* ) Supra humanam opem potentiamque .

*Fato: Gallos, Samnitesque Telluris matris at deorum manium esse: rapere ad se, ac vocare Decium devotam secum aciem: furiarumque ac formidinis plena omnia ad hostes esse.* Superveniunt deinde his restituentibus pugnam L. Cornelius Scipio, & C. Martius, cum subsidiis ex novissima acie, jussu Qu. Fabii consulis ad præsidium collegæ missi. ibi auditur P. Decii eventus, ingens hortamen ad omnia pro republica audenda. itaque cum Galli structis ante se scutis conferti starent, nec facilis pede collato videretur pugna; jussu legatorum collata humi pila, quæ itrata inter duas acies jacebant, atque in testudinem hostium coniecta, quibus plerisque in scuta, plerisque verutis in corpora ipsa fixis, sternitur cuneus, ita ut magna pars integris corporibus attoniti conciderent. Hæc in sinistro cornu Romanorum fortuna variaverat.

## CAPUT XX.

*Fabius, superatis hostibus in dextro cornu, P. Decio collegæ apparatusissimum funus facit.*

**F**ABius in dextro cornu primo, ut ante dictum est, cunctando extraxerat diem: deinde, postquam nec clamor hostium, nec impetus, nec tela missa eandem vim habere visa, præfectis equitum jussis ad latus Samnitium circumducere alas, ut signo dato in transversos quanto maximo possent impetu incurrerent: sensim suos signa inferre jussit, & commovere hostem. Postquam non resisti vidit, & haud dubiam lassitudinem esse: tum collectis omnibus subsidiis, quæ ad id tempus reservaverat, & legiones concitavit, & signum ad invadendos hostes equitibus dedit. Nec sustinuerunt Samnites impetum: præterque aciem ipsam Gallorum relictis in dimicatione fociis, ad castra effuso cursu ferebantur. Galli, testudine facta, conferti stabant. Tum Fabius, audita morte collegæ, Campanorum alam, quingentos fere equites, excedere acie jubet, & circumvectos a tergo Galliam

(Attoniti) Non minus stupentes, quam qui fulmine affati sunt.



cam invadere æciem: tertiæ deinde legionis subsequi principes: &, qua turbatum agmen hostium viderent, impetu equitum initare, ac territos cedere. Ipse ædem Jovi Victori, spoliæque hostium cum vovisset, ad castra Samnitium perrexit, quo multitudo omnis consternata agebatur. sub ipso vallo, quia tantam multitudinem portæ non recipere, tentata ab exclusis turba suorum pugna est. ibi Gellius Egnatius imperator Samnitium cecidit. compulsi deinde intra vallum Samnites, parvoque certamine capta castra, & Galli a tergo circumventi. Cæsa eo die hostium xxv. millia, octo capta. nec incruentâ victoria fuit. nam ex P. Decii exercitu cæsa septem millia: ex Fabii, mille ac ducenti. Fabius, dimissis ad quærendum collegæ corpus, spolia hostium conjecta in acervum Jovi Victori cremavit. Confutis corpus eo die, quia obrutum super stratis Gallo- rum cumulis erat, inveniri non potuit. postero die inventum relatumque est cum multis militum lacrimis. Intermis- sa inde omnium aliarum rerum cura, Fabius collegæ funus omni honore, laudibusque meritis celebrat.

## C A P U T XXI.

*In Etruria Cn. Fulvius proprator, & in Samnio L. Volturnus procos. rem feliciter gerunt. Q. Fabius Cos. de Gallis, Etruscis, ac Samnitibus triumphans in Urbem redit.*

30. **E**T in Etruria per eos dies ab Cn. Fulvio præ- tore res ex sententia gesta: nam præter ingentem illatam populationibus agrorum hosti cladem, pugnatum etiam egregie est: Perusinarumque & Clusinarum cæsa amplius tria millia, & signa militaria ad viginti capta. Samnitium agmen, cum per Pelignum agrum fugeret, circumventum a Pelignis est; ex millibus quinque ad mille cæsi. Magna ejus diei, quo in Sentinati agro bellatum, fama est, etiam vero stanti. Sed 2 superjecere quidam au- gen-

1 *Etiã vero stanti*) Etiam ei, qui vero contentus sit.

2 *Superjecere quidam augendo fidem*) Quidam res ultra quam credi possit, protulere augendo.

gendo fidem , qui in hostium exercitu peditum quadraginta millia , CCCXXX. , equitum sex millia , mille carpentorum scripsere fuisse , scilicet cum Umbris Tuscisque , quos & ipsos pugæ affuisse , & ut Romanorum quoque augerent copias , L. Volumnium pro. consule consulibus , exercitumque ejus legionibus consulum adiciunt . In pluribus annalibus duorum ea consulum propria victoria est . Volumnius in Samnio interim res gerit , Samnitiumque exercitum in Trifernum montem compulsus , non deterritus iniquitate loci , fundit fugatque . Q. Fabius Deciano exercitu relicto in Etruria , suis legionibus deductis ad urbem , de Gallis Etruscisque ac Samnitibus triumphavit . milites triumphantem secuti sunt . celebrata inconditionis carminibus militaribus non magis victoria Q. Fabii , quam mors præclara P. Decii est : excitataque memoria parentis , æquata eventu publico privatoque filii laudibus . Data ex præda militibus æris octogeni bini , sagaque , & tunicae , præmia illa tempestate militiæ haudquam spernenda .

## C A P U T XXII.

*Fabii in Etruria , Ap. Claudii in Samnio clara pugna . Samnites , tot annorum cladibus nondum omnino subacti , bello non abstant .*

**H**IS ita rebus gestis , nec in Samnitibus adhuc , nec in Etruria pax erat . nam & Perusinis auctoribus , post deductum ab consule exercitum , rebellatum fuerat : & Samnites prædatum in agrum Vestinum Formianumque , & parte alia in Æserniacum , quæ Vulturno adjacet flumini , descendere . Adversus eos Ap. Claudius prætor cum exercitu Deciano missus . Fabius in Etruria rebellante denuo , quatuor millia , & quingentos Perusinatorum occidit : cepit ad mille septingentos quadraginta : qui redempti singuli æris trecentis decem . præda alia omnis militibus concessa . Samnitium legiones cum partim Ap. Claudius prætor , partim L. Volumnius pro consule sequeretur , in agrum

Stel-

*Excitataque memoria* ) Renovata est memoria patris .

Stellatam convenerunt. ibi & Samnitium legiones omnes confidunt, & Appius Volumniusque castra conjungunt. Pugnatum infestissimis animis, hinc ira stimulante adversus rebellantes toties; illinc ab ultima jam dimicantibus spe. Cæsa ergo Samnitium XVI. millia trecenti; capta duo millia septingenti. Ex Romano exercitu cecidere duo millia septingenti. Felix annus bellicis rebus, pestilentia gravis; prodigiisque sollicitus. nam & terra multifariam pluisse, & in exercitu Ap. Claudii, plerisque fulminibus ictos, nuntiatum est: librique ob hæc aditi. Eo anno Q. Fabius Gurgès, consulis filius, aliquot matronas ad populum stupri damnatas pecunia multavit, ex quo multatitio ære Veneris ædem, quæ prope circum est, faciendam curavit. Superfunt etiam nunc Samnitium bella, quæ continua per quartum jam volumen, annumque sextum. & quadragesimum a M. Valerio, A. Cornelio consulibus; qui prius Samnio arma intulerunt, agimus. & ne tot annorum clades utriusque gentis, laboresque actos nunc referam; quibus nequiverint tamen dum illa pectora vinci: proximo anno Samnites in Sentinati agro, Pelignis, ad Trifernum, Stellatibus campis, suis ipsi legionibus, missi alienis, ab quatuor exercitibus, quatuor ducibus Romanis cæsi fuerant: imperatorem clarissimum gentis suæ amiserant: socios belli, Etruscos, Umbros, Gallos, in eadem fortuna videbant, qua ipsi erant: nec suis, nec externis viribus jam stare poterant: tamen bello non abstinebant. adeo ne infelicitè quidem defensæ libertatis tædebat: & vinci, quam non tentare victoriam, malebant. quinam sit ille, quem non pigeat longinquitatis bellorum scribendo, legendoque, quæ gerentes non fatigaverunt?

## C A P U T XXIII.

*Ducto in Samnium a M. Atilio Regulo Cos. exercitu, castra Romana ab hostibus haud vano impetu oppugnantur.*

U. C. 459. **Q** Fabium, P. Decium, L. Postumius Megellus, & M. Atilius Regulus consules secu-

secuti sunt. Samnium ambobus decreta provin-  
cia est : quia tres scriptos hostium exercitus ,  
uno Etruriam , altero populationem Campaniæ  
repeti , tertium tuendis parari finibus , fama e-  
rat . Postumium valetudo adversa Romæ tenuit .  
Atilius cum exercitu extemplo profectus , ut in  
Samnio hostes ( ita enim placuerat patribus )  
nondum egressos opprimeret , velut ex compo-  
sito : ibi obvium habuere hostem , ubi & intra-  
re , nedum vastare ipsi Samnitium agrum pro-  
hiberentur : & egredi inde in pacata , sociorum-  
que populi Romani fines Samnitum prohiberent .  
Cum castra castris collata essent : quod vix Ro-  
manus : toties victor auderet , ausi Samnites  
sunt ( tantum desperatio ultima temeritatis fa-  
cit ) castra Romana oppugnare . & quamquam  
non venit ad finem , tam audax inceptum , ta-  
men haud omnino vanum fuit . Nebula erat ad  
multum diei densa adeo , ut lucis usum eripe-  
ret , non prospectu modo extra vallum ademo-  
ro , sed propinquo etiam congregientium inter  
se conspectu . hac velut latebra insidiarum freti  
Samnites , vixdum satis certa luce , & eam ipsam  
premente caligine , ad stationem Romanam in  
porta segniter agentem vigilias perveniunt . Im-  
provviso oppressis nec animi satis ad resisten-  
dum , nec virium fuit . ab tergo castrorum de-  
cumana porta impetus factus , itaque captum &  
quæstorium : quæstorque ibi L. Opimius Pansa  
occisus . conclamatum inde ad arma . Consul tu-  
multu excitus : cohortes duas sociorum , Luca-  
nam , Suessanamque , quæ proximæ forte erant ,  
tueri prætorium jubet : manipulos legionum  
principali via inducit . vixdum satis aptatis ar-  
mis , in ordines eunt : & clamore magis , quam  
oculis hostem noscunt , nec , quantus numerus  
sit , æstimari potest . Cedunt primo incerti for-  
tunæ suæ , & hostem introrsum in media castra  
accipiunt . inde cum consul vociferaretur , ex-  
puli ne extra vallum , castra deinde sua oppu-  
gnaturi essent , rogitans : clamore sublato , con-  
nixi primo resistunt : deinde inferunt pedem ,  
urgent-

1. *Habere hostem* ) Consul & exercitus Romanus. Al. *habuit* .  
2. *Quæstorium* ) Quæstoris tabernaculum : & id interiore  
castrorum parte erat .

urgentque, & impulsos semel terrore eodem agunt, quo cœperunt: expellunt extra portam, vallumque: inde pergere, ac persequi, quia turbida lux metum circa insidiarum faciebat, non ausi, liberatis castris contenti, receperunt se intra vallum, trecentis ferme hostium occisis. Romanorum stationis primæ, vigilumque, & eorum qui circa quæstorium oppressi, periire ad ducentos triginta.

## C A P U T XXIV.

*Perlata Romam fama rei non satis feliciter in Samnio gesta ab Atilio Cos. L. Postumius cum exercitu ad collegam ab Urbe pergit: inde, cum diversi COSS. abiissent ad hostium urbes expugnandas, Postumius Milonia, Ferentino, aliisque, ab suis desertis, oppidis potitur.*

**A**Nimos inde Samnitibus non infelix audacia auxit: & non modo proferre inde castra Romanum, sed ne pabulari quidem per agros suos patiebantur. retro in pacatum Soranum agrum pabulatores ibant. Quarum rerum fama tumultuosior etiam, quam res erant, perlata Romam, coegit L. Postumium COS. vixdum validum proficisci ex urbe, prius tamen quam exiret, militibus edicto Soranum iussis convenire. Ipse ædem Victoriæ, quam ædilis curulis ex multatitia pecunia faciendam curaverat, dedicavit. Ita ad exercitum profectus, ab Sora in Samnium, ad castra collegæ perrexit. 34. inde postquam Samnites diffusi duobus exercitibus resisti posse, recesserunt; diversi COSS. ad vastandos agros, urbesque oppugnandas discedunt. Postumius Miloniam oppugnare adortus, vi primo atque impetu, deinde, postquam ea parum procedebant, opere, ac vineis demum in iunctis muro cepit. ibi, capta jam urbe, ab hora quarta diei ad octavam omnibus partibus urbis diu incerto eventu pugnatum est. postremo potitur oppido Romanus. Samnitium castraria millia ducenti: capti quatuor millia CC. præter prædam aliam. Inde Ferentinum ductæ legiones: unde oppidani cum omnibus rebus suis, quæ ferri agique potuerunt, nocte per  
AVCS

aversam portam silentio excesserunt . igitur simul advenit COS. , primo ita compositus instructusque mœnibus successit , tamquam idem , quod ad Miloniam fuerat , certaminis foret : deinde ut silentium vastum in urbe , nec arma , nec viros in turribus ac muris vidit , avidum invadendi deserta mœnia militem detinet , ne quam occultam in fraudem incautus rueret : duas turmas sociorum Latini nominis circumequitare mœnia , atque explorare omnia jubet . Equites portam unam alteramque eadem regione in propinquo patentes conspiciunt , itineribusque iis vestigia nocturnæ hostium fugæ . adequitant deinde sensim portis : urbemque ex tuto rectis itineribus perviam conspiciunt : & consuli referunt excessum urbe : solitudine haud dubia id perspicuum esse , & recentibus vestigiis fugæ ac strage rerum in trepidatione nocturna passim relictarum . His auditis COS. ad eam partem urbis , quam adierant equites , circumducit agmen : constitutisque haud procul porta signis , quinque equites jubet intrare urbem ; & modicum spatium progressos tres manere eodem loco , si ruta videantur ; duos explorata ad se referre . Qui ubi redierunt , retuleruntque eo se progressos , unde in omnes partes circumspectus esset , longe lateque silentium ac solitudinem vidisse : extemplo COS. cohortes expeditas in urbem induxit , ceteros interim castra commu-  
nare jussit . Ingressi milites , refractis foribus , paucos , graves ætate , aut invalidos inveniunt ; relictæque , quæ migratu difficilia essent . ea direpta : & cognitum ex captivis est , communi consilio aliquot circa urbes conscisse fugam : suos prima vigilia profectos : credere eandem in aliis urbibus solitudinem inventuros . Dictis captivorum fides extitit : desertis oppidis COS. potitur .

## CAPUT XXV.

*Non satis prospere in Apulia commisso cum Samnitibus pralio, Romani milites consternantur; cessantes in castris increpans Atilius Cos. vix pervincit, ut contra hostem appropinquantem arma capiant: conserta pugna, effuse in castra tendentes, in hostes a COS. convertuntur; tandem accensis viribus, strenue vincunt.*

33. **A**lteri COS. M. Atilio nequaquam tam facile bellum fuit. cum ad Luceriam duceret legiones, quam oppugnari ab Samnitibus audierat, ad finem Lucerinum ei hostis obvius fuit. ibi ira vires æquavit. prælium varium & anceps fuit, tristius tamen eventu Romanis, & quia infueti erant vinci, & quia digredientes magis, quam in ipso certamine, senserunt, quantum in sua parte plus vulnere ac cædis fuisset. itaque is terror in castris ortus, qui si pugnantes cepisset, insignis accepta clades foret. tum quoque sollicita nox fuit, jam invasurum castra Samnitum credentibus, aut prima luce cum victoribus conferendas manus. Minus cladis, ceterum non plus animorum ad hostes erat. ubi primum illuxit, abire sine certamine cupiunt. Sed via una, & ea ipsa præter hostes erat: quam ingressi præbuere speciem recta tendentium ad castra oppugnanda. COS. arma capere milites jubet, & sequi se extra vallum: legatis, tribunis, præfectis sociorum imperat, quod apud quemque facto opus est. Omnes affirmant, se quidem omnia facturos, sed militum jacere animos: tota nocte inter vulnera, & gemitus morientium vigilatum esse. si ante lucem ad castra ventum foret, tantum pavoris fuisse, ut relicturi signa fuerint: nunc pudore a fuga contineri, alioquin pro victis esse. Quæ ubi consul accepit, sibimetipsi circumeundos alloquendosque milites ratus, ut ad quosque venerat, cunctantes arma capere increpabat, quid cessarent, tergiversarenturque? hostem in castra venturum, ni ipsi extra castra exissent: & pro tentoriis suis pugnaturos, si pro vallo nollent. ar-  
matiss

*matris ac dimicantibus haud dubiam victoriam esse : qui nudus atque inermis hostem maneat , ei aut mortem , aut servitutem patiendam . Hæc jurganti increpantique respondebant , confectos se pugna hesternâ esse : nec virium quicquam , nec sanguinis superesse : majorem multitudinem hostium apparere , quam pridie fuerit . Inter hæc appropinquabat agmen : & jam breviori intervallo certiora intuentes , vallum secum portare Samnitum affirmant , nec dubium esse , quin castra circumvallaturi sint . Tum vero COS. indignum facinus esse , vociferari , tantam contumeliam ignominiamque ab ignavissimo accipi hoste . Etiamne circumjēdebimus , inquit , in castris , ut fame potius per ignominiam , quam ferro , si necesse est , per virtutem moriamur ? Dii bene verterent : facerentque , quod se dignum quisque ducerent : COS. M. Atilium vel solum , si nemo alius sequatur , iturum adversus hostes : casurumque inter signa Samnitium potius , quam circumvallari castra Romana videat . Dicta consulis legati , tribunique , & omnes turmae equitum , & centuriones primorum ordinum approbavere : tum pudore victus miles segniter arma capit , segniter e castris egreditur : longo agmine , nec continenti , moesti , ac prope victi procedunt adversus hostem , nec ipse , nec animo fortiores . Itaque simul conspecta sunt Romana signa , extemplo a primo Samnitium agmine ad novissimum fremitus perfertur : exire , id quod timuerint , ad impediendum iter Romanos ; nullam inde ne fuga quidem patere viam : illo loco aut cadendum esse , aut stratis hostibus per corpora eorum evadendum , in medio sarcinas conjiciunt . armati suis quisque or- 36.  
 dinibus instruunt aciem . Jam exiguum inter duas acies erat spatium , & stabant expectantes , dum ab hostibus prius impetus , prius clamor inciperet . neutris animus est ad pugnandum . diversi que integri atque intacti abissent , ni cedenti instaturum alterum timuissent , sua sponte inter invitos tergiversantesque segnis pugna , clamore incerto atque impari , coepit : nec vestigio quisquam movebatur . Tum COS. Romanus , ut rem excitaret , equitum paucas tur-  
 mas*



mas extra ordinem immisit : quorum cum plerique delapsi ex equis essent , & alii turbati ; & ab Samnitium acie ad opprimendos eos , qui ceciderant , & ad suos tuendos ab Romanis procursum est . Inde paululum irritata pugna est , sed aliquanto & impigre magis , & plures procurrerunt Samnites : & turbatus eques sua ipse subsidia territis equis proculcavit . hinc fuga recepta totam avertit aciem Romanam . Jamque in terga fugientium Samnites pugnabant , cum COS. equo prævectus ad portam castrorum , ac statione equitum ibi opposita , edictoque , ut quicumque ad vallum tenderet , sive ille Romanus , sive Samnis esset , pro hoste haberetur ; 1 hæc ipsa minitans , obstitit profuse tendentibus suis in castra : *Quo pergis , inquit , miles ? & hic arma , & viros invenies , nec novo COS. tuo , nisi victor , castra intrabis : praeinde elige , cum cive , an hoste pugnare malis* . Hæc dicente COS. equites infestis cuspidibus circumfunduntur , ac peditem in pugnam redire jubent . Non virtus solum COS. , sed fors etiam adjuvit , quod non institerunt Samnites , spatiumque circummagendi signa , vertendique aciem a castris in hostem fuit . Tum alii alios hortari , ut repeterent pugnam : centuriones ab signiferis rapta signa inferre : & ostendere suis , paucos & ordinibus incompositis effuse venire hostes . Inter hæc COS. manus ad cælum attollens , voce clara , ita ut exaudiretur , templum Jovi Statori vover , si constitisset a fuga Romana acies , redintegratoque prælio cecidisset vicissetque legiones Samnitium . Omnes undique annisi ad restituendam pugnam , duces , milites , peditum , equitumque vis : 2 numen etiam deorum respexisse nomen Romanum visum . adeo facile inclinata res , repulsique a castris hostes : mox etiam redacti ad eum locum , in quo commissa pugna erat . Ibi objacentes sarcinarum cumulo , quas conjecerant in medium , hædere impediti : deinde ,

1 *Hæc ipsa minitans* ) Hæc ipsa , quæ stationi equitum imperarat , minitans fugientibus .

2 *Numen etiam deorum* ) Dii quoque visi respexisse Romanos .

de, ne diriperentur res, orbem armatorum far-  
cinis circumdant. tum vero eos a fronte urgere  
pedites, ab tergo circumvecti equites. ita in  
medio cæsi, captique. Captivorum numerus  
fuit septem millium ac ducentorum, qui omnes  
audi sub jugum missi. Cæsos, <sup>1</sup> retulere ad qua-  
tuor millia octingentos. Ne Romanis quidem  
læta victoria fuit. recensente COS. biduo acce-  
pram cladem, amissorum militum numerus re-  
latus millium, & ducentorum.

## CAPUT XXVI.

*Victor ex Apulia revertens Atilius Cos., Samni-  
tes, prædam agentes ex agro Interamna colo-  
nia, cædit: Romam profecto negatur petenti  
triumphus. In Etruriam alter Cos. Postumius  
ex Samnio transgressus, prospera ubique utitur  
fortuna belli: pacata provincia, cum & ipsi  
petenti triumphus negaretur, jussu populi con-  
tra Senatus consensum triumphat.*

**D**Um hæc in Apulia gerebantur, altero ex-  
ercitu Samnites Interamnâ, coloniam  
Romanam, quæ via Latina est, occupare cona-  
ti, urbem non tenuerunt: agros depopulati,  
cum prædam aliam inde militum hominum, atq;  
pecudum colonosque captos agerent, in victorem  
incidunt COS. ab Luceria redeuntem: nec prædam  
solum amittunt, sed ipsi longo ac impedito agmi-  
ne incompediti cæduntur. Consul Interamnâ e-  
dicto dominis ad res suas noscendas recipiendas-  
que revocatis, & exercitu ibi relicto, comitio-  
rum causa Romam est profectus. Cui de trium-  
pho agenti negatus honos, & ob amissa tot mil-  
lia militum, & <sup>2</sup> quod captivos sine pactione sub  
jugum misisset. COS. alter, Postumius, quia in 320  
Samnitibus materia belli deerat, in Etruriam tra-  
ducto exercitu, primum pervastaverat Vulsinien-  
sem agrum: deinde cum egressis, ad tuendos fines  
haud procul mœnibus ipsorum depugnat. duo

Tom. I.

Ec

millia

<sup>1</sup> Retulere ) II quibus mandatum erat ut caesorum corpora  
numerarent.

<sup>2</sup> Quod ... sine pactione ) Insignantur Patres, tot captivos  
ita dimissos esse, ut nihil inde commodi respublica cepis-  
set.

millia CC. Etruscorum cæsi: ceteros propinquit-  
 tas urbis tutata est. In Rosellanum agrum ex-  
 ercitus traductus. ibi non agri tantum vastati,  
 sed oppidum etiam expugnatum: capta amplius  
 duo millia hominum: minus duo millia circa  
 muros cæsa. Pax tamen clavior majorque, quam  
 bellum in Etruria eo anno fuerat, parta est.  
 tres validissimæ urbes, Etruriæ capita, Vulsi-  
 nii, Perusia, Aretium, pacem petiere: & ve-  
 stimentis militum, frumentoque pacti cum COS.  
 ut mitti Romam oratores liceret, inducias in  
 quadraginta annos impetraverunt, multa præ-  
 sens quingentum millium æris in singulas ci-  
 vitates imposita. Ob hæc res gestas consul  
 cum triumphum ab Senatu, moris magis causa,  
 quam spe impetrandi, petisset: videretque alios,  
 quod tardius ab urbe exisset: alios, quod injus-  
 su Senatus ex Samnio in Etruriam transisset,  
 partim suos inimicos, partim collegæ amicos,  
 ad solatium æquatæ repulsæ, sibi quoque nega-  
 re triumphum: *Non ita, inquit, Patres conscri-*  
*pti, vestra majestatis meminero, ut me consulem*  
*esse obliviscar. eodem jure imperii, quo bella ges-*  
*si, bellis feliciter gestis, Samnio atque Etruria*  
*subactis, victoria & pace parta, triumphabo.*  
 ita Senatum reliquit. Inde inter tribunos ple-  
 bis contentio orta est, pars intercelluros, ne  
 novo exemplo triumpharet, aiebant: pars au-  
 xilio se adversus collegas triumphanti futuros.  
 Jactata res ad populum est: vocatusque eo con-  
 sul, cum M. Horatium, L. Valerium consu-  
 les, C. Martium Rutilum nuper, patrem ejus,  
 qui tunc censor esset, non ex auctoritate Sena-  
 tus, sed jussu populi triumphasse diceret: ad-  
 jiciebat se quoque laturum fuisse ad populum,  
 ne sciret mancipia nobilium, tribunos plebis le-  
 gem impedituros: voluntatem sibi ac favorem  
 consentientis populi pro omnibus jussis esse, ac  
 futuram: posteroque die auxilio tribunorum  
 plebis trium adversus intercessionem septem tri-  
 bunorum, & consensum Senatus, celebrante  
 populo diem, triumphavit. Et hujus anni pa-  
 rum constans memoria est. Postumium, auctor  
 est Claudius, in Samnio captis aliquot urbi-  
 bus, in Apulia fufum fugatumque, faucium  
 ipsum

ipsum cum paucis Luceriam compulsum : ab Atilio in Etruria res gestas ; eumque triumphasse . Fabius ambos COSS. in Samnio , & ad Luceriam res gessisse scribit ; traductumque in Etruriam exercitum : sed , ab utro COS. , non adjecit : & ad Luceriam utrinque multos occisos : inque ea pugna Jovis Statoris ædem vocatam , ut Romulus ante voverat . sed 1 fanum tantum , id est , locus templo effatus , jam sacratum fuerat . Ceterum hoc demum anno , ut ædem etiam fieri Senatus juberet , bis ejusdem 2 voti damnata respub. 3 in religionem venit .

## CAPUT XXVII.

*Samnites , collecto ad Aquiloniam quod roboris in Samnio erat , diro jurejurando adacta ad pugnandum nobilitate , bellum ingens contra Romanos parant .*

**S** Equitur huic annum & COS. insignis , L. 38. Papirius Cursor , qua paterna gloria , qua U.C. sua : & bellum ingens victoriaque , quantam de 400 Samnitibus nemo ad eam diem , præter L. Papirium patrem , COS. , pepererat . & forte eodem conatu apparatuque omni opulentia insignium armorum bellum adornaverant : & opes deorum etiam adhibuerant , ritu quodam sacramenti vetusto velut initiatis militibus , delectu per omne Samnium habito nova lege , ut qui juniorum non convenisset ad imperatorium edictum , quique injussu abisset , caput Jovi sacrum esset . Tum exercitus omnis Aquiloniam est indictus . ad XL. millia militum , quod roboris in Samnio erat , convenerunt . ibi mediis fere castris locus est conseptus cratibus , 4 pluteisque & linteis contextus , patens ducentos maxime pedes in omnes pariter partes . Ibi 5 ex libro vetere linteo lecto sacrificatum sacerdote Ovio

Ecce 2

Pac-

1 Fanum ... id est , locus templo effatus ) Fanum igitur & ædes , proprie loquentibus sic differunt , ut fanum , sit solum alicui deo consecratum ; ædes ipsum ædificium .

2 Voti damnata ) Voti solutionem debente .

3 In religionem venit ) Religio exposcere visa est .

4 Pluteisque ) Plutei sunt vel crates corio crudo intestæ , vel tabulæ quibus quid præsepitur .

5 Ex libro vetere linteo lecto ) Ex libro vetere linteo , qui lectus fuerat .

Paccio quodam, homine magno natu, qui se id sacrum petere affirmabat ex vetusta Samnitium religione: qua quondam usi majores eorum fuissent, cum adimendæ Etruscis Capuæ clandestinum cepissent consilium. Sacrificio perfecto, per viatorem imperator acciri jubebat nobilissimum quemque genere factisque. singuli introducebantur, erat cum alius apparatus sacri, qui perfundere religione animum posset: tum in loco circa omni contexto aræ in medio victimæque circa cæsæ, & circumstantes centuriones strictis gladiis. admovebatur altaribus miles, magis ut victima, quam ut sacri particeps: adigebaturque jurejurando, quæ visa auditaque in eo loco essent, non enuntiaturum. dein jurare cogeatur diro quodam carmine in execrationem capitis, familiæque, & stirpis composito, nisi illet in prælium, quo imperatores duxissent: & si aut ipse ex acie fugisset, aut si quem fugientem vidisset, non extemplo occidisset. Id primo quidam abnuentes juraturos se, obtruncati circa altaria sunt; jacentes deinde inter stragem victimarum, documento ceteris fuere, ne abnuerent. Primoribus Samnitium ea detestatione obstrictis, decem nominatis ab imperatore, eis edictum, ut vir virum legerent, donec sexdecim millium numerum confecissent. ea legio Linteata, ab integumento consepiti, quo sacrata nobilitas erat, appellata est. his arma insignia data, & cristatæ galeæ, ut inter ceteros eminent. Paulo plus viginti millium alius exercitus fuit, nec corporum specie, nec gloria belli, nec apparatu linteatæ legioni dispar. hic hominum numerus, quod roboris erat, ad Aquiloniam confedit.

## CAPUT XXVIII.

*Contra maximos Samnitium conatus profecti Cass. Sp. Carvilius, & L. Papirius Cursor, alter Amiternum, alter Duroniam vi expugnant: inde ducto a Carvilio ad Cominium exercitu, Papirius Aquiloniam, ubi summa rei Samnitium erat, pervenit: paratis omnibus ad prælium, milites inflamat.*

39. **C**OSS. profecti ab urbe: prior Sp. Carvilius, cui veteres legiones, quas M. Atilius superio.

perioris anni COS. in agro Interamnati reliquerat, decretæ erant. cum eis in Samnium profectus, dum hostes operati superstitionibus concilia secreta agunt, Amiternum oppidum de Samnitibus vi cepit. cæsa ibi millia hominum duo ferme atque octingenti: capta quattuor millia ducenti septuaginta. Papirius, novo exercitu (ita enim decretum erat) scripto, Duroniam urbem expugnavit. minus, quam collega, cepit hominum: plus aliquanto occidit: præda opulenta utrobique est parta. Inde pervagati Samnium COSS., maxime depopulato Atinate agro, Carvilius ad Cominium, Papirius ad Aquiloniam, ubi summa rei Samnitium erat, pervenit. ibi aliquandiu nec cessatum ab armis est, neque graviter pugnatum: lacescendo quietos, resistantibus cedendo, comminandoque magis, quam inferendo pugnam, dies absumebatur. quod cum inciperetur, remittereturque, omnium rerum etiam parvarum eventus proferebatur in dies. Altera Romana castra viginti millium spatio aberant: & absentis collegæ consilia omnibus gerendis intererant rebus: intentiorque Carvilius, quo majore discrimine res vertebatur, in Aquiloniam, quam ad Cominium, quod obsidebat, erat. L. Papirius, jam per omnia ad dimicandum satis paratus, nuntium ad collegam mittit: *sibi in animo esse, postero die, si per auspicia liceret, confligere cum hoste: opus esse & illum quanta maxima vi posset, Cominium oppugnare, ne quid laxamenti sit Samnitibus ad subsidia Aquiloniam mittenda.* diem ad proficiscendum nuntius habuit: nocte rediit, approbare collegam consultam referens. Papirius, nuntio misso, extemplo concionem habuit: multa de universo genere belli, multa de præsentis hostium apparatu vana magis specie, quam efficaci ad eventum, disseruit. *Non enim cristas vulnera facere: & per picta atque aurata scuta transire Romanum pilum: & candore tunicarum fulgentem aciem, ubi res ferro geratur, cruentari. Auream olim atque argenteam Samnitium aciem a parente suo occisione occisam; spoliaque ea honestiora victori hosti, quam ipsis arma, fuisse. datum hoc*

forſan nomini familiaque ſua, ut adverſus mæ-  
ximos conatus Samnitium opponerentur duces,  
ſpoliaque ea referrent, qua inſignia publicis et-  
iam locis decorandis eſſent. deos immortales ad-  
eſſe propter toties petita fœdera, toties rupta :  
tum, ſi qua conjectura mentis divina ſit, nulli  
umquam exercitui fuiſſe infeſtiores, quam qui  
neſando ſacro miſta hominum pecudumque cade  
reſperſus, i ancipiti deum ira devotus, hinc  
fœderum cum Romanis iſtorum teſtes deos, hinc  
jurisjurandi adverſus fœdera ſuſcepti execratio-  
nes horrens, invitus juraverit, oderit sacramen-  
tum, uno tempore deos, cives, hoſtes metuat.  
405 Hæc comperta perſugarum iadiſiis cum apud in-  
fenſos jam ſua ſponte milites diſſeruiſſet; ſimul di-  
vinæ humanæque ſpei pleni, clamore conſentien-  
ti pugnam poſeunt; pœnitet in poſterum dilatum  
certamen: moram dici, noctiſque oderunt.

## CAPUT XIX.

Omnibus ardore pugna accenſis, pullarius ſal-  
ſum nuntiat augurium: detecto mendacio, ni-  
hilominus COS. Papirius prælium init: eo u-  
trinque acriter commiſſo, hoſtes primo velut at-  
tonitos religione, qua erant obſtricti, ſtrage  
cedit; per ſpeciem deinde adventantis a Cominio  
collega territos fundit, & fugat: caſtris eo-  
rum, & Aquilonia urbe potitur.

Tertia vigilia noctis, jam relatis litteris a  
collega, Papirius ſilentio furgit: & pulla-  
rium in augurium mittit. Nullum erat genus  
hominum in caſtris intactum cupiditate pugnae:  
ſummi infimique æque intenti erant; dux mi-  
litum, miles ducis ardorem ſpectabat. Is ardor  
omnium etiam ad eos, qui augurio intererant,  
pervenit. nam cum pulli non paſcerentur, pul-  
larius augurium mentiri auſus, tripudium ſoli-  
ſtimum COS. nuntiavit. COS. lætus, augu-  
rium egregium eſſe, & deis auctoribus rem ge-  
ſturos, pronuntiat, ſignumque pugnae propo-  
nit. Exeunſi jam forte in aciem nuntiat perſu-  
ga, viginti cohortes Samnitium (quadriſigenaria  
fer-

iti deum. i Ancipiti deum ira) Utrinque minitanti, ſive Pugnares  
fœdera, ſive Contra fœdera, ſive fugeret adverſus juſſurandum.

ferme erant) Cominium profectas. quod ne ignoraret collega, extemplo nuntium mittit: ipse signa ocyus proferri jubet: subsidiaque suis quæque locis, & præfectos subsidii attribuerat. Dextro cornu L. Volumnium, sinistro L. Scipionem, equitibus legatos alios, C. Cæditium & C. Trebonium præfecit. Sp. Nautium mulos detractis clitellis cum 1 cohortibus alaribus in tumultum conspectum propere circumducere jubet: atque inde inter ipsam dimicationem quanto maxime posset moto pulvere ostendere. Dum his intentus imperator erat, altercatio inter pullarios orta de auspicio ejus diei, exauditaque ab equitibus Romanis, qui rem haud spernendam rati, Sp. Papirio fratris filio consulis ambigi de auspicio renuntiaverunt. Juvenis ante doctrinam deos spernentem natus, rem inquisitionem, ne quid incompertum deferret, ad consulem detulit. cui ille, *Tu quidem maxime virtute diligentiaque esto: ceterum qui auspicio adest, si quid falsi nuntiat, 2 in semetipsum religionem recipit: mihi quidem tripudium nuntiatum, populo Romano exercituique egregium auspiciū est.* centurionibus deinde imperavit, ut pullarios inter prima signa constituerent. Promoveant & Samnites signa: insequitur acies ornata, armataque: 3 ut hostium quoque magnificum spectaculum esset. Prius quam clamor tolleretur, concurrereturque, emissio temere pilo ictus pullarius ante signa cecidit. quod ubi COS. nuntiatum est: *Dii in prælio sunt*, inquit, *habet pœnam noxium caput.* Ante COS. hæc dicentem corvus voce clara occinuit, quo lætus augurio consul, affirmans, numquam humanis rebus magis præsentem interfuisse deos, signa canere, & clamorem tolli jussit. Prælium com- 41.  
missum atrox, ceterum longe disparibus animis. Romanos ira, spes, ardor certaminis, avidos hostium sanguinis in prælium rapit:

Ecce 4

Sa-

1 Cohortibus alaribus) I. e. socialibus. Ala enim proprie & signate de sociis in exercitu dicitur ex Lipsio, l. II. de Milit. Rom. Dial. 7.

2 In semetipsum religionem recipit) Semetipsum obligat crimine violatæ religionis.

3 Ut hostium quoque) I. e. etiam Romanorum oculos magnificentia sua capere & quodammodo delectare posset.



urgenteque, & impulsos semel terrore eodem agunt, quo cœperunt: expellunt extra portam, vallumque: inde pergere, ac persequi, quia turbida lux metum circa insidiarum faciebat, non ausi, liberatis castris contenti, receperunt se intra vallum, trecentis ferme hostium occisis. Romanorum stationis primæ, vigilumque, & eorum qui circa quæstorium oppressi, periire ad ducentos triginta.

## C A P U T XXIV.

*Perlata Romam fama rei non satis feliciter in Samnio gesta ab Atilio Cos. L. Postumius cum exercitu ad collegam ab Urbe pergit: inde, cum diversi COSS. abiissent ad hostium urbes expugnandas, Postumius Milonia, Ferentino, aliisque, ab suis desertis, oppidis patitur.*

**A**Nimos inde Samnitibus non infelix audacia auxit: & non modo proferre inde castra Romanum, sed ne pabulari quidem per agros suos patiebantur. retro in pacatum Soranum agrum pabulatores ibant. Quarum rerum fama tumultuosior etiam, quam res erant, perlata Romam, coegit L. Postumium COS. vixdum validum proficisci ex urbe, prius tamen quam exiret, militibus edicto Soran jussis convenire. Ipse ædem Victoriæ, quam ædilis curulis ex multatitia pecunia faciendam curaverat, dedicavit. Ita ad exercitum profectus, ab Sora in Samnium, ad castra collegæ perrexit. 34. inde postquam Samnites diffisi duobus exercitibus resisti posse, recesserunt; diversi COSS. ad vastandos agros, urbesque oppugnandas discedunt. Postumius Miloniam oppugnare adortus, vi primo atque impetu, deinde, postquam ea parum procedebant, opere, ac vineis demum injunctis muro cepit. ibi, capta jam urbe, ab hora quarta diei ad octavam omnibus partibus urbis diu incerto eventu pugnatum est. postremo poritur oppido Romanus. Samnitium castraria millia ducenti: capti quatuor millia CC. præter prædam aliam. Inde Ferentinum ductæ legiones: unde oppidani cum omnibus rebus suis, quæ ferri agique potuerunt, nocte per

aversam portam silentio exceſſerunt . igitur ſi-  
mul advenit COS. , primo ita compoſitis in-  
ſtructusque mœnibus ſucceſſit, tamquam idem ,  
quod ad Miloniam fuerat , certaminis foret :  
deinde ut ſilentium vaſtum in urbe, nec arma,  
nec viros in turribus ac muris vidit , avidum  
invadendi deſerta mœnia militem detinet , ne  
quam occultam in fraudem incantus rueret : duas  
turmas ſociorum Latini nominis circumequitare  
mœnia , atque explorare omnia jubet . Equites  
portam unam alteramque eadem regione in pro-  
pinquo patentes conſpiciunt , itineribusque iis  
veſtigia nocturnæ hoſtium fugæ . adequitant  
deinde ſenſim portis : urbemque ex tuto rectis  
itineribus perviam conſpiciunt : & conſuli re-  
ferunt exceſſum urbe : ſolitudine haud dubia id  
perſpicuum eſſe , & recentibus veſtigiis fugæ ac  
ſtrage rerum in trepidatione nocturna paſſim  
relictarum . His auditis COS. ad eam partem  
urbis , quam adierant equites , circumducit ag-  
men : conſtitutisque haud procul porta ſignis ,  
quinque equites jubet intrare urbem ; & modi-  
cum ſpatium progreſſos tres manere eodem lo-  
co , ſi tuta videantur ; duos explorata ad ſe re-  
ferre . Qui ubi redierunt , retuleruntque eo ſe  
progreſſos , unde in omnes partes circumſpectus  
eſſet , longe lateque ſilentium ac ſolitudinem vi-  
diſſe : extemplo COS. cohortes expeditas in  
urbem induxit , ceteros interim caſtra commu-  
nare juſſit . Ingreſſi milites , refractis foribus ,  
paucos , graves ætate , aut invalidos inveniunt ;  
relictæque , quæ migratu difficilia eſſent . ea di-  
repta : & cognitum ex captivis eſt , communi  
conſilio aliquot circa urbes conſciſſe fugam : ſuos  
prima vigilia proſectos : credere eandem in aliis  
urbibus ſolitudinem inventuros . Diſtis capti-  
vorum fides extitit : deſertis oppidis COS.  
potitur .

CA-

1 Strage rerum ) Stratiſſi paſſim per vias rebus .

*Non satis prospere in Apulia commisso cum Samnitibus prælio, Romani milites consternantur; cessantes in castris increpans Atilius Cos. vix pervincit, ut contra hostem appropinquantem arma capiant: conferta pugna, effuse in castra tendentes, in hostes a COS. convertuntur; tandem accensis viribus, strenue vincunt.*

33. **A**Lteri COS. M. Atilio nequaquam tam facile bellum fuit. cum ad Luceriam duceret legiones, quam oppugnari ab Samnitibus audierat, ad finem Lucerinum ei hostis obvius fuit. ibi ira vires æquavit. prælium varium & anceps fuit, tristius tamen eventu Romanis, & quia infuerti erant vinci, & quia digredientes magis, quam in ipso certamine, senserunt, quantum in sua parte plus vulneryum ac cædis fuisset. itaque is terror in castris ortus, qui si pugnantes cepisset, insignis accepta clades foret. tum quoque sollicita nox fuit, jam invasurum castra Samnitum credentibus, aut prima luce cum victoribus conferendas manus. Minus cladis, ceterum non plus animorum ad hostes erat. ubi primum illuxit, abire sine certamine cupiunt. Sed via una, & ea ipsa præter hostes erat: quam ingressi præbuere speciem recta tendentium ad castra oppugnanda. COS. arma capere milites jubet, & sequi se extra vallum: legatis, tribunis, præfectis sociorum imperat, quod apud quemque facto opus est. Omnes affirmant, se quidem omnia facturos, sed militem jacere animos: tota nocte inter vulnera, & gemitus morientium vigilatum esse. si ante lucem ad castra ventum foret, tantum pavoris fuisse, ut relicturi signa fuerint: nunc pudore a fuga contineri, alioquin pro victis esse. Quæ ubi consul accepit, sibimetipsi circumeundos alloquendosque milites ratus, ut ad quosque venerat, cunctantes arma capere increpabat, quid cessarent, tergiversarenturque? hostem in castra venturum, ni ipsi extra castra exissent: & protentoribus suis pugnatos, si pro vallo nollent. ar-
- . matis

*mātis ac dimicantibus haud dubiam victoriam esse : qui nudus atque inermis hostem maneat , ei aut mortem , aut servitutem patiendam . Hæc jurganti increpantique respondebant , confectos se pugna hesternâ esse : nec virium quicquam , nec sanguinis superesse : majorem multitudinem hostium apparere , quam pridie fuerit . Inter hæc appropinquabat agmen : & jam breviori intervallo certiora intuentes , vallum secum portare Samnitum affirmant , nec dubium esse , quin castra circumvallaturi sint . Tum vero COS. indignum facinus esse , vociferari , tantam contumeliam ignominiamque ab ignavissimo accipi hoste . Etiamne circumjederimus , inquit , in castris , ut fame potius per ignominiam , quam ferro , si necesse est , per virtutem moriamur ? Dii bene verterent : facerentque , quod se dignum quisque ducerent : COS. M. Atilium vel solum , si nemo alius sequatur , iturum adversus hostes : casurumque inter signa Samnitium potius , quam circumvallari castra Romana videat . Dicta consulis legati , tribunique , & omnes turmae equitum , & centuriones primorum ordinum approbavere : tum pudore victus miles segniter arma capit , segniter e castris egreditur : longo agmine , nec continenti , moesti , ac prope victi procedunt adversus hostem nec spe , nec animo fortiores . Itaque simul conspecta sunt Romana signa , extemplo a primo Samnitium agmine ad novissimum fremitus perfertur : exire , id quod timuerint , ad impediendum iter Romanos ; nullam inde ne fuga quidem patere viam : illo loco aut cadendum esse , aut stratis hostibus per corpora eorum evadendum . in medio farcinas conjiciunt . armati suis quisque ordinibus instruunt aciem . Jam exiguum inter duas acies erat spatium , & stabant expectantes , dum ab hostibus prius imperus , prius clamor inciperet . neutris animus est ad pugnandum . diversi que integri atque intacti abissent , ni cedenti instaturum alterum timuissent . sua sponte inter invitos tergiversantesque segnis pugna , clamore incerto atque impari , coepit : nec vestigio quisquam movebatur . Tum COS. Romanus , ut rem excitarer , equitum paucas turmas*

de, ne diriperentur res, orbem armatorum far-  
cinis circumdant. tum vero eos a fronte urgere  
pedites, ab tergo circumvecti equites. ita in  
medio cæsi, captique. Captivorum numerus  
fuit septem millium ac ducentorum, qui omnes  
audi sub jugum missi. Cæsos, retulere ad qua-  
tuor millia octingentos. Ne Romanis quidem  
læta victoria fuit. recensente COS. biduo acce-  
ptam cladem, amissorum militum numerus re-  
latus millium, & ducentorum.

## CAPUT XXVI.

*Victor ex Apulia revertens Atilius Cos., Samni-  
tes, prædam agentes ex agro Interamna colo-  
nia, cædit: Romam profecto negatur petenti  
triumphus. In Etruriam alter Cos. Postumius  
ex Samnio transgressus, prospera ubique utitur  
fortuna belli: pacata provincia, cum & ipsi  
petenti triumphus negaretur, jussu populi con-  
tra Senatus consensum triumphat.*

**D**Um hæc in Apulia gerebantur, altero ex-  
ercitu Samnites Interamnâ, coloniam  
Romanam, quæ via Latina est, occupare cona-  
ti, urbem non tenuerunt: agros depopulati,  
cum prædam aliam inde mistam hominum, atq;  
pecudum colonosque captos agerent, in victorem  
incidunt COS. ab Luceria redeuntem: nec prædam  
solum amittunt, sed ipsi longo ac impedito agmi-  
ne incompediti cæduntur. Consul Interamnâ e-  
dicto dominis ad res suas noscendas recipiendas-  
que revocatis, & exercitu ibi relicto, comitio-  
rum causâ Romam est profectus. Cui de trium-  
pho agenti negatus honos, & ob amissa tot mil-  
lia militum, & 2 quod captivos sine pactione sub  
jugum misisset. COS. alter, Postumius, quia in 320  
Samnitibus materia belli deerat, in Etruriam tra-  
ducto exercitu, primum pervastaverat Vulsinien-  
sem agrum: deinde cum egressis ad tuendos fines  
haud procul mœnibus ipsorum depugnat. duo

Tom. I.

Ec

millia

1 *Resulere*) Il quibus mandatum erat ut caesorum corpora  
numerarent.

2 *Quod ... si se pactione*) Intignantur Patres, tot captivos  
ita dimissos esse, ut nihil inde commodi respublica cepis-  
set.

millia CC. Etruscorum cæsi: ceteros propinquit-  
 tas urbis tutata est. In Rosellanum agrum ex-  
 ercitus traductus. ibi non agri tantum vastati,  
 sed oppidum etiam expugnatum: capta amplius  
 duo millia hominum: minus duo millia circa  
 muros cæsa. Pax tamen clarior majorque, quam  
 bellum in Etruria eo anno fuerat, parta est.  
 tres validissimæ urbes, Etruriæ capita, Vulsini-  
 nii, Perugia, Aretium, pacem petiere: & ve-  
 stimentis militum, frumentoque pacti cum COS.  
 ut mitti Romam oratores liceret, inducias in  
 quadraginta annos impetraverunt, multa præ-  
 sens quingentum millium æris in singulas ci-  
 vitates imposita. Ob hæc res gestas consul  
 cum triumphum ab Senatu, moris magis causa,  
 quam spe impetrandi, petisset: videretque alios,  
 quod tardius ab urbe exisset: alios, quod injus-  
 su Senatus ex Samnio in Etruriam transisset,  
 partim suos inimicos, partim collegæ amicos,  
 ad solatium æquatæ repulsæ, sibi quoque nega-  
 re triumphum: *Non ita, inquit, Patres conscri-*  
*pti, vestra majestatis meminero, ut me consulem*  
*esse obliviscar. eodem jure imperii, quo bella ges-*  
*si, bellis feliciter gestis, Samnio atque Etruria*  
*subactis, victoria & pace parta, triumphabo.*  
 ita Senatum reliquit. Inde inter tribunos ple-  
 bis contentio orta est: pars intercessuros, ne  
 novo exemplo triumpharet, ajebant: pars au-  
 xilio se adversus collegas triumphanti futuros.  
 Jactata res ad populum est: vocatusque eo con-  
 sul, cum M. Horatium, L. Valerium consu-  
 les, C. Martium Rutilum nuper, patrem ejus,  
 qui tunc censor esset, non ex auctoritate Sena-  
 tus, sed jussu populi triumphasse diceret: ad-  
 jiciebat se quoque laturum fuisse ad populum,  
*ni sciret mancipia nobilium, tribunos plebis le-*  
*gem impedituros: voluntatem sibi ac favorem*  
*consentientis populi pro omnibus jussis esse, ac*  
*futuram:* posteroque die auxilio tribunorum  
 plebis trium adversus intercessionem septem tri-  
 bunorum, & consensum Senatus, celebrante  
 populo diem, triumphavit. Et hujus anni pa-  
 rum constans memoria est. Postumium, auctor  
 est Claudius, in Samnio captis aliquot urbi-  
 bus, in Apulia fufum fugatumque, faucium  
 ipsum

ipsa cum paucis Luceriam compulsum: ab Atilio in Etruria res gestas; eumque triumphasse. Fabius ambos COSS. in Samnio, & ad Luceriam res gessisse scribit; tractatumque in Etruriam exercitum: sed, ab utro COS., non adjecit: & ad Luceriam utrinque multos occisos: inque ea pugna Jovis Statoris ædem votam, ut Romulus ante voverat. sed i fanum tantum, id est, locus templo effatus, jam sacratu fuerat. Ceterum hoc demum anno, ut ædem etiam fieri Senatus juberet, bis ejusdem 2 voti damnata respub. 3 in religionem venit.

## CAPUT XXVII.

*Samnites, collecto ad Aquiloniam quod roboris in Samnio erat, diro iurejurando adaucta ad pugnandum nobilitate, bellum ingens contra Romanos parant.*

**S** Equitur huic annum & COS. insignis, L. 38. Papirius Cursor, qua paterna gloria, qua U.C. sua: & bellum ingens victoriaque, quantam de 400 Samnitibus nemo ad eam diem, præter L. Papirium patrem, COS., pepererat. & forte eodem conatu apparatuque omni opulentia insignium armorum bellum adornaverant: & opes deorum etiam adhibuerant, ritu quodam sacramenti vetusto velut initiatis militibus, delectu per omne Samnium habito nova lege, ut qui juniorum non convenisset ad imperatorium editum, quique injussu abisset, caput Jovi sacrum esset. Tum exercitus omnis Aquiloniam est indictus. ad XL. millia militum, quod roboris in Samnio erat, convenerunt. ibi mediis fere castris locus est conseptus cratibus, 4 pluteisque & linteis contextus, patens ducentos maxime pedes in omnes pariter partes. Ibi & ex libro vetere linteo lecto sacrificatum sacerdote Ovio

Ec 2 Pac-

1 Fanum ... id est, locus templo effatus ) Fanum igitur & ædes, proprie loquentibus sic differunt, ut fanum, sit solum alicui deo consecratum; ædes ipsum ædificium.

2 Voti damnata ) Voti solutionem debente.

3 In religionem venit ) Religio exposcere visa est.

4 Pluteisque ) Plutei sunt vel crates corio crudo intestæ, vel tabulæ quibus quid præsepitur.

5 Ex libro vetere linteo lecto ) Ex libro vetere linteo, qui lectus fuerat.

Paccio quodam, homine magno natu, qui se id sacrum petere affirmabat ex vetusta Samnitium religione: qua quondam usi majores eorum fuissent, cum adimendæ Etruscis Capuæ clandestinum cepissent consilium. Sacrificio perfecto, per viatorem imperator acciri jubebat nobilissimum quemque genere factisque. singuli introducebantur, erat cum alius apparatus sacri, qui perfundere religione animum posset: tum in loco circa omni confecto aræ in medio victimæque circa cæsæ, & circumstantes centuriones strictis gladiis. admovebatur altaribus miles, magis ut victima, quam ut sacri particeps: adigebaturque jurejurando, quæ visa auditaque in eo loco essent, non enuntiaturum. dein jurare cogeatur diro quodam carmine in execrationem capitis, familiæque, & stirpis composito, nisi illet in prælium, quo imperatores duxissent: & si aut ipse ex acie fugisset, aut si quem fugientem vidisset, non extemplo occidisset. Id primo quidam abnuentes juraturos se, obtruncati circa altaria sunt; jacentes deinde inter stragem victimarum, documento ceteris fuere, ne abnuerent. Primoribus Samnitium ea detestatione obstrictis, decem nominatis ab imperatore, eis edictum, ut vir virum legerent, donec sexdecim millium numerum confecissent. ea legio Linteata, ab integumento confecti, quo sacra nobilitas erat, appellata est. his arma insignia data, & cristatæ galeæ, ut inter ceteros emerent. Paulo plus viginti millium alius exercitus fuit, nec corporum specie, nec gloria belli, nec apparatu linteatæ legioni dispar, hic hominum numerus, quod roboris erat, ad Aquiloniam confedit.

CAPUT XXVIII.

*Contra maximos Samnitium conatus profecti Cass. Sp. Carvilius, & L. Papirius Cursor, alter Amiternum, alter Duroniam vi expugnant: inde ducto a Carvilio ad Cominium exercitu, Papirius Aquiloniam, ubi summa rei Samnitium erat, pervenit: paratis omnibus ad prælium, milites inflammat.*

39. **C**OSS. profecti ab urbe: prior Sp. Carvilius, cui veteres legiones, quas M. Atilius superio.



prioris anni COS. in agro Interamnati reli-  
 querat, decretæ erant. cum eis in Samnium pro-  
 fectus, dum hostes operati superstitionibus con-  
 cilia secreta agunt, Amiternum oppidum de Sa-  
 mnitibus vi cepit. cæsa ibi millia hominum  
 duo ferme atque octingenti: capta quatuor mil-  
 lia ducenti septuaginta. Papirius, novo exer-  
 citu (ita enim decretum erat) scripto, Duro-  
 niam urbem expugnavit. minus, quam collega,  
 cepit hominum: plus aliquanto occidit: præda  
 opulenta utrobique est parta. Inde pervagati  
 Samnium COSS., maxime depopulato Atinate  
 agro, Carvilius ad Cominium, Papirius ad A-  
 quiloniam, ubi summa rei Samnitium erat, per-  
 venit. ibi aliquandiu nec cessatum ab armis est,  
 neque graviter pugnatum: lacescendo quietos,  
 resistantibus cedendo, comminandoque magis,  
 quam inferendo pugnam, dies absumebatur.  
 quod cum inciperetur, remittereturque, o-  
 mnium rerum etiam parvarum eventus pro-  
 ferebatur in dies. Altera Romana castra vigin-  
 ti millium spatio aberant: & absentis collegæ  
 consilia omnibus gerendis intererant rebus: in-  
 tentiorque Carvilius, quo majore discrimine  
 res vertebatur, in Aquiloniam, quam ad Co-  
 minium, quod obsidebat, erat. L. Papirius,  
 jam per omnia ad dimicandum satis paratus,  
 nuntium ad collegam mittit: *sibi in animo es-  
 se, postero die, si per auspicia liceret, conflige-  
 re cum hoste: opus esse & illum quanta maxi-  
 ma vi posset, Cominium oppugnare, ne quid la-  
 xamenti sit Samnitibus ad subsidia Aquiloniam  
 mittenda.* diem ad proficiscendum nuntius ha-  
 buit: nocte rediit, approbare collegam consil-  
 ta referens. Papirius, nuntio misso, extemplo  
 concionem habuit: multa de universo genere  
 belli, multa de præsentis hostium apparatu va-  
 na magis specie, quam efficaci ad eventum, dis-  
 seruit. *Non enim cristas vulnera facere: & per-  
 picta atque aurata scuta transire Romanum pi-  
 lum: & candore tunicarum fulgentem aciem,  
 ubi res ferro geratur, cruentari. Auream olim  
 atque argenteam Samnitium aciem a parente suo  
 occisione occisam; spoliaque ea honestiora vi-  
 dari hosti, quam ipsis arma, fuisse. datum hoc*

forſan nomini familiaque ſua, ut adverſus ma-  
ximos conatus Samnitium opponerentur duces,  
ſpoliaque ea referrent, qua inſignia publicis et-  
iam locis decorandis eſſent. deos immortales ad-  
eſſe propter toties petita fœdera, toties rupta :  
tum, ſi qua conjectura mentis divina ſit, nulli  
umquam exercitui fuiſſe infeſtiores, quam qui  
neſando ſacro miſta hominum pecudumque cade  
reſperſus, i ancipiti deum ira devotus, hinc  
fœderum cum Romanis iſtorum teſtes deos, hinc  
jurisjurandi adverſus fœdera ſuſcepti execratio-  
nes horrens, invitus juraverit, oderit ſacramen-  
tum, uno tempore deos, cives, hoſtes metuat.  
401 Hæc comperta perfugarum iudiciis cum apud in-  
fenſos jam ſua ſponte milites diſſeruiſſet; ſimul di-  
vinæ humanæque ſpei pleni, clamore conſentien-  
ti pugnam poſcunt; pœnitet in poſterum dilatatum  
certamen: moram diei, noctiſque oderunt.

## CAPUT XIX.

Omnibus ardore pugna accenſis, pullarius fal-  
ſum nuntiat augurium: detecto mendacio, ni-  
hilominus COS. Papirius pralium init: eo u-  
trinque acriter commiſſo, hoſtes primo velut at-  
tonitos religione, qua erant obſtricti, ſtrage  
cedit; per ſpeciem deinde adventantis a Cominio  
collega territos fundit, & fugat: caſtris eo-  
rum, & Aquilonia urbe potitur.

Tertia vigilia noctis, jam relatis litteris a  
collega, Papirius ſilentio furgit: & pulla-  
rium in augurium mittit. Nullum erat genus  
hominum in caſtris intactum cupiditate pugnae:  
ſummi inſimique æque intenti erant; dux mi-  
litum, miles ducis ardorem ſpectabat. Is ardor  
omnium etiam ad eos, qui augurio intererant,  
pervenit. nam cum pulli non paſcerentur, pul-  
larius augurium mentiri auſus, tripudium ſoli-  
ſtimum COS. nuntiavit. COS. lætus, augu-  
rium egregium eſſe, & deis auctoribus rem ge-  
ſturos, pronuntiat, ſignumque pugnae propo-  
nit. Exeunti jam forte in aciem nuntiat perſu-  
ga, viginti cohortes Samnitium (quadringenaria  
fer-

i Ancipiti deum ira) Utrinque minitanti, ſive Pugnet  
contra fœdera, ſive fugeret adverſus juſjurandum.

ferme erant) Cominium profectas. quod ne ignoraret collega, extemplo nuntium mittit: ipse signa ocyus proferri jubet: subsidiaque suis quæque locis, & præfectos subsidiis attribuerat. Dextro cornu L. Volunnium, sinistro L. Scipionem, equitibus legatos alios, C. Cæditium & C. Trebonium præfecit. Sp. Nautium mulos detractis clitellis cum 1 cohortibus alaribus in tumultum conspectum propere circumducere jubet: atque inde inter ipsam dimicationem quanto maxime posset moto pulvere ostendere. Dum his intentus imperator erat, altercatio inter pullarios orta de auspicio ejus diei, exauditaque ab equitibus Romanis, qui rem haud spernendam rati, Sp. Papirio fratris filio consulis ambigi de auspicio renuntiaverunt. Juvenis ante doctrinam deos spernentem natus, rem inquisitionem, ne quid incompertum deferret, ad consulem detulit. cui ille, *Tu quidem maxime virtute diligentiaque esto: ceterum qui auspicio adest, si quid falsi nuntiat, 2 in semetipsum religionem recipit: mihi quidem tripudium nuntiatum, populo Romano exercituique egregium auspiciū est.* centurionibus deinde imperavit, ut pullarios inter prima signa constituerent. Promoveant & Samnites signa: insequitur acies ornata, armataque: 3 ut hostium quoque magnificum spectāculum esset. Prius quam clamor tolleretur, concurrereturque, emissio temere pilo ictus pullarius ante signa cecidit. quod ubi COS. nuntiatum est: *Dii in prælio sunt*, inquit, *habet pœnam noxium caput.* Ante COS. hæc dicentem corvus voce clara occinuit, quo lætus augurio consul, affirmans, numquam humanis rebus magis præsentem interfuisse deos, signa canere, & clamorem tolli jussit. Prælium com- 41.  
missum atrox, ceterum longe disparibus animis. Romanos ira, spes, ardor certaminis, avidos hostium sanguinis in prælium rapit:

E c 4

Sa-

1 Cohortibus alaribus) I. e. socialibus. *Ala* enim proprie & signate de sociis in exercitu dicitur ex Lipsio, l. II. de Milit. Rom. Dial. 7.

2 In semetipsum religionem recipit) Semetipsum obligat crimine violatæ religionis.

3 Ut hostium quoque) I. e. etiam Romanorum oculos magnificentia sua capere & quodammodo delectare posset.

Samnitium magnam partem necessitas ac religio invitos magis resistere, quam inferre pugnam, cogit. nec sustinuisent primum clamorem atque impetum Romanorum, per aliquot jam annos vinci assueti, ni potentior alius metus insidens pectoribus a fuga retineret. quippe in oculis erat omnis ille occulti paratus sacri, & armati sacerdotes, & promiscua hominum pecudumque strages, & respersæ i fando nefandoque sanguine aræ, & dira execratio, ac furiale carmen detestandæ familiæ stirpique compositum. his vinculis fugæ obstricti stabant, civem magis, quam hostem timentes. Instare Romanus a cornu utroque, a media acie, & cedere deorum hominumque attonitos metu. Repugnatur segniter, ut ab iis, quos timor moraretur a fuga. Jam prope ad signa cædes pervenerat, cum ex transverso pulvis, velut ingentis agminis incessu motus, apparuit. Sp. Nautius (Octavium Metium quidam eum tradunt) dux alaribus cohortibus erat: pulverem majorem quam pro numero excitabant: insidentes muliscalones frondosos ramos per terram trahebant; arma, signaque per turbidam lucem in primo apparebant: post altior densiorque pulvis equitum speciem cogentium agmen dabat. fefellitque non Samnites modo, sed etiam Romanos: & consul affirmavit errorem, clamitans inter prima signa, ita ut vox etiam ad hostes accideret, *captum Cominium, victorem collegam adesse. anniterentur vincere prius, quam gloria alterius exercitus fieret.* Hæc insidens equo. inde tribunis, centurionibusque imperat, ut vias equitibus patefaciant. ipse Trebonio Cæditioque prædixerat, ut, ubi se cuspidem erectam quatientem vidissent, quanta maxima vi possent, concitarent equites in hostem. Ad nutum omnia, ut ex ante præparato, fiunt. panduntur inter ordines viæ: provolat eques; atque infestis cuspidibus in medium agmen hostium ruit: perrumpitque ordines, quacumque impetum dedit. instant Volumnius & Scipio, & per-

1 *Fando nefandoque sanguine*) *Fando*, i. e. pecudum, quem fas erat fundi; *nefando*, i. e. hominum sanguine, qui sine scelere effundi non poterat.

& percussos sternunt. Tum jam deorum hominumque victa vi, funduntur linteatae cohortes: pariter iurati injuratique fugiunt, nec quemquam præter hostes metuunt. Peditum agmen, quod superstit pugnae, in castra ad Aquiloniam compulsus est. nobilitas equitesque Bovianum perfugerunt. equites eques sequitur, peditum pedes: ac diversa cornua, dextrum ad castra Samnitium, lævum ad urbem tendit. Prior aliquanto Volumnius castra cepit. ad urbem Scipioni majore resistitur vi, non quia plus animi victis est, sed melius muri, quam vallum armatos arcent. inde lapidibus propellant hostem. Scipio, nisi in primo pavore, prius quam colligerentur animi, transacta res esset, lentiolem fore munitæ urbis opugnationem ratus, interrogat milites; *satin' equo an. mo paterentur ab altero cornu castra capta esse; se victores pelli a portis urbis?* Reclamantibus universis, primus ipse scuto super caput elato pergit ad portam: secuti alii testudine facta in urbem percurrunt: deturbatisque Samnitibus, quæ circa portam erant muri occupare: penetrare interiora urbis, quia pauci admodum erant, non audent. Hæc primo igno- 42.  
rare consul, & intentus recipiendo exercitui esse. jam enim præceps in occasum sol erat, & appetens nox periculosa & suspecta omnia etiam victoribus faciebat. progressus longius, ab dextra castra capta videt, ab læva clamorem in urbe mistum pugnantium ac paventium fremitu esse. & tum forte certamen ad portam erat. advehtus deinde equo propius, ut suos in muris videt, nec jam integri quicquam esse, quoniam temeritate paucorum magnæ rei parta occasio esset, acciri quas receperat copias, signaque in urbem inferri jussit. Ingressi proxima ex parte, quia nox appropinquarebat, quievire. nocte oppidum ab hostibus desertum est. Cæsa illo die ad Aquiloniam Samnitium millia triginta trecenti quadraginta: capta tria millia octingenti & septuaginta: signa militaria nonaginta septem. Ceterum  
Ec 5 illud

1 Ingressi proxima ex parte) Ingressi per eam urbis partem, ubi proxima fuit venientibus a castris.

illud memoriæ traditur, non ferme alium datam lætorem in acie visum, seu suapte ingenio, seu fiducia bene gerendæ rei. Ab eodem robore animi neque controverfo auspicio revocari a prælio potuit: & in ipso discrimine, quo templa diis immortalibus voveri mos erat, voverat Jovi Victori, si legiones hostium fudisset, pocillum i mulsi prius, quam temetum biberet, sese facturum, id votum diis cordi fuit, & auspicia in bonum verterunt.

## CAPUT XXX.

*Etiam COS. Carvilius Cominio potitur: casis aliquot millibus, multo plura veniunt in potestatem: Fugata alia Samnitium multitudine ab equitibus alterius exercitus, qui Aquiloniam ceperat, utrumque oppidum diripitur, & succenditur ex COSS. sententia; a quibus deinde milites pro suo quisque merito præmiis donantur.*

43. **E**Adem fortuna ab altero consule ad Cominium gesta res. Prima luce ad mœnia omnibus copiis admoris, corona cinxit urbem: subsidiaque firma, ne qua eruptio fieret, portis opposuit. Jam signum dantem eum nuntius a collega trepidus de viginti cohortium adventu, & ab imperu moratus est; & partem copiarum revocare instructam, intentamque ad oppugandum coegit. D. Brutum Scævam legatum cum legione prima, & viginti cohortibus alaribus, equitatuque ire adversus subsidium hostium iussit: quocumque in loco fuisset obvius, obisteret ac moraretur: manumque, si forte ita res posceret, conferret: modo ne ad Cominium copię admoveri possent. ipse se alas ferri ad muros ab omni parte urbis iussit: ac testudine ad portas successit. simul & refringebantur portæ, & vis undique in muros fiebat. Samnites, sicut, antequam in muris viderent armatos, satis animi habuerunt ad prohibendos urbis aditu hostes: ita postquam jam non ex intervallo, nec missilibus, sed cominus gerebatur res; & qui

i Mufsi) Mulfum est vinum melle temperatum, potio laudatissima apud veteres.

qui ægre successerant ex plano in muros, loco quem magis timuerant victo, facile in hostem imparem ex æquo pugnabant: relictis turribus murisque, in forum omnes compulsi, paulisper inde tentaverunt extremam pugnae fortunam; deinde abjectis armis, ad quindecim millia hominum & quadringenti in fidem consulis venerunt. cæsa ad quatuor millia ac trecenti octoginta. Sic ad Cominium, sic ad Aquiloniam gesta res. inde medio inter duas urbes spatio, ubi tertia expectata erat pugna, hostes non inventi. septem millia passuum cum abessent a Cominio, revocati ab suis, neutri prælio occurrerunt. primis ferme tenebris, cum in conspectu jam castra, jam Aquiloniam habuissent; clamor eos utrinque par accidens sustinuit. deinde e regione castrorum, quæ incensa ab Romanis erant, flamma late fusa certioris cladis indicio progredi longius prohibuit. Eo ipso loco prope temere sub armis strati passim inquietum omne tempus noctis, expectando timendoque lucem, egere. prima luce incerti, quam in partem intenderent iter, repente in fugam consternantur conspecti ab equitibus: qui egressos nocte ab oppido Samnites persecuti, viderant multitudinem non vallo, non stationibus firmatam. conspecta & ex muris Aquiloniæ ea multitudo erat. jamque etiam legionariæ cohortes sequebantur: ceterum nec pedes fugientes persequi potuit: & ab equite novissimi agminis ducenti ferme & octoginta interfecti. arma multa pavidī, ac signa militaria duodeviginti reliquere. Alio agmine incolumi, ut ex tanta trepidatione, Bovianum perventum est. Læritiam utriusque exercitus Romani auxit & ab altera parte feliciter gesta res. uterque ex alterius sententia consul captum oppidum diripiendum militi dedit: exhaustis demum de tectis ignem iniecit: eodemque die Aquilonia, & Cominium deflagraverunt. & consules cum gratulatione mutua legionum suarumque, castra conjungere. In conspectu duorum exercituum & Carvilius suos pro cuiusque merito laudavit donavitque, & Papirius, apud quem multiplex in acie, circa castra, circa urbem

fuerat certamen , Sp. Nautium , Sp. Papirium fratris filium , & quatuor centuriones , manipulumque hastatorum armillis , aureisque coronis donavit : Nautium , propter expeditionem , qua magni agminis modo terruerat hostes ; juvenem Papirium , propter navatam cum equitatu & in prælio operam & nocte , qua fugam infectam Samnitibus ab Aquilonia clam egressis fecit ; centuriones militesque , quia primi portam , murumque Aquiloniæ ceperant . equites omnes , ob insignem multis locis operam , i corniculis , armillisque argenteis donat .

## CAPUT XXXI.

*Res feliciter contra Samnites a COSS. gesta cum ingenti latitia Romæ audiuntur . Carvilius , captis in Samnio Volana & Patumbino , & Herculaneo cum hostium caede , in Etruriam rebellantem ducit exercitum : Papirius , expugnato Sepino , magnifice triumphans in Urbem redit ; illata in ararium magna vi captiva pecunia , eodem Quirini dedicat , & spoliis ornatur .*

**C**onsilium inde habitum , cum jam tempus esset deducendi ab Samnio exercitus , aut utriusque , aut certe alterius . optimum visum , quo magis fractæ res Samnitium essent , eo pertinacius & infestius agere cetera , & persequi : ut perdomitum Samnium insequentibus consulibus tradi posset . quando jam nullus esset hostium exercitus , qui signis collatis dimicaturus videretur , unum superesse belli genus , urbium oppugnationes ; quarum per excidia militem locupletare prada , & hostem pro aris ac focus dimicantem conficere possent . Itaque , litteris missis ad Senatum populumque Romanum de rebus ab se gestis , diversi , Papirius ad Sepinum , Carvilius ad Volanam oppugnandam , legiones ducunt .

Litte-

i Corniculis ) Parum constat de hujus vocis sensu . Supercantur interpretes ornamenta fuisse militaria , argentea vel aurea , ab figura cornuum non abludentia , quæ in galeis gestanda militibus iis , qui strenue aliquid egissent , ab imperatore darentur .



Litteræ consulum ingenti læritia & in curia, & in concione auditæ: & quadridui supplicatione publicum gaudium privatis studiis celebratum est. nec populo Romano magna solum, sed peropportuna etiam ea victoria fuit, quia per idem forte tempus rebellasse Etruscos allatum est. subibat cogitatio animum, quonam modo tolerabilis futura Etruria fuisset, si quid in Samnio adversi venisset: quæ, conjuratione Samnitium erecta, quoniam ambo consules, omnisque Romana vis averfa in Samnium esset, occupationem populi Romani pro occasione rebellandi habuisset. Legationes sociorum a M. Atilio prætore in Senatum introductæ. querebantur uri & vastari agros a finitimis Etruscis, quod desciscere a populo Rom. nollent: obtestabanturque patres conscriptos, ut se a vi atque injuria communium hostium tutarentur. Responsum legatis, *cura senatui futurum, ne socios fidei sua pœniteret: Etruscorum propediem eandem fortunam, quam Samnitium, fore.* Segnius tamen, quod ad Etruriam attinebat, acta res esset, ni Faliscos quoque, qui per multos annos in amicitia fuerant, allatum foret, arma Etruscis junxisse. Hujus propinquitas populi acuit curam patribus, ut feriales mittendos ad res repetendas censerent, quibus non redditis, ex auctoritate patrum, jussu populi, bellum Faliscis indictum est: jussuque consules fortiri, uter ex Samnio in Etruriam cum exercitu transiret. Jam Carvilius Volaniam, & Palumbinum, & Herculaneum ex Samnitibus ceperat: Volaniam intra paucos dies: Palumbinum eodem quo ad muros accessit. ad Herculaneum bis etiam signis collatis ancipiti prælio, & cum majore sua, quam hostium jactura dimicavit. castris deinde positis, moribus hostem inclusit: oppugnatum oppidum, captumque. In his tribus urbibus capta, aut cæsa ad decem millia hominum: ita ut parvo admodum numero plures caperentur. Sortientibus provincias consulibus, Etruria Carvilio evenit secundum vota militum, qui vim frigoris jam in Samnio non patiebantur. Papirio ad Sepinum major vis hostium restitit: sæpe in acie, sæpe in agni-

æmine, sæpe circa ipsam urbem adversus eruptiones hostium pugnatum: neque obsidio, neque bellum ex æquo erat: non enim muris magis se Samnites, quam armis ac viris incenia tuebantur. tandem pugnando in obsidionem justam coegit hostes: obsidendoque, vi atque operibus urbem expugnavit. itaque ab ira plures editum capta urbe: septem millia quadringenti cæsi: capta minus tria millia hominum: præda, quæ plurima fuit, congestis Samnitium rebus in urbes pancas, militi concessa est. Nives jam omnia oppleverant: nec durari extra recta poterat: itaque consul de Samnio exercitum deduxit. Venienti Romam triumphus omnium consensu est delatus. triumphavit in magistratu, insigni, ut illorum temporum habitus erat, triumpho. pedites equitesque insignes donis <sup>1</sup> transiere, ac transvecti sunt: multæ <sup>2</sup> civicæ coronæ, vallaresque, ac murales conspectæ. Inspectata spolia Samnitium: & decore ac pulchritudine paternis spoliis, quæ nota frequenti publicorum ornatum locorum erant, comparabantur. nobiles aliquot captivi, clari suis patrumque factis, ducti. æris gravis magna vis transvecta; vicies centies milles, & quingenta triginta millia, id æs redactum ex captivis dicebatur. argenti, quod captum ex urbibus erat, P. M. CCCXXX. omne æs argentumque in ærarium conditum. militibus nihil datum ex præda est. auctaque ea invidia est ad plebem, quod tributum etiam in stipendium militum collatum est: cum, si spreta gloria fuisset captivæ pecuniæ in ærarium illatæ, & militi tum dari ex præda, & stipendium militare præstari potuisset. Ædem Quirini, quam in ipsa dimicatione votam, apud neminem veterem auctorem invenio, (neque hercule tam exiguo tempore perficere potuisset) ab dictatore patre votam filius consul dedicavit: exornavitque

<sup>1</sup> Transiere ac transvecti sunt ) Transiere pedites, transvecti sunt equites.

<sup>2</sup> Civica corona, vallaresque, ac murales ) De civica & murali corona vid. ad VI. 10. Vallaris, sive Castrensis erat corona, qua donabat eum imperator, qui primus hostium castris pugnans introrarat. Ea corona insigne valli habebat. Fuit: fovebat ex auro.

vitque hostium spoliis . quorum tanta multitudo fuit , ut non templum tantum forumque his ornaretur , sed sociis etiam colonisque finitimis ad templorum locorumque publicorum ornatum dividerentur . A triumpho exercitum in agrum Vestinum , quia regio ea infesta ab Samnitibus erat , hibernatum duxit .

## C A P U T XXXII.

*Corvilius Cos. , ad gloriam rei bene in Samnia gesta addita laude prospere perfecti Etrusci belli , triumphat : condita in ararium parte capta pecunia , de reliqua ædem Fortis Fortuna facit : Lustrum in Urbe conditur : Ludi nova pompa spectantur : latis rebus interveniente pestilentia , Æsculapio supplicatur .*

**I**Nter hæc Carvilius consul in Etruria Troilium primum oppugnare adortus , quadringentos septuaginta dirissimos , pecunia grandi pactos , ut abire inde liceret , dimisit : ceteram multitudinem , oppidumque ipsum vi cepit . inde quinque castella locis sita munitis expugnavit . caesa ibi hostium duo millia quadringenti , minus duo millia capta . & Faliscis , pacem petentibus , annuas inducias dedit , pactus centum millia gravis æris , & stipendium ejus anni militibus . His rebus actis , ad triumphum decessit , ut minus elatum de Samnitibus , quam collegæ triumphus fuerat : ita cumulo Etrusci bellæ æquatum . æris gravis tulit in ararium trecenta nonaginta millia : de reliquo ære ædem Fortis Fortunæ de manubiis faciendam locavit , prope ædem eidem deæ ab rege Servio Tullio dedicatam . & militibus ex præda centenos binos asses , & 1 alterum tantum eenturionibus atque equitibus , 2 malignitate collegæ gratus accipientibus munus , divisit . Favor consulis tutatus ad populum est L. Postumium , legatum ejus : qui dicta die a M. Cancio Tr. pl. 3 fugerat in legationem ( ut fama ferebat ) populi judi-

1 Alterum tantum } Duplum .

2 Malignitate collegæ } Quia nimium parvus collega nihil militibus suis dederat .

3 Fugerat in legationem . . . populi judicium } Legatum se a consule eligendum curaverat , ut fugeret populi judicium

judicium: jactarique magis, quam peragi accu-  
 47. furio ejus poterat. Exacto jam anno novi tri-  
 buni plebis magistratum inierant: iisque ipsis,  
 quia vitio creati erant, quinque post dies alii  
 suffecti. Lustrum conditum eo anno est a P.  
 Cornelio Aruina, C. Martio Rutilo, censori-  
 bus: censa capitum millia ducenta septuaginta  
 U. C. duo, trecenta viginti duo. Censores vicesimi  
 401. sexti a primis censoribus: lustrum undevicesi-  
 mum fuit. Eodem anno coronati primum ob res  
 bello bene gestas ludos Romanos spectaverunt:  
 palmæque tum primum, translato e Græcia mo-  
 re, victoribus datæ. Eodem anno ab ædilibus  
 curulibus, qui eos ludos fecerunt, damnatis  
 aliquot pecuariis, a 1 Martis silice ad Bovil-  
 las 2 perstrata est. Comitia consularia L. Papi-  
 rius habuit: creavit consules, Q. Fabium Maxi-  
 mi filium Gurgitem, & D. Junium Brutum  
 Scævam. ipse Papirius prætor factus. Multis  
 rebus lætus annus, vix ad solatium unius ma-  
 li, pestilentiæ urentis simul urbem atque agros  
 suffecit. portentoque jam similis clades erat. &  
 3 libri aditi, quinam finis, aut quod remedium  
 ejus mali ab diis daretur. inventum in libris,  
 Æsculapium ab Epidauro. Romam arcessendum.  
 neque eo anno, quia bello occupati consules  
 erant, quicquam de ea re actum, præterquam  
 quod unum diem Æsculapio supplicatio habita-  
 est.

## FINIS DECADIS PRIMÆ.

J O.

1 A Martis ) A Martis æde.

2 Perstrata ) Per indicat hanc viam a porta Capena ad Martis Ædem stratam fuisse.

3 Libri aditi, quinam finis ) Libri Sibillini adiri, ut ex his disceretur, quinam finis ..

# JO: CLERICI IN T. LIVIUM NOTÆ.

## IN LIBRUM PRIMUM.

C. I.



*Uibus ab immenso prope errore &c.)*  
Immensum illum errorem non exprimit Livius, superioribus verbis; quibus in Macedoniam, Siciliamque, ac tandem Laurentem agrum appulisse Trojanos dicit. Sed loca, in quibus Aeneas

urbes condere voluit, attigisse contentus, cetera prætermisit, quæ vulgo sat nota erant. Multas alias terras petierat Aeneas, ut docebit Dionysius Halicarn. Lib. 1. c. 47. & seqq. Hinc Virgilius, qui non omnia finxit, sed in multis antiquam famam sequutus est, passim longos Trojanorum errores memorat, quos ideo etiam Livius immensos vocavit. Errores autem illi non a Sicilia demum cœperunt, sed ab ipso discessu ex Troade; neque enim *immensus error* fuit navigatio ex Sicilia in Africam, a Sicilia parum remotam, nec Livius fictum iter in Africam verum credebat. Itaque nihil hic mutandum, nec refingenda mens Livii.

I I. *Quia Deus auctor culpa honestior erat* ) Hæc de re copiose actum est ad Hesiodi Theogoniam, v. 940. Cum Vestalis aut Amulium, aut Sacerdotem Martis, aut alium nescio quem patrem puerorum prodere non auderet, dixit e Marte conceptos fuisse; quam fabulam ejus amici, simulata credulitate, ut propinquæ suæ saluti ac honori consulerent, adiuverunt & propagarunt. Deinde indole bellicosa utriusque pueri, rebusque gestis Romuli, confirmata est. *Tam hoc*, ut cum nostro loquar Præf. *gentes humana passa sunt dici equo animo quam Imperium Populi Romani patiebantur.* Vide cap. 15.

V I. *Urbis condenda.* ) Mirum est ingeniosissimum & eloquentissimum Historicum scribentem eo ævo, quo viri docti de ætate Urbis scripserant, hic non indicasse Olympiadem, annumque Olympiadis, quibus conditam Romam putabat; aut

certe annos ad sua tempora ab Urbe Condita elapsos. Nunc *Livii* sententia nobis est ex aliis locis, in quibus obiter ea de re loquitur, colligenda; quemadmodum fecit vir doctissimus *Henr. Dodwellus*, Diss. x. de Antiquis Romanorum Cyclis, ubi ostendit *Livium* sequutum esse *Æram Cætonianam*, quæ *Varronianæ* duobus annis brevior est, cœpitque a Palilibus anno 1. Olympiadis VII. Eum in marginibus *Livii* sequuti sumus. Vide primi hujus libri cap. 60.

VII. *Templa capiunt*. ) Hoc est Palatinum & Aventinum montes, quasi loca apta ad captanda auguria, deligunt. Ad *Festum* in contemplari, & *Varronem* lib. vi. de L. L. Vox est auguralis. Vide & cap. 18. ubi inauguratio Numæ.

VIII. *Jura dedit*. ) Qualia essent illa jura nemo non optaret a *Livio* traditum, ut & artes, quibus regnum administravit Romulus. Profecto *Dionysius Halicarnassensis* ea de Romulo narrat, quæ ostendunt non belli tantum, sed etiam pacis artibus ornatissimum fuisse, quæ apud eum legi poterunt. *Livius* videtur rerum bellicarum narratione magis delectatus, ideoque alias fere prætermisisse. Multæ in his erant plebi Romanæ sat notæ, & pleræque aridum argumentum eloquentiam libenter ostendenti suppeditabant. At Græci aliter senserunt, quod ignota suis scriberent, & ubique in Historia non usque adeo eloquentiæ laudem captarent: estque cur iis propterea gratias habeamus, multa enim absque iis ignoraremus.

VIII. *Natam e terra sibi prolem* ) Non sunt mentiti conditores urbium, qui hac in re neminem æqualium potuissent fallere, & qui de posteris decipiendis minime, ut puto, cogitabant. Sed posteris, mutatis linguis, antiqui sermonis parum periti, Maiorum suorum verba, & ore traditas historias perperam interpretati sunt. Prisca ætas populum terra vocaverat incolas cujusvis tractus, quos posteritas putavit absurde e terra natos, fabulamque ex re verissima finxit. Vide *Platonem* l. 3. de repub. sub finem. Quod autem dixi de sermone priscorum mortalium, id nirtur linguæ Hebræicæ usu, ac proinde etiam Phœnicæ; quæ eadem fuit, & quam colonis suis per omnia pene interni maris littora late sparserant Phœnices, ut in *Chanaane* ostendit Vir summus *Sam. Bochartus*.

XIII. *Cum populum in curias triginta divideret*. ) De ambiguitate vocis *Curia*, vide *G. J. Vof-*

*Vassum* in Etymologico. Hoc loco significat decimam partem Tribus. Nam Romulus diviso Populo Romano in partes tres, quas a numero *Tribus* dixit, singulas Tribus iterum divisit in partes denas; quibus singulis Curiis sacra sua partitua est, attributis Diis & Heroibus quos colerent, locisque in quibus cultus ille celebraretur, & sumptibus unde victimas, aliaque necessaria emerent. Idem vir doctissimus observat Curiis omnibus nomina non esse facta a Sabinis quod ostenderunt *Dionysius* & *Plutarchus*; sed nec de omnibus omnino curiis adfirmat hoc *Livius*, qui ut verum dixisse videatur, satis est aliquot Curiarum nomina e matronarum illarum nominibus desumpta. Ceterum vide *Festum* & *Vassum* ad vocem *Curia*.

XV. In quadraginta deinde annos. ) Intelligendum Numæ regnum, quod 42. annorum fuisse fertur. Vide cap. 21.

XVI. Mirum, quantum illi viro nuntianti hæc fidei fuerit. ) Ita recte J. F. Gronovius conjecit, cum antea legeretur fides; quod cur non eliminavit e *Livio*, non intelligo, cum solæ sit oratio, quantum fides fuerit. Sic juvenalis sat. 3. 143.

Quantum quisque sua nummorum servat in arca,

Tantum habet & fidei.

XVII. Pervenerant. ) Suspicio legendum prævaluerant, hoc est, plus valuerant quam totius ordinis auctoritas. Multoties usus est *Livius* voce prævalidus, quamquam verba prævaleo & prævaleo frequentiori in usu fuisse sequentibus ætatibus, quam Liviana non ignoro. Optimo tamen ævo ignota non fuisse ostendit J. G. Vossius l. 7. de Vitiis sermonis. Fuit & cum suspicarer pervenerant, hoc est, satis validæ erant, aut vires necessarias adquisiverant; sed exempla vocis ceteroquin analogicæ desunt.

XVIII. Usurpatur idem jus, vi adempta. ) Hoc est, idem quod attinet ad formam & rationem externam agendi, sit, quamvis nunc senatui sit vis adempta; cum nihil ab eo fiat, nisi nutu Principis. Vis pro auctoritate sumitur, ut infra cap. 43. Viritum suffragium eadem vi... datum, est... vis omnis penes primores civitatis esset. Si tempore Livii autem esse Senatus nolisset in Legibus, & Magistratibus rogandis, prout volebat Augustus, perinde fuisset; auctoritas enim Senatus dicis causa tantum adhibebatur, nec vim ullam habebat, dissen-

dissentiente Augusto. Vide *Suetonium* in Augusto c. 40. & ad eum *Is. Casaubonum*.

XIX. *Simulat sibi cum Dea Egeria.*) Vide & infra cap. 21. Si hoc ipse iactavit Numa, non superstitiosum, sed impostorem eum fuisse iudicemus oportebit. Confirmari hoc videtur eo quod dicitur de libris ejus l. 40. 29. Si quos fructus ex superstitione praesentes collegit, Reipub. postea vehementer nocuit. Prava haec fuit sapientia commentitiis superstitionibus animos plebis illaqueare, potius quam rectis institutis ad melius de Deo sentiendum adducere. Sed forte Numa ipse meliora non norat; facilius enim illis temporibus fuit dicere *quid non sit Deus, quam quid sit*. Vide *Cic. de Natura deor. lib. 1. cap. 21.*

XIX. *Solstitiali circumagitur orbe.*) Hoc est, a solstitio hiberno ad alterum solstitium hibernum porrigitur. Hic est *orbis solstitialis*, seu vices solstitialium in orbem redeuntium. Quod non notarem, nisi viderem a magnis Criticis minus intellectam hanc rem fuisse. De ceteris consulendi Chronologi, & praesertim *Henr. Dodwellus* diss. 10. de Cyclis.

XIX. *Quia aliquando nihil cum populo agi utile futurum erat.*) Pertinet hoc potissimum ad libertatis tempora, quibus, ob seditiosorum magistratum molimina, utile erat dies quosdam esse, quibus cum populo agere non liceret; ut bonis civibus tempus ad impediendum violentorum consiliorum exitum suppetere, quod dies nefasti suppetebant. Sed nescio an tempore Regum ejusmodi re nulla opus esset.

XXI. *Romulus septem & triginta.*) Mirum est tam alieno loco hoc dici, suo vero omissum; quod commodissime, narrata Romuli consecratione, memorari potuit, & nisi fallor, debuit.

XXII. *Imperitabat tum C. Cluilius Alba.*) Mirum est Albanum regnum, post Numitoris a nepotibus restituti mortem, ad Romulum devolutum non esse, cum ejus familiae hereditario jure antea fuisset. Si causam ejus rei norant Historici, digna erat, quae paucis diceretur. Sed rei tam antiquae memoriam jam olim intercidisse putarim.

XXIII. *Ab Albanorum stirpe Regum &c.*) *Livius* oriundos Romanos ab Albanis Regibus dicit, eadem figura, qua c. 16. eosdem progeniem Romuli vocat.

XXVI. *Horatio perduellionem iudicent.*) Hoc est, qui iudicent, in causa Horatii, an sit instar perduellis, seu hostis habendus, ac proinde occidendus. *Perduellionis* crimen tunc dicebatur quod-



vis flagitium, cui poena capitis, quasi facto cuiuspiam hostili imposita erat. Postea *perduellio* dictum est crimen majestatis. Glossæ Veteres: *Perduelliones*, αἱ κατὰ τὸ δῆμῳ τῶν ῥωμαίων βυλευόμενοι ἢ κατὰ βασιλέων. Vide & G. J. Vossium in Etymol. ad vocem *bellum*.

XXIX. *Albam*. ) Mendum hic erat in Gronovianis Editionibus, quæ habebant *Albani*. Data opera hoc a J. F. Gronovio mutatum existimabam, eum in erratorum indice non exstaret. Sed res ipsa & aliæ Editiones incuria tantum mendum hoc ejus Editioni insedisse ostendunt; quam sane doctissimo viro exprobrare nolim; quis enim in talibus non peccat? Humanitatem omnem exuerunt, qui ejusmodi peccata viris doctis exprobrant.

XXX. *Unaque hora quadringerorum annorum &c.* ) Parva fuit urbs, si una hora dirui potuit; sed est hyperbole in hisce omnibus. Contra *quadringeros* annos dixit pro *quingentis*, ut liquet ex *Chronologia Dionysiana*, quam vide.

XXX. *Valuit ... pacta cum Romulo induciarum fides.* ) Atqui sub hoc ipso Tullo fractam memorat Livius cap. 27. & seq. Aut ergo memoria hic eum fefellit, ut putabat Henr. Glareanus: aut renovatas easdem inducias, post bellum, intelligit. Eadem autem habentur, quia a Romulo coeperant.

XXXI. *Lapidibus pluisset.* ) Aut posterius majorem & duriorē solito grandinem male lapidem interpretati sunt, cum legerent *saxeam grandinem* cecidisse, ut in scriptore de Bello Africano c. 47. aut fraude jacti fundi ex occulto lapides, instar grandinis cadere visi. Pecuarii & sacerdotes fraudum ejusmodi auctores fuisse videntur; quia illi pecudes suas facilius vendebant, hi carnibus earum epulabantur. Ubi multorum quippiam verum videri interest, numquam desunt qui verum adfirmant, aliisque persuadeant.

XXXI. *Commentarios Numæ.* ) Idem fuisse non videntur ac libri cum Numæ sepulti. De quibus l. 40. cum Tullus superstitiosos nescio quos ritus in commentariis Numæ invenerit, libri vero sepulti ad Religionum dissolutionem facere viderentur. Vide & c. 32.

XXXII. *Quarum rerum &c. ad censēs.* ) Est hæc formula elliptica, quam ita supplendam putarim: *Quarum rerum, litium, causarum LEGES condixit pater patratus populi Romani Quiritium patri patrato priscorum Latinorum, hominibusque prius Latinis; quas res dari, fieri, solvi oportuit, ET quas res nec dederunt, nec fecerunt, nec solverunt; De*

*JIS dic quid censes . De conditione legum fœderis facta a patre patrato Vide c. 24.*

*XXXIII. Aventinum . ) Intellige jugum ; nec miraberis cum Glareano , cur Livius genere neutro Aventinum dicat .*

*XXXIV. Aquila suspensis dimissa leniter aliis . ) Videor mihi hic Poetæ cujusdam verba olfacere , qualia essent in descriptione hujus historiæ .*

*----- Jovis ales*

*Calo suspensis demissa est leniter alis .*

*Aufert illa apicem volitans , apteque reponit ;*

*Tum sublimis abit &c.*

*& res & verba Poetam magis decebant , quam Historicum .*

*XXXVI. Haud cunctanter discidisse cotem ferunt . ) Recte addit ferunt . Alioqui Ciceroniana illa ei objiceremus de Divin. lib. 2. cap. 38. Consemne cotem Attii Navii ; nihil debet esse in philosophia ( tu dic in Historia ) commentitiis fabulis loci . Sed cum antiquissimorum temporum Historiæ multas haberent fabulas , non potuerunt a recentioribus omnes prætermitti . Satis est , si modo ex antiqua fama se eas narrare Historicus testetur , non quod credat veras , sed ut ostendat , quæ fuerit superiorum ætatum aut credulitas , aut in mentiendo securitas . Statuam Attio positam non negarim , sed ab æqualibus in memoriam miraculi sibi comperti non credo . Postea a credulis , aut fraudulentis hominibus factum hoc fuerit .*

*XXXIX. Prodigium visu eventusque mirabile fuit . ) Hoc serio narrare videtur Livius , quod æque verisimile est , ac similis narratio de Ascanio , quam habet Virg. Æneid. 2. 680. & seqq. At cautius paullo loquitur lib. 25. cap. 39. ubi iterum similia de L. Martio . Apud omnes , inquit , magnum nomen Martii ducis est , & vera gloria ejus etiam miracula addunt , flammam ei concionanti fusam e capite sine ipsius sensu .*

*XLII. Jam enim inducia exierant . ) Si intelligantur induciæ in centum annos iis a Romulo datæ ut supra cap. 15. jam dudum erant elapsæ ; datæ enim erant non serius anno U. C. 37. qui ultimus fuit Romuli , & jam annus agebatur ab U. C. minimum 176. qui primus servii Tulli fuit . Sed forte productæ fuerant induciæ , cum fractæ fuerant sub Tullo . cap. 27. & iterum instauratæ .*

*XLIII. Centum millium aris . ) Prima classis centum millium aris dicitur Dionysio centum minarum ,*

rum, quod conficit Hollandicæ monetæ, neglectis fractionibus, summam 3000. florenorum. Secunda classis fuit *septuaginta quinque millium æris*, aut *septuagintaquinque minarum*, hoc est florenorum 2250. Tertia classis fuit *quingenta millium aris*, seu *quingenta minarum*, hoc est florenorum 1500. Quarta classis fuit *viginti quinque millium aris*, seu *viginti quinque minarum*, hoc est, florenorum 750. Quinta, ex *Dionysii* calculo, *minarum duodecim & dimidia*, hoc est, florenorum 375. ex *Livii* vero sententia *undecim millium aris*; seu undecim minarum, hoc est, 330. florenorum. Hæ fuerunt facultates, prout erant illa tempora, quibus rarior fuit pecunia, civium Romanorum in quinque classes distributorum. Intelligenda autem est fors uniuscuiusque classis, non fructus annuus bonorum, ne quis voce *census* fallatur. Hæc ex calculo Gronoviano; a quo quamvis *D. Gassendi*, & *J. Gravii* calculi non nihil recedant, nemo tamen ita dissidet, ut ex ejus abaco centum millia æris conficiant Gallicæ Monetæ hodiernæ libras Turonenses 65625. , ut habet vir doctus, qui in Gallia edidit *Livium* in usum *Delphini*, hoc est, plusquam 54000. florenorum Hollandicorum, quæ summa tanta est, ut forte nemo tunc civis Romanus eam habuerit. *Gassendus* censet centum millia aris confecisse Gallicæ Monetæ libras 372. *Is. Barrovinus*, in abaco ad calculum *Gravianam* confecto, 522. libras Anglicanas.

XLIII. *Scutum pro clypeo*. ) *Clypeus* fuit rotunda forma, *scutum* oblonga, sive ovatum esset sive imbricatum. Qua de re vide *Just. Lipsium* de *Militia Rom.* l. 3. d. e.

XLIII. *Dena millia aris*. ) Hoc est, monetæ Hollandicæ trecentos florenos, unde colligere licet raros tum fuisse in Italia equos.

XLIII. *Bina millia*. ) Ejusdem monetæ sexagenos florenos. Hos videntur solvisse viduæ Equitum Romanorum.

XLIV. *De incensis*. ) De non censis, qui & militia & omnibus honoribus erant exclusi, quippe numero civium non habiti. Miror *Livium* antea non dixisse quænam lex illa esset; est enim rectæ narrationis regula nihil in sequentibus dicere quod non ex antecedentibus intelligi queat, aut certe quod non exponatur, ubi primum occasio postulat.

XLIV. *Suovetaurilibus*. ) Mactatis tauro, arietem & hircum, ut docet *Dionysius* lib. 4. cap. 22. Pro hircum -

hirco, alii verrem dicunt, quod verius videtur. Vide *Just. Lipsum* ad *Tacitum*, *Histor. lib. 4. cap. 53.*

*XLV. Cujus Civitatis.* ) Multo maluissem a *Livio* bonas leges *Servii Tulli* copiosius expositas quam inania prodigia & vaticinia narrata fuisse. Verum eo *Livii* ferebatur animus, ejusmodi superstitionibus captus.

*XLVI. Pluribus tamen auctoribus filium ediderim.* ) Non fuit pluribus auctoribus fides habenda, dicentibus quod vix fieri potuit, ut egregie ostendit *Dionysius Halicarn.* lib. 5. cap. 6. & 7.

*XLVI. Junguntur nuptiis.* ) Intelligendi *L. Tarquinius & Tullia Major*, quorum nomina prætermisit *Livius*; quia ex antecedentibus & re ipsa facile poterant suppleri; neque enim mortui connubio junguntur. Quisquis leget attentius *Livium*, multa exempla ejusmodi ambiguitatis in eo inveniet.

*XLVII. Se esse Prisci Tarquini filium &c.* ) Quantum absum ab eorum infania, qui Veteros Scriptores spernunt, omniaque æqualibus suis, suæque experientiæ tribuunt, satis ex editis a me opusculis constat. Sed a directis orationibus abstinuisse Historicos mallet, cum aliis de rationibus, tum quia ex ingenio fictis ratiocinationibus eos, de quibus agunt, inducunt utentes, aliquando contra historiarum fidem. Sic hoc in loco *Tullia L. Tarquinio* objicit quod parum memor esset se esse *Prisci Tarquini filium*, cum nepotem dicere debuisset. Ignosco errori Historici, sed errorem suum cum his, qui errare non potuerunt, communicanti vix audaciam condono. Merito *Dionysius Fabio Pictori*, quem sequutus est hic *Livius*, exprobrat laboris impatientiam in quarendâ historia veritate, ἐν ταῖς ἱστορίαις τὸ περὶ τὴν ἐξέτασιν τῆς ἀληθείας ἀτρεκέως ποιεῖν.

*XLVII. Minorum gentium.* ) Hoc est, familiarum quas *Tarquinius Priscus* in Senatum allegerat; quæ cum hoc beneficio *Tarquiniis* devinctæ essent, facilius juvenis regii blanditiis, promissisque capi poterant, spe præsertim amplificandæ dignitatis, augendarumque fortunarum. Vide *Ciceronem*, Ep. Famil. l. 9. Ep. 21. & infr.

*LI. Diverticuli.* ) Idem est ac *diversorium*. *Dionysius* κατὰ κλίσιν in hac historia habet. Alioquin, ut notum, *diverticulum* est semita, quæ a via publica divertimus.

LI. *Caput aqua Ferentina*.) Rem paullo aliter describit Dionysius l. 4. c. 48. ubi habet : *εις βαρ-  
ραθρόν τι καταβάλλουσι καὶ ἐπισκιάζουσιν ἔτι ζῶν-  
τα εἰς τὴν γῆν διατρίβουσι παρὰ χρεμα*, in *barathrum quoddam deliciunt & defossū adhuc vivum  
in terram occidunt*.

LII. *Ex binis singulos faceret, binosque ex singulis*.) Cum manipuli essent centum virorum, e manipulo Romano quinquaginta viros sumsit, totidemque e Latino & sic e binis singulos fecit. Rursus e quinquaginta Latinis, totidemque Romanis alterum manipulum conflavit, ac proinde binos e singulis, seu milites singulorum manipulorum in binos divisit. De manipulo vide *Lipsum* de Militia Rom. l. 2. Dial. 3. qui institutum hoc Tarquinii postea non obtinuisse ostendit.

LIII. *Quadringenta talenta*.) Hoc est ex auro, argentoque captivo redegit summam florenorum Hollandicorum 720000.

LIV. *Dii dedissent*.) Cum pessimis artibus eam potestatem Gabii esset consequutus, mirum est hominem Diis eam acceptam referre; nisi diis tribuat, quod non impedivissent, quomodo maxima quæque scelera eis poterant tribui; aut nisi Deos se haud multo meliores esse putarent, quod ex mythica Theologia intelligere licet.

LV. *Exaugurare*.) Nimirum, non sine augurio capta illa loca fuerant, ut in iis Tempia ædificarentur. *Exaugurabantur*, simili ritu, dum aves consulebantur, ut ex iis intelligere liceret, utrum Diis, quibus aræ Templorum consecratae erant, volentibus, alii Deo eas consecrare liceret. Si addicerent aves, hoc est, si faverent, ex augurali disciplina, alii Deo consecrabanur; sin minus, intactæ relinquebantur, ne ira Deorum, sedes suas relinquere nolentium, moveretur. Rem ita se habuisse ex hoc loco adtente lecto, quivis deprehendet.

LVI. *Responsa sortium*.) Sortibus iactis, quibus certa quædam significatio tribuebatur, multa responsa a Sacerdotibus edebantur, ideo & *sortes* quodvis oraculum significavit, etiam ubi voce reddebatur, ut *Delphis*. Vide paullo inferius. Sic apud *Ovidium* *Metam.* 1. 368. *auxilium per sacras querere sortes*, est sciscitari oraculum Themidis voce responsuræ; quæ postea (v. 381.) *sortem dedit*, cum clara voce respondit: *discedite Templo* &c. De sortibus vero adi *Ant. van Dale* *dist.* 1. de Oraculis c. 14.

LVI. *Quod ea communis mater &c.*) E Deucalionis

674  
nis fabula repetita hæc fîctio videtur. Vide Ovidii Metam. l. 1. 393.

LIX. *Tribunum Celerum.*) Non poterat Comitia vocare, nisi qui Magistratum gereret. *Celeres* autem erant a Romulo instituti trecenti ad custodiam corporis, ut docet *Livius* supra c. 15. Hinc liquet, præsidium hoc subsequenter Regibus etiam fuisse. Sic quoque *Dionysius* Κελερίων ἄρχοντα Brutum vocat, non Καλλερίων, quæ vox nihili male fuerat sacerdotum versa, ut recte ab erudito viro *Joan. Hudsono* observatum. Vide *Dionys.* l. 4. c. 71.

LX. *Exactique inde liberi Regis.*) Mirum est *Livium* non dixisse Tarquinium ipsum, urbe exclusum, in castra redire conatum, exclusum quoque iis fuisse; tum etiam Romanos, fœdere cum Ardeatibus facto, obsidionem solvisse. Sed multas alias circumstantias ab eo omittas ex *Dionysio* liquet, quem adi.

LX. *Duo consules.*) Ab hoc anno, in summa pagina (sua scilicet *Livii* editionis) annos *Æræ Catonianæ*, auctore eruditissimo viro *H. Dodwello*, adscripsimus. Hic annus fuit Periodi *Julianæ* 4207. *Olymp.* 67. 1. 2. Ante Christum 507. *Æræ Catonianæ* 245. *Varronianæ* 247.

LX. *Præfetto Urbis.* Interrege a Bruto prodito, si *Dionysio* credimus, l. 4. c. 14.

## IN LIBRUM SECUNDUM.

C. V. **M**iserebat non pœna magis homines, quam sceleris.) Miseros eos censebant non tantum quod in prima adolescentia nobiles juvenes capite pœnas dabant; sed quod tam turpe facinus admisissent, eo patre nati atque in iis circumstantiis, quæ a *Livio* memorantur. Alioqui non video quid sit, miseret me sceleris, vix enim puto posse dici Scelus tuum facit me miserum. Vide *Sanctii* *Minervam* l. 4. c. 3.

V. *Eminente animo patrio.*) Si animus patris sit animus in patriam bene adfectus significatur constantia *Bruti*; si vero animus paternus, misericordia erga filios, quæ sese prodebat.

VII. *Ubi nunc Vicapota.*) Subaudiendum *Ædes*, aut *Templum*; nam ut vidit *J. Lipsius* *Epistol. quæst. lib. 2. Epist. 2.* est *Victoria* sic a priscis Romanis dicta, a vincendo, potiundo. Ei adsentitur *Ger. Jo. Vossius* in *Etym.* ad vocem *Vica*.

VIII. *Sacrando cum bonis &c.*) Qui sacri erant plebiscito, eos impune occidere licebat, ut docent *Festus*, in *sacer mons.* & *Macrobius* *Saturn.* l. 3. c. 7.

c. 7. *Bona vero sic sacra perdebantur* ; ut liquet exemplo segetis Tarquinii supra c. 5. Vide & Intr. ad septimanam Tabularum XII.

IX. *Quia impenso &c.* ) Sic J. Fr. Gronovius coniebat : *salis quoque vendendi arbitrium* , quia *impenso pretio venibat* , in publicum omne sumtum *ademptum privatis* . Adempta facultas privatis vendendi *salis* , quia nimio pretio venibat . Alioquin intelligi queat : *in publicum omni sumtu* ( conficiendi *salis* translato ) *ademptum privatis* ( qui eum sumtum antea tolerabant ) *vendendi ejus arbitrium* . Vix est ut vocula aliqua non exciderit .

X. *Transitum pontem .* ) Hoc est , ut recte J. Fr. Gronovius , nisi rumperent eum pontem , quem transferant . Alioqui si abesset *Tō pontem* , nihil deesset , & forte margini additum , ut vocem *transitum* explicaret , in contextum irrupit .

X. *Ingenti pontem obtineret gradu .* ) *Ingens gradus* merito est viris doctis suspectus . Si legeremus *immoto* , aut *immobili gradu* , res clara esset . Hostes enim eum *gradu movere* ut loquitur Livius l. 6. c. 32. & 7. c. 8. non potuerunt . Dionysius l. 5. c. 23. in hac eadem re , de Horatio duobusque ejus sociis : *διέμεινον ἐπὶ τῆς αὐτῆς βόσσεως* , manserunt in eodem gradu .

XII. *Adprobant Patres .* ) Percussorem immissum in Romanum Consulem , pro sociis bellum gerentem , Romani Historici probris omnibus lacerassent ; sed in Regem iturum , liberandæ Romæ causæ , laudarunt . Vituperamus nempe in aliis , quod laudamus in nostris .

XII. *Circumdari ignes &c.* ) Hæc omnia de igne admoto , deque constantia Mucii brachium torrentis , velut alienato ab sensu animo , omisit Dionysius l. 5. c. 29. quod fabulam esse putaret , ut est , & quod rem aliter ab aliis narrari videret ; inducit enim Porfennam fidem Mucio dantem , tormenta remissum iri , si rem quamdam magnam , quam scire se Mucius aiebat revelaret . Sed Livius libenter mirabilia sequitur , eloquentiæ commodam materiem præbentia .

XIII. *Inter tela hostium .* ) Mirabiliorem hoc reddit historiam , quasi in puellas natantes tela , ab Etruscis conjecta fuissent . Sed sat mirum erat puellas potuisse tranare fluvium , nemine impediēte , & sunt qui vix credant . Dionysius narrat custodes , puellis orantibus , ne nudas viderent , recessisse ; easque occasione usas Tiberim transisse .

XV. *P. Lucretius inde .* ) P. Valerio Publicola 111. Consuli Collegam dat Dionysius l. 5. c. 21. M. Ho-

*varium* iterum Consulem . Sic & *Cassiodorus* in Consulum Catalogo , ut & *Marianus Scotus* , aliique , ut observavit *Stephanus Pighius* , in *Annal. Romanorum* ; ubi *Livio hic* , quasi mutilo , fidem habendam negat . Ac sane *J. F. Gronovius* ex Codicibus mendosis nescio quæ vestigia parvis sequentis Consulum profert . Sed , ut verum dicam , non Librariorum sed *Livii* ipsius hic aliquam suspicor esse negligentiam ; quod si *Dionysio* credimus , ad alium annum retulerit gesta ejus anni , cujus Consules omisit . Nam anno , qui tertium Consulatam *M. Valerii* sequutus est , *Aruns* , *Porcennæ* filius , *Ariciam* ab antecedente anno obsidens , a *Cumanis* victus & occisus est , ut habet *Dionysius* l. 5. c. 36. Itaque nullam lacunam hic esse putarim . Interea ne turbetur *Chronologia* supplendi , post *P. Valerium* & *M. Heratium* , Consules *Sp. Lartius* & *T. Herminius* , qui magistratum gesserunt anno æræ *Caton.* 248. ante Christum 504.

XVI. *A turbatoribus belli.* ) Suspicaret pro *BEL-*  
*LI* legendum *FLEBIS* , quod proprius scripturæ *Cod-*  
*icum* quam *Gronovianum vulgi* , quamvis ita *Liv-*  
*ius* l. 4. c. 48.

XIII. *Dictatoris.* ) Magistratus cui dicto audien-  
tes omnes esse oportebat , & quo dicente quidpiam  
nulla erat amplius tergiversatio . Eo alludere vi-  
detur *Livius* paulo infra . De eo vide ad hunc an-  
num *St. Pighium* in *Ann. Roman.*

XVIII. *Man. Valerium.* ) Hunc tamen primum  
Dictatorem facit *Festus* in *Optima lex Qua* de re  
vide *St. Pighium* in *Annal. Rom.* ad hunc annum  
*Dionysius* , differt primam Dictaturam in tertium  
ab hoc annum , V. nempe C. 256.

XIX. *A. Pistumius Dictator.* ) Referenda hæc  
ad annum n. c. 258. ex sententia *Dionysii* l. 6. c.  
2. & seqq. quam sententiam probat etiam *St. Pigh-*  
*ius* .

XIX. *Tarquinius Superbus.* ) Sic etiam censue-  
rant *Licinnius* & *Gellius* , ut docet *Dionysius* l. 6.  
c. 2. qui eos confutat , quod *Tarquinius superbus*  
nonagenario tunc proximus esset . Itaque ei *Titum*  
& *sex. Tarquinius* substituit , & hunc in prælio  
cecidisse narrat , cum *Livius* diu antea *Gabii* ob-  
truncatum velit .

XX. *Fesso jam pedite &c.* ) Si Latini nullum æqui-  
tatum habuissent , facile intelligeremus , Equita-  
tum Romanum potuisse sine periculo descendere  
ex equis ; sed cum habuerint & quidem majorem  
Romano , si *Dionysio* credimus , mirum est cum  
equi-



equitatum non invasisse a lateribus Romanam aciem equitatu nudatam. Sæpe *Livius* ita loquitur, quasi hostibus Romanorum nullus equitatus fuisset. Sed rem aliter narrat *Dionysius*, cui potius crediderim.

XXVII. *Primipili Centurioni*. ) Vetustissima hæc est hujus ordinis mentio, ut observat. *J. Lipsius* de mil. Rom. l. 2. c. 8. *Primus Centurio* tunc dicebatur, & testis est *Livius* l. 7. c. 41. Fuit caput omnium Centurionum & ductor, qui honoris causa primi pili centurio dicebatur. Vide virum doctissimum, loco laudato.

XXVII. *Periculum libertatis*. ) Si retinenda vox *libertatis*, quæ a membranis Florentinis abest, hoc voluerit *Livius*: tantum abfuisse ut qui nexi antea servierant apud creditores, iterum amittenda libertatis periculum subirent; ut contra creditores jam sibi timerent, ne captivi ipsi a debitoribus abducerentur, quorum paupertati antea illnferant.

XXIX. *Non vulgabat*. ) Communem vulgo esse nolebat, ut ex sequentibus liquet. Vide c. 41.

XXX. *Defendi inermes Latinos*. ) Quod non ita intelligendum, quasi auxiliares copias nullas suppeditarint Latini; sed *inermes* dicantur fuisse, quod non suis, sed alienis auspiciis militarent. Vide c. 53.

XXX. *Defixis pilis stare suos jussit*. ) Hoc ipsum male cessit Pompejo in pugna Pharsalica, ut docet Cæsar l. 3. c. 92.

XXXI. *Equitatu immisso*. ) Mirum est Sabinos etiam Equitatum in Romanorum cornua non immisisse. Sæpe loquitur *Livius*, quasi Romanorum hostes aut Equitatu caruissent, aut uti nescivissent. Vide ad c. 20.

XXXIII. *C. Licinius &c.* ) Duos hosce primos Tribunos vocat *Ascon. Pedianus* in Cornelianam *L. Sicinium L. F. Bellutum*, & *L. Junium C. F. Paterculum*. Pluribus hac de re agentem consule *Steph. Pighium* in Annalibus Romanorum ad hunc annum, ubi & de Tribunicia Potestate.

XXXIII. *Sextantibus*. ) Sextis assis partibus, seu duabus unciiis æris.

XXXIV. *Utantur annona, quam furore suo facere*. ) Delevi *fruantur*, cum ab omnibus MSS. & antiquioribus Rhenanea editionibus abesset, ut testatur *Gronovius*. *Facere annonam*, est hic sibi annonam comparare, ut *facere corpus* est pinguiorem fieri.

XXXVI. *Visus Jupiter dicere &c.* ) Fac histori-

somnii esse veram, facile potuit fieri ut hominis phantasia turbaretur, quod somnium non esset ex sequutus, atque in morbum incideret qui levatus est, cum æger dixisset, quod somniaverat dicendum. Dein historia, ut fit, paullo ornatior prodit, atque hinc factum miraculum; quod dignum Romana Republica videretur præsentem ei interesse Jovem.

XXXVIII. *Ut omnia.*) Si oratio Tulli incipit a voce *veteres* legendum est, ut *omnes*, inquit, *obliviscamini alias*. Sed vide J. Fr. Gronovium.

XXXIX. *Sp. Nautius &c.*) Omisit Livius ante hos Consules duplex par. Consulum, Q. *Sulpicium Camerinum* & Sp. *Lartium Flavum*, qui Coss. fuerunt anno u. c. 264. a. C. 488. item C. *Julium Iulum* & P. *Pinarium Rufum*, qui superiores proxime sequuti sunt. Putabat St. *Pighius* culpa librariorum potuisse hæc nomina excidere, ostenditque quibus locis inferi possent. Vide similem omissionem ad c. 15.

XLI. *Eum cognita domi causa.*) Notissimum est apud Romanos patri jus fuisse vitæ & necis in liberos. Vide exemplum in Senecæ lib. de Clement. c. 15.

XLII. *Nunc extis, nunc per aves.*) est ἀντὶ τοῦ ἵκῃ, nam vates ipsi Deos per exta & aves consultabant, ut quid vellent rescirent.

L. *Unum prope puberem.*) Recte *Dionysius* l. 9. c. 22. hæc pro fabula habet, quia fieri non potuit, ut omnes Fabii, qui in castellum ad Cremeram averant, essent coelibes & sine liberis; contra morem Romanorum, qui & juvenes ducebant uxorem, & filios omnes educabant. Nec fieri etiam potuit, ut tot puberibus nulli essent fratre impuberes. Cetera apud ipsum vide, qui persuadebit hæc esse theatrorum figmentis similia, πλάτματιν εἰσικένων θεατρικοῖς. Mirum est hoc *Livio* non suboluisse; sed sæpe verisimilibus prætulit incredibilia.

LII. *Duo millia aris.*) *Dionysius* in hac historia multam hanc ridiculam ait sæculi sui moribus colatam, sed pauperi viro, tunc temporis, gravem fuisse. *Duo assum*, inquit, *millia*. *As autem nummus erat aneus libralis*. Erat ergo multa 2000. librarum Romanarum aris, quarum singulae sunt 12. unciarum. Ea tamen in caput vertit, quia *Menenius* mori, maluit domi, quam eam pati solvi ab amicis. Vide *Dionysium* l. 9. c. 17.

LVI. *Tributis Comitibus.*) Nimirum, curiatis antea comitiis creabantur, quæ a Patriciis pendebant. Curia.

Curiata enim Comititia, ut docet *Dionysius* l. 9. c. 41. oportebat fieri auctore Senatu, & addicentibus avibus, quæ auspicia ad solos Patricios pertinebant. Tributa vero comitia sine auctoritate Senatus, auspiciisve fiebant, ideoque potestati Patriciorum erant exempta. Itaque Patricii his adversabantur.

**LVIII. Motam industriam.** Rectius, nisi fallor, esset *notam industriam*; nam cum Ap. Claudius *adhortator operis* aderat, sponte sua non erat *mota industria* militum. Nec scio an moveri *industria*, eo modo dici queat.

**LIX. Centuriones, duplicariosque.** Polybius quidem Centuriones ostendit duplum stipendium accepisse, seu quatuor obolos in diem, ut observat *Lipsius* de mil. Rom. l. 5. c. 16. Potuere & alii propter egregia facta duplex stipendium accepisse. Sed hoc tempore Romæ nondum stipendium erat institutum. Itaque vir summus intelligit de duplici frumenti mensura, quod jam olim publice militibus datum: Sane Varroni 4. de L. L. *Duplicarii* sunt milites, quibus ob virtutem, duplicia ci-  
baria, ut darentur institutum. Vide *Lipsium* loco laudato.

## IN LIBRUM TERTIUM.

**CAP. I. U***Nus extincta &c.*) Fictam hanc totius Fabiæ gentis extinctionem ostendimus ex *Dionysio* ad cap. 50. superioris libri.

**VI. Ut tunc principium anni.**) Anni, nempe, Consularis; non civilis, cujus initium semper a Januario. Incidebant Calendæ Sextiles eo anno in 28. Augusti Juliani proleptici. Vide *Dodvvelum*.

**VII. Dii praesides &c.**) Multo probabiliora sunt quæ habet *Dionysius* l. 9. c. 68. ubi ostendit tantam non fuisse pestilentiam ut Romani sua mœnia tueri non possent, docetque quænam essent urbis munitiones. Sed *Livius* ad prodigia & Deos libenter confugiebat. Tanta non erat pestis in agro Romano, quin hostes in eo vagari non auderent, ac proinde non deerant defensores muris.

**VIII. Ante diem tertium Idus Sextiles.**) Iphis Idibus iniisse Magistratum Coss. putat *Dodvvelus*, & revera per aliquot annos sequentes, is dies fuit ineundi magistratus.

**IX. Infinita potestate.**) Revera regia erat, durante magistratu; quo exacto, poterat Consuli dies dici. Hinc intelligere est quanta esset Patriciorum superbia, & ambitio; quod non observant,

emendationem J. F. Gronovii ; cum lectio vulgaris, *insecutosque* careat sensu.

LIV. *Convellunt.* ) Cum sic haberent antiquæ Editiones, & Libb. MSS. nulla fuit ratio relinquendæ correctionis B. Rhanani, ex qua legebatur *convertant*. Vid. J. F. Gronovium.

LV. *Caput Jovi sacrum esset.* ) Posset impune occidi. Vide ad l. 2. c. 8.

LXI. *Concitat equos.* ) Sed ubi erat Volscorum; Æquorumque equitatus? Forte prædatum iverat. Sed alibi sæpe Livius perinde quasi hostes Romanorum æquitatu fuissent destituti, loquitur.

LXI. *Excursionibus sufficiendo.* ) Si hic locus sit sanus, sensus est, suppeditando milites iis qui excursions in hostile solum facere vellent; quæ ratione exercitabantur milites.

LXII. *Equites duarum legionum sexcenti.* ) Uniquique legioni erant decem tricenariæ turmæ, ut pluribus ostendit J. Lipsius de Militia Rom. l. 2. Dial. 6.

LXIII. *Jam tum Apollinarem.* ) Legebatur *circum jam tum*, sed cum ostenderit Gronovius additam fuisse ab Aldo vocem *circum*, cumque a Codicibus & Editionibus antiquioribus absit, delevimus. Nihil opus est contextum mendosum edere, ut lector hærens cogatur ad notas confugere, quas legere interdum operæ pretium non est.

LXX. *Ni suo proprio &c.* ) Mirum est equitatum Volscorum & Æquorum Equitatu Romano se in legiones Volscas & Æquas inferenti, se non objecisse; nam erat equitatus equitatum hostilem si non invadere, at certe observare. Similia in Livio sæpius animadvertimus. Vide ad lib. 2. c. 31.

## IN LIBRUM QUARTUM.

CAP. I. **C** *Curtius.* ) Hoc est verum nomen Consulis, ut ostendit St. Papius ad hunc annum.

II. *Ut (quemadmodum plebs &c.)* Lectionem Gronovianam primis Editionibus & MSS. propriorem admisimus.

II. *Perturbationem auspiorum.* ) Contendebant, nempe, Patricii neminem Plebejorum auspicia, seu jus capiendorum auspiorum, habere, ideoque decemviros connubium diremissee, ne incerta prole, auspicia turbarentur.

II. *Iterum concessum esse.* ) De Decemviris creandis.

II. *Finem non fieri.* ) Lege, *finem non fieri*; nempe, nova a Senatu petendi in gratiam Plebis; non posse in eadem &c. ut recte J. Fr. Gronovius.

VII. *Anno trecentesimo decimo.* ) Designati nempe sunt Tribuni hoc anno, sed magistratum gesserunt sequente. Vide *Henr. Doduvellum* diss. x. de Cyclis & Chron. Dionysiana Quia tamen tertio mense abierunt magistratu, annus signatur nomine Consulium postea creatorum.

VII. *Tabernaculum cepisset.* ) Similis loquutio apud *Ciceronem* de Nat. Deor. l. 2. c. 4. & *Val. Maximum* l. 1. c. 1.

VII. *Linteis libris* ) Vide hac de re *Henr. Doduvellum* in explicatione antiqui Diarii, subiecti prælectionibus Camdenianis. Meminit horum librorum *Livius* & infra c. 13.

XV. *Bilibris farris.* ) Hoc est, ut recte *Gronovius*, duabus libris farris; aut tritici, virgim, aut per familias divisis. *Glosse* antiquæ: Bilibre, χοιμή. Chœnix tamen quatuor libras Romanas & aliquanto plus tritici continuisse censetur. Vide *Ed. Bernardum* de Pond. & mens.

XVI. *Bove aurato.* ) Statuam vocat *Plinius* l. 18. c. 3. An fuit simulacrum bovis deauratum? judicent doctiores.

XX. *In thorace linteis.* ) *Tolamnio* detracto. Ejusmodi enim thoracibus utebantur, etiam contra tela. Vide *Lav. Torrentium*, & *Is. Casaubonum* ad *Galbam* *Svetonii* c. 19.

XXII. *Villam publicam.* ) Qua excipiebantur legati, aliaque fiebant, de quibus vide *Varronem* de R. R. l. 3. c. 2. Probasse eam dicuntur, quod architectis ædificandam locatam & perfectam inspeXissent, eamque talem esse dixissent, qualem optaverant. Vide l. 1. in *Verrem* c. 54. & 55.

XXIV. *Octuplicato censu ararium.* ) Tribu motum inter ararios retulit, eique octies gravius tributum imposuit. Vide *J. Fred. Gronovium* de pec. vet. l. 4. c. 1.

XXV. *Album in vestimentum addere.* ) Creta vestem dealbare, ut recte *J. F. Gronovius*, quem vide, ut & *Off. Ferrarium* de R. V. l. 1. c. 21.

XXIX. *Nec libet credere; & licet in variis opinionibus.* ) Licet, nempe, non credere propter auctorum dissensum; quibus consentientibus fidem derogare vix liceret.

XXXII. *Tribunus militum.* ) Mirum est a *Livio* ita loquentem induci *Mamercum Æmilium*, cum antea c. 20. dubium, aut etiam falsum esse ostendat.

dar ab A. Cornelio Cossō Tribuno Mil. spolia optima esse relata.

XXXIII. *Frenos ut detrahant Equis.*) Mirum profecto stratagemata, idque pluribus de rationibus; nam 1. Equus sine freno in nullam certam partem ab Equite dirigi potest, nec recta fertur in confertos hostes, qui vel fuste, aut clamore solo eum abigere possent. 2. Equitum turmæ sic plane dissipantur, ut agnoscit postea *Livius*. Itaque fructus fuisset, eo stratagemate, impetus turmarum, Equitibus hic illic palantibus, nec equos regere valentibus. 3. Curcumagi non potuissent equi; nec reduci in aciem, si ex ea exissent, & Equites in avia territi facile rapuissent. 4. Facillime ejusmodi equitatus a frenato dissectus fuisset, mirumque est equites hostium hoc non tentasse. Non minus mira sunt, quæ postea habet eloquentissimus scriptor, specie, qua territi fuerant milites, territos non fuisse equos, cum nulum fere animal facilius terreatur, & præsertim flamma. Nec magis placet Equitem, quem liberi frenis dispulissent Equi, terrori fuisse fugientibus hostibus; neque enim ejusmodi Eques facile sequi fugientes poterat. Scio Numidas habuisse equos effrenos; sed hic sermo est de equis freno adsuertis, nec Numidarum equitatus, sine frenis, frenato fuit æquiparandus. Expendant hæc Lectores, videantque an non forte *Livius* securius æquo sit superiores sequutus.

XXXIV. *Classibus ad Fidenas pugnatum.*) Exstat elegantissima *Tan. Fabri* Epistola, quæ est 47. l. 1. ubi ostendit *Livium* in antiquioribus, quibus utebatur, scriptoribus, non intellexisse vocem *Classes*; quæ apud præcos Romanos tam terrestrem, quam navalem exercitum, significabat. Qua de re vide etiam quæ collegit *Joan. Ger. Vossius*, in Etymologico.

XXXV. *Neminem se plebejum contemturum.*) Hoc est, neminem plebejum tam abjecte de se ipso sensurum, ut non auderet summos honores petere, si modo se contemtum non iri a plebe sciret.

XXXVIII. *Ex Equis desilirent.*) Quid interea agebant equites Volsci? Nulline erant? Vix credibile est. Si erant, cur non impetum faciebant in hosce equites pedites factos? Vix etiam capio, qui equites levius armati cum gravi armatura potuerint configere, quam ne legiones quidem loco movere potuerant.

XLI. *Decem millibus aris gravis.*) Decem mil-

libus assium librahū æris, seu decem millibus librarum Romanarum æris. Æstimant trecentis florenis pecuniæ Hollandicæ.

XLIV. *Quindecim millibus aris.*) Hoc est, totidem libris Romanis æris, quas æstimant quadringentis quinquaginta florenis Hollandicis.

L. *Necari sub crate.*) Genus supplicii, de quo vide l. 1. §1. *Plantus* in *Pœnulo* sic describit *Ast.* v. S. 2. 65.

*Sub eratim uti jubeas sese supponi atque eo  
Lapides imponi multos ut sese neces.  
Vide illic Frid. Taubmannum.*

LIII. *Collum torfisset.*) Collo tunicæ arreptum invitum, quasi strangulaturus, traxisset.

LVIII. *Qui, quia summa &c.*) J. F. Gronovius delet *qui*, & sic distinguit: *in tribunis. Quia summa vi restare nuntiabantur* (milites) *parum cogitaverunt* (Patres) *nulla &c.* Forte *cogitaverunt*, in *cogitavit* mutandum. Pro NULLA VIRTUTE, in sequentibus libenter legerem MULTITUDINE.

LIX. *Immitis.*) Sic ex Codd. legendum monuit J. F. Gronovius.

## IN LIBRUM QUINTUM.

CAP. I. *Artifices.*) Tibicines, aut hīstiones. Vide indicem Philologicum ad Philosophiam Orientalem Stanlejanam, in voce *Artifices*.

XXI. *In partem prada sua vocatos Deos.*) Dii non sunt qui prædæ cupiditate capiuntur, urbemque in quā culti fuerant propterea deserunt. Intra simili religione invidia Diis tribuitur. Sed Romani voce *Deus* potentio rem quidem naturam humana, sed hæud multo meliorem intelligebant. Quod cum ita sit, non mirum est proceribus Romanis, tempore *Livii*, Majorum superstitiones displicuisse. Vide l. 3. c. 20.

XXII. *Visne Romam ire Juno?*) Hunc *Livii* locum non satis intellexerat *Plutarchus*, nisi cum memoria fefellerit; nam *Livium* inducit dicentem quæ non dixit, in vita *Camilli* p. 132. Tom. 1. Ed. Par.

XXIII. *Jovis, solisque Equis Equiparari Dictatorem.*) Malim, *Jovi, solique equis equiparari*; nam hoc vult *Livius*, *Equis Dictatorem Jovi, solique*

lique æquatum, quia currus ejus trahebatur Equis albis, non aliter ac illorum deorum thensa. Non potuit dicere æquiparatum equis deorum, nisi ακιρολόγως.

XXV. *Furere civitatem, qua damnata.*) Furore, nempe, divinitus immisso, ut poenas neglectæ Religionis daret. Qua de re vide *Ciceronem* de *Haruspicum responsis* n. 39.

XXV. *Ut pilento, ad sacra ludosque, carpentis &c.*) Hinc liquet *pilentum* fuisse elegantius quoddam genus vehiculi, *carpentum* vero minus elegans, & magis vulgare. De utroque multis egit *Jo: Schefferus* de re vehiculari l. 2. capp. 17. & 25. quem vide.

XXVI. *Fortuna Imperatori Romano &c.*) Hoc est, nisi fortuna Imperatori Romano dedisset occasionem ostendendi *speciminis virtutis rebus bellicis* jam cognita, sed in aliis, quæ ad magnanimitatem pertinent, nondum satis hostibus perspectæ. Brevitas *Livium* hic, ut alibi obscurum reddidit.

XXXVI. *Signum datum.*) Vocale, nempe, quod per omnes ordines, dum alii alios excipiunt, brevi sparsum est. *Signum* autem dicitur, quod signi instar, quod ante pugnam dabatur, per aciem sit nunciatum.

XL. *Trecentos sexaginta annos.*) Erat annus 364. sed numero rotundo utuntur, ut solet fieri in locis, ubi non opus est accurato calculo. Vide cap. 54.

XLI. *Thensas ducentibus.*) Curribus, quibus signa Deorum vehebantur, præeuntibus. Solebant enim in ejusmodi pompa pretiosissimis vestibus, in honorem Deorum uti. Vide *Festum* ad vocem *Thensa*.

XLII. *Non omnis.*) Sic *Gronovius*, pro omnibus.

XLII. *Mentibus conspice.*) Hoc est, mentis compotes esse, quod hic quidem de animo rebus adversis expavescato; apud *Catonem* vero, de animo rebus prosperis elato occurrebat, sed eodem sensu. Vid. *Aul. Gellium* l. 3. c. 7. Sic *resipiscere* est ad priorem statum animi & corporis redire.

LXVI. *Cinctus Gabini.*) *Gabinus* cinctus est, ut docet *Servius* ad *Ancid.* 7. 612. toga sic in tergum rejecta, ut una ejus lacinia revocata hominem cingant. Vide init. ad eum *Virgilii* locum.

L. *Sub Jovis cella.*) Sic scribendum, non *fella*, ut erat in editionibus *Gronovianis* in 8, & in 12 annorum 1678. & 1679. Intelligitur sacellum *Jovis*. De cellis vide quæ congeffit *Henr. Doduvellus* ad *Diarium rerum urbanarum*.



LII. *Comitia curiata, &c.*) De usu horum comitiorum consulenda C. Sigonii, & Nic. Gruehii contraria scripta, quæ inserta Tom. 1. Ant. Romanarum.

LIV. *Qua ratio est expertis aliis alia experiri &c.*) Suppleverim hac, ita ut velit Camillus, nullam esse rationem cur Romanum solum expertis, in quo tot erant commoditates, alia experiri, aut tentare placeret.

## IN LIBRUM SEXTUM.

XXII. **N**on tam e republica, quam ut collega, &c.) Non fuit hoc consilium Senatus, quasi divinasset quid futurum erat. Est hic ut ἐκβατικόν, ut loquuntur Grammatici, quo eventus significatur, non animus eorum qui rem faciunt. Possent exempla ejus rei adferri ex Scriptoribus antiquis, etiam Ethnicis, quamvis apud Sacros frequentius occurrant.

XXIV. *In fluctuantem aciem.*) Recte Gronovius, inter fluctuantem aciem, sed mirum est equites peditibus æquatos, nisi hostes ipsi equitatu caruerint; quod non semel observavimus.

XXVII. *Quum Patribus, &c.*) Delet J. F. Gronovius, quum, & sic distinguit: nomina dabant. Patribus, &c. Forte legendum dum, nec opus erit, cum eodem in sequentibus, esset in esse mutare. Sed cum illo profectus hostis scripsimus, quoniam ita habent Mss. Codd.

XXVIII. *Pace obnoxia.*) Hæc verba monent de re a Livio omissa, qui leges fœderis cum Latinis facti, aut pacis eis concessæ prætermisit; quod non minus ad historiam pertinet, quam descriptiones præliorum, quæ plerunque dubiæ sunt. Centum annos hic dicit pro 120., ex ipsius sententia, cum prælium ad lacum Regillum commissum statuat anno U. C. 255.

XXIX. *Loci fortuna.*) Recte hoc irridet Dictator Romanus, sed cur dici fortunam quamdam malam adnexam putabant, potius quam loco? Vide hujus libri c. 1.

XXIX. *Præter castra etiam sua.*) Hujus loquutionis haberemus exemplum apud Terentium, si per Librarios licuisset, qui Phorm. Act. 5. s. 2. 3. corruerunt proverbium militare: ita fugias, præter castra, ex simili huic eventu notum. Scripserunt enim casam pro castra.

XXXIV.

XXXIV. *Quanto magis, &c.*) Omisit hic Livius Tribunos militares anni Catoniani 379. L. Papi-  
rium, L. Menenium, Ser. Cornelium, Ser. Sul-  
picium, quos memorat Diodorus Siculus ad Olymp.  
103. 1. Qua de re vide Henr. Dodwellum Diss.  
10. de cyclis. 2. 82.

XXXV. *Plus quingenta jugera.*) Non exiguus  
erat ille agri modus iis temporibus, nam, ut do-  
cet Varro de R. R. l. 1. c. 10. *Jugerum est, quod*  
*quadratos duos altus habet, Altus quadratus, qui*  
*& latus est pedes 120. & longus totidem.* Paulo post,  
pro *Consulumque*, scripsimus *sed Consulum*, ex an-  
tiquis libris, ut volebat J. F. Gronovius.

XXXVII. *Quatuor & quadraginta annis.*) Ab  
anno U. C. 311. ad annum 355. quo C. Licinius  
Calvus e plebe factus est Tribunus Militum. Qua-  
re confirmationem hinc trahit Dodwelliana Chro-  
nologia, quam sequuti sumus; cum ex aliorum cal-  
culo non inveniantur 44. anni inter hasce epochas.

XXXVII. *Esse & qui crederent duobusne.*) Lege-  
rim & distinxerim: *creatum?* *Essene qui crederent*  
*duobus in locis*, &c. Minima certe eo modo fit  
mutatio.

XXXVIII. *Uti rogas.*) Hoc est, fiat, uti rogas.  
Formula fuit qua plebs rogationibus assentieba-  
tur, ut recte ostendit Car. Sigonius.

XXXVIII. *Quingentum millium aris.*) Ingens  
pondus æris iis temporibus, & quod quinquies  
majus fuit censu primæ classis, de quo vide ad l.  
1. c. 43.

XL. *Sub conditione, inquit, &c.*) *to inquit*, re-  
fertur ad eum, qui ejusmodi objectiones profere-  
bat, quicumque esset. Sic solent Latini; ut mul-  
tis Seneca exemplis probare liceret, si ea nunc  
investigare vacaret. Itaque nullus quærendus hic  
nominativus.

XLI. *Ut nihil ne pro minimis quidem debeam.*)  
Hoc est, pro minimis plebejorum, qui Consula-  
tum adipiscerentur, nihil debeant populo, quasi  
illis etiam Consulatum conferre necesse haberet.

XLII. *Quum dignam eam rem.*) Cum eam di-  
gnam rem censeret Senatus, ob quam fierent ma-  
gnifici ludi, & uno die aucti, qui solebant comi-  
tari ferias Latinas; cumque idem censeret Aediles  
Pl. si unquam alias, merito id Deorum immor-  
talium causa facturos, eos onus recusasse; quod  
juvenes patricii susceperunt, honoris Deum immor-  
talium causa, ea lege ut fierent Aediles Curules.  
Sic interpretatur J. F. Gronovius Observ. l. 4. c.  
25. ubi plura.

## IN LIBRUM SEPTIMUM.

I. **Q**ui non, sicut ante, Fescennino.) Totum hunc locum copiose interpretatus est Ger. J. Vossius in Instit. Poeticis l. 3. c. 9. quem vide, neque enim res paucis verbis hic expediri posset.

II. *Cantari ad manum.*) Hoc est, ut optime J. F. Gronovius, gesticulationi, quæ saltando fiebat, cantando respondere, & pronunciare modulate quæ Histrio agat. Eum vide.

V. *Ruffulos.*) Tribuni legionibus a Consulibus præfecti, sic dicti a Rutilio Ruffo, qui legem ea de re tulit. Vide *Festum*, in voce.

VII. *Relictis equis.*) Mirum est leviter armatos equites potuisse pedites melius pugnare, quam ex equis, contra gravem armaturam Hernicorum. Sed ita saepe Livius. Vide not. ad l. 4. c. 38. 6. c. 24. & alibi.

X. *Surrecto.*) Hoc est, demisso quidem capulo, sed erecta cuspide, gladio in ventrem impacto. Glossæ veteres *subrigis*, ὑπορεῖς, ὑπεραρεῖς, *sub-rigo*, ἀναβιβαῖω, ἀνιπῶ, ὑποπῶ. Hoc est, ut sic dicam, de sub erigo, ut subicio in equum, est de sub jacio in equum. Demiserat caput Manlius, scutoque suo amoto superius scuto Galli, eum in ventre, eo modo quem dixi, ferit.

XII. *Ex fœdere vetusto.*) Hæc bella erat occasio recitandi fœderis cum Latinis, nisi talia refugeret Livius, ut prælia & victorias narret.

XII. *In principiis.*) Locus erat in castris ante tentoria Tribunorum, ubi plerique militum maximam diem partem terebant. Vide Just. Lipsium de Mil. Rom. l. 3. Dial. 8.

XIII. *Septimum primum pilum.*) Just. Lipsius non septimum ordine, sed iteratione dictum censet, seu qui jam septies fuerat Primipilus. Vide eum de Mil. Rom. l. 2. Dial. 8.

XVI. *De unciario fœnore.*) Unciarium fœnus fuit, quo duodecima pars assis in mensem solvebatur; hoc est more nostro, nummus unus pro centenis in annum. Vide J. F. Gronovium de centesimis usuris.

XVI. *De vicecima.*) Qua lege solvebant Aërario servum manumissuri vicelimumam partem pretii, quo æstimabatur.

XVI. *Decem millibus aris.*) Gravis hoc est, decem millia librarum Romanarum æris.

XVIII. *Post undecimum annum.*) Primus Consul plebejus creatus fuerat anno V. C. 389. a quo hic annus erat duodecimus.

XIX. *Levata usura erat, &c.*) Vide ad c. 16. Ne unum quidem nummum in centenos solvere plebs potuit, præ paupertate, vel sola sorte oppressa. Romani nempe, agricolæ & milites vix ullum lucrum, nisi fortuitam prædam excipias, faciebant.

XXIV. *Mutari.*) Hinc, apud Gallos, ante inventum pyrii pulveris usum, *Matras* vocabatur Sagitta Arcubalistæ. Vide viri doctiss. *Æg. Menagii*. Origines Gallicas.

XXV. *Contracta in unum, &c.*) Atqui C. Julius Cæsar in Gallia bellum cum decem, ac duodecim etiam legionibus, senum millium virorum, bellum gessit, ut omnes norunt; dum essent etiam alii exercitus, quamvis non tanti, in aliis Provinciis, sed sub Augusto Legiones viginti tres, aut viginti quinque fuere, ut observat *Dio Hist.* l. 55. Vide *Just. Lips.* in *Analectis rei milit. Oper.* t. 3. p. 237. & seqq. Itaque quæ hic habet *Livius* sunt hyperbolica.

XXVI. *Ditum mirabile.*) At mirabilius est *Livium* nulla re significasse se ejusmodi fabulæ fidem non habere; quod in tam gravi historia par fuit.

XXVI. *Macedonum opes.*) Bellum Philippo indixerunt Athenienses Olymp. 108. anno 3. qui in hunc partim incidebat, ut docet *Doduvellus* in *Chronol. Dionys.*

XXVII. *Semunciarium ex unciario.*) In centum asses vigesimam quartam partem assis solvebant; hoc est, ut nunc loquimur. dimidium nummum in centenos nummos quotannis. Vide *J. F. Gronovium* de centesimis & unciis usuris.

XXVIII. *Vetusto montis Albani prodigio.*) Vide l. 1. c. 31. & quæ illic notata.

XXXVIII. *In pestilenti atque arido circa urbem solo.*) Omnes, qui Romanum agrum viderunt & ætate præsertim in *Campania Romana*, ut nunc loquuntur, iter fecerunt, idem uno ore testantur. At antea l. 5. c. 54. *Saluberrimos colles urbis Romæ* jactat *Camillus*. *Just. Lipsius* de magnit. Rom. l. 3. c. 1. ait hodie vix ita esse, sed causam tribuit, cum solitudini & desertioni, tum auris e vicinis paludibus, vel æstuariis. Crediderim *Camillum* quidem oratorio more loqui; ex quo non semper vera, sed quæ conducunt, dicuntur; milites vero, de quibus hic *Livius*, ex vero describere agrum Romanum.

XLI. *Primus Centurio.*) Vide not. ad l. 2. c. 21.

## IN LIBRUM OCTAVUM.

I. **L**ua Matri. ) Ea est uxor Saturni, quæ Rhea, vel Ops dicitur. Vide Gellium l. 13. c. 22. & ad eum Jo. Fred. Gronovium.

II. In fœdere Latino. ) Recitatum antea oportuit, ut non semel monuimus; præsertim cum antea Romani pati noluissent ut Latini semetipsâ defenderent, nedum ut suis auspiciis bellum ulli populo inferrent. Vide notas ad l. 2. c. 30.

VIII. Clypeis antea Romanis usi sunt. ) Sic erat in antiquioribus Editionibus, non Romani, ut est in Gronovianis; ac sane agitur de Latinis, qui ex fœderatis stipendiarii facti sunt, non Romanis. Videtur Scutum gerere minus honorificum fuisse quam gerere clypeum; nam Romæ prima classis clypeum, secunda Scutum gerebat. Vide l. 1. c. 43. & seqq.

VIII. Postremo in ordines, &c. ) Totum hunc locum qua emendavit, qua interpretatus est Just. Lipsius de Milit. Rom. l. 4. dial. 1. & 2. Angustia oræ cum omnia nequeant contineri, cum Lectores adeant. Sequentia tamen de Latinis dici, non Romanis videntur, quamvis dicta censeantur & de Romanis, quia similiter erat structa acies. Legit autem Lipsius, probante J. F. Gronovio, Ordo milites sexagenos duos, centurionem & vexillarium unum habebat --- manipuli decem --- viginti manipulorum --- alii decem ordine --- earum unamquamque primam Pilum vocabant. Rationes apud illum vide.

VIII. Surrecta. ) Vide ad lib. 7. c. 10.

VIII. Quinis millibus. ) Imo, hisce temporibus quaternis, ut recte Lipsius & Gronovius.

XI. Denarios nummos 450. ) Si Denarii decem ex calculo Gronoviano confecerunt 3. florenos, summa erit 135. florenorum.

XII. Cujus tum erant fasces. ) Vicibus, nempe Consulibus præferebantur. Vide l. 2. c. 1. & infra l. 9. c. 8. & Henr. Doduvellum ad Acta Diurna Senatus & Populi, ubi sæpe mentio fit Consulibus penes quem erant fasces.

XIV. Clarigatio. ) Vox obscura a tempore Quintiliani, ut testatur Inst. l. 7. c. 3. Videtur hic esse denunciatio clara voce facta ne Tiberim transirent, sin minus multam mille pondo æris gravis solverent.

XIX. Creati Consules. ) Deest ante hosce par Consul L. Papirius Sp. F. & C. Pœtilius C. F. ut

F. ut probavit *Henr. Doduvellus* Diss. 10. de Cyclis n. 78. & 79.

XX. *Semoni Saneo*. ) Herculem sic dictum a Sabinis ex *Ovidio*, aliisque veteribus notum, qua de re vide *Lil. Greg. Giraldu*. Consecratio autem hæc sita fuit in æneis orbibus, in ejus templis suspendendis, ut sequentiæ docent.

XXII. *Recepta Palapoli*. ) Hoc est, admissa intra Palæpolim scripserat. Vide *J. Fr. Gronovium*.

XXIII. *Oriens nocte*. ) Vetus est loquendi genus, pro surgens, ut recte observavit *Alb. Rubenius* ex *Velio Longo* de Ortographia p. 2234. ed. *El. Putschii*. *Oriens Consul Magistrum Populi* dicat. Itaque eliminavimus, *oriens nocte*, quod damnat etiam *J. Fr. Gronovius*.

XXIV. *L. Papirium, &c.* ) Qui Varronianum ab Urbe Condita calculum sequuntur huic Dictatori, & Magistro Equitum annum singularem tribuunt. Vide *Henr. Doduvelli* Chronologiam Dionys. Diss. 10. de Cyclis Romanis.

XXX. *Detrahit frenos equis, &c.* ) Vide notas ad l. 4. c. 33.

XXXIV. *Sacrata militia*. ) In quam, nempe, Sacramento adacti nomen milites dederunt.

XXXVII. *Aulium*. ) Sic pro *Æmilium* scripsimus, ita consentibus *Car. Sigonio*, *St. Pighio*, & *J. F. Gronovio*. Sic & postea scripsimus, & sustulimus, *Aulium* quidam *Annales* habent, quasi Glossema, iisdem auctoribus.

## IN LIBRUM NONUM.

I. **A** *Dversus Deos*. ) Malim *adversos Deos*. Alioquin addendum esset *Vos*. Sensus est: pro certo habete, non homines, sed Deos adversos bellum vobiscum gessisse.

III. *Per annos jam prope triginta*. ) Ab anno 412. cœperat bellum. Vide l. 7. c. 29.

VIII. *Penes quem fasces erant*. ) Vide ad l. 8. c. 12.

VIII. *Tribunis plebis*. ) Magistratum hunc post reditum e castris cœperat; nihil enim erat negotii Tribunis plebis in exercitu.

XVI. *Parem destinant animis*. ) Cum sic habeant Mss. Codd. & Vett. Editiones, nihil mutarim. Hoc vult *Livius*, homines suæ ætatis cogitantes de eo quod olim futurum fuisset, si *Alexander* devicto Oriente, in Italiam arma convertisset, *animo destinare L. Papirium Cursorem*, qui ei par futurus fuisset. *Destinare* hic est designare.

gnare , ut c. 24. Nam loquitur de priscis Romanis , Alexandri æqualibus , quibus , ut habet c. 18. *ne fama quidem notum* arbitrabatur fuisse Macedonum Regem .

XVII. *Nihil minus quasitum , &c.* ) Hanc digressionem male hic collocari censet *Henr. Dodwellius* vir doct. Diss. 10. de Cyclis Rom. Paragr. 72. quia annus Catonianus U. C. 435. concurrit cum annis Olympiadis 115. 3. & 4. cum Alexander mortuus sit anno U. C. 429. Olympiadis 114. 1. hoc est , sexennio ante hunc Consulatum Papirii Cursoris . Sed nec hoc ignorabat *Livius* , nec necesse erat hæc dicere ad annum , quo mortuus erat Alexander . Licuit hac de re agere ubicumque sermo fuit de Magistratu viri fortis , qui Alexandri æqualis fuit , quamvis primus ejus Magistratus non fuerit ; neque enim scribit *Livius* annales vitæ Alexandri .

XVII. *Cyrum .* ) Sequitur eorum sententiam ; qui Cyrum a Thomyri victum volunt , qua de re vide Herodotum l. 1. 214.

XVII. *Longe alius , &c.* ) At Alexander cum Græcis , etiam artis militaris peritissimis , & cum Thracibus , Peronibusque barbarorum fortissimis feliciter dimicavit ; nec minores erant montes , saltusve minus impediti in Thracia , vicinisque locis , quam in Italia . Sed hanc comparisonem accurate expendi non patitur oræ angustia .

XVII. *Recentia domestica cladis , &c.* ) Si , nempe , post mortem Avunculi ex Asia redux bellum in Italiam intulisset . Eam mortem refert *Dodwellus* ad annum U. C. 421. qui præcessit annum , quo ad Arbela victus est Darius . Alii serius eum collocant , & quidem quadriennio post .

XVIII. *Paullo plus decem annorum .* ) At paullo infra tredecim annos tribuit Alexandro . Sic sæpe *Livius* rotundis numeris utitur .

XVIII. *Ostingentesimum .* ) Si numeres ab excidio Trojæ , annus mortis Alexandri in annum 861. ex *Henric. Dodwelli* calculo incidit . Sed crediderim *Livium* , qui vixit medio octavo post conditam Urbem sæculo , perpetuam Populi Romani fortunam ad sua usque tempora voluisse conferri cum brevitate vitæ Alexandri . Itaque non est legendum hic , pro *ostingentesimo quingentesimum* , ut volunt nonnulli , nam quinti sæculi ab U. C. quarta pars dumtaxat erat elapsa , Alexandri ævo ; mortisque ejus tempore decima tertia ætas ab eodem initio effluerat , & decima quarta agebatur .

**XVIII. Sacula plura . )** Viri docti intelligunt *etates* , quæ spatio 33. annorum finiebantur . Sed ne sic quidem *Livio* ratio constet , nisi eum *octingentesimum* scripsisse statuas , ita ut fuerint plus quam viginti *etates* .

**XXII. Consules novi . )** Hisce verbis subjicienda hæc censent viri docti , *L. Papirius Cursor IV. & Q. Publilius Philo IV.* quasi omissa non a *Livio* , sed a Librariis . Certe fuerunt hujus anni Consules . Vide c. 24.

**XXXIV. Centesimus jam annus , &c. )** Factum hoc anno U. C. 321. a quo ad hunc fluxerunt 123. sed rotundis numeris passim utitur *Livius* .

**XXXVIII. Diem diffidit . )** Hoc est , rem in alium diem differre coegit . Vide A. Gellii N. A. l. 14. c. 2.

**XL. Forma erat scuti , &c. )** Vide de hac descriptione *Just. Lips. Saturnal. l. 2. c. 11.*

**XL. In transversa latera hostium . )** Nulline erant ergo Samnitum equites . Sic oportet fuisse , aut parum accuratum *Livium* .

**XL. Argentariarum . )** Nempe , officinarum . Vide l. 26. c. 27. Delevimus ergo argentariorum ex sententia *Amplii* . Viri *Gil. Superi* .

**XLVI. Cum appareret Edilibus )** Adstaret Edilibus , ut si suo scribæ officio indigerent , paratus esset . Vide A. Gellium l. 6. c. 9.

**XLVI. Fierique se pro Tribu . )** Hoc est , se eligi Adilem ab eo qui suffragium pro Tribu prærogativa ferebat . Vide *Jo. Fr. Gronovium* .

## IN LIBRUM DECIMUM.

**III. C. Cilnium Genus . )** Vide quæ hac de gente collegit *J. H. Meibomius* in C. Cilnii Mæcenatis vita c. 3.

**VIII. Qui patrem ciere possent . )** Syllabæ *cius* , sunt , ut recte *Vossius* , productio vocis in *patri-cius* , ut in *Edilicis* , *Tribunicis* , *noviciis* , &c. sed Romani analogiæ Linguae suæ non ita periti erant , ut ex *Varronianis* Etymologiis liquet .

**XI. Ut patres . )** Delet *Gronovius* *to ut* , & legit , *deterruerunt* . Videtur majus aliquod mendum latere .

**XIII. Intra decem annos . )** Vide l. 7. cap. 42. Consul postremum fuerat *Fabius* anno Urb. C. *Catoniano* 445. Itaque ex *Livii* calculo , decimus hic agebatur annus , ex quo *Fabius* Consulatu abierat . Ergo videtur plenum decennium elabi debuisse , antequam in comitiis consularibus cujuspiam ratio haberi posset .



XIV. *In primum* . ) Nempe locum . Vide J. F. Gronovium .

XIV. *Non vero tantum metu* . ) Legerim , non vero tantum motos metu ; hoc est , non usque adeo territos fuisse admoto terrore vero legionum & equitum , quam vano novi exercitus . Vide *Artem Criticam* p. 3. f. 1. c. 5.

XXV. *Nobiliorem* . ) Lego *mobiliorem* , ob rationes dictas , *Artis Critica* P. 3. f. 1. c. 4.

XXIX. *Defuncto Consulis fato* . ) Periculo , nempe , defunctos , ac proinde cladi creptos .

XXIX. *Ingens hortamen* , &c. ) His verbis continetur ratio felicitis successus ejusmodi devotionum ; nam milites ducis , qui se devoverat , infante esse putabant amisso duce vitæ suæ parcere , simulque sperantes sibi adfore Deos , multo acrius pugnabant , & victoria sic potiebantur ; quæ animis militum , non placatæ iræ Deorum , aut Diis in hostes concitatis debebatur .

XXX. *Aris octogeni vini* ) Supple , *librales nummi* , hoc est 82. libræ Romanæ æris .

XXXI. *Aris trecentis decem* . ) Hoc est , trecentis decem nummis æreis libralibus .

XXXI. *Annum sextum & quadragesimum* . ) Inchoatum fuerat anno Catoniano 412. Vide l. 7. c. 32.

XXXI. *Quinam sit ille ; quem non pigeat* , &c. ) Ratio diuturnitatis belli hæc videtur fuisse , quod plerisque belli annis exiguis pugnis & populationibus contenti exercitus victores ac victi domum reducerentur , urbesque præcipuæ incolumes manerent . Alioqui si captis urbibus omnibus aut plerisque præsidia fuissent imposita , diuturna esse bella non potuissent . Fateor numerum casorum non exiguum a priscis Historicis edi , sed in hujusmodi rebus auctiora omnia ad nos venerunt .

XXXV. *Dubiam victoriam esse* . ) Hoc est , posse sperari victoriam , sed ei , qui inermis hostem operiatur , certam mortem , aut servitutem esse expectandam . Sic optime Gronovius .

XXXVII. *Quingentum millium aris* . ) Hoc est , ex calculo Gronoviano , monetæ Hollandicæ florenos 37500.

XXXVIII. *Caput Jovi sacratum erat* . ) Ut impune occidere liceret . Vide ad l. 2. c. 8.

XL. *Tripudium solistimum* . ) Cicero de *Divin.* l. 2. c. 34. *Cum pascuntur* ( pulli ) *neceesse est aliquid ex ore cadere , & terram pavire* , *terri pavium primo* , post *terripudium dictum est* , hoc quidem jam *tripudium dicitur* . Cum igitur ossa cecidit ex ore pulli ,

pulli, tum auspicanti tripudium solistimum nunciant. Vide & Festum in solistimum. Non dubito quin sæpe ita decepti & duces & milites, ut fuit Papirius, egregias victorias retulerint, quia animosius pugnarunt.

XL. Ante doctrinam Deos spernentem natus.) Aequalis quidem horum temporum fuit Epicurus, sed nondum in Italiam illata fuerat hæc doctrina.

XL. Si quid falsi nunciat.) Sic religionem in rem suam eludebant homines callidi; licet enim mentitus esset pullarius, ejus mendacio mentem Deorum mutatam credere vix ac ne vix quidem poterat. Sed Papirium astutum fuisse liquet, ex morte pullarii, quem telo quasi forte emissio occidi sine dubio curavit, ne animos militum turbaret; quod tamen non sine numine Deorum factum finxit. Vide c. 42.

XLII. Pocillum mulsi.) Joculare votum hominis, cujus animus inani religione præpeditus fuisse non videtur. Attamen Livius hoc in serium vertit. Vide ad c. 40.

XLIV. Corniculis.) Ornamenta fuere militaria, seu essent cassidi imposita, seu aliunde suspenderentur, cornu similia. Glossæ: corniculum, *κρινάριον*.

XLVI. Vicies centies, &c.) Recte ex vestigiis Vett. Mss. conjicit Gronovius, *vicies centena & ad triginta tria millia*, hoc est, Philippi viginti millia, trecenti triginta, seu circiter sexaginta millia florenorum. Pecunia millia 330. conficiunt, eodem calculo, Philippos tredecim millia trecentos, seu florenorum triginta novem millia & trecentos.

XLVI. Centum millia aris gravis.) Pondo, nempe duodecim unciarum.

605303







605302



